


ნოდარ ბრიგალაშვილი

თანამდევნი სული

(ილია და მისი ეპოქა)

2 წიგნად



ნოდარ გრიგალაშვილი

თანამდევნი სული

ტომი II

დიდ მადლობას ვწირავ „ჩაღლარის საგანმანათლებლო
დანესებულებათა“ ხელმძღვანელობას
საქართველოს განათლებისა და კულტურის სფეროში
გაღებული წვლილისათვის

გამომცემლობა
„ახალი საქართველო“
თბილისი
2011 წ.


თავი პირველი

ილიას წუთისოფელი

1837-1907

1900

თეატრის იუბილე. გიორგი წერეთლის გარდაცვალება. ილიასა და ნოე ჟორდანიას პოლემიკა. ფულის მოპარვა ილიას ბანკიდან. ილიას ავადმყოფობა და ბერლინს გამგზავრება. უკანასკნელი მოპიკანი. უნივერსიტეტის საძირკვლის კურთხევა.



„არის ორი დანესებულება, რომლის კარი მუდამ ღია უნდა იყოს ყველასათვის და შიგ შესვლა უფასო. ეს გახლავთ ეკლესია და სკოლა, ღვთის ტაძარი და ტაძარი ცოდნისა“.

ილია

1900 წლის 2 იანვარს აღინიშნა ქართული თეატრის დაარსებიდან 50 წლის იუბილე. ილიას უკვე მომრავლებულ და მომძლავრებულ ოპონენტებს, ეს სიამოვნებთ თუ არა, ის მაინც ექცევა ყოველგვარი საზოგადო საქმის ცენტრში.

თეატრის იუბილე უილიაოდ წარმოუდგენელია, რადგან პროფესიული თეატრი არსებობას დრამატული საზოგადოების შექმნის შემდეგ იწყებს. დრამატული საზოგადოების შექმნის სათავეში კი ილია იდგა. 1879 წლიდან მოყოლებული, თეატრი იყო ადგილი, სადაც რუსული-პოლიტიკის ყიამეთში მშობლიურ ენას გაიგონებდი.

ისე ახლოს მწერალი და მსახიობი ერთმანეთთან არასოდეს ყოფილან, როგორც ეს მე-19 საუკუნის 80-იან წლებში და XX საუკუნის დასაწყისში იყო.

მწერლები თავადაც მსახიობობდნენ, რეჟისორობდნენ, ხოლო მსახიობთაგან ბევრი სცდიდა ბედს მწერლობაში.

მარტო იმის გახსენება რად ღირს, რომ სცენაზე ილია და აკაკი გამოდინდნენ, ხოლო ყაზბეგს სული მისდიოდა ფიცარნაგისთვის.

იმ დროისთვის, რომელსაც აქ ვეხებით, გვყავდნენ დიდი მსახიობები: ლადო ალექსი მესხიშვილი, ვასო აბაშიძე, ნატო გაბუნია-ცაგარელისა, მარიამ საფაროვა-აბაშიძისა, კოტე ყიფიანი, ელისაბედ ჩერქეზიშვილი, კოტე და ეფემია მესხები, – და-ძმა სერგეი მესხისა, ვალერიან გუნია და სხვანი.

იმჟამად მსახიობობა იყო გმირობის ტოლფასი, რადგან გასამრჯელო იმდენად მცირე გახლდათ, თეატრი ფაქტიურად სცენის ფანატიკოსების ენთუზიაზმზე არსებობდა.

ამის მიუხედავად, თეატრის უმნიშვნელოვანესი მისიიდან გამომდინარე, ქართველებმა შექმნეს სახალხო თეატრებიც, რომელთაც ადგილობრივ სცენისმოყვარეთა ძალებით ამუშავებდნენ. იყო სახალხო კითხვის საზოგადოებაც. სხვათა შორის, რუსებმა სახალხო თეატრებს კი მისცეს უფლება ქართულ ენაზე დაედგათ წარმოდგენები, მაგრამ იგივე სპექტაკლი აუცილებლად რუსულადაც უნდა განეხორციელებინათ... ხოლო სახალხო კითხვები მხოლოდ რუსულად იყო ნებადართული. რა ნაეკითხათ, ისიც ზემოდან იყო დადგენილი. ასე, მაგალითად, ნებადართული გახლდათ სცენიდან ეკითხათ ტექსტი თემაზე ყვავილის აცრა ან ჯვაროსნების ლაშქრობა, ან კოლუმბი და ამერიკის აღმოჩენა და სხვა მისთანანი. თბილისში ამ საზოგადოების, ანუ „სახალხო კითხვათა კომისიის“ თავმჯდომარე იყო ცნობილი საზოგადო მოღვაწე ნიკო ხუდადოვი. თუ რაოდენ საშიში იყო იმ დროს საზოგადო მოღვაწეობა, ჩანს ამ კაცის ტრაგიკული ხვედრიდან. შეიქმნა „ჭეშმარიტ რუსთა კავშირი“, რომელიც შოვინისტი და ხულიგანი რუსების კავშირი იყო. პირველი მკვლელობა თბილისში მათ ხუდადოვის წინააღმდეგ ჩაიდინეს. ექიმი ხუდადოვი რკინიგზის საავადმყოფოში, თავის სამსახურში მიდიოდა, უკნიდან მიეპარა მკვლელი და ტყვია დაახალა. საავადმყოფოდან გამოცვენილმა პერსონალმა ვერაფერი იღონა, მათი საყვარელი ექიმი სისხლში ცურავდა.

რაც შეეხება სახალხო თეატრებს, აქ ძირითადად მოყვარულნი თამაშობდნენ. ერთ ანეკდოტურ ამბავს გვიამბობს გ. ლასხიშვილი, რომელიც ამ დროისთვის დრამატული საზოგადოების წევრად იყო არჩეული. „მეც მოვინდომე ჩემი სცენიური ნიჭის გამოცდა – ჰყვება იგი – მომცეს გიორგი ლაშას როლი კ. მესხის „თამარ ბატონიშვილში“

...მე ერთობ ბეცი ვარ და ორ ნაბიჯზე ვერაფერს ვხედავ. ამ გარემოებამ დიდ უხერხულობაში ჩამაგდო და თან სამუდამოდ მომიკლა არტისტობის ჟინი.

თუ არ ვცდები, მეორე მოქმედებაში გიორგი ლაშა და დედოფალი წარდს თამაშობენ. დედოფლის როლს ასრულებდა მარიამ დემურიასი. პირველსავე გაგორებაზე კამათლები იატაკზე გადმოცვივდა. გადავხედე ჩემს ამალას, არავინ ადგილიდან არ იძვრის. ამალა შედგებოდა შემთხვევით თეატრის დარბაზიდან მოყვანილ ახალგაზრდა ხელოსნებისგან, რომელთაც სასტიკად ნაბრძანები ჰქონდათ, უძრავად მდგარიყვნენ მეფის სიახლოვეს, დაბალი ხმით მივმართე კიდევ, – „კამათელი მომიძებნეთ“ მეთქი, მაგრამ ისინი

იდგნენ გაშეშებულნი. სხვა გზა არ იყო, დავტოვე სავარძელი და დავინწყე იატაკზე ფორთხვა. ცოტა ხნის შემდეგ დედოფალიც გამოძვრა და ასე კარგახანს დავფორთხავდით. ამაღლა კი თავზე დაგვიჩერებოდა...

მესამე მოქმედებაში გიორგი ლაშა ცალთვალამოთხრილი გამოდის სცენაზე. რეჟისორის თანაშემწე ცალ თვალს მიხვევს. ვეხვეწები, მარცხენა თვალს ნუ მიხვევთ, რადგან მარტო ამ თვალით ვხედავ ცოტაოდნავ მეთქი, მაგრამ ჩემმა ხვეწნამ არ გასჭრა: რეჟისორმა ბრძანა, მარცხენა თვალი აუხვიეთო. გამოვედი სცენაზე, სადაც შეკრებილია სასახლის დიდებულები, სარდლები და სალაშქროდ გამზადებული ჯარი. მივედი ჯართან, ამოვიღე ქარქაშიდან ხმალი და დავინწყე ჯარის გამამხნეველები სიტყვა. ამ დროს მომესმა ხმაურობა, რაღაც აურ-ზაური, ოდნავ ვხედავ კიდევ, რომ ჯარიც, სარდლებიც, დიდებულებიც, ჩემი ამაღაც სცენიდან გარბიან. მაყურებელში სიცილი და ყიჟინი ასტყდა. მე მარტო ვარ სცენაზე და განვაგრძობ ჯარისადმი ჩემ მისალმებას... სანამ ხმალი არ ჩავაგე ქარქაშში, სცენაზე არავინ არ გამოვიდა. მერე მითხრეს, რომ ნამეტანი ახლოს მივსულვარ ჯართან და ყველას შეჰშინებია – თავებს წაგვაჭრის ეს ბრუცნიანო.

ეს იყო და ეს. ამის შემდეგ აქტიურობა აღარ გამიბეღია”.

ეს სახალისო სიუჟეტი, გარდა თავისთავადი ღირებულებისა, იმდაც გაგაცანით, რომ საერთო სურათიც წარმოვადგინოთ. თუ ორმოცდაათი წლის წინ, როცა გიორგი ერისთავი „გაყრას“ დგამდა, მსახიობის მოძებნა ძნელი იყო, ქალის სცენაზე გამოსვლა ხომ საერთოდ წარმოუდგენელი, ახლა უკვე ყველას სცენისკენ უწევს გული – ნიჭიერსაც და სამსახიობო უნარისგან თავისუფალსაც.

იმდენად დიდი იყო ქართული თეატრის სიყვარული, რომ, მაგალითად, ვასო აბაშიძეს მისი სკოლის მეგობრის, ალექსანდრე სუმბათაშვილ-იუჟინის ხვეწნის მიუხედავად, ჩამოდი მოსკოვში, მანდ მშიერი რად კვდები, აქაური სცენიდან მსოფლიო გაგიცნობსო, ფიქრადაც არ მოსდის ქართული თეატრის მიტოვება.

მერედა, როგორი ნიჭიერი ყოფილა ვასო აბაშიძე? ერთხელ სპექტაკლის დაწყების წინ უთქვამს, ძლიერ ავად ვარო. გაუზომეს სიცხე, 39 გრადუსი აქვს. გვარიანად რომ შეაშინა მეგობრები, წამოხტა, გეხუმრეთო. გაუზომეს სიცხე და არ ჰქონდა...

თავისი ტემპერატურის მართვაც კი შეეძლო და წარმოსადგენია, როგორ მართავდა ის მაყურებლის განწყობას.

2 იანვარს ილია ამ თავის მეორე ოჯახშია, ცხადია, მისი სამ-წერლო ოჯახის წევრნიც ყველანი აქ არიან და ილია კითხულობს მისასალმებელ ადრესს წერა-კითხვის გამავრცელებელი საზოგადოების სახელით. „კვალს“ ობიექტურობას გაითამაშებს, დაბეჭდავს ივანე გომართელის წერილს თეატრის იუბილესთან დაკავშირებით, რომელშიც პატიოსნად არის აღნიშნული ილიას ღვანლი თეატრალური საზოგადოების შექმნის საქმეში.

ხოლო „მოამბე“ ილიას მეგობრის პეტრე უმიკაშვილის წერილს ბეჭდავს. „მოამბისგან“ ილიას ღვანლის დაფასება, ცხადია, ბუნებრივი იყო. იქ მთლიანად ილიას გუნდია თავმოყრილი, მაგრამ ეს წელიწადი ისე როგორ ჩაივლიდა, რომ „კვალს“ და კვალელებს ილიასთვის ბრძოლა არ გაემართათ. იანვრის მეორე ნახევრიდან ეს ბრძოლა უკვე იწყება.

1900 წლის 12 იანვარს გარდაიცვალა გიორგი წერეთელი. გიორგი წერეთელი სამოციანელთა ერთი გამორჩეული მოღვაწე იყო, მშვენიერი პროზაიკოსი და მუდმივად საქვეყნო საქმეში ჩართული კაცი, მაგრამ 1893 წლიდან მოყოლებული, როცა „კვალს“ ჩაუდგა სათავეში, ილიასთან მუდმივი პაექრობა ჰქონდა. უფრო მწვავე კამათი მასა და გოგებაშვილს შორის იყო ატეხილი, თუმცა ეს ჩვეულებრივი მოვლენა გახლდათ. გიორგისა და ილიას ურთიერთობა უფრო იმან დაძაბა, რომ გიორგი წერეთელმა მესამე დასელებს მისცა მწვანე გზა. მიუხედავად იმისა, რომ წერეთელი მათი მხოლოდ თანამგრძობი იყო და არა დასის წევრი, თავისი ავტორიტეტი იმათ გაძლიერებას მოახმარა. „კვალს“ ფაქტიურად ნოე ყორდანიანს განაგებდა. პასუხისმგებელ მდივნად, როგორც ჩანს, მან მიუყვანა და დაუსვა ფილიპე მახარაძე.

მართალია, სანამ გიორგი ცოცხალი იყო, ილიას წინააღმდეგ მხოლოდ ისეთი კამპანია წარმოებდა, რაც ლიტერატურული პოლემიკის ფარგლებს არ გასცილებია, მაგრამ ილია რომ ძველ ამხანაგზე განაწყენებული იყო, ამას წყალი არ გაუვა. სწორედ იმ დღეებში ილია ბაქოში მიდის ბანკის ფილიალის შესამოწმებლად. 16 იანვარს იქაური ქართველები შეიკრიბნენ და გიორგი წერეთლის პანაშვიდი გადაიხადეს. ამ პანაშვიდს ილიაც დაესწრო. ის რომ იქ, ბაქოში, წერეთლის პანაშვიდზეა, აქ, დიდუბეში, მწერალს კრძალავენ, სადაც მესამე დასელებმა ძალიან ბევრ თანამგრძობს მოუყარეს თავი და ამ დაკრძალვას არც ილიას აუგად ხსენების გარეშე ჩაუვლია.

აკაკი გიორგი წერეთლის მეგობარი იყო სტუდენტობის დროიდან. ამ დროისათვის ის უკვე კარგა ხნის წამოსულია „კვალადან“, ეტყობა, იმთავითვე იგრძნო „კვალის“ ახალგაზრდებთან საქმის მთლად ახლოს დაჭერა რომ არ შეიძლებოდა. თვით გიორგიმ კი, როგორც მაშინ ამბობდნენ, ფეხი წამოკრა, მეტისმეტად ჩაიხუტა ეს მესამე დასელები. მისი გარდაცვალების შემდეგ „კვალს“ მთლიანად „მესამე დასელნი“ დაეპატრონნენ. სხვათა შორის, ყველაზე ზუსტად აკაკი დაახასიათებს გიორგის და თანაც მის გამოსათხოვარ სიტყვაში. აი, როგორ მთავრდება აკაკის მიერ წარმოთქმული სიტყვა: (აკაკი იხსენებს მის ბავშვობას) „ერთ კვირა დღეს გიორგი წერეთელი თავის ამხანაგებთან ერთად თავმოყრილი თამაშობდნენ მამა-მაგისის დიდ ეზოში: დაჰკრეს წირვის ზარები და პატარა გიორგი გაეშურა ეკლესიისაკენ. გზაში ფეხი წამოჰკრა და დაეცა, მაგრამ უკანვე არ დაბრუნებულა, წამოდგა ზეზე, გაიბერტყა ტანისამოსი და წავიდა მაინც საყდარზე. ნაწირვებს რომ დაბრუნდა, ამხანაგებმა სიცილი დააყარეს, რად ნაიქეციო!.. მაშინ გამოესარჩლა შვილს გიორგის მამა, ექვთიმე წერეთელი და უთხრა სხვებს: „თქვე უგუნურებო, როდესაც ჩემი გიორგი კარგის გრძნობით გატაცებული წირვაზე მიეშურებოდა, თქვენ მაშინ აქ თამაშობდით და ნუ თუ მისი ნაქცევა ისევ წამოდგომა და კეთილი განზრახვის ასრულება უფრო მოსაწონი არ არის, ვიდრე თქვენი აქ დარჩენა, უბრალო ბურჭალი და სახედრის გაჩინდრიკ-გამოჩინდრიკებაო?!“ განსვენებულ გიორგისაც შეეძლო ამავე სიტყვებით ეპასუხნა ზოგიერთებისათვის“. ძნელია რამე დაამატო ამ სიტყვებს, არა მხოლოდ გ. წერეთლის, არამედ ყოველ იმ მოღვაწის შეფასებისას, რომელსაც თავისი ქვეყნისთვის ბევრი რამ კარგი გაუკეთებია და რალაცაში ნაფორხილებულა კიდევ. მით უფრო, როცა მათი მსჯავრი ხშირად იმათ გამოაქვთ, რომელნიც მართლაც არასოდეს არსად საქვეყნო საქმეში არ ნაფორხილებულან იმ უბრალო მიზეზის გამო, რომ ასეთი საქმე არასოდეს გაუკეთებიათ...

●

როგორც იტყვიან, გაცეიბული არ იყო გიორგი წერეთელი, როცა ნოე ჟორდანიამ ილიას წინააღმდეგ ახალი შემოტევა წამოიწყო. 30 იანვარს დაიწყო „კვალში“ წერილების ბეჭდვა სახელწოდებით „პრესა“.

1895 წლიდან მოყოლებული ნოეს წელიწადი არ ჩაუგდია, რომ ილიას საწინააღმდეგოდ რამე არ დაენერა. თავად ილიას ერთხელაც არ გაუცია პასუხი.

ბოლოს და ბოლოს, მასაც დაელია მოთმინება. მოჰკიდა კალამს ხელი და უძღვნა წერილების სერია: 1) „უმეცრების ფართი-ფურთი“; 2) „პატარა საუბარი“; 3) „ახალი უმეცრებანი ბ-ნ ნოე ჟორდანიასი“; 4) „პატარა საუბარი“; 5) „ისევ პატარა საუბარი“; 6) „ქარაფშუტობა, ორთავიანობა და ორპირობა უმეცრისა“; 7) „პატარა საუბარი“; 8) „ისევ და ისევ ბ-ნ ჟორდანიას უმეცრებანი და მისი ნაჯეგ-უკუჯეგობანი“.

ეს ყველაფერი თვე ნახევრის მანძილზე, მარტის შუა რიცხვებიდან მაისამდე. რატომ გაუყადრა თავი ჟორდანიას? ჯერ ერთი, ის უკვე რევოლუციონერთა ბელადად ქცეულიყო და, მეორეც, როგორც ილია ამბობს, ყელში ამოუყვანა ანწლის შვილდ-ისრით განუწყვეტელი თავდასხმები.

რაც ხუთი წლის მანძილზე პასუხგაუცემლად ითმინა, ერთბაშად ამოხეთქა. ილია არ მალაეს, პირდაპირ ამბობს: „დიდი ხანია გულს მისიებს, გულს მიმღვრევს ბ-ნ ჟორდანიას უმეცრობის ფართი-ფურთი და ქადილების მტვრევა-ბუქი. ვითმინე, ვითმინე და ბოლოს აივსო ფიალა მოთმინებისა“.

მტერს, მან რომ ჟორდანია დღეში ჩააგდო.

ამ ხანგრძლივი პოლემიკის გადმოცემა ძალიან შორს ნაგვიყვანს, ამიტომ მოკლედ შევეხები. ილია რკინის ლოგიკით ამტკიცებს, რომ ამ ნაფიცმა მარქსისტმა არ იცის:

- 1) სიტყვა ფინანსურის მნიშვნელობაც კი.
- 2) სიტყვა ბურჟუაზიის მნიშვნელობაც კი.
- 3) სიტყვა დამფუძნებლის მნიშვნელობაც კი.
- 4) სათავადაზნაურო ბანკის დანიშნულებაც კი.
- 5) სიტყვა კაპიტალის მნიშვნელობაც კი და მისთანანი.

გაგიკვირდებათ, ნუთუ ასეთ ელემენტარულ საკითხზეა თვე-ნახევრიანი კამათი? ფორმალურად არა. ეს ელემენტარული საკითხები ილიამ ამოუყარა, კედელთან მიაყენა და ყოველ მკითხველს სრულიად ნათლად დაუხატა, რომ ამ ახლად მოვლენილმა ბელადმა არ იცის ანა-ბანა, რომ გერმანიაში წასულა ცარიელი, ჩამოსულა ასევე ცარიელი, რომ მარქსი ამის შემხედვარე იტყოდა, დამარქვით ყველაფერი, მარქსისტობას კი ნუ დამწამებთო.

ილიამ ამ პოლემიკაში სრულად განაიარაღა ჟორდანია. ის იძულებულია ვილაც გლეხი კირვალიძის და 101 კაცის, კირვალიძის-

ნაირი „ფილოსოფოსების“ კოლექტიური წერილი გამოაქვეყნოს ილიას წინააღმდეგ.

ამაზე ილია უპასუხებს, – გერმანიაში იმიტომ მიდიოდი, ბოლოს კირვალიძის სიბრძნეს რომ ზიარებოდით? ხმა იწონება და არ ითვლება, იქ, სადაც სჯა და ბაასია, ერთი კირვალიძე ერთი ნულია, ასე კირვალიძე კი ასე ნულიო.

„გნებავთ საქართველოში თუნდა ათი ათას კაცს ხელს მოგაწერინებ, რომ დედამინა ხარის რქაზედა დგას და ნუთუ ეს მცირეოდენ მცოდნე კაცისთვის საბუთია? ნუთუ ამ ათი ათას კაცის ხმა უფრო მეტს იწონის, ვიდრე ერთი ხმა გალილეისა?“

ბარემ შენი ბრძენობის დამადასტურებელი ხელმოწერებიც მოაგროვე, თორემ ლამის არის „ივერიამ“ უვიცობის სახელი დაგიგდოსო – ერთ პოლემიკურ წერილს მწარე ირონიით ამთავრებს ილია. ასე ნული ისევ ნულიაო? – ამას ბ–ნი ნოე რევოლუციონერის ხრიკით გამოეხმაურება.

ხედავთ? ხალხის წარმომადგენლებს ნულებს ეძახისო!

ჩვენი ხალხი ასეთი „ნულებისაგან“ შედგება და მაშ ყველა წყალნალებული ყოფილაო. ყორდანია ამ სოფისტიკას მკაცრ დასკვნასაც მოაყოლებს: „იმედია, ამას არ დაივიწყებს ასე ყბად აღებული ქართველი ხალხი“...

ეს უკვე შანტაჟი, ეს უკვე რევოლუციური მუქარა იყო.

ილია პასუხობს: „ეს რა საქმეზე აქეზებთ საქართველოს ხალხს, რომ იმედია არ დაივიწყებს ასე ყბადაღებული საქართველოს ხალხი“ და სამის წერტილით ათავებთ ამ სიტყვებს ბოლოში?“

მაშინ ეს რიტორიკული კითხვა იყო, მაშინ ილია, ალბათ, ვერც წარმოიდგენდა, რომ ამ სამ წერტილს მართლა ტყვიები ჩაენაცვლებოდა.

პოლემიკაში კი ყორდანია დააყენა ილიამ კედელთან. ილიას თურმე იმის თქმის უფლება არ ჰქონდა, – ასე ნული ისევ ნულიაო და ამ ასე ნულის გამო მთელი ერისთვის მიუყენებია შეურაცხყოფა, მაშინ, როდესაც თვით ყორდანიას აი, რა ციტატი ამოუგდო ჭავჭავაძემ: „გონიერება საზოგადოდ იშვიათი რამ არის, ის სანთლით საძებარია, ხოლო უგუნურობა ყოველთვის და ყოველგან ადვილად მისაგნებია. ცხადია, პირველის ჭურჭელი – ინტელიგენცია – ცოტაა, სულ ერთი მუჭაა, მეორის კი (ესე იგი უგუნურების) მთელი ხალხი, მთელი ერია“.

წარმოიდგინეთ ამ ციტატის ავტორი რომ ილია ყოფილიყო, მაშინ როგორ დააბეზლებდა იმავ ხალხთან და როგორ დაემუქრებოდა ეს „მარქსის პამპულა“ (ილიას სიტყვებია).

ბუნებრივია, ეს კამათი ჟორდანიას პირნმინდა შერცხვენით დამთავრდა, მისი ბოლო გაბრძოლება ის იყო, რომ თავის პარტიულ ამხანაგებს, მათ შორის საზღვარგარეთიდანაც, კოლექტიური წერილები გამოაგზავნიდა „კვალში“...

ვინც ამ წერილებს წაიკითხავს, აქ სრულად ჩანს სხვადასხვა მასშტაბები. თითქოს გულივერი დააბიჯებს ლილიპუტების ქვეყანაში, ისე ჩანს ილია თავისი კალმით მესამე დასის პუბლიცისტთა გაოხრებულ ყანაში...

იოსებ იმედაშვილის ერთი მოგონება შემოგვრჩა:

„ერთ კვირა დილით „კვალის“ მორიგ ნომერში ილიას აუგით მოხსენიება ამოვიკითხე: ნოე ჟორდანიას ბინაზე ავირბინე. ამ დროს ცხოვრობდა სათეატრო შესახვევში კუთხის სახლში, ზედა სართულზე. მის პირდაპირ, ჩიხის ბოლოს, ეზოში კი – ფილიპე მახარაძე.“

ნოე სადღაც წასასვლელად ემზადებოდა.

– ნოე, ილიას თუ შებედეთ, თქვენ თავს როგორღა აკადრეთ ქართველი ერის საამაყო შვილის ასე გაბიაბრუება, – განა ეს შესაწყნარებელია!

– რროგორ ააღეღვებულხარ და რროგორ გუნებაზე დდამდგარხარ?! რა მოხდა? (როგორც ცნობილია, ნოე ენას უკიდებდა).

– როგორ თუ რა მოხდა? ილიას ასე აუგით ხსენება კარგ ნაყოფს არ მოიტანს, ეს იცოდეთ!..

– ოჰო, იიიმუქრები კიდევც.

– მე კი არ ვიმუქრები, საქმეს მოგახსენებთ..

– ჩჩემო იოსებ, რროგორ ლლაპარაკობ... კრიტიკა, პოლემიკა, გგანა საძრახია?!

– კრიტიკა და პოლემიკა კი არ არის საძრახი, არამედ ლანძღვა-გინება!.. ეგ კრიტიკა და პოლემიკა მთელ ჩვენ მდაბიო ხალხს – მასას რომ ვეძახით, – სხვანაირად ეწვეთება ყურში... ეს ერთი, მეორეც – ილია ჭავჭავაძე განა ეგრე ხელწამოსაკრავი კაცია, – განა „კაცია ადამიანის?!“, „კაკო ყაჩაღის“, „განდეგილის“ თუ „აჩრდილის“ დამწერი მაგის ღირსია!...

– შშენ ვვინ გითხრა, რომ ილიას, როგორც მხატვრული სიტყვის ოსტატს, ბელეტრისტსა და პოეტს ვებრძოდე, – იის ამ მხრივ კკლასიკოსია და ჩვენში ძნელად თუ ვინმე შშეედაროს, – მე ვებრძვი მის საზოგადოებრივ და პოლიტიკურ შეხედულებებს... აი, რა-შია ჩვენი განსხვავება!... იიცოდე, ილია მმიყვარს როგორც პოეტი და ბელეტრისტი, მაგრამ ვებრძვი როგორც პუბლიცისტსა და საზოგადო მოღვაწეს...

დღეს ჩვენთვის ილიას დროშა ვერ გამოდგება.

– მე კი მგონია, მოვა დრო და თქვენც ილიას დროშას შეეფარებით. ეს კარგად იცოდეთ, ვისაც საქართველო უნდა – ილიას დროშას ვერ გასცდება!..“

ყორდანიას რასაც პასუხობს, გულწრფელია. ის ილიას, მხატვარს, დიდად აფასებდა და ემიგრაციაში ორი წერილი უძღვნა მას, მაგრამ ისიც მართალი იყო, რომ რისთვისაც ილიას ებრძოდა, იმ დღის წინამძღოლობაც მას მოუწია.

სხვის ქორწილში დაჯდა სასიძოდ და, რა გასაკვირია, თუ პენელოპე კიდევ უფრო შავ დღეში იქნებოდა ძალადმაცხონე სასიძოების ხელში, თუ მის კანონიერ პატრონს, ოდისევსს, მოკლავდნენ...



ნოე ყორდანიამ ილიასთან პოლემიკა პირწმინდად წააგო, მაგრამ ილიას ბანკში ისეთი რამ მოხდა, ნოეს ილიას დამუხრატების საშუალება მიეცა.

ბანკობიადის დროს იქ ტრიალებდნენ ე.წ. ნეიტრალები, რომელთა შორის ძმები ყიფიანებიც იყვნენ. ესენი თავისი ჯგუფით ილიას მომხრეებად იქცნენ და დაუფასდათ კიდევ. მაგ, პალიკო ყიფიანი ბანკის დირექტორის დავით ავალიშვილის გარდაცვალების შემდეგ დირექტორად აირჩიეს, შემდეგ ორი თვით ბაქოში მიავლინეს ბანკის იქაური განყოფილების ხელმძღვანელადაც.

ეს კაცი 1899 წლის იანვარში შეამონმა პირადად ილიამ და, როგორც ზემოთ გითხარით, 1900 წლის 16 იანვარსაც ბაქოში იყო სწორედ ბანკის შესამონმებლად ჩასული. დიდი დარღვევები ვერაფერი აღმოუჩინია, მაისში მეორე რევიზია ჩასულა ანდრონიკაშვილის ხელმძღვანელობით, ამათ დარღვევები უპოვეს, მაგრამ თანხა არც მაშინ აკლდა ბანკს.

ფულის მოპარვა ილიას ბანკიდან მანამდე არავის სმენია. უცებ მეხივით დაატყდათ ეს ამბავი. სწორედ მაისის, ანუ მეორე რევიზიის შემდეგ ამ პალიკოს შვებულება და სამკურნალოდ ერთი თვით საზღვარგარეთ წასვლა უთხოვია. გაუშვეს. ახალდანიშნულმა მანსვეტაშვილმა აღმოაჩინა, რომ ბანკიდან ფული იყო გატაცებული. ყიფიანი უკან აღარ დაბრუნებულა.

მანსვეტაშვილის ცნობით, მას 80 000 მანეთი კარტში წაუგია. საბანკო კრებაზე კი დადგინდა, რომ ბანკის დანაკლისი იყო 26 856

მან. და 76 კაპ. ესეც დიდი თანხა იყო. ეს ჩვენი პალიკო კი, ცამ ჩაყ-
ლაპა თუ მინამ, აორთქლდა. აღარ გამოჩენილა.

აქ აკაკი იოსუნჯებს:

„მაშინ სთქვეს დირექტორებმა,
ახლა კი დადგა თვალისკო;
აღარც თუ სადმე ფულია
და აღარც ჩვენი პალიკო“.

ამაზე დიდი დარტყმა ილიასთვის ვის უნდა მიეყენებინა. დგას
და საყვედურებით ავსებენ, მერე და ვინ, ერთ-ერთი ვანო მაჩაბ-
ლის ძმა, ილიას ძველი მეგობარი ვასო მაჩაბელი. რა უნდა უპასუ-
ხოს? ის, ვინც პატიოსანი მუშაკი იყო, ყველაფერს გაეცალა, ყვე-
ლაფერი მიატოვა და უგზო-უკვლოდ გადაიკარგა, მისი ადგილი
ვისაც ეკავა, ისიც გადაიკარგა, ოღონდ ფულიანად, იმ ფულით,
რომელიც საზოგადო საქმეებს უნდა მოხმარებოდა.

ილიას რომ უმნიცკლო სახელი და დიდი ავტორიტეტი არ ჰქო-
ნოდა, დიდ სკანდალში გახვევდნენ, მაგრამ ეს არ ქნეს.

ის კი არა, 2 მაისს, თითქოსდა ილიას გასამხნევებლად, ახალ
არჩევნებზე 130-მა კაცმა მისცა ხმა 30-ის წინააღმდეგ.

კვლავ დაადასტურეს სრული ნდობა თავისი თავმჯდომარისა.
მაგრამ აგერ არ იყო „კვალი“ და ჟორდანიას?

7 მაისს ნოე აქვეყნებს „კვალში“ წერილს „პალ. ყიფიანის საქ-
მე“. საკმაოდ მოზრდილი წერილია. ავტორი დანწრილებით აღ-
წერს 1898 წლიდან მოყოლებული ყიფიანის ბაქოში მოლუანეობის
პერიპეტიებს, ყველაფერი მიჰყავს იქითკენ, რომ ამ დანაშაულში
გამგეობის, ანუ მისი თავმჯდომარის გულგრილობა იკვეთებო.
ამასთან ჟორდანიას სასახელოდ უნდა ითქვას, რომ ის ილიას და
გამგეობის მხოლოდ მორალურ პასუხისმგებლობაზე ლაპარა-
კობს და ტონიც ისეთი აქვს შერჩეული, ეტყობა, ილიას წერილების
სუსხს მასზე, კარგად უმოქმედია.

საქმის ვრცელი აღწერის შემდეგ ჟორდანიას ასკვნის: „ამ ნაი-
რათ, პალ. ყიფიანის საქმე მდგომარეობს შემდეგში: მან გაფლანგა
ბანკის ფული და გაიქცა. ამაში პასუხის-მგებელია მხოლოდ ის და
სხვა არავინ. მაგრამ ეს მოხდა პირველ მაისს შემდეგ, ე.ი. მას შემ-
დეგ როცა გამგეობამ და ზედამხედველმა კომიტეტმა ყიფიანის
ყოველივე მოქმედება გამოიძიეს და დაინახეს, რომ მან სრულიად
დაარღვია როგორც ინსტრუქცია, ისე ბანკის წესდებაც (ფული კი
ჯერ მოპარული არ ჰქონდა. – ნ.გ.) მაშინვე რომ ყიფიანი ბაქოდან

თბილისში გადმოეყვანათ, ის გაფლანგვას ველარ მოასწრებდა, ბანკი არ იზარალებდა და არც კაცი დაიკარგებოდა, მაგრამ გამგეობამ და კომიტეტმა ეს არ მოიმოქმედეს და აი, რამდენათ თითოეულმა ამ ორგანომ ეს ჩაიდინა, იმდენად ის პასუხის მგებელია, ნივთიერთ თუ არა, ზნეობრივად და საზოგადოებრივად მაინც". (ნ.ჟორდანიას „კვალი“ №19, 7 მაისი, 1900წ.).

მაგრამ ილიას ვისი დამუნათება სჭირდებოდა. ეს გაზაფხული მისთვის ჯერ ჟორდანიას გამო, (მოთმინების ფიალა აუვსო) მერმე ამ ყიფიანის საქციელით, სანერვიულოდ იქცა. მისი მოყვანილი, მისი დანიანურებული იყო. ხუთი წლის შემდეგ ეს პალიკო ყიფიანი კარგ საქმეს კი გააკეთებს, გიორგი დეკანოზიშვილს, საქართველოს ავტონომიისათვის მებრძოლს, საზღვარგარეთ იარაღის ყიდვაში დაეხმარება, მაგრამ ახლა ასეა, კაცს ნდობა გამოუცხადა, იმან კი სალექსოდ გაიხადა თავიც და შეარცხვინა ილიაც. ამას დაუმატეთ ნერისას მთელი ღამეების თენება, დაძაბული რეჟიმი. გული ყოველთვის ვერ უძლებს. ილია უკვე 63 წლის კაცია. თითქმის ორი თვე ყოველ ღამეს ტეხდა. მისმა გულმა ვერ გაუძლო. მაისის ბოლოს გაზეთები საზოგადოებას აუწყებენ სამწუხარო ამბავს, რომ ილია მძიმედ ავად შექმნილა და ლოგინად წევს. დაემართა გულის ხუთვა, სუნთქვის უკმარისობა.

ერი და ბერი შეშფოთებულია. ეს ნაუქცეველი ბერმუხა ფიზიკურად ისევე უძღურია წერა-მწერლის წინაშე, როგორც ყოველი ადამიანი. სიგარეტით გაბოლილი მისი კაბინეტი, უწესრიგოდ მიყრილ-მოყრილი გადაჭრელებული ნიგნები და ფურცლები, გატეხილი ღამეები. კაცთაგან კილეა და უმადურობა, შეიძლება იმ ერთ წამად იქცეს, რომელიც გულს სამუდამოდ აჩერებს. ყველას ყურადღება საგურამოსაკენ არის მიპყრობილი. თბილისის გუბერნიის ექიმის ტიტე ქიქოძის კაბინეტში შედის ნიკო ცხვედაძე და შეშფოთებით ამბობს: „ილია გრიგოლის ძე ჭავჭავაძე ძალიან ავად გამხდარა, სოფელ საგურამოშია. ექიმები კი ვერაფერ ვიპოვე, ქალაქიდან ყველანი გასულან, ვისაც მე ვიცნობო (ზაფხული ძალიან ცხელი იყო).

საუბრის შემსწრე ახალგაზრდა ექიმი ნიკო ჯანდიერი აცხადებს: „მზად ვარ წამოვიდე და ილია ჭავჭავაძეს ყოველგვარი საქციემო დახმარება აღმოუჩინო“!..“

„სალამო ხანს საგურამოში მივედით. სახლში დაგვხვდნენ ილიას დისწული კოტე აფხაზი, ნიკოლოზ აფხაზი – მამა კოტესი, ილიას მეუღლე ოლღა თადეოზის ასული და და ლიზა საგინაშვილისა.

ილია იწვა თავის კაბინეტში, მასთან სტუმრად იყვნენ არტურ ლეისტი და გაზეთ „კავკაზის“ რედაქტორი ველიჩკო თავისი დით.“

ილია გაეცნო ახალგაზრდა ექიმს, რომელსაც მისი გარჯით შექმნილი სათავადაზნაურო სკოლა ჰქონია დამთავრებული.

„ნ. ცხვედაძე და არტურ ლეისტი რალაცაზე საუბრობდნენ. უცბად ველიჩკომ ხმამალლა დაიწყო ლაპარაკი და ივანე მაჩაბელს დასცინა. ილიამ ჯერ გადახედა მოსაუბრეებს, ლოგინში გასწორდა, თვალი დახუჭა და ჩემს გასაგონად ჩაილაპარაკა: (იგონებს ნ.ჯანდიერი) – მაგ ტუტუცს ჰგონია, თითქოს მე ძალიან მესიამოვნება, რომ ჩვენს მამულიშვილს დასცინის. მომწყინდა, გეთაყვა, როგორმე მომაშორე!“

ექიმმა გასინჯა. დიაგნოზი – გულის სისხლის მიღების სკლეროზი, გულის კუნთების ანთების ნიშნით. ტკივილები გულისა გამონვეული იყო აქედან.

გამოუწერა წამალი. აუკრძალა ფიზიკური და გონებრივი მუშობა, კითხვა და მოსთხოვა მტკიცე რეჟიმის დაცვა.

„– შენ (შენობით მომმართა) მითხარი რად ან რისთვის უნდა მოვიქცე ასე თუ ისე, და თუ ეს ჩემს გონებას ჩასწვდება, მაშინ ბაშუსტა, თორემ ექიმების ბრძანება ზოგჯერ ძნელი გასაგებიაო“. ექიმმა აუხსნა ყოველი, საზღვარგარეთ გამგზავრებამდე მის მკურნალადაც დარჩა.

თბილისში ამ დროს ჩამოვიდა კიევის უნივერსიტეტის სამედიცინო ფაკულტეტის პროფესორი ვაგნერი. ილია თბილისში ჩამოიყვანეს და ვაგნერს გაასინჯეს. მან დაადასტურა ახალგაზრდა ექიმის, ჯანდიერის დიაგნოზი და ილიას ურჩია სამკურნალოდ წასულიყო ბერლინში, პროფესორ ლეიდენტან. ამასვე ურჩევდა დავით სარაჯიშვილი, რომელიც ლეიდენტანს პირადად იცნობდა. გადანყდა ლეიდენტან სამკურნალოდ წასვლა. 18 მაისს ილია „ივერიის“ საშუალებით მადლობას სწირავს ყველას, ვინც მის ამბავს კითხულობდა. 5 ივნისს საცენზურო კომიტეტს აწვდის განცხადებას „ივერიის“ დროებით რედაქტორად ვასილ სულხანიშვილის დამტკიცების შესახებ.

20 ივნისს მეუღლესთან ერთად, რიგის გავლით, სადაც ნათესავი სტუდენტი უნდა დახვდეს მეგზურად, მიემგზავრება ბერლინში.

„მრავალრიცხოვანი ქართველი საზოგადოება, რომელმაც იცოდა დრო ილიას გამგზავრებისა, სადგურზე ყვავილებით დაუხვდა.“

26 ივნისს ერთი დღით ვარშავაში გაჩერდა. 27 ივნისს ილია ბერლინშია და იწყებს მკურნალობას პროფესორ ლეიდენტან.

იქაურ ამბებს ნიკო ცხვედაძისთვის გამოგზავნილი ორი წერილიდან შევიტყობთ:

„ძმაო ნიკო! აღსრულდა შენი მეგობრული სურვილი და ეს თითქმის მესამე კვირაა, რაც ბერლინში ვარ ლეიდენტან. მე რომ აქ ბერლინში მოვედი, დათიკო სარაჯოვი აქ არ იყო, სამს თუ ოთხ დღეს შემდეგ მოვიდა. ლეიდენის კლინიკაში მომზადებული ოთახები დამხვდა და პირველ დღესვე იმ კლინიკაში დავბინავდი. ეკატერინე ივანოვნას მადლობას ვუძღვნით, რომ მისის მეოხებით აქ ყველანი დიდის პატივისცემით დაგვხვდნენ (საუბარია დავით სარაჯიშვილის მეუღლეზე) თვითონ ლეიდენიც დიდი ყურადღებით გვექცევა. ლეიდენს ჩემის სნეულების მიზეზი აოცებს. არავითარი ზიანი არა გაქვსო, გული და მაჯა საღის და ჯანმრთელის კაცის გაქვსო და რისგან მოგდის ეგ გულის ხუთვა და სულის შეგუბება ვერ გამიგიაო. ამიტომ, პირველ დღიდანვე დღეს აქამომდე გულის ყურს მადევნებს, რომ მიზეზი შეიტყოს. მე როგორც უკანასკნელ ხანებში ვიყავი მანდ, თითქმის ისევ ისე ვარ. ფეხების სიმსივნემ არ მიკლო. ღონეზედაც ჩემებურად ვერა ვარ. სხვანი კი მარწმუნებენ, რომ სახით, გარეგნობით ძალიან მოჰკეთდიო. მგონია ამ ერთის კვირის შემდეგ, ე.ი. 25-ს ამ თვეს იქნება კარლსბადში გამისტუმროს ლეიდენმა. მარწმუნებს რომ ასე იქნება თუ ისე, სალსალამად გაგისტუმრებ შინაო. ღმერთმა ჰქმნას! სიარულს მიშლის, დღეში ერთი საათის მეტს ნუ ივლიო... გუშინ მითხრა, დღეში ორჯერ ზევით ეტაჟაში ადი ხოლმე, ერთი დილით, ერთი საღამოთიო. არასფერს წამალს არ მასმევს ლიმონის წვენის მეტს. დღეში სამ სტაქანს მასმევს. რძე ამიკრძალა. მეც ვსვამ ამ ლიმონის წვენს და ქვევიდან ზემო ეტაჟებში დავდივარ...“

ვწუხვარო, ინერება ილია, რომ ამ დიდი ქალაქის, ბერლინის ნახვას, ჩემი რეჟიმის გადამკიდე, ვერ ვახერხებო. აღფრთოვანებულია გერმანელებით, მომავალი ამ ერის არისო...

მეორე წერილით ნიკო ცხვედაძეს ატყობინებს: ისევ ცუდად შევიქენი, „ამიტყდა საშინელი ქმენა, ხელისა და ფეხების განძრევაზე ისე მიგუბდებოდა სული, რომ არ ვიცოდი რა მექნა. ერთი ორი ნაბიჯი რომ გადამედგა, სუნთქვა ისე შემეკვროდა, რომ ველარ ვლაპარაკობდი, რადგან სულს ვერ ვიბრუნებდი. შეეჩვილე ჩემი ასეთი ნახდენა ჩემს მკურნალს, რომელიც თვითონ ლეიდენმა

ამირჩია. შემინუხდა თვითონ მკურნალიც და ბოლოს მითხრა: მიზეზი არ მესმისო, უსათუოდ პაპიროზის ბრალია და თქვენს თავს აქედამ უნდა უშველოთო. თუ პაპიროზზე ხელს აიღებთ, ხომ კარგი, თუ არადა ისევე ის სჯობია, წამლობას თავი დაანებოთ, ტყუილი ხარჯი და მოცდენააო. პატიოსანი სიტყვა ჩამომართვა, მერე ასეთის ხვეწნით და მუდარით, რომ კინალამ გული ამომიჯდა. ვთქვი ჩემს გულში: ნეტა ამას რა სჯის, რომ ასეთის სიყვარულით მეხვეწება და მემუდარება-მეთქი. სხვა გზა არ იყო, პატიოსანი სიტყვა მივეცი და მას დღეს აქეთ პაპიროზის გემო აღარ ვიცი. არ გამოსულა სამი ოთხი დღე მას შემდეგ, რომ ლაზათიანად მოვმჯობინდი და ეხლა ისე კარგად ვარ, როგორც დასნეულებამდე ვიყავი, თუ არ უკეთესად“.

გერმანიიდან ილია პარიზში გამგზავრებას აპირებდა, ბარემ ახლოს ვარ და პარიზის უნახავად როგორ დაებრუნდევო. ეს რომ მკურნალს გაუგია, შემხტარა და შემოტრიალებულა, ასეთ ხმაურთან და ნერვიულ ქალაქში ჩასვლა მკურნალობის წყალში ჩაყრა იქნებო, შეეხვეწა, არაფრისდიდებით პარიზში არ წასულიყო. აერჩია მყუდრო, მოსვენებული ადგილი და ერთი – ორი თვე საერთოდ არ გაკარებოდა ქალაქს და საქმეს.

კაცმა რომ თქვას, დიდი ხვენწაც აღარ სჭირდებოდა. ჩვენს დიდ ბანკირს მოგზაურობის გასაგრძელებლად და პარიზში დასარჩენად ფული აღარც ჰქონდა. ბერლინი-კარლსბადის (კარლოვი-ვარი) შემდეგ ერთ კვირას ჩერდება ვენაში და 15 სექტემბერს თბილისში ბრუნდება.

საქართველოდან 20 ივლისს გერმანიაში ჩაუვიდა უამრავი დეპეშა, ილიაობას ულოცავდნენ და თბილისში დაბრუნებულ ჭავჭავაძეს, ძნელი წარმოსადგენი არ არის, რა სიხარულით დახვდებოდნენ და რამდენი მისალოცი ბარათი მიიღო სამშობლოში მშვიდობიანად დაბრუნების გამო. არტურ ლაისტმა ილიას დაბრუნებისას მისი განცდაც შეჩერებული წამივით შემოუნახა შთამომავლობას: „1900 წელს, როცა ილიამ გერმანია და ავსტრია მოიარა, – წერდა ლაისტი – დიდი ცნობისმოყვარეობით ათვალიერებდა და უკვირდებოდა გერმანელების ცხოვრებასა და კულტურას. ყურადღებას აქცევდა ყველა წვრილმანს, მაგრამ ღვიძლი სამშობლო, საქართველო ყოველთვის ძლიერ იზიდავდა თავისკენ. უცხოეთიდან დაბრუნებული ილია, თბილისს რომ უახლოვდებოდა, ისე მოიხიბლა საყვარელი ქალაქის ხილვით, რომ თვალებზე ცრემლიც კი მოადგა. ამას ილია სრულიად მოურიდებლად მიამბობდა ხოლმე

და თან დასძენდა: ყმანვილობაშიც გამომიცდია სამშობლოს მო-
შორებით გამონვეული ნაღველი, მაგრამ ისე ძლიერ არა, როგორც
ეხლა, მოხუცებულობის ჟამსო."

ერთი გულსატკენი ამბავი დახვდა. 7 სექტემბერს გარდაცვლი-
ლიყო კონსტანტინე ქრისტეფორეს ძე მამაცაშვილი, უკანასკნელი
მოპიკანი ნიკოლოზ ბარათაშვილის სამეგობრო წრიდან. სიმბო-
ლური იყო ის, რომ სწორედ ეს კაცი ხელმძღვანელობდა ილიას სა-
იუბილეო კომიტეტს.

სასიხარულო ამბავიც აცნობეს. მალე ვერაზე საძირკველი უნ-
და ჩაყროდა მომავალი ქართული უნივერსიტეტის მშენებლობას.
იცოდა ნიკო ცხვედაძემ, იცოდა ილიამ და რამდენიმე პირმა, რომ
თავად-აზნაურთა სკოლა კი შენდებოდა, მაგრამ უკეთეს დრო-
ში იქ უნივერსიტეტი უნდა გახსნილიყო. 5-6 წელია ნიკო ამ მშე-
ნებლობის თანხებს დასდევდა. ვინ არ შეაწუხა. ცხადია, ბანკსაც
მიადგა. ეუბნება. შეკრებილთ: „სკოლისთვის საჭირო მინა ძლიერ
იფუად ვიპოვე, ბევრმა უკვე ვინ ქვას შემპირდა და ვინ ხე ტყესა;
ზოგი ფულსაც გადმოდით, რაც დაგვაკლდება, იმას ილია მოგვ-
ცემს ბანკიდან და სულ ადვილად ავაგებთ შენობას."

გვაგონდება მაშინდელი ილიას სახე, მისი თანაგრძნობით სავ-
სე ღიმილი და მისი: „ნიკო, შე დალოცვილო, ბარემ უნივერსიტე-
ტის აშენება მოსთხოვო ბანკს! სად გიშოვოს მაგოდენა ფული?..
ვნახოთ, ვნახოთ!" (ილია ზურაბიშვილის მოგონებიდან).

ენამ უყვილა. ასი ათასობით ფული გაიღო ამ შენობისათვის.
ბანკის დამფუძნებელთა ნაწილი გიჟდებოდა, რაში ყრით ამ ფულ-
სო. ილიას საყვედურობდნენ, ამ გადარეულს (ცხვედაძეს გულის-
ხმობდნენ) რას აპყოლილხარ, ამხელა შენობა რისთვის გვჭირ-
დებაო. მუხრანსკიმაც ეგ უთხრა, სათხოვარზე მისულ ნიკოს,
ეტყობა, თქვენ პარლამენტს აშენებთ, მეც მუხრანში ახალი სახლი
წამოვიწყე, ეს ვერსალი იქნება და თბილისი პარიზიო. დასცინა და
არაფერიც არ მისცა. შემდგომ მისმა შვილმა კონსტანტინემ გაი-
ღო თანხა, თუმცა ისიც თავ-ბედს იწყევლიდა, გამძარცვა ამ შეჩ-
ვენებულმა ცხვედაძემო. 400 თუმანი გადაეხადა. შვილი და ძირი
მას არ ჰყავდა, მეტი უნდა მიეცა... დავით სარაჯიშვილი და მისი
მეუღლე ეკატერინე სიხარულით სწირავდნენ ასი ათასებს. წაი-
ღეთ თუ უნივერსიტეტს აშენებთ. შვილი ჩვენ არ გვყავს და ძირიო.

(სამწუხაროდ, ისინიც უშვილოდ გადაეგნენ) ამაზე კარგ საქმეს რას მოვახმართო.

ილიამაც გაუძლო დამფუძნებელთა ყვედრებას, აქეზებდა ნიკოს. არ იშურებდა თანხებს და საბოლოოდ ყველაზე დიდი წვლილი სწორედ ილიას ბანკმა შეიტანა იმ თეთრი სახლის აშენებაში, რომელიც სულ მალე საქართველოს საერო ტაძრად იქცევა და რომელსაც, სამწუხაროდ, ველარც ცხვედაძე მოესწრება და ველარც ილია. 1900 წლის 14 ოქტომბერს საძირკველის კურთხევაზე ღრმად ამოთხრილ ბალავარში ბოთლებში მოთავსებული გაზეთები ჩადეს.

დგანან შენობის არქიტექტორი სიმონ კლდიაშვილი, მთავარი გმირები ამ დღისა- ნიკო ცხვედაძე, ილია, გოგებაშვილი, სარაჯიშვილი, სხვანი და სხვანი.

ამაზე მადლიანი დღე კარგა ხანია საქართველოში არ გათენებულიყო...



12 ნოემბერს ილია შეუდგა „ივერიის“ რედაქტორობას. მართალია ის სექტემბერში დაბრუნდა, მაგრამ ეტყობა შეასრულა ექიმების რეკომენდაცია, ყოფილიყო სოფლად, სიმშვიდეში და ერთი-ორი თვე თავი აერიდებინა სამუშაოსათვის. ბოლომდე, ცხადია, არ იცავდა დანაბარებს. ყოველ შემთხვევაში, ლაისტი ასე გადმოგვცემს. არ იცავდა არც დიეტას მაინცდამაინც. ასეთია კაცის ბუნება, თუ გამოჯანმრთელდა, გუშინდელი ავადმყოფობა ავიწყდება. ილია ხუმრობს – თუ ლიმონის წვენის სმა და პირველიდან მესამე სართულზე ასვლა-ჩამოსვლა იყო ჩემი ავადმყოფობის წამალი, ბერლინში რა მინდოდა, ლიმონის წვენს აქაც დავლევდი და სართულებს შორის აქაც ვივლიდიო. ის კი არა, ერთი ან. გარდაცვლილი მეცნიერის თქმით, ისე შეუთამამდა გადატანილ ავადმყოფობას, ილიას დაუკრავს ფეხი და ოცნება აუსრულებია, პარიზში წასულა ოლლასთან, დასთან და ოლლას ერთ მეგობართან ერთად, საიდანაც ის თითქოს ნოემბრის შუა რიცხვებში დაბრუნდა. არადა, ეს არ უნდა იყოს მართალი. ამ საკითხს არც შევხებოდით, რომ არა ერთი გარემოება. აღნიშნული ინფორმაცია მოწოდებულია სამეცნიერო ხასიათის წიგნიდან არგუმენტაციის დართვით. ამ წიგნის ტირაჟი დიდია და ხსენებული მეცნიერიც კოპულარული. ამას იმიტომ ვუსვამ ხაზს, რომ,

ჩვეულებრივად, მოგონებებში ბევრი შეცდომა გვხვდება ხოლმე. ეს შეცდომები ბუნებრივია.

როცა კაცი წლების შემდეგ რამეს იგონებს, შეიძლება თარიღების ან სხვა დეტალების თვალსაზრისით ყველაფერი ზუსტად ველარ აღიდგინოს. ამიტომ, მოგონებებს, როგორც წესი, ფრთხილად მიდგომა და შეჯერება სჭირდება.

რაც შეეხება მეცნიერულ გამოკვლევას, სანდოდ ვიღებთ. მხოლოდ ეს გარემოება მაიძულებს ვთქვა, მტკიცება იმის შესახებ, რომ ილია თბილისში ჩამოსვლის შემდეგ მეუღლესთან ერთად პარიზს გაემგზავრა, არ უნდა შეესაბამებოდეს სინამდვილეს.

მტკიცება ეყრდნობა შემდეგ გარემოებებს:

1) ექვთიმე თაყაიშვილის მოგონება: „როდესაც პარიზში მსოფლიო გამოფენა გაიმართა, ილიამ გადაწყვიტა პარიზში გამოფენის სანახავად წასულიყო, თან მეუღლე – ოლღა და უმცროსი და – ელისაბედი, აგრეთვე ელენე ჯაბადარი იახლა“

„მართალია, ე.თაყაიშვილი აქ წელს და თვეს არ მიუთითებს, მაგრამ, როგორც ვიცით, პარიზში მსოფლიო გამოფენა 1900 წელს გაიმართა.“

2) „ხოლო რომელ თვეში უნდა ყოფილიყო ილია პარიზში, მის შესახებ უნდა ითქვას შემდეგი: ავად გახდომამდე, ე.ი. 1900 წლის ივნისამდე, ილია საქართველოშია და რედაქტორობს ყოველდღიურ გაზეთ „ივერიას“. 20 ივნისიდან კი სამკურნალოდ მიემგზავრება გერმანიაში, საიდანაც 15 სექტემბერს კვლავ თბილისს უბრუნდება, მაგრამ 14 ნოემბრამდე მაინც არ ანერს ხელს „ივერიას“ და მის მაგივრად „ივერიის“ დროებით რედაქტორად კვლავ ვ.სულხანიშვილს ვხედავთ!

ჩვენ ვფიქრობთ, რომ სწორედ დროის ამ მონაკვეთში უნდა წასულიყო ილია თავის ახლობლებითურთ პარიზში მსოფლიო გამოფენის სანახავად.“

3) „1900 წლის ოქტომბერში, ილია რომ მართლაც პარიზში იმყოფება, ამის დამადასტურებელია ერთი ასეთი დოკუმენტი: ილია ჭავჭავაძის პირად ბიბლიოთეკაში დაცულია 1900 წელს პარიზში გამართული მსოფლიო გამოფენისათვის რაფიელ ისარლიშვილის მიერ ფრანგულ ენაზე სპეციალურად გამოცემული პროფ. ალ.ხანაშვილის წიგნი... გამომცემლის – რაფიელ ისარლიშვილის ასეთი მიძღვნა-წარწერით:

„ღრმად პატივცემულს ბატონ ილიას კნ.ჭავჭავაძეს – რ. ისარლიშვილი, პარიჟი, 20 ოქტომბერს 1900წ.“

როგორც ვხედავთ, – ასკენის ავტორი-1900 წლის 20 ოქტომბერს პარიზში მყოფ ილია ჭავჭავაძისთვის მსოფლიო გამოფენაზე საგანგებო წარმომადგენელს – რ.ისარლიშვილს მიურთმევია სპეციალურად ამ გამოფენისთვის ფრანგულ ენაზე პარიზში 1900 წელს მის მიერ გამოცემული პროფ. ალ. ხახანაშვილის საცნობარო-გზამკვლევი-შრომა „საქართველოს ისტორია“ და ამით დაუდასტურებია თავისი ღრმა პატივისცემა პარიზში ჩასული საქართველოს სულიერი მამისათვის.“

აქედან გამომდინარე, დასკვნა: მაშასადამე „ილია ჭავჭავაძე, მეუღლის, უმცროსი დისა და ელენე ჯაბაძარის თანხლებით პარიზში მსოფლიო გამოფენის სანახავად წასულა 1900 წლის ოქტომბერში და არა 1901 წელს, როგორც ამას პ.ინგოროყვა ფიქრობდა.“

მე კი მგონია, ილია პარიზში საერთოდ არ არის ნამყოფი. ერთი შეხედვით, ის მყარი არგუმენტები, რომელნიც ზემოთ იქნა წარმოდგენილი, იოლად ირღვევა.

დავინწყოთ იმით, რომ ილია გერმანია-ავსტრიაში ყოფნის დროს, მიუხედავად იმისა, გულით სურდა პარიზს წასვლა, ექიმის რჩევისა და უფულობის გამო არ წავიდა. დაბრუნება საქართველოში და მერე თითქოსდა უკანვე წასვლა, როგორღაც ლოგიკური არ ჩანს. თუ ექიმის რჩევა აღარ ჩააგდო არაფრად, თანხას გერმანიაშიც გადაურიცხავდნენ და იქიდან წავიდოდა ხომ. მაგრამ კაცია და გუნება. იქნებ ჩამოსვლის შემდეგ გადაწყვიტა გამგზავრება?

დავინწყოთ მე-3 არგუმენტით. ილიას ბიბლიოთეკაში აღმოჩნდა რ.ისარლიშვილის მიერ ნაჩუქარი წიგნი, რომელსაც აწერია პარიზი. 20 ოქტომბერი. ეს არ ნიშნავს, რომ ილია და ოლლა პარიზში იყვნენ და პირადად გადასცა მათ წიგნი ისარლიშვილმა.

საქმე ის არის, რომ გერმანიაში მათთან ერთად სამკურნალოდ იმყოფებოდა ელისაბედის, ასევე ილიასა და ოლლას ახლობელი მაიკო ნიკოლოზის ასული ფალავანდიშვილისა, რომელსაც თან ახლდა ძმის შვილი, – ანასტასია მაყაშვილი.

ქ-ნი ანასტასია იგონებს: კარლსბადიდან „სამი დღის შემდეგ წავედით პარიზში, ილია, ოლლა თადეოზის ასული და ელისაბედ საგინაშვილი არ წამოვიდნენ იქ იმ მიზეზით, რომ როგორც მე მახსოვს – მგონი ფული არ ეყოთ.“

ანასტასია მაყაშვილი, იმასაც დასძენს, რომ თბილისიდანვე გერმანიაში ის და მისი მამიდა იმ ანგარიშით გაემგზავრნენ, რომ

შემდეგ პარიზში მსოფლიო გამოფენაზე უნდა ჩასულიყვნენ. შეიძლება ვივარაუდოთ, რომ პარიზში გამოფენაზე სწორედ მათ შეხვდათ რაფიელ ისარლიშვილი (გამოფენაზე ჩასული სტუმრები მას, როგორც საქართველოდან ამ გამოფენის წარმომადგენელს, ალბათ მოინახულებდნენ) და შეიტყო რა, რომ მათთან ერთად, სურვილის მიუხედავად, ილია და ოლლა გამოფენაზე ვერ ჩამოვიდნენ, ნიგნი მათაც აჩუქა და პარიზიდან მეგობარს ილიასა და ოლლასთანაც გამოატანა. ამიტომაც არის ის წარწერა ნიგნზე რაც არის – პარიზი. 20 ოქტომბერი.

არც მათთან შეხვედრა იყო საჭირო. ჩვენთვის ცნობილია, რომ რ. ისარლიშვილმა ხახანაშვილის ნაშრომის ფრანგული თარგმანი 1900 წლის შემოდგომაზე თბილისში გამოაგზავნა. პარიზის გამოფენაზე, რომელიც 1900 წლის 12 აპრილს გაიხსნა, საქართველოსაც ჰქონდა თავისი კუთხე და იქ წარდგენილ უნდა ყოფილიყო კრებული საქართველოს ისტორიის, ლიტერატურის, მეურნეობის, მკურნალობის, მუსიკისა და სწავლა-განათლების შესახებ. ეს ბოლო თავი დაწერა იაკობ გოგებაშვილმა. ასე რომ, იგი ჩართული იყო ამ გამოფენის საკითხებში, ამიტომ საყურადღებოა მისი ერთი ამონარიდი წერილიდან „ერთი ბოროტი არაკის გამო“. იაკობი წერს: „წარსულს შემოდგომაზე (გულისხმობს 1900 წლის შემოდგომას) პარიზიდან მოვიდა და გავრცელდა ჩვენს საზოგადოებაში ფრანგულს ენაზე დაბეჭდილი წერილი ბ-ნი ხახანაშვილისა. შესახებ საქართველოს ისტორიისა და ლიტერატურისა.“ ასე რომ, ისარლიშვილს გამოუგზავნია ეს ნიგნები და სავარაუდოა, გამოუგზავნიდა ილიასა და მის მეუღლეს, თუ პარიზშივე არ გადასცა მის ახლობლებს.

რაც შეეხება მეორე არგუმენტს, 15 სექტემბრიდან 14 ნოემბრამდე ილია „ივერიას“ ხელს არ აწერსო. ეს არ ნიშნავს, რომ ექიმის რჩევა არ გაითვალისწინა და პარიზში წავიდა. პირიქით უნდა ვიფიქროთ, რომ გაუთვალისწინებია რჩევა ექიმისა. დანამდვილებით ვიცით, რომ ილია საქართველოშია სექტემბრის 15-დან 14 ოქტომბრის ჩათვლით, როცა უნივერსიტეტის საფუძვლის კურთხევას დაესწრო. გამოდის, რომ 15 ოქტომბრიდან ის ოლლასთან, ელისაბედთან და ცოლის დაქალთან ერთად აიყარა და 20-ში უკვე პარიზშია გამოფენაზე. მართალია, მიმოსვლა ამ დროისათვის ბევრად გაუმჯობესებულია, მაგალითად, 20 ივნისს თბილისიდან გასული ილია 27 ივნისს უკვე ბერლინში იყო, მით უფრო 1 დღე ვარშავაში შეჩერდა, მაგრამ 5 დღეში თბილისიდან პარიზში ჩასვ-

ლა გაუჭირდებოდა... მხოლოდ ბერლინიდან პარიზამდე დღე ნახევარი იყო საჭირო.

ისიც გავიხსენოთ, ნიკო ცხვედაძეს ვენიდან რომ სწერდა: „მეტი რა გზაა, – პარიჟზე ხელი ავიღე. წარმოიდგინე პარიჟი თითქმის ცხვირ წინ არის და მე კი მისი უნახავი უნდა წამოვიდე. დარდუბალაც ამას ჰქვია. მაგრამ რას იზამ? ამდენი ვაი-ვაგლახი და წამლობა გამოვიარე, ძლივს გამოვკეთდი და ყველა ეს პარიჟის ნახვას როგორ ვანაცვალო“.

საქმე ის გახლავთ, რომ ილია ხელმეორედ სამკურნალოდ ბერლინში, ლეიდენტან ერთი წლის შემდეგაც წავა.

ერთი წლის შემდეგ გერმანიაში ილიას წასვლა მეცნიერს საერთოდ გამორჩენია, მისი ზემორე ვარაუდებიც აქედან იღებს სათავეს. ექვთიმე თაყაიშვილი როცა პარიზის გამოფენას ახსენებს, ეს იმიტომ, რომ 1900 წელს როცა ილია გერმანიაში გაემგზავრა, ბუნებრივია, აქედანვე ექნებოდა სურვილი, გერმანიის შემდეგ პარიზში გამოფენაზე წასულიყო. ეს ახსოვდა ექვთიმესაც და დიდი ხნის შემდეგ უზუსტობა დაუშვა. ასეთი უზუსტობანი მის და სხვათა მოგონებებში ბევრია. მაგ. ადრეც ვთქვით, თაყაიშვილი იგონებს კორსაკოვი გოლიცინმა შეცვალაო. მაგრამ ეს ხომ არ იყო ასე. ასევე არ არის სწორი მეცნიერის მტკიცება, რომ ილია გერმანიაში არ წასულა ნიკო ხიზანიშვილთან და ანტონ ფურცელაძესთან ერთად. მართლაც, 1900 წელს მათთან ერთად არ ყოფილა, მაგრამ მათთან ერთად წავიდა სამკურნალოდ 1901 წელს. მეცნიერის შეცდომაც სწორედ აქედან მოდის. ვიმეორებ, მას ილიას გერმანიაში მეორედ გამგზავრება გამორჩენია. ამ გადახვევისათვის მკითხველს ბოდიშს ვუხდის, ჩემი მიზანი არ არის გზადაგზა ვინმეს შეცდომის გამოაშკარავება, მაგრამ, ვიმეორებ, რაკი ეს დეტალები მეცნიერული მტკიცებების სახით იყო გადმოცემული, იძულებული შევიქვენ სწორი სურათი აღმედგინა. ილიას გერმანიაში მეორედ გამგზავრების შესახებ კი მომდევნო წერილში გიამბობთ. რაც შეეხება პარიზს. ილიას იქ ჩასვლის შესახებ რაიმე წყარო უბრალოდ არ არსებობს. ვიმეორებ, მოგონებებში შეცდომა დაუშვა ე. თაყაიშვილმა და ყვარელში მცხოვრებმა ილიას ერთმა ნათესავმა ქალმა.



როგორც აღვნიშნეთ, 12 ნოემბერს, 4 თვიანი იძულებით შესვენების შემდეგ, ილია შეუდგა „ივერიის“ რედაქტორობას. იმის

დასტურად, თუ ილიას ყოველი ნაბიჯი, რამდენად ცნობილი უნდა ყოფილიყო მთავრობისათვის, მომყავს საცენზურო კომიტეტის ცნობა. მიმართავენ კავკასიის მთავარმართებლის კანცელარიას, ილია ჭავჭავაძე ოთხთვიანი შვებულებიდან დაბრუნდა და „ივერიის“ რედაქტორობას შეუდგაო. მოკლედ, არაფრით მთავრობა თავის „მზრუნველ“ ყურადღებას არ აკლებს, თან უთვალთვალებენ, თან იციან მისი ავტორიტეტი და ეხვეწებიან, იქნებ იმ ზეიმში მიიღო მონაწილეობა, რომლის აღნიშვნასაც ვაპირებთო. თუმცა ამაზეც ქვემოთ გიამბობთ.

1901

ვედოშვილის პასკვილი. ოლღას ეჭვიანობა. ფრანგი ბარონი ილიას შესახებ. რაფიელ ერისთავის გარდაცვალება. სამარცხვინო „დღესასწაული“. „ივერიის“ რედაქტორობა დასრულდა. ქალაქის თავის არჩევნები ბათუმში.



ილია და ოღლა

„...მეც თვითონ ხელს ვიღებ.“

ილიას კერძო წერილიდან

„კვალს“ ტრადიცია არ დაურღვევია და საახალწლო ნომერში მანვარს ილიას და „ივერიას“ პამფლეტი უძღვნა:

„მიდის, მიკოჭლობს უგზო-უკვლოთ ილოს გაზეთი, უკან მოსჩხავის აბლაკატი მას შტატ-გარეთი, გასნი გაზეთო, შენს კოჭლობას არ აქვს სამძღვარი, ვინც რა უნდა სთქვას, როგორც ღმერთი, ერთი გვაქვს მხარი. მირბის, მიკოჭლობს უგზო-უკვლოთ ილოს გაზეთი, ირგვლივ სიჩუმე, თანამშრომლებს ჩამოდიოთ ზეთი.“

„ივერიას“ მართლაც ყველაზე ცუდი პერიოდი ჰქონდა. ილია ინერციით მიჰყვება საქმეს. უკვე იმდენად გადაღლილია, ყოველდღიური გაზეთის ტვირთი ძალიან დაუძძიმდა. აქ ხელფასებიც ცოტაა. ახალგაზრდა რევოლუციონერები ფულს ადვილად შოულობენ, ამიტომ თანამშრომელთა მიზიდვა მათ არ უჭირთ. „ივერიას“ კი მხოლოდ ავტორიტეტი და რამდენიმე ერთგული თანამშრომელი შერჩენია. ვინ წერს ამ ეპიგრამას, ასე კარგად რომ იცის შტატ-გარეშეთა იმედზე დარჩენილი გაზეთის ბედი?

ადრინდელი ნათქვამი მინდა გავიმეორო. ოღონდ ახლა სრულად მოვიტან ციტატას: „ილია უკომპრომისო დამცველია ლიტერატურული ეთიკისა. ერთი შემთხვევა მაგონდება, – იხსენებს იოსებ იმედაშვილი, – ოღონდ მომიტევოს მკითხველმა რომ იმ ცნობილი მწერლის გვარს ვერ დავასახელებ, ვისაც ილიას რისხვა დაატყდა თავს. ეს ცნობილი მწერალი, მაშინ ჯერ კიდევ ახალგაზრდა, გაზეთ „ივერიას“ რედაქციაში მუშაობდა და ხანდახან სცენაზეც გამოდიოდა ხოლმე. ერთხელ მან „ჰამლეტში“ ლაერტის როლი შეასრულა.

„ივერიაში“ ამ სპექტაკლზე ვრცელი რეცენზია გამოქვეყნდა. ილიამ წაიკითხა და გაკვირვებით იკითხა:

– შეხე, რა ყოფილა ლაერტის აღმასრულებელი... ნეტავ ვინ არის ეს რეცენზენტი?

– თითონ მაგ როლის აღმასრულებელი.

– რაო? – წარბი შეკრა ილიამ, თითქო მყინვარწვერს ღრუბელი მოეფინაო და წარმოსთქვა, – დღესვე გააგდეთ ეს ბინძური... და ერთი შეუფერებელი რეცენზიის გამო, ილია ჭავჭავაძის მოთხოვნით, რეცენზენტი რედაქციიდან დაითხოვეს.

ეს მწერალი „კვალში“ გადაბარგდა...

მან „ივერიის“ სანიხააღმდგეო წერილით შესდგა ფეხი „კვალის“ რედაქციაში: მთელი რიგი ფელეტონები სტყორცნა ილიას რიგოლეტოს ფსევდონიმით: ხან ბაყბაყ დევს უნოდებდა და ხან რას“. იმ პამფლეტს, რომელიც კვალიდან აქ მოვიტანეთ, ხელს აწერს სწორედ ის ცნობილი მწერალი „რიგოლეტო“. „რიგოლეტო“ კი იროდიონ ევდოშვილი გახლდათ...

კიდევ ბევრჯერ შეგვხვდება იროდიონის პასკვილები, მიძღვნილი ილიასადმი. თითქმის არც ერთ წელიწადს არ „ჩააგდებს“. როცა ილიას სახელმწიფო საბჭოში აირჩიევენ და პეტერბურგში აქედან მილოცვა–მილოცვაზე მისდის, ევდოშვილი სოციალისტების გაზეთში მას შავრაზმელების ძმად გამოაცხადებს, სტოლიპინისა და პობედონოსცევის ამქარში ჩარიცხავს.

ილიას მოურავის ცოლი დიდი ხნის შემდეგ მოიგონებს: „განსაკუთრებით სასტიკად გალანძლა ილია ერთ დროს იროდიონ ევდოშვილმა. მასხარადაც აიგდო და ამ ჩვენი ერის დიდ ბურჯს, წინამძღოლს, მფარველს ბაყბაყ–მდევი უწოდა. და სრულიად დაუშმასხურებლად გლეხის ჭამია ფეოდალიც კი უწოდეს, რაც სინამდვილეს სრულიად არ შეეფერებოდა და აშკარად მონაგონი რამ იყო. მახსოვს ერთხელ ამაზე ზაალ ჭავჭავაძემ უთხრა (ილიას გარე ბიძაშვილი იყო. ნ.გ.) ილიას ვახშამზე:

– კი მაგრამ იროდიონ ხოსიტაშვილმა ბოდბის ხევი სხვა ვერავინ ნახა მასხრად ასაგდები და გასალანძლიო, რალა შენ მოგადგა – ესეც შენი „ზემლიაკი“ – კახელი, ამაზე ილიამ ასე უპასუხა: „როცა კაცს მკვახე და ჯერ კიდევ უმნიფარი ჭკუა აქვს, ამას მისი ენის სიმწრით გამოიცნობთ“. ამის თქმაზე ყველას გაეცინა. ზ. ჭავჭავაძეს ხით-ხითი აუფარდა. ილიას არ გაუტყინია და სალათას შეექცეოდა. ბოლოს ზ. ჭავჭავაძემ უთხრა:

– ილია გრიგორიჩი, ისეთი პასუხები იცი, რომ უპასპორტოდ რომ სადმე მოხვდე და შენს ვინაობას ეძებდნენ, შენი აზრით და სიტყვით მიხვდებიან, რომ შენ ნამდვილად ილია ჭავჭავაძე ხარო. ამაზედაც სიცილი გაისმა, მაგრამ ოღლამ იკითხა, რაზედ იცინითო.

ზ. ჭავჭავაძემ აქაც იხუმრა და ოლლას მიუახლოვდა და ყურში ჩასძახა. (ადრე ვნერდით რომ ოლლას სმენა დააკლდა, რასაც უკიდურესად განიცდიდა. - ნ.გ.)

- ხვალ ცაგარელის ქალი უნდა გვესტუმროსო - მოატყუა.

- ოი, ბოჟე მოი, - თქვა ოლლამ. ახალგაზრდობაში ილიაზე და ცაგარელის ქალზე ეჭვიანობდა სულ ოლლა და მისი გახსენება ნერვებს უშლიდა.

მართლაც შემდეგში იროდიონ ევდოშვილმა მწარედ მოინანია მისი ლანძღვანი ილიასადმი.

ერთხელ, როცა სასამართლო პროცესიდან ჩამოვედით გოლოვინსკის პროსპექტზე, ლალიძის წყლის მაღაზიის კუთხეში შემხვდა და მითხრა იროდიონმა:

- ილიას სასიკვდილო ტყვიამ მეც გამიარა გულში და მონანიება, თუ საქმეს შეცვლის, მე დამხობილი უხდი ბოდიშს ილიას მის საფლავზეო. ამის მოწმე იყო ჩემი ქმარი, იოსებ იმედაშვილი და სხვები." ამ მოგონებას ვრცლად ქვემოთ გაგაცნობთ.

ამ ამონარიდში სამი მნიშვნელოვანი დეტალია: 1) ილიასა და მსახიობ ცაგარელის ქალის ურთიერთობაზე მაშინ გავრცელებული ხმების შესახებ. 2) ოლლას ეჭვიანობის შესახებ; 3) იროდიონ ევდოშვილის მონანიების შესახებ.

მეორე და მესამე საკითხზე ღირს ყურადღების შეჩერება.



ჩანს, ოლლა დიდად ეჭვიანი ცოლი ყოფილა. ვინც ყურადღებით წაიკითხავს ახალგაზრდობაში ბანკის საკითხებზე პეტერბურგში ჩასულ ილიას წერილებს ოლლასადმი, ერთი გარემოება მოხვდება თვალში. ილია თითქმის ყოველ წერილში ისეთ დეტალს უსვამს ხაზს, რითაც აშკარად ოლლას შესაძლო ეჭვიანობას ითვალისწინებს. მაგალითად, „არაფერი აქაური სიამოვნება არ მიზიდავს. ნეტავი ფული მქონოდა, რომ შენც წამოსულიყავ ჩემთან, რომ ერთად გვეცხოვრა „ერთსულ და ერთ-ხორც“, როგორც სამღთო წერილი გვინერს. რაკი ჩემს საქმეებს გავათავებ ხოლმე, დავბრუნდები შინ და მთელი დანარჩენი დღე მარტოკავგდივარ სახლში“...

ან „ნუ გგონია, ჩემო კარგო ოლიკო, რომ მე არ მანუხებს შენი დიდი ხნის უნახაობა. უშენობა მე უფრო მტანჯავს, იმიტომ რომ სრულიად მარტო ვარ'.

ან „ვერ წარმოიდგენ, რა რიგად მომწყინდა აქაურობა და შენ-
ზედ შორს ყოფნა“.

ან „მთელი დღე შინა ვგდივარ და ხალათს არ ვიხდი; თუ წავალ
სადმე ხოლმე, ისევ ფინანსთა სამინისტროში“.

ან „სხვაგან არსად დავდივარ და სულ შინა ვგდივარ და შენს
ნახვას ვნატრულობ ხოლმე“.

ან „ხომ იცი, უქმეები რა რიგად მეჯავრება და ეხლა უფრო
გულს მიმღვრევს, რომ შენ ჩემთან არა ხარ“.

ან „თავის დღეში, ფიცი მივე, აღარ მოვშორდებით ურთი-
ერთს“.

უკლებლივ ყველა ნერილში, რომელსაც კი ოლღას უგზავნის,
გვხვდება ამგვარი ხაზგასმები. ცხადია, მართლა გამორჩეული
სიყვარული ჰქონდათ ილიას და ოლღას, მაგრამ ისიც ფაქტია, რომ
ოლღა იმდენად ფანატიკურად არის შეყვარებული, ილიას ხანგრძ-
ლივი მოშორება კი არა, ჭიქა წყალი რომ მის თვალწინ სხვა ქალმა
მიანოდოს, ესეც კი აგიაყებს.

სიყვარულის გარდა, ეს გარემოებაც არის მიზეზი, ილია რომ
ყოველ ნერილში ოლღასადმი იწერება იმას, რაც ზემოთ წაი-
კითხეთ. იცის მეუღლის ხასიათი და ჭკვიანურად ცდილობს მის
დამშვიდებას. ბოლომდე ამას მაინც ვერ ახერხებს. ოლღა მაინც
საყვედურობს, დამივიწყე, არ გახსოვარო. ეტყობა, დასაც შესჩივ-
ლა. ილია პეტერბურგიდან წერს: შენი დის წიგნი მომივიდა და ცო-
ტა—ოდნად მანყინა. იცი რად მანყინა? მწერს რომ თუმცა საზო-
გადო საქმეზედა ხარო, მაგრამ ოლიკო რომ დაივიწყეო — ეგ შენი
აღქმის ლალატიაო. ღმერთო ჩემო!.. შენი და მე კარგად არ მიცნობს
და შენ კი ფრიად დასაძრახისი იქნები, რომ მე ვერ მიცნობდე. შენს
დას მიეტივება და შენ კი არასოდეს. რა ექნა, რა მიზეზი მოგეცით,
რომ შენცა და შენი დაც ეგრე უგულოდ მამცირებთ და მსტაცებთ
ყოველს კაცობრიულს ფიქრსა და გრძნობასა. რა ვქმენი ამისთა-
ნა? ათი თვე დავრჩი რუსეთში? ნუთუ გგონიათ, რომ ქეიფისათვის
დავრჩი!.. ეგ იყო, რომ მწერდი, არ დაანებო თავი მაგ ბანკის საქ-
მესო, ეგ იყო, რომ გულს მიმაგრებდი და მახალისებდი! მახლას...
მოთმინებითა ჩემითა უნდა მოვიპოვო სული ჩემი, იგი სული, რო-
მელსაც მაგისტანა ჩრდილი მიაყენეს ჩემთა უკეთესთა მეგობარ-
თა და მახლობელთა“.

წერდა ამას და მეორე საფიქრალი გაუჩნდა. ილია თუ წარბს
შეკრავს, ილია თუ დაღვრემილია, ილია თუ მოწყენილია, ოლღა
ადგილს ვერ პოულობს, ნუხს, განიცდის. ახლა რა დაემართე-

ბა, თუ ოლლასა და მისი დის მიზეზით ილია ასე გაბრაზებულია? შეიძლება ან თავს აუტყუოს რამე, ან დას. ილიაზე უკეთ ეს ვინ იცის, ამიტომ ამ საყვედურებს თბილად მოაყოლებს: „მე ამას იმიტომ კი არ გნერ, რომ შენ განყენინო, ან მე შენზედ ძალიან ვჯავრობდე. მე მარტო იმის თქმა მინდოდა, რომ მე ალერსი მიჭირდა ამ ჩემს მდგომარეობაში და არა საყვედური. მერე საყვედური იმისთანა, რომელსაცა არარაიმე საფუძველი არა აქვს. დაიცა, დაიცა, მოვალ მანდ და ყველაფერში გავსწორდებით, ჩემო კეკლუშკი!..“

წერილს ამთავრებს ასე: „ჩემს მაგიერ აკოცე მრავალჯერ ერთს ქალს, რომელსაც ოლიკოს ეძახიან და უთხარი, რომ უბრწყინვალესი თავადი ილია ჭავჭავაძე მისი ქმარია საუკუნოდ და უკუნის იქითაც“.

როცა ეს წერილები იწერება, ილია და ოლლა ჯერ კიდევ ახალგაზრდები არიან. ახლა ვნახოთ 50 წლის ილიას წერილი.

[1887 წ.]

ჩემო კარგო ო ლ ი კ ო ჯ ა ნ I ამ ბოლო დროს ისე დატრიალდა ჩემი ბედი, რომ მწუხარება ზედ მატყდება თავზედ და ლამის მე ჩემი დამემართოს. შენც ამ ათასნაირს ვაი-ვაგლახს ცეცხლს უფრო უმატებ ხოლმე და მე აღარ ვიცი, სად წავიდე და ვის შევეკედლო. ვერა მითქვამას რა შენთვის ისეთი, რომ ან იმავე დღეს, ან მეორე დღეს შენ ნამტირალევი არა გნახო. არ ვიცი, ღმერთმან იცის, რა ღვთის რისხვა მეწვია. აბა მანდ ამოვედი წარსულს შაბათს, ვნახე, რომ ციციანოვი გულმოდგინედ აღარ ეკიდება საქმეს და თავის გასაკეთებელს მევე მახვევს კისერზედ, მეწყინა ეს ყველაფერი, გავეჯავრდი, და დღესაც ამაზედა ვარ გაჯავრებული, და შენ ამ გაჯავრების პასუხსა მთხოვ. რა ვქნა, რა ცეცხლში ჩავვარდე, არ ვიცი. ოცდაოთხი წელიწადია ერთად ვცხოვრობთ და ნუთუ ჩემი საძაგელი ხასიათი ვერ იცანი ჯერაც. განა არ იცი, რომ თუ მეწყინა რამე, გულში ჩავიხვევ ხოლმე და შუბლს აღარ გავხსნი არავის წინ, ვინემ გულიდამ ჯავრს არ გადავიყრი. ორმოცდაათის წლის კაცი ვარ და ხელახლად ხომ აღარ დავიბადები? განა მე კი არ ვიცი, რომ ამ ჩემი ხასიათით განუხებ, მაგრამ შენ იცი, რომ ეგ ხასიათია და უნდა შემინდო ხოლმე. ტყუილად დაგიბუდებია გულში რალაც ეჭვები, მე შენი ისეთივე გულით პატივისმცემელი ვარ და მოყვარული, როგორც ოდესმე

ვეოფილვარ. მეუბნები, ისე აღარ მეაღერსები, არაფერს არ მე-
ლაპარაკებო. ნუთუ არა ჰხედავ, რა ვაი-ვაგლახში გავაბი ჩემი,
ეხლა გეტყვი, უბედური თავი! განა არა ჰხედავ, რომ ერთი ნუთი
დღე და ღამ მოსვენება არა მაქვს და შენს, ჩემის გულითადის და
საყვარელის მეგობარის სამდურავს როგორღა გავუძლო! გა-
ნა საკმაო არ არის, რომ აქეთ-იქით მტრობას, ცილისნამებას,
ათასნაირს მწუხარებას, ჭირსა და ვაგლახსა ძლივს ავდივარ,
ძარღვები სულ მომეშალა, ღონიღამ დავიცალე, ჩემის საკუთა-
რის ბედნიერებისათვის აღარ ვცოცხლვარ, - ნუთუ ეს ყოველი
საკმაო არ არის, რომ შენი სამდურავებიც ზედ არ დაერთოს?
შენ უნდა ამისთანა შემთხვევაში ხელი მომანოდო შევლისა, შენ
უნდა გამიტიკბილო მწარე ცხოვრება, შენ უნდა გადამაყრევინო
ჯავრი და მწუხარება და მის მაგიერ შენ ჩემს ავ-კაცობას დას-
ტირი ხოლმე და ჩემთვის გულსაკლავ სამდურავს მითელი. ვიცი
ბევრს განუხებ ჩემის უგემურობით, მაგრამ შენც უნდა ცოტა
შებრალეა იქონიო.

ჩემო კუკლუშკი! შენ უნდა იცოდე, რომ განგებ და განზრახ მე
შენს წყენას, შენს შენუხებას, თავს მოვიკლავ, და არ მოვინდომებ
კი, იმიტომ რომ ერთად-ერთი საგანი ჩემის ცხოვრებისა შენა ხარ.
არ მიყვარს ამისთანების თქმა, მაგრამ რა ვქნა, რომ მათქმევენიებ
ხოლმე. ღმერთს ჩემთვის ალერსის ნიჭი და უნარი არ მოუცია და
როცა მეტი გზა არ არის, რომ ალერსიანი სიტყვა უნდა ვუთხრა
ვისმეს, მე თვითონ ვნითლდები. განითლება კიდევ გავუძლებდი,
სწორედ სულიერად ვიტანჯები ხოლმე. ასე მგონია ხოლმე, რომ
გული გავიუპატიურე, როცა წმინდად გულში შენახული გრძნო-
ბა პირით გამოითქმის. იგი გრძნობაა მართალი, რომელიც კატა-
სავით დღე მუდამ არა სჩხავის და მზეთუნახავად დაბინავებულია
გულში.

ამ სახით, ჩემო კარგო ოლოკოჯან, ერთხელ და ერთხელ მერნ-
მუნე, რომ თუ მოღრუბლულსა მხედავ, ეგ ჩემს უგემურს ხასიათს
მიანერე და არა იმას, რომ შენს ბედნიერებას მე გულგრილად ვექ-
ცეოდე. ბევრჯელ მეტი სიტყვა მომივა ხოლმე, ბევრჯელ გუნება
ისე მომეშლება, რომ ლაპარაკის თავი არა მაქვს, ბევრჯელ და-
ფიქრებული და ხმაგაკმენდილი დავეთრევი, - უფრო ხშირად არც
მოცლა მაქვს და არც ხალისი ხმის ამოღებისა და გართობისა, და
შენ ყოველს ამას სამდურავის მიზეზად ჰხედავ და შენდობის მაგიერ
გულს მიკლავ ხოლმე. ესეც იცოდე, ჩემო საყვარელო კუკლუშკი,
რომ როცა მაგისთანები მესმის შენგან, ან როცა სახის-მეტყვე-

ლება შენი ამაებს მანიშნებს, ის დღე ჩემთვის სიკვდილია. ამას არ გეუბნები ხოლმე და ვმალავ; და აბა სწორედ ეს არ—თქმა და მალვაა ის დიდი ჭირი, რომელიც კაცს ბოლოს ულებს და ნელნელა სიცოცხლესა სწოვს, რაც შენ ეგ ხასიათი დაიჩემე, მას აქეთ მომწყდა წელი და ვგრძნობ რომ დღე და დღე უკან მივდივარ სულითაც და ხორციითაც. თუ ჩემი სიცოცხლე გინდა, ძველებურადვე მოიბრუნე ჩემკენ გული და ყურს ნუ ათხოვებ ხოლმე, როცა მე წარბშეკრული ვარ და რაზედმე გულ—ნანყენი. შენ აქ არაფერს შუაში ხარ ხოლმე და თუ პატარას გაგებუტები ხოლმე, ეგ უნდა მაპატიო და შემინდო, იმიტომ რომ შენი კარგად და მხიარულად ყოფნა ჩემი კარგად და მხიარულად ყოფნაა.

ერთის სიტყვით, შაფათამდე დამაცალე და შაფათს მოვალ და ყურებს აუნეე ჩემს უმადურს, მაგრამ ყოველთვის ერთგულს და საყვარელს კუკლუშკასა, რომ მეორედ ამისთანაები აღარ გაბედოს. აბა, ერთი იფიქრე შენ, ჩემო კარგო და გულითადო მეგობარო, ისეთი რა უნდა მანყინო, რომ გულში ჩასარჩენი იყოს და იმავ წამსვე წყალს მისაცემი არ გახდეს ჩემგან! შენ ჩემს სახეს ნუ უყურებ ხოლმე და მარტო ჩემს გულში ჩამოიხედე და იქ ნახავ რამოდენა სიყვარული მაქვს ჩემის კარგის ოლიკოსი.

შენი ერთგული ილიაჭავჭავაძე

ყოველივე ეს რა გასაკვირია, როცა ოლლა 70 წლის მოხუც ილიაზეც ეჭვიანობს. 1900 წელს რუსეთიდან საქართველოში ჩამოვიდა რუსი გლეხი, განათლებული კაცი, ტოლსტოის მიმდევარი დანიელ მასლოვი. რუსეთში მასწავლებლობდა. გაზეთში წაუკითხავს, რომ თბილისის მახლობლად სოფელ კიკეთში მეფუტკრე სჭირდებოდათ. იქ დამდგარა მეფუტკრედ. იქაურობა არ მოსწონებია და თბილისში ჩამოსულა. ჩემმა ბატონმა სამსახურში მოწყობის მიზნით გამაცნო თბილისის მომრიგებელი მოსამართლე ივანე გაბრიელის ძე თულაშვილი. ამ თულაშვილს კი საგურამოში აუყვანია ილიასთან, რომელსაც გამოცდილი მეფუტკრე სჭირდებოდა. ილიამ თავისთან დაიტოვა და ეს კაცი 1901 წლიდან მოყოლებული სიკვდილამდე ცხოვრობდა საგურამოში...

აი, ეს მეფუტკრე დანიელ მასლოვი იგონებს: „ილია სადაც არ უნდა ყოფილიყო, მისი ცოლი ოლლა განუყრელად მასთან იყო.

ოლლა განუყრელად თან ახლდა ილიას, თავის სიცოცხლის უკანასკნელ წუთებამდე. უყვარდა ქმარი. ერთხელ, მახსოვს ასეთი შემთხვევა:

ერთ საღამოს მე და ილია გრიგოლის ძე ვისხედით აივანზედ, წყაროს მახლობლად, ჩვენ წინ მოსამსახურემ გაიარა, პოლონელი ქალი იყო. „მანია! – დაუძახა ილიამ, – ერთი ჭიქა წყალი თუ შეიძლება“. მოსამსახურემ იმ წუთსავე მოართვა წყალი წყაროდან. ოლლა თადეოზის ასული მეორე სართულის აივანზე იჯდა და ყველაფერს ჰხედავდა.

მესმის ოლლამ საჩქაროდ ჩამოირბინა კიბეები, გაირბინა აივანი, სადაც ჩვენ ვისხედით, დაეცა მინდორში და დაიწყო თავის ხლა მინაზე. მე და ილია მივვარდით მისაშველებლად, ავიყვანეთ, შუბლზე ცივი წყალი დავასხურეთ და გრძნობაზე მოვიყვანეთ.

– ოლლა, გონზე მოდი! შენ ისევ შენებურად განაგრძობ, ნუ დაივიწყებ, რომ მე უკვე 70 წლის ვარ – უთხრა მას ილიამ.

ოლლამ უსმინა, უსმინა (ცუდად ესმოდა) და შემდეგ უთხრა: – დაამთავრე ილია? ეხლა მე დამიგდე ყური: ნუ დაივიწყებ რა ბედნიერებაა ჩემთვის, რომ მოგიტანო ჭიქა წყალი, შენ კი ამ სიამოვნებას მიკარგავ.

აი, როგორ ძლიერ უყვარდა მას ილია."



ახლა კი, შეპირებისამებრ, იროდიონ ევდოშვილის მონანიების შესახებ მინდა გიამბოთ. ვინ თუ არა თვით იროდიონმა იცოდა ყველაზე უკეთ, რომ ილიას პიროვნული წყენის გამო უზდიდა სამაგიეროს. მან თავის თავზე დაწერა რეცენზია, შეიტყო ეს ილიამ და „ივერიიდან“ გამოაგდო, განა სწორი არ იყო ილიას საქციელი? შეუძლებელია პოეტ კაცს სინდისის ქენჯნა არ ჰქონოდა, მაგრამ გულისწყრომას აყოლილი, მესამე დასელებში მოხვედრილი, თავის ძველ რედაქტორს სხვაზე არანაკლებ უტყედა, იქნებ იმიტომაც, მეტი ერთგულება რომ დაემტკიცებინა თავისი ახალი მეგობრებისათვის. თუმცა, პოლიტიკოსებისაგან განსხვავებით, ევდოშვილმა, როგორც კალმის კაცმა, კარგად იცოდა ილიას ფასი. ყოველ შემთხვევაში, მისი პარტიელებისაგან ილიას ბარბაროსული მკვლელობის შემდეგ, იროდიონი არა მარტო გულწრფელ სინანულში ჩავარდება, არამედ, დანყველის ბოლშევიკებს

და ფაქტიურად სასიკვდილოდ გადადებს თავს, ეს მაშინ, როცა თვით ილიას ახლობლებიც კი, წითელი რაზმების თარეშისაგან დათრგუნულნი, ვერ ბედავდნენ ხმამალლა ეთქვათ, – ვინ იყვნენ მკვლელობის ორგანიზატორები, ევდოშვილი თავისი მეგობრებისკენ გაიშვერს ხელს. ეს სამოქალაქო გმირობა იყო. იროდიონი არ მოუკლავთ, მაგრამ ბოლშევიკებმა ღალატი არ აპატიეს და სიცოცხლე გაუმწარეს.

მაგრამ ჩვენ ძალიან შორს წავედით, ჯერ 1901 წელია და ევდოშვილი ილიაზე აუგის მეტს არაფერს წერს. ილია მისთვის ილოა და „ივერია“ კოჭლი გაზეთი. (ასეთი უცნაურია ცხოვრება).

იროდიონი რომ ასე ულოცავს ილიას ახალ წელს, დაახლოებით იმავე პერიოდში ბარონ დე ბაი საფრანგეთში ბექდავს პატარა ნიგნაკს, რომელშიც ილიაზე წერს: „ქართველებს მეომრების გარდა პოეტებიცა ჰყავთ. ერთი მათგანი ტფილისში სცხოვრობს. მისი ვინაობა მისი ფრანკოფილურნი გრძნობანი მამბედვინებს აგიწეროთ ეს კაცი: ქართველი თავადიშვილი ილია ჭავჭავაძე ნაციონალური და სახალხო პოეტია, მის ლექსებს განიგონებთ როგორც ქუჩებში, ისე ქოხებსა და სასახლეებში. ეს განათლებული პირი უმაღლეს არისტოკრაციას ეკუთვნის; ყოველთ უწინარეს კი-თანამედროვე კაცია და ეს მცირე ღირსება კი არ გახლავთ, თუ გავითვალისწინებთ იმ წრეს, რომელშიაც ისა ცხოვრობს. ილია ჭავჭავაძემ დააარსა სათავად-აზნაურო ბანკი და იმისავე მმართველია, ამასთან რედაქტორია ქართულ ჟურნალ-გაზეთებში ყველაზე გავლენიანი გაზეთის „ივერიისა“, თავმჯდომარეა წერა-კითხვის გამავრცელებელ საზოგადოებისა, ხელოვნების გამავრცელებელ და საქველმოქმედო საზოგადოებათა.

ილია ჭავჭავაძემ პროზად დასწერა იუმორისტული მოთხრობანი და ქართველთათვის იგივეა, რაც რუსთათვის გოგოლი იყო. მისნი პოეტურნი ნაწარმოებნი ღრმად ქრისტიანული, პატრიოტული და ფილოსოფიურია. ბევრით ადრე გამოსთქვა ჭავჭავაძემ ბევრ საგნის შესახებ ის აზრები, რასაც ახლა ტოლსტოი ჰქადაგებს. ერთს თავის ნაწერში სატირის სახით გამოააშკარავა ქართველთა ნიშანდობლივი ნაკლულოვანება. მისი პოეზიის სტილი ძველთა სპარსელ პოეტთა სტილს უახლოვდება, რაიც ატავიზმით აიხსნება: ჭავჭავაძის ოჯახში უწინ ნათესაური კავშირი არსებობდა სპარსეთის წარჩინებულ ოჯახებთან“.

ამ წერილში ბევრი რამ საყურადღებოც და უცნაურიც არის თქმული, მაგრამ ამ უცხო კაცისგან ილიას მნიშვნელობა რომ შეცნობილია, აშკარაა.

●
თუმც თვით ილიას არც „რიგოლეტოს“ პასკვილი აინტერესებს და ჯერ არც დე ბაის წერილი წაუკითხავს, ის იანვრის დასაწყისში ჭირისუფალია. 3 იანვარს ოლღას და, ეკატერინე თადეოზის ასული გურამიშვილი-სტაროსელსკისა გარდაიცვალა.

ხოლო თებერვლის 19-ში ქართველთა საყვარელი პოეტი რაფიელ ერისთავი აღესრულა.

21 თებერვალს ქართული რედაქციების თაოსნობით ქაშვეთის ეკლესიაში გადახდილ იქნა სამოქალაქო პანაშვიდი. წერა-კითხვის გამავრცელებელმა საზოგადოებამ გადანყვიტა, რაფიელი თბილისში დაეკრძალათ. პოეტი უკანასკნელი წლები ცხოვრობდა თელავში, ქალიშვილთან და სიძესთან. სიძეს, ვასილ კახიძეს, დეპეშას უგზავნიდა ილია ჭავჭავაძე და აცნობებს ქართული საზოგადოების სურვილს, - რაფიელ ერისთავი დაკრძალულ იქნას თბილისში, რომ გადმოსვენებისა და დაკრძალვის ხარჯებს გაიღებს წერა-კითხვის საზოგადოება. რაფიელს დაებარებინა, მშობლიურ სოფელ ქისტაურში დამკრძალეთო. პოეტის ეს ანდერძი დეპეშითვე აცნობა სიძემ ილიას. რის შემდეგადაც გადანყდა (22 თებერვალს ჩატარებულ კრებაზე), რომ განსვენებულის სახელის პატივსაცემად გვირგვინების თანხა მსურველებს შეეწირათ რაიმე საქველმოქმედო საქმისათვის, რაც გაკეთდებოდა რაფიელის სახელზედ. ეს გადანყვეტილებაც ილიამ აცნობა მიცვალებულის ოჯახს.

უამრავი დეპეშა მოვიდა საქართველოს თუ იმპერიის სხვადასხვა ქალაქებიდან. 25 თებერვალს რაფიელის კუბოს თელავიდან ხუთი ათასამდე კაცი მიჰყვებოდა. ქალაქის ქუჩები, სადაც ცხედარი უნდა გაეტარებინათ, მოფენილი იყო ღვითთ. შელამებულზე პროცესია მივიდა სოფელ ვარდისუბნამდე. ის ღამე ეკლესიაში დაასვენეს, მეორე დღეს, 26 თებერვალს კი დაკრძალეს მის მშობლიურ სოფელ ქისტაურში.

25 თებერვალს ქაშვეთის ეკლესიაში შეიკრიბა ქართული მწერლობის თითქმის ყველა სახელოვანი წარმომადგენელი. სიტყვა წარმოთქვა აკაკი წერეთელმა. ეს არის ერთ-ერთი შესანიშნავი გამოსვლა აკაკისა, მაგრამ, რატომღაც ეს სიტყვა პრესაში პოლემი-

კის საგნად იქცა. უცნაური იყო ეს პოლემიკა, ეფერებოდნენ მიცვალებულს და გულს სტკენდნენ ცოცხალ მგოსანს...

რაფიელის გარდაცვალებას უამრავი წერილი თუ ლექსი მოჰყვა, მათ შორის ვაჟა ფშაველამ დიდებული სტრიქონები უძღვნა პოეტს:

მთა-ბარს გულს აუჩქროლებდა
შენი ხმა, შენი ნალარა,
სამშობლომ ხევსურისამა
ყველასიც გული დაღარა.
გრძნობა შესწირე ზვარაკად
შენსა სამშობლო მხარესა,
რბილსა და ნაზსა ღიღინში
ცრემლსაც ურევდი მწარესა,
გაესხიოსნა წყვდიადი,
ეხვეწებოდი მთვარესა...

30 აპრილს იაკობ გოგებაშვილმა სადილად მიიწვია ილია, ანტონ ფურცელაძე, ვახტანგ თულაშვილი, ნიკო ცხვედაძე, პეტრე უმიკაშვილი და იონა მეუნარგია. სადილი სადილად, მაგრამ იაკობს ამ წელიწადს დიდი ბრძოლა აქვს გადასატანი და ვისთან დაიჩივლებს, თუ არ თანამოაზრეებთან.

გოგებაშვილი წუხს ვოსტორგოვის პროექტის გამო. ეს ვოსტორგოვი იყო ქართული კულტურის დაუძინებელი მტერი. 1897 წლიდან საღვთო სჯულს ასწავლიდა თბილისის ვაჟთა I გიმნაზიაში. 1900 წლიდან კი ქართლ-კახეთის სამრევლო სკოლების ზედამხედველად დანიშნეს. „კარგი ზედამხედველობისთვის“ 3 წლის შემდეგ საქართველოს საეგზარქოსოში შემავალი ყველა სამრევლო სკოლის უფროსი გახდა.

ამ კაცის მიზანი იყო საქართველოს სკოლებიდან ქართული ენის განდევნა. 1902 წელს დაამტკიცეს კიდევ მისი გეგმა, რომლის მიხედვით სამეგრელოს სკოლებიდან სრულებით უნდა გაძევებულიყო ქართული. სამეგრელოში ეს განზრახვა არ ახალი იყო. გახსოვთ, ალბათ, თადა აშორდია, ავანტიურისტი და კიდევ უფრო დიდი ავანტიურისტის, ანდრო აშორდიას ძმა. იმან მოინდომა ადრე იანოვსკის დავალებით ამ უკუღმართი საქმის გაკეთება, მაგ-

რამ არ გამოუვიდა. რამდენჯერმე სცემეს. აკაკი მოკვლით დამემუქრაო-ჩიოდა. ახლა ეს ვოსტორგოვი გამოტყვრა.

საქმის არსი იყო შემდეგში. სამინისტროს სკოლებიდან ქართული ისედაც განდევნილი იყო, მაგრამ სამინისტროს სკოლების გარდა, არსებობდა 3-კლასიანი სამრევლო სკოლები. აქ სწავლება იყო ქართულ ენაზე, ასევე ისწავლებოდა რუსული ენაც, როგორც ცალკე საგანი.

ვოსტორგოვმა მოინდომა სამრევლო სკოლებში სწავლება ყოფილიყო რუსულ ენაზე, ხოლო ქართული როგორც ცალკე საგანი, მაგრამ ეს დაშვებაც იყო ანეკდოტური-თუ კლასში აღმოჩნდებოდა თუნდაც ერთი არაქართველი, ვთქვათ სომეხი, ოსი, რუსი მაშინ სწავლება მთლიანად რუსულ ენაზე უნდა შემდგარიყო, თუნდაც იმ სომეხს ან ოსს რუსული საერთოდ არ სცოდნოდათ.

ეს პროექტი, გარდა იმისა, რომ ქართულ ენას აძევებდა სამრევლო სკოლებიდან, პირდაპირ ხელშემწყობი იყო სოფლად თუ ქალაქად მეზობლების შულლისა და დაპირისპირებისათვის.

თუ სოფელში ერთი ოსი ცხოვრობდა, მის გამო მთელ სოფელს რუსული სკოლა უნდა ჰქონოდა. ბუნებრივია, ის ერთი ოჯახი თავადაც ბომბზე მდგარი აღმოჩნდებოდა, მაგრამ ვოსტორგოვი ხომ ამას არ დაგიდევდათ, მისი მიზანიც ხომ სწორედ ეს იყო-ადგილობრივებს რომ ერთმანეთი დაეჭამათ. აი, ამას უნდა აღუდგნენ როგორმე წინ. არადა, სწორედ იმ წელიწადს ვართ მიმდგარი, როცა ერის ზეპური საზოგადოება სამარცხვინო დღესასწაულისათვის- საქართველოს რუსეთთან შეერთების ასი წლისთავისთვის ემზადება და ეს მზადება უკვე სამი-ოთხი წლის წინ არის დაწყებული.

მაინც ვინ იყო ამ „დიდებული“ აზრის ავტორი? აზრი ალბათ ზემოდან ჩამოაწოდეს, მაგრამ ძალიან თავი კი გამოიძო დავით მელიქიშვილმა. ლევან მელიქიშვილის ძმის შვილმა, რომელიც იმჟამად თბილისის გუბერნიის თავადაზნაურთა მარშალი იყო. არც ქართველობაზე ჰქონდა ხელი ალებული, პირიქით, ის ამტკიცებდა, რომ თუ რუსებს თბილ გულს ვაჩვენებდით და ერთგულებას დავუმტკიცებდით, ხელმწიფე იმპერატორი ბევრ რასმე საქართველოსთვის კეთილი ნებით გამოიმეტებდა. დავითი იყო განათლებულიც, კარგი ორატორიც, სასიამოვნო მოსაუბრეც და თავისებურად პატრიოტიც. მაგრამ რა გამოვიდა ათას მეერთედ მოტყუებული ქართველის ცდიდან ქვემოთ შევიტყობთ, ახლა კი

იმის შესახებ, რა უნდოდა ამ ზეიმის ორგანიზატორს, რისი მიღწევა სურდა მას?

პირველ ყოვლისა მას სწამდა, რომ ამ ქვეყნის უბედურებაში მეფეს კი არ ჰქონდა წვლილი, არამედ მის ჩინოვნიკებს, ამიტომ ფიქრობდა, იმპერატორს უნდა გაევაგებონოთ ქართველი ერის უბედურებაო.

მას სჯეროდა, რომ იმპერატორი გვიბოძებდა სრულ თვითმმართველობას, ნაფიც მსაჯულთა სასამართლოს, ქართულ უნივერსიტეტს.

ის ხვდებოდა ახალგაზრდებს „ცნობის ფურცლის“ რედაქციიდან, რომელნიც უკვე ფულს აგროვებენ ახალი, „სოციალ-ფედერალისტური“ პარტიის დასაარსებლად. ასევე ხვდებოდა „კვალელებს“, ყორდანისას, მახარაძეს.

იმჟამად უკვე „ცნობის ფურცლის“ ერთ-ერთი წამყვანი თანამშრომლის, გიორგი ლასხიშვილის მოგონება: „მახსოვს არჩილ ჯორჯაძე, ალექსი ჯაბადარი და მე „ცნობის ფურცლისაგან“, ნოე ყორდანია „კვალისაგან“ და კიდევ რამდენიმე კაცი. მელიქიშვილმა დიდის სიტყვით მოგვმართა, დახლოვებით შემდეგი შინაარსისა:

თქვენ ხედავთ რა ამბებშია რუსეთის პრესა და მოხელეობა; ისინი დაჟინებით ლაპარაკობენ ჩვენს სეპარატიზმზე, გვაბეზღებენ მეფესთან და რუსის ერთან. ამიტომაც საჭირო ხმა ამოვიღოთ და გავახსენოთ, რომ საქართველო თავის ნებით შეუერთდა რუსეთს; მოვავგონოთ, რა დიდი მნიშვნელობა ჰქონდა რუსეთისათვის ამ შეერთებას: საქართველომ დარიალის კარები გაუღო რუსეთს და ამრიგად საშუალება მისცა მას-ახლო აღმოსავლეთში ფეხი მოეკიდნა. ამასთანავე უნდა ვუთხრათ რუსის მეფესა და ერს, რომ საქართველოს სამაგიეროდ არაფერი მიუღია. იმედი გაუცრუვდა და დღეს გადაგვარების გზას ადგია. თქვენ დამეთანხმებით, რომ ყველა ამის თქმას დიდი პოლიტიკური და მორალური მნიშვნელობა ექნება. ხოლო ყველაფრის თქმა შესაძლებელი იქნება, როცა ჩვენ აგრეთვე ჩვენის ნებით ვიდლესასწაულებთ შეერთების ასი წლისთავს. გარდა ამისა, თქვენ იცით, რომ ამჟამად თავად-აზნაურობასა და ქალაქს აღძრული აქვს სხვადასხვა მნიშვნელოვანი შუამდგომლობა ერობაზე, ნაფიც მსაჯულთა სასამართლოზე და ტფილისში უნივერსიტეტის დაარსებაზე. იმედი მაქვს თუ ყველა არა, ზოგი შუამდგომლობა მაინც დაკმაყოფილებულ იქნება, თვით ამ დღესასწაულის დროსო.

ჩვენ ყველამ, პრესისა და სხვადასხვა მიმდინარეობების წარმომადგენლებმა, რა თქმა უნდა, გადაჭრით უარი ვუთხარით მელიქიშვილს დღესასწაულში მონაწილეობის მიღებაზე და საერთოდ დახმარებაზე. ჩვენი პასუხი მოკლე იყო:

– ქართველი ერის მონობის აღსანიშნავ დღესასწაულში ჩვენ ვერავითარ მონაწილეობას ვერ მივიღებთ-თქო.

– მე ამას მოველოდი, გვითხრა მელიქიშვილმა, იმას მაინც გთხოვთ, წინააღმდეგობას ნუ გაგვიწევთო. ამაზე არჩილ ჯორჯაძემ უპასუხა:

– სამწუხაროდ, ჩვენ ხელთ ძალა არ არის ლეგალურ პრესაში წინააღმდეგობა გაგინიოთ, ხოლო თუ ვინმე არალეგალურად თავის აზრს გამოხატავს, ამას თქვენთვის რა მნიშვნელობა ექნებაო."

ვიდრე დავით მელიქიშვილი და მისი თანამოაზრენი ამა წლის 25 სექტემბერს დაგეგმილი დიდი ზეიმისთვის ემზადებოდნენ, ილიაც სამზადისშია, ოღონდ ისევ გერმანიაში გამგზავრებას ეშურება. ავადმყოფობამ ისევ შემოუტია და ესეც არ იყოს, ოღლაც სამკურნალო ჰყავს. მას კარგა ხანია სმენა დაუქვეითდა და ამ ნიადაგზე ისე ნერვიულობს, ილიას ათასი ახსნა-განმარტება სჭირდება, რომ რაკი მისი ხმადაბალი ლაპარაკიც კი ესმის, ასე სანერვიულოდ სულაც არ არის საქმე...

ივნისის ბოლოს ილია, ოღლა, ელისაბედი, ელენე ჯაბადარი-ილიას მეგობრის, სპირიდონ ჯაბადარის მეუღლე, ანტონ ფურცელაძე და ნიკო ხიზანიშვილი მიდიან გერმანიაში კვლავ პროფესორ ლეიდენტან.

საინტერესო ის არის, რომ ელისაბედი ქართულ კაბაში და ქართული თავსაბურავით გამოჩენილა ქალაქის ქუჩებში. ევროპელები დასდევდნენ და ათვალეიერებდნენ ამ უცნაური ჩაცმულობის გამო. რას დამსდევენ ეს გასანწყვეტლებიო-სწუხდა ელისაბედი. ილიამ თავისი სახელობის დღეობის მისალოცი დეპეშები ამჯერადაც გერმანიაში მიიღო და „ივერიაში“ ივლისის ბოლოს იბეჭდება ილიას სამადლობელი წერილი ყველა იმ პირისადმი, ვინც 20 ივლისი მიულოცა.



თბილისში სექტემბრის შუა რიცხვებში დაბრუნდა. 25 სექტემბერს ის დიდი ზეიმი იყო დანიშნული. იმპერიის ცენტრიდან ჩამობ-

რძანებულ უმაღლეს გვამთა მასპინძლებს შორის ილია არ ჩანს, მაგრამ საინტერესოა, ვინ ჩამოვიდნენ რუსეთ-საქართველოს „შეერთების“ მე-100 წლისთავზე და როგორ ხელდამშვენებულნი. სტუმართა შორის არიან კავკასიის ნეფისნაცვლად ნამყოფი, ახლა სახელმწიფო საბჭოს თავმჯდომარე (ბოლო წელია მისთვის ამ თანამდებობაზე), მიხეილ ნიკოლოზის ძე რომანოვი. მას ახლავან საბერძნეთის დედოფალი და დიდი მთავრები. რუსეთის თავადაზნაურობის სხვადასხვა გუბერნიების წინამძღოლნი. მოსკოვისა – თავადი ტრუბეცკოი, კიევის – რეპნინი, ვილნოს – პლატერი, პეტერბურგის – ზინოვიევი და სხვები.

„დილით სამეფო გვარეულობა, რუსეთიდან ჩამოსული სტუმრები, ქართველი თავადაზნაურობა და ქალაქის წარმომადგენელნი სიონის ტაძრისაკენ გაემართნენ. ქალაქის საგანგებოდ მორთულ ქუჩებზე დიდძალ ხალხს მოეყარა თავი, მაგრამ ცხადად ემჩნეოდა მას სრული გულგრილობა და აშკარა იყო, სანახაობის საყურებლად გამოსულიყო. სიონის ტაძარში პარაკლისის გადახდის შემდეგ ყველამ თავი მოიყარა მთავარმართებლის სასახლეში. გამოვიდა დიდი მთავარი მიხეილ ნიკოლოზის ძე, მიულოცა დამსწრეთ დღესასწაული და წაიკითხა „უმაღლესი რესკრიპტი“. რესკრიპტში აღნიშნული იყო მეფის შემდეგი „წყალობანი“:

1. ქალაქ „კავკავში“ დაარსებულ იქნება კადეტთა კორპუსი, ქართველ თავადაზნაურობის შვილების აღსაზრდელად;

2. ყოველწლიურად ხაზინიდან ქართველ თავადაზნაურობას მიეცემა 40 ათასი მანეთი (ოც-ოცი ათასი ტფილისისა და ქუთაისის თავადაზნაურობას (შედარებისათვის გეტყვი, ამ დროისათვის ილიას ბანკს აქვს დაახლოებით ნახევარი მილიონი სუფთა მოგება, ნ.გ.))

3. თავადაზნაურობა 3 წლით გათავისუფლებულია საადგილმამულო გადასახადებისგან.

როგორც ხედავთ-განაგრძობს თხრობას ლასხიშვილი, მეფის რესკრიპტშიაც ხაზგასმით იყო აღნიშნული, რომ ეს დღესასწაული თავადაზნაურობის დღესასწაულია და მხოლოდ მას ებოძა სხვადასხვა საჩუქარი.

ნაშუადღევს სამ საათზე მე გავეშურე მელიქიშვილის სახლისკენ ამბების გასაგებად; იქ უკვე თავი მოეყარა ინტელიგენციის რამდენსამე წარმომადგენელს, რომელნიც ჩემსავით ცნობისმოყვარეობამ მოიყვანა აქ. პატარა ხნის შემდეგ შემოვიდა თვით მელი-

ქიშვილიც, რომელსაც დიდი აღელვება ეტყობოდა. თან მოსდევდა ტრუბეტკოი, რომელიც ცდილობდა მის დამშვიდებას, გადებოდა კიდეც:

– Успокойся, голубчик Давид! Все исправится, надо нам немного потерпеть...

მელიქიშვილი გაჯავრებული იყო რესკრიპტით! მოელოდა ერობას, ან უნივერსიტეტს, კიდეც რასმე ქართველ ერისთვის, ნამდვილად კი რესკრიპტით თავად-აზნაურობას ებოძა კადეტთა კორპუსი და რალაც გროშები. დამახასიათებელია, რომ მელიქიშვილს ეხლაც მტკიცედ სწამდა, მეფე აქ არაფერ შუაშია, ყველაფერში დამნაშავე „კედელი“, განსაკუთრებით კი კავკასიის მთავარმართებელი, თავადი გოლიცინიაო, (ადრე ვთქვით, რომ ამ გოლიცინის უხეშობის გამო ის სამსახურს დატოვებს, – ნ.გ.) იმის ჩაგონებით არის დანერილი ეს რესკრიპტით. გაიძახოდა განრისხებული მელიქიშვილი.

ასე უფერულად გათავდა ეს უცნაური დღესასწაული.“

ქართველმა ახალგაზრდობამ (ცხადია, არა მესამე დასელებმა) უფროს თაობას ნამუსი მოსწმინდა. დიდხანს იმსჯელეს პროტესტი რითი გამოეხატათ და ბოლოს არჩილ ჯორჯაძეს მშვენიერი პროკლამაცია დაუწერია. დაუბეჭდავთ, გაუმრავლებიათ ეს პროკლამაცია და გაუვრცელებიათ ხალხში.

ილია ნაკაშიძეს (ილიას დიდი მეგობრის, პეტრე ნაკაშიძის შვილი), რომელიც ტოლსტოისთან ახლოს იყო, დაუწერია დიდი წერილი, სადაც აღწერდა, რა სამარცხვინოდ აზიემეს საქართველო თავისი დამონების მესამე წლისთავზე და რომ ქართველი ხალხი არათუ მონაწილეობდა ამ ზეიმში, პირიქით, პროტესტს გამოთქვამდა თავსმოხვეული მონობის ზეიმის გამო.

ილია ნაკაშიძე წერდა ლევ ტოლსტოის, თავისი ავტორიტეტული სიტყვით მსოფლიოს წინაშე მხარი დაეჭირა ქართველთა სამართლიანი გულისწყრომისთვის. ნაკაშიძემ ტოლსტოის პასუხი მიიღო. იწერებოდა, თანაგიგრძნობთ, მაგრამ ახლა ამის გაკეთება არ შემძღვია და იქნებ შემდეგში მოვახერხო რამეო.

არც არაფერი მოუხერხებია...

რას ფიქრობს ყოველივე ამაზე ილია? ლეგალურ პრესაში ამ დღესასწაულის საწინააღმდეგო აზრი ვერ გაჭაჭანდებოდა. საბედნიეროდ, ამ ფაქტთან დაკავშირებით შემოგვრჩა ერთადერთი მოგონება მიხეილ ჯავახიშვილისა. მიხეილი 1893 წლიდან წინამძღვრიანთკარის სკოლაში სწავლობდა. ამ სკოლის მოწაფეები

წინამძღვრიშვილს ილიაობაზე დაჰყავდა ხოლმე. ყმანვილი ჯავახიშვილიც იქ უნახავს ილიას. და აი, ახლა ყირიმის სასოფლო-სამეურნეო ინსტიტუტიდან დაბრუნებული მიხეილი დიდუბეში, ამ ზემისადმი მიძღვნილ გამოფენაზე შემთხვევით წააწყდება თავის ყოფილ დირექტორს ილია წინამძღვრიშვილს და ილია ჭავჭავაძეს. ახლა თვით მიხეილს მოვუსმინოთ: „უცებ ორ ილიას-ჭავჭავაძესა და წინამძღვრიშვილს წავაწყდი. ეს ის წინამძღვრიშვილია, რომელიც 60-იან წლებში ჭავჭავაძეს შეიარაღებულ მცველად დასდევდა, როცა მას ზოგი ქარაფშუტა თავადი თუ აზნაური მოკვლას ემუქრებოდა. ორივენი თითქო შეფიცული მეგობრები იყვნენ და უერთმანეთოთ დიდხანს ვერა სძლებდნენ. წინამძღვრიშვილიც შესანიშნავი მოღვაწე იყო. მთელი სიცოცხლე თავი სკოლას შესწირა.

ორივენი სუფრაზე ისხდნენ და საგრილებელ რაიმე სასმელს სვამდნენ. მე ვცადე ილია წინამძღვრიშვილისთვის თავი მომერიდებინა, მაგრამ დამინახა, დამიძახა, დამსვა და მისალმების შემდეგ მკითხა, ამ დროს აქ რა გინდათ? როცა გაიგო, რომ სწავლას თავი მივანებე, ძლიერ განყრა და საყვედურით ამავსო.

– ეხლა რას აპირებ, რით გინდა იცხოვრო?

– მინდა მხატვრობა შევისწავლო.

წინამძღვრიშვილი უარესად გამიწყრა, კიდევ დამცინა, ჭავჭავაძემ მიცნო.

– ეს ის ყმანვილი ხომ არ არის, მწერალი რომ უნდა გამოსულიყო? – ჰკითხა მან წინამძღვრიშვილს.

– ის არის, მაგრამ მწერალი კია არა... – და ჩემს განზილებას დასასრული აღარ უჩანდა. ბოლოს მკითხა, მამაშენი ნაწყენი არ არისო?

– დედ-მამა დამეხოცა, ვუპასუხე მე.

– წინამძღვრიშვილი უცებ მოლბა. კილო გამოიცვალა, მანუგეშა, მომეალერსა.

მე ჩემი დედისა და დის მოკვლის ამბავი ვუამბე. ორივენი გაცოდნენ, ნუგეშის ცემას უმატეს. ამ დროს სუფრას მეფის ჯარისკაცის მუნდირით გამოწყობილი თავად-აზნაურთა წინამძღვრი დავით მელიქიშვილი მოუჯდა. ის ჩემი ბორჩალოელი მეზობელი იყო და ერთმანეთს უწინაც ვიცნობდით. ამ იუბილეს ინიციატორი და მეთაური ის იყო. სალამ-მოკითხვის შემდეგ მარშალმა და ჭავჭავაძემ საუბარი გააბეს. მას დროგამოშვებით ცხარე კამათის იერი ეძლეოდა, ეს ბაასი სიტყვა-სიტყვით აღარ მახსოვს, ხოლო

მისი შინაარსი კარგად დამახსოვდა, მელიქიშვილმა ჭავჭავაძეს უსაყვედურა, თავად-აზნაურთა საკრებულოს, იშვიათად ეკარები, ხოლო იუბილეს მტრულად შეხვდით.

– სასიხარულო არაფერია, – მიუგო ჭავჭავაძემ, – საქვეყნოდ თავი მოგვჭერით. თავიდანვე გითხარით, მე ჩემი გზა მაქვს – მეთქი.

– ჩვენი თავი ჩვენადვე უნდა გვეყუდნესო – გაიხსენა წინამძღვრიშვილმა ჭავჭავაძის გზა, რომელიც მელიქიშვილის გზას თავიდანვე გაეყარა.

გარდა ამისა, – სთქვა ჭავჭავაძემ, – ამ იუბილემ ქართველი ხალხი ორ ბანაკად გაარღვია. თქვენ ერთი მუჭა ჩინოსანი, გაღმა დგებხართ, ხოლო ხალხი გამოღმა დარჩა. მაგრამ ზოგი ჭირი მარგებელია: ამ იუბილეს წყალობით ხალხი მტერ-მოყვარის გარჩევას ისწავლის და მისი ეროვნული შეგნება საბოლოოდ ჩამოყალიბდება“.

რაკი რუსეთთან საქართველოს „შეერთების“ საკითხს ვეხებით, ვჩაქრობ წარმოგიდგინოთ ერთი ლექსიც აკაკისა, რომელიც, მართალია, მოგვიანებით არის დაწერილი და ერთ კარგ რუს მოღვაწეს დურნოვს ეძღვნება, რომელსაც საქართველოს ეკლესიის ავტოკეფალიის საკითხში ჩვენ მხარი დაგვიჭირა, მაგრამ ლექსი არსებითად ხსენებულ თემაზეა დაწერილი. გარდა ამისა, ის არ არის შეტანილი აკაკის ტომეულებში და პირველად კირიონის არქივიდან გამოაქვეყნა შ. გოზალიშვილმა ამ 20 წლის წინათ. ლექსში აღწერილია ის იმედი და შემდეგ სრული გულგატეხილობა, რაც ამ 100 წელიწადს მოეტანა ქართველი კაცისათვის.

აი , აკაკის ეს ლექსიც:

ცოლიც რუსი მყავს, შვილიც რუსი მყავს
და მეც რუსეთში დავჭაღარავდი.

მიყვარდა რუსი, მაგრამ მის ნაკვს კი
აღვიარებდი ! ვერა ვფარავდი.

ვუქებდი წარსულს, მაგრამ აწმყოში

მძულდა მთავრობა ბიუროკრატი

და მე რომ რუსად წარმოვიდგენდი,

სხვაგვარი იყო იმისი ხატი:

ქრისტეს მოყვარე, სულით მაღალი,

გაჭირვებულთა ხელის შემწყობი,

უსამართლოთა და უკუღმართთა

აღვირამსხმელი და დამამხობი
ვით ჩვენს წინაპრებს, მეც ისე მყავდა
მაშინ რუსობა წარმოდგენილი:
მთელ საქართველოს დამსხნელ-მფარველად
და სასოებით მიცემდა გული.
მაგრამ რა ვნახე ჩემს სამშობლოში,
როცა დავბრუნდი, ღმერთო ძლიერო!
ერთგულების და სიყვარულისთვის
გადასახადი სამაგიერო!
ზიზლი და მტრობა! – სხვა არაფერი!
დევნა სასტიკი ხორცის და სულის,
ვითომც მტყუანი იყოს ქართველი
და მართალი კი სულ ის და სულ ის.
რუსებს ეჭირათ სუყოველგვარი
ჩვენი ცხოვრების ასპარეზები.
გვაჯდენ კისერზე, როგორც სახედრებს
და გვერდებს გვეჭრიდა მათი დეზები.
სამღვდელოებას და მის ეგზარხოსს
აებნათ ქრისტეს ნამოძღვრი კვალი;
შეჭქონდათ ხალხში უსჯულოება,
საქრისტიანო უარწყვეს ვალი.
გარედან მღვდლები, შიგნიდან მგლები,
თავს არ იტეხდნენ ქრისტეს მცნებაზე
და გამაძღრები ფიქრობდნენ მხოლოდ,
როგორც უანდრები გარუსებაზე.
სამსჯავროებში აღარსად იყო
აღარც კანონი, არც სამართალი
და თითოეულ მსაჯულთაგანსაც
გარუსებისკენ ეჭირა თვალი.

და ა.შ

დამთავრდა მონობის ზეიმი. ზეიმი ორმოცი ათასი მანეთის სა-
ნაცევლოდ. მერმე ქართველები ამაზეც დიდხანს იკამათებენ, რას
მოახმარონ ეს თანხა.

1901 წლის შემოდგომაა. ნაავადმყოფარი ილია ისე მარტოსუ-
ლად გრძნობს თავს, როგორც ფოთლებჩამოყრილ, გაძრცვილ ხე-
თა შორის „შემოდგომის მგზავრი გვიანი“, მის თავზე ახალი ღრუბ-
ლები შემოჯარულან.

ილიას თაობიდან ბევრი აღარ არის. ვინც დარჩა ბრძოლაში, უმეტესობა თანაუგრძნობს, მაგრამ ასაკს თავისი გაუტანია, - ზოგი ავადმყოფობს, ზოგს ბრძოლის შუა ცეცხლში გადაშვების თავი უკვე აღარ აქვს. ზოგს მისი გაზეთიდან რალაც წყენია და მომდურავივით ექცევა. ასპარეზზე ახალუხლები აქტიურობენ. მათ ორგანიზაციული ძალა აქვთ. აქვთ პარტია. რაიონული უჯრედები. „მესამე დასელნი“ კალიებივით მოსდებიან სოფლებს და ქალაქებს. ნოე ჟორდანიამ დროებით დაამთავრა ილიასთან საგაზეთო პოლემიკა, უფრო სწორად, პრესაში აღარ ჩანს, რადგან საზღვარგარეთ წასულა. ახლა ფილიპე მახარაძე გამოხტა. წელიწადში 2-3 წერილი (ეს ჯერ-ჯერობით) ილიას წინააღმდეგ რომ არ დანეროს, ისე არ იქნება. ილია არ პასუხობს. ამათ ილიასი არც ეროვნული პოზიციები მოსწონთ და არც სოციალური. აქეთ მეორე ჯგუფი ახალგაზრდებისა არჩილ ჯორჯაძის, გიორგი დეკანოზიშვილის ხელმძღვანელობით, რომელთაც „ცნობის ფურცელში“ მოუყრიათ თავი, ესენი ილიას იდეებზე გაზრდილი ხალხია, მაგრამ თვითდამკვიდრებისთვის ბრძოლაში ძველ თაობას და მათ შორის ჭავჭავაძეს თავიდან ესენიც უტევენ სოციალურ საკითხებში უთანხმოების გამო. „ცნობის ფურცელი“ უტევს აკაკისაც და იმას უფრო მწარედ, რის გამოც აკაკი ცოდვის ფურცლად მონათლავს ამ გაზეთს.

საერთო ვითარება ასეთია : 1901 წლის ბოლოსათვის „კვალი“ ებრძვის „ივერიას“ და ნაწილობრივ „ცნობის ფურცელს“.

„ივერია“ ებრძვის „კვალს“ და ნაწილობრივ „ცნობის ფურცელს“.

„ცნობის ფურცელი“ ებრძვის ნაწილობრივ „კვალს“ და ნაწილობრივ „ივერიას“.

მაგალითად, ნიკო ხიზანიშვილი „ცნობის ფურცელის“ ერთ თანამშრომელზე, სიმონ ფირცხალავაზე წერდა: „ვერ გაუგია, რომელი გაზეთისადმი უფრო ამჟღავნებს იდეოლოგიურ სიახლოვეს; როცა სამშობლოს სიყვარულით დაასრულებს წერილს, ამით ივერიელებს იმადლიერებს, მაგრამ როცა დაჩაგრული კლასის ინტერესებს მალღა დააყენებს ამით „კვალის“ დემოკრატიზმს უახლოვდებაო“. (იხ. მ. გაჩეჩილაძის დასახ. ნაშრომი. გვ.68)

არც ეპითეტები დაუკლია ადრესატისთვის ხიზანიშვილს - უწიგნური, უვიცი, სულით ავადმყოფი. „ივერიამ“ ისე შეუტია „ცნობის ფურცელს“, რომ ეს უკანასკნელნი ოფიციალურად გა-

იბუტნენ და გამოაცხადეს, „ივერიის“ ხსენებაზე ჩვენს გაზეთში მორატორიუმს ვაწესებთო. ამაზე „კვალი“ გადაირია, გაბუტვარა ბრძოლის ფორმაა, დასცხეთ მაგათო. კვალელები შეეცადნენ ამ ვითარებით ესარგებლათ და ილია წერა-კითხვის საზოგადოების თავმჯდომარეობიდან გადაეყენებინათ. ასევე სურდათ ძველი თაობის სხვა წარმომადგენელთა გამოყვანა საზოგადოებიდან, რადგან ისინი „ლიბერალები“ და „პატრიოტები“ იყვნენ. „კრებაზე მხოლოდ იმიტომ გამოცხადდნენ, რომ ხალხს შეახსენეს თავი, არ მოვმკვდარვართ, ცოცხლები ვართ,“ – ლიცი-ნებდა „კვალის“ კორესპონდენტი. „ცნობის ფურცლის“ ახალგაზრდების სასახელოდ უნდა ითქვას, რომ მიუხედავად იმისა, ილიას დასაყრდენი ჯგუფი კიბა აბაშიძის მეთაურობით, „ცნობის ფურცლიდან“ წავიდა, ილიას კრიტიკულ მომენტში ყველა მხარში დაუდგა. გაზეთის ძველი რედაქტორიც და ახალიც. ჯაბადარიც მის კვალზე მავალი იყო ძველი დროიდანვე და ჭყონიაც. „კვალელებს“ იმედი გაუცრუვდათ. წერა-კითხვის საზოგადოების თავმჯდომარედ ისევ ილია აირჩიეს 79 ხმით 39-ის წინააღმდეგ.

მაგრამ „ივერია?“ ილიას ყოველდღიური გაზეთის რიტმის აყოლა აღარ შეეძლო. ესეც არ იყოს, უკვე კონკურენციაც დიდია. „კვალი“ ფულს ძარცვითა და პარტიული სანქცროებით შოულობს. „ცნობის ფურცლის“ გამომცემელი ალექსანდრე ჯაბადარი, რომელმაც გაზეთი გუნიასგან შეიძინა, მდიდარი კაცი გამხდარიყო. მან პირველმა იყიდა ელექტროსტამბა კავკასიაში, რითაც დიდ მოგებას იღებდა და „ცნობის ფურცელს“ ახმარდა. გაზეთის ტირაჟმა 10–12 ათასს მიაღწია. ილიას კუთრი ჯიბე ამ კონკურენციას ვერ გაუძლებდა. ამას თანამშრომლებიც გრძნობენ და რედაქცია თანდათან მეჩხერდება. ილიას ბარათი გიგა ყიფშიძისადმი:

„ბატონო გიგავ! არ მესმის, ღმერთმან იცის, თქვენი საქმე და ამის გამო ჩემიცა. მაგალითებრ, დღეს ერთი სტრიქონიც არ იყო მზად სახვალიოდ და ერთმა თქვენგანმა არცკი დაინახა საჭიროდ ნუხელ შემოსულიყო. საკვირაოდ ერთი სტრიქონიც არ არის მზად და აი უკვე მეცხრე საათია და არც ერთი თქვენგანი რედაქციას ახლო არ ეკარება. მე ილაჯი გამიწყდა ამდენის თქმითა და ტყუილის ლოდინით. ის მაინც წინასწარ მითხარით ხოლმე, რომ არა გსურთ სიარული რედაქციაში საღამოობით, მაშინ ჩემს თავს როგორმე მოვუვლი, თორემ ასე უთავ–ბოლოდ საქმის წაყვანა შეუძლებე-

ლია. დღე არ გადის თითქმის ისე, რომ შიში არ იყოს ნომრის გამოუსვლელიობისა სახვალიოდ და მინამ თქვენის აქ მოსვლით შიში გადიყრება ხოლმე, მე ჩემი მემართება. თუ არ გსურთ და მოგწყინდათ რედაქციაში მუშაობა, მითხარით. ამ იანვრამდე როგორმე გვეტოტიალებინა საქმე კარგი იქმნება და მერე კი მეც თვითონ ხელს ვიღებ“.

1901 წლის 5 დეკემბერს ილიას რედაქტორობით გაზეთ „ივერიის“ უკანასკნელი ნომერი გამოდის. მეორე დღიდან გაზეთის რედაქტორია ილიას ძველი თანამშრომელი ალქსანდრე სარაჯიშვილი. ჯერჯერობით გამომცემლად ისევ ილია დარჩა.

ჭავჭავაძე როგორც რედაქტორი დაემშვიდობა იმ გაზეთს, რომელსაც მისი ცხოვრების ყველაზე დიდ ნაწილს, ყველაზე დიდ დროს უთმობდა მოყოლებული 1877 წლიდან.



1901 წლის დეკემბერში ერთი საინტერესო ფაქტიც ხდება, რომელიც მინდა იცოდეს მკითხველმა. ბათუმში კარგა ხანია ქალაქის თავს ილიას რეკომენდაციით ირჩევენ ხოლმე.

გარდაიცვალა ქალაქის თავი ასათიანი, რომელიც ძალზედ ღირსეულად უძღვებოდა თავის საქმეს და ამიტომ შავრაზმელ რედაქტორ პალმის თავდასხმის ობიექტი იყო მუდმივად. შემცვლელის მოსაძებნად ბათუმელთა დელეგაცია ჩამოდის ილიასთან. ჭავჭავაძემ მათ ურჩია ახალგაზრდა, პატრიოტი, განათლებული ივანე ანდრონიკაშვილის არჩევა. თან დასძინა, სახელმწიფო სამსახურშია და მთავრობა არჩევის შემთხვევაში დაამტკიცებსო. რუსებთან დიდი ბრძოლის შემდეგ, ანდრონიკაშვილი მართლაც აირჩიეს. მაგრამ ქუთაისის გუბერნატორმა არ დაამტკიცა. სათანადო ცენზი არ ჰქონიაო. ბათუმში იმ დროს ისეთი მამალი რევოლუციონერები მოღვაწეობდნენ, როგორებიც იყვნენ ისიდორე რამიშვილი, კარლო ჩხეიძე, ალექსანდრე ნულუკიძე. მათ ილიასეული კანდიდატურა დიდად არ ეპიტნავებოდათ, ჩვენ ეროვნულ საკითხზე არ ვფიქრობთ, ვიდრე ჩვენს პროლეტარიატს არ გავათავისუფლებთო. დავით კლდიაშვილის, გრიგოლ ვოლსკის, ივანე მესხის, გრიგოლ ბეთანელის წყალობით ეს სოციალისტები ანდრონიკაშვილის მხარდასაჭერად განენწყვნენ, მაგრამ პალმი თავისი გუნდით ენერგიულად მოქმედებდა. სასწრაფოდ დაანიშნინა ახალი არჩევნები. უცენზო

ანდრონიკაშვილს ველარ აირჩევდნენ, ამ შემთხვევაში მთავრობა ვისაც უნდოდა, იმას დანიშნავდა. ერთადერთი შემთხვევა მოხდა ერთსულოვანი მოქმედებისა. ქართველებმა სამ დღეში უშოვეს ცენზი თავიანთ კანდიდატს, ისე, რომ საბუთმა კრების შუალედში, ქართველთაგან დროის გაყვანის მიზნით იძულებით შესვენების გამოცხადების დროს მოუსწროთ.

პალმი გამარჯვებას ზეიმობდა, დარბაზში შევიდნენ და განაცხადეს, კრება განვაგრძოთო. დაასახელეს ისევ ანდრონიკაშვილი და აირჩიეს. ცენზი? ყვირის პალმი.

ცენზი გვაქვსო, – მშვიდად უპასუხეს. მთავრობა იძულებული გახდა და ანდრონიკაშვილი დაამტკიცა. ეს ილიას მორიგი გამარჯვებაც იყო მთავრობაზეც და თბილისში მოკალათებულ „მესამე დასელებზეც.“

1902

შემოტევეები ყოველის მხრიდან. აკაკი. იაკობი. არჩილ ჯორჯაძე. ივ. გომართელი. აკაკის სახლის გადანვის მცდელობა. რატომ იზიდავდა მარქსიზმი მასებს? „ჩემო მაინც კარგო თეკლევ“. თბილისის მცხოვრებთა სტატისტიკა. რძალ-მულის ჩხუბი. ილიას გადასვლა დის სახლიდან.



არჩილ ჯორჯაძე

„მინც შენი ძმა ილია ჭავჭავაძე...“

ილიას კერძო წერილიდან დისადმი

„ივერიის“ რედაქტორობიდან წასვლის შემდეგაც, თუ „ივე-
რიაში“ დაბეჭდილი მასალა არ მოეწონებათ, სამდურავი ისევ
ილიაზე აქვთ. ამჯერად მის თანამებრძოლებს და თანათაობე-
ლებს ვგულისხმობ, თორემ ფილიპეს ჯუფთის ხალხს ისედაც
არაფერი მოსწონდა ამ გაზეთში. ილია, როცა გაზეთს ხელს
ანერდა, მაშინაც ველარ იცლიდა წერილების წასაკითხად. ახლა
ხომ აღარც ევალება, ამიტომ ისეთი სტატიებიც აღმოჩნდა „ივე-
რიაში“, აკაკი და გოგებაშვილიც რომ გაანაწყენა. აკაკის სხვა
მიზეზიც ჰქონდა. კიტა აბაშიძე და „ჩიორა“, იგივე ახნაზარო-
ვი, ილიას თანამოაზრეებად ითვლებოდნენ, აკაკის კი მათთან
ხანგრძლივი პოლემიკა ჰქონდა, ახნაზაროვისა და კიტას გამოც
ილიაზე და „ივერიაზე“ იყო განაწყენებული. კიდევ ერთ ინფორ-
მაციას აღეშფოთებინა, ვოსტორგოვს რომ ეხებოდა. არ ვიცით,
ილია რა შუაში იყო, მაგრამ აკაკის ერთი წერილი, მეტისმეტად
გულნატკენი კაცის დაწერილია. მომაქვს ეს წერილი არა მხო-
ლოდ იმის გამო, რომ „ივერიას“ ეხება, არამედ იქიდან ერთ გა-
საოგნებელ ინფორმაციას ვიგებთ, – 1902 წლის დასაწყისში აკა-
კისთვის სახლის გადაწვა უცდიათ.

პოეტი იაკობ გოგებაშვილს 1902 წელს სწერს:

„ბატონო იაკობ!

მიკვირს და გამკვირვებია, რომ ის გაზეთი სადაც შენ მხურ-
ვალე მონაწილეობას იღებ, კიდევ მინც ასე წინდაუხედავად
ნაიკუნტრუშებს ხოლმე!... ჯერ იყო და ვოსტორგოვის ქებით
გაგვაყრუა... ახლაა და ქებათ-ქებას უძღვნის ახლად ნაკურთხ
კერპმთავრებს: „ამისთანა წასწავლი და ამგვარად ნამსახურე-
ბი არიანო!“ მკითხველებს უმახარობლებს, თითქო საბედნიერო
რასმე. მერე რა დროს? მაშინ, როდესაც ქართული ეკლესია გან-

საცდელშია ჩავარდნილი და მასთან ერთად ენისა და ეროვნების გაქრობას გვიქადაგიან... აი, ამას ჰქვიან სწორედ პოლიტიკური მახინჯობა და „გოჩიაური“ მეთაურობა! მაშინ როდესაც უფლება არა გვაქვს, ისკარიოტელს გამცემელი დაუძახო, იმას მაინც რა გრჯის, რომ იმავე ქვეყნის მტერს მოციქულებთა შორის იხსენიებ?! მაგრამ ჩვენი არამკითხველ მეთაურები, განა გაარჩევენ სად რა სთქვან და როდის? მტრები ცეცხლს გვიკიდებენ და ჩვენ, რომ გავაქროთ, წყლის მაგივრად ნავთს კი ვასხამთ!... მართლა ცეცხლის წაკიდებაზე მომავონდა, ამ დღეებში ლამის სამ საათზე წამიკიდეს ცეცხლი, თავიდან დაწყებული, რაც რამე კი წამშრალობა მქონდა, სულ გადამიბუგეს; სახლი კი სოფელმა გადამირჩინა. კიდევ კარგი დაზღვეული არ ყოფილა, თორემ ვინ იცის, უცნაურ რამესაც ამიტებდნენ და სამართალშიც მიმცემდნენ... გამომძიებელი გადმოვიდა და გლესკაცებში და მომსახურებებში დაიწყო დამნაშავეის ძებნა. მაგრამ ტყუილად, ისინი მე არას მერჩოდნენ. იმათ თვალშია ც რომ ჩავუვარდე, ხელსაც არ ამოისვამენ – გამომძიებელსაც ასე ვუთხარი და თავი დავანებებზე, ეს მტრობით კი არ არის ნაქნარი, მოყვრობით მეთქი: ორმოცდაათი წლის იუბილეს ჩირალდანი გამიკეთეს და ეს უფრო შეგნებულების საქმე იქნება, თვარა დაბალი ხალხი რას მიხვდებოდა მეთქი? ბევრი იცინა, თუმცა ჩემზე კი უფრო სწუხდა. მე კი ყურიც არ გამიბერტყია დაინვას ყოლიფერი, მაინც დასანვა ვიქნა... ნეტავ სახლიც არ გადაერჩინათ, ერთ ჭირს გადავრჩებოდი: ტყუილად კი არ არის ნათქვამი: „ვერიდებოდი ჭინჭარსაო, ამომივიდა წინ კარსაო“ ეს ერთი ხანია, ერთი რუსი, ჩემი შვილის ნაცნობი, ჩამიდგა სახლში და ველარ მოვიშორე. „მომწონს აქაურობაო!“ მე კი აღარ მკითხავს!... ამის ლოლიაობას ვუნდები და ველარა გამიკეთებია რა!... ასე უნაყოფოდ ჩემს დღეში არა ვყოფილვარ, არ დავრჩენილვარ სოფელში, ოციოდე იგავ-არაკი დამრჩა კრილოვის იგავ-არაკებიდან და ისიც ველარ გავათავე... ტყუილა კი არ არის ნათქვამი: „თვით არ იყო ძმარით და ჩაერია წყალიო“, მე რაღა ხელის შეშლა მეჭირვებოდა“.

შენი ღრმა პატივისმცემელი აკაკი.

გაურკვეველ ხელზე ნუ დამემდურები.

როცა გუნებაზე არა ვარ, ველარას ვახერხებ ხოლმე.“

იაკობ გოგებაშვილი უგზავნის პასუხს: „ბატონო აკაკი, მივიღე თქვენი დეკადენტური ეპისტოლე: სამ სიტყვაში ერთი ძლივს-ძლი-

ვობით ამოვიკითხე, რომელმა ჭორიკანა ჭინჭრაქამ დაგარწმუნა, რომ მე „ივერიაში“ ვითომ მხურვალე მონაწილეობას ვიღებ, არამც თუ მხურვალეს, ცივს მონაწილეობასაც მოკლებული ვარ. იქ სხვა ჭკუის სულიერნი თვითმპყრობლობენ. „ივერიის“ სხვადასხვა მძიმე შეცდომაში, თუ დანაშაულობაში მე იმდენადვე ბრალი მიდევს, რამდენიც შენი სახლ-კარის გადაბუგვაში. ქართველი გლეხების აზრით, ქონების ცეცხლით გადაბუგვა – პატრონის დღეგრძელობას მოასწავებსო. ვინუგემოთ ამ ტკბილი იმედით მაინცა.“

*თქვენი ყოველი სიკეთის მონატური
იაკობ გოგებაშვილი*

რამდენიც არ უნდა ვილაპარაკოთ, რომ ამ დროს ილია აღარ არის გაზეთის რედაქტორი, რომ იაკობის და აკაკის საყვედურები გაზეთს ეხება, რომელსაც უკვე ალექსანდრე სარაჯიშვილი რედაქტორობს, ფაქტი ერთია. იაკობიცა და აკაკიც არ ახსენებენ, მაგრამ გულისხმობენ ილიასაც. ის ხომ ამ დროისთვის გაზეთის გამომცემლად რჩებოდა. თუ აქაც ეპოქის ქერქიდან ამოვალთ, სიტუაცია ასეთი წარმოგვიდგება.

არც იაკობი მსახურობს და არც აკაკი. მთავრობაში ქუდი რომ შეუგდო არც ერთი ეკარება მთავრობას და არც მეორე, მაგრამ თუ რამ საზოგადო საქმეა მოსაგვარებელი, თუ რკინიგზაა გასაყვანი, თუ ადიდებული მდინარისაგან წაღებული სოფელია მისახედი და სხვა მისთანანი. თუ პოლიტიკური ან საეკლესიო საკითხები, მაგ. საქართველოს ავტოკეფალიის საკითხი არის გადასაწყვეტი, მთავრობასთან ილია უნდა მივიდეს. იქ ილიამ უნდა იბრძოლოს, ამიტომ მათთან ურთიერთობაში ილიას მეტი ტაქტიკა სჭირდება. გოლიცინს, როგორც გადარეულს, არ ეკარებოდა, (თუმც, დანიშვნისას ნერილი უძღვნა და დაანამუსა). თორემ, სხვა მთავარმართებლებთან, მაგალითად, ვორონცოვ – დაშკოვთან ბანქოსაც კი თამაშობდა.

რადიკალი თავის რადიკალობით თავს იწონებს. საქმე-საქმეზე რომ მიდგება რადიკალური საკითხები, სწორედ ილიას დასაყენებელი ხდება იქ, სადაც ჯერ არს. ილიამ კი უნდა აიტანოს მთავრობის ცბიერი დამოკიდებულება, თან უთვალთვალევენ, თან ოქროს კბილს უჩვენებენ. უნდა გაუძლოს იმ ჩუმ საყვედურებსაც, რომელსაც მისიანები პირში ვერ უბედავენ, მაგრამ ერთმანეთში კი ამუნათებენ.

აქვე იმასაც დავსძენ, რომ აპრილის დასაწყისში, როცა იაკობის პასუხი იწერებოდა აკაკისადმი, ილიამ საცენზურო კომიტეტს მიმართა, რათა „ივერიის“ გამომცემლობაც, ალექსანდრე სარაჯიშვილის ხელში გადასულიყო. ამ მიმონერაში დრო გავიდა და საბოლოოდ 1902 წლის 10 ივლისიდან „ივერიის“ გამომცემლადაც ნაცვლად ილიასი, ალექსანდრე სარაჯიშვილი დამტკიცდა, ხოლო 20 ივლისიდან გაზეთის გამომცემლად ითვლება „ივერიის“ ამხანაგობა.



900-იანი წლების დასაწყისში ჭავჭავაძეს ახალი თაობის ორივე ბანაკი უტევს. მარქსისტებიც და მომავალი სოციალ-ფედერალისტებიც. მარქსისტები, ანუ სამშობლოს უარყოფელნი, ეროვნული მოღვაწეობისა და სოციალური შეხედულებების გამო, ხოლო ახალგაზრდა პატრიოტები მის სოციალურ იდეებს არ იზიარებენ. ისინი სოციალურ საკითხში სოციალ-დემოკრატებისკენ იხრებიან.

სწორედ ამ ნიადაგზე ილიას 1902 წელს კამათი აქვს, ერთი მხრივ, „კვალთან“ და მეორე მხრივ, „ცნობის ფურცელთან.“

აკრიტიკებს ივანე გომართელს და არჩილ ჯორჯაძეს, თუმცა აკრიტიკებს არ არის ზუსტი სიტყვა. იშვიათად შეხედებით ისეთ სატირას, რაც ილიამ წერილით – „გომართელის ფილოსოფია და ჯორჯაძის ფსიქოლოგია“ – როგორც პირველს, ისე მეორეს მი-აგო.

რა იყო მიზეზი?

რუსული მარქსიზმი, რომლის ბუდედ გაზეთი „კვალი“ იქცა, დაეტაკა არა მხოლოდ სამშობლოს სიყვარულის, პატრიოტიზმის გამოვლინებას – პროლეტარს სამშობლო არ აქვსო, – არამედ, სოციალ – დემოკრატები რეტროგრადობად თვლიდნენ ოჯახის ინსტიტუტის არსებობასაც.

მარქსიზმმა ახალგაზრდობა მეტისმეტად გაიტაცა. ქუჩებში ბევრს ნახავდით გაზეთ „კვალში“ თავჩარგულს. კითხულობდნენ გატაცებით და მოსწონდათ ის იდეები, რომელთაც სოციალ-დემოკრატები ქადაგებდნენ.

ქადაგებდნენ კი ადამიანის ბედნიერებაზე.

რა უშლის ადამიანს ხელს, რომ ბედნიერი იყოს? სოციალ-დემოკრატების აზრით ადამიანს ხელს უშლიდა:

1) სარწმუნოება.

რატომ რწმენა? იმის გამო, რომ მორწმუნე ადამიანმა ყველაფერი უნდა მოითმინოს, უნდა აიტანოს ტანჯვა, სიღარიბე, უნდა მოთოკოს ვნებები და სურვილები, რათა სასუფეველში მოხვდეს და სამუდამოდ არ იტანჯოს. მარქსისტები ამბობენ, – ის სამოთხე კაცს არ უნახავს, ჩვენ კი სამოთხეს აქვე, დედამინაზე გპირდებით. მდიდარს წაევართმევთ, ღარიბს მივცემთ. არც ვნებების მოთოკვაა საჭირო. დატკბით ამ ცხოვრებითო. აქაური სამოთხის პერსპექტივა ახალგაზრდას მოსწონდა...

2) რატომ ხოცავენ ადამიანები ერთმანეთს? იმიტომ, რომ მათ აქვთ ეროვნება და სამშობლო. სამშობლოს დასაცავად ხალხი იხოცება. რალა საჭირო იქნება ომები, თუ არავის არ ექნება ეროვნება და სამშობლო? მთელი დედამინა თუ სოციალისტური იქნება და ყველა პროლეტარი ერთმანეთის ძმა, რალა საჭიროა ან ომი, ან ეროვნება, ან სამშობლო?

3) ყოველი უბედურების მიზეზი არის კერძო საკუთრება, რატომ უნდა ჰქონდეს, ვთქვათ, ვილაც როტშილდს ამხელა ფაბრიკა-ქარხნები, ხოლო მუშა, რომელიც წელებზე ფეხს იდგამს, რატომ უნდა დადიოდეს მშიერი? ბედნიერებისათვის საჭიროა კერძო საკუთრების, საზოგადო საკუთრებად ქცევა. მთელი ეს ქონება უნდა იყოს ყველა პროლეტარისა. მიწები კი გლეხებისა. ბედნიერების მაძიებელს ეს ოცნებაც ხიბლავდა.

4) ყველა უბედურების მიზეზი ასევე არის ოჯახი. შვილებს გაზრდა უნდა, მეუღლის კაპრიზებს დაკმაყოფილება. ოჯახს რჩენა სჭირდება. რა საჭიროა კანონიერი ქორწინება. განა სექსის თავისუფლება არ სჯობია? ნურც ქალი შეიზღუდება, ნურც კაცი, ისიამოვნონ და თან არც ერთმანეთზე ექნებათ რაიმე სახის პასუხისმგებლობა, ეს აზრი ახალგაზრდის გულს მთლად ელამუნებოდა...

ასე მარტივად გახდება ადამიანი ბედნიერი.

ბედნიერების მარტივად მიღწევა კი ყველას სურდა, ამიტომ მარქსიზმი გადამდები შავი ჭირივით სწრაფად გავრცელდა.

დავით კლდიაშვილი იგონებს: „მახსოვს ერთხელ ერთმა ყმანვილმა გატაცებით წამოიძახა: „მე ხომ მარქსისტი ვარ და ვერთარო ძალა მას ვერ ჩამომამორებს!.. დავიბადე ღარიბ ოჯახში, ვიზრდებოდი სიღარიბე-სიღატაკეში, გაჭირვებაში ვსწავლობდი. თვალი ავახილე – სიღარიბის და სისაწყლის მეტს გარშემო ვერ ვხედავდი... – მოითმინე, მოითმინე, მოთმინებითა შენითა ჰპო-

ვებდე სასუფეველსა, რომ მოვკვდები, იქ, საიქიოს, ზეცაში მოგზავლება სამაგიერო ბედნიერებაო. ვინ იცის იმ საიქიოს, ზეცას რა ამბავია – ვის უნახავს, ვის მოუტანია იქაური ამბავი?! ტყუილი დაიმედება, თავის მოტყუება... მარქსმა კი სამოთხე ზეციდან დედამინაზე ჩამომიტანა, აქ გამიჩინა, აქ მომცა ჩემს სიცოცხლეში... პროლეტარებო, ყველა ქვეყნისა, შეერთდით! მიგვაგნებია გზა და ყველა რომ შევეერთდებით, ყველა გაჭირვებული, სამოთხეს აქ გავაჩენთ, სიცოცხლეში, სიკვდილის შემდეგ კი არა! ამისთანა მქადაგებელს ჩამოვშორდები? – არასოდეს, არაფრის გულისთვის! მე არ ვიცი, ვინ ვარ ახლა–ქართველი ვარ, რუსი, სომეხი თუ სხვა ვინმე – არც მინდა ვიცოდე: მე ვარ პროლეტარი! – პროლეტარებო, ყველა ქვეყნისა, შეერთდით! აქ არის, ამაშია ჩვენი ხსნა.“

როგორია ამ ჭკუაზე ათასობით ახალგაზრდა რომ დადგება? ილია ხედავს, ერთი გასროლის გარეშეც კი, ამ მონამლული იდეებით ქვეყანას შეიძლება ის დაემართოს, რაც მტრებით გარშემოჯარულს ათასწლეულების მანძილზე არ მოსვლია. ერთიანად გადაგვარდეს და ნაიშალოს პოლიტიკური თუ კულტურული სივრციდან. სწორედ ამიტომ არ დააკლო სატირა, სარკაზმი და ირონია „კვალში“ დაბეჭდილ ივანე გომართელის წერილს, რომელშიც არც მეტი, არც ნაკლები, ახალგაზრდა ივანე გომართელი ამტკიცებდა, რომ „თანამედროვე ოჯახი ადამიანის იდეალურ მისწრაფებათა ბორკილიაო“.

არის საკითხები, რომელზე მსჯელობაც თავისთავად გკარნახობს თუ რა ჟანრი უნდა იქნას არჩეული. როდესაც კაცი ამტკიცებს, რომ ოჯახის ინსტიტუტი საქართველოში არის წარსულის მავნე გადმონაშთი, რომ ის, ვინც ოჯახის ინსტიტუტის გაუქმებას ცდილობს არის პროგრესისტი, ხოლო, ვინც მის შენარჩუნებას და ამ ინსტიტუტის დაცვას შეეცდება, არის ჩამორჩენილი, რეტროგრადი და რეაქციონერი. როცა ასე ისმება საკითხი, ჭკვიანი პოლემისტი არ აირჩევს ღრმა, მეცნიერული, ძალიან სერიოზული არგუმენტაციის გზას. არის ჭეშმარიტებები, რომელთა თავგამოდებით მტკიცება, ისევე უხერხულ მდგომარეობაში აღმოგაჩენს, როგორც მტკიცება იმისა, რომ დღისით ბნელა და ღამით მზე კაშკაშებს, რომ მუხას რკო კი არა, ვაშლი ასხია და ა.შ.

ილიამ, ბუნებრივია, ოჯახის მავნებლობის იდეით შეპყრობილ ამ ახალგაზრდასთან, (რომელიც შემდეგ თავად ნანობდა ალბათ თავის იმ პერიოდისთვის მოდურ გატაცებას) სატირისა და იუმორ-

რის ფორმა აირჩია, რომელშიც ის შეუდარებელია. ტყუილად რო-
დი ავლებდა ფარანგი დე ბაი ილიასა და გოგოლს შორის პარა-
ლელს.

ჭავჭავაძის პოლემიკური წერილი აგებულია სახალისო სტრუქ-
ტურაზე. ავტორი წარმოიდგენს ოჯახის ერთგულ მამაკაცს, რო-
მელსაც ძალიან უყვარს ცოლი, მაგრამ არც ის სურს ახალთაობის
კაცებმა ჩამორჩენილობა და რეტროგრადობა დასწამონ. ამიტომ
იძულებულია, გომართელის ახალი იდეებით ანთებული და პროგ-
რესისტის თიკუნს მონყურებული, ცოლს გაეყაროს, თან აუხსნას
მიზეზი—რატომ სჩადის ამას. თავისთავად ეს სიუჟეტი უკვე ნახე-
ვარი წერილის ფასია. ქმრის წერილი ცოლისადმი ასე იწყება— „ჩე-
მო მაინც კარგო თეკლევ“. ეს დასაწყისი უკე დიდ რამედ ღირს.
„ჩემო მაინც კარგო თეკლევ!

შენი წიგნი მივიღე, მწერ და მემუდარები, რომ ამოდენა ხანია მე
ჩემი ამბავი არ მომიწვდია და მემუნათები, რომ თუ მე, შენი ჯვარ-
დანერილი ცოლი არ გაგონდები, ეს შენი ოჯახი მაინც რატომ არ
მოიკითხეო.

მე რომ უწინდელებერ ძველი ამბების კაცი ვიყო, შენს საყვედუ-
რებს ჩემს თვალში დღესაც ისეთი ფასი ექნებოდა, რაც ჰქონდა და
ეხლა კი, როცა მე ველირსე და დავეწაფე ახალ აზრების უკდავების
წყაროსა „კვალისა“ და „ცნობის ფურცელის“ ლოცვითა და კურ-
თხევითა, შენი საყვედურები უმიზეზო წუნწინილა მგონია გუნება
ნაქცევ დედაკაცისა.

ოჯახი მაინც რატომ არ იკითხეო!.. ვაი შენ, ჩემო თეკლევ რა-
მოდენა მანძილზე უკან ჩამორჩენილხარ ქვეყნიერობას, ან, უკეთ
ვთქვათ ახალთ-ახალს ხანას ადამიანის ცხოვრებისას. შენ, ჩემო
კარგო ცოცხლებში გასარევი აღარ ყოფილხარ... რა ოჯახი! რის
ოჯახი! ეგ როდინდელ ანაბანას მიკითხავ! ეგ ძველისძველი ტიბი-
კონი, ეგ ძველთაძველი ძილისპირები შენთვის შეინახე, მე კი ახალ
მიმართულების კაცი ვარ და თავზე ლაფს ვერ დავისხამ მაგეების
ხსენებით და მოკითხვითა.

ოჯახიო! ეგ ძველებსაებერ ბრიყვმა და გაუნათლებელმა სთქვას,
კიდევ ჰო, შენ ხომ განათლებული ხარ, შენ ხომ მუდამ „კვალსა“
კითხულობ, რომ სხვა არა იყოს რა და როგორ არა გრცხვენია, —
მაგისტონა ძველ-ძველებს მისდევ და თავს არ ანებებ. რა ოჯახი!
რის ოჯახი! შენ იქნება ეხლანდელი დრო ისევ ის ძველი დრო გგო-
ნია, როცა ოჯახების შენება, მოვლა და პატრონობა დიდის სახელი
იყო ადამიანისათვის! ვაი სირცხვილო!..“

„რაკი გომართელს წერაქვი აუღია ხელში და ოჯახს მისდგომია დასანგრევად მეც დღეს იმის ცდაში ვარ-მეთქი, რომ დღეის ამას იქით ოჯახის ხსენებაც კი აღარ იყოს ქვეყნიერებაზედ და შენ კი საყვედურსა მწერ, – რატომ ოჯახს მაინც არ კითხულობო, მოდი და სიცილით ნუ დაოსდები!“

ივანე გომართელის პარალელურად ილია ახალგაზრდა არჩილ ჯორჯაძესაც მისდგება, რომელიც, ილიას სიტყვით, „მარტო იმის ცდაშია, რომ ახლებსაც აამოს და არც ძველები მოიმდუროს“. ჯორჯაძე უპასუხოდ არ ტოვებს და მომდევნო წერილში, რომლისთვისაც ილიას „არაპატარა საუბარი“ დაურქმევია, ახალგაზრდა პოლიტიკოსი ახლა პლაგიატში ამხილა: „იმაზე უარესი საცოდაობალა გნებავთ, – წერს ილია – კაცს პირში წაუყენონ შეურყეველი საბუთი, რომ სხვისი დაგიჩემებია, სხვისა დაგისაკუთრებია, გამოგიტანია და შენად ასაღებო. ხომ ესეა. გარნა ბ-ნს ჯორჯაძეს ყოველივე ეს აინუნშიაც არ მოსდის. ამისთანა საქციელში დაიჭირეს და იგი წარბსაც არ იხრის, ვითომდა აქ არაფერია, ვითომდა საყვედურს ეუბნებიან, რატომ გუშინ სადილად არ მობრძანდი, რო დაგვიპირდიო“.

ჯორჯაძესთან მწვავე კამათი ნამდვილად დასანანი იყო, ვინაიდან არჩილი ერთი საუკეთესო ეროვნულ მოღვაწეთაგანი გახდებოდა, მაგრამ აბა რა ილიას ბრალი იყო, თუ ეს ახალგაზრდები სოციალურ საკითხებში თავიდან რუსული მარქსიზმის შხამიანი ნემსით იყვნენ აცრილნი. მერმე ყველაფერი თავის ადგილას დადგება. არჩილ ჯორჯაძე ილიას ფასს სრულად იგრძნობს, მაგრამ გაცნობა მათი, ფაქტია, პოლემიკით დაიწყო.

ის რომ, არჩილ ჯორჯაძე ცდილობს ახლებთანაც მოძებნოს საერთო ენა და არც ძველ თაობას უფინყებს დამსახურებას, ეს არ იყო მისი მთავარი გამოწვეული. „ცდილობს აამოს“ – ეს უფრო პოლემიკისთვის დამახასიათებელი ფრაზაა და არ ასახავს არჩილის ხასიათს. სხვა ვითარებასთან გვექონდა საქმე. პირველი, ჯორჯაძე სხვადასხვა მსოფლმხედველობისადმი დამოკიდებულებაში იყო ტოლერანტი. მას მიაჩნდა სახეირო აზრი ყველგან შეიძლება მოიძებნოს, თვით „მესამე დასელთა“ იდეებშიც კიო. მეორე, ჯორჯაძე საერთო ნიადაგის თეორიის ავტორია, რაც გულსხმობს შემდეგს – როგორც ადამიანის ორგანიზმის ყველა ნაწილი მოქმედებს შეთანხმებულად და ერთი მათგანის ლპობა აზიანებს მთელს ორგანიზმს, ასეა ერის სოციალური ორგანიზმიც. ყველა კლასი, ყველა ფენა ამ ორგანიზმის

ნანილია. ერის სულიერი და მატერილური სიჯანსაღისათვის ამ ნანილებმა, ანუ საზოგადოების სხვადასხვა ფენებმა უნდა იმოქმედონ შეთანხმებულად, საერთო ნიადაგზე. (ამიტომ ცდილობს არჩილი თავიდან, რომ ხიდი არ ჩატეხოს თვით მე-3 დასელებთანაც.) ეს საერთო კი ჩვენი ეროვნული ვინაობაა. ის, რასაც არჩილ ჯორჯაძე საერთო ნიადაგის თეორიას უწოდებს – სათავეს იღებს ილიას ჩატეხილი ხიდის გამთელების იდეიდან. ორგანიზმის სხვადასხვა ნანილების შეთანხმებული მოქმედება კი ილიასეულ კლასთა თანასწორობის იდეის გაგრძელება გახლავთ. ასე რომ, არჩილ ჯორჯაძე, ილიას გზის გამგრძელებელია, თუნდაც ავტონომიის საკითხში. ამდენად, დასანანია, რომ ილიას ბასრი კალმის ობიექტად, თუმც კი არჩილის გამონვევით, ისიც იქცა. ილიას მასზე სხვა აღარა დაუწერია რა. ხოლო თვით არჩილმა თავის ხანმოკლე სიცოცხლეში დაწერა ნიგნი დიმიტრი ყიფიანზე და სიკვდილის წინ აპირებდა შეექმნა მონოგრაფია ილიაჭავჭავაძეზე. მაგრამ სიკვდილმა არ დააცადა. ის იბრძოდა სიცოცხლისათვის, როგორც პიდაპირი მნიშვნელობით(იყო ჭლექით დაავადებული), ასევე მისი შემოქმედებაც იყო სიცოცხლის საზრისის ძიება.

ოთხი დაი და ერთი ძმა ჰყავდა, ორი და, ქუთაისის წმინდა ნინოს სასწავლებლის უფროსკლასელები, მონამეთას მონასტრის ახლოს წყალწითელაში დაიხრჩვენენ. მესამე დაც გარდაიცვალა. ამ უბედურებას მშობლებმა ვერ გაუძლეს და ისინიც დაიხოცნენ. თბილისში ვილაც მოხელესთან შეტაკებისას ძმაც დაელუპა. დარჩა არჩილი და ერთი და ამ დიდი ოჯახიდან. ამ უბედურებათა შემდეგ იმდენი მოახერხა, თბილისის პირველი გიმნაზიის დამთავრებისთანავე პეტერბურგში განაგრძო სწავლა უნივერსიტეტში, იურიდიულ ფაკულტეტზე. იქ ჭლექით დაავადდა. მერე იყო ინგლისის, საფრანგეთის, შვეიცარიის სასწავლებლები. თბილისში დაბრუნებულმა „ცნობის ფურცელში“ ერთ წელიწადს იმუშავა და ისევ საფრანგეთში გაუშვეს არალეგალური გაზეთის გამოსაცემად. ჭლექით დაავადებული 1905 წელს ჩამოჰყავთ თბილისში და ფარულად გზავნიან ჯერ კიკეთში, შემდეგ მახინჯაურში. 4 ტომის გამოცემა სიცოცხლეშივე მოასწრო. გამოუცემელიც ბევრი დარჩა. დამარცხდა ფიზიკურადაც და მთელი ასი წლით უარყოფილ იქნა მისი საერთო ნიადაგის თეორიაც და მისი წინამორბედის, ილიას ჩატეხილი ხიდის გამთელების ოცნებაც.

●

კვლავ 1902 წელს დავუბრუნდეთ. ამ წელიწადს ქართული პრესის ისტორიაში განსაკუთრებული მოვლენა მოხდა. სწორედ არჩილი და გიორგი დეკანოზიშვილი გაიგზავნენ პარიზში, რათა გამოეცათ არალეგალური ქართული გაზეთი „საქართველო“. მიუხედავად იმისა, რომ მათ აქვთ „ცნობის ფურცელი“, ცენზურის გადაძივით, გაზეთი პირაკრულია ისეთ საკითხებზე, როგორებიცაა საქართველოს ავტონომიის, ქართული ეკლესიის ავტოკეფალიის თემები. ქართული ეკლესიის დამოუკიდებლობის აღდგენისათვის ბრძოლის გამო, სხვათა შორის, სწორედ 1902 წელს სასულიერო პირსაც კი არ მოერიდებიან და კირონს რუსეთში გაასახლებენ.

სოციალ-ფედერალისტებისაგან პარიზს მივლინებული არჩილ ჯორჯაძე და გიორგი დეკანოზიშვილი გაეცნობიან და დაუახლოვდებიან ცნობილ ფრანგ პოლიტიკოსებსა და მოღვაწეთ: სებასტიან ფორს, პიერო რიშარს, პიორესს და სხვებს. მათ ფრანგებს გააცნეს საქართველოს მდგომარეობა. სთხოვეს დახმარება არალეგალური გაზეთის როგორც ქართულ ისე ფრანგულ ენაზე გამოცემის საქმეში. ამ ახალ ნაცნობთა მეოხებით სტამბაც იშოვეს. გარდა თბილისიდან გაგზავნილი ან წინასწარ წაღებული მასალებისა, პარიზშიც დახვდნენ მომავალი თანამშრომლები. იმ დროს იქ იყვნენ : თედო სახოკია, ექიმი ალექსანდრე დიასამიძე, ავალიშვილი (არჩილის მეგობარი გიმნაზიიდან) ნოე ყორდანი.

ყველა ამათ მონაწილეობა მიიღეს გაზეთის შექმნაში. ერთი ორი წერილი ფედერალისტების გაზეთში თვით ნოე ყორდანისაც დაუბეჭდავს.

ერთი წელი საორგანიზაციო საკითხების მოგვარებას (სტამბა, ქალაქი და სხვა) დასჭირდა და 1903 წლიდან „საქართველო“ გამოიცა. როგორც გითხარით, არჩილი ქლექით კვლავ ავად ხდება და სამკურნალოდ შვეიცარიაში გადაჰყავთ. 1905 წელს კი ავადმყოფი არჩილის ჩამოყვანასთან ერთად, ფედერალისტების კომიტეტი გადაწყვეტს „საქართველოს“ დახურვასაც, რადგან გაზეთმა, ერთი, რომ უკვე გააკეთა თავისი საქმე და მეორე, აღარც შესაძლებლობები ჰქონდათ საზღვარგარეთ გაზეთის ბეჭდვისა.

●

ისეთი უწყინარი ფაქტიც კი, როგორიც მაგიდის კალენდრის გამოსვლაა, წელი მოქმედების ნაღმის შემოგდებას ჰგავდა. 1902 წელს

ვინმე გერცენშტეინმა გამოსცა ჩვეულებრივი მაგიდის კალენდარი. კალენდარში იყო ქართული ლიტერატურის შესახებ თბილი წერილიც, მაგრამ ამ თითქოს უწყინარ კალენდარშიც დუშმანის გეგმა იყო გადმოცემული – დაყავი და იბატონე. ყველა ევროპელი და აზიელი ერი, ვინც კი თბილისში ცხოვრობდა, მოხსენებული იყო თავისი ისტორიული სახელით. რუსი–რუსად, სომეხი–სომხად, ფრანგი–ფრანგად, გერმანელი–გერმანელად, ლეკი–ლეკად, ოსი–ოსად, აისორი–აისორად და სხვა. ენერა, თბილისში ამდენი და ამდენი რუსი, სომეხი, ფრანგი და ა.შ. ცხოვრობსო. ქართველებზე რა ენერა, აღარ იკითხავთ? ქართველები ამდენი არიან, მეგრელები ამდენი, იმერლები ამდენი, ფშავლები, თუშები, ხევსურები – ყველა ესენი ცალ–ცალკე მონაცემებით იყვნენ წარმოდგენილნი.

ამ უკუღმართი მანიპულაციის წყალობით აღმოუჩენიათ, რომ თბილისში ცხოვრობდა 63000 სომეხი, მეორე ადგილზე კი იყო ქართველი 39, 398 სული. თითქმის ამდენივე რუსია ნაჩვენები, რომელთა შორის შეტანილია ყველა ჩამოსული ჩინოვნიკი და ჯარისკაცი.

ამ კალენდრის შემდგენელს რა მუცლის გვრემა ჰქონდა და ვის შეკვეთას ასრულებდა, გასაგებია, მაგრამ, მისდა უნებურად, სტატისტიკური მონაცემები კი დაგვიტოვა. მაგ. წერია, რომ 1900წელს თბილისში ცხოვრობდა 39, 398 ქართველი, 6469 თბილისელი იმერელი. 1442 მეგრელი, 47 ფშაველი, 133 თუში, 120 ხევსური, ასევე 4509 სხვა ეროვნებისა. ამ სხვა ეროვნების ხალხში კი იგულისხმებიან აჭარლები, სვანები, მთიულნი, ინგილონი, ჯავახნი, მესხნი, გურულები და ა.შ.

ასევე ქართველი კათოლიკენი გერცენშტეინს მიუმატებია სომეხთა რიცხვისთვის. ასევე ყველა სხვა ეროვნებაზე გათხოვილი ქართველი ქალი მითვლილია იმ ეროვნებისათვის. დაბოლოს, არსად არ არის შეტანილი სოფლის ის მოსახლეობა, რომელიც ქალაქად ჩამოსულა, თბილისში მუშაობს, მაგრამ საკუთარი საცხოვრებელი არა აქვს.

ასე რომ, ამ მონაცემების მიხედვით 1900 წლისთვის ქართველი მოსახლეობა თბილისში უკიდურესად ტენდენციური სტატისტიკური მონაცემების მიხედვითაც კი უკვე უმრავლესობას შეადგენდა. წარმოიდგინეთ, მთელი მე-19 საუკუნის მანძილზე როგორი ექსპანსიონისტური პოლიტიკა უნდა ეწარმოებინათ ქართველების წინააღმდეგ, რომ საქართველოს სატახტოსთან მიმართებაში ამ ფაქტის აღნიშვნა გვჭირდება.

ეს მონაცემები ამოვიღე იაკობ გოგებაშვილის წერილიდან, რომელსაც მრავლისმეტყველი სათაური აქვს – „კალენდრებიც ჩვენ გვბრძვივობენ“ და რომელიც, სხვათა შორის, სწორედ „ივერიაში“ დაიბეჭდა 1902 წლის მე-13 ნომერში.

თვით „ივერიის“ ყოფილი რედაქტორი კი ამ წელიწადს ისეთ გადაწყვეტილებს იღებს, ქართველთა სულადობა არა, მაგრამ ქართული ოჯახების რაოდენობის სტატისტიკა ერთით გაიზრდება, თუმცა ეს თემა სახუმარო სულაც არ არის. როცა ბიოგრაფთა ჩანაწერებში კითხულობ, ილიამ 1902 წელს საკუთარი სახლი იყიდა ანდრეევის ქუჩაზეო, ეს ინფორმაცია რატომ არ უნდა გაგინარდეს კაცს, მაგრამ ვინც იმ ნავსიანი ეპოქის ქერქიდან ამოვა, ვინც ჩაუკვირდება ამ მშრალი ინფორმაციის მიღმა რა შეიძლება იდგეს, გაუხარდება კი არა, სწორედაც გული მოუკვდება...



დიახ, 1902 წელს ილია და ოლღა ჯერ სადგურის ქუჩაზე გადადიან ქირით საცხოვრებლად, შემდეგ კი ილიამ საკუთარი ერთსართულიანი უბრალო სახლი იყიდა ანდრეევის ქუჩაზე. სახლი, სადაც 1889 წლიდან დასთან, ელისაბედთან ერთად ცხოვრობდა, ილიას გემოვნებით იყო აშენებული.

შვილი არც ილიას ჰყავდა და არც ელისაბედს. 65 წლის ასაკში ქირით გადასვლა და შემდეგ ახალი მშენებლობის წამოწყება, (ანდრეევის ქუჩაზე ნაყიდ პატარა სახლს ილიამ სვიმონ კლდიაშვილის პროექტით წინ ორი ოთახი მიაშენა, კაბინეტი და სასტუმრო ოთახი) ილიას სურვილით არ უნდა მომხდარიყო. როგორც ჩანს დასთან განხეთქილება მოხდა, უფრო სწორედ, ოლღას და ელისაბედს შორის ჩამოვარდა რალაც ისეთი უკმაყოფილება, რომ ამ ასაკში ილია იძულებულია მიატოვოს დის სახლი და საკუთარი კერა ეძებოს. ერთადერთი ბიოგრაფი, ვინც ამ თემას ეხება, არის ექვთიმე თაყაიშვილი. ექვთიმე, როგორც ვწერდით, სათავადაზნაურო გიმნაზიის ხელმძღვანელად მუშაობდა. აქ მას სამსახურში ჰყოლია თანამშრომლად ელენე ჯაბადარი, მეუღლე ილიას მეგობრისა. ეს ქალი ძალიან ახლოს იყო ოლღასთან, ელისაბედთან. როგორც ვწერდით, საზღვარგარეთ მეორედ გამგზავრებისას თანაც ახლდა მათ. ელენე ჯაბადარისგან თაყაიშვილს ილიას ოჯახური ამბები სცოდნია, აქედან გამომდინარე წერს ექვთიმე: „ილიამ მიატოვა ბინა ელისაბედის სახლში და იქირავა პატარა სახლი ანდრი-

ას ქურაზე. (უნდა იყოს სადგურის ქურაზე. – ნ.გ) შემდეგ ის სახლი იყიდა და ოთახების მიშენებასაც აპირებდა. რა იყო მიზეზი ილიას ამ, ჩვენთვის უეცარი გადასახლებისა თავისი დის სახლიდან, რომელიც მისი აშენებული იყო და სადაც მას თავის გემოზე ჰქონდა მონყობილი და მოკაზმული კაბინეტი? ეტყობა დიდი შეტაკება უნდა მოსვლოდათ ილიას და მის დას. მიზეზი არ ვიცი, ვინაიდან იმ დროისთვის ელენე ჯაბადარმა, მოხუცებისა გამო, დაანება გიმნაზიაში სამსახურს თავი, გადასახლდა თავის პატარა მამულში, საგარეჯოს და იქ ცხოვრობდა თავის სიძესთან სავიჩთან ერთად... მას შემდეგ ელენე ერთხელაც აღარ ჩამოსულა თბილისში და აღარც მე მინახავს და აღარც ილიას ოჯახს. ეგებ არც მან იცოდა მიზეზი ილიასი და მისი დის გაყრისა, თუმცა არა მგონია, რომ ოლღას ნერილით მაინც არ ეცნობებინოს მისთვის ეს ამბავი".

„აღარც ელისაბედი მინახავს მათი გაყრის შემდეგ. მხოლოდ დიდი ხნის მერმე, უკვე რევოლუციის შემდეგ, მომწერა ერთხელ ნერილი, რომელშიც მთხოვდა, მივსულიყავი, მეც ვინახულე და შემომჩივლა, შიმშილით ვკვდები და მიშუამდგომლე, მენშევიკებმა რამე თანხა დამინიშნონ სარჩოდაო...“

მე ვუთხარი, არა მაქვს იმედი, რომ ამ მთავრობამ ილიას დასრამე დაუნიშნოს, ხომ იცი რა ცუდი ურთიერთობა და გაუთავებელი პოლემიკა ჰქონდა ნოე ჟორდანიას ილიასთან-მეთქი? მითუმეტეს, სახლები გაქვთ და რატომ თქვენს ნათესავს კოტე აფხაზს (ილიას მეორე დისშვილს, თავად-აზნაურობის წინამძღოლად ნამყოფს) არ მოელაპარაკებით ამის შესახებ მეთქი? მან მიპასუხა სწორედ კოტე აფხაზი მირჩევს სახლები გავყიდო და იმით ვიცხოვრო, მაგრამ, აბა, ილიას კაბინეტი როგორ გავყიდო?

მას აქეთ ელისაბედი აღარ მინახავს და აღარც მისი ამბავი გამიგია. ეს ეპიზოდი... მოწმობს, თუ რამდენად ხელმოჭერილი ქალი იყო: სახლი არ ემეტებოდა გასაყიდად და მენშევიკებს კი სთხოვდა სარჩოს!..“

ხელმოჭერილი რომ ყოფილა ელისაბედი, ეს ილიას ერთი პირადი წერილიდანაც დასტურდება, რომელსაც აქ შემოგთავაზებთ, მაგრამ თაყაიშვილის ვარაუდი, რომ ილიასა და ელისაბედს შორის „ეტყობა დიდი შეტაკება უნდა მომხდარიყო“ და ამიტომ მიატოვა დის სახლი ჭავჭავაძემო, არ მართლდება ილიასავე ერთი კერძო წერილის გათვალისწინებით. ილიასთან არა, მაგრამ რძალსა და მულს შორის კი მომხდარა ეს დიდი შეტაკება. ილია იძულებული გახდა ცალკე ბინა ეძებნა.

ჯერ პირველ წერილს გაგაცნობთ, საიდანაც ჩანს არა მხოლოდ ელისაბედის ცოტა არ იყოს ანგარიშიანობა სახელოვან ძმასთან, არამედ თვით ილიას მატერიალური ყოფაც თავისი ცხოვრების მიწურულს. ეს ღვთისპირიდან გადავარდნილი სოციალისტები, სიკვდილის შემდეგაც რომ დიდ ფეოდალს ეძახდნენ და 40 თუმნიან ქურქში გამოწყობილ ბატონს, აი, სინამდვილეში რა დღეში იყო 70 წელს მიტანებული ილია: „დაო ლიზავ! – წერს ილია დას – შენ ვერ წარმოიდგენ, რა რიგად შემანუხა შენმა წერილმა... არაქათი გავიწყვიტე და ვერას გავხდი. მამულებიდან, როგორც მოგეხსენება, არაფერი შემოდის. პენსია მაქვს და თვეში ოცდაათს თუმანს ჩვენს ბანკში მიჭერენ თავანსა და სარგებელში (ილიას მამულებიც ბანკშია დაგირავებული, – ნ.გ.) თუ არ გჯერა, ბანკში იკითხე, მე მართო თვეში თხუთმეტი თუმნითლა ვცხოვრობ, და რადგანაც ეს არა მყოფნის, ვალს ვიღებ. აი ეხლაც რუსეთში წასასვლელი მიხა ჩიკვაიძემ (ილიას სტუდენტობის მეგობარი და ელისაბედის მოურავია, – ნ.გ.) მიშოვნა ოცდაათი თუმანი. თორემ წაუსველი დავრჩებოდი. მაპატიე, თუ კიდევ და-ძმური გული შეგრჩა შენდობისთვის. მაინც და შენ კიდევ რალაც ოთხას თუმანზე ლაპარაკობ. ჩემი ანგარიში გაქვს შენა, რაცა მმართვეს და რაც მამიცია, იმ ანგარიშს შემდეგ კიდევ, ოცდაათი თუმანი გამოვავზავნე ნიკოლოზის ხელით და შენ ბარათის მოცემა არ ინებე. მე ეს ორი დღეა იმ ანგარიშს ვეძებ და სადღაც ქალაქებში მიმეძალა. შენა გთხოვ ჩემი ანგარიში გადაწერე და გამომიგზავნე, რომ სახლში ვიქონიო, თუ სადმე რამეს გავხდი. ჩვენ ხუთშაბათს მივდივართ. ნიკოლოზი მომიკითხე, იყავი კარგად და მშვიდობით და კიდევ გთხოვ შემინდე, რომ ამდენი ხანია და შენი ვალი ვერ გადავიხადე“.

მაინც შენი ძმა ილია ჭავჭავაძე

14 თებერვალი

ეს წერილი მკაფიო სურათს ხატავს, მატერიალური თვალსაზრისით რა დღეშია 70 წელს მიტანებული ილია. დიახ, ეს წერილი ზუსტად 1907 წელს გახლავთ დაწერილი, მიუხედავად იმისა, რომ თარიღი არ აწერია, სამი მონაცემის წყალობით წერილის ზუსტი დათარიღება ძნელი არ არის.

1) წერილს წერს უკვე ბანკის პენსიაზედ მყოფი ილია. ბანკიდან კი იგი 1905 წლის ივნისში წავიდა.

2) წერილს აწერია 14 თებერვალი.

მაშასადამე ის ან 1906 წლის 14 თებერვალს დაინერებოდა ან 1907 წლის 14 თებერვალს. წერილში არის მესამე „წერილმანიც“. „აი, ეხლა რუსეთში წასასვლელად მიხა ჩიკვაიძემ მიშოვა ოცდაათი თუმანი“-ო. ქვემოთ კი აზუსტებს: „ჩვენ ხუთშაბათს მივდივართ“.

ილია 1906 წელსაც წავიდა რუსეთში, მაგრამ მარტის ბოლოს. რაკი წერილს 14 თებერვალს წერს და იქვე დასძენს, ჩვენ ხუთშაბათს მივდივართო, იგულისხმება, რომ მიდის თებერვალში. მართლაც 1907 წლის თებერვლის მეორე ნახევარში ილია და ოლლა ერთად წავიდნენ პეტერბურგს. ასე რომ, სიცოცხლის უკანასკნელ წელს ილია ვალებშია. მაგრამ ჩვენი მიზანი ხომ არც ამ წერილის (ელისაბედისადმი მე-60 წერილი) დათარიღება იყო და არც ამჯერად ვალებზე საუბარი, ჩვენ გვსურდა დადგენა, რა იყო მიზეზი ელისაბედის სახლიდან წამოსვლისა. აი, ეს მიზეზიც, რასაც ვგებულობთ ახალ სახლში გადასვლიდან 5 წლის შემდეგ, ანუ 1907 წელს დისადმი მიწერილი წერილიდან.

„საყვარელო დაო ლიზო!

შენი წერილი მომიტანა ჩიკვაიძემ და ძალიან მიამა. ასე მგონია აქამდე სადღაც გადაკარგულები ვიყავით მე და შენ და ეხლა ვიპოვეთ ერთმანეთი დაძმობისათვის. მადლობელი ვარ რომ მოგაგონდით და წერილი მოგვანოდე, ოლლას დიდად იამა შენი მოკითხვა, – თუმცა თქვენ ერთმანეთს დაშორდით, მაგრამ ოლლას კიდევ უყვარხარ და შენთვის გული სტკივა.

საწყალ ნიკოლოზის სიკვდილი (უნდა იგულისხმებოდეს ილიას სიძე, ნიკოლოზ აფხაზი) ძალიან შეგანწუხებდა და ეგ შეწუხება იქნება მიზეზი შენის ავადმყოფობისა. ნუ გეშინიან, ღმერთი მოწყალეა, ეგ შეწუხებაც მალე გაივლის და თან შენი ავადმყოფობაც გადაწყვება ღვთის მადლით.

იყავ კარგად და მშვიდობით

*შენი ერთგული ძმა ილია ჭავჭავაძე
24 აპრილი 1907წ.*

მიაქციეთ ყურადღება ორი თვის წინ დაწერილ წერილის მინაწერს–„მინიც შენი ძმა ილია ჭავჭავაძე“. ორი თვის შემდეგ–„შენი ერთგული ძმა ილია ჭავჭავაძე“.

სულიერი განცდების აღწერას, რაც ამ ორ ფრაზაშია, დიდი ბელეტრისტის კალამი სჭირდება. „თანამდევნი სული“ გაზეთ „24 საათში“ უკვე გამოქვეყნებული მქონდა, როცა ილიას ოჯახის ხელზე მოსამსახურის ნინო (ნიცა) ახვლედიანის მოგონებას გავეცანი(ლიტ. მატთანე“ 1-2, 1940წ), რომელმაც სრულად დაადასტურა ჩემი ვარაუდი, რომ ილია რძალ-მულის ჩხუბის გამო გახდა იძულებული ახალი ბინა ეძებნა.

შინამოსამსახურის ეს მოგონება ჭეშმარიტად მინიატურული ტრაგიკული მოთხრობაა. „15 წლის განმავლობაში ილიას ოჯახობა და ღიზა შეხმატკბილებულად იყვნენ. რამდენიმე ხნის შემდეგ ილია და ოლა ნავიდნენ რუსეთს. იქიდან ოლამ წერილი გამოუგზავნა ილიას- დისნულს-ნინო აფხაზის ქალიშვილს-კატოს(ნაზაროვის ცოლს), სადაც მასხრად იგდებდა ღიზას და ცილს სწამებდა. ეს წერილი შემთხვევით ღიზას ჩაუვარდა ხელში და საშინლად იწყინა. უჩვენა მხოლოდ თავის დას მაკო მაცაშვილის მეუღლეს (იგულისხმება: დისშვილი, - ნ.გ.). ბოლოს ეს ამბავი ილიამაც გაიგო და ძალიან შეწუხდა. გადაწყვიტა სახლიდან გადასვლა, რადგან ამ ამბის შემდეგ ოლას და ღიზას ხშირად მოსდიოდათ უსიამოვნება ერთმანეთს შორის. გადასვლა მოხდა ღიზას საზღვარგარეთ ყოფნის დროს. ილიას ეს სახლი მეტად უყვარდა. ილია საგურამოში წავიდა, რომ თვალთ არ ენახა სახლის დაცლა. სთქვა: „მე ვერ უყურებ, როგორ გადააქვთ აქედან ბარგიო“.

...ღიზა საზღვარგარეთიდან რომ ჩამოვიდა ბიჭმა სადგურშივე უთხრა, რომ კნიაზი გადავიდაო! ღიზას ტირილი დაუწყია და უთქვამს: „ნამდვილად ილია გარდაიცვალაო“- რადგანაც ვერ წარმოედგინა თუ ილია როდისმე ამ სახლიდან გადავიდოდა. ბიჭმა დაამშვიდა და გზად ილიას ახალი ბინა უჩვენა (ჯერჯერობით ნაქირავები ბინა, -ნ.გ.). სახლში რომ მივიდა და ნახა ცარიელი ოთახები, ისევ ტირილი დაიწყო: „ერთი ძმა მყავდა და ისიც მომცილდაო!“ იმ დღეს ილია მოვიდა ღიზასთან, გადაკოცნა, ღიზამ უთხრა: „რათ გადააქვთე სახლი თუ არ გინდოდაო?“ ილიამ პასუხი არ გასცა, ბოლთას სცემდა ოთახში და პაპიროსს პაპიროსზე ეწეოდა. ღიზას ტირილმა ილიაზე ძალიან იმოქმედა. ილიას თავისი და ღიზა ძალიან უყვარდა. დიდ პატივს სცემდა. სადილად ერთ თავში ილია დაჯდებოდა, მეორე თავსა ღიზა. პირველად მისი სადღეგრძელო უნდა დაეღია და ასე იტყოდა: „ჩემო დაო ღიზო, ღმერთმა გადღეგრძელოსო!“ ღიზოსაც განსაკუთრებით

უყვარდა თავისი ძმა. ძმაზე უკეთესი არავინ ჰყავდა. მას იფიცავდა და მის მორიდებაში იყო მუდამ. ყოველთვის ილიას მზეს ფიცულობდა. ილიას სიკვდილის შემდეგ ისევ ისე განაგრძობდა ამ ფიცს. ლიზა და მაკო ძალიან ანჩხლები იყვნენ. ილია იტყოდა ხოლმე ჩემი დები მე სრულიად არ მგვანანო." (მაკო დისშვილი იყო. – ნ.გ.)

ვფიქრობ კომენტარი ზედმეტია. ქალებისაგან ატეხილი ოჯახური ჩხუბის გასარიდებლად ილია იძულებული გახდა სიბერეში ახალი სახლი ეძებნა.

1903

ახალი ბინის აღწერა. ილია აგრესიულ მათხოვრებთან. „ქვათა ლაღადის“ გამო მარქსისტების გამოლაშქრება. ილია და აკაკი ვალებთან. ილია აფხაზეთში. ვაჟას სასამართლო. სომხების თავდასხმა მთავარმართებელზე.



ვაჟა-ფშაველა

„გამარჯობა აფხაზეთო შენი“...

გალაკტიონი

ზემოთ მოხსენიებული, ილიას ოჯახთან დაახლოებული ქალი, ოღლა აგლაძე აგვინერს თბილისის იმ ბინას, სადაც ილიამ ცხოვრების უკანასკნელი ხუთი წელი გაატარა. „ილია ძალიან მოყვარილი იყო მყუდრო ოჯახური ცხოვრებისა და თავისი საცხოვრებელი ბინის კულტურულად მოწყობას დიდ ყურადღებას აქცევდა. როდესაც ანდრეევის ქუჩაზე, №20 -ში სახლი იყიდა, გულმოდგინედ შეუდგა მის გარეგან და შინაგან მოწყობასა და მორთვას.

...კედლებზე ეკიდა დიდი სურათები, ოქროთი მოვარაყებულ ჩარჩოებში:

ერთ-ერთ მათგანზე გამოხატული იყო გაჭენებული მერანი, რომელზედაც დაკრული იყო მშვენიერი შეხედულების ჭაბუკი, მეორეზე-რალაც ნადირი და სხვა („მაზეპა“). ამ დიდი სურათების გარდა, კედლები სავსე იყო წვრილ-წვრილი სურათებით. მე მახსოვს, ილიამ ამ სურათებისთვის დაუკვეთა ასზე მეტი ოქროსფერი ჩარჩო და სულ იმათში ჩასვა ეს წვრილი სურათები.

ილიამ სურათების ნაწილი საზღვარგარეთიდან ჩამოიტანა, მეტი წილი კი აქაური ჟურნალებიდან ჰქონდა ამოღებული. ამ სურათების კედლებზე განლაგებისათვის ილიამ ცოტა ენერგია არ დახარჯა. თითონაც აქტიურად იღებდა მონაწილეობას ჩვენს საქმიანობაში. მე და ოლლამ დაახლოებით ერთ თვეზე მეტი ვიმუშავეთ და ისე მოვანყეთ, როგორც ილიას უნდოდა, როცა ამის შემდეგ ერთ საღამოს მათთან მივედი, დიდის ამბით შემხვდნენ ოლლაცა და ილიაც. ილია ღიმილით შემეგება და მხიარულად მომამბახა:

– მოდი, მოდი, რა გაჩვენოთ! როგორი სურათი გადავიღეთ მე და ოლლამ. შემიყვანეს სანოლ ოთახში და ოლლას სანოლთან კედელზე ჩამოკიდებულ სურათზე მიმითითეს. მოხუცი ქალი წინდას ქსოვდა, იქვე იდგა მოხუცივე მამაკაცი, რომელსაც ღვინით სავსე ჭიქა ეჭირა ხელში.

- აი, მითხრა ილიამ, - ეს მე და ოლლა ვართ! საერთოდ, ილიას ძალიან უყვარდა სურათები".

აქ შევწყვეტ ციტირებას და ბინის ინტერიერიდან ყველა ნივთსა და ავეჯზე აღარ შევჩერდები. ინტერიერი სისადავითა და სვიმონ კლდიაშვილის მიერ დაგეგმილი ბუხრებით გამოირჩეოდა. ამ ბუხრებზე ერთი ომი ჰქონდათ სვიმონსა და ილიას, გინდა თუ არა, ნაკლები თანხა დამიჯინეო. დაუთმო კლდიაშვილმა და კი დაინგრა ბუხარი. მერე იკადრა, სვიმონს თავის საქმეში აღარ შეკამათებია...

მაგიდაზე ძვირფასი საწერი და კრიალოსანი იდო. ეს კრიალოსანი ძლიერ ჰყვარებია, რადგან ახლობლისგან „პრელესტ ბაბალესგან" (ბარათაშვილი) ჰქონდა ნაჩუქარი.

სურათებზე შევაჩეროთ ყურადღება. ეს ილიას ბოლო კაბინეტი, მაგრამ მისი კაბინეტი მანამდეც სურათების სიუხვით გამოირჩეოდა. განსაკუთრებით ბევრი ჰქონდა გამოჩენილ ადამიანთა პორტრეტები. არიან ადამიანები, რომელთა კეთილი მრჩეველი წარსულია. ილია თითქოს რჩევებს იღებდა იმ გამოჩენილ ადამიანთაგან, რომელთაც უკვე ეცხოვრათ ამ წუთისოფელში და ღირებული რამ დაეტოვებინათ. წარსულთან მისი იღუმალი კავშირით თუ აიხსნება ის გადაჭარბებული სიყვარული ფოტოებისადმი, რის გამოც ეს ფოტოები მოგზაურობდნენ ილიასთან ერთად.

ანდრეევის ქუჩაზე, ლვინიაშვილისგან ნაყიდი პატარა სახლის მიშენება-განყობას წელიწადი მოანდომა, ამიტომაც აღვწერთ ამ ბინას უკვე 1903 წლისათვის.

ამასთან, არაფერი გვითქვამს, როგორია ილია შინაურებთან, განსაკუთრებით ბავშვებთან. ახლა გვეძლევა შესაძლებლობა. კეთილშობილი ადამიანი, ასაკში შესვლის შემდეგ, კიდევ უფრო თბილი ხდება მეგობრების, შინაურების მიმართ. ეს ეგოიზმით დანაღმული კაცია, თავისი ჭირის-სიბერის გამო, გარემომცველ სამყაროზე რომ იყრის ხოლმე ჯავრს.

აი, ილიასთან სტუმრად არიან ოლლას დისშვილები. მათ უკვე საკუთარი შვილები ჰყავთ. ისევ აგლაძის მოგონებიდან: „ვესტუმრე ოლლას. იქ დამხვდნენ ოლლას დის შვილები: რუსუდან მელიქიშვილი, შალიკაშვილის ცოლი - ნინო, ორი ვაჟი სტაროსელსკისა. იყო დიდი მხიარულება და გართობა. ილია ეთამაშებოდა შალიკაშვილის ბავშვებს. ილიასთან ცხოვრობდა მისი ნათესავი ზალიკო ჭავჭავაძე - ყოფილი სამხედრო. სამხედრო სამსახურის ვადა გასული ჰქონდა და სახლში იყო, ფორმას მაინც არ იხდიდა.

...ამ მხიარულების დროს ილია მივიდა ზალიკოსთან და უთხრა:

– აბა, ერთი, შენ გენაცვალე, მითხარი: როგორ გამოეჭიმებოდი ხოლმე გუბერნატორსო. ზალიკომ უთხრა:

– ეჰ, დამანებე თავი, რა საჭიროა!

ილიამ სტაროსელსკის შვილებს თვალით ანიშნა, რომ მათაც ეთხოვნათ. ისინიც თან ითხოვდნენ და თან ტაშით ინვევდნენ. ზალიკომ ამდენ თხოვნას ველარ გაუძლო და ერთხელ გაითამაშა. აღარ მოეშვნენ და სამჯერ გაამეორებინეს. ილია ისე ხმამაღლა იცინოდა და ხარხარებდა, რომ ჩემს სიცოცხლეში ეგრე მოცინარი და მხიარული არ მინახავს. ზალიკომ დახურა ფარდა და ბავშვებს უთხრა:

– მე რომ გამომიყვანეთ სცენაზე, ახლა ილიაც გამოიყვანეთ. ბავშვებმა კვლავ ასტიხეს ტაშისცემა და ყვირილი.

– ძია ილიკო! ძია ილია! თქვენც გვითხარით რამეო.

ილია ჯერ დიდ უარზე იყო, მაგრამ ოღლაც შეეხვეწა:

– შენ გენაცვალე, ილია, თქვიო.

ზოგი ეძახდა „ტყემ მოისხა ფოთოლიო“, მაგრამ ოღლამ თხოვა, „კაცია- ადამინიდან“ ჩუპრი, ჩუპრი“ ნაიკითხეო. ილიას მაშინვე მოუტანეს მუთაქა და ბალიში, რომელიც მან ბავშვივით დაიჭირა. გასწიეს ფარდა, გამოვიდა ილია და შესანიშნავად წაიკითხა

„კაცია-ადამინიდან“ ის ადგილი, სადაც აღწერილია ლუარსაბის ალერსი

მომავალ შვილთან. ისეთი აღტაცება და ჟრიაბული გამოიწვია ამ გამოსვლამ, რომ ენით არ აღინერებოდა. ოღლამ ილიას აკოცა. ილია ისეთი მხიარული, როგორც მაშინ იყო, არასოდეს არ მინახავს.“

რამდენადაც ასეთი უბრალო იყო ეს თვითმპყრობელი საუკუნოს აზროვნებისა, იმდენადვე კუშტი და მიუკარებელი ხდებოდა, თუ უცხო ადამიანი ფამილარულად და ძმაბიჭურად მოექცეოდა. არა, მას შეეძლო სრულიად უცხო საზოგადოებაში დამჯდარიყო, არ ცდილობდა იქ ყურადღების მიქცევას (მაგრამ ამას რა ცდა სჭირდებოდა). შეეძლო მოსწრებულ სიტყვაზე, თუნდაც თავად გაეკენწლათ, გულიანად ეცინა. შეეძლო ამფსონობაც გაენია, მაგრამ თავხედურ ფამილარობას არავის აპატიებდა.

ორი მაგალითი:

ერთხელ, ბანკობიადის დროს, ნიკო ხიზანიშვილთან და სხვა მეგობრებთან ერთად (განსაკუთრებით უყვარდა და მუდამ თან

ახლდა ლევან ჯანდიერი) ქვიშხეთში ყოფილა ქორწილში. ერთი ბრგე თავადიშვილი დიდ ჭიქებს ცლიდა და ალავერდს „განსხვავებულით“ ილიასთანაც გადასულა. ილიას უთხოვია, თავი მტკივა და ნუ დამაძალებო. ახლა ეს თავადიშვილი შეხვეწნია, მაშინ თქვენი თავი გამიცვალეთო.

– წააგებო, – უთქვამს ლიმილით ილიას. ის თავადიშვილი ხალისობდა, ეგ თავი მებას და წაგებული მერქვასო.

– რატომ ვიხსენებ ამას. ფამილარობა ნიჭიერი კაცისგან ასატანი კი არა, სახალისოც შეიძლება გახდეს, მაგრამ უნიჭო ფამილარობა მხოლოდ გულზე თუ გახეთქავს კაცს.

– მეორე მაგალითი სწორედ უნიჭო ფამილარობის ნიმუშია.

1903 წელს ილია წერილს ღებულობს ბათუმელი რკინიგზელის, ვინმე საყვარელიძისგან. ილიას პასუხი დაუთარილებელია, მაგრამ რაკი თვით ამ საყვარელიძის მოგონება შემოგვრჩა, რომელიც აღნიშნავს, ილიას 1903 წელს მივწერე წერილიო, ილიას პატარა საპასუხო წერილის დათარილებაც იოლი ხდება. ეს საყვარელიძე წერილის შინაარსსაც გადმოგვცემს, თუ რა მისწერა ილიას.

აი, რა: მეო, თქვენი უაღრესად მოყვარული ვარ, როგორც დიდი პიროვნებისა და ახლა შემთხვევა მეძლევა, ბადალი მოგთხოვით ხარკის დადებით, ორი ბილეთის საფასური გამომიგზავნეო.

– თხოვნაც არის და თხოვნაც. თან დიდი კაცი ხარო, – წერს ეს უცნობი ადამიანი, თან მხარზე ხელს უტყაპუნებს, აბა, შენ იცი, ხარკს გადაებ, ორი ბილეთის ფული გამომიგზავნეო.

– სხვას იქნებ პასუხიც არ გაეცა და ამით დამთავრებულიყო. მაგრამ ილია ამ კაცის უზრდელობამ და უტაქტობამ აღაშფოთა, მოჰკიდა კალამს ხელი და ვგონებ ნიმუშად იმისა, როგორ უნდა მიუჩინო საკუთარი ადგილი აგრესიულ მათხოვარს, დაწერა ეს პატარა ბარათი. წერილი გრიგოლ საყვარელიძისადმი:

– „მონყალეო ხელმწიფევი მე თქვენმა წერილმა გამაოცა. ინერებით: „აი, ეხლა მეძლევა შემთხვევა და ვსარგებლობ ამით, რომ პატარა ხარკი დაგადოთო“. და მართლაც, ხარკს მაღებთ, ისიც თქვენდა საკუთარ სასარგებლოდ. ასეთი კადნიერი წერილი ან ძალიან მახლობელი ნაცნობისგან უნდა იყოს, რომ კაცმა არ იწყინოს, ან ბატონმა ყმას უნდა მისწეროს. მე არ ვიცი, რა შემთხვევა მოგცემიათ ისეთი, რომ თქვენი თავი რალაც ხარკის მიმღებლად გაგიცვნიათ და მე თქვენდა საკუთარ ყურმოჭრილ მოხარკედ გაგიხდევართ, მაშინ როდესაც, არც კი მაქვს ბედნიერება თქვენი ცნობისა. ასეთი მოხარკეობა მაშინაც ჭათაკილო იყო ადამიანის

ღირსებისათვის, როცა ბატონყმობა არსებობდა და ახლა ხომ მეტი სმეცია. მიიღეთ თქვენვე თქვენგან ასე კადნიერად გამოგზავნილი ბილეთები და უმორჩილესად გთხოვთ, იცოდეთ ამას იქით, რომ მე არც არავის ყმა ვარ, არც არავისი მოხარკე, და რომ უცნობ კაცთა საკუთარ სასარგებლოდ მე ფული არც მქონია და არც არასოდეს მექნება".

ვიმეორებ, ილია აგრესიული მათხოვრობის ფაქტმა აღაშფოთა, თორემ რამდენ უცხო კაცს ის დახმარებია, როცა კი ეს შეეძლო, ამაზე მრავალი მისი თანამედროვე მოგვითხრობს. ნაცნობსა და ახლობელს სხვა ტონით სწერენ წერილებს. შეადარეთ, მაგალითად, აკაკის წერილი თავისი უახლოესი ადამიანისადმი, მისი წიგნების გამომცემლის, სოსიკო მერკვილაძისადმი. აკაკიც ფულს ითხოვს, მაგრამ ეს წერილი ახლობლის მიმართ, ერთი ნოველის ტოლფასია, თუმცა უცხოისთვის რომ მიეწერა, შეიძლებოდა უბედურება დატრიალებულიყო. აკაკის თხოვნა სოსიკო მერკვილაძისადმი:

– „გავსქედი გუშინ ნანწალით და ძლივს მოვუყარე თავი თხუთმეტს... ახლა შენ იცი: – „ძმა ძმისთვის და შავი დღისთვისაო“: თუ სხვა არაფერი გექნება დასაგირავებელი, თავი დააგირავე და რამდენიც შეიძლო, მომაშავე. თუ შენისთანა ქიშმიში არავინ დაიგირაოს, მაშინ ნუშო (ადრესატის მეუღლეა, – ნ.გ.) დაიხმარე. ნუ გეშინია, ხვალ თუ არა, მალევე დავაბრუნებ“.



1903 წლის იანვარი, თებერვალი და მარტი, – მთელი სამი თვე მიდის პოლემიკა ქართულ, რუსულ და სომხურ გაზეთებში ილიას „ქვათა ლაღადის“ შესახებ. უფრო სწორედ, „ქვათა ლაღადი“ საბაბია, ვიღაც უხილავმა რეჟისორმა აიქნია ჯოხი და დაიწყო კამათი ქართველ-სომეხთა ურთიერთობაზე. როცა ილიამ ეს წერილი გამოაქვეყნა, მაშინ არ ატეხილა ასეთი ამბავი, ახლა ატყდა. ის რაც მაშინ რუსებმა ქარველებსა და სომხებს შორის ვერ მოახერხეს, არ გავა დიდი დრო და მოახერხებენ სომხებსა და აზერბაიჯანელებს შორის.

„კვალმაც“ არ დააყოვნა და გამოაქვეყნა (20 აპრილი, №17) ყვირილელის ფსევდონიმით წერილი „აკაკანებული მამულიშვილები“. ამ ფსევდონიმით წერდა ირაკლი (კაკი) წერეთელი. კრიტიკის ობიექტები იყვნენ ილია, აკაკი და 60-იანი წლების სხვა

მოღვაწეები. ეს წერილი არის პოლემიკის გაგრძელება „ცნობის ფურცელთან“ და „ივერიასთან“. საკვირველია კია, მაგრამ სოციალ-დემოკრატიის წერილით მართალია, ეჭქვეშ დგება ნი-იანელთა ბრძოლა ბატონყმობის წინააღმდეგ, მაგრამ თავად წერილი ხაზგასმული კორექტულობითაა დაწერილი. ყვირილელი მიიჩნევს, რომ აკაკი წერეთლის პოეზიის კონცეფცია შეიძლება განზოგადდეს მთელი ძველი თაობის პოზიციად, რომელიც, მისი აზრით, ასე გამოიყურება:

„მართალია, დემოკრატიის დროს მანაც დაწერა რამდენიმე ლექსი ბატონ-ყმობის წინააღმდეგ, მაგრამ ეს კილო სრულებით არ არის დამახასიათებელი მის პოეზიისათვის. პირიქით, ძირითადი ძარღვი ამ პოეზიისა არის უკმაყოფილება ახალი ცხოვრებით, უარყოფა მისი არა მომავლის, არამედ წარსულის სახელით. თანამედროვე ჩვენს ცხოვრებას უპირდაპირდება არა დაწინაურებული ქვეყნებით შემუშავებული იდეალი, არამედ ჩვენი წარსულით შობილი და უკვე დანგრეული. ეს, თუ გნებავთ, რომანტიკოსობა არის, მაგრამ რომანტიკოსობა კონსერვატიული“.

– „ივერია“ აქვეყნებს ნიკო ხიზანიშვილის წერილს „მასლაათი მამებისა და შვილების გამო“, პლებსის ფსევდონიმით. მასლაათი არა, გვარიანი კრიტიკაა ეს წერილი. კრიტიკა კაცობრიობის „ახლად მოვლენილ ჭირისუფალთა მიმართ“.

„კარგა ხანია, რაც ვანქის უბნელნი (ასე იხსენიებს ნ. ხიზანიშვილი კოსმოპოლიტი ქართველ ახალგაზრდებს) იჯმენენ სამშობლოსგან და ღალად ჰყვეს ხმითა დიდითა – „ჩვენ არასოდეს არ გაგვიხდია ღმერთ-კერპად ეროვნული არსებობა. ჩვენთვის პირველი საქმეა ადამინობა და არა ქართველობა“. კიდევ რამდენიმე ციტატი, რითაც ხასიათდება ახალი თაობის იდეოლოგია: „ახლა ყველასთვის ცხადია, რომ ბევრნი აწინდელნი შვილნი კაცობრიობას ეტრფიალებიან და კოსმოპოლიტობენ, თუ არა და – მარქსისტობენ და მხოლოდ მშიერ კუჭს დასტირიან. ახლა აშკარაა, რომ შვილნი ეროვნულ იდეალს მოკლებულნი არიან, თუმცა ჩვენს მდგომარეობაში ეროვნული მისწრაფება ყველაზედ უფრო საჭიროა. აწინდელი დრო საზოგადოდ ეროვნული ბრძოლისა და თავისმტკრევის დროა, თვით დიდნი და ძლიერნი ხალხნი იმის ცდასა და ფიქრში არიან, რომ განამტკიცონ და გაავრცელონ თავისი ვინაობა, ბატონობა და დიდება მოიპოვონ მთელ დედამიწის ზურგზე. ჯიბრი და ცილობა გაჩაღდა. დღევანდელ ბრძოლის

ველზედ ბურთიცი იმისია, ვინც მედგრად და შეუპოვრად იბრძვის ეროვნული ვინაობის დასაცველად. „თუ გეპრიანებათ, რომელიმე ერი ეკონომიკურად და პოლიტიკურად დაიმონავოთ, უნდა წაშალოთ მისი ვინაობაო“, ამბობს ერთი პუბლიცისტი და მართალსაც ამბობს. აწინდელ დროს ეროვნული ვინაობა ყველაზედ მჭრელ და ბასრ იარაღად შეიქმნა. ამ იარაღმა შეინახა შუაგულ ევროპაში სლავიანთა ტომის პატარა ერნი, რომელთაც გარშემო პირდაღებულნი სვავნი ახვევიან... ჩეხიამ ეროვნული მუზარადითა და ჩაჩქანით დაიცვა თავი და ახლა იმის გადაყლაპვა შეუძლებელია, ყელზედ დაადგება და დაახრჩობს, ვინც გადაყლაპვას მოინდომებსო...

ჩვენს ვაჟბატონებს კი, სასაცილოდაც არ ჰყოფნით ეროვნული მოძღვრება, – „რა ვუყოთ, თუ ახალთაობას ერი კერპად არ მიაჩნია, არამედ იარაღად ადამინურის ცხოვრებისთვისაო“... ერი ადამინური ცხოვრების იარაღიაო, ე. ი. ადამინურად-კი იცხოვრე და სულ ერთია, – ქართველი იქნები თუ ჯანაბა და დოზანაო... ძნელია ამაზედ მეტი „აბსურდი“ და უმეცრება!..“

ჩვენ ვიცავთ ეროვნებას იმიტომ, რომ ამით დავცხმაროთ და ხელი შევეუნყოთ ერთა სოლიდარობას, მივუახლოვოთ ერთი ერი მეორესაო“... მართალს-კი ბრძანებენ! ღვთის წინაშე, არა თუ მართო ერთი ერი მეორეს მიუახლოვეს, უფრო მეტიც ჰქმნეს. სოლიდარობის სარბიელზე „ცნობის ფურცელი“ იქამდე მიიყვანეს, რომ სომხურ გაზეთად გარდააქციეს. ახლა ვანქის უბნელ მოღვაწე ქართველს სომხისგან ველარ გაარჩევთ და ამაზედ მეტი სოლიდარობა–ლა უნდა! ესეც კარგი ღვანლია კაცობრიობის წინაშე... მაშ პატივი და დიდება ვანქის უბნელ მოღვაწეთა!

სრული უმეცრებაა, როცა გაიძახიან, ეროვნება მართო საყოველთაო სოლიდარობის დასამყარებლად ვიცითო. რასაკვირველია, სათნოიანი ურთიერთობა ანუ სოლიდარობა მიუცილებლად საჭიროა და ისტორიული პროგრესიც ამ გზას ადგია, მაგრამ ეროვნების დაცვა უპირველესად საჭიროა სხვაფრივ: თვითეული ისტორიული ერი თავისებური არსებაა, რომელსაც საკუთარი საუნჯე და წვლილი შეაქვს კაცობრიობის სალაროში. ყოველ კულტურულ ერს ხშირად მოეპოვება ზნეობრივი თუ გონებრივი „ობოლი მარგალიტი“ და კაცობრიობის სალაროს სიმდიდრესაც ეს მარგალიტები შეადგენენ. აქ არის უზენაესი აზრი და საბუთი ეროვნების არსებობისა და ვისაც მართლა კაცობრიობის სიყვარული გულში უღვივის, იმან უწინარეს ყოვლისა, ეროვნება უნდა დაიცვას. თო-

რემ სულიერის სიმდიდრის წყარო დაშრება და გონების სალარო გალარიბდება.

მოგეხსენებათ, რომ ჭავჭავაძემ დანერა „სომეხთა მეცნიერნი და ქვათა ღალადი“ და ეს წიგნი რუსულად სთარგმნა ნ. ალექსიმესხიშვილმა, რომელმაც იგი „კავკასიელ სტუდენტთა დამხმარებელ საზოგადოებას“ უძღვნა. ამ ძღვნის გამო სომხობამ ერთი აურ-ზაური და აყალ-მაყალი მორთო და ეს იმიტომ, რომ წიგნში მოთხრობილია სომხის მეცნიერთა და პუბლიცისტთა ოინბაზობა, ყალბობა, ცრუ-მედიდურება და სხვ... რუსულის ანდაზისა არ იყვეს, სიმართლე თვალსა სთხრისო. ი. ჭავჭავაძის სიმართლემაც თვალეზი დასთხარა სომხის შოვინისტებს და წრფელის გულით მირთმეულ ძღვენზე ხელი აალებინა. სოლიდარობის მოციქულმა აი, ამ სადავო საგანს მიაქცია ყურადღება და შემთხვევაც მიეცა, – პირუთვნელი განაჩენი დაედგინა, მშვიდობიანობა და თანხმობა ჩამოეგდო, მაგრამ გეცოდინებათ ვანქის უბნური ძმობა და ერთობა... უძღები შვილი ადგა და პირდაპირ ბეზლობა და ენატანიობა დაიწყო: „ჩვენს მამებს კერძოდ თუ საჯაროდ შეუწყვეტელი სჯაბაასი აქვთ, სხვადასხვა ღონისძიებათა მისაღებად, რომ სომხები ალაგმონ“.

როგორც ვხედავთ, სოციალური მიმართულების სარეგოლუციო პარტიები მარჯვნიდან თუ მარცხნიდან ნელ-ნელა ამწვავებენ ბრძოლას სამოციანელების და განსაკუთრებით ილიას წინააღმდეგ. არ გაჭრა ილიას პრევენციულმა ზომებმა, არ გაჭრა მისმა გაფრთხილებამ „ქვათა ღალადის“ არაერთ ადგილას ჩართულმა, ჩვენ ერთან საქმე არ გვაქვს, ჩვენ ერთ მუჭა მეცნიერ-მტაცებლებს ვერჩითო.

პარტიებისთვის მთავარია მათი კავშირები, მათი ინტერნაციონალური ერთობა და ილიასთან ბრძოლას ქვეყნის ბედსაც გადააყოლებენ თუ არა, იმ ეტაპზე არავინ ფიქრობს.

ამ პოლემიკას ძველებსა და ახლებს შორის ერთი კარგი შედეგი ჰქონდა. თუ აკაკი ადრე, ასე თუ ისე, „მესამე დასელებთან“ შეხლა-შემოხლას ერიდებოდა და „მესამე დასელთა“ სამიზნეც ძირითადად ილია იყო, ახლა უკვე აკაკისაც ესროლეს ხელთათმანი. ცხადია, წერეთელსაც ყელში ჰქონდა გაჩხერილი ეს სამშობლოს უარმყოფელნი. სწორედ 1903 წელს რამდენიმე წერილს უძღვნის მათ. პირველად გაისმის მისგან სინანული გიორგი წერეთლის გამო, ეს ქვეყნის ჭირად მოვლენილები რომ გულში ჩაიხუტა. შეცდა გიორგი წერეთელი. ამათი მიმრქმელობა, ამა-

თი ნათლიობა რომ იკისრა და ჩვენს მომავლად „მესამე დასად“ აკურთხა ესენიო. აკაკი შეძრწუნებულია, ვინაიდან ხელთ შერჩა თაობა, რომელსაც წარსული „გველივით ეზიზღება“ და „ანმყოჭირივით ეჯავრება“.

„ზოგიერთ მიყრუებულ მთიულ სოფელში დღესაც კიდევ შეხვდება კაცი მისთანა სოფელს, თუმცა-კი ძვირად. რომელსაც სოფლის დასაბამი იმ დღიდან სწამს მხოლოდ, როცა თვითონ გამოუჭყეცია თვალები და თუ მანამდინაც ყოფილა რამ ვერ წარმოუდგენია. სწორედ ასე ემართება „კვალელებსაც“. – საქართველო და ქართველობა მათიდან იწყება, ჰგონიათ!“

აკაკი ილაშქრებს ამათი მატერიალიზმის წინააღმდეგ და დაასკვნის- „არა პურითა მხოლოდ სცხოვდეს კაციო“. ილაშქრებს ერის წარსულისადმი მათი ნიჰილისტური დამოკიდებულების გამო და ასკვნის: „ვინც წარსულს ივიწყებს, ის მომავალზედაც ხელს იღებს და, მარტო ანმყოზე შეჩერებული უსულდგმულო, საპირუტყვო ფარგლებში რჩება“.

მოკლედ, აკაკიმ მთელი ფიზიონომია გაშიფრა 1903 წელს მარქსისტი ქართველებისა და ზარიც დაარისხა: „ვისაც ესხდნენ ყურნი სმენად, ისმინონ!“

ერთ დროს „კვალის“ დამფუძნებელი თავადაც იმას ამბობს, რაც ილიამ წლების წინ სახარე ხბოს შეატყო და მათი გამოჩენისთანავე აფრთხილებდა ერსა და ბერს, თუ რას მოიტანდნენ ეს მარქსის პამპულები.



ილია ჯიუტად განაგრძობს თავის საქმეს, ახლა აფხაზეთია მის დღის წესრიგში. ოლდენბურგელის დავალებით გიორგი ორბელიანი სტუმრად იწვევს გაგრამში. ჭავჭავაძეს კარგად ესმის მისი აფხაზეთში ჩასვლის მნიშვნელობა და ემზადება კიდევ იქ დეღეგაციით წასასვლელად.

მანამდე, 2 მაისს კვლავ ბანკის გამგეობის თავმჯდომარედ ირჩევენ. 30 წლის განმავლობაში ბანკში წარმატებული მუშაობისათვის კრება მადლობასაც გამოუცხადებს, იმავდროულად ქვეყნდება ბანკის მოვალეთა სიაც. ილიას ბანკიდან ვალი აქვს აღებული. ქვეყნდება იმ მოვალეთა სია, რომელთა მამულებს გაყიდვა ემუქრებათ. წესი წესია. ამ სიაში არიან ილია და ოღლა ჭავჭავაძეებიც...

ამ მხრივ, ბანკი რომ ვერ აშინებდა ერთადერთი ილბლიანი კაცი აკაკი იყო. მცირე ექსკურსი: დილით რა თანხაც არ უნდა ჰქონოდა აკაკის ჯიბეში, სალამოსთვის კაპიკს ვერ შეირჩენდა. თამაში მას უყვარდა, თუ უყვარდა. თან სულ აგებდა, თან სულ ოხუნჯობდა ჯიბის გაცარიელების შემდეგ – მთელი ღამე ვათენე და სულიერადაც და ხორციელადაც ყველაზე სუფთა ვარ, სულ განმენდილი ვარო.

არ ვიცი, იმერული ხელგაშლილობა გამოჰყვა თუ მისი ცოლის დამსახურება იყო აკაკის მფლანგველობა. ცოლი, ბაზილევსკაია მილიონერის ქალიშვილი გახლდათ. აკაკის სიმამრის სახლში, თავის დროზე, თურმე იმპერატორებიც კი დადიოდნენ, მაგრამ ცოლის მდიდარი მზითვეი უცებ გაიფლანგა.

როგორი ხელმოკლეც ნავიდა სასწავლებლად აკაკი, რუსეთიდან ისეთივე ხელმოკლე დაბრუნდა საქართველოში. რაკი ფული ჯიბეში არ უჩერდებოდა, – სახლი სულ ქუთაისის ბანკში ჰქონდა დაგირავებული. მიდგებოდა საქმე გაყიჯვაზე და ატყდებოდა საზოგადოებაში ერთი განგაში – ჩვენს მგოსანს სახლი როგორ გაუფყიდოთო. რალაც მანქანებით დაიხსნიდნენ. ეს ბევრჯერ განმეორდა, აკაკი კი მაინც სულ უქმაყოფილო ყოფილა ამავე საზოგადოებაზე. ბოლოს საქმე იქამდე მივიდა, რომ ჯერ წერა-კითხვის საზოგადოებას, მერე გოგებაშვილს სთხოვეს ბანკიდან აკაკის ფულს შენ მოგცემთ და ყოველთვიურად გამოუზოგე ხოლმეო. გოგებაშვილს ისეთი პატიოსანი კაცის სახელი ჰქონდა, იმას ველარ გაკენწლავდა წერეთელი. იაკობმა ექვთიმე თაყაიშვილი შეიამხანაგა, მარტო თავის თავზეც ვერ აიღო ეს მოვალეობა.

მეორე მხრივ, აკაკიმაც რა ქნა? რაც გააჩნდა, ანდერძით ყველაფერი ექვთიმე თაყაიშვილის ეთნოგრაფიულ და საისტორიო საზოგადოებას დაუტოვა... იცოდა, მისი მემკვიდრე ერთ დღეში გაყიდდა ყველაფერს.

ახლა რატომ მოვყევი ამას. ილია პირველ რიგში სხვა ხასიათის კაცი იყო, სხვა პასუხისმგებლობისა და მეორეც, თავად გახლდათ ბანკის თავმჯდომარე, მას რომ ვალი ვერ დაეფარა, არც იპატიებდა და ალბათ, არც არავინ დაუტოვებდა მამულს გაუყიდავს, რადგან სხვისი მამულები ხომ მისივე მკაცრი საბანკო პოლიტიკის გამო იყიდებოდა? ამიტომ ილია დღე და ღამეს ასწორებს, რომ სტუმარ-მასპინძლობასაც არ გამოაკლდეს, ოჯახიც შეინახოს და ვალიც გადაიხადოს.

ასე, რომ, გარდაცვალებამდე თავისივე დაარსებული ბანკის ვალს იხდიდა.



ილია აფხაზეთში გაემგზავრა. „ივერიაში“ აღწერილია მისი სტუმრობის დეტალები, მაგრამ თედო სახოკია ყველაფრის თვითმხილველი იყო და მის მოგონებას შემოგთავაზებთ:

„სოხუმის მკვიდრი ქართველობა განსაკუთრებით იჩაგრებოდა ცარიზმის აღვირაზსნილი რეჟიმისაგან. ადმინისტრაციაში დიდი ადგილები სულ შავრაზმელებს ეჭირათ. შავრაზმელი იყო სასულიერო უწყების უფროსიც (ეპისკოპოსი), სასწავლებლებში უფროსებად, მასწავლებლებად შავრაზმელები იყვნენ.

ასეთ ატმოსფეროში მყოფი ქართველობა სიხარულით აღივსებოდა ხოლმე, როცა ვინმე მოწინავე ქართველი შემთხვევით გზად გამოივლიდა სოხუმში. თავი მოჰქონდათ: აი, რა კაცები ჰყავს ჩვენს სამშობლოსაო!.. გულში ათასნაირი იმედი ესახებოდათ.

მთელი ეპოქა იყო აქაურების ცხოვრებაში, როცა აქ განსვენებული პროფესორი ალექსანდრე ხახანაშვილი გამოივლიდა თავისი ნათესავების – გოგრიჩიძეების სანახავად!.. ერთხელ ქართველი სტუდენტობა მოიყვანა აქ ოდესის უნივერსიტეტის პროფესორმა ვასილ პეტრიაშვილმა. ერთხელ ნიკო ნიკოლაძეც იყო. აკაკი ისე გარდაიცვალა, სოხუმში არ უნახავს. ილია ჭავჭავაძემ კი მხოლოდ 1903 წელს ინახულა სოხუმში და სოხუმის ქართველობა.

1903 წელს თბილისის გუბერნიის თავადაზნაურთა კრებას, ერთ-ერთ თავის სხდომაზე, სხვათა შორის, ლაპარაკი ჰქონდა იმ „ამაგზე“, რომელიც პრინციპა პეტრე ოლდენბურგელმა დასდო აფხაზეთს: გაგრის კურორტის დაარსებით, იქავე რეალური სასწავლებლის გახსნით და, საერთოდ, აფხაზეთის ამ კუთხის გამოცოცხლებით.

მადლობის გამოსაცხადებლად არჩეული იყო დეპუტაცია, რომელშიაც შედიოდნენ: ილია ჭავჭავაძე, ალ. ორბელიანი(სიძე პოეტ ვახტანგ ორბელიანისა, ტფ. სამაზრო მარშალი თავადაზნაურთა) და სიღნაღის მაზრის თავადაზნაურთა წინამძღოლი დიმიტრი ჩოლოყაშვილი.

დეპუტაციამ თავისი დავალება შეასრულა, გაგრა საფუძვლიანად დაათვალიერა და იქიდან სოხუმში შემოიარა, ახლა ამ ქალაქის დასათვალიერებლად.

ელვის სისწრაფით მოედო მთელ ქალაქს ილია ჭავჭავაძის მოსვლა. ასეთი ადამიანების სტუმრობით სოხუმელები მაინცდამაინც განებივრებული არ ვიყავით. წარმოგიდგენიათ, რარიც უნდა გაგვხარებოდა მთელი საქართველოს სიამაყის ილია ჭავჭავაძის მოსვლა!...

რომ ყველას შესძლებოდა ილია ჭავჭავაძის ნახვა, მისგან ცოცხალი სიტყვის გაგონება, გადაწყდა, სადილი გამართულიყო ძმათა შარვაშიძეთა სასახლის ვრცელ ეზოში ასწლოვანი მუხებისა და ცაცხვების ქვეშ და ამ სადილზე მოენვიათ გაგრიდან დაბრუნებული სტუმრები.

სადილში მონაწილეთა სულზე ხუთ-ხუთი მანეთი უნდა გაეღოთ. თითქმის ყველა ისწრაფოდა ამ სადილზე დასასწრებად. ასზე მეტმა ქალმა და კაცმა მოიყარა თავი. ყველას მოუხაროდა, როგორც დიდ და ბრწყინვალე დღესასწაულზე ცდილობდნენ, ერთიმეორეს არ ჩამორჩენოდნენ ამ ზეიმში, რომელიც სუფრის დასასრულს მართლა რომ ეროვნულ დღესასწაულად იქცა...

საათის ოთხზე მობრძანდნენ სტუმრები, რომელთაც სუფრის თავში დააჭერინეს ადგილი. ილიას გვერდით მოუსვენს მოხუცებული გრიგოლ შერვაშიძის მეუღლე ალათი დადიანის ასული. ძვირფასი სტუმარი, რომ ყველასათვის დასანახი ყოფილიყო, მოსუფრალნი ორ რკალად შემოურიგდნენ სუფრას. თამადად არჩეულ იქნა აქაური მოქალაქე თეიმურაზ გაბუნია, ცნობილი თავისი ჭკუითა და სიღარბაისლით.

თამადამ პირველად ადღეგრძელა ილია ჭავჭავაძე, მიულოცა საქართველოს საუკეთესო შვილს მობრძანება სოხუმში. მადლობა მოახსენა, რომ თავის აქ მობრძანებით ვაჟკაცობის სული შთაბერა;

გაძლევთ პირობას, თანახმად თქვენის მოძღვრებისა, ჩვენი ქვეყნისათვის ჩვენც ვიშრომებთ, ჩვენც შევიტანთ ჩვენს წვლილს საერთო საღაროში, მხოლოდ ერთსა გთხოვთ, ჩვენო ძვირფასო ბატონო: თქვენ და თქვენისთანები ნუ დაგვივიწყებთ ხოლმე, ათასში ერთხელ დაგვხედეთ, გაგვამხნევეთო.

თამადის შემდეგ მერგო ბედნიერება ილიას სადღეგრძელო დამელია. დიდის მოკრძალებით გავიზიარე ის საერთო აღტაცება, რომელსაც ცათაფრენაშემდგარი ხალხი განიცდიდა მის დანახვაზე. მე ვთქვი: ეს დღე ოქროს ასოებით ჩაინერება სოხუმელთა ცხოვრებაში. თქვენმა აქ მობრძანებამ ყოველი ტანჯვა დაავინყა აქაურებს; დღევანდელი დღე დაუვიწყარი იქნება სოხუმელთათვის.

ნება გვიბოძეთ მრავალჯამიერი სიცოცხლე გისურვოთ და განუზომელი მადლობა მოგახსენოთ აქ მობრძანებისათვის, ჩვენის ნახვისა და ნუგეშისათვის.

სამადლობელო სიტყვის სათქმელად ილია ზეზე წამოდგა. მთელი საზოგადოებაც ფეხზე მდგარი მოემზადა მის მოსასმენად. ასე დაიწყო:

„ბატონებო, დიდის პატივისცემით მოგესალმებით! ბედნიერი გახლავართ, რომ ვხედავ ჩვენს საერთო მშვენიერ სამშობლოს, კალმით დახატულს კუთხეს და მის მოსახლე მშვენიერსავე ხალხს... მადლობელი გახლავართ თქვენი დახვედრისათვის, ჩემის პატივისცემისა და დღეგრძელობისათვის!

„თქვენ რომ გიყურებთ, გულს იმედი და სასოება ჩამესახა, რომ ჩვენი ქვეყანა წინ მიდის, მტერს ისე ადვილად არ დავეჩაგვრინებთ. რომაელთა ერთი თქმა მაგონდება: სინათლე აღმოსავლეთით გვევლინებაო. თქვენ რომ გიცქერთ, ეს თქმა ასე უნდა შევცვალო: სინათლე დასავლეთიდან მოდის, საქართველოსათვის მაინც-მეთქი! თქვენც მიხვედრილი ბრძანდებით, რომ დღევანდელ ცხოვრებაში სუფრის თავში ის ერი ზის, ვინც ირჯება, ვინც ცდილობს ქონება შეიძინოს, ეკონომიურად წელში გამაგრდეს. ვინც ამას არა ფიქრობს, ვინც სხვას შეჰყურებს, აცა, რამე გაჰვარდეს ხელიდან და მე ავილოვო, ის ხალხი ტყუილად ნუ ელის შორი მანძილი გაიაროს ცხოვრებაში, ტყუილად იმედი ნუ აქვს ცხოვრებისა ჭიდილში ფონს გავიდეს; ასეთი ერი, ვიმეორებ, დარწმუნებული უნდა იყოს, რომ მას საკაცობრიო ცხოვრების სუფრაზე ადგილი არ ექნება, გემრიელი ლუქმა ცხვირზეით აცდება, ნასუფრალი თუ ხვდა, ღმერთს მადლი შესწიროს! ყველასაგან გათელილი, ყველასაგან ყბადალებული ისაა, ვისაც თავის მარჯვენის იმედი არა აქვს, ვინც თავის ძალღონით არ ჰლამის ლელოს გატანას ცხოვრების მოედანზე...

„თქვენი მოძმენი, აღმოსავლეთ საქართველოს ქართველები, იმითა ვართ შესაბრალისნი, რომ მეტად ტაატიტ მივდივართ ეკონომიურ მოღონიერებისაკენ. იქ ყველანი ჩვენა გვჩაგრავენ, თავზე გვასხდებიან. აქ, თქვენ რომ გიყურებთ, გული მინათლდება, სასოებით მევსება: მთელი ქალაქი თქვენს ხელშია; აქაურობის ბატონ-პატრონი თქვენა ხართ, გეტყობათ, დღესა და ღამეს ასწორებთ, ცდილობთ უკვე შეძენილს კიდევ მიუმატოთ, თქვენი ქონება ერთი-ორად აქციოთ, ფხიზლობთ, ყური მახვილად გიჭირავთ, საიდან როგორ უკეთესად და სარფიანად მოაგვაროთ თქვენი საქმე, ამისათვის თქვენთვის გამჩენს შნო მოუცია და ამ შნო-

თი შნოიანად სარგებლობთ კიდევცა. მერწმუნეთ, თუ ქონებრივად ღონიერები იქნებით, ყოველივე სიკეთე ამქვეყნიური თავისით მოგადგებათ კარზე. თუ ეკონომიურად წელში გავიმართებით, ჩვენი სამშობლო, მამა-პაპათაგან ნაანდერძევი, შეგვრჩება, ვერავინ წაგვართმევს. თუ ვაჭრობას, თანამედროვე ცხოვრების ამ მთავარ ძარღვს, ვუერთგულეთ, ბურთი და მოედანი ჩვენია, ლელოს გატანაში ვერავინ შეგვეცილება. რომ მოგახსენეთ: საქართველოს სინათლე დასავლეთიდან მოდის-მეთქი, იმიტომ მოგახსენეთ, რომ დასავლეთ საქართველოს ქართველობამ აღმოსავლეთ საქართველოს მოძმეებს მაგალითი უნდა უჩვენოს სიფხიზლისა, ცხოვრებაში ბრძოლის უნარის გამოჩენისა, უნდა ასწავლოთ, რომ იმათაც ამავე გზით იარონ, იმათაც თქვენ მოგბადონ, ერთობლივის ძალით მამა-პაპათაგან ნაანდერძევი ტურფა და მდიდარი ქვეყანა შევირჩინოთ, სხვას მისი დაპატრონების მადა არ გავუღვიძოთ, მოსეულათასგვარ მტერსა და დუშმანს კრიჭაში ჩავუდგეთ, გავუმკლავდეთ, ხმალამოლებული დავუხვდეთ, ჩვენზე არ გავაცინოთ...

„მაშ, გაგიმარჯოსთ, ბატონებო, ჩვენი ქვეყნის ეკონომიურად აღორძინების პირველო მერცხლებო! გაუმარჯოს თქვენს გამჭრიახობას, სიმკვირცხლეს: ჩვენი ხალხის, ამერ-იმერეთის, მთლად ჩვენი ქვეყნის სანუგეშოდ და წარსამატებლად!“

ყოველი სიტყვა ძვირფასი სტუმრისა ელექტრონის დენისებრ უვლიდა სხეულში სმენად გადაქცეულ მაყურებელს; ყველანი ხარბად პირში შეჰყურებდნენ და ცდილობდნენ ერთი სიტყვაც არ გამოჰპარვოდათ. მათ ბედნიერებას საზღვარი არა ჰქონდა: მთელი საქართველოს სათაყვანო ადამიანს, მთელი ქართველობისათვის მზრუნველს ილ. ჭავჭავაძეს თავიანთს შორის ხედავდნენ! ყველას განუმტკიცებდა რწმენას, რომ ობლად არ იყვნენ შთენილნი, ჰყავდათ პატრონი, პატრონი ძლიერი, შემმართებელი, რომლის წინაშე ჩვენი დაუძინებელი მტერიც კი ქედს იხრიდა.

კარგა შებინდებულზე ყველანი მხიარულნი და ბედნიერნი დაიშალნენ. მერე დიდხანს და დიდხანს ჰქონდათ სოხუმელებს ეს სადილი სალაპარაკოდ და სასიამოვნო მოსაგონებლად.“



თედო სახოკიას იმავე მოგონებიდან:

„1903 წლის შემოდგომაა. საქართველოში პარიზიდან ჩამოსულია ცნობილი მოგზაური და საქართველოს სხვადასხვა კუთხის

აღმწერი ბარონი დე-ბაი. დავით სარაჯიშვილმა ფრანგი სტუმარი სადილად დაპატიჟა თავის სახლში, ფრეილინის (ამჟამად სულხან-საბა ორბელიანის) ქუჩაზე. სადილად მონვეული ჰყავდა: ილია ჭავჭავაძე, ალექსანდრე სარაჯიშვილი, პეტრე უმიკაშვილი, ფილიპე გოგიჩაიშვილი და მე. დავით სარაჯიშვილის მეუღლე ეკატერინე ქალაქიდან გასული იყო. ასე რომ, სუფრას მარტო მამაკაცები ვესხედით. დავითმა ბოდიში მოიხადა დიასახლისის იქ არ ყოფნისათვის. მეტად მხიარულად მიდიოდა სადილი. ვლაპარაკობდით ქართულად და ფრანგულად. პეტრე უმიკაშვილი ვილაცხას თუ ვილაცეებს უჩიოდა: დამჩაგრეს, აქაო და გულკეთილი ხარო, დაბალ ღობედ გამიხადესო. თავისი ნათქვამი უფრო ნათელი რომ ყოფილიყო მსმენელთათვის, ქართული ანდაზაც კი მოიშველია: მტრედს თავის სიალალთ ნისკარტს მოსჭრიანო. სრულებით დაავინწყდა პეტრეს, რომ პატარა თავ-ტანთან ერთად მეტად დისპროპორციული ცხვირი ჰქონდა და რომ მისი ცხვირი ილია ჭავჭავაძეს ადრეც მეგობრული შარჟის საგნად გაეხადა, პეტრემ სათქმელი რომ დაასრულა, ილიამ ასე ანუგეშა:

– ჩემო პეტრე, ფიქრი ნუ გაქვს, რაც უნდა ბევრი მოგაჭრან ცხვირი, სამყოფი მაინც დაგრჩებაო!...

ილიას მოსწრებულმა სიტყვამ საერთო სიცილი გამოიწვია და ყველაზე მეტად თვით ობიექტი ამ მოსწრებულ სიტყვისა აცინა, სრულიად გულწრფელად და უწყინარად..."

●

ზემოთ ერთ-ერთ წერილში ვწერდი, ვაჟა ფშაველას დიდხანს ვერ დააფასებს თავისი თანადროული საზოგადოება, 1902 წელს, მეტყვევებთან მომხდარი ჩხუბის გამო, მას გაზეთი მხოლოდ ლუკა რაზიკაშვილად იხსენიებს-მეთქი. ვაჟას სასამართლო სხდომა გაუმართეს. სხდომა 1903 წლის 30 მაისს გამართულა. მთავარი ის არის, რომ ვაჟას ამ დროისათვის უკვე დაწერილი აქვს თითქმის ყველა ის გენიალური ნაწარმოები, რომელთაც მას მსოფლიო გენიოსთა სიაში დაუმკვიდრა ადგილი. ამ დროს კი თითქოს არაფერიც არ ხდება, ვილაც ლუკა რაზიკაშვილს ასამართლებენ და ვილაც ლუკა რაზიკაშვილის შესახებ აქვეყნებენ გაზეთები ინფორმაციებს.

შეიძლება კაცმა იფიქრო, რომ ვაჟას მოუფრთხილდნენ, ფართო მკითხველს შეგნებულად დაუმალეს, რომ ეს ვაჟა იყო, მაგ-

რამ არა. მოსაფრთხილებელი ვაჟას იმ ამბის გამო, რომელსაც ქვემოთ შემოგთავაზებთ, არაფერიც არ სჭირდა. პირიქით, ჩანს სასამართლოში რალაცუებს არბილებს, თორემ დაკვირვებული თვალი შენიშნავს, როგორი ჰეროიკული გმირებიც ყავს გამოყვანილი თავის პოემებში, თავადაც ისეთი იყო. განსაკუთრებით ის სიუჟეტია მრავლისმეტყველი, შებორკილი კაცი თუ როგორ ნაავლებს სხვის ხანჯალს ხელს... აი, ეს ქრონიკაც, ამოღებული „ცნობის ფურცლის“ 1903 წლის 19 მარტის ნომრიდან:

სასამართლო

მოხელის შეურაცხყოფა

30 მაისს თიანეთში ტფილისის ოლქის სასამართლოს სესიამ განიხილა საქმე ლუკა რაზიკაშვილისა, რომელსაც ჰბრალდებოდა მოხელის შეურაცხყოფის მიყენება. 1902 წელს, ზაფხულს, თიანეთის „ლესნიჩის“ თანაშემწე ანენკოვი ტყის მცველებთან ერთად მისულა ფშავ-ხევსურეთის საბოქაულოს ერთს ტყეში და ერთს ადგილას შესდგომია ტყის კაფვას გზის გასაყვანად. ამ დროს მისულა იქ ლუკა რაზიკაშვილი და განუცხადებია, რომ ეს ადგილი ჩემი საკუთრებაა, ხელს ნუ ახლებთ ტყესაო. ანენკოვი შეჰკითხებია, რა საბუთის ძალით მიაჩნია აღნიშნული ტყე თავისად. რაზიკაშვილს ამოუღია ქალღლები და უჩვენებია. ამის შემდეგ ანენკოვს უკანვე წამოუყვანია ტყის მცველნი და დაბრუნებულა თავის ბინაზე. ანენკოვი რამდენსამე დღის შემდეგ ხელმეორედ დაბრუნებულა და შესდგომია ტყის გაკაფვას. ამ დროს ხანჯლითა და ბერდანკით შეიარაღებულს ლუკა რაზიკაშვილს ამოუვლია ცხენით და როცა შეუნიშნავს, რომ იმის ტყეს სჩებდნენ, ჩამომხტარა ცხენიდან. ისა და ანენკოვი შეჰყოლიან ლაპარაკს, რომლის დროსაც რაზიკაშვილს უთქვამს, შეანყვეტინეთ ტყის ჩეხა, თორემ მე თვით შევწყვეტო. ამავე დროს რაზიკაშვილს დაუნახავს, რომ ცხენი ხეს ეხახუნებოდა და ბერდანა, რომელიც უნაგირზე იყო დაკრული, შესაძლებელი იყო, რომ ჩამოვარდნილიყო. რაზიკაშვილი მისულა ცხენთან და ბერდანა ჩამოუღია. ტყის მცველებს ჰგონებიათ, რაზიკაშვილი ბერდნით ცუდს რამეს გვიპირებსო, მისცვივნიან რაზიკაშვილს, წაურთმევიათ თოფი, აუხსნიათ ხანჯალი და შეუკრავთ ხელები თოკით. განცვიფრებულ რაზიკაშვილს უკითხნია ტყის მცველ-

თათვის: „კაცო, რატომ მიკრავთ ხელებს? რა დავაშავე: ტყე ჩემია და მე მხოლოდ იმასა გთხოვთ, ტყეს ნუ მიჭრითო“. რაზიკაშვილს უთხოვნია, ცოტა გამითავისუფლეთ ხელები, რომ პაპიროსი მაინც მოვნიოო, მაგრამ უარი მიუღია. მაშინ გაჯავრებულს გაუნთავისუფლებია ერთი ხელი და იქ მდგომ ტყის მცველის ხანჯლის ტარისათვის წაუვლია. ანენკოვის განკარგულებით რაზიკაშვილი თოკით შეკრული წაუყვანიათ პოლიციის სამმართველოში, სადაც გამოძიების შემდეგ იგი გაუნთავისუფლებიათ. რამდენისამე ხნის შემდეგ რაზიკაშვილი ცხენით მონავალა გზაზე. შემთხვევით შეჭხვედრია ანენკოვი. რაზიკაშვილს, სხვათა შორის, უთხოვნია ანენკოვისათვის, დაებრუნებინა ბერდანა, რომელიც ანენკოვის ბრძანებით წაართვეს ტყის მცველებმა. შელაპარაკებულან, რომლის დროსაც ანენკოვს აუღია ხელში ჯოხი და შემოუკრავს რაზიკაშვილისათვის. პასუხად რაზიკაშვილს მათრახი შემოუკრავს და შემდეგ წასულა თავის გზაზე.

ამის გამო პასუხის გებაში მიუციათ ლუკა რაზიკაშვილი. სასამართლოში, ვიდრე არსებითად საქმის განხილვას შეუდგებოდნენ, რაზიკაშვილს უთხოვნია, გადაედვათ საქმე და დაებარებინათ ერთი უმთავრესი მონმე, გიორგი ივანაშვილი, რომელსაც კარგად სცოდნია საქმის ვითარება. სასამართლოს არ შეუნყნარებია რაზიკაშვილის თხოვნა. გამოძიების დასრულების შემდეგ ბრალდებულს განუცხადებია, მე იმიტომ ვითხოვე საქმის გადადება და ივანაშვილის დაბარება, რომ ჩემი სიმართლე დამემტკიცებინა. ივანაშვილი მონმეა იმისა, რომ როცა მე ანენკოვს ვთხოვე ბერდანის დაბრუნება, იმან პირველმა დამარტყა ჯოხით. სასამართლომ დამნაშავედ იცნო ლუკა რაზიკაშვილი და გადაუწყვიტა: დამუქრებისათვის – შვიდის დღით პოლიციაში დაჭერა, შეურაცხების მიყენებისათვის – ორი თვით საპყრობილეში დაპატიმრება. რაზიკაშვილს საქმე სამოსამართლო პალატაში გადააქვს.

არ ვიცი რა კომენტარი გავაკეთო. ქვემოთ ვნახავთ, რომ სომხები თვით მთავარმართებელს არ აპატიებენ წყენას, ვილაც მეტყევე ანენკოვი კი ჩვენს გენიოსს აჭერინებს და „არსაიდან ხმა, არსით ძახილი...“

ეს მთავარმართებელი, რომელსაც სომხებმა სასტიკად აზღვევინეს, იყო გოლიცინი. „საქმე ასე მოხდა, როგორც ცნობილია

სომხის ეკლესიას უამრავი უძრავი ქონება-მამულები ჰქონდა და დიდ შემოსავალსაც იღებდა იქიდან. მათ განაგებდა სომეხთა პატრიარქი და შემოსავალს მეტწილად სკოლებს ახმარდა: მთელი მათი მხარე (სომხეთი. - ნ.გ.) მოფენილი იყო სასულიერო სასწავლებლებით. გოლიცინის წინადადებით, მთავრობამ ჩამოართვა სომხის ეკლესიას ეს უძრავი ქონება და გადარიცხა სახელმწიფო ფონდში (ჩვენს მართლმადიდებელ ეკლესიას ასეთი ქონება დიდი ხნის ჩამორთმეული ჰქონდა). სომხები ბევრს ეხვეწნენ და ემუდარენ დაგვიბრუნეთო, მაგრამ არაფერმა გასჭრა. მაშინ მათ გადანყვიტეს გოლიცინის მოკვლა-როგორც ამბობენ, ნაქირავეები, ოსმალეთიდან ჩამოსული დაშნაკების ხელით. თავს დაესხნენ იქ, სადაც კოჯრის გზა იწყება და თავდება გოლიცინის მიერ გაყვანილი, ძალიან კარგი ასასვლელი, რომელიც მანამდე ნამეტანი აღმართიანი იყო(ამის მეტი კარგი საქმე ჩვენში გოლიცინს არ გაუკეთებია). ამ გზით უყვარდა ხოლმე თითონ ეტლით გასეირნება კოჯრისაკენ. გოლიცინი ვერ მოკლეს(ჯაჭვის პერანგი სცმია), მაგრამ სასტიკად კი დაჩეხეს სატევრებით, სულ თავპირში ურტყეს. თავდამსხმელები კაზაკებმა დახოცეს. დაჭრილი და თავ-ყბაშეხვეული გოლიცინი კი სასახლეში იწვა. მთელმა ჩინოვნიკობამ და მეგობრებმა, რა თქმა უნდა, თანაგრძნობა გამოუცხადეს. დავით სარაჯიშვილიც, როგორც ოჯახის მეგობარი (მის ცოლთან კარგად იყო), ეახლა თანაგრძნობის გამოსაცხადებლად და ნუგეშის საცემად. სხვათა შორის, ასეთი რამეც უთხრა: Ваше сиятельство (გოლიცინი თავადი იყო) нужно быть очень осторожным, мало ли сумасшедших на свете? ამის გაგონებაზე გოლიცინმა თურმე უყვირა: „Ах, вы сумасшедшими называете людей, которых армяне подкупили и направили для моего убийства?“ ცოლიც შენუხდა, დავითს ენა ჩაუვარდა და აღარ იცოდა, რა ექნა. ცოლს უთხრა, მე ნუგეშისცემა მინდოდა, სხვა არაფერი, მომეხმარე, რამენაირად დაამშვიდო...

თავდასხმის ამბავი მიაფურჩეჩეს, რაკი თავდასხმელები დახოცილი იყვნენ. ცოტა ხანს მერე გოლიცინიც გადაიყვანეს კავკასიიდან, უხერხულად მიიჩნიეს მისი აქ დატოვება. საერთოდ, მართლაც არ უყვარდა სომხები. წინააღმდეგ ვორონცოვ-დაშკოვისა, რომელიც ძალიან სწყალობდა მათ თავისი ცოლის გავლენით (რუსის ქალი კი იყო, მაგრამ მეტისმეტად დაახლოებული ჰყავდა სომხის ეპისკოპოსები და ბერები, რომლებიც ყოველმხრივ სარგებლობდნენ ამით და ბევრ საქმეს აკეთებინებდნენ მეფინასცვალს სომ-

ხებისათვის).“ (იხ. ექვთიმე თაყაიშვილის მოგონება ნიგნში „ილია“ თბ.1987წ. გვ.279)

გოლიცინის ნაცვლად კავკასიის მთავარმართებლის მოვალეობის შემსრულებლად გენერალი მალამა დანიშნეს. კავკასიიდან ოფიციალურ გაზეთ „კავკაზის“ რედაქტორი ველიჩკოც წავიდა და იგი 1903 წლის ბოლოს გარდაიცვალა. ველიჩკო იმიტომ გამახსენდა, რომ 1904 წლის დასაწყისში საქართველოს პრესაში ველიჩკოს გამო კამათი ატყდება. ველიჩკო იმდენად არ აინტერესებდათ, ირიბად ილიასთვის სურდათ დარტყმის მიყენება.

1904

ქართველების დამოკიდებულება რუსებისადმი. პეტრე უმიკაშვილისა და გრიგოლ აბაშიძის გარდაცვალება. აკაკის ავადმყოფობა. რუსეთ-იაპონიის ომი. გელათის ტაძრის გაძარცვა.



აკაკი ცოლ-შვილთან

*„ვის მიუტირო ან ძველებურად,
რომ ჩემი ცეცხლი გაუზიარო?“*

აკაკი

იანვრის დასაწყისში ილია ჭავჭავაძე დაესწრო ველიჩკოს პანაშვიდს. ველიჩკო, როგორც გახსოვთ, დიდხანს თბილისში მუშაობდა, რედაქტორობდა ოფიციალურ გაზეთ „კავკაზს“, იყო ნიჭიერი მწერალი, მეგობრობდა ქართველ მოღვაწეებთან, დიდება ქართველი ჰყავდა, – რა არის გასაკვირი იმაში, რომ თბილისშიც გადაიხადეს მისი სულის მოსახსენიებელი პანაშვიდი?

ვინაიდან პანაშვიდს ილია დაესწრო და რაკი „ივერიაშიც“ მნიშვნელოვნად შეფასდა ველიჩკოს საქართველოში მოღვაწეობა, ამან გამოიწვია „ცნობის ფურცლის“ რეაქცია. „ცნობის ფურცელში“, პირიქით, ველიჩკოს მოღვაწეობიდან ქვას-ქვაზე არ სტოვებდნენ. რა მოხდა? ან ამ რუს პოეტს რატომ მიაქციეს ამდენი ყურადღება, ან მისი სიკვდილი ქართული პრესის დაპირისპირების საფუძვლად რატომ იქცა? საქმე ის გახლავთ, რომ ამ ფაქტში აისახა ის სანინაალმდეგო პოზიციები, რასაც ქართული ინტელიგენცია სხვადასხვა დროს ამჟღავნებდა ხოლმე რუსი მოღვაწეების მიმართ.

მოყვარე თუ მტერი?

ეს კითხვა სულ იდგა ისეთ პერსონებთან მიმართებაში, რომელნიც ველიჩკოსებურად საქართველოს თან აქებდნენ, ჩვენს მეგობრებად მოჰქონდათ თავი, მაგრამ იმავდროულად რუსული იმპერიალიზმის ჭეშმარიტი ადეპტებიც იყვნენ.

ვფიქრობ, ეს მოვლენა ყველაზე უკეთ იაკობ გოგებაშვილმა შეაფასა. ქართულ საზოგადოებაში შექმნილ ორ საპირისპირო აზრს ის გამოეხმაურა წერილით – „მოყვარე თუ მტერი?“

იაკობი ველიჩკოს ახლოს იცნობდა. როცა ამ უკანასკნელმა ქართულის სწავლა მოინდომა, იაკობი მიუჩინეს მასწავლებლად, იქნებ საჩვენოდ მოაქციო. უნიჭიერესი ბისმარკი ორ

წელიწადს რუსეთში ელჩად იყო და რუსული, მონდომების მიუხედავად, ვერ ისწავლა. გოგებაშვილმა ველიჩკოს უთხრა, ქართული რუსულზედ უფრო რთული ენაა და უცებ ვერ აითვისებო. ველიჩკომ კი დაიქაღნა, მე ბისმარკზე მეტი ნიჭი მაქვსო. მართლაც, პირველივე გაკვეთილზე, „მოდის ვნახოთ ვენახი“ ზეპირად დაუსწავლია.

მართალია, ენის შესწავლას ველარ მიჰყვა, მაგრამ ეს ფაქტი მომყავს იმის დასტურად, რომ რასაც გოგებაშვილი მასზედ დანერს, დაეჯერება, ბევრი რამ იცოდა მის შესახებ. გოგებაშვილმა აღწერა, რაში გამოგვადგა და რაში გვიმტრო ამ კაცმა.

მაგალითად, თუ რუსეთს სურდა შავიზღვისპირეთში მთლიანად რუსები ჩაესახლებინა, ველიჩკო ამტკიცებდა, რუსებთან ერთად იქ ქართველებიც უნდა ცხოვრობდნენ, რადგან ამ მიწისთვის ისტორიულად სისხლს ქართველნი ღვრიდნენო. მართალია, სინამდვილეში ამის თქმას ჩვენი სიყვარული კი არა, რუსეთისვე ინტერესი კარნახობდა, – ყველგან სადაც საზღვრისპირა მიწებია, ქართველები უნდა ჩავასახლოთ, რადგან ისინი მეომარი ხალხიაო, მაგრამ ძალაუნებურად ამით ხომ ჩვენს ინტერესებსაც იცავდა? სხვათა შორის, ველიჩკოს აქ ყოფნის დროს მრავალი ქართული სოფელი შექმნა ქვემო ქართლში ლევან ჯანდიერმა, ილიას მეგობარმა, როგორც ჩანს, მას ამ გავლენიანი კაცის მხარდაჭერა ჰქონდა...

ველიჩკოს აქვს ლექსი – „ორი კეკლუცი“. პირველ კეკლუცად რუსეთი გამოჰყავდა, გაჭირვებიდან გამოსული, მეორე კეკლუცად კი საქართველო, – გაჭირვებაში ჩატოვებული. ველიჩკო მოითხოვდა პირველისაგან მეორის შველას. ამასთან ერთად, საქართველო სხვა მხარეებზე მეტად უყვარდა, მხოლოდ იმდენად, რამდენადაც მეორე კეკლუცი პირველის დად წარმოედგინა.

საერთოდ, საქართველოზე შეყვარებული რუსული ინტელიგენციისათვის დამახასიათებელი სიმპტომა – უყვარდეთ მეორე კეკლუცი, როგორც პირველის უმცროსი და. იმ შემთხვევაში, თუ მეორე პირველისგან გაყრას მოინდომებს, მათი სიყვარული იცვლება სიძულვილით. ასე ემართებოდა ველიჩკოს, თუ ეჭვდაც კი გაივლებდა იმას, რომ საქართველო იმდენად გაძლიერდებოდა, რუსის ოჯახიდან წასვლას მოინდომებდა. ალბათ ამ ეჭვით შეპყრობილმა გამოაცხადა: „ამიერ-კავკასიის რკინის გზა აერთებს აღმოსავლეთისა და დასავლეთის ქართველებსაო, და ეს კი საშიშია, რადგან ქართველები ნერვიანი ხალხიაო.“

ასე, რომ თუ რუსული იდეოლოგიის ორ ტიპურ წარმომადგენელს შევადარებთ, ვთქვათ, ვოსტორგოვსა და ველიჩკოს, მათ შორის სიტყვით სხვაობას ვნახავთ, საქმით კი საერთოს, ანუ რაც ალხანა, ის ჩალხანა შეგვჩვენებს ხელთ... თვით ქართველების დამოკიდებულება როგორია ამ ორი ტიპის მიმართ? ვოსტორგოვისთანა ხალხთან სამარჩიელო არაფერია. ისინი არც მალავენ, რომ შენი ქვეყნის მტრები არიან. ვოსტორგოვს, მართალია ლიტერატურული ფორმით, მაგრამ ხალხის განაჩენი ერთი სატირული ლექსით ასეთი გამოუტანა აკაკიმ:

სამოთხიდან დაფეთებული გამორბის ანგელოზთა გუნდი, რადგან იქ აღარ ედგომებოდათ. ღმერთმა მთავარი ანგელოზი – მიქაელი დაიბარა და ჰკითხა რა მოხდაო. მთავარანგელოზმა მოახსენა: პოლიციის პასპორტით სამოთხეში შემოძვრა ავსული, რომელმაც ააყროლა იქაურობა და ამის გამო ანგელოზებმა სასუფეველი დატოვესო –

**„ვერ გავიგეთ ის მოსული
მოყვარეა თუ მტერია?!
პასპორტში რომ ჩავუხედე,
ვოსტორგოვი უნერია.“**

ღმერთმა იცოდა, რომ მას ძალას სატანა აძლევდა ქვეყნადყოფნისას, ამიტომაც ბრძანა:

**„რა თქმა უნდა, რომ ის აქაც
ააყროლებს ამა სოფელს!
სტაცვით ხელი და წაგვარეთ
სატანასა და სამოელს.
ჯოჯოხეთში უნდა დარჩეს
საუკუნოდ მათთან ერთად
ვინც მის მცნების მიმყოლია,
იმას არ სწამს ღმერთი ღმერთად!“**

ვოსტორგოვის ტიპის რუს მოხელეთა მიმართ დამოკიდებულება ცალსახაა, მაგრამ ველიჩკოსნაირ მოხელეს ყველა ისე არ უყურებს, როგორც, ვთქვათ, იგივე აკაკი, რომლის ლექსი ველიჩკოსადმი ადრე გაგაცანიტ. ამ შემთხვევაში, გაორებული დამოკიდებულება აშკარად არის. რატომ? ნუთუ მოყვრად მოსული მტრის გამოცნობის უნარი დაგვიკარგავს? იაკობ გოგებაშვილი გვთავაზობს ფრიად საყურადღებო დასკვნას:

„ზოგნი ჩვენებურნი ინტელიგენტი იმ აზრისანი იყვნენ, რომ ველიჩკოს მტერ-მოყვარეობას ისევ წმინდა მტრობა სჯობიანო. დიალაც ემჯობინებოდა, ჩვენი მდგომარეობა რომ მეტად კრიტიკული არ იყოს. მოგეხსენებათ, რომ რკინას ცემა სიმტკიცეს უმატებს და აფოლადებს, მაგრამ თუ თუჯს დაუშენთ დიდ ჩაქუჩს, იგი კი არ გამაგრდება, გატყდება. ხან ხალხი არის რკინის მდგომარეობაში, ხან თუჯს მოგაგონებთ, და ბევრს ცემას ვერ აიტანს, ბევრს მტერს ვერ გაუძლებს, საუბედუროდ, ჩვენი სამშობლო ამჟამად სწორედ თუჯს ემსგავსება... მისთანა ყოფაში მტერ-მოყვარენი მტრად არ უნდა გადავაქციოთ, მონინააღმდეგე ძალა არ უნდა გავაძლიეროთ, თორემ ადვილად შეიძლება ერის ორგანიზმი სამუდამოდ გატყდეს, სუსტი თუჯივითა. როცა ჩვენი სამშობლო გამოვა ამ მდგომარეობიდან... ჩვენი ერის სოციალური ორგანიზმი რკინის სიმტკიცეს მოიპოვებს, მაშინ თამამად და უშიშრად შეგვეძლება მტერ-მოყვრებს ზურგი შევაქციოთ და მათ წმინდა მტრობას სრულიადაც აღარ შევუშინდეთ.“

იაკობის ასეთი მიდგომის შემდეგ, ვფიქრობ, ნათელი უნდა იყოს, ილია რომელსაც, თუ კაცი თვალში არ მოსდიოდა, მასთან პურს არ გასტეხდა, რატომ იყენებდა გვერდით ამ ველიჩკოს...

მორალი მთელი ამ ისტორიისა, ილიას ველიჩკოსთან ურთიერთობის, მის პანაშვიდზე მისვლის და შემდეგ ატეხილი კამათისა, არის ერთი:

თუ კაცს მხოლოდ საკუთარი თავი აბარია, მას შეუძლია თავს უფლება მისცეს და არ დაუჯდეს გვერდით არავის, ვისთან სიახლოვითაც სულიერ დისკომფორტს განიცდის.

კაცს, რომელიც სხვათა პატრონად გრძნობს თავს, სრული უფლება აქვს არ იურთიერთოს საკუთარ მტერ-მოყვარესთან, მოუფრთხილდეს თავის სულიერ სიმშვიდეს. იგივე კაცს უფლება არ აქვს, სულიერ კომფორტზე იფიქროს მთელი ერის მტერ-მოყვარესთან ურთიერთობისას... თუ, რა თქმა უნდა, იმ მტერ-მოყვარეს ზიანის მოტანაც შეუძლია და სარგებლისაც.



1904 წლის დასაწყისიდანვე იწყება მზადება მაის-ივნისის ლონისძიებებისათვის. მაისში წერა-კითხვის გამავრცელებელი საზოგადოების დაარსებიდან 25-ე წლისთავი სრულდება, მაგრამ ცხოვრება მარტო საზოგადო საქმეები არ არის. კერძო, ოჯახურ

ამბებთან დაკავშირებით, ილიას 1901 წლიდან მოყოლებული უჩივის საკუთარი ცოლის ძმის მეურვე, ვინმე სიმონსენი. როგორც გახსოვთ, ვწერდით, რომ თადეოზ გურამიშვილს მეორე ცოლიდან ქალ-ვაჟი ჰყავდა. ორივე გონებაშეზღუდულები. ზალიკო გურამიშვილს მეურვედ ჰყოლია ვილაც სიმონსენი. აი, ეს მეურვე უჩივის. ერთხელ, 1902 წელს შედგა სასამართლო და მომჩივანი გამტყუნდა. ახლა, 1904 წლის 1 მაისს, ილიას ისევ სასამართლოში იბარებენ. „მისი იმპერატორობითი უდიდებულესობის ბრძანებით, (ასეთი კლიშე იყო, ცხადია, იმპერატორის ბრძანებულება პირდაპირი მნიშვნელობით არ უნდა გავიგოთ, - ნ.გ.) თბილისის სასამართლო პალატამ მოისმინა ზაალ გურამიშვილის საქმეზე რწმუნებულ მეურვის ოტო სიმონსენის...სააპელაციო საჩივარი.“ სასამართლო სხდომა, როგორც წესი, რუსულად ჩატარდა, დოკუმენტიც რუსულ ენაზეა შედგენილი. საქმის არსი ის არის, რომ ეს ვილაც ოტო გამომძალველი ჩანს. ილიას ზარალის ანაზღაურებას სთხოვს, იმის გამო, რომ ილიას ვითომ ზაალ გურამიშვილის მამულში წისქვილი დაუნგრევია, ხოლო მისი მამულიდან არხი თურმე ზაალის მამულს ტბორავს და ა.შ.

აღმოჩნდა, რომ წისქვილიც ილიას მამულში იდგა და ზალიკოს მამულის დატბორვა, ისე როგორც სხვა მიწებისა, ადიდებული არაგვის გამო მომხდარა.

სასამართლომ ძალაში დატოვა 1902 წელს მიღებული განაჩენი და სასამართლო ხარჯებიც მომჩივანს, ანუ პატივცემულ ოტოს დააკისრა.



მარტის თვიდან დაიწყო წერა-კითხვის გამავრცელებელი საზოგადოების 25 წლისთავისადმი მიძღვნილი ვრცელი ნარკვევის ბეჭდვა „ცნობის ფურცელში“. (ავტორი სამსონ ფირცხალავა).

გამგეობა ლებულობს მილოცვის დეპეშებს სხვადასხვა ქალაქებიდან. მაისში იმართება კრებები. ეს კრებები უფრო საქმიანი იყო, ვიდრე პომპეზური. მაგალითად, ძალზედ საინტერესოა ერთი მოგონება დავით ფალავასი: „წერა-კითხვის გამავრცელებელი საზოგადოების ოცდახუთი წლის არსებობის აღსანიშნავი სხდომა იყო ქართული ბანკის შენობაში.

კარგა მოზრდილი დარბაზი ხალხით იყო სავსე. მაგიდას უსხდნენ: ნიკო ცხვედაძე, დავით კარიჭაშვილი და სხვანი. უცდიდნენ

ილიას, რომელიც ამ დროს წერა-კითხვის საზოგადოების თავმჯდომარე იყო. მალე ილიაც მოვიდა. ბეჯითის ნაბიჯით გაიარა დარბაზი და მაგიდასთან მისთვის დატოვებულ სავარძელთან მისვლისთანავე წარმოთქვა: „საიუბილეო სალამოს გახსნილად ვაცხადებო.“

დამაინტერესა იმან, რომ ილია შემოსავლისთანავე საქმეს შეუდგა. არც არავის დალაპარაკებია და არც არავისთვის ხელი ჩამოურთმევია.

სხვათა შორის, იმ სალამოს ირჩეოდა ქ. ორჯონიკიძის (ყოფილ კავკაეის) სკოლის გამგისა და მასწავლებლის მოხსნის საქმე (წერა-კითხვის გამავრცელებელ საზოგადოებას კავკაეში სკოლა ჰქონდა) რევიზიაზე კავკაეში გამგეობას მაშინ საზღვარგარეთიდან ახლად ჩამოსული ფილიპე გოგიჩაიშვილი გაუგზავნია.

ერთი ვილაც (მასწავლებელი უნდა ყოფილიყო) მასწავლებლის გამგის დამცველად გამოვიდა. მან თავის სიტყვაში ის აზრი გაატარა, რომ რევიზიაზე უსათუოდ მასწავლებელი უნდა გაგზავნილიყო (ფილიპე მასწავლებელი არ იყო). კრებას ეს სიცილადაც არ ეყო. ილიამ უპასუხა:

– აი, ბატონო, თქვენ მასწავლებელი ბრძანდებით, მაგრამ უბრალო ჭეშმარიტება არ გესმით. მე, მაგალითად, მხატვარი არა ვარ, მაგრამ ნახატებში გავარჩევ, რომელია უკეთესი და რომელი არა. შეიძლება, ფილიპე გოგიჩაიშვილი მასწავლებელი არ იყოს, მაგრამ დამერწმუნეთ, ბატონო მასწავლებელო, რომ თქვენზე ნაკლებ არ გავარჩევს, სასწავლებელში საქმე კარგად არის დაყენებული თუ არა.

ამ სიტყვებზე პოეტი ევდოშვილი, რომელიც, როგორც ჩანდა, მასწავლებლის დამცველებს ხელმძღვანელობდა, წამოდგა და დაიძახა:

– ჩვენ პროტესტს ვაცხადებთ!

ამაზე ილია შეეკითხა:

– თქვენ რამდენი ხართ მანდ?

შეკითხვაზე მთელი ჯგუფი შეირყა და ცოტა ყოყმანის შემდეგ წამოვარდა ისევ ევდოშვილი:

– ბატონო ილია, თქვენ ბანზე სიტყვას ნუ აგდებთ!

ილიამ უპასუხა:

– ბატონო ხოსიტაშვილო (ევდოშვილის გვარია), თუ ვერ მისწვდებით, კიბე მიუდგით.

ამ დიალოგის მთელ ინტრიგას ის იგრძნობს, ვისაც ახსოვს მათი ურთიერთ-დამოკიდებულება. ვინც იცის, ვინ არიან ისინი, რომელნიც პროტესტს აცხადებენ.

იროდიონ ევდოშვილი ხომ ის „რიგოლეტოა“, რომელიც ყოველ ახალ წელიწადს როგორც მესამე დასელი მეტისმეტად თამამი ეპიგრამებით რომ ეთამაშება ილიას, ეს ხომ ის „რიგოლეტოა“ ივერიიდან რომ გამოაძევა ავტორეცენზიისათვის. თითქოს ტოლ-სწორნი იყვნენ, ევდოშვილი ისე თამამად დგება, (მასაში ისიც ცნობილი პოეტია უკვე...თან ძალიან საშიში პარტიის წევრი) პროტესტს ვაცხადებთო, – ამას ისე იტყვის, თითქოს ნაძალადევის მუშათა კრებაზე ზის და ურჩ აქტივისტს ამუნათებს.... – ბატონო ხოსიტაშვილო, – ამ მიმართვით წყალში უყრის ილია თავის ცნობილ პოეტობასაც, მედიდურობასაც. კიბე მიიღვი და მისწვდებიო, – სულ ერთი ფრაზით დასვა თავის ადგილზე.



ილიას კიდევ ერთი ახლო მეგობარი და თანათაობელი, მისი ერთგული თანამებრძოლი პეტრე უმიკაშვილი გარდაიცვალა. 28 მაისს ილიას მეთაურობით ახლობლებმა გამოასვენეს სახლიდან, დაასვენეს კათოლიკურ ეკლესიაში (უმიკაშვილი კათოლიკე იყო) და შემდეგ დაკრძალეს კუკიის სასაფლაოზე.

პეტრე უმიკაშვილი იყო მთარგმნელი, მკვლევარი, ძველ და ახალ მწერალთა გამომცემელი. ხალხური სიტყვიერების პირველი შემკრები და მოღვაწე. მაგრამ ეს ჩამონათვალი არ არის საკმარისი საიმისოდ, რომ ამ დიდებული ადამიანის შესახებ სრული წარმოდგენა გვექონდეს. უმიკაშვილის ვინაობა ჩვენს ნარკვევებში რამდენჯერმე ვახსენეთ, მაგრამ ის იმდენად გამორჩეული და არაჩვეულებრივი პიროვნება იყო, მინდა მის შესახებ მეტი ვთქვა.

არა მხოლოდ მისი მთავარი შრომის გამო (მისი უმთავრესი ნაღვანი კი ქართული სიტყვიერების თითქმის 40 წლის მანძილზე შეკრება და შთამომავლობისთვის გადარჩენა გახლავთ).

ეს პიროვნება გახლდათ ნიმუში მოღვაწისა, განსახიერება საარაკო პატიოსნებისა და კეთილშობილებისა. მისი დაკრძალვისას წარმოთქმულ ლექსში აკაკიმ ზუსტად დაახასიათა უმიკაშვილის ღვაწლი –

„იმ თავიდან ამ ბოლომდე
სულ სწორი გზით მიმავალი
გაქრა, ვისაც საამქვეყნო
მოხდელი აქვს წმინდა ვალი.“

უმიკაშვილი დაიბადა 1838 წელს. 5 წლის ასაკში მამა გარდა-
ეცვალა, სიღარიბეში გაიზარდა. I გიმნაზიის დამთავრების შემ-
დეგ, დიდი სურვილის მიუხედავად, ვერ წავიდა უნივერსიტეტში
სასწავლებლად. იმდენად გაუჭირდა მას და მის დედას, თავის
მოკვლაზეც კი უფიქრია. ბოლოს კერძო პანსიონში თვიურად 12
მანეთიანი სამსახური იშოვა. 4 წელი იწვალა და რის ვაი-ვაგლა-
ხით უნივერსიტეტში წასვლა შეძლო. საუნივერსიტეტო განათ-
ლების მიღების შემდეგ საქართველოში ბრუნდება და თავისი
შრომით, თავისი წესიერებით ისეთ ავტორიტეტს მოიხვეჭს, შე-
უძლია თვით ილიაც კი დაამუნათოს კერძო წერილით, თუ რამე,
ვთქვათ, ივერიაში არ მოეწონება (საგაზეთო პოლემიკა არ უყ-
ვარდა).

პირად ცხოვრებაში არ იყო ბედნიერი. უიღბლოდ ეტრფოდა
გიორგი წერეთლის დას, უმიკაშვილი გარეგნულად მეტისმეტად
შეუხედავი ყოფილა. 6 წლის წვლების შემდეგ ძლივს გამოუტყ-
და ქალს სიყვარულში. უარი მიიღო. ცოლი აღარ შეურთავს და
მთელი სიცოცხლე საზოგადო საქმეებს შეაღია. უმიკაშვილმა 5
წელი არჩინა უცხოეთში სტუდენტი ფილიპე გოგიჩაიშვილი, ისე
რომ ფილიპემ არც კი იცოდა, ამ თანხას პეტრე თავადაც თხოვ-
ნით შოულობდა დავით სარაჯიშვილისა და ნიკო ცხვედაძისაგან.
ფული ლატარიაში მოვიგეო, არწმუნებდა სტუდენტ ფ. გოგიჩა-
იშვილს, რათა იმას უხერხულობა ნაკლებად ეგრძნო დახმარების
გამო. უმიკაშვილმა პირველმა გაგზავნა სასწავლებლად მუსლიმა-
ნი ქართველი კაიკაციშვილი უნივერსიტეტში. ათეული წლები ის
იყო I გიმნაზიის პედაგოგი. ჰქონდა 32 მანეთი ხელფასი. არასოდეს
თავის გაჭირვებაზე მას არ დაუჩივლია, პირიქით, სულ ქველმოქ-
მედებას ედგა სათავეში მისი პატივისმცემელი დავით სარაჯიშვი-
ლისა და სხვა მეცენატთა წყალობით. სწორედ იმის გამო, რომ მის-
გან დაჩივლება არავის გაუგია, მდიდარი ეგონათ და ყველა იქით
სთხოვდა დახმარებას.

არათუ საკუთარ გასაჭირზე დაიჩივლებდა, პირიქით, მუდმი-
ვად იმას ცდილობდა, სხვისთვის სიხარული მიენიჭებინა. თავის
დღიურში წერს: „ჩემის სიცოცხლის-ხარხარით, ნათელის ფიქრით

მინდა სხვასაც შევეყარო ნათელი ფიქრი, შეწუხებულ გულს იმედის რწმუნება ჩაუსახო, განწირულებით დაჩაგრულს სიცოცხლისაკენ მოსაბრუნებელი გზა გაუადვილო და სიმწრის ცრემლი სასიცოცხლო ღიმილად შეუცვალო, ნათელი ფიქრი, მხიარული გული ენერგიაა, ელექტრონია, მიმზიდველი ძალაა კეთილ საქმეშიაც და ბოროტშიაც. მოწყენილი ფიქრი, მოწყენილი სახე დამჩაგვრელია გარსმყოფისათვის, არ არის მიმზიდველი, ენერგიას ხუთავს. რად მინდა შემხუთველი რამ მეტი, – უიმისოდაც ცოტა არაა, რომ მეც მიუმატო ჩემს გარსმყოფს ან თვით ჩემს გულს”...

როდესაც მონატრებულ მეგობარს ნახავდა, ისეთი გულიანი და გაბმული საუბარი ჰყვარებია, რომ მისი ბაასი სახუმარო თემადაც იქცა. ერთხელ პეტრე უმიკაშვილს დიდი ხნის უნახავი მეგობარი, ანტონ ლორთქიფანიძე დაუნახავს ქუთაისიდან თბილისში ჩამოსული.

შორიდან შეუძახია: „ააა, ანტონ, ანტონ!” და შეემზადა. მაგრამ ლორთქიფანიძეს შორიდანვე დაუზღვევია თავი და უთქვამს – „შენი ჭირიმე, პეტრე, მარტო ერთი კვირით ვარ მოსული”.

უმიკაშვილმა, თუ რამ გააჩნდა, მათ შორის – უნიკალური ძველი ხელნაწერი წიგნები, სიცოცხლეშივე წერა-კითხვის საზოგადოებას გადასცა. ისე, როგორც ეს გააკეთა სიცოცხლეშივე დაწერილი ანდერძით იაკობ გოგებაშვილმა. იაკობმა ხომ 12 000 ოქროს თუმანი წერა-კითხვის საზოგადოებას დაუტოვა, თავად კი დაკემსილი წინდებით დადიოდა. აი, ქვეყნისთვის გადაგებულთა ის წრე, რომელიც ილიას სამეგობროს შეადგენს. ამას ხაზს იმის გამო ვუსვამ, რომ ერთი წლის შემდეგ ამ ადამიანებზე საზიზღრობების წერას დაიწყებენ და ყველაფერთან ერთად ანგარებასა და მამონას სიყვარულსაც დასწამებენ.

1904 წლის ზაფხულში პეტერბურგში, ვილიეს კლინიკაში გარდაიცვალა გრიგოლ (გრიშა) აბაშიძე. ეს ახალგაზრდა პოეტიც ილიას ერთი თანამებრძოლთაგანი იყო. პეტერბურგის ქართველობამ თავი მოიყარა ახალგაზრდა პოეტისათვის უკანასკნელი პატივის მისაგებად. აბაშიძე, რომელიც ჭეშმარიტად კოლორიტული ქართველი და ნიჭიერი პოეტი იყო, ვერ გადმოასვენეს. დაკრძალეს პეტერბურგში ვოლკოვის სასაფლაოზე. ეგრეთ წოდებულ

ლიტერატორთა კიბეზე, ბელინსკისა და პისარევის საფლავების მახლობლად.

7 წლის შემდეგ, 1911 წელს, პეტერბურგში უკანასკნელად ჩასული აკაკი წერეთელი, შენუხებული იმით, რომ ქართველი პოეტი თავის სამშობლოში არ განისვენებდა, მონახულებს გრიშა აბაშიძის საფლავს. პოეტი გრიგოლ აბაშიძე აკაკის მეგობარიც იყო და ნათესაიც. «ვოლკოვის სასაფლაოზე მეტად უბრალო რკინის მოაჯირით არის შემოღობილი გრიშა აბაშიძის საფლავი და ზედ ასეთი წარწერა აქვს გაკეთებული: „Здесь покоится князь Григорий Абашидзе, грузинский поэт“ ვილაცას უშნო ხელით მიენერა: „Грузо голопятый“. აკაკი საშინლად შენუხდა და აღელვებულმა გვითხრა: – თქვენი მოვალეობაა, რაც შეიძლება მალე დაუბრუნოთ სამშობლო მინას პოეტის გვამი”. (ჩანაწერის ავტორია აკაკის ახლობელი კოკი წერეთელი)

ბედის ირონია თუ იყო ის, რასაც ახლა შეიტყობთ.

გრიშა აბაშიძე ცნობილი იყო თავისი ფენომენალური მეხსიერებით. აკაკი, თავისი დიდებული პოეზიის გარდა, ცნობილი გახლდათ დიდებული მჭერმეტყველებითა და ენამახვილობით.

გრიგოლ აბაშიძეს ისეთი მეხსიერება ჰქონდა, ერთი მოსმენის შედეგად ვრცელი ლექსიც კი შეეძლო ზეპირად ეთქვა. აკი, ამ უნიკალური მეხსიერების გამო, ერთხელ საშინელ დღეში თვით აკაკი ჩააგდო.

ერთ შინაურ შეკრებაზე აკაკისთვის უთხოვიათ, ახალი ლექსი წაგვიკითხო. პოეტს უარი არ უთქვამს და, თუ არ ვცდები, წინა ღამით დანერილი თავისი ბრწყინვალე „განთიადი“ წაუკითხავს.

წამომდგარა გრიშა აბაშიძე და შენუხებული სახით უთქვამს: ბატონებო, გაოგნებული ვარ, დიდ პოეტს რა სჭირდა ჩემი გასაქურდიო. ეს ლექსი ჩემი დანერილიაო. თუ არ გჯერათ, ახლავე დაგიმტკიცებთ და „განთიადი“ თავიდან ბოლომდე ზეპირად ჩაურაკრაკებია. გაოგნება აკაკისა უნდა გენახათ. სუფრაზეც უხერხული სიჩუმე ჩამოწოლილა. გრიშა აბაშიძემ კი გაიცინა და თქვა, ეს სულ ჩემი წყეული მეხსიერების ბრალია. მგოსანი რომ კითხულობდა, მე ზეპირად დავიმახსოვრეო.

აკაკის მჭერმეტყველებაზე ხომ გამწარებულმა დონდუკოვ-კორსაკოვმა დაგვიტოვა ყველაზე ფრთიანი ფრაზა – ეს სასაფლაოების ნაფიცო ორატორიო.

რატომ ვყვები ყოველივე ამას?

ბედის ირონია იყო-მეთქი. ორივეს გარდაცვალებამდე უმთავრესი ნიჭი წაერთვა. „აბაშიძე, საწყალი უკანასკნელ ხანებში ველარ ცნობილობდა თურმე ვერავის“ (დ. კლდიაშვილი).

ასე მოხდა აკაკის შემთხვევაშიც, უკანასკნელ საათებში გარდაცვალებამდე გულით ეწადა და შვილსაც ველარაფერი უთხრა. აკაკის ენა ჩაუფარდა. სწუხდა, რომ არ ესმოდათ მისი და ხელს ფანჯრისაკენ იშვერდა...

მაგრამ ჩვენ ახლა 1904 წლის ზაფხულის მოვლენებზე ვმსჯელობთ და კალამი მხოლოდ დროებით გაგვექცა.

იენისის ბოლოს პეტერბურგში გამოდის ქრისტეფორე ვერმიშევის წიგნი, რომელიც არის პასუხი ილია ჭავჭავაძის „ქვათა ლაღადისა“. ამ წიგნზე უფრო საინტერესო კი ერთი ფაქტი გახლავთ. თბილისში, გაზეთ „ივერიიდან“ (N226) ილიას იცავს ვინმე ირტიმიდი. როგორც ი. გორგაძე და ნ. გურგენიძე მიუთითებენ, ეს არის ფსევდონიმი ვინმე დ. ჯაშისა. გთავაზობთ დ. ჯაშის წერილს.

ნარეკ-ნაკვესი ბასართოზი

გაკვრით

ერთმა ახლად გამოჩეკილმა quasi-კრიტიკოსმა დაიწუნა ისეთი სახელგანთქმული პოეტი, რომელსაც არა თუ ქართველობა, არამედ მსოფლიო ლიტერატურაც კი იცნობს; კრიტიკოსმა ბრძანა თავის პამფლეტში, ეს პოეტი პირველ ორ წელიწადს, კარგ ლექსებსა სწერდა, მერე – კი სულ ერთსა და იმავეს იმეორებს, განვითარება არ ეტყობაო. პოეტს გაუკვირდა ასეთი გულახდილობა, თავი გაიქნია და სთქვა: აგერ ორმოცდაათი წელიწადი ლექსებსა ვწერ და ჯერ ეს არავის არ უთქვამს ჩემთვისაო. „კრიტიკის“ კითხვა პოეტმა რომ გაათავა, ბოლოში ასეთი კუპლეტი წააწერა:

„სულით – მანკი,
გულით – ჟანგი,
ტვინით – ბანგი,
ტანით – ზანგი!
ღმერთმა ერთად შეურცხვინოს
კალამი და მისი ჩანგი.“

ნეტა, როგორ მოეწონება ეს მოკლე ეპიგრამა მეტიჩარა კრიტიკოსს, ჰა? უნიჭობასა და განუვითარებლობაში ხომ არ ჩამოართმევს? თუ ესეც ერთი და იგივე ჰანგის განმეორებაა?!

ირტიმინი
„ივერია“, 1904, N226.

ამ დროისთვის ეს ჯაში 20 წლის ბიჭია. უცნაური კია, ეს სწორედ ის დიმიტრი ჯაში გახლავთ, რომლის გვარი და სახელი ახლა ყველამ იცის, როგორც ილიას მკვლელობის ორგანიზატორისა...



4 ნოემბერს წერა-კითხვის საზოგადოების კრება გაიმართა. კრებას ილია თავმჯდომარეობს. აკაკი წერეთელს დაუნიშნეს ყოველთვიური პენსია 150 მანეთი. ილიასთვის ეს არ იყო მორიგი განსახილველი საკითხი. საქმე ის გახლავთ, რომ 22 ოქტომბერს აკაკის დამბლა დაეცა. ამ ცნობამ მთელი საქართველო შეაძრწუნა. აქ გამოჩნდა ილიას გული და დამოკიდებულება აკაკისადმი. ამ დროს ყველაფერი კარგი ახსენდება კაცს. ახსენდება 60-იანი წლებიდან მოყოლებული, როგორი ძალით ეზიდებოდა აკაკი იმ უღელს, საქვეყნო საქმისა, რომელშიც ერთად იყვნენ შებმულნი. ახსენდება მისი სიხალისე და იუმორი. მაგალითად, ილია ლექსებს ნაკლებად იზეპირებდა, ეს, ცხადია, აკაკიმ იცოდა. ერთხელ სალიტერატურო საღამო გაუმართავთ. ილია სცენაზე დგას. ამოულია რვეული, გადაუშლია და დაუწყია ლექსის კითხვა – „ერთ ბედს ქვემა ვართ, ლაბავ, მე და შენ“ ..., მაგრამ ჩახედა და რას ხედავს. ეს ლექსი რვეულიდან ამოხეულია.

– გიგავ, – გადმოსძახა დარბაზში ყიფშიძეს, – ვინ ამოხია ლექსი? ეს სულ აკაკის საქმე იქნება. მართლაც, ილება კარი და შემოდის გაღიმებული აკაკი, ამოხეული ფურცლით ხელში.

სხვა ვინ გაბედავდა?.. ესენი ტოლნი იყვნენ...

ილია თუ მორალურად, თუ ფინანსურად, ყველაფერს ცდილობს აკაკის გადასარჩენად. ექიმებმა მ. გედევანიშვილმა, ს. ვირსალაძემ, ვ. მანსვეტაშვილმა, ვ. მუსხელიშვილმა და ვ. ლამბაშიძემ ყველაფერი გააკეთეს.

საბედნიეროდ აკაკი მალე მომჯობინდა. მარჯვენა ლოყის სი-დამბლემ გაუარა. თვალის მდგომარეობა კი იგივე დარჩა. თავს

დაბლა ველარ ხრიდა, თითქოს მალლა ზეცისკენ ჰქონდა ანეული. ასეთი დარჩა აკაკი იმათ ხსოვნაში, რომელთაც იგი 1904 წლის შემოდგომიდან ახსოვდათ.

ექიმების დასკვნით პოეტს დამშვიდებული ცხოვრება და მუდმივი წამლობა სჭირდებოდა. ქართულმა საზოგადოებამ დაიწყო აკაკის ფონდისთვის კომიტეტების შექმნა. პირველი შესანიშნავი, როგორც წესი, იაკობ გოგებაშვილმა გაიღო, – 100 მანეთი, ამის გარდა ყოველთვიურად, მომავალი წლიდან 10 მანეთის გაღება იკისრა, ამას მოჰყვა ეკატერინე გაბაშვილის გამოხმაურება, ამას მოჰყვა ქუთაისის კომიტეტისგან 900 მანეთი, ამას მოჰყვა უამრავი ადამიანის მცირე, მაგრამ გულითადი შემოწირულობა. ის კი არა, ჩინეთში მცხოვრებმა ქართველებმა გამოგზავნეს თანხა 1000 მანეთი. რამდენიმე ჩინელიც კი ჩაერთო ამ საერთო ფერხულში. დაბოლოს, ყოველივე ამას მოჰყვა, აკაკის სამადლობელი წერილი იმ ჩინელუბისადმი, ხოლო შინაურებისათვის ლექსი „უკანასკნელი“ –

„თურმე მყოლია მეც მეგობრები,
მე კი ვფიქრობდი შეცდომით სულ სხვას!
სიკვდილის წინათ მათმა მოქცევამ
ფრთები შეჰკვეცა წინა განზრახვას.
ეს დეპეშები, ეს წერილები,
გუნდი მნახველთა აღელვებული, –
ყველა მიმტკიცებს, რომ სასიკვდილოდ
არ ვარ ჯერ კიდევ გამეტებული...“

მაგრამ აკაკი რის აკაკი იყო, ლექსი არ განეზოგადებინა და თაფლში მწარე ნალველიც არ გაერია. ამასთან, სიბერეს ჩივის და სამსხვერპლოდ მზადმყოფს, ლოგინში სიკვდილის პერსპექტივა გულს უკლავს:

„მაგრამ რაღა დროს ძველი ანდაზა
შეჰფერის მხოლოდ ჩემსა საფლავსა:
„მოლა შიმშილით მოკლეს და შემდეგ
პირში აყრიდნენ მუჭ-მუჭა ფლავსა!“
რაღა ვარ ახლა! მის მებასედი,
რაც რომ ვიყავი... მეტი აღარა
და ძველებურად რომ გამოვბრუნდე –
მასზედ კი უარს ამბობს ჭაღარა!
ცალთვალის ცალიც გაფუჭებული,
რაც არ შეშვენის უზიანო თვალს!...“

მაგრამ უთვალოც კარგადა ვხედავ,
როგორც ჩვენს წარსულს, ისე მომავალს...
დიალ, მომავალს სულ სხვანაირად
თავისუფლებით აყვავებულსა,
რაც რომ ანმყოში მენატრებოდა
და ეკლად ესვა ჩემს დამწვარ გულსა...
მე კი მშვიდობით... ჩვენს წინაპრებთან
მივდივარ მეცა განსასვენებლად
და ხინჯად გულში მიმყვება მხოლოდ,
რომ ვერ გავემხდარვარ სამშობლოს მსხვერპლად..."

ეს ლექსი დაიბეჭდა „ივერიასა“ და „ცნობის ფურცელში“. სა-
თაურიც ისეთი ჰქონდა ლექსს – „უკანასკნელი“, რომ კიდევ უფრო
შენუხდა მკითხველი. „ცნობის ფურცელში“ გამოქვეყნდა მოსწავ-
ლის პასუხი ლექსად –

„გულს ნუ გაიტეხ მოხუცო
ფიქრს ნუ ეძლევი მწარესა,
ნუ აატირებ შენს შემქმნელს
ზურმუხტ ფერს ტურფა მწარესა.
აღსდექე, მსცოვანო მოჰფინე
კვლავ ია ვარდი სულს და გულს,
მიესალამე მომავალს
ახალ ცხოვრების გაზაფხულს.“

ამავე ნომერში დაიბეჭდა ანასტასია იურკევიჩის ლექსი „აკა-
კის“.

„გული უზომო ტანჯვით მევესება,
თვალთაგან მცვივა მდულარე ცრემლი,
მას შემდეგ რაც რომ გადავიკითხე
მე შენი ლექსი „უკანასკნელი“.
რამ დაგაღონა, გმირო მგოსანო?
რამ შეარყია ეგ მტკიცე გული,
– არა ერთ-გვარი ჭირის მნახველი,
– რისგან ხარ აგრე შეშინებული?
მაგრამ, მგოსანო, ვერ გაგიმეტებთ,
ჯერ ჩვენ არ ძალ-გვიძს შენი შელევა
და მისთვის მარად გავედრებ ჯვარ-ცმულს,
რომ იმან მოგცეს შენ ჭირთა ძლევა!“

ის, რაც აკაკის ავადმყოფობასთან დაკავშირებით ქართულ საზოგადოებაში მოხდა, იყო დასტური იმისა, რომ ქართველობაში სხვისი ჭირის გულთან მიტანა, თავისი ღირსეული შვილის გულწრფელად დაფასება, ანუ ჩვენი საუკეთესო ტრადიციები, ჯერ კიდევ ცოცხლობდა. როგორც სხვა, ისე ამ კეთილშობილური ტრადიციის რღვევაც მერე დაიწყო, როცა სამშობლოს უარმყოფელები მოვლენ ხელისუფლებაში, როცა გალაკტიონის თხოვნაზე, – სიცივით ვიყინები და პალტოს ფული არ მაქვსო, ქართველ ჩინოვნიკს შეუძლია „პრინციპული“ უარი მოკლედ ნაანეროს – „უარი ეთქვას“. ეს მერე მოხდება, როცა სერგო ორჯონიკიძეს ვაჟა ფშაველას შვილის ლევან რაზიკაშვილის სიცოცხლეს გამოსთხოვენ, ის კი პრინციპულად უპასუხებს, ვაჟას შვილი კი არა, ვაჟა რომ ცოცხალი იყოს, მასაც დავხვრეტდიო.

ახლა ჯერ კიდევ ძველი საქართველოს სიტბო იგრძნობა. ქართულმა საზოგადოებამ არა თუ პენსია დაუნიშნა აკაკის, არა თუ ერთჯერადი დახმარებები შესწირა, არამედ კომიტეტმა მისი ბანკში დაგირავებული მამულის გამოხსნაც ითავა. აკაკი დეკემბრის ბოლოს ფეხზე დადგა.

●
ჩვენ არაფერი გვითქვამს იმ საერთო პოლიტიკური ატმოსფეროს შესახებ, რაც 1904 წელს მთელ რუსეთის იმპერიაში სუფევდა და რამაც გადამწყვეტი როლი ითამაშა შემდგომ წლებში, არა მხოლოდ მთელი იმპერიისთვის, არამედ თითოეული ადამიანის ბედზეც, და მათ შორის, ბედზე ილია ჭავჭავაძისა.

900-იანი წლებიდან მოყოლებული, იმპერიის პოლიტიკური მდგომარეობა კიდევ უფრო სავალალოა, ვიდრე როდისმე ყოფილა ნაპოლეონის რუსეთში შეჭრის შემდეგ. სოციალ-დემოკრატებმა მოახერხეს ის, რომ რუსეთი ტერორისტულ ქვეყნად იქცა. ერთი მხრივ, ტერორისტები ჩიტებივით ხოცავენ ჩინოვნიკებს. რუსეთში მოკლეს განათლების მინისტრი ბოგუღლეპოვი, შინაგან საქმეთა მინისტრი სიპიაგინი. მის ნაცვლად დანიშნავენ ფონ პლევეს, მაგრამ არც მას მოუწევს დიდხანს მინისტრობა, მოკლავენ პლევესაც. აღარაფერს ვამბობ უფრო დაბალი ჩინის ხალხზე. ეს პროცესები გადმოდის საქართველოშიც, ცალკე მუშათა გამოსვლები, ცალკე თბილისის ტერორისტთა გააქტიურება, რომელნიც ერთი წლის შემდეგ გადადიან მოქმედებაზე და იწყება სრული განუკითხაო-

ბა. რევოლუციის ზღვარზე მდგომმა რუსეთმა, ამ პროცესებისგან ხალხის ყურადღება რომ გადაიტანოს, მიმართა ნაცად გზას – მთავრობა იწყებს დიდ ავანტიურას შორეულ აღმოსავლეთში, რომლის ბოლო თავდება ომით. იწყება რუსეთ-იაპონიის ომი, რომელიც რუსეთისათვის წარმართება კატასტროფულად და დამთავრდება მისი სრული მარცხით.

1904 წლის 26 იანვარს, ღამით, რუსეთის მთავრობისაგან მანჯურიის საკითხში ათას მეერთედ მოტყუებული იაპონიის მთავრობა ბრძანებას გასცემს დასცხონ პორტ-არტურში განლაგებულ რუსულ ჯავშნიან გემებს. ამონარიდები გ. ლასხიშვილის მოგონებებიდან: „შორეულ აღმოსავლეთის ნამესტნიკი ადმირალი ალექსანდროვი თავის მეფეს აუწყებდა: „უქვეშევრდომილესად მოვახსენებ თქვენს უდიდებულესობას, რომ 26 იანვარს შუალამისას იაპონელების ნაღმოსანთა ესკადრამ მოულოდნელად იერიში მიიტანა პორტ-არტურის ნავსადგურში მდგომ ჩვენს ესკადრაზე. ჯავშნიან გემებს, „რეტივიზანსა“ და „ცესარევიჩს“ და კრეისერს „პოლტავას“ გვერდი შეუწერია და ძლიერ დააზიანა“.

ასე დაიწყო ომი.

რუსეთი არა და არ გამოვიდა არც მანჯურიიდან და არც კორეიდან. იაპონიასთან ომის მიზეზი ეს იყო. მიუხედავად იმისა, რომ დიპლომატიური მოლაპარაკება შეწყდა და მოსალოდნელი იყო ომის დაწყება, „პორტ-არტურში რუსეთის ესკადრა უძრავად იდგა. იმ დღიდან დაწყებული ომის გათავებამდე რუსეთის მხედრობას ერთი გამარჯვებაც არ უნახავს. ომის დაწყებისთანავე ადმირალმა ტოგომ, რომელმაც მალე დაიმსახურა იაპონიის ნელსონის სახელი, სრულიად გაანადგურა რუსეთის ფლოტი წყნარ ოკიანეზე“. რა ხდება ამ დროს პეტერბურგში? ნიკოლოზ მეორემ მთავარსარდლად დანიშნა თავისი საუკეთესო გენერალი კუროპატკინი. იმედი აქვს, სახმელეთო ბრძოლებს მოიგებს. იქ, პეტერბურგში, მივლინებულ იყო დავით კლდიაშვილი, როგორც სამხედრო პირი. ვნახოთ დავითის თვალით დანახული ნიკოლოზ მეორე და ეს კუროპატკინიც. „ხელმწიფეს უნდა წავრდგომოდით. ჩაგვაყენეს რიგში. მოვიდა ხელმწიფე ალექსანდრიიდან (მეფის სააგარაკო ადგილი იყო), ახლდა მცირე ამალა. ამათში იყო სამხედრო მინისტრი კუროპატკინი. ხელმწიფე იყო უბრალო სერთუკით; ხელში ეჭირა უბრალო ქუდი; შუა ტანისაზე ცოტათი დაბალი. ქერათმიანი, მისი ცისფერი თვალები მორიდებულვივით გამოიყურებოდნენ. ბევრი კაპიტანი განსხვავებულად იყო გამოწყობილი, ამ დღისათვის სა-

განგებოდ შეკერილი ფეხსაცმელები და სანგაგებოდ ამ დღისათვის დამზადებული უცმელი საცვლები ეცვათ.

ხელმწიფე ყველას ერთსა და იმავე კითხვას აძლევდა: რამდენი წელიწადი მსახურობთ, რამდენი წელიწადი გუნდს უფროსობთ, რამდენი წელიწადია, კაპიტნობა მიიღეთ, მეტი არაფერი". მხოლოდ ერთი კაპიტნისთვის, რომელსაც წმინდა გიორგის სალდათის ჯვარი ეკეთა, უკითხავს, სად მიიღეთ ეს ჯვარი და დაჭრილი თუ ხართო. აღელვებული კაპიტნის პასუხი მეფეს მოეწონა და მინისტრს უბრძანა, – ამ კაცისთვის პოლკოვნიკობა მიეცა.

როცა ხელმწიფე წავიდა, მინისტრმა სულ დედის გინებით იფრინა ხელმწიფისგან „ნაწყალობევი“ კაპიტანი. ასეა, ხელმწიფემდე ვინ მივა, ან ეს კაპიტანი როგორღა ნახავდა, მინისტრმა კი სულაც ფეხებზე დაიკიდა თავისი ხელმწიფის ბრძანებაცა და ეს კაცი ხომ გინებით ამოაგდო.

არადა, ის საწყალი კაპიტანი შემდეგ მანჯურიაში, სწორედ იაპონელებთან ომში დაიღუპა. წაგებულ ომში კი, ვინ იცის, რა ორდენები მიიღეს მისმა უფროსებმა. როგორც ზღვაზე, ისე ხმელეთზე რუსები მარცხს – მარცხზე განიცდიდნენ. როგორ შეხვდა საქართველო ამ ომს? მთელი საქართველო აკაკის ლექსს მღეროდა –

„ოი, ამას ვენაცვალე“.

ვითომ იავნანის ნაცვლად დანერა აკაკიმ ეს ლექსი, ვითომ დედა ჩვილს უმღერის – ოი, ამას ვენაცვალე, – მაგრამ ყველამ იცოდა, ოიამა იაპონელთა ერთ-ერთი სარდალი რომ იყო...

●
როგორც რუსეთ-ოსმალეთის ომის დროს, ქართველებმა ახლაც დაიწყეს ფიქრი, ამ ომიდან იქნებ საქართველოს ხეირი ენახა. რუსეთის „უძლეველობა“ გამოჩნდა. რატომ არ შეიძლება საქართველომ იარაღი იშოვოს და საჭიროების შემთხვევაში თავისუფლება იარაღის ძალით მოიპოვოს, თუკი რუსეთს კატასტროფული მარცხი უწერია დიდ ომში?

1904 წლის დასაწყისში ახალგაზრდა ქართველი ავტონომისტები შენევის საერთაშორისო კონფერენციაზე ამირებენ გამგზავრებას. იქ ეროვნული საკითხი უნდა იქნეს განხილული. საინტერესო ისაა, რომ მანამდე, საგურამოში, თედო სახოკია და მისი რამდენიმე მეგობარი ილიას შეხვდებიან. იარაღის შოვნისათვის, ფედერა-

ლისტთა პარტიის შექმნისათვის დახმარებას სთხოვენ, სთხოვენ, რომ მისი ავტორიტეტით შეძლებული ხალხი ჩააბას ამ საქმეში, სთხოვოს დავით სარაჯიშვილს, რათა ფინანსური უზრუნველყოფა მოხდეს ამ ბრძოლისა.

მიუხედავად იმისა, რომ ეს ახალგაზრდები „ცნობის ფურცლიდან“ ხანდახან ილიას ებრძოდნენ კიდევ, რაკი ეროვნულ საკითხზე სრული თანხმობა აქვთ, ჭავჭავაძე მათ არაფერზე უარს არ ეტყვის. მზად ვარო, უპასუხებს, ყველაფრით დაგეხმაროთ, ოღონდ კაცი მითხარით, ვინ გაუძღვება ამ საშვილიშვილო საქმესო.

გიორგი ლასხიშვილი იმედიანად მიემგზავრება 1904 წლის ფენევის კონფერენციაზე.

კონფერენციამ წამოაყენა მოთხოვნა საქართველოს ავტონომიისა. იმავე 1904 წლის შემოდგომაზე ლასხიშვილი ისევ პარიზში მიდის. გაგზავნა იმ წელს შექმნილმა სოც. ფედერალისტთა პარტიის მთავარმა კომიტეტმა, რომლის შემადგენლობაში იყვნენ გიორგი ზდანოვიჩი, კიტა აბაშიძე, სამსონ ფირცხალავა, ვლადიმერ ლორთქიფანიძე, პეტრე ყიფიანი და გიორგი ლასხიშვილი. ეს ფაქტიურად ილიას გუნდია. კონსპირაციის მიზნით ლასხიშვილი ხმას დაყრის, თითქოს ის ხარკოვში მიდის თვალების სამკურნალოდ. გახსოვთ ალბათ, ზემოთ მოთხრობილი ამბავი, სპექტაკლში გიორგი ლაშას როლს თამაშობდა და ხმალამოლებულმა, სიბეცის გამო, გულები რომ გადაუტრიალა „მისი ამალის“ წევრებს. ხარკოვში მართლაც ყოფილა გამოჩენილ თვალის ექიმთან, შემდეგ ბერლინში ჩადის. საინტერესოა ერთი ყოფითი დეტალი დღევანდელი მკითხველისათვის. ბერლინიდან მატარებლით დღენახევარში ჩადის პარიზში. პარიზში სასტუმროში ქირაობს პატარა ოთახს დერეფნით, თვეში 28 ფრანკად. მაშინდელი კურსით ეს იყო 10 მანეთი. ბინა, ყავა დილით და მოსამსახურე, თვეში უჯდებოდა მხოლოდ 15 მანეთი. ამ დეტალით შეგვიძლია ვივარაუდოთ, რა შეეძლო მაშინ თვეში 15 მანეთს, ანუ 42 ფრანკს. ამ დეტალით შეგვიძლია ვივარაუდოთ, რას ნიშნავს თვეში, ვთქვათ, 150 მანეთი პენსია, რომელიც წერა-კითხვის საზოგადოებამ აკაკის დაუნიშნა.

ლასხიშვილს პარიზში მასპინძლობს და მეგზურობს ნიკო ლოლბერიძე, დიდი ქველმოქმედი, რომელიც იმუამად უკვე იქ ცხოვრობდა და საქართველოში ზაფხულობით ჩამოდიოდა. თედო სახოკიასთან ერთად ლასხიშვილი გამოსცემს „საქართველოს“ რამდენიმე ნომერს და საქართველოში გამოავაზენიან არალეგა-

ლურად, ქართველი ქალის, ვინმე ნატროშვილის მეშვეობით. ბრიუსელში ხვდება პალიკო ყიფიანს, რომელიც შემდეგში ფედერალისტებს იარაღის ყიდვაში დაეხმარება. ეს ის პალიკო ყიფიანია, ბაქოს ბანკიდან რომ ფულიანად აორთქლდა. ფაქტია, რომ პალიკო ყიფიანს ქართველებთან მოგვარებული აქვს საქმე, მას ხვდებიან. როგორც ჩანს, ის ამჯერად კრიმინალად მონათლული კაცი არ არის...

როცა ილიას თაობა და ახალგაზრდა ფედერალისტები საქართველოს ავტონომიაზე ფიქრობენ, ამ დროს სოციალ-დემოკრატების წყალობით მიდის გამალებული ძარცვა-გლეჯა თუ თავად-აზნაურობის, თუ ეკლესიების. პარტიას ფული სჭირდება...

მაგალითად, უღმერთოებმა გელათის ტაძარში ჩაიდინეს ის, რაც ჩვენს ისტორიას არ ახსოვს. ტაძარს არავინ არასოდეს ძარცვავდა.



ვახტანგ ორბელიანს გელათზე აქვს დანერილი ლექსი – „არის ადგილი“. აი ეს ადგილი გაძარცვეს და სწორედ ვახტანგ ორბელიანს მიმართავს აკაკი:

„ვის მიუტირო ან ძველებურად,
რომ ჩემი ცეცხლი გაუზიარო?
თუ ერთად მასთან უბე-კალთაში
სამგლოვიარო ცრემლები ვლვარო?
თუ არ შენს აჩრდილს და შენსა სახეს,
კალამ ძლიერო და მადლიანო;
ქართველად ზრდილო, მირონ-ცხებულო,
სულ-მნათო ვახტანგ ორბელიანო?!“

.....

ველარა ვხედავ იმას, მგოსანო,
რაც რომ გელათზე შენ დაგვიწერე!...
და ნეტავი შენ, რომ შენც ჩემსავით
ამ წამხდარ დროის აღარ ხარ დამსწრე!“

ის, რომ ტაძარი უბრალო ყაჩაღებმა კი არა, სოციალ-დემოკრატიმა ყაჩაღებმა გაძარცვეს, ჩანს იქიდან, რომ ეს ძარცვა არც მიპარვით, არც ჩუმად მომხდარა და, სხვათა შორის, არც უიდეოდ... დღისით, მზისით მივიდნენ შეიარაღებული ნითელრაზმელები და მოახდინეს ექსპროპრიაცია.

„ახალმა დრომ გამოიწვია ისკარიოტელთა გუნდი, „შიგნიდამ ციხის გამტეხი“, რომელიც შეურაცხყოფს მამა-პაპათა თვით საფლავსაც კი!...

... შეიარაღებული რაზმი შესევია ლოცვის დროს წმინდა ტაძარს. გარეთ მეთვალყურეები დამდგარან, შიგნით მძარცველები შეჭრილან, გაუძარცვავეთ ეკლესია, თან გაუყოლებით არხეოლოგიური ნაშთები: დავით აღმაშენებლის ბეჭედი, ოქროს და ვერცხლის ბარძიმ-ფეშხუმი და მღვდელ-მთავრებთა ოქრო-ჭედილი შესამოსელები. (დაკარგული ნივთების სია გამოქვეყნებულია „ივერია“ №176-ში) აქ მარტო ფულის შოვნის და შეძენის ანგარიშით არ უნდა იყოს, ის ნივთები, ის ბეჭედ-ქოშები, შესამოსელები ხომ სულ უნდა ტყუილად გადაადგონ და რა სარგებლობა, რა აზრია? მხოლოდ ცარიელი გულის მოფხანვა იმათი, რომელთაც საქართველო წარსულშიაც კი ეზიზღებათ!“ ვის ეზიზღება გველივით წარსული, ამაზე აკაკი ადრე წერდა, მეტი მინიშნება რაღა გააკეთოს, მათ მსოფლხედვასაც კი უსვამს ხაზს – ეს შეეძლო გაეკეთებინა მათ, ვისაც უნოდა „კუჭის მიმდევარ-მაძიებელი კორდი ლორთა“. ამაზე მეტს ვერ იტყოდა. ისინი უკვე ძალიან საშიში ხალხია.

ამ დროისათვის. როგორც არ უნდა გაგიკვირდეთ, იმ კლიშეს მიუხედავად, მთელი საუკუნე რომ იჭრებოდა, ყველაზე პროგრესული ძალა არის თავადაზნაურობის გადაურუსებელი ნაწილი. ილიას რეჟისორობით დეკემბრის დასაწყისში ისინი კრებას ატარებენ. ამოდ არ ჩაუვლია პარიზსა და თბილისს შორის მიმოსვლას. ავტონომიის საკითხის წამოწეას. პირველად კრება მიიღებს ისეთ რეზოლუციას, რის შესახებაც ადრე ჩურჩულით ლაპარაკიც კი საშიში იყო. თან ეს მოთხოვნები დაბეჭდილია რუსულ ენაზე, გაზეთ „რუსი“-ში(1904წ. №53) აი, ისიც:

1. მართვა-გამგებლობა კავკასიისა და ადგილობრივ მკვიდრთა წარმომადგენლების მონაწილეობით, გამგებლობის მოწყობა ოლქებრივ თვითმმართველობის პრინციპზე.

2. სინდისის თავისუფლება და აღდგენა ქართული ეკლესიის დამოუკიდებლობისა.

3. შემოღება ერთობისა და ცვლილება საქალაქო დებულებისა სრულის თვითმმართველობის საფუძველზე.

4. რეფორმა სახალხო განათლებისა, შემოღება მეცნიერებათა შესწავლისა სამშობლო ენაზე და სახელმწიფო ენა, როგორც ერთ-ერთი საგანი, დაარსება უნივერსიტეტის და სხვ. სპეც. უმაღლეს

სასწავლებლებისა ტფილისში და ქუთაისში. გაფართოება კერძო ინიციატივისა სკოლების დაარსების საქმეში.

5. თავისუფლება ყრილობის, კრების, მუშათა ორგანიზაციების და გაფიცვებისა, ენის თავისუფლება კრებებზე.

6. თავისუფლება ბეჭდვითი სიტყვისა და პასუხისმგებლობა სასამართლოს წინაშე.

7. შემოღება ნაფიც მსაჯულთა და არჩევა მომრიგებელ მოსამართლეთა ინსტიტუტისა, შემოღება სასამართლოში საქმეების წარმოებისა მშობლიურ ენაზე.

8. გაუქმება პრივილეგიების, წოდებრივი განსხვავების და დაწესებულებებისა.

9. დროებითი ვალდებული გლეხებისათვის და ხიზანთათვის მათი მიწების საკუთრებად მიცემა. მცირე და უადგილმამულო გლეხ ქართველთათვის მინიჭება საშუალებისა საქართველოს საზღვრებში თავისუფალი სახელმწიფო მიწაზე დასახლებისა."

კაცი ბჭობდა და ღმერთი იცინოდაო, მომდევნო წელს გარეთ დამარცხებულმა რუსმა საკუთარ ხალხზე იყარა ჯავრი.

1905

რევოლუცია. გურიის ამბები და ილია.
სოციალ-დემოკრატები ილიას გასანად-
გურებლად. ილიას „ნუთუ?“. ილიას ბან-
კიდან წასვლა. მახარაძე და ჟორდანია.
ილია პეტერბურგში.



ნოე ჟორდანია

*„ მოვალედ ვრაცხ გამოვიცხადოთ, რომ ახალ
შეურაცხყოფას ველარ მოითმენს ჩვენი
ხალხი და თქვენ იძულებული იქნებით ზღვა
სისხლი დაღვაროთ თქვენი სალდათებისა.“*

(ილიას პეტერბურგში
წარმოთქმული სიტყვიდან)

9 იანვარმა მთელს იმპერიაში ახალ მღელვარებას დაუდო საფუძველი. ნიკოლოზის მთავრობას თითქოს პრობლემები აკლდა, თავად აიტეხა შარი. 9 იანვარს, დილით პეტერბურგის ფაბრიკა-ქარხნებიდან გამოვიდა უამრავი მუშა. კაცები, ქალები, მოხუცები, ახალგაზრდები, ბავშვები. მეფის სურათებითა და ხატებით მიემართებიან ნიკოლოზის სასახლისაკენ ხელმწიფისათვის მოთხოვნების გადასაცემად. მათ წინ მიუძღვით მღვდელი გაპონი. მშვიდობიან მოსახლეობას გადაელობა დიდძალი ჯარი და პოლიცია. ხალხი პოლიციას მიაწვ, რათა მისი რიგები გაერღვია. ჯარმა და პოლიციამ ატეხეს სროლა. დამფრთხალი ხალხი გარბოდა, მაგრამ ცხენოსანი ყაზახები გამოუდგნენ და უმოწყალო ჟლეტა გააჩაღეს.

უამრავი ადამიანი დაიღუპა.

მთავრობამ ხალხს ძალა აჩვენა. გარეთიაპონელებთან მფრთხალი – შინ ძლიერი აღმოჩნდა, მაგრამ უიარაღო ხალხის ამოხოცვა ეგრე იოლად ვერ ჩაივლიდა. შედეგი უარესი მიიღეს. ნაცვლად დაწყნარებისა, მღელვარება მოედო მთელს იმპერიას და საკუთრივ საქართველოსაც.

იანვარი თბილისში გაფიცვებისა და დემონსტრაციების თვედ იქცა. თბილისის ქუჩებში სისხლიც დაიღვარა. ეს ტალღა გადაედო ბათუმსაც და საქართველოს სხვა ქალაქებსაც, ხოლო გურიაში გლეხებმა, ფაქტობრივად ხელისუფლება გამოაძევეს. გურულებმა თავიანთი პრეზიდენტის არჩევაც კი მოასწრეს...

ქვეყანაში სრული ქაოსი გამეფდა. ერთი მხრივ, მეფე თავისი ჯარითა და პოლიციით ებრძვის აბუნტებულ ხალხს, მეორე მხრივ,

სოციალ-დემოკრატები და სხვა სარევოლუციო პარტიები თავიანთი გასამხედროებელი ორგანიზაციებით, – პარტიული რაზმებით ებრძვიან, ატერორებენ და ხოცავენ ჩინოვნიკებს, მესამე მხრივ, სოციალ-დემოკრატებს გაჩაღებული აქვთ კლასობრივი ბრძოლა და ჩინოვნიკებთან ერთად ატერორებენ თავად-აზნაურობას. შედარებით მდიდარ გლეხებს. 9 იანვარმა დათესა ქარი და მოიმკეს ქარიშხალი. ქვეყანაში სრული ქაოსია. თუ ადრე, მაგალითად, გენერალ-გუბერნატორის თანამდებობის კაცს ხელის ჩამორთმევა-საც კი იშვიათად გაუბედავდა ვინმე, ახლა შემოლანუნებაც შეიძლება.

დროის სუნთქვა ყველაზე კარგად ამა თუ იმ ყოფით მოვლენაში იგრძნობა ხოლმე. თუ ადრე არ მისალმება და ქუდის არ მოხდა ბობოლას დანახვისას შეიძლებოდა სასჯელითაც კი დამთავრებულიყო, ახლა ბობოლას გასილაქებაც ხდება. ბათუმის ოლქის გენერალ-გუბერნატორს ერთი ჩვენი თავადი მიბეთქავს და შერჩება კიდევ ხელის აღმართვა.

1905 წელს ბათუმის ოლქის უფროსი იყო გენერალ-მაიორი სლავოჩინსკი. ის ქართველების მოძულე, ვერაგი, ყალთაბანდი კაცი ყოფილა.

2 წლის შემდეგ ქუთაისში გადმოიყვანეს გუბერნიის გუბერნატორად, ენამახვილმა ქუთაისელებმა სლოვოჩინსკი სასწრაფოდ „სვოლოჩინსკად“ მონათლეს.

აი, ამ „სვოლოჩინსკთან“ დაკავშირებით ასეთ ამბავს გადმოგვცემს სერგო გერსამია: „ბათუმის ე.წ. „რკინის თეატრში“ თურმე ხშირად იმართებოდა ჭიდაობა. ჭიდაობდნენ სხვადასხვა ეროვნების მოჭიდავეები. ფალავნებს გავლენიანი პირები მფარველობდნენ. ერთი ასეთი მოჭიდავე იყო აჭარელი, რომელიც მემედ აბაშიძის ფალავნად ითვლებოდა, მეორე რომელიღაც მოჭიდავე, ოლქის უფროსის სლოვოჩინსკის ფალავანი იყო. 1905 წ. ერთ დღეს ამ ორი ფალავნის ჭიდაობა გაიმართა, თეატრი სავსეა მაყურებლებით, ერთ ლოჟაში სხედან მემედი და მისი ამხანაგები, მეორეში კი – სლოვოჩინსკი თავისი ამალით. ჭიდაობას ყველანი დაძაბულად ადევნებენ თვალ-ყურს, ღელავენ. ბოლოს მემედის ფალავანმა სძლია და მონინალმდეგე წააქცია. მემედი ლოჟიდან წამოდგა და თავის ფალავანს ტაში დაუკრა. ამ დროს გაბრაზებულმა სლოვოჩინსკიმ მემედს შეაგინა და ქარქაშში ჩადებული ხმალი ზურგზე დაარტყა. მემედმა ეს ვერ მოითმინა, თავის ლოჟიდან ისკუპა, სლავოჩინსკის ლოჟაში ჩაუხტა და სილა გაანწა...

ატყდა დიდი ჩოჩქოლი. საქმეში პოლიცია ჩაერია და მემედის დაპატიმრება მოინდომა. ამ დროს გაჩნდნენ შეიარაღებული ქართველი მაჰმადიანები და ქრისტიანები, მემედს გვერდზე ამოუდგნენ, გამოექომაგნენ და პატიმრობას გადაარჩინეს... ამის შემდეგ მემედი მცირე ხნით გაიხიზნა, ხოლო როცა რევოლუციური მოძრაობა უფრო გაიშალა მაშინ ისევ დაბრუნდა ბათუმში.

... მემედ ბეგ აბაშიძის ნაცემი კაცი გყვავს გუბერნატორადო, ქუთაისში ხშირად გაიგონებდით". კი იყო ეს „სვოლოჩინსკი“ საცემი, მაგრამ თუნდაც ერთი წლის წინ ამ ინციდენტს კატორღის გარეშე ვერც ერთი ქართველი ვერ გადაურჩებოდა, მაგრამ ახლა ცალკეული ინციდენტების დავის თავი ვის აქვს, მთელი ხალხი აბუნტებულია, ვერა და ვერ დააწყნარეს, განსაკუთრებული ბუნტი კი გურიშია.

თებერვალში მრისხანე და დაუნდობელ გენერალს ალიხანოვ-ავარსკის დაევალა გურიაში სრული წესრიგის აღდგენა. იქ სამხედრო წესები გამოცხადდა და ალიხანოვი გურიისკენ დაიძრა. დამსჯელი რაზმი სოფელ ნატანებში დაბინავდა.

გოლიცინის შემდეგ მთავარმართებლის მოვალეობას ასრულებდა გენერალი მალამა. ალიხანოვ-ავარსკი სწორედ მისი განკარგულებით მოქმედებდა. ილიამ მთელი თავად-აზნაურობა ფეხზე დააყენა. გაიგზავნა დეპუტები პეტერბურგს, გაზეთებმა ატეხეს განგაში. ჩატარდა თავად-აზნაურთა კრება. არჩეულ იქნა 25 კაცამდე დეპუტაცია, რომელშიც თავად-აზნაურთა გარდა გაზეთების წარმომადგენლებიც შედიოდნენ. დეპუტაციაში იყვნენ დასავლეთ და აღმოსავლეთ საქართველოს თავადაზნაურთა წინამძღოლნი, ქუთაისის, ბათუმისა და თბილისის თვითმმართველობის წარმომადგენლები. ეს დეპუტაცია ეახლა მალამას და მთელი ქართველი ხალხის სახელით სთხოვა გაეუქმებინა თავისი განზრახვა. უარი ეთქვა გურიის წინააღმდეგ გალაშქრებაზე. მთავარმართებლის მოვალეობის შემსრულებელმა შეინყნარა თხოვნა და გურია დროებით ანიოკებას გადაურჩა. სხვადასხვა ავტორებთან მკითხველი ნახავს ილიას გამოსვლის ტექსტს, რა სთქვა მან თათბირზე გურიის დასაცავად. რა შეუთვალა მეფის-ნაცვალს და ა.შ.

მინდა შევნიშნო, რომ ეს არ იყო ერთადერთი კრება, რომელიც გურიის დასაცავად გაიმართა. 1905 წლის შემოდგომაზე და 1906 წლის დასწყისში ასეთი კრებები კვლავ შედგება. აი ეს კრებები, სხვადასხვა მოგონებებში არეულია ერთმანეთში. ყველაფერი ის,

რაც კავკასიის მეფისნაცვლის ვორონცოვ-დაშკოვის მონაწილეობით ხდება, ხდება მხოლოდ 1905 წლის მაისის შემდეგ, როცა ის დაინიშნა ახალ მეფისნაცვლად. ჯერ კი, როგორც გითხარით, მთავარმართებლის მოვალეების შემსრულებელი გენერალი მალამაა.

აქედან გამომდინარე, თავისი ცნობილი სიტყვა ილიას ხსენებულ კრებაზე არ უთქვამს. შეცდომაა ცალკეულ ავტორთა ნაშრომებში დაშვებული. თუ ეს არ განვმარტეთ, მკითხველი დაიბნევა, როგორ მოუწოდებს ილია კრების მონაწილეთ მეფისნაცვალთან მისვლას, როცა არც მეფისნაცვალთა ჯერ დაინიშნული და არც ეს ინსტიტუტია აღდგენილი.

როგორც გითხარით, მთავარმართებლის მოვალეობის შემსრულებელმა, წლის დასწყისში, მშვიდობიანად მოაგვარა ეს საკითხი. ალიხანოვ-ავარსკი შეაჩერა.

ასევე მარტში თავადაზნაურთა კერძო თათბირზე ილია წამოჭრის საკითხს – რის გამო ლელავს ქართველი გლეხი? მინა, რომელიც მას არ ჰყოფნის სარჩენად ურიგდებათ უცხოტომელებსო. იგი მთავრობისაგან მოითხოვს, სახაზინო მიწები, განსაკუთრებით შავი ზღვისპირეთში, გადასცეს ქართველებს. ამასთანავე, დრო დადგა ჩვენ შესახებ კანონები პეტერბურგში კი არა, აქვე იწერებოდეს, ჩვენს მიერ არჩეული წარმომადგენელთა კრებულის მიერო. ილიას სიტყვა „ივერიამ“ გამოაქვეყნა, მაგრამ ისე დამახინჯებულად კი, რომ იძულებულია თავისივე ყოფილი გაზეთის რედაქციას მისწეროს : „გუშინდელ „ივერიაში“ №20 დაბეჭდილია ვითომდა ჩემი ნალაპარაკევი... სწორედ მოგახსენოთ ჩემი ნათქვამი მე ძლივს ვიცანი“. ილიამ შესწორებები გაუგზავნა „გთხოვთ, ბატონო რედაქტორო, ჩემი ეს წერილი დაბეჭდოთ და ნება მიბოძოთ გაგიბედოთ და ერთი სარჩელი მოგახსენოთ. დღეს ისეთი დღეა, რომ თითქმის სიტყვას დიდის სიფრთხილით უნდა მოვექცეთ და ვიდრე სხვისა თქმულს ბეჭდვით საჯაროდ გავიმეორებდეთ, ავწონ-დავწონოთ, რა თქმულა და როგორ თქმულა. დღეს ისეთი დროა, რომ თითქმის ჩვენგანი უნდა განკითხულ იყოს და პასუხის მგებელი ჩვენი ქვეყნის წინაშე თავისი სიტყვისა და საქმისაებრ და არა იმისებრ, რასაც სხვანი ან დაუდევრობით, ან წინდაუხედაობით თავზე მოახვევენ“.

თითქოს ენა უყვივლებს, სულ ცოტა ხანში თავს მოახვევენ ისეთ აზრებს, რაც არასოდეს გაუვლია გონებაში, ისეთ საქციელს, რაც არასოდეს ჩაუდენია, ისეთ გულქვაობას, რაც არასოდეს გამოუ-

ჩენია. სულ ცოტა ხანში იმ ხალხის მტრად გამოაცხადებენ, რომლის ბედ-იღბალზეც ასე ზრუნავს, გაუგონარ ცილს დასწამებენ და ბოლომდე გული რომ გაუხეთქონ, თავის შვილივით ნაფერებ „ივერიას“ ილიას პასუხსაც კი არ დააბეჭდვინებენ...

„ივერიიდან“ 1904 წელს ალექსანდრე სარაჯიშვილი წავიდა. ნახეს, რომ გაზეთი მართლაც ზარალიანი იყო ფინანსურად და ველარ შეინახეს. სარაჯიშვილმა გრ. ყიფშიძეს გადააბარა. ყიფშიძე ფაქტიურ რედაქტორად მიხეილ ჯავახიშვილს (ადამაშვილს) ამუშავებდა. ახლა კი გაზეთი ფილიპე გოგიჩაიშვილის ხელშია. ფილიპე, როგორც ჩანს, შეაშინეს...

●
როდესაც ილია მთავარმართებლიდან დაწყებული, საკუთარი მოურავით დამთავრებული, ყველას იმას უჩიჩინებს, რომ ამღვრეული წყალი დაინმინდება, ყველაფერი თავის კალაპოტში ჩადგება და გლეხებს არ შეიძლება ახლა მკაცრად მოექცეთო, სწორედ იმ დროს, იმავე გლეხკაცთა სახელით, მის ზურგს უკან დიდი შეთქმულება მზადდება.

6 მარტს, როცა კრებაზე გლეხთა ინტერესებს იცავდა, მოსდის საგურამოდან მოურავის წერილი. კარგს არაფერს ინერებოდა, რაც ილიას პასუხიდან ირკვევა: „მოსე! ეგ ამბავი, რასაც შენ ინერები, დღეს ყველგან არის: გლეხკაცები ყველგან მაგ ამბავში არიან დღეს. მეცოდებიან სანყლები: დღეს-ხვალ მთავრობა თურმე აპირობს ჯარები მიუსიოს გაბრიყვებულ გლეხ-კაცობას და ნაცარტუტა აადინონ. თავად-აზნაურობა ცდილობს ეს ჯარების მოსევა როგორმე ააცდინოს გლეხ-კაცობას და ღმერთმა ქნას მთავრობას ხელი ააღებინოს ჯარების გაგზავნაზე. ისინი – კი, ვინც აღმოჩნდებიან მთავარნი, უსათუოდ სასტიკად დაისჯებიან, როცა იქნება. დღესა თუ ხვალე. შენ მხოლოდ ეცადე, რომ მშვიდობიანად მოელაპარაკო და ცეცხლს წყალის მაგიერ ნავთი არ დაასხა. დღესა თუ ხვალე დაწყნარდებიან, იმიტომ, რომ მაგისტანა ამბავს ბოლო მოელება. ნებით იქნება, თუ ძალით“.

რამდენიმე დღეში ილია ახალ წერილს უგზავნის მოურავს. ამჯერად გლეხები ტყვეს შესევიან და უმონყალოდ ჩეხენ. ილია კვლავ არიგებს, ამხნევებს, ნურავის მუქარის ნუ გეშინია, ვერაფერს შემოგბედავენ, ეგენიც ადამიანები არიანო. სასტიკ უარზეა, თავადსა და გლეხს შორის ჯარმა მოაგვაროს საქმე. მებატონეთა თხოვნით

კახეთისა თუ ქართლის სხვადასხვა სოფლებში ჯარი ჩაუყენებიათ, რათა გლეხებისაგან მეზატონეთა ქონება დაიცვან.

კიდევ ერთი ბარათი მოურავისადმი: „მოსე... თუ ვინიცობა მანდ საგურამოში ჯარი მოვიდა, შენ თვითონ ჩადი და ვინც უფროსია ჩემმაგიერ სთხოვე, ხალხი არ დაანიოკონ, ჩვენ თვითონ მოვრიგდებითქო. თუ მაინცა და მაინც თავისი არ დაიშალონ, მაშინვე ფაეტონი გამომიგზავნე, მე თვითონ ამოვალ და მე თვითონ ვთხოვ უფროსს, მანდ არ იმოქმედონ – რა და ხალხი ტყუილ უბრალოდ არ გააფუჭონ.“

ის იყო ყველა დაჩაგრულის ქომაგი, ყველა გაჭირვებული მეზობლის ხელისგამმართავი. როცა საგურამოში ჩადიოდა, გრიშა აბაშიძის ჩამოტანილ დროშას სახლის თავზე ააფრიალებდა. ეს იყო ნიშანი იმისა, რომ ილია შინ იყო.

მოდოდნენ, ვინ საჭმელ-სასმელს ითხოვდა, ვინ პატიმარი შვილის ციხიდან გამოშვებას, ვინ ავადმყოფის სამკურნალო ფულს. ყველა მის ლოცვაში იყო, ყველას შეძლებისდაგვარად ეხმარებოდა. ამაზე იმდენი მოგონება არსებობს, მთელი ტომი ვერ დაიტევს. ასე იყო ყვარელშიც, გაიგო თუ არა, ეგზეკუცია მოახსენევინა ყვარელიდან, რომელიც რომელიღაც მეზატონეს მოუთხოვია. ყვარელსა და საგურამოში მისი მისვლა ხატის დანახვასავით იყო.

მაშ, რატომ უნდა შეშინებოდა თავისივე თანასოფლელები-სა? მაგრამ უკვე ხუთი წელია საგურამოში სოციალ-დემოკრატებს თავისი აქტივისტები ჰყავთ შეგზავნილი. სპეციალურად სწორედ იმ მხარეში მამასახლისად მათ დანიშნეს ვინმე ინაშვილი, ყველაფერი, რაც იქ ხდება ილიას წინააღმდეგ, იგეგმება თბილისში.

ეს ვანო ინაშვილი, 900-იან წლებში სწორედ სოციალ-დემოკრატებმა გაიყვანეს მამასახლისად. გაამწარა, გააუბედურა ხალხი. რას აღარ სჩადიოდა ეს ნადიაკვნარი კაცი, გაუშაპტიურებიდან დაწყებული, მექრთამეობით დამთავრებული. ბეჭედს ისე არ დაჰკრავდა, ფული არ გამოერთმია გლეხისათვის. ილიას შესჩივლეს მისი აკვაცობა და მანაც ეს ღვთისპირიდან გადავარდნილი ახალგაზრდა, თავის მეგობარს, მაზრის უფროსს ლევან ჯანდიერს კინისკვრით გააგდებინა მამასახლისობიდან.

ახლა ამ ინაშვილის დროა. წყალი ამღვრეულია და წითელრამელ ტერორისტად გადაქცეული ყოფილი მამასახლისი, რასაც უნდა იმას სჩადის.

ასეა მთელს საქართველოში. მოვუსმინოთ იოსებ იმედაშვილს: „მეფის მთავრობის მამასახლისები რევოლუციონურმა ხალხმა გადააყენა და ყველგან ახლები აირჩია, რომელთაგან უმეტესობა პირველ ხანებში მაინც უმენდლოდ მართავდა სოფელს და რევოლუციონური კომიტეტის განკარგულებას ემორჩილებოდნენ“

წარმოიდგინეთ, თუ მამასახლისები სხვაგანაც „რევოლუციონური კომიტეტის“ განკარგულებებს ემორჩილებოდნენ, რა მიძალეა იქნებოდა საგურამოზე. რა პროპაგანდა, რა აგიტაცია ილიას წინააღმდეგ, მაგრამ ჯერჯერობით მხოლოდ ის მოახერხეს, რომ მოსამსახურეები დააშინეს, ფეხი ამოაკვეთინეს ილიას მამულიდან. ხალხი არას ერჩის თავის სახელოვან მეზობელს, მაგრამ წითელრაზმელთა შიშით მის მამულში სამსახურს ვეღარ ბედავენ. ჯერ მხოლოდ ასეა საქმე.

ყველაფერი აქვთ. ფულიც, იარაღიც, პარტიული სტრუქტურებიც, შეიარაღებული რაზმიც. ჰყავთ უამრავი დაქირავებული ტერორისტი. მარტო ერთი ექსპროპრიაციის შედეგად, ამ 1905 წელს ყვირილაში (ზესტაფონში) ხაზინიდან 210 639 მანეთი წაიღეს. ვიმეორებ, მხოლოდ ერთი ძარცვის შედეგად. მთელი ეს მანქანა „მესამე დასისა“ ამოდრავდა ილიას საბოლოო გასანადგურებლად. აგიტატორები – ხალხში, ცილისმწამებლური პასკვილები – პრესაში. განსაკუთრებით გამწარდნენ იმ მოთხოვნის გამო, რაც ილიას თავგამოდების შედეგად 1905 წლის გაზაფხულზე თავადაზნაურობამ იმპერატორს გაუგზავნა. მიულოცეს ვაჟიშვილის შეძენა და შეახსენეს: ქვეყნის დამშვიდება შესაძლებელია თუ საკუთარი კანონებით მართვა გამგეობის უფლება გვექნებაო. ეს იყო ავტონომიის მოთხოვნა. ყველაზე მეტად რაც ამწარებდათ ქართველ სოციალ-დემოკრატებს, ეს სიტყვა ავტონომიის გაგონება იყო. უცნაური კია, არც ერთი ქვეყნის სოციალ-დემოკრატი არ უფრთხოდა საკუთარი სამშობლოს ავტონომიურ უფლებებს ისე, როგორც ქართველი სოციალ-დემოკრატების ბოლშევიკების ფრთა. არადა, ილიასათვის საქართველოს ავტონომიურად მონყობის საკითხი, თუ ადრე, ათწლეულების მანძილზე, იდუმალი განზრახვა იყო, ახლა სამოქმედო პროგრამად ქცეულა. ლასხიშვილი აღფრთოვანებული წერს, ილიამ გვითხრა, თუ იმპერატორს რამე მოთხოვნებს უყენებთ, თავადაზნაურობამ დროა ავტონომიის მოთხოვნა დააყენოსო. ილია ისევ მთელი დიდებულებით წარმოსდგა ჩვენს თვალშიო.

ის კი არა, სათავადაზნაურო გიმნაზიაში შეუვლია. ილიას მო-
ულოდნელ სტუმრობით გაოცებული დირექტორი შიო ჩიტაძე და
პედაგოგები კიდევ უფრო გაოცებულან მის სიტყვებზე.

შიოს თურმე პედაგოგების კრება ჰქონდა ერთ საკითხზე: გიმნა-
ზიას მართავდა გარეშე პირთაგან არჩეული კომიტეტი. დირექტო-
რი და პედაგოგები ითხოვდნენ, კომიტეტმა სამეურნეო საკითხებს
მიხედოს, სკოლის სასწავლო და შიდა საკითხებში კი ავტონომიას
მოვითხოვთო. ილიას გასცინებია, რა დროს პედაგოგების ავტო-
ნომიაა, ახლა ჩვენ საქართველოს ავტონომიის საკითხი უნდა და-
ვაყენოთო.

შემთხვევით არ არის, რომ ავტონომიის უარმყოფელი სოცი-
ალ-დემოკრატები სწორედ იმ დღეებში არნახული მძულვარებით
შეუტყვევენ ილიას.

მათ უკვე იციან, რომ ილიამ პარტია შექმნა – „ქართველ
ავტონომისტთა კონსტიტუციონალურ-დემოკრატიული პარ-
ტია.“ დოკუმენტი გაუგზავნეს თვით გრაფ ვიტტეს, იმპერიის
ახლადშექმნილი მინისტრთა კაბინეტის თავმჯდომარეს. ილია
თავად არ აპირებდა ამ პარტიის თავმჯდომარეობას, როცა
შესთავაზეს უარი თქვა და ახალგაზრდა ილია ზურაბიშვილი
აარჩევინა, მაგრამ პარტია, რომელიც ილიას მიმრქმელობით
გაჩნდებოდა, ილიას დიდი ავტორიტეტის გამო გახდებოდა
ყველა არაეროვნული ძალის მესაფლავე, ამიტომ „მესამე და-
სელებმა“ განიზრახეს პირდაპირი მნიშვნელობით გაეთხარათ
მისთვის საფლავი.

ჯერ ხალხის იდეური დამუშავება იყო საჭირო.

13 მარტს ჟურნალი „მოგზაური“ იწყებს ცილისმნამებლურ
კამპანიას ილიას წინააღმდეგ. იბეჭდება შალვა შარაშიძის (ფსევ-
დონიმი თავგუნა) წერილი – „იდუმალი ხმა“.

„სირცხვილი შენ, სირცხვილი! – ისტერიული შეძახილით იწყებს
ეს თავუნა, – ვისი დანერვილია მშვენიერი წიგნი, რომელსაც „გლა-
ხის ნაამბობი“ ქვია? ვისი მეთქი, გეკითხები. რატომ აწერე ისე ხე-
ლოვნურად „ბატონების სიმხეცე და ყმების გაჭირვება, თუ რამდე-
ნიმე ხნის შემდეგ შენს ნაწერებს შენვე უარყოფდი? ვინ გალექსა
ისე ლამაზათ ყაჩალი კაკოს ნაამბობი? ვინ მეთქი, გეკითხები? რა
იყო მიზეზი კაკოს გაყაჩაღებისა? ნუ თუ ყველა ეს დაგავინყდა? ეს
კიდევ იმას არ ნიშნავს, რომ „კაკოს“, „გაბროს“ და „თამროს“ და-
ვინყებოდეს ის, რაც შენ განზრახ დაგვინყებია. სირცხვილი შენ,
სირცხვილი!“

ერთი კვირის შემდეგ, ფილიპე მახარაძემ სხვა „თაგუნა“ შემო-
აგდო ასპარეზზე. როგორ ჩაგრავენ ილია და გივი სტაროსელსკი
გლეხებს, ის ამაზედ დაღვრის ნიანგის ცრემლებს.

სულ ცოტა ხანში, ანუ 10 აპრილს, ვიღაც ვ. ნ – ს ინიციალებს
ამოფარებული, იმავ „მოგზაურში“ დაბეჭდავს წერილს – „საგუ-
რამოს და ჭოპორტის საზოგადოება“. წერილსო, პირობითად ვამ-
ბობ, ეს არის უტიფარი კაცის ჭორების გროვა, თუ როგორი აჯა-
მი, გულქვა, სასტიკი და კაცთმოძულეა ილია ჭავჭავაძე. ავტორს
მოჰყავს „ცოცხალი მაგალითები“ თუ რა „ჩაუდენია“ გლეხთა გა-
სამწარებლად ილიას.

ამ მზაკვრობის მიზანი ერთადერთია, ან ვიღაცამ დაიფეროს,
რომ ეს ყველაფერი მართალია და რევოლუციის ხანაში სიცოცხ-
ლე მოუსწრაფონ პოეტს, ან ამდენი შეურაცხყოფის შემდეგ, თა-
ვად გაუსკდეს გული.

აშკარაა ეს ვ.ნ. ყველაფერზე ხელმომწერი არსებაა, მაგრამ
ილიასათვის კიდევ უფრო მძიმე იქნებოდა ის, რაც „ივერიამ“ გაა-
კეთა. გადმობეჭდა ყველაზე აღმაშფოთებელი ადგილები „მოგზა-
ურიდან“ და განაცხადა, ნუ თუ ეს ყველაფერი მართალია? „ნუ თუ
„გლახის ნაამბობის“ ავტორს მართლა ასეთი დამოკიდებულება
აქვს გლეხებთან? ჩვენ არ გვინდა ეს დავიჯეროთ და გვირჩევნია
ჯერ-ჯერობით იმედი ვიქონიოთ, რომ თვითონ თავადი ილია ხმას
ამოიღებს და კორესპონდენციის შინაარსის უსაფუძვლობას დაგ-
ვიმტკიცებს“. საკითხავია, ციტატები რომ არ გადმოებეჭდა „ივე-
რიის“ რედაქტორს საშინელი ცილისწამებებისა, ისე ვერ დასვამდა
კითხვას – ნუთუ „მოგზაურში“ გამოქვეყნებული მასალა მართა-
ლიაო?

წლების შემდეგ ფ. გოგიჩაიშვილი დანერს, თუ როგორ აღაშ-
ფოთა იგი „მოგზაურის“ კორესპონდენციამ, მაგრამ იმჟამად მის
მინაწერში არათუ თანაგრძნობა, არამედ მხოლოდ სიცივე ჩანს
ილიასადმი – „ჯერ-ჯერობით გვინდა იმედი ვიქონიოთ, რომ თვი-
თონ თავადი ილია ხმას ამოიღებს“. „უსაფუძვლობას დაგვიმტკი-
ცებს“.

ეს ფრაზა უფრო იმ კაცის დაწერილს ჰგავს, რომელსაც გლა-
დიატორის გამოყვანა უნდა არენაზე და გულგრილობას თავი და-
ვანებოთ, ქედმაღლური და უზრდელი დამოკიდებულებაც კია შიგ
ჩაქსოვილი.

თანაგრძნობის გამოსახატავად არ წერენ ასე – „ხმას ამოი-
ღებს“ ან „დაგვიმტკიცებს“.

ეს არაფერია იმასთან, რაც შემდეგ მოხდა. „ივერიის“ რედაქტორმა ილიას თავის ყოფილ გაზეთში წერილი არ დაუბეჭდა!...

მთლად უარითაც ვერ გამოისტუმრებდა, ამიტომ ხერხს მიმართა.

წერილი ცალკე მასალად ააწყო და დამატების სახით ჩადო გაზეთ „ივერიაში“. თან მიწინაწერიც გაუკეთა, ავტორის ზოგად მოსაზრებას რედაქცია არ იზიარებდა.

რას არ იზიარებდა ზოგადად ეს დალოცვილი? ილიას პასუხში საუბარია იმაზე, რომ ბრალდებას არგუმენტი უნდა ახლდეს, რომ პრესა დაქირავებული ქიღერის როლს არ უნდა ასრულებდეს, რომ გლეხს წყაროს წყლის აღებას მისი მამულიდან ვერ დაუშლიდა, რადგან იქ, საიდანაც თითქოს გლეხს წყალი მოჰქონდა, წყარო საერთოდ არ არსებობს.

რომ ავადმყოფი კაცისთვის ყინვიან ზამთარში კოკა თავზე არავის გადაუტეხია და გაციების შემდეგ გლეხი არ მომკვდარა, რომ გარდა იმისა, იქ წყარო არ ყოფილა, იმ ზამთარში არც არავინ გარდაცვლილა მამაკაცთაგანი საგურამოში.

რომ ილია, აივნიდან სახლის უკანა მხარეს რა ხდებოდა, ვერაფრით დაინახავდა, რადგან აივანი მის სახლს წინ, ანუ არავის მხარეს აქვს. რომ 40 თუმნიან ქურქში ჩაცმული ვერ იქნებოდა, რადგან არ ჰქონდა ასეთი ქურქი და ა. შ და ა. შ.

საინტერესოა, რას არ იზიარებდა ზოგადად რედაქცია?

კერძო საკუთრების დაცვის მომხრე რატომ ხარო?

ტიერორის ეპოქა იყო. ფილიპე გოგიჩაიშვილი შეაშინეს, ან თავად შეშინდა, ეს იყო და ეს.

ეს ის ფილიპეა, პეტრე უმიკაშვილმა, ილიას მეგობარმა რომ უანგაროდ ასწავლა საზღვარგარეთ. ცხადია, თავადაც განიცდიდა მას, როგორც მაშინ ილიას მოექცა, განიცდიდა მთელი ცხოვრება, მაგრამ თავის მართლებაც ვერ გამოუვიდა მაინცდამაინც დამაჯერებელი. ფაქტია, გმირობას ყველა ვერ სჩადის. ილიას დაცვა მაშინ გმირობა იყო. ერთი დეტალი: მღვდელებიც კი გურიიში ისე ჰყავდათ დაშინებულნი; ლოცვებში ღმერთის ადგილას სოციალ-დემოკრატია ჩაანაცვლეს. რა გასაკვირია, თუ საერო პირები დააშინეს.

მინდა მკითხველს შევთავაზო ორი დოკუმენტი, როგორც პირველი, ისე მეორე დოკუმენტი ეხება იმას, თუ რა ვითარებაში დაიბეჭდა ილიას პასუხი „ნუთუ?“ გაზეთ „ივერიაში“.

ორივე დოკუმენტის ავტორი არის სწორედ ფილიპე გოგიჩაიშვილი, — „ივერიის“ იმჟამინდელი რედაქტორი.

პირველ დოკუმენტს სამეცნიერო ლიტერატურაში ხშირად გამოიყენებენ, მეორეს კი რატომღაც გვერდს უვლიან. თუ ერთი ავტორის, გოგიჩაიშვილის ორ წერილს გვერდიგვერდ წავიკითხავთ, ბევრ რასმე აეხდება ფარდა.

სხვაობას ერთ თემაზე დაწერილ ორ წერილს შორის არავინ მიაქცია ყურადღება, არადა, ერთობ საინტერესოა ამ წერილების შედარება იმ მხრივ, თუ როგორ იქმნებოდა მითი კომუნისტების ეპოქაში ილიას მკვლელთა ორგანიზატორების შესახებ. უფრო სწორად, როგორ ცდილობდნენ ნამდვილი ორგანიზატორებისა და მკვლელების მიჩქმალვასა და ახალი ორგანიზატორის მოძებნას.

რა შუაშია აქ „ნუთუ?“ და მისი დაბეჭდვის ისტორია? გავეცნოთ ფილიპე გოგიჩაიშვილის ორ წერილს და პასუხს ამ კითხვაზე შემდეგ გაეცემა პასუხი.

ფილიპეს, რომელიც შესანიშნავი პუბლიცისტი და ილიას მოყვარული იყო, როგორც გითხარით, აწუხებდა ის, რაც 1905–ში, ილიას პასუხის დაბეჭდვის დროს დაემართა. გავიდა წლები და ეს ამბავი შეახსენეს კიდეც. 1913 წელს გრიგოლ დიასამიძემ და ია ეკალაძემ გაიხსენეს ისტორია იმისა, რომ ილია უკმაყოფილო იყო „ივერიის“ რედაქტორის საქციელით, რომელმაც ილიას პასუხი დამატების სახით დაბეჭდა, რომელმაც მინაწერი გაუკეთა – რედაქცია ზოგიერთ მოსაზრებას არ იზიარებსო და ა.შ. ნიკო კურდღელაშვილს კი საჯარო ბიბლიოთეკაში დაცულ „ივერიის“ ერთ-ერთ ცალზე მინაწერიც გაუკეთებია – ილიას პასუხი როგორც განცხადება ისე დაუბეჭდეს და ფული გადაახდევინესო. ასეთი მითქმამოთქმა როგორც ჩანს სულ იყო.

ყოველივე ამან გოგიჩაიშვილი შეაწუხა და 1913 წელს დაბეჭდა პასუხი „სახალხო გაზეთში“.

აღნიშნული წერილი განმეორებით დაისტამბა გაზეთ „ლიტერატურულ საქართველოში“ 1937 წლის 28 მაისს. წერილიდან განმეორებით დაბეჭდვის დროს ამოღებულია შესავალი ნაწილი. გასაგები მიზეზის გამო ამოღებულია ის ადგილი, სადაც ავტორი ფილიპე მახარაძეს და მის ლაშქარს აუგად მოიხსენიებს და დამატებულია ცნობა იმის შესახებ, თუ ვინ იყო კორესპონდენციის ავტორი ვ–ნ.

წერილის არსებითი შინაარსი არ არის შეცვლილი. ამასთან უნდა დავსძინო, 1938 წელს გამოვიდა პაატა გუგუშვილის წიგნი – „ილია ქავეჭავაძის მკვლელობა“.

ეს ნიგნი დაინერა ერთადერთი მიზნით. ილია ჭავჭავაძის მკვლე-
ლად არსებულ „წყაროებზე“ და მოგონებებზე დაყრდნობით ავ-
ტორს უნდა გამოეყვანა მეფის მთავრობა, კერძოდ, ჟანდარმერია.
უნდა ითქვას, რომ კომუნისტებმა ამ ვერსიაზე მუშაობა დაიწყეს
20-იანი წლებიდანვე. თავიდან შექმნეს კომისია არქივის მმართველის
რაჟდენ კალაძის ხელმძღვანელობით. ამ კომისიას მძიმე
ამოცანა ჰქონდა გადასაწყვეტი. მთელმა საქართველომ იცოდა,
რომ ილიას მკვლელობის ორგანიზატორები და შემსრულებლები
იყვნენ ბოლშევიკები. მკვლელობის უშუალო მონაწილეთაგან
ცოცხალი იყო ბერბიჭაშვილი, რომელიც სასამართლოს მიერ იყო
მკვლელად შერაცხილი, ისიც კომუნისტი იყო. იმჟამად მუხრანში
საბჭოს თავმჯდომარის მოადგილედ მუშაობდა. რაჟდენ კალაძის
კომისიას უნდა ემუშავა შემდეგი სქემით. ილია ნამდვილად მოკ-
ლეს ნითელრაზმელებმა, მაგრამ ვისი ბრძანება შეასრულეს მათ?
ნითელრაზმელთა ადგილობრივი მეთაურის, მაგრამ ვისგან მოდი-
ოდა ეს ბრძანება? ცხადია, სოციალისტების კომიტეტს უნდა ებ-
რძანებინა. აქ იწყებოდა ინტრიგა. კომისია მუშაობდა იმაზე, რომ
ნითელრაზმელთა მეთაურმა მიიღო ყალბი დოკუმენტი ბრძანებუ-
ლებისა, რომ ეს დოკუმენტი შეთხზა ჟანდარმერიამ, რომ ჟანდარ-
მერიამ ყალბი დოკუმენტით მოატყუა რამდენიმე კაცი და ვითომ
ბოლშევიკების ბრძანებით მოაკვლევინა ილია ჭავჭავაძე. რაჟდენ
კალაძე ამ გამოძიებას საკუთარი ინიციატივით არ აწარმოებდა, ის
ასრულებდა დავალებას, მაგრამ, როგორც ჩანს, მთლად პირნათ-
ლად ვერ შეასრულა შეკვეთა. ამ თუ სხვა მიზეზის გამო, იმჟამად
სოციალისტებმა თავის მიერ ჩადენილი დანაშაულის გამოძიება
შენწყვიტეს.

(ამ საკითხზე იხ. „მასალები ილია ჭავჭავაძის მკვლელობის შე-
სახებ“. პუბლიკაცია გურამ ვანიძისა. „ლიტერატურის მატინე“,
თბ., 1992 წ., გვ. 28).

ეს სქემა მთლად უნიჭოდ მოფიქრებული არ იყო. კომუნის-
ტები მკვლელს დასჯიდნენ, როგორც ჟანდარმერიის დავალების
შემსრულებელს და ასეთი მხოლოდ ერთი იყო დარჩენილი – ბერ-
ბიჭაშვილი და თავადაც სუფთად გამოვიდოდნენ საუკუნის დანა-
შაულიდან. სამართლიანობის აღდგენის მიზნით არ დავინდეთ სა-
კუთარი პარტიის წევრი, რომელიც ჟანდარმერიამ გააბრიყვა და
დიდი პოეტი მოაკვლევინაო. თუმცა მაშინ ეს არ ქნეს. არც არა-
ფერი აიძულებდათ ილიას მკვლელთა ლაქა ჩამოერეცხათ. ილია
მაშინ ჯერ კიდევ ხალხის მტრად ჰყავდათ შერაცხული. ის კი არა,

ილიას მკვლელობისთვის ჩამოხრჩობილთა გვარები რევოლუციის რაინდთა მოსახსენიებელ წიგნში იყო შეტანილი, ცოცხალი ბერ-ბიჭაშვილი კი პატივში გახლდათ. წერა-კითხვის უცოდინარ კაცს ეკავა თანამდებობები, ჰქონდა პერსონალური პენსია, იყო სხვადასხვა ფორუმების დელეგატი და რაც მთავარია, ყველგან ტრაბახობდა ამ მარჯვენით მოვკალ ილია ჭავჭავაძეო. კარგი, ეს ბნელი იყო და იქნებ არავინ უჯერებდა, მაგრამ 30-იან წლებში საქართველოს პრეზიდენტი ანუ მაშინდელი პრეზიდენტის თავმჯდომარე ფილიპე მახარაძე თავად დაუკვეთავს და შემდეგ ქება-დიდებას შეასხამს პატარა ბროშურას-„ბრძოლა კლასიკოსებისათვის“, რომელიც გამოიცა დიმიტრი ბენაშვილის, შალვა შავგულიძის, ფრიდონ ნაროუშვილის, პლატონ ქიქოძის ავტორობით. წიგნაკი გამოვიდა 1931 წელს. წიგნაკს ახლავს ფილიპე მახარაძის წინასიტყვა. საკმარისია თუნდაც ერთი წინადადების ამონერა: „ვინღა იყო ი. ჭავჭავაძე? ეს ხომ მთელმა ქვეყანამ იცის: რეაქციონერი და კონტრრევოლუციონერი.“ მაგრამ 30-იან წლებში, როცა საზღვარგარეთ მყოფმა სტალინის ბავშვობის მეგობარმა იოსებ ირემაშვილმა სტალინს დაადო ხელი, მერე უკვე დღის წესრიგში დადგა ილიას მკვლელების „აღმოჩენის“ საკითხი.

საკუთარ თავს ხომ არ მოიჭრიდნენ? ვიღაცისთვის უნდა მოექრათ თავი. ეს ვიღაცა იყო მეფის მთავრობა და ჟანდარმერია.

იმათ თავები უკვე დაჭრილი ჰქონდათ და ხმას ვერ ამოიღებდნენ. დანარჩენი ტექნიკის საკითხი იყო.

როგორც ჩანს, პაატა გუგუშვილი იღებს თავზე საშინელ ცოდვას, გააყალბოს ყველაფერი და ხსენებული სქემით დაწეროს წიგნი ილია ჭავჭავაძის მკვლელობის შესახებ.

რა კავშირშია ყოველივე ეს 1905 წელს ილიას მიერ დაწერილ „ნუთუ?“-სთან“, მისი დაბეჭდვის ისტორიასთან?

სწორედაც რომ კავშირშია.

პ. გუგუშვილის წიგნში 1938 წელს იბეჭდება ფილიპე გოგირაძის მოგონება „ნუთუ?“-ს დაბეჭდვის შესახებ.

მაშ ასე, ხელთ გვაქვს სამი წერილი ერთ თემაზე. პირველი, დაბეჭდილი 1913 წელს, მეორე – 1937 წელს და მესამე 1938 წელს.

გავცნოთ ჯერ მესამე წერილს რომელიც გუგუშვილის თქმით თითქოსდა ფ. გოგირაძის მოგონებას წარმოადგენს.

„1905-1906 წლებში ილიას წინააღმდეგ დაიწყო საშინელი კამპანია. „მოგზაურში“ დაიბეჭდა ილიას წინააღმდეგ წერილი. ილიამ დასწერა საპასუხო წერილი და გადმოცა „ივერიაში“ დასაბეჭ-

დათ. „ივერიის“ თანამშრომლებმა გაიგეს, რომ მიღებულია ილიას პასუხი, რომელიც „ივერიაში“ უნდა დაიბეჭდოს... რედაქციაში იყვნენ ბევრი თანამშრომლები, რომლებიც მოითხოვდნენ, რომ თუ ილიას პასუხი დაიბეჭდებოდა გაზეთში, მაშინათვე გაფიცვას მოვანყობთო.

ერთად-ერთი სასტიკი მონინალმდეგე იყო დიმიტრი ჯაში, რომელიც კატეგორიულად მოითხოვდა, რომ არ დამებეჭდა ილიას პასუხი. თუ მისი სურვილის წინააღმდეგ წერილი დაიბეჭდებოდა, მაშინ მე მემუქრებოდა ყველა მუშების საერთო გაფიცვით.

ვერ მოვახერხე ილიას პასუხის დაბეჭდვა „ივერიაში“... მივმართე სხვა საშუალებებს, რათა დამებეჭდა ილიას პასუხი. წერილი ავანყე ცალკე გვერდად და დამატების სახით ჩავდევი „ივერიაში“ და თანაც შენიშვნა გავუკეთე, რომ ავტორის ზოგად მოსაზრებას რედაქცია არ იზიარებს. აქვე უნდა აღვნიშნოთ, რომ ამით ილია გულმოსული დარჩა.

ეს შენიშვნა იმით იყო გამოწვეული, რომ შემენელებია ყურადღება ილიას მონინალმდეგეებისა. ამ შენიშვნას სხვა მნიშვნელობა არ ჰქონებია“ (ფ.გოგიჩაიშვილის მოგონება. ნგ-ში: პ.გუ-გუშვილი. ილია ჭავჭავაძის მკვლელობა. 1938. გვ.29).

ახლა პირველი წერილი ვნახოთ 1913-ში დაწერილი,
იმავე ფ.გოგიჩაიშვილისა.

ილია ჭავჭავაძის „ნუ თუ“?-ს დაბეჭდვის ამბავი
(წერილი რედაქციის მიმართ)

„თემის“ უკანასკნელ ნომერში (№118) დაბეჭდილია ბ-ნ გრ.დი-ასამიძისა და ია ეკალაძის-ცინცაძის წერილები, სადაც ავტორნი გაზ.„ივერიაში“ ილია ჭავჭავაძის წერილის დაბეჭდვის ამბავს მოუთხრობენ მკითხველ საზოგადოებას.

ბ-ნი გრ.დიასამიძე სწერს: „ფ.გოგიჩაიშვილის „ივერიაში“ დაიბეჭდა ცალკე დამატებად (ხაზგასმულია „თემში“) ილიას პასუხი სათაურით „ნუ თუ?“ ამ „უჩვეულო დამატებას... დართული ჰქონდა „ივერიის“ რედაქციის შენიშვნა“, რომლითაც ილია უკმაყოფილო იყო. ამბობდა, იმდენად ბუნდოვნად არის დაწერილი, თითქოს ეჭვს ჰბადებს ჩემ მიერ მოყვანილ ამბებისადმიო. ეს შენიშვნაც პირდაპირ ამტკიცებს, საზოგადოებრივი ატმოსფერო იმდენად წინააღმდეგი იყო ილიასი, რომ „ივერიაში“ კი ვერ გაჰბედა უშენიშვნოდ მისი პასუხის დასტამბვა.“

ბ-ნი ია ეკალაძე-ცინცაძე, თავის მხრით ამბობს: „ივერიელები“ როცა ილიას საპასუხო წერილი მიიღეს, „საგონებელს მიეცნენ. მაშინ ყველა „სოციალისტობდა“, დიდი განხეთქილება იყო ორ მოპირდაპირე დასს შორის და „ივერიელებიც“ ზედმეტ აყალმაყალს ერიდებოდნენ, რადგანაც ილიას წერილი აშენებულია წმინდა ეროვნულ და კერძო საკუთრების დროებით (ხაზგასმულია ბ-ნი ია ეკალაძისა) დაცვის საფუძველზე. მაგრამ მოჭირნახულე კაცისთვის რომ არ ეწყენინებინათ, გადასწყვიტეს „ნუ თუ?“ დაებეჭდათ „ივერიის“ ცალკე დამატებად. – იმ დროს მე მდივნად გახლდით განახლებულ „ივერიის“ რედაქციაში, რომელიც გამოდიოდა ფ.გოგინაიშვილის რედაქტორობით“.

ამგვარად, გაზ. „თემში“ მოთხრობილია, რომ

ა) „ფ.გოგინაიშვილის „ივერიაში“

ბ) ილიას პასუხი ცალკე დამატებად“, „უჩვეულო დამატებად“ იმიტომ დაიბეჭდა, რომ თვით წერილმა, „ეროვნულის საფუძვლისა“ და კერძო საკუთრების დაცვის“ გამო „საგონებელში“ ჩაადგო რედაქცია, რომელიც სულ უარის თქმას ვერ მოახერხებდა, მოჭირნახულე კაცისთვის წყენის მიუყენებლად;

გ) „ივერიაში“ ვერ გაჰბედა უშენიშვნოდ ილიას პასუხის დასტამბვა“ იმიტომ, რომ მაშინ „საზოგადოებრივი აზრი წინააღმდეგი იყო ილიასი“.

დ) რედაქციის შენიშვნით ილია უკმაყოფილო იყო, რადგან შენიშვნა „იმდენად ბუნდოვანად არის დანერილი, – უთქვამს ილიას, – რომ თითქო ეჭვს ჰბადებს ჩემ მიერ მოყვანილ ამბებისადმიო!;

ე) „ივერიის“ რედაქციაში ბევრს ლაპარაკობდნენ იმის შესახებ, რომ „ცნობის ფურცელში“ ილიას წერილი არ მიეღოთ“ დასაბეჭდად.

გთხოვთ, ბატონო რედაქტორო, ნება დამართოთ თქვენი გაზეთის საშუალებით ცოტაოდენი შესწორება შევიტანო აქ მოთხრობილ ამბავში.

ა) ახლა და წინადაც ჩვენს პრესაში ხშირად უხსენებიათ მაშინდელი „ივერია“ „ფ.გოგინაიშვილის „ივერიად“. გაზეთის ასე დაკავშირება მარტოდენ ჩემ სახელთან მე უსამართლობად მიმაჩნია, უსამართლობად იმ ხალხის მიმართ – და სხვათა შორის ბ-ნი ია ეკალაძისაც, – რომელიც მაშინ რედაქციაში მუშაობდა და გაზეთის წარმატებისთვის ცდილობდა. მე მზად ვარ ასეთი მოკუთვნება შევიფერო და ვიკისრო მხოლოდ მაშინ, როცა გაზეთის შეცდომებსა ან ყალბ აზრებზეა ლაპარაკი. მაგრამ თუ გაზეთს,

შეცდომებს გარდა, რაიმე ღირსებაც ჰქონდა, ან სრულებით არ ჰქონდა, მაგრამ ვინმეს ეჩვენება, რომ ჰქონდა, – იმ შემთხვევაში უსამართლობა იქნება ამ ნამდვილისა და მოჩვენებულის ღირსების მარტო ჩემთვის მოკუთვნება შევიფერო და მაღლი ან „მაღლი“, რომელშიაც ბევრ სხვას უდევს წილი, მარტო მე მივისაკუთრო. თუ რედაქციის განევას ვიგულისხმებთ, მაშინაც არ არის სამართლიანი გაზეთის მარტოდენ „ჩემად“ გამოცხადება. მართალია, მე გაზეთის რედაქტორი ვიყავი, მაგრამ ჩემთან მუშაობდა მაშინ ბ-ნი კ.თუმანიშვილი, რომელიც აგრეთვე მთავარ საქმეს ასრულებდა. არ ყოფილა შემთხვევა, რომ ჩვენ ორში ერთ-ერთის უნებურად და ორთავეს შეუთანხმებლად გაზეთში რამე წერილი დაბეჭდილიყოს. ვაცხადებ ამას იმიტომ რომ, ჯერ ერთი, სიტყვამ მოიტანა, და მეორეც, – ვერიდები, გაჩუმებამ სხვისი წილის მიმთვისებლად არ გამხადოს.

ბ) ილიას საპასუხო წერილის დაბეჭდვის ამბავი ასეთია. 10 აპრილს 1905წ. „მოგზაურში“ დაიბეჭდა ვილაც ვ.ნ.-ის წერილი, რომელშიაც ილია ჭავჭავაძის შესახებ საშინელი, გულის შემზარავი ამბები იყო მოთხრობილი. დღეს, შეიძლება ვინმემ სთქვას: „მოგზაური“ რა ყურადღების ღირსი იყო, მაგრამ ეს შენიშვნა არც მართალია და არც საგანს შეეხება. „მოგზაური“ ძალიან გავრცელებული იყო ქართველ მუშა ხალხში და დიდი გავლენაც ჰქონდა თავის წრის მკითხველებზე, ასე რომ, არ შეიძლება იმის თქმა, ვითომ „მოგზაური“ ყურადღების ღირსი არ ყოფილიყოს. თუნდაც რომ სხვაგვარად ვიფიქროთ და „მოგზაური“ ყურადღების ღირსად არ მივიჩნიოთ, ამ გაზეთში დაბეჭდილი ბრალდება მაინც ვერ ჩაითვლებოდა ყურადღების უღირსს საგნად, – ვერ ჩაითვლებოდა იმიტომ, თვით ილია ჭავჭავაძე იყო ყურადღების ღირსი. საშინელ ბრალს სდებდნენ არა ვიგინდარა ვინმეს, არამედ საქართველოს უდიდეს ადამიანს, და ამიტომ „მოგზაურის“ ბრალდება გაურკვეველი არ უნდა დარჩენილიყო. ასეთი იყო „ივერიის“ რედაქციის აზრი.

სამწუხაროდ, არც მე და არც სხვამ ვინმემ რედაქციაში ილიას მამულისა და გლეხებთან მისი დამოკიდებულების შესახებ არა ვიცოდით რა, რომ ბრალდების გარკვევა და პასუხის გაცემა შეგვძლებოდა. თუმცა გონებაც და გულიც შეუძლებლად რაცხდა, რომ „მოგზაურში“ მოთხრობილი ამბავი მართალი ყოფილიყო, მაგრამ ასეთი შინაგანი „გულის ხმა“ საპასუხოდ, რასაკვირველია, ვერაფერი საბუთი იქნებოდა მოპირდაპირესთან. ამიტომ გვინდოდა და

მოუთმენლად ველოდით, რომ ვინმეს, – გარემოების მცოდნეს, ან თვითონ ილიას – ხმა გაეცა და ბრალდება გაექარწყლებია.

გავიდა რამდენიმე დღე, მაგრამ არც ერთ გაზეთში არავისი პასუხი არ დაბეჭდილა. არც ილიას შემოუთვლია რამე. ეტყობოდა – ილია, რაიმე მოსაზრებით, არ სთვლიდა საჭიროდ პასუხის დანერას. ჩვენ კი ეს ფრიად საჭიროდ მიგვაჩნდა, რადგან „მოგზაურის“ ბრალდების გაბათილებას მასზე უკეთ აბა ვინლა დასწერდა. მაშინ „ივერიის“ რედაქციამ გადასწყვიტა, ილიასთვის შეკითხვით მიემართნა და ამით მისი პასუხი გამოენვია. არ ვიცი, – რადა, მაგრამ ვფიქრობდი კი, რომ ილია „ივერიის“ შეკითხვას პატივს დასდებდა და პასუხის დანერის საბაზად გაიხდიდა. ამიტომ „მოგზაურის“ ნერილის გამოსვლიდან 5 დღის შემდეგ, „ივერიამ“ დაბეჭდა „ბრალდების“ ნაწილი და ბოლოში თავის მხრით შემდეგი სიტყვები დაურთო: „ჩვენ არ გვინდა ეს დავიჯეროთ და გვირჩევნია ჯერ-ჯერობით იმედი ვიქონიოთ, რომ თვითონ თ-დი ილია ხმას ამოიღებს და კორესპონდენციის შინაარსის უსაფუძვლობას დაგვიმტკიცებს.“

მართლაც, „ივერიის“ მიმართვას ილიამ ყურადღება მიაქცია და მეორე დღეს (16 აპრილს) გამოგვიგზავნა მოკლე „ნერილი რედაქციის მიმართ“, რომელიც იმ დღესვე დავბეჭდეთ და გაზეთის პირველსავე (17 აპრილის) ნომერში მოვათავსეთ.

ამ ნერილში ილია, სხვათა შორის, სწერდა: „მანამ მე ავტორის გამტყუვნებისათვის ვრცელს დასაბუთებულს ნერილს მოგართმევდე „ივერია“-ში დასაბეჭდად, გთხოვთ ღონისძიება მომცეთ თქვენის გაზეთის შემწეობით გამოვაცხადო ჩემთა კეთილ-მყოფელთა სანუგეშოდ, რომ ყოველივე მოთხრობილი ჩემს შესახებ „მოგზაურში“ თავიდან ბოლომდე მტკნარი ტყუილია და განგებ სხვა და სხვა ელფერით შეღებილი. ამისი უტყუარი და უცილობელი საბუთები ზოგი ხელთა მაქვს, ზოგსაც გამოკითხვა და შემოწმება საჭირია და ამას დრო უნდა. – დასასრულ, ვალად ვრაცხ ჩემს თავს უგულითადესი მადლობა მოგახსენოთ, რომ არ დაგიჯეროთ იგი ამბები, საცა ხსენებული ავტორი „მოგზაურის“ შემწეობით ჩემდა შესარცხვენად ჰლაღადებს. იმედი მაქვს თავის დროზე დაგანახოთ, რომ თქვენს გულის თქმას და თქვენს წინად-გრძნობას ამ შემთხვევაშიც თქვენთვის არ უღალატნია და პრესსა ადამიანის სათელავად არ გაგიხდიათ განუკითხველად“.

რახან ეს ქება ამოვწერე, სიმართლე მოითხოვს ისიც აღვნიშნო, რომ თვით ვრცელსა და დასაბუთებულს საპასუხო ნერილში, რომელსაც ილია აქ ჰპირდება თავის კეთილმყოფელთ და რომელიც

თავის დროზე დაიბეჭდა „ივერიაში“, ილია, მადლობასთან ერთად, გაკვრით უკმაყოფილებასაც უცხადებს „ივერიას“. „თუმცა ის ამბავი, სწერს იგი, – რომ „ივერიამ“ ეს კორესპონდენცია მთლად გადმო-ბეჭდა და ამით ხელი მოუმართა ავტორს გავერცელებინა საძაგელი მოთხრობა, თავის თავადაც, ასე თუ ისე, იკბინება, მაგრამ, მე მაინც მადლობელი დავურჩი „ივერიის“ რედაქციას. რაც გინდა იყოს, ზემო აღნიშნული დოსტალური პირდაპირ გვანიშნებს, რომ „ივერია“ სიფრთხილით და წინდახედულად მოქცეულა“ და სხვ.

ილია შეუდგა პასუხის წერას, რომლის დასრულება დაუგვიან-და იმის გამო, რომ, როგორც თვითონ ამბობს პირველ წერილში, ზოგი რამ ცნობა უნდა გამოეკითხნა და ამას დრო სჭიროდა. ხელ-ნაწერი რომ გამომიგზავნა, მოითხოვა ა) მის ნაწერში რედაქციას არავითარი ცვლილება არ მოეხდინა და ბ) კორექტურის ფურც-ლები უეჭველად მისთვის გამეგზავნა გასაშინჯად, რასაკვირვე-ლია, ორსავე მოთხოვნაზე თანახმა გაუხსდი. მის წერილში ნაშუა-ლე მხოლოდ სამი სიტყვა, – ერთი პატივცემული პირის სახელი და გვარი, ერთიც მოწინააღმდეგის მიმართ მკვახე სიტყვა, რომელიც გაჯავრებულ ილიას კალმიდან მოსხლეტოდა და მის კალამს კი არ შეეფერებოდა, და ორს ადგილას მძიმე ნიშანი ჩავსვი, რომელიც ავტორს გამორჩენოდა. ამ სამი სიტყვის ნაშლა ილიამ იწყინა. რა ნახა კორექტურაში, რომ ის სიტყვები ამოშლილი იყო, შემომითვა-ლა: წერილს თქვენთან აღარ ვბეჭდავო.

მაშინვე წავედი ბანკში მასთან ამბის გასაგებად და სათხოვნელად, რომ კორექტურის ფურცელი დაებრუნებინა. გამომიცხადა: ჩემი წე-რილი, წინააღმდეგ პირობისა, გაგისწორებია და ამიტომ თქვენთან აღარ ვბეჭდავო, – ან სხვაგან დავბეჭდავ, ან ცალკე წიგნად გამოვცე-მო. როცა ვკითხე, სად არის გასწორებული მეთქი, მიმითითა ამოშ-ლილ სიტყვებზე. მაშინ მე წარვეუდგინე ჩემი მოსაზრება და ვუმტკი-ცებდი, რომ იმ პატივცემული პირის სახელისა და გვარის აღნიშვნა ამ შემთხვევაში ზედმეტი იყო და რომ მოსწრებული, მაგრამ თანაც მკვახე სიტყვა, რომელიც მან გაჯავრებულ გულზე დასწერა, მის სა-ხელსა და ავტორიტეტს არ შეეფერებოდა. კამათმა ნახევარ საათამ-დე გასტანა. ბოლოს ილია ჩაფიქრდა და რამდენიმე წამს შემდეგ გა-მომიცხადა თანახმა ვარო და გაშინჯული კორექტურის ფურცელიც („ნუ თუ?“-ს დასაწყისი, პირველი თავი) გადმომცა.

ამგვარად, მისი ნებართვა მივიღე, მაგრამ საჭირო იყო კიდევ შეთანხმება, თუ როგორ უნდა დაგვებეჭდა წერილი. ილიამ მო-ითხოვა, რომ პასუხი გაზეთში იმ ადგილას დამებეჭდა, სადაც

„მოგზაური“-დან ამოღებული ბრალდება იყო დაბეჭდილი. მე ეს აზრი არ მომწონდა, რადგან ილიას პასუხი ძალიან დიდი იყო, იმ ადგილას რომ გვებეჭდა, ბევრ ნომერში უნდა გადაგვეტანა გაგრძელება და ამით მისი პასუხი ბევრჯელ უნდა განყვეტილიყო და შთაბეჭდილება დაეკარგებოდა. მე წინადადება მივეცი, წერილი დიდ ფელეტონებად გაგვეშვა გაზეთში, – მაშინ ოთხ ნომერში დაეტეოდა, – ანდა გაზეთის მეოთხე გვერდზე დაგვეწყოს და მთელი წერილი დამატებად მიგვეყოლებინა გაზეთისათვის. ფელეტონებად დაბეჭდვაზე ილიამ გადაჭრილი უარი სთქვა, „პრესის“ ადგილას ბეჭდვა მასაც აღარ მოეწონა, რადგან წერილი ძალიან დაიკუნებოდა, და ამიტომ არჩია ისევე ერთად დაბეჭდილიყო.

მეც ასე მოვიქეცი. მხოლოდ გაზეთის მეოთხე გვერდზე დაწყება ილიას წერილისა და დანარჩენის გადატანა „დამატება“-ში ტექნიკურად არ მოხერხდა. სტამბაში მარტო ერთი მანქანა გვექონდა და სალამოს, ჩვეულებრივ, გაზეთის შედგენის შემდეგ, მ გვერდის დაბეჭდვა („დამატება“-ც გაზეთის ოდენა იყო) ერთ მანქანაზე ვერ მოესწრებოდა, მუშებთანაც ძნელი იყო შეთანხმება ღამით მომატებული მუშაობის შესახებ, მით უფრო, რომ უნდა დაბეჭდილიყო იმ ილიას წერილი, რომელსაც მათნი „მასწავლებელი“ ხალხის მყვლეფელსა და მტერს ეძახდნენ. ამიტომ ილიას წერილი მთელს დამატებად წინა დღეს დავბეჭდეთ და ასე მომზადებული მეორე დღის (5 მაისის) გაზეთის ნომერთან შევაერთეთ და გამოვეცით.

ეს გახლავთ, მოკლედ, ილიას „ნუ თუ?“-ს დაბეჭდვის ამბავი. აქედან მკითხველი ხედავს, თუ რა მიზეზით დავბეჭდეთ ეს წერილი „უჩვეულო დამატებად“, ან მინდოდა თუ არა ილიასთვის უარის თქმა წერილის დაბეჭდვაზე. ილია „ივერიამ“ გამოიწვია საპასუხოდ, – თვითონ ილიასაც ხშირად უთქვამს ნაცნობებისთვის (მაგალ., დავ. სარაჯიშვილთან), რომ მე „მოგზაურს“ პასუხს არ გავსცემდი, „ივერიას“ რომ შეკითხვით არ მოემართნაო, – და ამის შემდეგ რედაქციას აბა როგორ უნდა ჰქონოდა სურვილი, საპასუხოდ გამოწვეულ კაცისთვის – და ისიც როგორი კაცისთვის? – უარი ეთქვა. უამისოდ აბა რა აზრი უნდა ჰქონებოდა ჩემს მისვლას გამწყრალ ილიასთან და თხოვნას, რომ გული მოეღობო და შემოთვლილი უარი გადაეთქვა. პიჯ-იქით, „ივერიამ“ იმ აზრით გამოიწვია ილიას პასუხი, რომ იგი კიდევ დაებეჭდა.

ბ-ნი ია ეკალაძის ნათქვამი: „ივერიელი საგონებელს მიეცნენო“, მართალი და სწორეა, აი, რა მხრით. იმ დროში ფ. მახარაძის

ლაშქარმა მემამულის ილია ჭავჭავაძის წინააღმდეგ საშინელი ატ-
მოსფერა შექქმნა. იმდენ საშინელებას აბრალებდნენ ილიას, რომ
ზოგიერთ მის მეგობრებსაც ცოტათი გულში ეჭვი ებადებოდათ და
ამბობდნენ: ვაი, თუ მესადიც მართალია, რასაც სწერენ და ამბო-
ბენო. ბევრნიც – ასე ვთქვათ, შეხურებით გარადიკალებული ხალ-
ხი – უფრო „ბრალდების“ შთაბეჭდილებას ემორჩილებოდნენ. იმ
ხანებში არა ერთსა და ორს ინტელიგენტს, – „ჟურნალისტს“ თუ
არა ჟურნალისტს, უთქვამს ჩემთვის: „რას შვრები, ნუ თუ ილიას
პასუხის დაბეჭდვას აპირობ? რას სჩადიო“? მაგრამ ღმერთმა მიბ-
რალა, იმ საერთო გაგიჟების ხანაში მეცა და ჩემს მაშინდელ ამხა-
ნაგებს ცოტა ჭკუა-გონება შეგვანარჩუნა და პირველ გადანყვე-
ტილებაზე ბოლომდე გაგვაჩერა, რომ „მოგზაურის“ ბრალდებაზე
ილიას პასუხი საჭირო იყო და რომ ეს პასუხი აუცილებლად უნდა
დაბეჭდილიყო გაზეთში.

ილიას პასუხის დაბეჭდვის შემდეგ, მეორე თუ მესამე დღეს,
ჩემთან რედაქციაში შემოვიდა ვილაც უცნობი, – როგორც გამო-
ირკვა, ფ.მახარაძის „ჯარის-კაცი“, – და მითხრა: ილიას პასუხის
„პასუხი“ უნდა დამიბეჭდოვო. მე ცივი და მკვახე უარი ვუთხარი,
რაზედაც უცნობი შემომწყრა, „презренный буржуа“-ო, მომადახა
და „მოგზაურისკენ“ გაეშურა...

გ) „ივერიის“ რედაქციამ „ნუ თუ“-ს პატარა შენიშვნა გაუქე-
თა, სადაც ნათქვამი იყო, რომ „ზოგი ერთ საზოგადო მოსაზრება-
ში პატივცემულ ავტორს ვერ დავეთანხმებით“. ილიას წერილში
მართლა იყო რამდენიმე ადგილი, მაგალითად კლასობრივი უთან-
ხმოების შესახებ, სადაც – გაკვრით – გატარებულია ისეთი საზო-
გადოებრივი ხასიათის მოსაზრება, რომელშიაც ავტორს რედაქცია
ვერ დავეთანხმებოდა. და რედაქციის შენიშვნაც სწორედ ამ ორიო-
დე საზოგადო ადგილს შეეხებოდა და არა ილიას მიერ ბრალდების
„ფაქტების“ დარღვევას. შენიშვნაც სწორედ ამით იყო გამოწვეუ-
ლი და არა იმით, რომ ვითომ რედაქციამ წერილის დაბეჭდვა უშე-
ნიშვნოდ „ვერ გაჰბედა“, რადგან მაშინ საზოგადოებრივი აზრი წი-
ნააღმდეგი იყო ილიასი.“

დ) ბ-ნი გრ.დიასამიძე ამბობს, რომ ილია უკმაყოფილო იყო
„ივერიის“ შენიშვნით. ეს რასაკვირველია, შესაძლებელია. მხო-
ლოდ მიკვირს, რომ ეს შენიშვნა ილიას ისე მიუღია, „თითქო ეჭვს
ბადებს მის მიერ მოყვანილ ამბებისადმი“. 1905 წელში მე ხშირად
ვხვდებოდი ილია ჭავჭავაძეს. დავ. სარაჯიშვილთანაც, რომლის
ხშირი სტუმარი იყო ილია ხშირად დავდიოდი. მუდამ ვხედავდი ავ-

რეთვე მაშინ და შემდეგაც ნიკო ცხვედაძეს, იაკობ გოგებაშვილს, რომელნიც ილიას ხშირად ხვდებოდნენ. არც ილიასაგან, არც ამ პირთაგან არასდროს არ გამიგონია, რომ „ივერიის“ შენიშვნა ილიას იმ აზრით გაეგოს, როგორც ბ-ნი გრ.დიასამიძე ამ შემთხვევაში სხვის ნათქვამს ეყრდნობა და არა ილიასგან თავის ყურით გაგონილს.

ე) მე არ ვიცი დანამდვილებით, როგორ და საიდან გავრცელდა ის ხმა, რომ ილიამ „ცნობის ფურცელს“ მიჰმართა, მაგრამ იქ წერილის დაბეჭდვაზე უარი უთხრესო. მგონია, რომ ილიამ პირველად „ივერიას“ გამოუგზავნა „ნუ თუ?“ და არა „ცნობის ფურცელს“. გარდა იმისა, რომ იგი საპასუხოდ „ივერიის“ შეკითხვამ გამოიწვია და პასუხიც – ასე ვთქვათ – ბუნებრივად ამ გაზეთს ეკუთვნოდა, ილია თავის პირველ წერილში ამბობს: მალე ვრცელს დასაბუთებულს პასუხს გამოგიგზავნით „ივერიაში“ დასაბეჭდადო. მას საბაბი არ ჰქონდა „ცნობის ფურცლისთვის“ მიემართნა, ვიდრე არ შემომწყრებოდა იმ სამი სიტყვის ნაშლის გამო, რაზედაც ზევით მოგახსენეთ. შესაძლებელია, „ცნობის ფურცლისათვის“ მას მაშინ მიემართნოს, როცა მე შემომითვალა, – გაჯავრებულმა, – „ივერიაში“ აღარ დავბეჭდავო. მართალია, მე მაშინვე გავეშურე მასთან უკმაყოფილების გამოსარკვევად, მაგრამ ორი-სამი საათი მაინც დამაგვიანდა, ვიდრე მას ვნახავდი. და შეიძლება, მან ამ ხნის განმავლობაში იკითხა „ცნობის ფურცელში“. მაგრამ ეს არის მართო ჰიპოთეზა და არა სინამდვილე, მით უფრო, რომ ბ-ნი გიორგი ლასხიშვილი აცხადებს: არ მახსოვს, ილია ჭავჭავაძეს ეს წერილი „ცნობის ფურცელში“ დასაბეჭდად მოეტანოსო. ამ სადავო საგნის თაობაზე მე შევეკითხე ბ-ნ კ.თუმანიშვილს, მაგრამ ამასაც არაფერი ახსოვს გარკვევით და დანამდვილებით.

ფ.გოგიჩაიშვილი.

P.S. ვთხოვ ბ-ნ თუმანიშვილს, თუ ამ წერილში თავის მხრით შესასწორებელს არას ჰპოვებს, დაადასტუროს: წერილის ბოლოს თავისი სახელიც დაურთოს.

ფ.გ.

კ.თუმანიშვილი

ჩემი ამოცანა არ არის გავაკეთო ამ წერილის კომენტარები, რამდენად დამაჯერებლად იმართლებს ავტორი თავს და ა.შ. ფაქ-

ტია, ილია ნაწყენი დარჩა და არცთუ უსაფუძვლოდ. (მარტო ის რად ღირს, რომ „ნუთუს?“ „მოგზაურიდან“ თავდასხმები მოჰყვა, „ივერიას“ კი მათთვის აღარ უპასუხებია, მაინცდამაინც ილიას უნდა დაეცვა თავი)?! ჩემი ამოცანა იმ ორი წერილის შედარებაა, რომელნიც ზემოთ შემოგთავზეთ. მიაქციეთ ყურადღება 1913 წელს დაწერილ წერილში არსად ჯაშის ხსენება არ არის. დიმიტრი ჯაშის ხსენება არ არის არც ამ წერილის 1937 წლის განმეორებითი, რედაქტირებული პუბლიკაციის დროს.

პ. გუგუშვილის წიგნში კი ავტორი სულ სხვა ვერსიას გვთავაზობს. როგორ დაემუქრა ჯაში მუშების გაფიცვით, თუკი ილიას პასუხს დაბეჭდავდა.

გოგიჩაიშვილი 1913 წელს არ მოერიდა ბოლშევიკთა ბელადის, ფილიპე მახარაძის ხსენებას და შეეშინდა ბოგანო ჯაშის? ან ია ეკალაძე რატომ არ ახსენებს ამ ჯაშს, ეკალაძეს ხომ 1905-ში „ივერიის“ უმუშავია? არ იცოდა რომ ის მუშათა გაფიცვით იმუქრებოდა? ან ასოთამწყობს საიდან ჰქონდა ამდენი ძალაუფლება, რედაქტორს რომ ემუქრება?

ვინ არის ამ დროისათვის, 1905 წელს დიმიტრი ჯაში? 20-21 წლის ასოთამწყობი თუ უკვე კორექტორი... საიდან მოხვდა „ივერიის“ რედაქციაში? 15 წლის ასაკში ის თბილისში ჩამოვიდა გურიიდან. ილიას დას, ელისაბედს ჰყავდა მოურავი, მიხეილ ჩიკვაიძე, ილიას სტუდენტობის ამხანაგი. 15 წლის ჯაში ახლობლობს ჩიკვაიძესთან და მისი მეშვეობით ილიას დასთან. ილიამ მას 15 წლის ასაკში დააწყებინა მუშაობა „ივერიაში“ ასოთამწყობად. „მამას გაეპარა 15 წლის დიმიტრი სოფლიდან, შევიდა ილიასთან 1899 წელს რედაქციაში და მისი ლექსი უთხრა: „ტყემ მოისხა ფოთოლი“ და სხვა. იგონებს ჯაშის მეუღლე დარია კოპლატაძე-ჯაში(ეს მოგონებები ხელნაწერში წასაკითხად გადმომცა ილია ჭავჭავაძის საგურამოს სახლ-მუზეუმის დირექტორმა, ბ-ნმა ანდრო ბედუკაძემ, რისთვისაც მადლობას ვწირავ).

ჯერ ნურაფერს ვიტყვით, რა როლი ჰქონდა ჯაშს 1907 წელს ილიას მკვლელობაში, მაგრამ მოვლენებს ისე უნდა მივყვეთ, როგორც ხდებოდა. შეუძლებელია 15 წლიდან ილიას ოჯახში შინაურად მიღებულ ბიჭს ილიას წერილის დაბეჭდვა-არ დაბეჭდვაზე ამხელა ამბავი აეტეხა. თუ ასე მოხდა, შეუძლებელია გოგიჩაიშვილს თუ არა, (ის საზღვარგარეთ იყო 1907 წელს წასული) სხვა ვინმეს ილიასთვის ის მაინც არ ეთქვა, ეგ ბიჭი შენი მტერია და მოურავად რატომ მიგყავსო. დაბოლოს, შეუძლებელია თავის ვრცელ წერილ-

ში 1913 წელს, გოგიჩაიშვილს ეს ფაქტი გამორჩენოდა, არადა, რაც „არ ახსოვდა“ 1913 წელს, „გაახსენდა“ 1938-ში. მაგრამ ხომ შეიძლება გოგიჩაიშვილი გუგუშვილის წიგნში დაბეჭდილ მოგონებაში ამბობდეს მართალს და არა 1913 წელს დაბეჭდილ წერილში? შეუძლებელია, იმიტომ, რომ ზემოხსენებული არგუმენტების გარდა არსებობს მთავარი არგუმენტი: 1908 წელს დიმიტრი ჯაშმა გაზეთ „სავაჭრო გზაში“ გამოაქვეყნა წერილი ილია ჭავჭავაძეზე, სადაც წერს: „ეხლა ორიოდე სიტყვა „მოგზაურის“ იხტიბარ გატეხილ კორესპონდენტებზე, რომელიც საგურამოდან იყო გამოგზავნილი (1905 წ.) და რომელზედაც ხელს აწერდა ვილაც ვაჟბატონი ვ.ნ. ამ კორესპონდენტებზე დაემყარა ბ-ნი ფილიპე მახარაძე და იმავე „მოგზაურში“ ჯვაროსნული ომი გამოუცხადა ილია ჭავჭავაძეს, რომელზედაც რაინდმა პუბლიცისტმა გაბედა და საქვეყნოდ დაწერა ილია ჭავჭავაძე მთავრობის ოფიციალური ჯაშუშიაო! მართლი იყო ყველა ეს? სინამდვილეს იწერებოდა ვითომდა საგურამოელი კორესპონდენტი? მართალს ამბობდა ბატონი ფილიპე მახარაძე? სანახევროდ და სამეათედოდ მაინც მართალი იყო კორესპონდენტებში მოთხრობილი „ფაქტები“?... არავის არ მოვერიდებით და საქვეყნოდ ვიტყვით, რომ „მოგზაურის“ კორესპონდენტისაგან აღნიშნული „ფაქტები“-უსირცხვილო ცილისწამება იყო და სხვა არაფერი. და რომ ეს ასეა, ამას ქვევით დაწვრილებით დაინახავს პატივცემული მკითხველი“. ვიმეორებ, ამას ჯაშმა წერს 1908 წელს. ცოცხალნი არიან მახარაძეც, გოგიჩაიშვილიც, „ივერიის“ თანამშრომლებიც. ცოცხალი ილია არაფრად ჩააგდო, გაფიცვას აწყობდა-მაგის წერილი არ დაბეჭდოთო და ახლა, როცა ილია აღარ არის, ილიას გამო ბრძოლა გამოუცხადა მახარაძეს, ვ.ნ.-ს? თან არავინ გამოეპასუხება, არავინ ეტყვის, შენ არ იყავი, გაფიცვით რომ იმუქრებოდით? ამ წერილში მახარაძის გარდა ილიას მკვლელებსაც ლანძღავს, მაშინ, როცა სამი მკვლელი ჯერ კიდევ გარეთ არის... სად არის ლოგიკა? ლოგიკა იმაშია, რომ 1938 წელს გოგიჩაიშვილი და გუგუშვილი, მასწავლებელი და მისი ყოფილი სტუდენტი ასრულებენ კომუნისტების დავალებას და წერენ ტყუილებს (შესაძლოა გოგიჩაიშვილი მსხვერპლია და არც არავინ ჰკითხა, ისე დააფიქსირეს „მისი აზრი“). რისთვის სჭირდებათ უკვე მიცვალებული ჯაშმის ილიას მტრად გამოყვანა? უანდარმერიაზე ხომ უნდა გავიდნენ. ჯაშმა კი ერთადერთი მაშველი რგოლია, თუმცა ამ მხრივაც ყველაფერი თეთრი ძაფით კერეს, რასაც ქვემოთ დავინახავთ.

მაშ ასე, დაიდო დოკუმენტი, თურმე ჯაში ილიას სიძულვილით ილიას წერილის არ დაბეჭდვას მოითხოვდა (წინა წელს რომ ილიას დასაცავი წერილი ჰქონდა დაბეჭდილი, ეს არავის ახსენდება). კეთილი და პატიოსანი, მაგრამ დავაფიქსიროთ, რომ ეს დოკუმენტი იდება მხოლოდ 1938 წელს, მანამდე არც ერთ მკვლევარს არ უხსენებია არც ჯაშის მუქარა და არც მისი ასოთამწყობად მუშაობის ამბავი.

ილიას პასუხმა „მოგზაურის“ ბანაკი ააყაყანა. ზედი-ზედ ბეჭდავენ მორიგ პასკვილებს. ფილიპე მახარაძე დაწერს: „თავად ილია ჭავჭავაძეს ჩვენ აქამდისაც ვიცნობდით, თუ რა „კაცური კაცი“ ბრძანდება ის, რას ემსახურება, რა შეადგენს მის სულისკვეთების საგანს, მაგრამ არც ერთ თავის ნაწარმოებში მას არ დაუნახვებია საზოგადოებისათვის თავისი შინაგანი „მე“ ისე, როგორც „ივერის“ №68-ში დაბეჭდილ წერილში“.

„მოგზაურში“ ილიას საპასუხოდ ასევე გამოშტრიკინდება ეს ვილაც ვ.ნ.

ახლა კი დროა ამ ვ.ნ.-ს ვინაობისა და სასაცილოდ გალახვის შესახებ გაიმბოთ.

ინიციალებს ამოფარების გამო ილია „ნუთუში“ წერდა: „ბატონი ავტორი თავის სახელსა და გვარს ჰმალავს და ამოფარებია ორს ასოს: „ვ.ნ.“ მე არ ვიცი ვინ არის ავტორი და არც მინდა ვიცოდე, რადგანაც „ნაყოფი ხისაგან და ხე ნაყოფისაგან საცნაურ არს. ხოლო სახელისა და გვარის დამალვა იმისთანა საქმეში, საცა კაცი კაცს სამარცხვინო საქციელს, ავკაცობას, ავზნეობას სწამებს, საცა ჩირქსა სცხებს ადამიანის პატიოსნებას, სინდისს, ადამიანურ ღირსებას. ერთი სიტყვით, ყოველსა იმას, რაც ადამიანის უძვირფასესს შეადგენს, ვერაფერი მოქალაქობრივი ვაჟ-კაცობაა და ქურდულად უკანიდან მოპარვით ისრის ტყორცნას გავს“. ეს ყველაფერი მართალია, მაგრამ არც მისი სრული სახელი და გვარი ეტყვის მკითხველს იმაზე მეტს, რასაც მისი ინიციალები გამოხატავენ. ეს კაცი გახლდათ ცალკე პოლიციის აგენტი და ცალკე სოციალისტების აქტივისტი, წერა-კითხვის მცირე-მცოდნე, მედუქნე ვასო ნაცვლიშვილი. ილია რომ მოჰკლეს ამ ნაცვლიშვილთან ჟურნალ „მოგზაურს“ ვერავინ ახსენებდა. შეშინებული აფახულებდა თვალებს, არ გაიგონ ჩემი ვინაობა

და არ ჩამქოლონო, მაგრამ კომუნისტების დროში უკვე ამაყად აცხადებდა, მე ვარო ის კაცი...

ბრწყინვალე მოგონება დაგვიტოვა იასე ცინცაძემ. კომუნისტების დროში ნაცვლიშვილი უნახავს. თუმცა თავად ამ საინტერესო ჩანაწერს გავეცნოთ:

„1925 წელს უნივერსიტეტში სავალდებულო საგნების ჩაბარების შემდეგ, საქართველოს ცენტრალურ არქივში მიმიღეს თანამშრომლად. ამ წელს და შემდეგაც (1932 წლამდე) ამ სამეცნიერო დაწესებულებაში ვის არ ნახავდით თანამშრომლად-კავკასიის მეფის ნაცვლის კანცელარიის ყოფ. დირექტორს, სახაზინო პალატის ყოფ. თავმჯდომარეს, ყოფ. მოსმართლებს, ყოფ. გენერალს და ოფიცრებს, უანდარმერიის ოფიციალურსა და საიდუმლო თანამშრომლებს, საპყრობილეთა უფროსებს, ყოფ. ბოქაულსა და სხვა. ვინ იცის რამდენი საინტერესო საბუთი მოსპეს ცენტრარქივის თანამშრომელთა ამ ძველი სამყაროს წარმომადგენლებმა წლების განმავლობაში უკონტროლოდ „დიასახლისობის“ შედეგად. ცენტრარქივის თანამშრომელთა ამ კოლექტივში იყო ვასილ დავითის ძე ნაცვლიშვილი. იგი თითქოს არაფრით ყურადღებას არ იქცევდა. მხოლოდ უკმაყოფილო იყო თავისი ბედის, თითქოს თავისი ახალგაზრდობა ბედნიერ მომავლისათვის ბრძოლას შესწირა და ახლა არქივის მტვერში უნდა ამოხდეს სული. იგი დაბალ თანამდებობაზე იყო იქ.“

ჩემს შეკითხვაზე-თუ წინად სად მსახურობდა და რა საქმიანობას ეწეოდა, მრავალმეტყველად ამოიოხრებდა-„მუშა ვიყავ და მუშად მოვკვდები, ჩემისთანებისათვის ჯერ არ გათენებულაო...“ ერთხელაც, საუბრის დროს ასე მეუბნებოდა: „ჩვენ დროს სხვაგვარად ვემსახურებოდით ქვეყანას, ჩვენ ჩინოვნიკობა სამარცხვინოდ მიგვაჩნდა. ახლა ასეთი წარსულის მქონე ადამიანების დაფასება არ არისო.“

განათლება მას დაბალი ჰქონდა. მახსოვს, როცა ცენტრარქივის თანამშრომელთა პირადი საქმეების წესრიგში მოსაყვანად კომისია გამოიყო, ვასილ ნაცვლიშვილის განათლების მოწმობა, ბოდბისხევის ოთხწლიანი სასწავლებლის დამთავრების შესახებ, საეჭვოდ იქნა მიჩნეული, რადგანაც ნაცვლიშვილის სახელი და გვარი გადაფხევილ სტრიქონზე იყო ჩანერილი.

ნაცვლიშვილი 1870 წელს დაბადებულია იანვარში, ამჟამად იგი გარდაცვლილია. მეუღლე და შვილები თბილისში ცხოვრობენ. წელს (1956წ.) ნოემბრის ბოლოს დოც. ს. ცქიტიშვილის

თანხლებით ნაცვლიშვილის მეუღლე ვინახულე გარდაცვალების თარიღის დასადგენად, მაგრამ უშედეგოდ, მეუღლემ, არ მახსოვსო გვიპასუხა, ეტყობოდა, ჩვენი მისვლა სასიამოვნოდ არ დაურჩა.

რუსულ ენაზე საუბარი და წერა მას შეეძლო, მაგრამ ჩვეულებრივ იგი ქართულად ლაპარაკობდა, თავს ქიზიყელად გვაცნობდა.

დაახლოებით 1927-28 წლებში ცენტრარქივში კოლეგიის წევრად დაინიშნა ცნობილი ქართველი მოღვაწე რაჟდენ კალაძე. მას, თუ არ ვცდები, მესამე დასის ისტორიის დანერა ჰქონდა განზრახული და მასალებს აგროვებდა, მაგრამ აღარ დასცალდა.

ერთ დღეს, განსვენებული რაჟდენის კაბინეტის კარებთან ვიდექი და ამხანაგს ვესაუბრებოდი ახლად გადმოტანილ კირონ ეპისკოპოსის არქივის შესახებ, ამ დროს ვასილ ნაცვლიშვილმა რაჟდენ კალაძის კაბინეტის კარი შეაღო, შესვლის ნებართვა სთხოვა რაჟდენს და კარები მოხურა. არ ვიცი, რაზედ დაიწყეს საუბარი, მხოლოდ სულ მალე შემალღებული ხმა მოისმა - „დაიკარგე აქედან“, „გაეთრიე გარედ!“ ოთახიდან სახეაწითლებული ვასილ ნაცვლიშვილი გამოვარდა და კარის მოხურვა ვერ მოასწრო, ისე დავინახე, რომ კედელს მოხვდა რაჟდენის გამოსროლილი საშრობი პრესი და მძიმედ დაეცა იატაკზე.

მე ნახევრად ღია დარჩენილი კარი შევალე და შევეკითხე რაჟდენს: „ბატონო, ხომ არაფერი გნებავთ-მეთქი“. იგი საშინლად აღელვებული იყო, ხელები უცახცახებდა, ფეხზე იდგა და იმეორებდა „ეს შეჩვენებული“. „ეს შეჩვენებული“. შემდეგ მე მომმართა: „კაცო, ნახეთ ახლა რომ ჩემთან კაცი იყო, ვინ ყოფილა?“ „ეს ბატონო ჩვენი თანამშრომელი ვასო ნაცვლიშვილია“ ვუპასუხე მე დამშვიდებით. „და იცი მერე ვინ არის ვასო ნაცვლიშვილი? ეგ მამაძალი პროვოკატორია, ილია ჭავჭავაძის დამღუპველი. ახლა შემოვიდა ჩემთან და მითხრა, რომ შენ თურმე სოციალ-დემოკრატ მოღვაწეების ისტორიას ადგენ და მე არ დამტოვოო, მოღვაწეთა სიაში შემიტანე, აი მასალებიცო და ჟურნალ „მოგზურის“ ძველი ნომრები მომანოდა და თანაც დასძინა, რომ ილია ჭავჭავაძეს ქვის სროლა პირველად მე გავუბედო“.

ნაცვლიშვილის გარეგნობა და განათლება სულ სხვა შთაბეჭდილებას ქმნიდა, მისი ჟურნალში თანამშრომლობა ძნელი წარმოსადგენი იყო.

მეორე დღეს, დასვენების საათში ვასილ ნაცვლიშვილთან შევედი და რაჟდენთან კონფლიქტის ამბავი გამოვკითხე, მე იმისთ-

ვის არ მითქვამს, რომ ან განსვენებულ რაჟდენტან საუბარი მქონდა წინდლით.

ნაცვლიშვილი დამშვიდებით მომიყვა, თუ რამ გამოიწვია შესიტყვება რაჟდენ კალაძესთან.

მე არ შემძლია სიტყვა-სიტყვით მოვიგონო ნაცვლიშვილის საუბარი, მაგრამ დაახლოებით ასე გადმომცა კონფლიქტის საფუძველი: „ნესტორ ცერცვაძემ ამ რამოდენიმე დღის წინათ შემატყობინა, რომ რაჟდენ კალაძე აგროვებდა სოციალ-დემოკრატი მოღვაწეების ბიოგრაფიულ მასალებს და მესამე დასელთა ბოლშევიკური ფრთის სოციალ-დემოკრატების შესახებ წიგნის გამოცემას ფიქრობსო. რადგანაც მე დიდი ნამუშევარი ვარ ბოლშევიკ სოციალ-დემოკრატებთან, ვიფიქრე, რომ მასალებსაც მივანოდებ და მივიწყებულ ვასო ნაცვლიშვილსაც მოღვაწეთა სიაში თავის ადგილს მივუჩენ-მეთქი. ის იყო შვედი გუშინ და საყვედურით მივმართე მას, რომ ასეთი დიდი საქმის კეთებას ერთი კაცი ფიქრობ-მეთქი. ვურჩიე, რომ გაზეთში გამოეცხადებინა ამ წამოწყების შესახებ. თურმე მე ვერ მიცნო და შემეკითხა: შენ რაში გასაქმება ჩემი განზრახვო. მე ასეთი შეკითხვა მენწყინა, რადგანაც თუ კი ნოე ჟორდანი და ფილიპე მახარაძე ხელის ჩამორთმევით მიცნობდნენ, რაჟდენ კალაძეს მით უფრო უნდა ვეცნე და მოვავგონე ჩემი წერილები ჟურნალ „მოგზაურში“ დაბეჭდილი მემამულე ილია ჭავჭავაძის წინააღმდეგო. როგორც კი ეს მოისმინა, ყვირილი დაიწყო, საშრობი პრესი მესროლა, მაგრამ ამცდაო“.

ჩემს შეკითხვაზე თუ რა წერილები დაბეჭდა მან ილია ჭავჭავაძის წინააღმდეგ, მიპასუხა, რომ ახლანდელი ახალგაზრდები ჩამორჩენილი ხართო (მე მაშინ 24-25 წლის ვიქნებოდი), ნუთუ „მოგზაურში“ დაბეჭდილი წერილების შესახებ არაფერი გაგიგონია მაინც, თუ არ წაგიკითხავსო. ილია რომ გაამათრახეს გაზეთში, როგორც გლეხის მზავრელი, „ყინვებიან ზამთარში საგურამოს სასახლის წყროსთან კოკით მისულ გლეხს წყალი არ დაანება და კოკაც თავზე გადაამტვრიაო“.

ნუთუ ამ პროვოკაციული წერილების ავტორი თქვენ ხართ და აქ სამეცნიერო დაწესებულებაში სამსახური მოგცეს-მეთქი. მე ლანძღვა დამიწყო, ოთახიდან გათრევა მიბრძანა, მაგრამ სამაგიეროდ პასუხი არ დავაკელი და საცემრად მოვემზადე. ამ ხმაურზე მეორე ოთახში მყოფი პრფ. გრ. ნათაძე შემოვიდა, ხელი მომკიდა და თავის ოთახში გამიყვანა და ამბავი გამომკითხა. განსვ. გრ. ნათაძესაც ძალიან გაუკვირდა მისი ვინაობის გამოაშკარავება.

განსვ. გრიგოლი მეუბნებოდა, რომ ყოვლად შეუძლებელია ის წერილები ვასო ნაცვლიშვილის დანერვილი იყოსო, ალბათ სხვა ვინმემ თუ გაუკეთა პროვოკაციული მიზნით და ჟურნალის რედაქცია შეცდომაში შეიყვანაო. ამაზედ დასრულდა ჩვენი კონფლიქტი ნაცვლიშვილთან. რაჟდენიც მალე არქივიდან წავიდა. ნაცვლიშვილს ხმას არ ვცემდი. 1931 წელს ცენტრარქივის თანამშრომელთა „წმენდა“ ჩატარდა. კომისიის თავმჯდომარედ დაინიშნა ვინმე რუხაძე, ყოფ. მუშა, საკმაოდ გონებამახვილი კაცი. როდესაც ვ. ნაცვლიშვილი გამოიძახეს და ცნობები მოსთხოვეს წარსული მისი საქმიანობის შესახებ, ნაცვლიშვილმა ზედმეტად მიიჩნია თავგადასავლის მოყოლა და თავმჯდომარეს გადასცა გაზეთ „მოგზაურის“ ის ნომრები, რომლებშიაც ილიას წინააღმდეგ მისი პროვოკაციული წერილები იყო მოთავსებული და თანაც დასძინა, ეს მასალა უკეთ გაგაცნობთ ჩემს ვინაობასო. თავმჯდომარემ მას გამოკითხა თუ რა წერილებზე მიუთითებდა იგი და აიძულა ილიას შესახებ მოკლედ ელაპარაკა. თავმჯდომარის შეკითხვაზე, თუ რა უნდოდა მას საგურამოში ყინვებიან ზამთარში და რას აკეთებდა ილიას სახლთან, როცა გლეხი წყაროს წყალს იღებდა, მან განაცხადა რომ იგი ნოე ჟორდანიამ და ფილიპე მახარაძემ გააგზავნა როგორც კორესპონდენტი და ილიას დამოკიდებულებას გლეხებთან თვალყურს ვადევნებდიო. ცენტრარქივის ერთი თანამშრომელი, ქაიხოსრო ქავთარაძე („ცნობის ფურცლის“ ყოფილი კორესპონდენტი) შეეკითხა მას: „მაშინ შენ ავჭალის მოედანზე სამიკიტნო გქონდა თუ არაო.“ ნაცვლიშვილი დაიბნა, მუშად და საზოგადო-მოღვაწედ ასალებდა თავს და ახლა ვაჭრად გამოჩენა ხელსაყრელი არ იყო. ქაიხოსრო ქავთარაძის მიერ მიცემული შეკითხვებიდან და ნაცვლიშვილის აბნეული პასუხებიდან აშკარა შეიქნა, რომ ნაცვლიშვილი საგურამოში არამც თუ მაშინ, არამედ შემდეგაც არ ყოფილა. თავმჯდომარის შეკითხვაზე, თუ რომელმა დაავალა მას ცნობების მოწოდება, ჟორდანიამ თუ მახარაძემ, განაცხადა, რომ მაშინ ისინი ერთად იყვნენო, შემდეგ გადაემტერნენ ერთმანეთსო. ბოლოს განაცხადა, მახარაძე ცოცხალი ბრძანდება და შეეკითხეთ, მიცნობს თუ არ ის და ვაწვდიდი თუ არა ცნობებს გაზეთისთვისო.

მოულოდნელად კომისიის თავმჯდომარე რუხაძე შეეკითხა მას: „იცნობდი თუ არა შენ პრისტავ ზუბრიცკისო“. ნაცვლიშვილი შეკრთა, ხმა წაერთვა ერთი წუთით. „კარგად მოიგონე

პრისტავი ზუბრიცკი, შენ ძალიან მოგწონდა იგი, მას ხომ ახლო იცნობდი?" – განმეორებით ჰკითხა თავმჯდომარემ. „არა, არ მახსოვს“ – უპასუხა. მაშინ თავმჯდომარემ წაიკითხა ვ. ნაცვლიშვილის და სხვა რამდენიმე ვაჭრის მიერ ხელმოწერილი განცხადება თბილისის პოლიციის უფროსის სახელზე, რომელშიაც ითხოვდნენ პრისტავ ზუბრიცკის იმ საპოლიციო უბანში კვლავ დატოვებას, სადაც ნაცვლიშვილი და ძმანი მისნი ვაჭრობდნენ. ზუბრიცკის ისინი ახასიათებდნენ, როგორც ტერორისტების და სოციალისტების საუკეთესო მდევნელს, როგორც წმენდაზე გამორკვა ნაცვლიშვილის სამიკიტნოში არალეგალურად მომუშავეების ჩავარდნას ჰქონია ადგილი. ნახსენები იყო იროდიონ ევდოშვილი და თუ არ ვცდები ვაჟა-ფშაველაც. ნაცვლიშვილი სამსახურიდან მოხსნეს. „გამწმენდ კომისიის“ დადგენილებაში აღნიშნულია:

„Нацвлишвили В. Д...Снят по категории, как бывший торговец (духанщик), домовладелец, имеющий связь с полицией“.

ვ. ნაცვლიშვილის შესახებ ცნობა მიაწოდა განსვ. ფ. მახარაძეს პროფ. ვუკოლ ბერიძემ. ამ უკანასკნელის გადმოცემით, ფილიპე მახარაძეს ახსოვდა ვ. ნაცვლიშვილი, მასთან იგი პენსიისთვის ყოფილა კიდევ და სრულიად მოულოდნელი აღმოჩნდა ფ. მახარაძისათვის ნაცვლიშვილის კავშირი პოლიციასთან.

P.S. გაზეთ „მოგზაურში“ ვ. ნაცვლიშვილის წერილებს ქვეშ ინიციალები აქვს „ვ.ნ.“ მომავალში რომ თავსამტკრევ საკითხად არ იქცეს თუ ვინ იმალება ამ ინიციალების უკან და რა ფასი აქვს კორესპონდენციაში მოცემულ ცნობებს, საჭიროდ მივიჩნევ რაც ვიცოდი დამენერა და მწერალთა მუზეუმისათვის გადმომეცა.“ ამ მოგონებით შემოგვინახა იასე ცინცაძემ სახე ამ ღვთივმოძულე-ბულ ვ.ნ-სი.



„ივერიის“ რედაქციას ინსპირირება რომ არ მოეხდინა, თავდაპირველად ილია „მოგზაურის“ კორესპონდენციებზე პასუხის გაცემას არ აპირებდა. იცოდა, ერთი ჯაჭვის რგოლი იყო ის მუქარის წერილები, რომლებიც მის მოურავს საგურამოში მისდიოდა და „მოგზაურის“ კორესპონდენციები. ამიტომ ყველა გადარეულს „ნუთუ“–ს გამოქვეყნებამდე 1857 წელს დაწერილი ლექსით გასცა პასუხი. სხვა რა უნდა იფიქრო კაცმა, სწორედ იმ დღეებში რისთ-

ვის ითარგმნა რუსულად და დაისტამბა თითქმის ნახევარი საუკუნის წინათ დაწერილი ლექსი?

ამ ზედმისევის საპასუხოდ დაბეჭდა მგოსანმა:

ლოცვა

მამაო ჩვენო, რომელიცა ხარ ცათა შინა!

მუხლმოდრეკილი, ლმობიერი ვდგევარ შენ-წინა;

არცა სიმდიდრის, არც დიდების თხოვნა არ მინდა,

არ მინდა ამით შეურაცხ-ვჰყო მე ლოცვა წმინდა...

არამედ მწყურს მე განმინათლდეს ცით ჩემი სული,

შენგან ნამცნები სიყვარულით აღმენტოს გული,

რომ მტერთათვისაც, რომელთ თუნდა გულს ლახვარი მკრან,

გთხოვდე: „შეუნდე, – არ იციან, ღმერთო, რას იქმან!“

ამათთან არც ლოცვა ჭრიდა, არც დანამუსება და არც მუქარა. „ჩვენ არაფრისა გვრცხვენია და არაფრისა გვეშინია“-ო, გაიძახოდნენ.



ბანკშიც წამოყო ოპოზიციამ თავი. ყოველის მხრიდან მოესივნენ. ივნისში სათავადაზნაურო ბანკის კრებაზე ილია კითხულობს საგანგებო-სარევიზიო კომისიის მოხსენებას, მიმართულს მისივე წინააღმდეგ. თავადი მ. ვეზირიშვილი ილიას შესძახებს: „თქვენ ნუ კითხულობთ, სხვამ წაიკითხოს“.

აქა-იქ სხვა ხმებიც გაისმა – სხვამ წაიკითხოს!

გრიგოლ ყიფშიძე გვიამბობს. ილია აღშფოთდა. „მაშ არ მენდობით? კარგი, აი, გადმომიცია, სხვამ წაიკითხოს. ხოლო თქვენ მე მომცემთ პასუხს მაგისათვის“. თითქოს არ ღირდა საიმისოდ რაც შემდეგ მოხდა, მაგრამ ყველა ბოღმა გაციებულნი ვულკანივით იმ ერთ ფრაზაში იყო თავმოყრილი – „თქვენ ნუ კითხულობთ, სხვამ წაიკითხოს“-ო. სიტყვა შუაზე გააწყვეტინეს. ბრალდებები-ბრალდებებად, მაგრამ ამ უნდობლობამ, ცივი სიტყვის გასრიალებად ილიაც მოშალა. ეს ერთი ფრაზა ბოლო წვეთი აღმოჩნდა. მეორე დღეს სეკუნდანტები ეწვივნენ სარევიზიო კომისიის წევრს მ. ვეზირიშვილს, მიხეილ გრუზინსკი და დავით ჯორჯაძე. ვეზირიშვილმა მიიღო დუელში გამოწვევა, თავის მხრივ, სეკუნდანტებიც შეარჩია – კობიაშვილი და დიასამიძე. მაგრამ ეტყობა მერე მიხვდა, რა ჯოჯოხეთსაც უმზადებდა საკუთარ თავს. ბო-

დიში მოიხადა. საქმე ამით დამთავრდა, მაგრამ ილია უკან აღარ მიბრუნებულა.

1905 წლის 23 ივნისს ილია ჭავჭავაძე ბანკის თავჯდომარეობიდან გადადგა.

30 წლის სამსახურის შემდეგ ილია წავიდა ისე, რომ ჰქონდა პირადი ვალები. საკუთარი მამული ბანკში დაგირავებული და გამოსახსნელი. ხოლო ბანკი დატოვა იმდენად გაძლიერებული, რომ...

მოვუსმინოთ რევაზ გაბაშვილს: «ილიას შესაჭეობით, ბანკის გემს ყოველწლიურად მოჰქონდა საქართველოს სალაროში ერთი მილიონი მოგება. ნახევარი ხმარდებოდა ბანკისავე გაძლიერებას, უძრავ და მოძრავი თანხების სახით და მეორე—გამოუკლებლივ იყო ნამდვილი ბიუჯეტი ქართველი საზოგადოებისა. ილიას შემდეგაც ქართულ კასაში ყოველწლიურად შედიოდა ნახევარი მილიონი ოქროს მანეთი...

1917 წელს ნოემბერში რომ ილია ჭავჭავაძის დისწულმა ნეტარხსენებულმა კოტე აფხაზმა ეროვნულ საბჭოს გადასცა ილიას ბანკის შენაძენი ქონება 26 მილიონი ოქროს მანეთის ღირებულებისა (ე.ი. 8 მილიარდი ფრანკის) და ის დაედვა საფუძვლად ჩვენს დამოუკიდებლობასაც».

ბედის ირონია თუ გინდათ ეს არის. ბიძასაც სოციალ-დემოკრატები (ბოლშევიკები) მოჰკლავენ და მის დიშვილსაც. კოტე აფხაზი, დიდედის მხრიდან მეფე ერეკლეს შთამომავალი, კომუნისტებმა დახვრიტეს 1923 წელს. ბოლშევიკების შემოსვლისას მან არ დატოვა საქართველო, როდესაც საბედისწერო ღამით აფხაზთან მივიდნენ მისი პარტიული ამხანაგები (კოტე ეროვნულ-დემოკრატიული პარტიის მთავარი კომიტეტის წევრი და შემდეგ თავმჯდომარე იყო) ავტომობილით და სთხოვეს მათთან ერთად გასვლა თფილისიდან, მან კატეგორიული უარით უპასუხა. «ტფილისი საქართველოა და ვინც ტფილისს სტოვებს ის სტოვებს საქართველოს» – იყო მისი პასუხი.

2 წლის შემდეგ ქართული სარდლობა, კონსტანტინოპოლში მყოფი, აუწყებდა ქართულ საზოგადოებას, რომ 20 მაისს 1923წ. თბილისში, რუსეთის საბჭოთა საოკუპაციო ხელისუფლების განკარგულებით, გაუსამართლებლად, დახვრეტილ იქნენ საქართველოს გათავისუფლებისათვის თავდადებული მებრძოლნი: სიაში მესამე ეწერა კონსტანტინე აფხაზი.

დახვრეტის წინ დიდი ბიძის ღირსეული დისწულის უკანასკნელი სიტყვები იყო: «მე ვკვდები სიხარულით, რადგან ღირსი გავხდი

სამშობლოს სამსხვერპლოზე ზვარაკად მიტანისა, ჩვენი სიკვდილი გამარჯვებას მოუტანს საქართველოს". (იხ. ნიგნში „სამშობლოსათვის თავდადებულ გმირთა ხსოვნას“, სტამბული 1923 წ. განმ. გამოცემა თბ. 2007წ).

ესეც ბედის ირონია, ილია წავიდა იმ ბანკიდან, რომლის სიმდიდრე დამოუკიდებელი საქართველოს ბიუჯეტად იქცა. დამოუკიდებელი საქართველოს პირველი პირი კი გახდა ნოე ჟორდანიას კაცი, რომელიც ილიას ბანკიდან წასვლას ნიხლსაც მიაყოლებს. იმ დღეებში, 1905 წლის 3 ივლისს ნარის ფსევდონიმით „მოგზაურში“ დაბეჭდავს წერილს „ქართველ მოღვაწეებში“, რომელიც ილიას ბანკიდან წასვლას ეხება. ეს წერილი მას შემდეგ აღარსად დაბეჭდილა და თითქმის უცნობია საზოგადოებისათვის. გთავაზობთ ნოე ჟორდანიას წერილს სრულად:

„ძართველ – მოღვაწეებში“

ხუთი წლის წინეთ რომ მომხდარიყო ის, რაც ერთი კვირის წინ მოხდა, „მთელი საქართველო“ ფეხზე დადგებოდა, შეინძროდა და ყურთა სმენა აღარ იქნებოდა, ილია ჭავჭავაძეს რომ ბანკისთვის თავი დაენებებია და სამსახურიდან გასულიყო... ამის წარმოდგენასაც კი ვერ შეიძლებდა ბევრი „მოღვაწე“. და თუ წარმოიდგენდა, უეჭველათ ტანში ყრუანტელი დაუვლიდა, ენა სასაზე მიეკროდა და ხახა გამშრალი, გამოშტერებული დარჩებოდა. მას წარმოუდგებოდა საშინელი სურათი სამშობლოს დაღუპვისა, ცხოვრების შეჩერებისა და მრავალი სხვა უბედურებისა... დღეს, დღეს კი ამ „დიდ უბედურებას“ თითქმის არავითარი შთაბეჭდილება არ მოუხდენია, და საზოგადოება ისე შეხვდა, თითქო ამდენხანსაც უნდა მომხდარიყო. მხოლოდ ნამდვილმა მებანკეებმა გაუგზავნეს დეპუტაცია და თხოვეს დაბრუნება, მაგრამ ბატონი აღარ დაბრუნდა; ჯერჯერობით მაინ უარზეა, ან კი რათ უნდა დაბრუნდეს, როცა პენსიაც და ჯამაგირიც ყავლის შესრულებამდე რჩება, ხოლო დრო და მოცალეობა კი მეტი ექნება, თუნდ საგურამოს მამულის, იმ „დიდი დოვლათის“ მოსაწყობათ, რომელიც მისთვის სამოთხეა, ხოლო (დღემდინ) მისი გლეხებისათვის ჯოჯოხეთი, მერე კი როცა კენჭობანას დრო მოვა (თუ ამას დაუცადა და ძველებურათ უკანონოდ არ გამოაცხადა მის მიერ ათვალწუნებული დირექტორის არჩევნები!), კვლავ აცოცდება ბანკის მმართველის კოფოზე. დიახ, მეტათ შეუმჩნევლათ

ჩაიარა ამ დიდმა უბედურებამა, რადგან საქართველოს ბურჟუის საუბედუროთ დრონი იცვალენ და რალაც ახირებული ირონიის წყალობით მისი დაცემა სწორედ იმ დროს მოხდა, როცა მთელი ქალაქი და მთელი კავკასია მოწმე იყო ბურჟუის მიერ ათვალწუნებულ „წულებისა“ და „შავი ხალხის“ მოძრაობის ძლიერების გამოხატულებისა. ამ დროს ბურჟუებზე არავინ ფიქრობდა, ყველას გონების თვალი მიპყრობილი იყო უჩინართა მოზღვავებულ ძლიერებისაკენ; ჭავჭავაძეზე და მის ბანაკზე საფიქრალად აღარავის ცხელოდა...

მაინც, რა მოხდაო, იკითხავს მკითხველი. არაფერი, გამოაშკარავდა ის, რაც დიდი ხანია გამოაშკარავებულიყო, გამოიჩინა, რომ ჭავჭავაძის რეჟიმს ბანკი გაკოტრების კარამდინ მიუყვანია და საჭიროა ბანკის საზოგადოება უფრო მეტი სიფხიზლით მოეკიდოს საქმეს, თორემ ნამდვილი გაკოტრებაც მალე მიადგებათ კარზე. ამისთვის უმთავრესათ ხელი შეუწყვია დამფასებელთა კომისიის დაუდევრობას და გამგეობის უმოქმედობას ე.ი. ილია ჭავჭავაძის კამარილას, თვითონ დიდი ბატონი იმით იმართლებდა თავს, რომ მას არც ერთი საქმე, არც ერთი დაფასება, არც ერთი დაგირავება (რომელიც კი ახსენეს) თითქმის თვალთაც არ უნახავს, კრებასაც, რამდენათაც ვატყობდით, საკმაოთ მიაჩნდა ასეთი გამართლება და „საქმეც“ მშვიდობიანათ ჩაივლიდა, მაგრამ ბურჟუის სამწუხაროთ დირექტორის ადგილის მრავალ მსურველთაგან არჩეულ იქნა თ-დი ა. ზ. ჩოლოყაშვილი, ძველი მაჩაბელისტი, და ცნობილი საბანკო ორატორი! აი ამან გამოიწვია ეს დაგვიანებული კრიზისი. ჩვენ არ ვიცით, არის თუ არა რამე პრინციპიალური განსხვავება ახალ არჩეულსა და ჭავჭავაძეს შორის, ვფიქრობთ რომ დიდი განსხვავება არ უნა იყოს, მხოლოდ ერთი კი აშკარაა ნამეტურ ჭავჭავაძისთვის, რა საკვირველია თუ თ. ჩოლოყაშვილს შერჩენია რამე მაჩაბელისტობისა აშკარაა, რომ ეს ახალი დირექტორი აღარ შეიქნებოდა მისი ყურმოჭრილი მონა და ვინც ჭავჭავაძეს იცნობს ადვილად წარმოიდენს, რომ იგი ასეთი კაცის გამგეობაში შესვლას ვერ დაეთანხმებოდა. აი, ეს შეიქნა კრიზისის მიზეზათ, ამას გაექცა თ-დი ჭავჭავაძე და მით ერთხელ კიდევ დაამტკიცა თავისი გულზვიადობა. შივ ტრანსიტ გლორია მუნდი. ამაზე ბევრათ უფრო დამახასიათებელი იყო ჭავჭავაძის ქცევა ბანკში დაქირავებულ მოსამსახურეთა შესახებ, რომელთაც, „ერთობისა“ და ახალი სიოს გავლენით თავის მდგომარეობის გაუმჯობესება მოეთხოვათ ამ რამდენიმე ხნის წინათ, მაგრამ ვერც ისე მტკიცეთ, რომ მიზნის-

თვის მიეღწიათ. მაინც თ. ჭავჭავაძეს თვით მოთხოვნისა წამოყენებაც ისეთ მომაკვდინებელ ცოდვით ჩაუთვლია, რომ საზოგადო კრებაზე წინადადებას იძლეოდა, ყველა მოსამსახურენი უნდა დავითხოვოთ, რადგან ასეთი თავხედობა გაბედესო. აი, ასეთია ჩვენი ბურჟის გულმონყალეობა, მცირეთადმი თანაგრძნობა და სიბრალული.

საუკუნოთ იყოს ხსენება მისი.

—

ჭავჭავაძისა და ბანკის მოღვაწეობასთან მჭიდროდ არის დაკავშირებული ნ. ცხვედაძე და სააზნაურო შკოლა; ერთის გახსენებაზე მეორეც გაახსენებდა კაცს ყოველთვის, ნამეტურ კი დღეს, როცა ამ ორ „საზოგადო“ დაწესებულებათა კრებებიც ერთმანეთში იყვნენ გადახლართული და ერთის გმირის გაკოტრების გამოაშკარავებას მეორისაც თან მოყვა...

მართლაც, რაც ჭავჭავაძე ბანკისთვის იყო, იგივე არის სააზნაურო შკოლისთვის ნ. ცხვედაძე. როგორც გამგეობა ჭავჭავაძეს ყავდა თუ ქონდა გადაყლაპული, ისე შკოლის კომიტეტი ბ. ცხვედაძეს. და ეს ერთისგან მთელი კრებულის გადაყლაპვა იმდენათ ნორმალურ მოვლენათ ითვლება ჩვენ წარჩინებულ საზოგადოებაში, რომ „ორატორები“ ნ. ცხვედაძეს კომიტეტს უწოდებენ. დიდი ხანია ვიცით რომ სათავადაზნაურო სასწავლებელი ვერ არის სასურველ პირობებში, მაგრამ დღემდინ ამის თქმა ქვეყნის ღალატით ითვლებოდა, ახლა კი თვით პედაგოგიურმა საბჭომ გამოაქვეყნა, რომ შკოლა მეტათ უნუგეშო მდგომარეობაშია — იგი არც ეროვნულია, არც სახელმწიფო, ვერც გიმნაზიისთვის ამზადებს ბავშვებს და ვერც რაიმე ცოდნას აძლევს მათ, და ასე უგზო-უკვლოთ და უმიზნოთ, უხარჯნიათ დღემდინ წელიწადში 80 და მეტი ათასიც... მაგრამ დავუბრუნდეთ ჯერ კომიტეტს. ამ ახირებულ კოლეგიას ქვია საზოგადოების სამეურნეო გამგე კომიტეტი, მაგრამ მას მეურნეობის (ოჯახობის) გარდა ყველაფერი უკეთებია; ხოლო თავისს პირდაპირი დანიშნულებისათვის გვერდი აუვლია და მით საზოგადოების საქმე ძლიერ დაუზიანებია. ამ მხრით ყველაზე საინტერესო სკრის მამულია, რომელიც კომიტეტის წყალობით 1800 მან. შემოსავალს იძლევა, გასავალი კი 7000 მდე აქვს, ე.ი. წმინდა ნაგება წელიწადში უდრის 5000 მანეთზე მეტს. სულ მამულის შექენიდან დღემდინ საზოგადოებას დაუკარგავს ამ მამულზე 28000 მანეთზე მეტი. და ყოველივე ეს იმ იმედით რომ „ვისიმე მაღლიანი ხელი საშუალებას მოგვცემს სამეურნეო შკო-

ლა გავხსნათო". არ არის სწორათ ნაწარმოები ანგარიშები არც შკოლის შიგნით და საჭირო შეიქმნა განსაკუთრებული კომისიის არჩევა, რომელმაც უნდა განიხილოს ძველი გამგის (ბ-ნ. თაყაიშვილი) მოღვაწეობა. წერილმანების გამოდგომა არ ღირს. რადგან როგორც ზევითაც ვთქვით კომიტეტი მარტო ცხვედაძეა, პასუხისმგებელი ფაქტიურათ ის არის, რასაკვირველია. თვითონაც გრძნობდა ამას ბ. ცხვედაძე და ცდილობდა თავის მართლებას, მაგრამ რადგან ის ჭკუით და მოხერხებით ბევრით ჩამოუვარდება თავის მაგალითს და ბატონს თ-დ ჭავჭავაძეს მისი თავის მართლებაც, ხშირად თავის თავის გაროზგვას უფრო გავდა, ვიდრე თავის მართლებას. ასეთი იყო ინციდენტი მასწავლებელ კორხანიდის შესახებაც. ზოგიერთი წვერი საზოგადოებისა ამტკიცებდა, რომ კორხანიდის შკოლაში დატოვება შეუძლებელია, რადგან პირველ ყოვლისა იგი ვოსტარგოვის აგენტი იყო; და მეორეც, თვით რუსული ენის სწავლებაში შეაქვეს იმავე ვოსტორგოვის და სხვა ძალათ-მაცხონე გამრუსებელთა მიერ მოწონებული მუნჯური მეთოდიო. მართლაც ეს ორი მოსაზრებაც სრულიად საკმარისია, რომ ასეთი ადამიანი თავისუფლად დამოუკიდებელ შკოლიდან გაიდევნოს. მაგრამ დღემდინ ასე არ მოქცეულან არც პედაგოგები და არც შკოლის ბატონ-პატრონი კომიტეტი ე.ი. ცხვედაძე. დღეს კი ამ კომიტეტმა – ცხვედაძემ განაცხადა, ყოველ ღონეს ვხმარობდი, როგორმე, თავიდან მომეშორებიაო. განა, შეიძლება ამის დაჯერება? ბ. ცხვედაძეს ყოველთვის შესწევდა ღონე მოეშორებია თავიდან ათვალწუნებული მასწავლებელი და გამგეც; მაგ. მან დაატოვინა შკოლა ალ. ჭიჭინაძეს, განდევნა მასწავლებლები არსენ მამულაიშვილი, ივ. გომელაური, პეტრე სურგულაძე და ალბათ სხვებიც, რომელსაც ჩვენ არ ვიცნობთ. მაშ რაღა ამ კორხანიდის ვერ მოუხერხებია ეს?! ამიტომაც, ამბობს ბ. ცხვედაძე, რომ მასწავლებლები უჭერდნენ მხარსო. კიდევ უარესი მისთვის და მისი მასწავლებლებისთვის – ეს მასწავლებელთა კრებულიც ხომ მისი არჩევნით არის შემდგარი, ხოლო მასწავლებლები ხომ დიდ პატრიოტებათ სახავენ თავს!...

მგონია ნათქვამიც კმარა ბ.ცხვედაძის მოღვაწეობის გაკოტრების დასამტკიცებლად, თუ ვისმე ეჭვი ჰქონდა ამაში, მაგრამ სანამ ამ გაკოტრების სურათი სავსებით დადგებოდა საზოგადოების წინაშე, მეორე უფრო სამწუხარო და საზარელმა სურათმა იჩინა თავი – საზოგადო კრებაზე – ეს იყო პედაგოგების ზნე-ჩვეულებათა გამოფენა საზოგადოების წინაშე, აი საქმე როგორი

იყო: საზოგადოების ერთმა წევრმა მოითხოვა ოქმის შესწორება, სწორედ იმ ადგილას სადაც მისი სიტყვები იყო მოყვანილი კორხანიდის შესახებ. ამბობენ, თავისი სიტყვისათვის პასუხისმგებლობისა შეეშინდაო, თორე ოქმში სწორეთ არის შეტანილიო. ამ „უსამართლობამ“ გააბრაზა მასწავლებელი, მათ ვერ მოითმინეს ჭეშმარიტების შელახვა და დააპირეს დაერწმუნებიათ ორატორი, რომ ასეთი ქცევა ურიგოა და მიმართეს იმ საშვალებას, რომელსაც შკოლაშიაც ხშირად ხმარობენ თურმე და ერთი პედაგოგთაგანი (ბ. გოგიტიძე) მიიწია მოლაპარაკისაკენ ფიზიკური ზედმოქმედების მოსახდენად, ანუ ჩვენებურად რომ ვთქვათ მუშტი-კრივით. დამსწრე საზოგადოებამ გააშველა პედაგოგები და ამაზეც შეწყდა კრება... აი ასეთია „ქართველ მოღვაწეთა“ მოღვაწეობა, ესენი არიან ნამდვილი ქართველები, პატრიოტები, ნაციონალისტები, ფედერალისტები და ავტონომისტები! ამათ უნდათ განაგონ ერის საქმეები და შეინარჩუნონ ის ოპეკუნობა, რომელიც, უდროობამ თუ სავსებით არ აკუთვნათ, დროებით მაინც დაასაკუთრებიათ. ასეთი პირები იყვნენ ძველი წყობილების დროს ქართული საქმეების სათავეში, რაც უფრო თვალსაჩინო გახადა ახალი დროის შუქმა, რომლის სინათლე ზოგისთვის მაცოცხლებელი და ძალის მომმატებელია, ზოგისა კი დამღუპველი. პირველთ ეს მაგალითები ერთხელ კიდევ მოაგონებს, რომ ეკალზე მხოლოდ ეკალი ამოდის, რომ დროს გადასულ წოდების ინტერესების მსახურნი თვით უფრო ჩამორჩენილი არიან ცხოვრებას და მათი ზნეობრივი და გონებრივი გაკოტრება აუცილებელია. ამის ილიუსტრაცია იყო ეს კრებები. ასეთი ალიაქოთია დღეს კეთილშობილთა ოჯახში, ბანკში, შკოლაში და იმედი უნდა ვიქონიოთ, მაცოცხლებელი მზის შუქი კიდევ ბევრ ქვენარმაველს გამოაჩენს მთელი მათი სიგრძე-სიგანით...

ნარი.

ეს უკვე განაჩენის გამოტანა იყო. ტროას ცხენიდან გარეთ გამოსული ავაზაკები ბარით ხელში მამათა თაობის საფლავების გასათხრელად დარბიან. როგორც ლექსის-„ლოცვის“ დაბეჭდვა არ იყო შემთხვევითი, რომლის სასმენელად ყური ყველას დახშული აღმოაჩნდა, ისე შემთხვევითი არ იყო ამ წერილის გამოქვეყნებიდან ორი დღის შემდეგ ილიას წასვლა ნოტარიუსთან. 5 ივლისს თავის დიდ მეგობარს, ილია წინამძღვრიშვილს ნოტარიულურად დაამონებინა ანდერძი. ჩემი სიკვდილის შემდეგ ჩემს მიერ შეძე-

ნილი მთელი უძრავი და მოძრავი ქონება დარჩეს მეუღლეს ოღლა გურამიშვილს, ხოლო მისი გარდაცვალების შემდეგ გადაეცეს ნერა კითხვის გამავრცელებელ საზოგადოებასო.

ოლლას ამ ანდერძით არ უსარგებლია. ილიას მოკვლის შემდეგ აღარც საგურამოსკენ გახედვა უნდოდა და ველარც ანდრიას ქუჩაზე ჩერდებოდა სახლში. როგორც კი ფიზიკურად მომჯობინდა, მთანმინდაზე, ილიას საფლავთან ახლოს ნერა-კითხვის საზოგადოებას აქირავებინა ბინა და იქ გადასახლდა. მთელი უძრავ-მოძრავი ქონება კი, ილიას ანდერძისამებრ, ნერა-კითხვის გამავრცელებელ საზოგადოებას გადასცა. ილიას მკვლელობის შემდეგ კიდევ ოცი წელი არ მოიკითხა არსთა გამრიგემ, მაგრამ ის ოცი წელი საამქვეყნოდ აღარ იყო. ავიდოდა და თითქმის ყოველდღე ილიას საფლავზე წვებოდა.

...

ბანკიდან წასული ილია სახლში არ დამჯდარა და ბატალიები-საგან დაღლილს პენსიონერის მშვიდი ცხოვრება არ დაუნყია. ან ვინ მოასვენებს. ამდენი ტალახის სროლის მიუხედავად, მასზე დიდი ავტორიტეტი საქართველოში არ დააბიჯებს.

1905 წლის 5 მაისიდან საქართველოს ახალი მთავარმართებელი ჰყავს, არა, -მეფისნაცვალი. არეულობის გამო მთავარმართებლობის ინსტიტუტი, რომელიც ჯერ მიხეილ ვორონცოვამდე არსებობდა და შემდეგ დონდუკოვ-კორსაკოვიდან მოყოლებული, გააუქმეს. დაინიშნა მეფისნაცვალი ვორონცოვ-დაშკოვი გაზრდილი უფლებებით.

პირველ ვორონცოვსაც მეფის ნაცვლობა მოუნია და მეორესაც. უკვე ვთქვი, რომ გოლიცინს, როგორც გადარეულს, ილია ახლოსაც არ ეკარებოდა- მეთქი. ეს ვორონცოვ-დაშკოვი უფრო კომუნიკაბელური კაცი აღმოჩნდა. დროც შეცვლილია, მიტინგების, გამოსვლების, კრებებისა და თათბირების დროა.

ლეგალურია ერობის, ავტონომიის, ეკლესიის ავტოკეფალიის საკითხები. უკვე ის დროა მეფისნაცვალთანაც რომ ხდება მათი განხილვა. წინამძღოლად ილია ჰყავთ, შეუძღვება ინტელიგენციას და შედიან ვორონცოვთან. ვორონცოვი მისი თაობის კაცი იყო, ისიც 1837 წელს დაბადებულია, პიროვნულად დიდად პატივისმცემელი შეიქმნა ილიასი. ისე გაშინაურდნენ, რომ ხანდახან ბანქოსაც თამაშობდნენ ერთად. უილიაოდ ქართველ თავადაზნაურობას არსად შესვლა არ უნდა, ყველა საკითხზე, ყველასთან მისვლისას მას სთხოვენ, გაგვიძეხი, გვინინამძღვრეო. ნახეთ ერთი, ნიკო ცხვედა-

ძეს როგორი ბარათი მისწერა, ეტყობა საგურამოდან ჩამოიყვანეს და აქ რალაცას თავი ვერ მოაბეს.

„ძმარ ნიკო!

ერთი დანვრილებით შემატყობინე, – რისთვის ჩამომათრიეთ? ვინ არიან დეპუტაციაში და როდის არის ნარდგენა დეპუტაციისა?

შენი ილია ჭავჭავაძე.“

●
18 სექტემბერს ერთი უცნაური ინფორმაცია ქვეყნდება ჟურნალ „მოგზაურში“ „როგორც პეტერბურგის გაზეთები დეპეშით გვატყობინებენ, ვილაც შეიარაღებული კაცები საგურამოში თავს დასხმიან თავად ილია ჭავჭავაძეს. თავდამსხმელთ ნაულიათ იარაღი“.

არანაირი გაგრძელება ამ ინფორმაციას არ მოჰყოლია. არც სხვა გაზეთებში დაბეჭდილა ასეთი რამ, ილიას ყველა თანამედროვე ამის შესახებ დუმს. ილიაზე შეიარაღებული თავდასხმა თუ მოხდებოდა და ამას მხოლოდ „მოგზაურის“ რედაქცია გაიგებდა, ორი ვერსია რჩება, ან მათი წითელრაზმელები დაესხნენ თავს ჭავჭავაძეს, რადგან თუ ასეთი ფაქტი მართლაც მოხდა და ილიას მისი გახმაურება უნდოდა, მტრებზე ადრე მოყვრებს შეატყობინებდა. ერთი სიტყვით, ან თავად მოუწყვეს თავდასხმა და ამიტომ იციან ეს ფაქტი, ან მოგონილი ინფორმაცია დაბეჭდეს, რათა საზოგადოებრივი აზრი ნელ-ნელა შეაგუონ, რომ ილიას წინააღმდეგ მხოლოდ კალმის გამოყენება კი არა, იარაღის გამოყენებაც შეიძლება...

●
11 ოქტომბერს ილია კავკასიის მეფისნაცვალთან თათბირს ესწრება საქართველოს ავტოკეფალიის საკითხზე. სხვათა შორის, საინტერესოა მისი პოზიცია ერთ ფრიად მნიშვნელოვან დეტალთან დაკავშირებით. ოქტომბრის მეორე ნახევარში ის სამღვდელოების კრებას დაესწრო ნიკოლოზის ეკლესიის სასწავლებლის შენობაში. სამღვდელოების წარმომადგენელთა თანდასწრებით აი, რა ისაუბრა მან (იხილეთ გურამ შარაძის წიგნში „საქართველოს მზე და

სიყვარული ალბიონის კუნძულზე.“ ვლ. ახმეტელის მოგონება გვ. 152–154).

კრებაზე მრავალი სამღვდელოება და ერისკაცნი გამოცხადდნენ. დაესწრნენ აგრეთვე სოციალ დემოკრატებიც... საფუძვლიანი საეკლესიო მოხსენება გააკეთა დეკანოზმა კალისტრატე ცინცაძემ. შეურყეველი საბუთებით ამტკიცებდა საქართველოს ეკლესიის ავტოკეფალიის მოთხოვნის სამართლიანობას. სამღვდელოებიდან ბევრმა ილაპარაკა. ერისკაცებიდან ილაპარაკა ბ. სამსონ ფირცხალავამ. უკანასკნელი თავისებური გულწრფელობით ამტკიცებდა ავტოკეფალიის აუცილებლობას და მოითხოვა, რომ სამღვდელოებას დაუყოვნებლივ გამოეცხადებინა იგი. შუა ლაპარაკში რომ იყო ბ. სამსონ ფირცხალავა, სწორედ ამ დროს კრების დარბაზის კარი გაიღო და ფეხი შემოსდგა ილიამ. იქვე თვისუფალ სკამზე დაბრძანდა. თავმჯდომარემ კრება დროებით შესწყვიტა და ორატორიც შეჩერდა. ილიამ სთხოვა კრება განეგრძოთ და ორატორმაც განაგრძო თავისი სიტყვა. მოლაპარაკეთა სია ამოიწურა. შემდეგ კრებამ ერთხმად მიმართა დიდ ილიას და სთხოვა თავისი აზრი გამოეთქვა. ილიამ ნელის ხმით განაცხადა... – ექიმიდან აკრძალული მაქვს ლაპარაკი გულის ტკივილის გამო, ამიტომ ვერ დავილაპარაკებო. მართლაც, გარეგნულად აშკარად ეტყობოდა, რომ დიდი ადამიანის ჯამრთელობა საგრძნობლად იყო შერყეული. მაინც დამსწრეთა დაჟინებით მუდარას ანგარიში გაუნია და რამდენიმე სახემძღვანელო აზრი წარმოსთქვა. მჯდომელამ ილაპარაკა, მოკლედ სთქვა: – გულდასმით მოგისმინეთ ყველას, ყველას ლაპარაკი მომეწონა და ჭკუაში დამიჯდა. მხოლოდ ერთი რამ ჭკუაში არ დამიჯდა. თქვენ მოითხოვთ ქართული ეკლესიის ავტოკეფალიას – სამართლიანად მოითხოვთ აგრეთვე, რომ საქართველოს ეკლესიას დაუბრუნდეს თავისი ისტორიული ადგილ-მამული, რომელიც წყროდ გადაიქცევა სამღვდელოების შესანახადო. ამ გზით გსურთ ეკლესიის მრევლი გაანთავისუფლოდ სამღვდელოების შესახებ ხარჯებიდანო. მე კი გეტყოდით: თქვენი სამართლიანი მოთხოვნა მტკიცე იქნება, უკეთუ მას ხალხი ზურგს გაუმაგრებს. თქვენ მოითხოვთ საეკლესიო ადგილების აღდგენას – გარედ კი ხალხი მოითხოვს საეკლესიო და სათავადო მამულების ჩამორთმევას. ამას თავი დაანებეთ. ჩვენი ხალხი მორწმუნეა, სარწმუნოების მათაყვანები და მორწმუნე და ღვთის მოსავი ხალხი მუდამ შეინახავს თავის სულიერ მამასო.

კრების შემდეგ, თითქმის ყველა დამსწრემ, მათ შორის ბევრი სოციალ დემოკრატიც იყო, დიდი ილია სახლის კარებამდე მიაცილა.

●
შემოდგომაზე, ალიხანოვ-ავარსკის ჯარი კვლავ დაიძრა გური-ისაკენ. ვორონცოვ-დაშკოვს ჯარი შეაჩერებინა ილია ჭავჭავაძემ. მერე ვინ არ იბრალებდა ამას. კომუნისტების დროში განსაკუთრებით სოციალ-დემოკრატები უსვამდნენ ხაზს თავიანთ დამსახურებას. ვინლა ჰყავდათ პასუხის გამცემი...

ერთ-ერთი მათგანი თავის მემუარებში ასეთ ამბებს მოჰყვება, როგორ შევიდა ვორონცოვ-დაშკოვთან, როგორც შეაშინა იგი და სხვა, გაგელიმება კაცს, როცა იცი, რომ იმ 1905-ში უკვე იყო ხმები და ხალისობდნენ – სასახლეში რომ შევიდა ეს გლეხი ნითელრაზმელი, მსახურმა მოახსენა, მეფისნაცვალს სძინავს და ვერ გავალვიძებთო. ეს კი ისეთ რამეებს წერს მემუარებში, მიუნჰაუზენის ზღაპრები მოგონილია. გვარს არ ვასახელებ იმის გამო, რომ ნითელრაზმელობის მიუხედავად, ილია უყვარდა. ილიას დამსახურებაზე წერს მრავალთა შორის ორი სანდო წყარო: ილია ზურაბიშვილი და მიხეილ ჯავახიშვილი. პირველი მოგონების სახით, მეორე კი რომანში „ქალის ტვირთი“.

ილია ზურაბიშვილი:

ილიას საჯარო გამოსვლებიდან, ბანკის კრებების გარდა, მაგონდება ერთი შემთხვევა. ეს იყო 1905 წლის დამლევს, ნასაკირალის ამბების გამო. დასავლეთ საქართველოში დამსჯელი რაზმი იგზვნებოდა ალიხანოვ-ავარსკის უფროსობით. უეჭველი იყო ხალხის რბევა და ჟლეტა-ხოცვა, რაც მოხდა კიდეც. ქართველი საზოგადოების წარმომადგენელნი შეიკრიბნენ სათათბიროდ, რომ ამ საქმისათვის ეშველნათ როგორმე. ამ თათბირს ილიაც დაესწრო და შესანიშნავი ენერგიული სიტყვა წარმოსთქვა. ამ გრძნობით და აზრით სავსე სიტყვის აღდგენას ვერ ვახერხებ, მეხსიერება მღალატობს. მაგრამ მახსენდება სიტყვის დასასრული. ილია ნინადადებას იძლეოდა, მეფის ნაცვალს დელეგაცია მიუვგზავნოთ და მოვითხოვოთ, დამსჯელი ექსპედიციის გაგზავნა გადათქვასო, თანაც უნდა განვუცხადოთ, რომ, წინააღმდეგ შემთხვევაში, ჩვენ ყველანი იქ წავალთ და ჩვენ ძმებთან ერთად „костьюми ляжем“ (სიტყვა ილიამ რუსულად წარმოსთქვა).

როდესაც ვილაცხამ შენიშნა, ხომ დარწმუნებული უნდა ვიყოთ, რომ არავინ ჩვენთაგანი არ წავა და „КОСТЬЯМИ НЕ ЛЯЖЕТ“-ო, ილიამ უპასუხა, „მაშინ სირცხვილი ჩვენ“ და, რამდენადაც მაგონდება, დაუმატა ერთ-ერთი შემდეგი ფრაზა: „ამ სირცხვილს ხალხი არ გვაპატიებს“, „ხალხი თვითონ წავაო“.

მიხეილ ჯავახიშვილი: „ფეხზე მდგომი ხალხი შუა გაიპო და დარბაზში ილია ჭავჭავაძე გამოჩნდა. მთელი დარბაზი შეირხა და ყველანი ახალმოსულს მიაჩერდნენ. თითქმის დაბალი, მაგრამ სრული, თითქმის სამოცდაათი წლის მოხუცი შუაგარღვეულ ხალხში დინჯად მოდიოდა და თან მოჰქონდა თავისი სანაქებო დარბაისლობა, ჟამთა ცვალებადობაში უკვე მინელებული დიდება, ნახევარი საუკუნის მესვეურობა ერისა და უთვალავი სულიერი ჭრილობანი, რომელიც მას ამ ულეველ გზაზე ორივე მხრიდან-მარჯვენა და მარცხენა მხრიდანაც მიაყენეს. კარგა ხანია რაც ეს კბილებგაცვეთილი ბებერი ლომი თითქო სამუდამოდ შეიხიზნა ბუნაგში. აღარც მისი ბუხუნი ისმოდა, აღარც მისი კლანჭი ჩანდა. მხოლოდ ერთხელ კიდევ დაიბუხუნა მან ამას წინათ. გურიის ასაკლებად მძვინვარე გენერალ ალიხანოვს ჰგზავნიდნენ. ჯარი უკვე სადგურზე იყო გასული. მაშინ განაცხადა ილიამ ამავე დარბაზში: ალიხანოვის გაგზავნაზე ხელი უნდა ავალებინოთო, თუ არა და – ყველამ თავი უნდა დავდოთო. ვარანცოვ-დაშკოვს ეთქვა, თუ ჭავჭავაძეც კი აჯანყებას გვემუქრება, ჩანს მართლა საერთო აჯანყება მოგველისო, და დასარბევად გასული ჯარი უკანვე დააბრუნა.“

მერმე მებრძოლ გურულების დამხმარე კომიტეტი დაარსდა. ილიამ მას ასი მანეთი შესწირა. რამდენიმე დღის შემდეგ ეს ფული უკანვე დაუბრუნეს და შემოუთვალეს: ხალხის მტრისგან დახმარებას არ მივიღებთო.

ილია ნაბარბაცდა, თითქო კეტი დაჰკრესო. მერე ვინ? შინაურებმა დაჰკრეს, ერთობამ დასჭრა, რომელსაც მან მთელი სიცოცხლე შესწირა. მას აღარ ესმოდა, რა ხდებოდა ირგვლივ. „ერთობა“ ერის ერთობა ეგონა და ეს სიტყვა ჭაბუკობიდანვე ეწერა იმის დროშაზე. მართალია, იმანაც კარგად იცოდა, ხალხის ახალი მესვეურები კლასობრივ ერთობას ჰგულისხმობდნენ, მაგრამ ის კი აღარ ეგონა, რომ ამ აზრს ასე მძაფრად მოეჭიდებოდნენ და ფსკერამდე დაიყვანდნენ. „რუსეთი ინგრევა“, ამბობდა ილია – და ყველა ჩაგრულმა ერმა თავის თავს უნდა უშველოს... ისლა დაგვრჩენია, რომ კლასობრივი ბრძოლა გადავდოთ, მხარი მხარს მივცეთ, მჭიდრო შინაური ერთობა დავამყაროთ და ხალხი გადავარ-

ჩინოთო. მას სხვანაირი გზა ვერც კი წარმოედგინა, სინამდვილე კი სულ სხვა გზით მიდენილიყო, მთელი სიცოცხლე, უკლებლივ მთელი სიცოცხლე გადააგო ხალხის სამსახურს, ახლა კი იმავე ხალხის მტრად გამოაცხადეს."

●

1905 წლის პოლიტიკური და საზოგადოებრივი ცხოვრება როგორ წარიმართა, ამაზე წარმოდგენა რომ გვექონდეს, არ არის საკმარისი ვიცოდეთ, რას იტყვის ილია, რას მოელაპარაკება თავდაზნაურთა დეპუტაცია მეფისნაცვალს. ორჯერ გადაადებინეს გურიაში ჯარის შეყვანა, მაგრამ არც იქ და არც დანარჩენ საქართველოში ხალხი არ ცხრება. ბოთლიდან ჯინი ამოშვებულა და ყველა რალაც ახალს ელის. რაკი მაინც რევოლუციის სუნი ტრიალებს, რაკი ოქტომბერში მთელი იმპერია გაფიცულია, აღარ მუშაობს არც ფოსტა, არც რკინიგზა, არც ფაბრიკა-ქარხნები, ილია ცდილობს საქართველოში რევოლუციურ მოძრაობას თავი შეუბრუნოს და თუ ბრძოლაა, ეს ბრძოლა ეროვნულ-გამათავისუფლებელ მოძრაობად აქციოს. ამიტომ საიდუმლო მოლაპარაკებები მიდის იარაღის შემოტანაზეც. ფედერალისტებმა, გიორგი დეკანოზიშვილისა და თედო სახოკიას ძალისხმევით, შემოიტანეს კიდევ იარაღი, მაგრამ ოპერაცია წანასწარ გაცემული აღმოჩნდა და ჩავარდა. იარაღის მხოლოდ ნაწილი გადმოზიდეს გემიდან. ამ ვითარებაში, როცა მთავრობას ყოველის მხრიდან უტყვენ, იძულებული გახდა ხელისუფლება ნამდვილ დათმობაზე წასულიყო. 1905 წლის 17 ოქტომბერს იმპერატორმა ხელი მოაწერა მანიფესტს. სხვათა შორის, მანიფესტი შედგენილი იყო გრაფ ვიტეს მიერ. ეს ვიტე ერთობ ჭკვიანი კაცი გამოდგა. ჭკვიანი და ძლიერი, იმდენად, რომ იმდროინდელი ერთი ჩვენი მოღვაწე მას შინაგან საქმეთა მინისტრად მოიხსენიებს. ეს შეცდომაა. ვიტე შინაგან საქმეთა მინისტრი არ იყო. იგი გახლდათ ჯერ გზების, შემდეგ ფინანსთა მინისტრი 1900-1903 წლებში. შემდეგ უუფლებო მინისტრთა კომიტეტის თავმჯდომარე, 1905 წლის 17 ოქტომბერს კი, 17 ოქტომბრის მანიფესტის ავტორი, გახდა ძალაუფლებით აღჭურვილ მინისტრთა საბჭოს თავმჯდომარე.

1906 წლის 23 აპრილს ინიშნება სახელმწიფო საბჭოს პირველი სხდომა. 3 დღით ადრე კი გამოდის იმპერატორის ბრძანებულება, რომლითაც მან დაამტკიცა სახელმწიფოს ძირითადი კანონები. ამ

კანონებით იმპერატორმა დაარღვია მანიფესტში ასახული პრინციპები—სიტყვის, საკუთრების, ადამიანის უფლებების შესახებ, ამიტომ, იმავ დღეს, 20 აპრილს ვიტე და მისი მთავრობა გადადგა. ამით დასრულდა ვიტეს პოლიტიკური კარიერა. შემდეგში ეცადა პოლიტიკაში დაბრუნებას რასპუტინის მეშვეობით, მაგრამ აღარაფერი გამოვიდა.

საჭიროდ ჩავთვალე ამის გადმოცემა იმ გარემოების გამო, რომ როგორც ადრე ვთქვი, ვიტე იყო თბილისელი, სწავლობდა და დაამთავრა თბილისის I გიმნაზია. მისდა უნებურად 1896 წელს ბანკობიდაშიც აღმოჩნდა ჩართული. როცა მაჩაბელი იძულებული გახდა ბანკიდან წასულიყო, რადგან საგანგებო კრებამ იგი უკანონოდ არჩეულად გამოაცხადა და დირექტორად სხვა აირჩია, კოლა ორბელიანი ფინანსთა მინისტრთან გავარდა პეტერბურგში—ვიტესთან, რომელთანაც ახლო ნაცნობობა ჰქონდა. შემდეგ მაჩაბელიც ჩავიდა. ვიტემ ამათ გაუღიმა, კარგად მიიღო, არც ხო უთხრა და არც არა, თითქმის წელიწადი აწვალა და არაფერიც არ გადაუწყვიტა. მან თბილისის სიტუაცია, ეტყობა, კარგად იცოდა, ამიტომ ბანკობიდაში არ ჩაერია და თავისი პოზიცია არ გამოხატა. 17 ოქტომბრის მანიფესტით ცხადდებოდა შეკრებათა, დემონსტრაციათა თავისუფლება, სიტყვის თავისუფლება. ხმოსანთა წრის გაფართოება, საზოგადოების სხვადასხვა ფენებიდან საკანონმდებლო ორგანოს – სახელმწიფო სათათბიროს არჩევის შესაძლებლობა, ანუ იქ დანიშნული წევრების გარდა, იქნებოდნენ ხალხის მიერ არჩეული დეპუტატები, მათ შორის განაპირა მხარეებიდან. მზადყოფნა ერობების შემოღებაზე და ა.შ. ერთი სიტყვით, რუსეთი ევროპის გზას ადგებოდა. ეს დიდი გამარჯვება იყო. ხალხი ზეიმობდა. მოხდა პოლიტიკატიმრების ამნისტიაც. საყოველთაო სიხარულს არ თანაუგრძნობდნენ ესერები და ბოლშევიკები. მათ გაზაფხულზე, რსდმპ მე-3 ყრილობაზე, (რომელიც ლონდონში, სხვათა შორის, ლენინის დავალებით „ბარსოვმა“ გახსნა, ეს ბარსოვი ქართველი მიხა ცხაკაია იყო) დადგენილი ჰქონდათ შეიარაღებული აჯანყების გზით მთავრობის ჩამოგდება. რა გამოვიდა? თუ ხალხი იმპერატორის მადლიერი შეიქნებოდა, მათ აღარავინ აპყვებოდა. სარევიოლუციო პარტიებმა, არათუ შეაჩერეს მიტინგები, არამედ ყოველდღე მართავდნენ. ხალხს აჩვენებდნენ ძალას, აი, რას მიაღწიეს მათ. რომ საჭიროა ბრძოლის გაგრძელება და მთავრობის დამხობა. მთავრობის მხარდასაჭერად თბილისში 21 ოქტომბერს გამოდის ე.წ. პატრიოტთა დემონსტრაცია, რომელიც

შეიარაღებულ რუს ხულიგანთაგან შედგებოდა. 22-ში სარევიოლუციო პარტიები მათ მოერიდნენ და მიტინგი გოლოვინის პროსპექტის ნაცვლად დიდუბეში გამართეს. გოლოვინზე კი ეს „პატრიოტები“ მიტინგობდნენ. მოსეირნე ხალხიდან მათი მიმართულებით ვილაცამ რევიოლვერი ისროლა. ეს აშკარად პროვოკაცია იყო. პროვოკაცია, რომელიც უნდა დაეგეგმა იმას, ვინც მანიფესტის გამოცემის გამო იყო შეშფოთებული.

მთავრობას მეტი ჭკუა არ ეყო, დასცხეთ უმადურებსო. შავრაზმელებმა და პოლიციამ, ყაზახებმა, ერთდროულად დაუშინეს ტყვიები უიარალო, მშვიდობიანად მოსეირნე ხალხს. 60 კაცზე მეტი მოჰკლეს, ასზე მეტი დაიჭრა. ნამდვილი ნადირობა გააჩაღეს რუსებმა. იმ დღეს კინალამ დაილუპა იაკობ გოგებაშვილი, რომელსაც ხმალამოლებული ყაზახი გამოჰკიდებია. გოგებაშვილი მანთაშევის სახლში შევარდნილა, იქ კლუბის ბიბლიოთეკაში წიგნების კარადას ამოჰფარებია და ყაზახს ვერ მიუგნია. ასე შემთხვევით გადარჩა ფ. გოგიჩაიშვილიც, რომელსაც ასევე ყაზახი გამოეკიდა. ასე რომ, 5 დღეში 17 ოქტომბრის მანიფესტი დახვრიტეს!...

ბოლშევიკებს მოვლენათა სწორედ ასეთი სცენარი აძლევდათ ხელს. ამიტომ ვთქვი, საქართველოში იმ დროს რა ხდება, ან ილიას თავს რა ხდება, ეს რომ ვიცოდეთ, უნდა გავითვალისწინოთ ლონდონში, ტამერფორსში თუ სხვაგან რა დადგენილებებს იღებენ ბოლშევიკები, რომელთა შესრულება სავალდებულო იყო აქაც, ქართველი ბოლშევიკებისათვის.



პეტერბურგში შექმნილი იყო გრაფ სოლსკის კომისია. ამ კომისიას უნდა შეედგინა დებულება კავკასიისათვის სახელწიფო სათათბიროში დეპუტატების ასარჩევად. მეფისნაცვალმა სთხოვა ნიკო ნიკოლაძესა და ილია ჭავჭავაძეს ამ კომისიაში მონაწილეობა მიეღოთ. ილია თავიდან უარზე იყო, ვორონცოვი არ მოეშვა, მაშინ ილიამ პირობა წამოუყენა, წავიდოდა თუ ხესამე წევრსაც დაამატებდნენ, და ეს წევრი მას უნდა დაესახელებინა. მეფისნაცვალმა დათანხმდა და ასე გახდა სოლსკის კომისიის წევრი ილიას ყოფილი თანამშრომელი, ახალგაზრდა გიორგი ჟურული.

1905 წლის დეკემბრის დასაწყისში ისინი უკვე პეტერბურგში არიან. მკითხველს ბოდიშს ვუხდის ვრცელი მოგონების შეთავაზებისათვის, მაგრამ ვარწმუნებ, ერთ-ერთ საუკეთესო ჩანა-

წერს წაიკითხავს ილიას შესახებ. გიორგი ჟურნული ასე იგონებს იმ დღეებს: „ილიამ მოისურვა, რომ ჩვენს სასტუმროში ერთს ნომერში დამდგარვიყავით. საჭირო გახდა სასტიკი ეკონომია გაგვენია, რომ ფული არ შემოგვეკლებოდა და უცხო მხარეს საძებნელი არ გაგვედომოდა. პურის ჭამაც ერთად გვექონდა და მისვლა—მოსვლაც ხომ საერთო იყო. ყველა განუღებულ ხარჯს მე ვინერდი და დროგამოშვებით ანგარიშს ვარდგენდი, ყველა ხარჯს სანახევროდ ვისტუმრებდით. დროებით ჩემი ხვედრი ვალად შეწერებოდა, რადგან თბილისში ფულის მიღება ვერ მოვასწარი. თითქო ორი სტუდენტი დასახლდაო, ისე ვიყავით. ილიას, ეტყობოდა, მართლაც თავის სტუდენტობის ხანა აგონდებოდა, ყველაფერში ანგარიშით იქცეოდა. სულ პირველად სატახტო ქალაქის წიგნის მალაზიები დაიარა, სადაც სქელკანიანი წიგნები შეიძინა, იურიდიული (პროფესორების ლექციებიც კი), ფილოსოფიური, ეკონომიური. ჩაუჯდა ამ წიგნებს და მთელ დღეებს როცა არ ვიყავით წასასვლელი, კითხულობდა; ვატყობდი კითხვის დიდ ხალისს. ხშირად წაკითხულ ადგილებს, რაც მოეწონებოდა და ღირსშესანიშნავად მიიჩნევდა, თავის უბის წიგნში ინერდა. ერთხელ ისე იყო კითხვით გართული, რომ მთხოვა: „რაკი სახლიდან გადიხართ, შევიცარს უთხარით, თუ მე მიკითხოს ვინმემ, — შინ არა ვარ“. მე არ დავეთანხმე მისი ბრძანების გაცემაზე: — თქვე დალოცვილო, ეგ თქვენი თბილისის ადათი აქ მაინც მოიშორეთ! რაღაც ორიოდ დღითა ვართ ჩამოსული, რა ბევრი ნაცნობი ჩვენა გვყავს აქა, რომ შეგანუხონ! მოვა ვინმე ისეთი, რომლის უნახაობა თქვენვე დაგნანდებათ-მეთქი. — ჩაიცინა და კარგით, მითხრა ილიამ: „იყოს ნება თქვენი, მაგრამ იძულებული ვიქნები ამ ხალათის მაგიერ სერთუკი ჩავიცვაო“-ო. მე მაინც უარი ვუყავი და ვაიძულე „ფორმა“ გამოეცვალა.

ჯერ კიდევ თბილისიდან რომ მოვდიოდით, იქ ერთმა ჩემმა ნაცნობმა მითხრა: — მებრალეები, გიორგი, ამბობენ ილიას ერთობ მძიმე ხასიათი აქვსო და გაგიმწარებს დღეებსაო... ეს სრული ტყუილი გამოდგა. მთელი ერთი თვე ერთად ვცხოვრობდით, ჩვენი საწოლები გვერდით იდგა, დილით ჩაი და საღამოთი ვახშამიც ჩვენს ოთახში ერთად გვექონდა, რესტორანებშიაც ერთად დავდიოდით და არა ყოფილა შემთხვევა, რომ რითიმე ეგრძნობებინა ილიას ან თავისი უფროსობა, ან დაეყინა და ჩემთან შეუთანხმებლად გადაენწყვიტა რაიმე, რაც ორთავეს შეგვეხებოდა. იმის ნებასაც კი არ მომცემდა ან სკამი შემეთავაზებინა, ან უკეთესი ნაჭერი დამეთ-

მო და სხვა... არც რითიმე შეუბღალავს ჩემი დამოუკიდებლობა და თავისუფლება. ვიმეორებ, კაცს ეგონებოდა, ერთი კურსის სტუდენტები ერთად დამდგარან, საერთო ბინაზეო.

პეტერბურგში დიდი ყინვა იდგა და სხდომაზე ან ვიზიტებზე რომ მივდიოდით, თბილად ვიცვამდით. ილიას თავისი, შემდეგში საარაკოდ გამხდარი ქურქი ესხა, შიგნით აქა-იქ ძალიან გაცვენილი და გარედან კი გახეხილი მაუდით. ძალიან საშუალო ღირსების ქურქი უნდა ყოფილიყო ჯერ ახლობის დროსაც. (შემდეგში არა, ეს ის ქურქია, ვითომ 40 თუმნინი, რომელიც უკვე გახადა საარაკოდ „მოგზაურმა“, - ნ.გ.) სამაგიეროდ მე მესხა დიდებული, ძვირფასი ბენვით შემოვლებული „ნიკოლაევსკი“ შინელი... თბილიც იყო და გარეგანი შეხედულებითაც დიდებული რამ! ის გენერლის შინელი ჩემს სიმამრს გამოვართვი, რადგან თბილი პალტო არა მქონდა: აბა ბათუმში მცხოვრებს რაში მეჭირვებოდა!

პეტერბურგის ქუჩებში მარხილებით რომ მივსრიალებდით ხოლმე, ყოველ სამხედრო ნაწილების შეხვედრაზე ატყდებოდა ერთი ამბავი და განგაში. სულ „სმირნოს“-ს ძახილით და იარაღის საპატიო მომარჯვებით გვხვდებოდენ და გვაცილებდენ. ერთხელ ილამ ჩაცინვით მითხრა: „გიორგი, ეს ამოდენა პატივისცემა სულ თქვენი სიმამრის შუბის წყალობით მოგვდის“-ო. მართლაც, სამხედრო ნაწილების და „გოროდოვების“ შიშით ქუჩაში ვერ გამეფლო თავისუფლად: სულყველა „ჩესტს“ მიკეთებდა... რაკი ილიას მეტწილად შინ ჯდომა უყვარდა, ერთხელ თვითონ შემომთავაზა თავისი გახუნებული ქურქი, ეგ ჩაიცვი ხოლმე და მაგით იარეთო! მეც ხშირად სწორედ ასე ვიქცეოდი. ავიღებდი თავსა და ვუვლიდი გარს „გოსტინი დვორის“ დახურულს ბაზარს. ამ დროს ილია თავის ნომერში ან კითხულობდა, ან ალბათ ამზადებდა იმ სიტყვას, რომელიც მას უნდა წარმოეთქვა იმ კრებულში, რომელსაც ოფიციალურად ეწოდებოდა: - „უმაღლესი ბრძანებით დაარსებული გრაფ სოლსკის კომისია“. - მანამ იმ უმაღლესი კომისიის სხდომები დაიწყებოდა, მეტწილად, ჩვენ შინ ვისხედით ხოლმე. აი ამ დროს დაგვემართა ერთი სასაცილო ამბავი, რომლის მიზეზი პროვინციულობა და პეტერბურგელ „თავისებური ატმოსფეროს“ უცოდინარობა იყო. ერთ დღეს ნომრის კარი ვილაცამ დაგვიკაკუნა. ვნახოთ, შემოდის ერთი უცნობი, პატარა შავწვერა ახალგაზრდა, ცხვირზე პენსნეთი, და ხელში რალაც რვეულით. გამოგვიცხადა, რომ იგი საგანგებოდ არის გამოგზავნილი ერთი ენციკლოპედიური გამოცემის რედაქციის მიერ, რათა ჩვე-

ნი გვარებიც იყოს იქ აღბეჭდილი. და მიმართა ილიას: – თქვენ, ვგონებ, თავადი ჭავჭავაძე ბრძანდებით და გთხოვთ თქვენი ბიოგრაფიული და მოღვაწეობის მასალა მომანოდოთ, რომ გამოცემელს მივართვაო. სთქვა ესა, გაშალა რვეული და მოიმარჯვა ფანქარი. ილიამ უთხრა: მე სათქმელი არაფერი მაქვს და რატომ შენუხებულხართო! უცნობი „ლიტერატორი“ არა სცხრებოდა და არ ეშვებოდა ილიას. ამ უკანასკნელის მიუკარებლობა მე ძალზე მალეღებდა, რადგან დაუშვებლად მიმაჩნდა, რომ იმ ენციკლოპედიაში, სადაც იმოდენა გამოჩენილი ხალხის სახელები იქნებოდა, ილიაც არ ყოფილიყო აღნიშნული. ავდექი და მე დავუნყე იმ ადამიანს ილიას შესახებ საჭირო ცნობის მიწოდება. კარგა ხანს ველაპარაკე, ვღელავდი, გატაცებით გადავშალე ილიას საქართველოს წინაშე დიდი დამსახურების სია...ის ყმანვილი ყველაფერს იწერდა, ილია კი განზე იჯდა და იქიდან გაკვირვებით, თითქო მისთვის უცნობი ახალ-ახალი ამბების მოსმენით, ჩუმად გულს ირთობდა, თანაც თავს როგორღაც უხერხულად გრძნობდა. როცა ჩემი სიტყვა გავათავე და ილიას ანითლებულ სახეს შევხედე, მეც ვიგრძენი ერთგვარი უხერხულობა, რომ ცოცხალი ადამიანის წინაშე მისი ნეკროლოგის მსგავსი რაღაც გამოვიყვანე იმ ჩემი ნაკარნახევით. როცა ეს მოვათავე, ახლა ის „ლიტერატორი“ მე ჩამაცივდა, თქვენს შესახებაც მომეცით ცნობებიო. მე, რასაკვირველია, ჩემზედ არა მითქვამს რა და იმითი მოვიშორე თავიდან, რომ ვუთხარი, მე თავად ჭავჭავაძის მდივანი ვარ-მეთქი და ენციკლოპედიურ გამოცემისათვის სათქვენოც არა მაქვს რა-თქო. როგორც იყო თავიდან მოვიშორეთ ის ადამიანი. საღამოზე ეს ამბავი ნიკო ნიკოლაძეს ვუამბეთ და მე დავეკითხე მას, თუ მანაც ნახა ენციკლოპედიის თანამშრომელი. ამის გაგონებაზე მორთო ნიკომ ერთი სიტყვა: ეგ რა გიქნიათ, ოთახში როგორ შემოუშვით ეგ შეჩვენებულიო! იგი ენციკლოპედიამ კი არა, „ოხრანკამ“ შემოგიგზავნათ, რომ თქვენგან გაეგო, ვინცა ბრძანდებითო! ჩემთან რომ მოსულიყო, ახლოსაც არ გავიკარებდიო! ნიკოლაძე მართალი გამოდგა: არავითარი ენციკლოპედია არ გამოცემულა და ჩემის გამოუცდელობით „ოხრანკის“ აგენტს ბევრი რამ ისეთი შევატყობინე, რომ თუ რევოლუციას არ მოესწრო, ილიას, მგონი, იაფად არ დაუჯდებოდა...

„უმალლეს კომისიაში“ დანიშნულს ვადაზე მიგვიწვიეს კავკასიიდან ჩამოსული ყველა დელეგატი. კრება მხოლოდ ერთხელ მოხდა „მარინსკის სასახლეში“, სადაც მოთავსებული იყო სახელ-

მნიფო საბჭო. კრებას თავმჯდომარეობდა დიდი, ძველი მოხელე, გრაფი სოლსკი, წევრებად კი იყვნენ ყველა მინისტრი: ვიტტე, დურნოვო და სხვები და აგრეთვე ათიოდე სახელმნიფოს საბჭოს წევრი, – სულ დიდი ბობოლები. ამათ გარდა იყვნენ კიდევ მეორე ჯგუფის წევრნიც: ისინიც დიდი მოხელენი. თუ პირველი ჯგუფი, როგორც პრეზიდუმი, ერთ ამალღებულ ადგილზე ისხდნენ, ეს მეორენი დაბლა, პარტერში იყვნენ, სავარძღებში, რომელნიც წყობით და რიგებით იდგნენ, როგორც თეატრში. მათ უკან, კედლის გასწვრივ, პრეზიდუმის პირდაპირ, იდგა ერთი გრძელი, მუქი მაუღით დაფენილი მაგიდა. მას ეწოდებოდა „კორესპონდენტების“ მაგიდა და კავკასიის დღღეგატები იქ ჩამოგვამწკრივეს „ჩინისა და ხარისხის“ მიხედვით. მე სულ ბოლოში მერგო ალაგი; ჩემს გვერღით იღია იყო, იმაზე ზევით ნ. ნიკოლაძე. ამნაირად, ქართვეღები ერთი მეორეს მივსდღევღით. თავმჯდომარე კავკასიელ დღღეგატებს სიღთ გამოუძახებღა ხოღმე. აქაც ვისაც დიღრამ ხარისხი ჰქონღა, ჯერ იმათ ინღვეღა. ბოლოს ჯერი ჩვენ იღიამდღეც მივიღა. იგი თავისი ჩვეუღებრივის, აუჩქარებღელი ნაბიჯიღთ მიუახლოვღა პრეზიდუმიღს მაგიდას; მან თიღქო შორიღდანვე დაინყო მის წინ ჩამომწკრივებღული ხალხის მუშტრის თვალღთ ათვალღერებ–ჩამოთვალღერება; გეგონებღდაღთ, შუა წრეში მოქცეული მოჭიღდავე თვალღებით დაეძებს, აბა ვის უნღა შევეჭიღდოვო... იღიას წინ ბარემ ექვსმა კაცმა იღაპარაკა. ისინი თავაზიანად და მოკრძალღებით იძღღეოდენ პასუხს იმ შეკითხვებზე, რომელსაც მათ გრაფი სოლსკი უსვამღა. პრეზიდუმიღს სხვა წევრებიც სვამდენ კითხვებსა. მათ უმთავრესად აინტერესებღათ გაეგოთ, ვინ ახდენღა კავკასიაში რევიღლუციას და როგორი მსვღღეღობა ჰქონღა მას.

იღიამ, ეტყობა, სულ სხვანაირად შეამზადა თავისი სიტყვა და არ აპირებღა ცალკე შეკითხვებზე პასუხის მიცემას. თავის სიტყვაში მან ცხადათ აგრძღნობინა მის წინ მსხდღომარე რუსეთის უზენაეს მმართვეღებს, რომ იგი კავკასიის მთავრობის მრჩევეღ აგენტად ან მოწყალღების გამოსათხოვნად კი არ ჩამოსულა თავის ქვეყნიღდან, არამედ გამოღდის, როგორც ბრალმდღებღელი უმწეო მდგომარეობის დასასურათებღად, რომელშიაც აგერ ას წელიწადზე მეტია, იმყოფება კავკასიის სხვა ერებთან ერთად, ქართვეღი ხალხიც. თავისი, მართლაც საბრალმდღებღო სიტყვა, იღიას შეედგინა მწყობრად, ქრონოლოგიურს წესზე, ჩამოთვღით იმ რეფორმებისა და სხვა ზომების სიის აღწუსხვიღთ, რომღღის შემოღღ-

ბა რუსეთის მთავრობას შიდა გუბერნიებისათვის გამოემეტა და კავკასიის მხარე—კი სულ მუდამ მივიწყებული ჰყავდა. ამას კარ-გად ხედავსო კავკასიის მოსახლეობა. ასეთი იყო შესავალი ილიას სიტყვისა. შემდეგ ორატორი მოჰყვა ამ დებულების საილუსტრაციოდ ფაქტების გადმოლაგებას. თანდათან იშლებოდა უმწეო სურათი, რომელშიაც ჩვენი მხარე იმყოფებოდა. ილია თანდათანობით როლში შედიოდა, მაგრამ აქ თავმჯდომარემ, ეტყობა, ველარ აიტანა მისი ოპოზიციური ტონი, სრულიად უცნობი სახელმწიფო საბჭოს პრაქტიკაში და, უცბად, შეანწყვეტინა ორატორს სიტყვა: „ჩვენ ეგები არ გვანტიერებს, შენიშნა მოხელემ, ჩვენ გვსურს ვიცოდეთ თქვენი აზრი აი ამის შესახებ: განა შესაძლებელია კავკასიას დაერთოს ნება დებუტატების არჩევისა, როდესაც იქ საშინელი რევოლუციური ამბოხება ხდება“-ო?... ილია აშკარად მიხვდა, რომ მას აღარ მისცემენ სიტყვის გაგრძელების საშუალებას. მე ვიგრძენი, რომ იგი გულმოსულიც იქნებოდა, რაკი ბოლომდე არ მოუსმინეს და აი რა სურათი ვნახე: — ილიამ რიხიანად, მარჯვენა ხელის სერთუკის უბეში ამოდებით და მარცხენის ძირს ჩაქნევით (ასე იცოდა მან, როცა გაცხარდებოდა) ეს სიტყვები ახალა პირში იქ მყოფ სრულიად რუსეთის მბრძანებელსა და მმართველთ: —

„როგორ თუ განა შეიძლება? შეიძლება კი არა, აუცილებლად და დაუყონებლივ უნდა იყოს გავრცელებული კავკასიის მხარეზე-დაც ეგ რეფორმა და ჩვენც უნდა მოგვეცეს უფლება ჩვენი დებუტატების არჩევისა. და თუ ასე არ მოხდა, მე ჩემს თავს მოვალედ ვრაცხ გამოგიცხადოთ, რომ ახალ შეურაცხყოფას ველარ მოითმენს ჩვენი ხალხი, და თქვენ იძულებული იქნებით ზღვა სისხლი დაღვართ თქვენი სოლდათებისა აღშფოთებულ კავკასიის მოსახლეობასთან შებრძოლებაში“-ო. სთქვა ილიამ ეს, ოდნავ თავი დაუკრა თავმჯდომარეს და იმავე აუჩქარებელის და მტკიცე ნაბიჯით მობრუნდა თავის ადგილას. მე აღტაცებული ვიყავი ილიას ღირსეული გამოსვლით, მზად ვიყავი გადავხვეოდი... ამით არ გათავდა ის სხდომა. თავის ხელობაში კარგად გამოცდილმა თავმჯდომარემ მოისურვა ერთგვარი დივერსიის მოხდენა და ილია ჭავჭავაძის მიერ შექმნილ მძიმე შთაბეჭდილების გასაქარწყლებლად დააპირა რომელიმე კავკასიელის შეცდენა-გაბრიყვება, რომ ჩვენი სავე წრიდან მოესმინა ილიას სიტყვების გაბათილება. მე შიშმა ამიტანა, ნუ თუ, გავიფიქრე, ვინმე იკისრებს ამისთანა უკადრის საქციელს? თავმჯდომარემ მოგვმართა დელეგაციას და მოთმინებით უცდიდა, ვინ მოითხოვდა სიტყვას. ყოყმანი აღარ შეიძლე-

ბოდა. გრაფ სოლსკის წადილის გაცრუება უნდა საჩქაროდ მომხდარიყო, რომ, მართლაც, კავკასიელების მხრივ შეცდომა არავის დაეშვა. თოთქო ვილაცამ კისერში მკრაო, უცბად წამოვდექი და სიტყვა მოვითხოვე.

ჩემის წარმოდგენით, ილიას სწორედ იქ შეანწყვეტინეს სიტყვა, სადაც მას ერთი დიდი ბრალდება კიდევ უნდა ეთქვა და იმის თქმას—კი, ჩემად, აუცილებლად ვსთვლიდი. ვგრძნობდი, რომ მეც შემანწყვეტინებენ სიტყვას, თუ ცოტა სხვა ფორმა არ მივეცი იმ დებულების წარდგენას. სულ არ გაუვლია რამოდენიმე წუთს, რაც მე ამ ფიქრებში ვიყავი და, უცებ, თავმჯდომარის წინ გავეჩნდი. აი რისი თქმა მოვახერხე: „აქ ჩვენ გვეკითხებიან, განა შეიძლება მომავალ საკანონმდებლო დაწესებულებაში არჩევნების მოხდენა, მანამ ძირიანად არ იქნებიან აღმოფხვრილნი ის სააგიტაციო ძალები, რომელნიც კავკასიაში რევოლუციურ გამოსვლებს ახდენენო? მაგრამ ამისათვის—კი, სულ პირველად, დანამდვილებით უნდა გავეცნოთ: ვინ არიან და სად არიან ის ძალები, რომელნიც შფოთისა და მღელვარებას სთესენ ჩვენს მოსახლეობაში. თქვენ კარგად მოგეხსენებათ, რა უკიდურეს მიწის სივინროვეს განიცდის ქართველი გლეხი, რა მჭიდროდ არის დასახლებული ჩვენი მხარე, თუ სახეში მივიღებთ მხოლოდ ამ მიწების სივრცეს, რომელიც მეურნეობისათვის გამოსადეგია. ჩვენში მრავლად არიან ადგილები, სადაც გლეხი, მიწის დამუშავების დროს, თავის ტანს წნელით ან თოკით მიაბამს ხოლმე რომელიმე ბუჩქს ან კლდოვან ალაგს, რომ ფეხი არ დაუსხლტეს და უფსკრულში არ გადაიჩეხოს. რაჭის მაზრაში მიწის ფასი იმ ზომამდეა ანეული, რომ ერთი ქცევა 1200 მანათამდე და მეტადაც ღირს“. აქ თავჯდომარემ შემაყენა და დამეკითხა: განა ისეთ დიდი მოსავალს იძლევა იქაური მიწა, რომ ეგეთი ფასები ყოფილაო? ქცევა რას უდრისო? აქ დამსწრე ბარონ ნოლდემ (ეს გრ. ვორონცოვის წარმომადგენელი იყო პეტერბურგის უწყებებში) დამასწრო და მოახსენა კომისიას: ქცევა 900 კვ. საჟენი არისო! — მე განვაგრძე ჩემი სიტყვა და გრ. სოლსკის გაკვირვებაზე ვსთქვი: — ეგ დიდი ფასები, რასაკვირველია, არ არის გამომხატველი მიწების წამდვილი შემოსავალისა, რომელიც ძალიან დაბალია. ეგ ფასები სწორედ იმისი მთქმელია, რომ საქართველოს მოსახლეობა უკიდურეს მიწის სივინროვეს განიცდის და ყოველი ქართველი მონატრულია ერთი პატარა ფეხის დასაბჯენი ადგილი მაინც მოიპოვოს თავის სამშობლოში და არავითარი ფასის წინ არ დადგება, თუ ფული იშოვა სხვაგან სამუშაოზე. და აი როდესაც ასეთი

უმწეო მდგომარეობაა ჩვენში, რას ხედავს ჩვენი გლეხი? მას, რომ მთავრობა, სადაც—კი თვალს მოჰკრავს, რომ იმის განკარგულებაში თავისუფალი მიწა გაჩნდა, ამ მიწას ადგილობრივ, გაჭირვებულ გლეხს კი არ აძლევს...

რაკი სალაპარაკოდ გამიხდა საქმე, ახლა სხვა ხასიათის საკითხზედაც გადავდი. საქმე იმაშია, რომ კავკასიის მთავრობის პროექტით ჩვენში დეპუტატების არჩევა ისე უნდა მომხდარიყო, რომ ქართველი კანდიდატი არ გასულიყო იმ ადგილებში, რომელიც მთავრობისათვის საშიშროებას წარმოადგენდა. ასეთ ადგილად, სულ პირველად, ითვლებოდა ქალაქი ბათუმი, სადაც რევოლუციური მოძრაობა სდულდა და გადასდულდა და ნაწილობრივ, სოხუმის ოლქიც. ამიტომ მთავრობამ განიზრახა ეს ოლქები გაეთქვიფა უფრო კეთილსაიმედო ერთეულებში. ასეთები იყვნენ მთავრობის თვალში შავი ზღვის გუბერნია, ქალაქ ნოვოროსიისკით და ყარსის ოლქი. პროექტში ეს ოთხი, სულ სხვა და სხვა ხასიათის ადგილები გაეერთიანებინათ და ერთი საარჩევნო კერია გამოეყოთ: ერთი დეპუტატის არჩევაც ქალაქ ნოვოროსიისკში უნდა მომხდარიყო. მე აუცილებლად დავინახე კავკასიის მთავრობის პლანის ჩაფუშვის საჭიროება, და, როგორც ქ. ბათუმის წარმომადგენლისათვის, ჩემთვის სავალდებულოც. აი ამის ირგვლივ ავანყვე ჩემი სიტყვა.

დასრულდა სოლსკის კომისიის მუშაობა. კავკასიას მიეცა უფლება თავისი დეპუტატების არჩევისა და ჩერნომორსკის გუბერნიაზე ჩამოგვაშორეს ბათუმელებს. ჩვენი მხარის უფლებების დაცვა და საქმის სასურველად მოთავება მთელი კავკასიის დელეგატების დამსახურება იყო და აქ უნდა ვსთქვათ, თავისი დიდი როლი ითამაშა იმ მუქარამ, რომლითაც ჩვენმა დიდმა ილიამ მიმართა რუსეთის დიდ ბობოლა მმართველებს.

სოლსკის კომისიის ყრილობას დაესწრო მეოთხე ქართველიც, თბილისის გუბერნიის მარშალი დავით მელიქიშვილი. იგი არ იყო დელეგაციის წევრი, მაგრამ მაინც დაესწრო არა ოფიციალურად, ასე ვსთქვათ, როგორც მეთვალყურე. დ. მელიქიშვილი განსაკუთრებული ნდობით იყო აღჭურვილი გრაფ ვიტტეს მიერ, რომელთანაც დაახლოვებული ნაცნობობაცა ჰქონდა. ბევრნაირად იყო საინტერესო მელიქიშვილის პიროვნება. იგი დაბადებით ეკუთვნოდა ქართულ არისტოკრატიულ წრეს, რწმენით ხმალამოდებული მომხრე იყო რუსეთის დინასტიისა და ამავე დროს—კი გულით—ქართველი. უნდა ითქვას, რომ დავით მელიქიშვილი უთუოდ

დიდი კულტურით აღჭურვილი ადამიანი იყო. მან ბრწყინვალედ დაასრულა სამოცდაათიან წლების მიწურულში პეტერბურგის უნივერსიტეტი, იურიდიულ ფაკულტეტზე საპროფესოროდაც კი უპირებდნენ მას დატოვებას, მაგრამ პროფესორის მაგიერ, თანახმად გვარის ტრადიციისა და ბიძის, ლევან მელიქიშვილის სურვილისა, იგი მოულოდნელად ნიჟეგოროდის დრაგუნის პოლკში შევიდა მოხალისე ჯარისკაცად. რუსის სამსახურში დიდი კარიერის გაკეთების საშუალება ემლებოდა წინ, მაგრამ რუსები მაინც აღმაცერად უყურებდნენ მას და არ სჯეროდათ მისი ას პროცენტად გარუსება და ამიტომ მათ სამსახურში შორს ვერ წავიდა; მიუხედავად ამისა, რომ ცოლებით ნათესავნიც იყვნენ, ილია და დავითი ძალიანაც არა სწყალობდნენ ერთმანეთსა. ეს გასაგებიც არის, რადგან ილია რუსეთის საკითხებში არასფერში არ ეთანხმებოდა მელიქიშვილს...

სოლსკის კომისიის სხდომები გათავდა და ჩვენ სამშობლოსაკენ წამოვედით. ილია და მე ვაგონის მეორე კლასის ორადგილიან კუპეში მოვთავსდით. იგი თბილისამდე აღარ გამოგვიცვლია. რაკი საერთო ხარჯები მე მებარა, ილიას ვსთხოვე ჩემი ანგარიშები მოესმინა. იგი დიდის ყურადღებით ისმენდა და ციფრებს აჯამებდა. ჩემი მოხსენება იმით გათავდა, რომ მე დამედო ილიას ვალი 700 მანეთზე ცოტა მეტი (დანამდვილებით აღარ მახსოვს ეხლა). ავდექი და ეს ფული იქვე მივართვი იმ თანხიდან, რომელიც წინა პლეს მივიღე სახელმწიფო საბჭოს რომელიღაც განყოფილებიდან, როგორც ჩემი ხვედრი საგზაო ხარჯებისა. ილიამ გამომართვა ფული და მითხრა: „ანგარიშში მხოლოდ ერთი შეცდომა მოგიკიდათ“, მიმითითა რაღაც დეტალზე და დაუმატა: „თქვენ კიდევ გმართებთ ჩემი ორი მანეთი და 50 კაპიკი“. მე ავუხიბდი ჩვენი ბანკის ყოფილ უმთავრეს მართველს, რომ იგი სცდება. სულ ცოტა, ნახევარი საათი მაინც ვიკამათეთ და ილია არ მომეშვა მანამ მართლაც არ დამიმტკიცა, რომ იგი სწორედ ანგარიშობდა. ავიღე და ის ორი მანეთიც და ათი შაურიც მივართვი, თანაც ორივემ ბევრი ვიცინეთ.“



მრავალი ცდის მიუხედავად გურიის ამბები მშვიდობიანად ვერ დამთავრდა. რუსებმა აქ ნამდვილი ომი წამოიწყეს. ილიამ კი შეაჩერებინა ალიხანოვ-ავარსკის დამსჯელი ექსპედიცია. სამხედრო

წესებიც გააუქმეს, მაგრამ ბოლშევიკებს მოვლენათა მშვიდობიანი დასრულება ხელს არ აძლევდათ. გურიაში მათ განსაკუთრებული ძალაუფლება ჰქონდათ. როცა ვლადიმერ პუტინმა გაფიცვებზე, არ იფიქროთ, რომ ხალხი ყველა ერთ ჭკუაზე იყო, რომ, თითქოს ყველას სურდა არ ემოდრავა ტრანსსპორტს, არ ემუშავა მალაზიებს, საქულბაქოებს. საბოლოოდ ამით ისევ ხალხი ზარალდებოდა. მეფის მოხელენი მშვენივრად გადაადგილდებოდნენ საკუთარი ეტლებით, მაგრამ თუ რომელიმე მეეტლე მოინდომებდა სამუშაოზე გასვლას და უბრალო მოქალაქეების მომსახურებას, ან გამყიდველი ფარდულის გაღებას, ის სიკვდილით დაისჯებოდა. ვის ჰქონდა თავი გასამეტებელი? აი, ასე აღწევდნენ საყოველთაო დაუმორჩილებლობას ბოლშევიკები. ასე, რომ დეკემბრის მოვლენების შემდეგ საქართველოში დაბრუნებულ ილიას საშინელი სურათი დახვდა. ამჟამად რუსების დამსჯელ ექსპედიციის ყოფილა ვინმე ედუარდ იუონი, რომელიც, როგორ საკვირველიც არ უნდა იყოს, აღფრთოვანებული წერს გურიისა და გურულების შესახებ. მისი წერილი „ერთი წელი ამბოხებულ გურიაში“ გადმობეჭდა 1907 წელს თბილისში არსებულმა გერმანულმა გაზეთმა „კაუკაზიში პოსტმა“. მისი ფაქტიური რედაქტორი იყო არტურ ლაისტი. ეს საინტერესო წერილი გერმანულიდან თარგმნა და თავის ნიგნში „მოგზაურობა „კაუკაზიში პოსტის“ ფურცლებზე“ გამოაქვეყნა კრიტიკოსმა ლევან ბრეგაძემ.

სხვა რომ არა იყოს რა, ეს მასალა ეკუთვნის დამსჯელი ექსპედიციის წევრს, ამიტომ ორმაგად საინტერესოა მისი გაცნობა. გთავაზობთ ვრცელ ნაწილს წერილისა და ამით ვასრულებთ იმ სურათის წარმოჩენას, რომელიც 1905 წლის გურიისა და დასავლეთ საქართველოს ვითარებას წარმოგვიჩენს: „ვეცხოვრობდით ჩვენთვის, მშვიდად პატარა საგარნიზონო ქალაქში თურქეთის საზღვართან, როცა ერთ მშვენიერ, თუ უბედურ დღეს ტელეგრაფით გვიბრძანეს: სასწრაფოდ დავძრულიყავით გურიაში დაწყებული მღელვარების ჩასახშობად. მეორე დღის ნაშუადღევს გავუდექით გზას და ხუთი დღის შემდეგ ჩვენი პოლკი უკვე გურიის საზღვარს მიადგა. 1905 წლის თებერვალი იდგა და კონტრასტი აქაურსა და იმამინდს შორის, უკან რომ ჩამოვიტოვეთ, ჯადოსნურად მოქმედებდა. თუმცა ჩვენი გარნიზონის ადგილსამყოფელი ბევრად უფრო სამხრეთით მდებარეობდა, იქ სასტიკი ზამთარი მძვინვარებდა (საგარნიზონო ქალაქი არარატის განშტოებაზეა განლაგებული ზღვის დონიდან ორი ათასი მეტრის სიმაღლეზე),

ხოლო აქ, ნატანების მშვენიერ ველზე, გაზაფხულს მთელი თავისი მომხიბვლელი გამოეფინა: მინდორი მწვანედ აბიბინებულ იყო, ფილოდენდრონი ყვარდა, აკაციებსა და მაგნოლიებსაც გამოელთ ნაზი ყლორტები. ნოტიო, თბილი ჰაერი იების სურნელით იყო გაჟღენთილი. ამ დიდებულმა გარემომ გადაგვაფინყა ყველა გაჭირვება, რაც ყოველთვის ახლავს თან მოზრდილი სამხედრო ნაწილების გადაადგილებას. ჯარისკაცები ბავშვებივით იქცეოდნენ: ხარობდნენ, მღეროდნენ და კარვებს აყვავებულ რტოებით რთავდნენ.

გურიის საზღვარზე, ზღვის სანაპიროზე მდებარე ნატანებში, გურულების დეპუტაცია შემოგვეგება და იქ დაგვატყვევა პირველად ყველანი იქაური ადამიანების სილამაზემ. ეს იყო ნამდვილი აღმოსავლური ფერადოვანი სანახაობა: დეპუტაცია ასამდე კაცისაგან შედგებოდა, ჭრელად მორთულ-მოკაზმულ სახედრებსა და ჯორებზე ისხდნენ და ნელი სვლით მოიწიოდნენ ჩვენკენ. ესენი იყვნენ ნამდვილად ღირსეული ადამიანები, უმეტესობა ჭალარა იყო, გრძელი კარგად მოვლილი წვერი ამშვენებდათ, მდიდრულად იყვნენ გამოწყობილი და კეთილშობილი, სერიოზული სახეები ჰქონდათ. დეპუტაციის მიზანი იყო სრული მორჩილება აღეთქვა ჩვენი უფროსებისათვის, სტუმართმოყვარეობის ნიშნად, რუსული წესის მიხედვით, პურითა და მარილით მიველეთ და, რაც მთავარია, ეთხოვათ ზარალი არ მიგვეყენებინა, მათ ქვეყანაში ღრმად არ შეეჭრილიყავით და საზღვართანვე დაგვებანაკა. წინსვლა სრულიად ზედმეტია, რადგან უკვე ყველგან სინყნარე სუფევსო. ამ მიღებამ ჩვენს უფროსებზე ჩინებული შთაბეჭდილება მოახდინა და, მართლაც, ცდილობდნენ უხუცესთა აღთქმისთვის დაეჯერებინათ.

ნატანებში დროებით კარვები გავშალეთ, თოთხმეტი დღის განმავლობაში თავს ისე ვგრძნობდით, როგორც ღმერთები საფრანგეთში, და გურიაც მშვიდად იყო. დამსჯელი კორპუსის შემადგენლობაში ჩვენ გარდა კიდევ ქვეითთა ერთი სხვა პოლკი, ქვეით კაზაკთა ერთი ბატალიონი, ერთი პოლკი ცხენოსანი კაზაკებისა და არტილერიის ორი ბატარეა შედიოდა. ასე რომ, კორპუსი სერიოზულ ძალას წარმოადგენდა. ის დაუქვემდებარეს შემდგომში სახელგანთქმულ გენერალ ალიხანოვს და „რიონის კორპუსი“ შეარქვეს.

ნატანები რკინიგზის სადგურია თბილის-ბათუმის ხაზზე, რომელიც რიონის ხეობას მისდევს და ამიერკავკასიის უმშვენიერეს

ადგილს წარმოადგენს. რუსეთ-თურქეთის ომის დროს, 1877-78 წლებში, რიონს სისხლის ნიაღვარი ჩაჰქონდა შავ ზღვაში, რადგან ბათუმისათვის სასტიკი ბრძოლა გაჩაღდა ხმელეთსა და ზღვაზე; ბათუმი რუსეთს 1878 წელს მიაკუთვნეს ბერლინის კონგრესზე. ზღვა ჩვენი ბანაკიდან ერთი კილომეტრით იყო დაცილებული და მე ნეტარებით ვატარებდი მის ნაპირზე დროს საათობით, ალტაცე-ბული შევეყურებდი მას, რომელიც მაშინ, მართლაც, შავი აბობოქრებული სტიქიონი იყო; ხშირი ქარიშხლებისაგან აწრიალებული, ჰორიზონტთან საავდრო ღრუბლებში გახვეული, ის პირქუში და შიშის მომგვრელი ჩანდა.

სულ სხვანაირია იგი ზაფხულში! იქიდან არც ისე შორს მდებარეობს კურორტი ქობულეთი, სადაც კოლორიტული, მწვანე და ყვითელი ფერებით განთქმული დაისით ტკბობა შეიძლება. ახლო მდებარე მეთევზეთა სადგურ ნიკოლოზის კონცხზე ვეცადე დავახლოებოდი იმ ხალხს, რომელთა დასაშოშმინებლადაც ჩვენ იქ მივედით. ჩვეულებრივ გულღია და თავაზიანი ადამიანები ჩვენ წინაშე, ჩვენი ფორმის შემხედვარე, გულჩათხრობილნი და მიუკარებელნი ხდებოდნენ. მე დიდი წვალებით, ყესტებით, მიმიკითა და ამასობაში ნასწავლი ორი ღერი ქართულით ავუხსენი მათ განსხვავება კადრისა და თადარიგის ოფიცრებს შორის, განვუმარტე, რომ ომი არ იყო ჩემი ხელობა და რომ იქიდან შორს, შორს, რამდენიმე ათასი კილომეტრის მოშორებით, მქონდა კერა და ოჯახი და იქ დაბრუნება ჩემი მგზნებარე სურვილი იყო. შემდეგ კი, არამარტო აქ, არამედ მივარდნილ სოფლებშიც, სადაც ჩვენ მისვლა გვინევდა, ისწავლეს თადარიგის ოფიცრების ცნობა, და ვიდრე გამოგველაპარაკებოდნენ, ჯერ ალმაცერი მზერიფი სამხრეებს შეგიმონმებდნენ.

უფრო ადვილი იყო გურულებთან ნაცნობობის გაბმა ახლომდებარე ბათუმში, რომელსაც ჩვენ, რა თქმა უნდა, ხშირად ვსტუმრობდით. ბათუმი გურიის უმნიშვნელოვანესი ქალაქია, მაგრამ ტიპური ეროვნული სახე დიდი ხანია დაკარგული აქვს. ის მშვენიერი საერთაშორისო მნიშვნელობის მქონე ნავსადგურია და წლინახევრის წინ ბევრ უცხოურ გემს მასპინძლობდა, მათ შორის-მრავალ გერმანულ სავაჭრო გემსაც. ამ ბოლო დროს კი ბათუმთან ვაჭრობა ნავსადგურის მუშაკთა მუდმივი გაფიცვების გამო მთლიანად პარალიზებულია. 1905 წლის ზაფხულში, გემ „პოტიომკინზე“ მომხდარი ამბოხების შემდეგ, უცხოეთის გემებმან სავსებით უარი თქვეს ბათუმზე. ნავთობის დიდმა ფირ-

მებმა, ნობელმა და სხვებმა, დახურეს თავიანთი საწარმოები და ქალაქი ბედის ანაბარა მიატოვეს. უმუშევართა არმია მშვენიერი მასალა გამოდგა რევოლუციისთვის, რაც კარგად გამოიყენეს გურიის მოძრაობის მეთაურებმა. ყველა, ვინც ქალაქიდან არ გაქცეულა, რევოლუციონერი გახდა. ციხესიმაგრის მცირერიცხოვან ბატალიონშიც კი დაიწყო მღელვარება, ამიტომ, როცა ქალაქი სევასტოპოლის რევოლუციის დროს მთლიანად ამბოხებულთა ხელში გადავიდა და გარესამყაროს მოსწყდა, ვერ გაბედეს ციხესიმაგრის ქვემეხები ხალხისთვის მიეშვირათ. ქალაქის ფარგლებს გარეთ მდებარე ციხესიმაგრე იზოლირებულ იქნა, ნავსადგურში მყოფი გემები დროებითმა ხელისუფლებამ მფლობელებს ჩამოართვა და სევასტოპოლისკენ გაგზავნა აჯანყებულ წითელ ადმირალ ლეიტენანტ შმიდტთან კავშირის დასამყარებლად. სევასტოპოლს რომ ერთი დღით მეტი გაეძლო, ბათუმი რუსულ რევოლუციაში ალბათ ძალიან მნიშვნელოვან როლს ითამაშებდა. როცა მე 1905 წლის დეკემბერში უკანასკნელად ვნახე ბათუმი, რუსეთის ჯარის მიერ მისი სრული დაშოშმინების შემდეგ, იგი მეტად ნაღვლიანად გამოიყურებოდა. ქალაქში შიმშილი მძვინვარებდა. სახეგაფითრებულნი, მაგრამ ამაყად თავაღერილნი მიმოდრიოდნენ ქუჩებში გურულები, თვით ისინიც, ვისაც მათი უკანასკნელი სიხარული – ტანსაცმელი – ტანზე ჰქონდა შემოფლეთილი. მათი მონათესავე, მაჰმადიანური რელიგიის აღმსარებელი აჭარლები კი მთიდან ქალაქში ჩამოვიდნენ და შეიარაღებული მილიცია შექმნეს. ამ სულმოკლეობას მათ გურული ადვილად ვერ აპატიებს.

როცა ქუთაისი დაეტოვე, ისიც ბათუმივით სრულიად განადგურებული იყო: ქალაქის ძველი ნაწილი გადაენვათ, ასობით ადამიანი დაეპატიმრებინათ და გადაესახლებინათ, მათ შორის ყოფილი გუბერნატორი სტაროსელსკი და მისი თანამემნე ყიფშიძე, რომელთაც მე ჯერ კიდევ წლების წინ გონიერ ლიბერალებად ვიცნობდი და რომლებიც გურულებს შორის უსაზღვრო სიმპათიით სარგებლობდნენ. ქალაქში ცხოვრება ჩამკვდარიყო, შორაპნის მაღაროებს მუშაობა შეეჩერებინათ და ამით გამონვეული მარგანეცის ნაკლებობა უკვე იგრძნობა მთელ სარკინიგზო ინდუსტრიაში.

ნამდვილი, შეურყვნელი სულიერი და ფიზიკური ცენტრი გურიისა, ერთადერთი ჭეშმარიტად გურული ქალაქი ეს არის ამ ბოლო დროს, სამწუხაროდ, ხშირად ხსენებული სამაზრო ცენტრი ოზურგეთი. უახლოესი რკინიგზის სადგურიდან (ნატანები-

დან) ოცი კილომეტრით დაშორებულმა, კავკასიონის დასავლეთ განშტოებებზე მდებარე, ყოველგვარ სავაჭრო და ინდუსტრიულ მნიშვნელობას მოკლებულმა ამ დასახლებამ მყუდრო ადგილმდებარეობის წყალობით შეძლო თავისი საკუთარი, იდილიურად მიმზიდველი სახის შენარჩუნება. 1905 წლამდე ოზურგეთს სამხედრო არც ენახა, მაგრამ ოზურგეთის სწორედ ეს, საქვეყნო ფაციფუსი განრიდებული მდგომარეობა, გამოიყენეს რევოლუციონერებმა და წყნარი, ხილის ბაღებსა და ვაზებში ჩაფლული ქალაქი რევოლუციის ციტადელად გადააქციეს. ოზურგეთი, როგორც გურიის ყველა დასახლებული პუნქტი, ფართო ტერიტორიაზეა განფენილი. ქუჩა, ჩვენებური გაგებით, მხოლოდ ქალაქის ცენტრშია, სადაც სავაჭროებია თავმოყრილი. სახლები საკარმიდამო ნაკვეთების შუაგულში დგას და ერთმანეთს მეტისმეტად არის დაცილებული ეზო-ბაღებით. ზაფხულში, როდესაც სუროებით, ლიანებითა და ხვიარა ვარდებით ტანშემოსილი ხეები ამწვანებულია, სახლები სულ აღარ მოჩანს, მით უფრო, რომ უმეტესად მომცრო ზომისა და ერთობ მსუბუქად ნაგებნი არიან. ეს გარემოება, სხვათა შორის, დიდად უწყობდა ხელს აგიტატორებს. მარდად მოივლიდნენ ხოლმე ქალაქს და სოფელს, შეუმჩნევლად შედიოდნენ სახლებში თავიანთი იდეების გასაავრცელებლად. რაკი მწვანე საფარით შენიღბული სახლები შორიშორს იდგა, მათი მოქმედება არ იპყრობდა ისედაც მცირერიცხოვანი პოლიციის ყურადღებას. ასე შეუმჩნევლად მომზადდა აჯანყება. აქტიურ მოქმედებაზე გადასვლის წინ ხალხის მზადყოფნის შესამოწმებლად მიტინგი იმართებოდა. ხალხისათვის გადანყვეტილების გაცნობა ხდებოდა საკმაოდ ოფიციალურად, მაგრამ ეჭვმიუტანელ ადგილზე – ოზურგეთის ძველი, ისტორიული ეკლესიის ეზოში.

ვინ მიიტანდა ეჭვს ღვთისმსახურებიდან გამოსულ ხალხზე, რომელიც კიდევ ნახევარი საათის განმავლობაში ეკლესიის წინ, მოედანზე ჩრდილში სეირნობდა და მუსაიფობდა. ენის უცოდინარი ამ თავყრილობებში ვერაფერს დაინახავდა საეჭვოს, ისე შეუმჩნევლად კეთდებოდა ეს ყოველივე. და გვიანლა მიხვდნენ (აბა, ამას ვინ იფიქრებდა!), რომ სწორედ ოზურგეთის ძველი ეკლესიის ეზოში გურიის რევოლუციისათვის უმნიშვნელოვანესი გადანყვეტილებები ლამის საჯაროდ ქვეყნდებოდა. იმავე მოედანზე ოზურგეთში ჯარის შესვლის შემდეგ ბრწყინვალე ალღუმები იმართებოდა ძალის სადემონსტრაციოდ.

როცა რიონის კორპუსის სადამსჯელო ექსპედიცია ჯერ კიდევ გურიის საზღვარზე, ნატანებში, იმყოფებოდა, ოზურგეთში ასეთი ამბავი მოხდა: ხალხისთვის საძულველი ქართველი თავადი ნაკაშიძე რომელსაც ზემოდან მფარველობდნენ და მომრიგებელი შუამავლის მოვალეობას ასრულებდა გურიაში, დღისით მზისით, თავისი სახლიდან გამოსვლისას ვიღაცამ თოფით მოკლა ქუჩაში. გვამი სამ დღეს ეგდო გარეთ, ვერავინ ბედავდა ხელის ხლებას, ხოლო პოლიცია ხალხმა, უბრალოდ, გარეკა. მხოლოდ მაშინ, როცა ჩვენი ჯარი ქალაქში უნდა შემოსულიყო, დათმეს ცხედარი, ოღონდ იმ პირობით, თუ მას ჩუმად დამარხავდნენ და თანაც – ეკლესიის გალავანს გარეთ.

1905 წლის 12–13 მარტის ღამით ჩვენი კორპუსი ოზურგეთს მიადგა და იქ დაბანაკდა. ამით ერთბაშად დასრულდა ოზურგეთის იდილია. ერთი კვირის შემდეგ თავადის გვამი მის საგვარეულო სამარხში უნდა გადაესვენებინათ. ყველაფერი ილონეს მოსალოდნელი ძალადობის თავიდან ასაცილებლად და გვამის გადასვენების ცერემონიალი, რაც შეიძლება დიდი ზარ-ზეიმით უნდა ჩატარებულიყო. გატენილი თოფებით შეიარაღებული ორი ასეული და პოლკის ორკესტრი გამოიყვანეს თავადისთვის უკანასკნელი პატივის მისაგებად, სამგლოვიარო მუსიკა დააგუგუნეს და პროცესია ნელი გზით გაუყვა გზას.

მე ცოტა ხნით ადრე ხელმღვანელობის ნებართვით კერძო ოთახი დავიჭირავე ქალაქში, რათა რამდენიმე წერიტი სამუშაო შემესრულებინა. სამგლოვიარო მუსიკა რომ გაისმა, ჩემთან ჩემი დიასახლისი მოვიდა და შესტებითა და მიმიკით მკითხა, ჯარისკაცი ხომ არ გარდაგეცვალათო. „ნაკაშიძე“, – ვუთხარი მე. უნდა გენახათ, რა დაემართა ქალს! გაფითრებულმა შეშლილი სახით შემორეკა შინ ბავშვები და მიიმალა. პროცესია ნელი რწევით მიიწვედა წინ; კუბოს მისდევდა ორი მოხუცი კაცი–მიცვალებულის ნათესავები, ორკესტრი და სამასი გულგრილი გამომეტყველების ჯარისკაცი. არცერთი სული ქალაქის მოსახლეობიდან! ქუჩის ბიჭებიც კი, სხვა დროს მხიარულად ჯგროდ რომ აედევნებოდნენ ხოლმე ორკესტრს, ახლა სადღაც გადამალულიყვნენ. ეს მოხდა დილის 10 საათზე.

იმავე დღის ნაშუადღევს საზეიმოდ გამონყობილი უამრავი ხალხი ჩვენი ქუჩის გავლით გავიდა ქალაქიდან. ვერც ერთმა ჩვენგანმა ვერ შეძლო ამ უცნაური გასეირნების მიზეზის გამოცნობა. რამდენიმე ხნის შემდეგ, საპირისპირო მხრიდან სამგლოვიარო გა-

ლობა მოისმა და მთელი ეს ხალხი – დიდებული პროცესია – ქალაქში დაბრუნდა. წინ უბრალო ურემი მოუძლოდათ, რომელზედაც შეუღლებავი ხის კუბო იდგა. როგორც შევიტყვეთ, ის, ვისაც ასეთი პატივი მიაგეს, ორი დღის წინ გარდაცვლილი ყველასათვის უცნობი უბრალო სოფლელი გლეხი ყოფილა, რომელიც ახლა ქალაქის ეკლესიის ეზოში უნდა დაეკრძალათ. ეს იყო დემონსტრაცია, ეშმაკურად მოფიქრებული, უწყინარი დემონსტრაცია, ისეთი მშვიდობიანი, რომ თვით კაზაკებმაც ვერაფერი იღონეს მის წინააღმდეგ.

მარტიდან აგვისტომდე მარტო მშვიდობიანი დემონსტრაციები იმართებოდა და დამსჯელი კორპუსის საქმიანობა მხოლოდ წმინდა პოლიციური ფუნქციებით შემოიფარგლებოდა: ომნიბუსებს ჩხრეკდნენ და იარაღს ეძებდნენ; ზოგჯერ ღამით რომელიმე სოფელს ალყას შემოვარტყამდით და ავანრიალეზებით ხოლმე. ასეთ დროს, როგორც შემდგომ არაერთგზის უთქვამთ ჩვენთვის, მოსახლეობა ყოველთვის შვებით ამოისუნთქავდა, როცა შეამჩნევდა, რომ მყუდრიების დამრღვევნი ინფანტერისტები იყვნენ და არა კაზაკები. ექვსი თვის განმავლობაში, მხოლოდ ერთხელ წარმოიქმნა ჯარის ხალხთან შეტაკების საშიშროება, მაგრამ მაშინაც, თადარიგის ოფიცრების წყალობით, ინციდენტმა უსისხლოდ ჩაიარა. სხვა მხრივ, ურთიერთობა ხალხსა და სამხედროებს შორის გარეგნულად ნორმალური ჩანდა: ურმებით მოჰქონდათ გლეხებს ხილი და ყურძენი ჯარისკაცებისთვის და ესენიც რუსი ჯარისკაცისთვის დამახასიათებელი გულკეთილობით ცდილობდნენ, ადგილობრივი მოსახლეობის ადათ-წესების გათვალისწინებით მათთან კარგი ურთიერთობა დაემყარებინათ. სამხედროების სიმრავლემ ხალხს შემოსავლების ახალი, სოლიდური წყარო გაუჩინა, და როცა შემდეგ სამხედრო მდგომარეობის გაუქმებაზე დაიწყო ლაპარაკი, გაქნილმა ქართველმა ვაჭრებმა ხმები დაყარეს, თავდასხმები და შეთქმულებებია მოსალოდნელიო, და ჩვენი შეფი, გენერალი ალიხანოვი, ანონიმური წერილებით აავსეს. სრული სერიოზულობით ლაპარაკობდნენ, არის იმის მომასწავებელი ნიშნები, რომ გურიის ყოფილ მთავართა შთამომავლის, თავად გურიელის ძველ სასახლეში ღამღამობით საეჭვო ამბები ხდებოა. ასეთმა ჭორებმა მრავალი ზედმეტი უსიამოვნება, გაუგებრობა და მღელვარება წარმოშვა, ისე რომ, ბოლოს ყველას მართლა ნერვიული განწყობილება დაეუფლა. ვინ მოთვლის, რამდენჯერ წამოგვახტუნეს ღამით ცრუ განგაშის გამო. უკი-

დურესად დაძაბულნი ველოდით ერთ წვიმიან ღამით რალაც საშინელებას, როცა შუალამისას მთელი ბანაკი უეცრად გაანათა სინათლის სმრაფად მოძრავმა ჭავლმა და ეს რამდენჯერმე განმეორდა. ყველა რაზმი საბრძოლო მდგომარეობაში მოიყვანეს, ოთხივე კუთხივე პატრულები აფრინეს. სხვა რა უნდა ეფიქრა კაცს, თუ არა ის, რასაც ხშირად წინასწარმეტყველებდნენ: ალბათ, გურულებმა მთებში მიტრალოზები და ქვეშეხები აზიდეს და ახლა პროჟექტორით ანათებენ ბანაკს, რათა ერთბაშად დაგვცხოვნო. დილითღა გაირკვა ამ „ტრაგიკული მოვლენის“ ფრიად კომიკური მიზეზი: ბათუმის დიდი საზღვაო პროჟექტორი იმ ღამით რატომღაც ხმელეთისკენ მოებრუნებინათ და ღრუბლების ხელსაყრელი განლაგების გამო მის შუქს დაახლოებით ორმოცი კილომეტრით დაშორებულ ჩვენს ბანაკამდე მოუღწევია... ჩვენი ნერვიული განწყობილება, რა თქმა უნდა, შორეული აღმოსავლეთიდან მოსულმა სამწუხარო ცნობებმაც გააძლიერა.

თუ ურთიერთობა ხალხსა და ჯარისკაცებს შორის, როგორც უკვე ვთქვით, ასე თუ ისე გაიბა, ქალაქის ინტელიგენციასთან ოფიცერთა კორპუსმა ვერა და ვერ მოახერხა დაახლოება, თუმცა აშკარად გამოხატავდა თავის კეთილ ნებას ამ მიზნის მისაღწევად. ღია ცის ქვეშ მოწყობილი კონცერტები, რომლებიც, ჩვენი შეფის განკარგულებით, მეგობრული ურთიერთობების დასამყარებლად იმართებოდა, გურულების მიერ დემონსტრაციულად ბოიკოტირებულ იქნა. გამოჩნდებოდნენ თუ არა საღამოობით ოფიცრები ქალაქის კლუბის დარბაზში, სადაც მათ, რა თქმა უნდა, ვერ აუკრძალავდნენ შესვლას, ქალაქის „კეთილგანწყობილი“ ელემენტები შენობას ტოვებდნენ. შეუზღუდავი უფლებების მქონე რევოლუციური კომიტეტისაგან ქალებსა და გოგონებს ეკრძალებოდათ სამხედროებთან არამარტო ურთიერთობა, არამედ მათი უბრალო გაცნობაც კი. ამ სტრიქონების ავტორი ერთერთი იმ მცირეთაგანი იყო, ვინც მოახერხა ქალაქის ინტელიგენტურ წრეებთან კონტაქტის დამყარება, და მათთან გატარებულ დროს ყოველთვის სიამოვნებით მოვიგონებ.

ერთხელ, საყოველთაო გაფიცვისას, დავალება მივიღე, ნატანებიდან ოზურგეთში დაცვის თანხლებით ჩამეყვანა საქონლით დატვირთული ტრანსპორტი. როცა ჩემი რაზმით ნატანებში ჩავვედი, სადგურზე ექვსიოდე ქალი დავინახე თორმეტამდე ბავშვითურთ, რომლებიც სავალალო მდგომარეობაში იმყოფებოდნენ. ეტლებისა და ომნიბუსების მოძრაობა გაფიცვის გამო შეჩერებუ-

ლი იყო; რა ფულიც უნდა შეგედლია, ეტლს კი არა, ცხენსაც ვერ იშოვიდი, რადგან გაფიცვის დამრღვევს სიკვდილი ემუქრებოდა. ორ დღეს ისხდა ეს ხალხი და ხმელი პურით იკვებებოდა, რადგან სურსათით ვაჭრობაც აკრძალული იყო. არც მატარებლები დადიოდნენ. ერთმა ხნიერმა ქალბატონმა შემომტირა, ბავშვებს ერთ-ერთ თქვენს ფურგონზე დავსხამთ, ჩვენ ფურგონს ფეხდაფეხ გამოვყვებით და ოზურგეთამდე ჩაგვიყვანეთო. ამისი უფლება არ მქონდა, მაგრამ უკეთესი გამოსავალი ვიპოვეთ: ორიოდე ჯარისკაციოთურთ ომნიბუსების სადგურს მივადექი, ავარჩიე სამი საუკეთესო ეკიპაჟი, შევბმეინე ცხრა საუკეთესო ცხენი, საფასური მაგიდაზე დავდე და ქალაქისაკენ გავაქროლებინე ჯარისკაცებს ომნიბუსები. ამ ყოჩაღ ცხენებს ეს მანძილი ასე სწრაფად, ალბათ, არასოდეს დაუფარავთ! ამრიგად, თუმცა გაფიცვა დავარღვიე, მაგრამ გაითვალისწინეს, რომ ეს არც უფროსების გულის მოსაგებად ჩამიდენია და არც ეგოისტური ინტერესების გამო, და ეს საქციელი არ ჩამითვალეს დანაშაულად, პირიქით: მე მოვახერხე (თანაც ისე, რომ არ დამჭირვებია ჩემი აზრი გამომეთქვა ჩვენი ოფიციალური პოზიციებიდან შეუწყნარებელი რევოლუციური მოძრაობის თაობაზე) შესაბამისი წრეების ისეთი სიმპათია და ნდობა მომეპოვებინა, რომ ერთხელ ნება დამრთეს გადაცმული დავსწრებოდი ერთ საიდუმლო, თუმცა საკმაოდ უწყინარ მიტინგს. როგორც შექმნილი ვითარების უკეთესი მცოდნე, ზოგჯერ შუამავლის როლს ვასრულებდი და ამით ჩემს უფროსობასაც ვუნევედი სამსახურს. ჩემ მიერ ოზურგეთში ჩაყვანილი ხალხი ავტორიტეტულ წრეს ეკუთვნოდა, რომელსაც რევოლუციური პარტიაც პატივს სცემდა. ერთ ახალშეძენილ მეგობართან ერთად ისეთ ადგილებსაც მოვიწახულებდი ხოლმე, სადაც სხვები სამხედრო დაცვის გარეშე ვერ ბედავდნენ გავლას, მით უმეტეს, რომ რამდენჯერმე დაესხნენ თავს ჯარისკაცებს და განაიარაღეს. რა დამავინწყებს ფეხით გასეირნებას უძველესი, ველური რომანტიკით გარემოცული ნანგრევებისაკენ ლიხაურში, რომლის ისტორია ქრისტიანობის დასაწყისს სწვდება. ამ ნანგრევებზე ჩვენთან, ბანაკში, საშინელ ამბებს ჰყვებოდნენ: თითქოს მის ახლომახლო იარაღით სავსე სარდაფები იყო მოწყობილი; იმავე ნანგრევებთან, ეზოში, დადეს საზეიმო ფიცი მოძრაობის მეთაურებმაო, იქვე იკრიბება რევოლუციური საიდუმლო ტრიბუნალიც, რომელმაც ნაკაშიძეს სასიკვდილო განაჩენი გამოუტანაო. მოკლედ, ამ ლიხაურს თანამედროვე რიუტლად წარმოსახავდნენ.

მე იქ სხვა ვერაფერი ვნახე, გარდა ვეებერთელა, ძველი, მშვენიერი სუროებით გარშემორტყმული ნასახლარისა, რომელშიც ათასობით ღამურა ბუდობდა, ხოლო მისი ქონგურებიდან დიდებული სანახაობა იშლებოდა ზღვამდე.

ძირძველი გურული ოჯახების ცხოვრებასაც გავეცანით (მე და ერთი ჩემი კოლეგა, რომელიც ახლა ცოცხალი აღარ არის). ბევრი რამ იყო იქ ჩემთვის უცხო და გაუგებარიც, მით უფრო, რომ ენა კარგად არ ვიცოდი; მაგრამ აქაც ყველგან იგრძნობოდა გურული ხასიათის თავისებურება: იშვიათი შერწყმა სიამაყისა და კეთილშობილებისა, ერთი მხრივ, და მსწრაფლაღზნებადი, ფიცხი ტემპერამენტისა, მეორე მხრივ. და აქ კიდევ ერთხელ უნდა გავიმეორო, რომ ლალი, ხალისიანი, მზიური ტემპერამენტის გამო გურულები, უპირატესად ცხოვრების ხელოვანნი არიან. ოჯახში ქალი დიდი ავტორიტეტით სარგებლობს, თავის ოთხ კედელს შორის იგი სრული მბრძანებელია, მაგრამ საზოგადოებრივ ცხოვრებაშიც არაფრით დგას მამაკაცზე უკან – თვით კონსერვატიულ წრეებშიც კი, რომლებიც ახალ სოციალურ იდეებს არ თანაუგრძნობენ. ეს მით უფრო დასაფასებელია, რომ ეს ხალხი მუდამ მაჰმადიანებით გარშემორტყმული ცხოვრობდა და ახლაც მათი უშუალო მეზობელია. სახალხო განათლება უფრო მაღალ დონეზეა, ვიდრე (სხვაგან) რუსეთის დიდ იმპერიაში, რისი გარეგნული გამოხატულება სოფლის სკოლათა მშვენიერი შენობებიც გახლავთ. მაგრამ, სამწუხაროდ, მოსწავლე-ახალგაზრდობაც პოლიტიკურ და იდეურ ბრძოლაშია ჩართული.

ავვისტომდე ვიდექით ოზურგეთთან, ვიდრე, გუბერნატორ სტაროსელსკის დაჟინებული მოთხოვნით, არარატისკენ არ დაგვაბრუნეს, და საბრძოლო მდგომარეობა გურიაში გაუქმდა. გულისტკივილით დავშორდი ამ გულთბილ ქვეყანას. სამწუხაროდ, მშვიდობამ დიდხანს არ გასტანა: 20 ავვისტოს უკვე ჩვენს ყაზარმებში ვიყავით, 25 ავვისტოს კი ბრძანება მოვიდა, კვლავ გურიისაკენ დავძრულიყავით, სადაც გურიის რესპუბლიკა გამოცხადდა და ოზურგეთი რევოლუციური მთავრობის ადგილსამყოფელი გახდა! მაგრამ ოზურგეთამდე ველარ მივალნიეთ: რკინიგზა დაზიანებული იყო და გზებს აჯანყებულები აკონტროლებდნენ. იძულებულნი გავხდით ქუთაისში დავრჩენილიყავით და ოზურგეთი მეტად აღარ მინახავს. მოგვიანებით სხვა ოფიცრებისაგან შევიტყვე, რომ რუსებს ქვემეხები აუტანიათ ქალაქის პირდაპირ მდებარე გორაკზე, სადაც ხის ძველი სამლოცველო

იდგა, და ნახევარი ოზურგეთი მიწასთან გაუსწორებიათ. მრავალი კვირადღე გამიტარებია ამ მზიან გორაკზე, ბალახზე წამოწოლილი ვტიკებოდი მშვენიერი ხედებით, ხშირ სიმწვანეში მოეღვარე ჭრელი სახურავების ცქერით. ზოგი ჩემი მეგობარი სავლელე სამხედრო სასამართლოს განაჩენით დაუხვრეტიათ, ბევრი მთებში გახიზნულა.

ამჯერად ჩვენი ჯარისკაცების დამოკიდებულებაც მემამოხეებისადმი სხვაგვარი იყო: მოსისხლე მტრებივით იდგნენ ისინი ერთმანეთის პირისპირ. ეს არც იყო გასაკვირი. ქუთაისში შესვლისთანავე აჯანყებულებმა ჩვენი ეშელონი ლიანდაგიდან გადააგდეს და საფარიდან დაუშინეს ტყვიები. ჩვენი ბატალიონის მეთაური, ვიცეპოლკოვნიკი ა., ძალიან საყვარელი ოფიცერი და რვა ჯარისკაცი დაიღუპა ამ დროს, ბევრი დაიჭრა. უნდა გენახათ, როგორ გამოიცვალნენ ჩვენი, ჩვეულებრივ, მშვიდი ჯარისკაცები! ისინი, ვინც მატარებელი გადააგდო, მიიმალნენ, მაგრამ მათ მაგივრად მათივე თანამემამულეებს უნდა ეზლოთ მწარედ. ამ მომენტიდან მოკიდებული ჯარისკაცები ისე ირჯებოდნენ, როგორც მტრის ქვეყანაში; ხშირად ჭირდა მათი შეკავება, რომ მეტისმეტად უსამართლოდ არ მოქცეულიყვნენ. სწორედ ამ დროს ოზურგეთთან, ჩემთვის კარგად ნაცნობ გზაზე, რომელიც სოფელ ჩოხატაურისკენ მიემართება, თვრამეტი კაცისაგან შემდგარ კაზაკთა პატრულს ჩაუსაფრდნენ და ერთიანად ამოჟლიტეს. მოგვიანებით სოფელი ჩოხატაური მიწასთან გაასწორეს. მოკლედ, ნამდვილი ომი დაიწყო. ასე რომ, გურიის ნაციონალურ არსებობას დიდი დღე აღარ უწერია. ამიტომ გადავწყვიტე ცოტა რამ მომეთხრო მკითხველისათვის ამ მამაცი, თავის თავში დარწმუნებული ხალხის ცხოვრებაზე.

დეკემბერში თადარიგიდან განვეულები დაგვითხოვეს. თავისებური იყო ჩემი დაბრუნება შორეული სამხრეთიდან რუსეთის უკიდურეს ჩრდილოეთში. უმთავრესი სიძნელეები მაინც კავკასიაში შეგვხვდა. თბილისში მღელვარება სუფევდა, რკინიგზის სადგური სამხედროებს ეჭირათ და ქალაქში შეღწევა შეუძლებელი იყო. ბაქოში ცეცხლი ეკიდა ნავთობის შადრევნებს. ვაგონებს ლტოლვილი სომხები აწყდებოდნენ, მერე გაქანებულ მატარებელს ამბოხებულები უშენდნენ ტყვიას; როსტოვის მისადგომებთან შეჯახება ჩეჩნების მიერ გადაბრუნებულ, დაღვნილ საფოსტო მატარებელთან, დახოცილებითა და დაჭრილებით რომ იყო სავსე; როსტოვში საბარაკადო ბრძოლები და ასე შემდეგ. მოსკოვის რევოლუციის

გვერდის ავლით პერმისაკენ ავიღეთ გეზი. ხან თბილისში კანონიერად შეძენილ ბილეთებს ვიღებდით ჯიბიდან, ხანაც იძულებულნი ვიყავით საგაფიცვო კომიტეტის მიერ „სათადარიგოებზე“ გაცემული ნებართვები წარგვედგინა.

მაგრამ ამ ჭრელ და ამაღელვებელ ამბებს არ შეეძლო, ის ტკბილ-მწარე შთაბეჭდილებები წაეშალა, მე რომ ბედშავი, ლამაზი, ამაყი და ესოდენ დაჩაგრული გურიიდან სამუდამოდ გამომყვა.“

1906

ილია სამოქალაქო ომის წინააღმდეგ.
საქართველოს ავტონომიის საკითხი.
ილიას არჩევა სახელმწიფო საბჭოში.
ილია და სახელმწიფო საბჭო.



ილია პეტერბურგში, სახელმწიფო საბჭოს წევრებს შორის

„ახალეთ თავში ეგ იარალი იმათ, ვინც დაგირიგათ“.

(ილია)

რევოლუციას, თუ ის ხიშტითა და ზარბაზნების ქუხილით ცდილობს დამკვიდრებას, როგორც წესი, თან ახლავს საყოველთაო ავადმყოფობა, – ადამიანების დიდი ნაწილი კეთილგონიერებას კარგავს.

სიცოცხლეს ფასი ეკარგება. ხალხი დაუნდობლად ჟუჟავს ერთმანეთს და საზოგადოების დიდ ნაწილს სინანულის ადამიანური გრძნობა თითქოს წართმეული აქვს. სისასტიკე და დაუნდობლობა, – აი, ყოველი რევოლუციის თანმხლები სენი, რომლის განკურნებას ველარ ახერხებს საზოგადოების კეთილგონიერი ნაწილი და ისინიც გადარჩენის ინსტინქტით ცხოვრობენ.

კავკასიაში რევოლუციურ სიტუაციას თან დაერთო სომეხ-თათართა შეტაკებები, რომელიც ბაქოში დაიწყო და თბილისსაც გადმოსწვდა.

პირველი შეტაკებები თბილისში სომეხ-თათართა შორის 1905 წელს ნოემბერში დაიწყო და ეს ბრძოლები 1906 წელსაც გაგრძელდა. სომხები და თათრები, სადაც ერთმანეთს გადაეყრებოდნენ, ჩიტებივით ხოცავდნენ ერთურთს. ღამით სახლის ჭიშკარზე მიახატავდნენ წითელ ჯვარს (ეს ბათუმსაც გადაედო), რაც იმას ნიშნავდა, რომ ამ სახლში მსხვერპლი ცხოვრობდა და ოჯახი უნდა ამოენწყვიტათ, სახლი გადაებუგათ. ბორჩალოდან აზერბაიჯანელთა შეიარაღებული რაზმები დაიძრნენ თბილისელ თანამოძმეთა დასახმარებლად, ერევნიდან – სომხური რაზმები. თურქეთიდანაც ემზადებოდნენ სომეხთა შეიარაღებული ფორმირებები თბილისში ჩამოსასვლელად. ქართველები შუაში ჩადგნენ – თითქმის ყველა ფენა, ყველა პარტია. ჩვენმა ინტელიგენციამ იცოდა, ვინ ასხამდა ცეცხლზე ნავთს. მაგალითად, როცა ბათუმში სომეხთა სახლებზე წითელი ჯვრები გაჩნდა (ასე ხდებოდა თურქეთში სომეხთა ყლელტვის დროს), აღმოჩნდა, რომ ეს ჯვრები რომელიმე მუსლიმანს კი

არა, ღამით რუს „დვორნიკს“ დაუსვამს. შეშინებული ოჯახები ქალაქიდან იყრებოდნენ. ქალაქის თავმა ამხილა, თუ საიდან მოდიოდა ეს პოლიტიკა. შემთხვევით არ წერდა აკაკი სომეხ-თათართა ხოცვის გამო:

„ორთავეს მტერი ერთია
შორეულ გადამთიელი,
ერთ ტაფაშია ორივე,
ერთი ადგიათ ულელი“.

სომეხ-თათართა ბრძოლა გენერალმა ვარდენ წულუკიძემ აღკვეთა. ეს ის ქართველი გენერალია, რომელსაც 1923 წელს კოტე აფხაზთან ერთად დახვრეტენ ბოლშევიკები. საერთოდ, ქართველები თავგამოდებულნი ჩადგნენ სომეხ-თათართა შორის გამშველებლად, მათ შორის თავიანთ ინტერნაციონალურ ვალს დიდის მონდომებით იხდიდნენ ქართველი სოციალ-დემოკრატებიც, რომელთაც 500 ცალი „ბერდენკა“ მეფისნაცვლის ბრძანებით დაურიგეს...

იმავედროულად იგივე სოციალ-დემოკრატები სასტიკნი იყვნენ მემამულეთა წინააღმდეგ. კლასთა ბრძოლაში დაღვრილი სისხლი მათთვის წმინდა საქმისთვის დაღვრილი სისხლი იყო. მათ მიერ შექმნილი ნითელი რაზმები მთელი 1905 წლის მანძილზე ატერორებდნენ, ხოცავდნენ მქონებელთა ოჯახებს. ტერორმა ისეთი საყოველთაო ხასიათი მიიღო, რომ სოფლებიდან თავადაზნაურობა აიყარა და ყველამ თბილისს შეაფარა თავი. სახლ-კარის გადანვაგანიავენას აღარ დაეძებდნენ, მთავარი იყო სული შეენარჩუნებინათ. 1905 წლის დეკემბრის შეიარაღებული აჯანყება მარცხით დამთავრდა. ახლა მეფე გაძლიერდა და თავადაზნაურობას ძალა მიეცა. იმპერიაში ყველგან იქმნებოდა შავი რაზმები. ასეთი რაზმები თავად-აზნაურთა შემადგენლობით შეიქმნა საქართველოშიც აბდუშელიშვილის ხელმძღვანელობით.

1906 წელს ახლა აბდუშელიშვილის რაზმელები არიან დიდ გულზე და სამაგიეროს გადახდას უპირებენ გლეხებს. იარაღი თავიანთივე ჰქონდათ, მაგრამ მეფისნაცვალმაც ფეშქაშად ვინტოვკები დაურიგა.

შედეგა კრება, როგორ უნდა ემოქმედა აბდუშელიშვილის რაზმს. დიდ სამოქალაქო ომს ილია ჭავჭავაძემ გადაარჩინა საქართველო. უკეთ ვინ გვეტყვის ამ ამბავს, თუ არა ამ კრების მონაწილე. მოვუსმინოთ არჩილ ჯაჯანაშვილს: „1905 წელს ტფილისში ჩამო-

ხიზნული თავად-აზნაურობა უმნეო ხროვას წარმოადგენდა. 1906 წელს კი პოლიტიკური ატმოსფეროს შეცვლა იმათაც იგრძნეს და კონტრიერიშისტვის დარაზმვა დაიწყეს.

თავადაზნაურობას, რასაკვირველია, თავისი მამულ-დედული და ფიზიკური არსებობის საკითხი აინტერესებდა. მაგრამ გამოჩნდნენ ისეთებიც, რომლებსაც სურდათ გაშიშვლებული კლასიურ-წოდებრივი ზრახვები რაიმე თვალებასახვევი სამოსელით დაეფარათ. ცნობილი აბდუშელიშვილის შავ რაზმს, რომელიც მეფის ნაცვლის მიერ ბოძებული ვინტოვკებით იყო შეიარაღებული, თავისი „იდეოლოგიც“ გამოუჩნდა. ეს იდეოლოგი იყო მიხეილ ვახტანგის ძე მაჩაბელი. მაჩაბელი ცდილობდა საზოგადოებისათვის დაემტკიცებინა, რომ აბდუშელიშვილის რაზმი რალაც პოლიტიკურ მიზნებს ისახავდა და რომ რაზმი საჭიროა შეიარაღებისთვისო.

ამ საკითხის შესახებ დიდი თათბირი გაიმართა თავადაზნაურების დეპუტატთა საკრებულოში. თავმჯდომარეობდა თავადაზნაურთა წინამძღოლი (მარშალი) კამერ იუნკერი გ. ბაგრატიონ-დავითაშვილი. მიხეილ მაჩაბელმა ის იყო დაამთავრა შავი რაზმის აპოლოგია, რომ უკანა რიგებში, სადაც „უცენზო“ საზოგადოება შეჯგუფულიყო, ჩოჩქოლი დაიწყოს. ხალხი ორად გაიყო და გზა დაუთმო ილია ჭავჭავაძეს, რომელიც დინჯად პირველ რიგებისკენ გაემართა და მძიმედ სავარძელში ჩაეშვა. ესლაც დარბაზში სამარისებური სიჩუმე ჩამოვარდა. თავმჯდომარემ სიტყვა მისცა მორიგ ორატორს. „უარს ვამბობ“, გაისმა კუნჭულიდან. მიუბრუნდა მეორეს – „უარს ვაცხადებ“ – იყო პასუხი. ლაპარაკი აღარავინ მოისურვა. მაშინ სიტყვა ილია ჭავჭავაძემ ითხოვა...

მას შემდეგ ბევრჯელ ვცადე, მაგრამ ვერსად ამ სიტყვის ჩანაწერის კვალსაც კი ვერ მივაგნე. სიტყვა-კი საყურადღებო იყო. ამ სიტყვაში ერთხელ კიდევ გამოჩნდა ილია ჭავჭავაძის დასრულებული, მთლიანი პიროვნება. „ოთარაანთ ქვრივი“ – ს ავტორი და „ჩატეხილი ხიდი“ – თ დასეუდიაებული ილია აქ, ამ სიტყვაში, მთელი თავისი ინდივიდუალობით გამოჩნდა. სიტყვის სტენოგრაფიული სისწორით აღდგენა, რასაკვირველია, აღარ შემიძლიან, მაგრამ აზრისა და ზოგ შემთხვევაში ცალკე წინადადებათა სისწორეშიც სრულს პასუხს ვაგებ...

აი, რა სთქვა მაშინ ილიამ: „ბატონებო! რაც ჩვენში ხდება, ყველგან მომხდარა. არ არის მსოფლიოში არც ერთი ერი, არც ერთი სახელმწიფო, ასეთი რევოლუციები რომ არ მომხდარი-

ყოფს. ქართველი გაივლის და ცხოვრება ისევ კალაპოტში ჩადგება. თავადაზნაურობას ბევრი აქვს მოცემული, ვისაც მეტი აქვს, იმას მეტი მოეთხოვება, რაც სხვას ეპატიება, თქვენ არ გეპატიებათ... ისეთს ნურაფერს ჩაიდენთ, რომ, როდესაც ეს ამბავი გადაივლის და თქვენ სახლში დაბრუნდებით, მეზობელთან პირი გქონდეთ შერცხვენილი და თვალეში შეხედვას ველარ უბედავდეთ. უნდა მოითმინოთ, მეტი გზა არა გაქვთ. ვისაც მოთმინება ვერ შეუძლიან და ვისაც გულისთქმა იმორჩილებს, სჯობს სოფელს დროებით თავი გააცალოს. ცოტახნით გაჭირვება სჯობიან სამუდამოდ დაღუპვასა და საშვილიშვილო მტრობის ჩამოგდებას თავადაზნაურობასა და გლეხებს შორის. რად გინდათ, ეგ იარაღი რომ აგისხიათ, ვისთვის ამზადებთ თოფებსა? გლეხებისთვის? არ გაბედოთ! ახალეთ თავში ეგ იარაღი იმათ, ვინც დაგირიგათ!"

„უცენზო“ საზოგადოება სიტყვას ტაშით შეხვდა. „ცენზიანებს“ გუნება გაუფუჭდათ, შავი რაზმის „იდეოლოგი“ მიხეილ მაჩაბელი, ილია ჭავჭავაძის ძველი მეტოქე, სკამზე მოუსვენრად ტოკავდა, მაგრამ განაჩენი უკვე გამოტანილი იყო: ილია ჭავჭავაძის სიტყვის შემდეგ აბდუშელიშვილის რაზმმა ველარ იბოგინა...”

სწორედ იმ კრებას, რომელსაც ბაგრატიონ-დავითაშვილი უძღვებოდა, „ქალის ტვირთში“ აღწერს მ. ჯავახიშვილიც. მიხეილი ან ესწრებოდა ამ შეკრებას, ან ოქმი ჰქონდა ნაკითხული, ამიტომ სურათის სისავსისათვის მის მონათხრობსაც გადმოგცემთ. ჯავახიშვილის მიხედვით ილიას უთქვამს:

„– ერი მრავალ მხრივ ჰგავს ცალკეულ ადამიანს, ზოგჯერ ერთსაც და მეორესაც მოარულივით შეუჩნდება რაიმე სენი და მანამდის ებრძვიან ხოლმე მას, სანამ არ მოინელებენ. მთელ მსოფლიოში ისეთ ერს ვერ იპოვით, რომ ოდესმე შფოთი არ აეტეხა, მთავრობას არ შებრძოლებოდა და ცხოვრების შეცვლა არ მოეთხოვნა. ახლა ეს სენი ჩვენს სამშობლოსაც შეეყარა, იმიტომ შეეყარა, რომ კანონი ცხოვრებას ჩამორჩა, სინამდვილემ დაძველებული წესწყობილება უკან ჩამოიგდო და მისი გადაკეთება მოითხოვა.“

ილიას სუფთა ბოხი ხმა ჰქონდა და მის ხმაში ბენჯის ოდენა ბრაზიც არ ისმოდა. მეტად დინჯად, მკაფიოდ და უფორხილოდ ლაპარაკობდა. ყოველ სიტყვას მსმენელს უდაო კანონსავით უნერგავდა.

უკანასკნელ დროს ილია იმ აზრისა იყო, რომ პეტრე დიდის შემდეგ რუსული კანონი სინამდვილეს მუდამ წინ უსწრებდა და მხო-

ლოდ ახლა ჩამორჩაო. ეს აზრი ახლაც გაიმეორა, მერმე ოქტომბრის მანიფესტი გაიხსენა და განაცხადა:

– ამ მანიფესტის წყალობით კანონი ცხოვრებას დაენევა და კიდევაც გაუსწრებს. მხოლოდ ზოგიერთი გულფიცხი და სულსწრაფი მოითხოვს, ცხოვრებას თავზე გადავახტეთ და ათასი წლის საქმე ათიოდ წელიწადში მოვათავოთო. მაგრამ, ბატონებო, სულსწრაფ ხალხს თავი დავანებოთ, ვინაიდან ისინი თავიანთ თავსა და თავიანთ საქმესაც თვითონვე ამოიჭამენ, ჩვენ კი ჩვენს საქმესა და სიტყვას ეს დედააზრი უნდა ჩაეუგდოთ ბალავრად: ერი მარადიული ფენომენია, რევოლუცია კი დროებითი ქარტეხილი გახლავთ. იგი მოულოდნელად მოგვასკდება, ზოგ რამეს მიანგრევეს, ზოგ ვინმეს დააზარალებს და გაჰქრება. წყალნი წავლენ და წამოვლენ ქვიშანი დარჩებიანო. დღეს თუ ხვალ ქარიშხალი ისევ ჩავარდება, ერი კი დარჩება და თავის მეთაურებს მკაცრად მოსთხოვს ანგარიშს. ნათქვამია, ყველა ჩვენი სიტყვა და საქმე საიქიოს იწერება და ერთიცი იქნება, პასუხს გვაგებინებენო. ბატონებო, უცოდველი არც მე გახლავართ, მაგრამ გულწრფელად უნდა ვაღიარო, რომ საიქიოს სამსჯავროზე უფრო მეტად სააქაო მსჯავრი მაშინებს. ამ მსჯავრისგან სიკვდილიც კი ვერ გვიხსნის. მკაცრი ისტორიკოსი ჩვენს მაღლსაც და ნაკლსაც სასწორზე დასდებს და პირუთვნელ განაჩენს გამოგვიტანს. ზოგიერთს, ალბათ, იმ უცნობი შორეული ისტორიკოსისა სულაც არ ეშინიან. იმ ვაჟბატონებს მოვახსენებ, რომ ისტორიკოსი–მსაჯული ცოცხალია და დაუღალავადაც მუშაობს. ალბათ მკითხავთ, ვინ არის, სად არისო? ის მსაჯული ხალხია, და იმ ერში ჩვენც ვურევივართ. დილით–დილამდის ერთმანეთს ვქექავთ, ვწონით და განაჩენიც გამოგვაქვს. ბატონებო, განგებას თავად-აზნაურთათვის დიდი უფლება მიუცია და დიდი ვალიც დაუდვია. ვისაც მეტი ერგო, იმას მეტიც მოეთხოვება. რაც სხვას ეპატიება, ჩვენ არ გვეპატიება, რაც სხვას არგებს, ის ჩვენ არ შეგვერგება. რად მოგახსენებთ ამას? ამას იმად მოგახსენებთ, რომ ბატონმა ახატნელმა (ეს მხატვრული ნაწარმოებია, უნდა გულისხმობდეს მიშო მაჩაბელს) წამლის მაგიერ შხამი მოგვანოდა.

ამის გამგონე წინა რიგი შეირხა.

– მართალია!

– მართალია! შხამია! – დაიყვირეს უკანა რიგებში და მძლავრი ტაში დააყოლეს.

– მაშ ვინ უნდა გვიპატრონოს? – მიანოდა ილიას ერთმა გენერალმა.

– ჩვენს თავს ჩვენვე უნდა ვუპატრონოთ, – უპასუხა ორატორმა და განაგრძო: – მთავრობა ფულსა და იარაღს გვანდის. ასე მიანვდიან ხოლმე მახვილსაც და ოქროსაც იმ ავაზაკს, ვინც ღვიძლი ძმის მოკვლას კისრულობს.

– აგრეთა! მართალია! – კვლავ იხუვლა დარბაზმა.

– მაგრამ, ბატონებო, ჩვენ უფროს ძმად მოგვაქვს თავი, უფროსი კი იმად არის უფროსი, რომ ჭკუა მოიკრიფოს, შორს გაზომოს და ადრევე დაინახოს ის ღვარძლი, რომელიც იმის ნათესაობას მოსდევს. რის მაქნისია ის მებაღე, ვინც ყვავილს დასთესავს და ლენცოფას კი მოიყვანს? პატივცემულ ბატონ ახატნელს გულწრფელად ჰგონია, სურნელოვან ყვავილს ვთესავო, ის კი არ იცის, რა სისხლიანი ეკალნარი ამოუვა. აბა ერთი თაბაუთი გავწიოთ და ამ თავითვე ვიკითხოთ, რას გააკეთებს მემამულეთა ლაშქარი? მეტი რა საქმე ექნება: გლეხობას დაერევა, აიკლებს, შემუსრავს და ზღვა სისხლსა და ცრემლს დაღვრის. მერმე რაღას იქმს? მერმე დაიშლება და ყველა მოლაშქრე თავთავის სოფელს დაუბრუნდება. იქ პირისპირ შეხვდებიან ერთმანეთს ხელსისხლიანი მოძალადე და მისი მსხვერპლი – ქერივი, ობოლი, ნაცემი და დაკოდილი გლეხები. რას ეტყვიან ისინი ბატონს? რა პასუხს გასცემს ბატონი იმ გაავებულსა და უბედურ ხალხს? რაღა პირით უნდა შეხედონ ერთმანეთს? მათ სიკვდილამდე უნდა იცხოვრონ მეზობლად და ისევ ურთიერთი უნდა სჭამონ და ხოცონ. რომელი თქვენგანი გაუძღებს ამგვარ ცხოვრებას? ვერავინაც ვერ გაუძღებს. ჩვენ იძულებული გავხდებით მამაპაპეულ მამულ-დედულს და საფლავებს თავი მივანებოთ, სამუდამოდ გამოვიქცეთ და აქაც მტერს შევეყარნეთ. ნუ, ბატონებო, ამ საშვილიშვილო დანაშაულს ნუ ჩავიდენტ, ათასი წლის კერას ნუ მოვიშლით, თორემ მომავალი თაობანი შეგვაჩვენებენ. მეც ვიცი, რა გაჭირვებაშია მემამულე, მაგრამ მოთმინების გარდა მეტი რა გზა დაგვრჩენია! სჯობს პურიით და ყველით გავიტანოთ ჩვენი თავი, ვიდრე სამუდამოდ გადავეკიდოთ ერთმანეთს და ხალხში მისასვლელი გზა მოვიჭრათ. სჯობს ორიოდ წელიწადიც მოვითმინოთ და მერმე მოძმე გლეხობას თამამად გაუწყაროთ თვალი თვალში, ვიდრე ჩვენი ერთობის ფუძე მოვარღვიოთ, გლეხობა უპატრონოდ დავტოვოთ, ჩვენ კი იქაც ფესვები დავიგლიჯოთ და ქალაქურ მინაზეც ვერ ვიხაროთ. მაშ ეგ იარაღი რომ აგისხიათ, რა ოხრად გინდათ?! ახალი კი არა, ძველიც თავში ახალეთ იმას, ვინც დაგირიგათ. სისხლის დაღვრა არ გაბედოთ მეთქი, თორემ მწარედ ინანებთ და გვიანდა იქნება თითზე კბენა-

ნი. გეუბნებით, მტერი შხამს გვანჯდის მეთქი, და ვაი იმას, ვინც მას წამლად მიიჩნევს და ჩამოართმევს. ბატონებო, მე ჩემი მოგახსენეთ და დანარჩენი თქვენ იცით.

ილიამ სიტყვა დაასრულა და დინჯი ნაბიჯითვე გაემართა კარებისკენ იმ მსაჯულივით, რომელიც განაჩენს გამოიტანს და მაშინვე თავის ოთახისკენ გაბრუნდება ხოლმე.

კენჭის ყრა არ ყოფილა და კრებაც მაშინვე დაიშალა, ვინაიდან სალაპარაკო აღარაფერი ჰქონდათ.

1906 წლის დასაწყისში არა მარტო გურიას, არამედ ქართლს (განსაკუთრებით ხაშურის რაიონსა და იმერეთს) ალიხანოვ-ავარსკის ჯარმა ისე გადაუარა, ყველაფერი ნაცარ-ტუტად აქცია. საქართველოში რუსულ ჯარებს უიარალო მოსახლეობის წინააღმდეგ ნამდვილი ომი ჰქონდათ გამართული. არ სჯერდებოდნენ ძარცვას, გადაწვას, გადასახადების შეწერას (ყვირილიდან არეულობის დროს ბოლშევიკების მიერ გაძარცვული ხაზინის ფული ხალხს აზღვევინეს). არ ერიდებოდნენ ქალების გაუჰატიურებას, იქცეოდნენ როგორც მტრის ქვეყანაში. ილია ნაკაშიძე, რომელიც ერთი წლის წინ სულთან კრიმ გირეის ახლდა გურიაში მოლაპარაკებებზე, ახლა გურიას ასე აღწერს: „მაშინდელი სოფლები, რაც ვნახე, ხატი იყო. დღევანდელი გურია კი საშინელი რამ ჯოჯოხეთია. კრიმ გირეის დროს სიცოცხლით სავსე სოფლები დღეს კარდახშულ სამარეს გვანან“.

ერთადერთი ქალაქი, რომელიც ალიხანოვ-ავარსკის ჯარისკაცების ჩექმის ქვეშ არ გაითელა, იყო ფოთი. ფოთი გადარჩენას ნიკო ნიკოლაძეს უნდა უმადლოდეს. ნიკოს ძმა კონსტანტინე ნიკოლაძე იგონებს: „ნიკო მტკიცედ შეხვდა ალიხანოვს და უთხრა, რომ ქალაქის მთელი ქონება დაგირავებულა საზღვარგარეთ და თუ რაიმე ზიანი მოუვიდა, რუსეთის მთავრობა აგებს პასუხსო. ამ ფანდით გადაარჩინა ნიკო ნიკოლაძემ ფოთი სისხლისმღვრელი ალიხანოვის რაზმისგან განადგურებას“.

ფედერალისტების გაზეთმა „ცნობის ფურცელმა“ დეტალურად აღწერა ის საშინელებანი, რაც დამსჯელმა რაზმმა ხაშურიდან მოყოლებით იმერეთსა და გურიაში ჩაიდინა. გაზეთი დახურეს.

ჯერ კიდევ არ იყო დამსჯელი ექსპედიცია თავის ზენიტში, როცა იაკობ გოგებაშვილმა დაწერა წერილი, რომელიც სრულად გვაგრძნობინებს, რა ჩაიდინა რუსმა, რომლის მფარველობის სადიდებელი სულ რამდენიმე წლის წინ, 1901 წელს, აღტკინებულად აღნიშნეს ვიეთნიმეთა.

აი, რას წერდა იაკობი:

„როცა წარსულს შემოდგომას გურიის დასასჯელად მთავრობა ჯარს ამზადებდა და კიდევ ცაგ ზავნა, ქართველმა საზოგადოებამ უნარი გამოიჩინა და არა ერთი ღონისძიება იხმარა, რათა დასავლეთის მოძმეებისათვის ხიფათი აეცილებინა თავიდან და ახლა – კი, როცა თითქმის საქართველოს თავზე დაატყდა დიდი უბედურება, იგივე ქართველობა ხელსაც არ ანძრევს და გულ–გრილობას იჩენს.

ჩვენა გვგონია, რომ აქ მოქმედებს არა გულგრილობა, არამედ სხვა რამე, სრულიად წინააღმდეგი გულგრილობისა. როცა ადამიანს ჩვეულებრივი უბედურება ეწვევა ხოლმე იგი ბევრს ჩივის, ხშირად სტირის კიდევ და თავის სიმწარეს გარეგანის ნიშნებით ხატავს, აქვეყნებს. ხოლო თუ მას თავზე დაატყდა არა ჩვეულებრივი, აუტანელი უბედურება, რომლის მოშორებაც შეუძლებლად მიაჩნია იგი არცა სჩივის და არც სტირის, არამედ სასონარკვეთილებაში ვარდება და ქვავედება.

მთელი დასავლეთი საქართველო მოიცვა აუარებელმა უბედურებამ, იმისთანა უბედურებამ, რომელიც არ გადახდენია ჩვენს მრავალ-ტანჯულს ქვეყანას არასოდეს.

ის, რაც გაზეთებში იწერება იმერთა დანიოკეის შესახებ, უნდა ათჯერ ამრავლოთ, ათჯერ აილოთ, რათა საშინელს სინამდვილეს, საზარელს სიმართლეს მიუახლოვდეთ. ხალხი მთლად განადგურებულია ქონებრივად, ოთხი-ხუთი ტყავი აქვს გამძვრალი, სხეული შეურაცხყოფილი, სული შეგინებული, და ჩავარდნილია თავზარდაცემულის მონების მდგომარეობაში...

ყველაზე საზარელი აქ არის ზნეობრივი სიკვდილი ქართველებისა, მათი ნამუსის ახდა. სადამდის მიდის ეს უკანასკნელი უბედურება, ცხადად სჩანს იქიდან, რომ ანანოვის მამულში მისულს ყაზახებს ნამუსი აუხდიათ იქაური სოფლის თითქმის ყველა ქალებისათვის, რომელთა შორის უთუოდ ერივნენ თერთმეტ-თორმეტის წლის ნორჩი გოგოებიც...

ამისთანა საქვეყნო საზარლობის ატანა შეუძლია მხოლოდ მაგარ ყმანვილურ ნერვებს. ხნიერს ნერვებს კი იგი სთრგუნავს, საშინლად შლის, აქვავებს...

სწორედ ეს არის მიზეზი იმისი, რომ მას უკან, რაც დასავლეთის საქართველოს განადგურება დაიწყო ნერვებით ავადმყოფობამ ძლიერ იმატა არა მარტო იმერთ შორის, როგორც სწერდა ორესტ სემენი, არამედ ამერთა შორისაც...

ხოლო ვინც სალი ნერვები და სალი სული შეინარჩუნა, მოვალეა მხნედ იზრუნოს ქვეყნის უბედურების შემცირებისათვის. ამას მოითხოვს ადამიანური სიბრალული, ქრისტიანობრივი გრძნობა, ქართული მამულიშვილობა“.

ქვეყნის შველის ერთადერთი იმედი ახლა სახელმწიფო საბჭოა, სადაც ქართველ თავად-აზნაურებს უფლება ეძლევა ერთი წარმომადგენელი ჰყავდეს საქართველოს თავად-აზნაურთა წინამძღოლის მისიით.

იქნებ სახელმწიფო საბჭოდან იმპერიის მესვეურთ გააგებინონ, შეაგნებინონ ქართველთა ვარამი და საჭიროებანი.

ყველას თვალი ისევ ილია ჭავჭავაძისკენ გაექცა. სთხოვეს, დაამუნათეს, მისი უარი არ მიიღეს და 1906 წლის 9 მარტს ხმოსნად აირჩიეს.

რას ნიშნავდა ხმოსნად არჩევა?

17 ოქტომბრის მანიფესტით უნდა შემდგარიყო საკანონმდებლო ორგანო ორი პალატი. 1) სახელმწიფო სათათბირო 2) სახელმწიფო საბჭო.

სახელმწიფო სათათბიროს ირჩევდა მოსახლეობა – ხმოსნები სხვადასხვა ფენიდან.

სამწუხაროდ იმ წელიწადს სათათბიროში ერთი სოციალ – ფედერალისტის, იოსებ ბარათაშვილის გარდა, საქართველოდან ყველა სოციალ – დემოკრატი აირჩიეს...

სახელმწიფო საბჭოში კი წარმომადგენელი უნდა აერჩია რუსეთის თავად-აზნაურთა კრებას. აი, ამ კრებაზე გასაგზავნი იყო 4 ქართველი ამომრჩეველი – ხმოსანი. 2 თბილისის და 2 ქუთაისის გუბერნიიდან. ამ 4 კაცში თბილისის გუბერნიიდან ერთი დასახელებული გახლდათ ილია, მეორე იყო მიხეილ გედევანიშვილი (ექიმი). ქუთაისის გუბერნიიდან კი ნიკო ნიკოლაძე და ვლ. მიქელაძე. 4 კაციდან რუსეთის თავად-აზნაურთა კრებაზე დაასახელებდნენ ერთს, რომელსაც აირჩევდნენ სახელმწიფო საბჭოს წევრად. იმ ერთ ადგილზე იმთავითვე ილიას წარდგენა იყო გადამწყვეტილი. თბილისში ილია 9 მარტს გამართულ კრებას არ დასწრებია, 40-მა კაცმა დაუსწრებლად მისცა ხმა, წინააღმდეგ წავიდა ვასილ მაჩაბელი, ძმა ივანე მაჩაბლისა. მან წინასწარ განაცხადა ამის შესახებ...

ილია პეტერბურგში წასასვლელად ემზადება. ემზადება მკერდით გადაეფაროს მის დანოკებულ სამშობლოს, ემზადება რათა აგრარული საკითხების სამართლიანი გადამწყვეტა მოხდეს იქ, სა-

დაც ჯერ არს. როცა ბატონყმობა გადავარდა და ილია ჰქადაგებდა, გლეხი და ბატონი უფლებრივად უნდა გათანასწორდეს თორემ ეს პრობლემა წინ დაგვხვდება, ძალით წაიღებენ იმას, რასაც თქვენ ნებით არ თმობთო, – მაშინ არ დაუჯერეს და აი, შედეგიც.

ემზადება მკერდით დაიცვას საქართველოს ავტონომიის საკითხი. ემზადება საქართველოს ეკლესიას კვლავ ალუდგინოს რუსთაგან წართმეული ავტოკეფალია. ილია სუფრაზე არ იტყოდა სიტყვას წინასწარ დაფიქრების გარეშე და წარმოიდგინეთ, რა ფიქრებს მოუცავს მისი გონება, სულ ცოტა ხანში ხომ მთელი საქართველო უნდა წარმოადგინოს იმ ხელისუფლებასთან, რომელსაც აქამდე ცენზურაში წვალებით გატანილი ალეგორიებითა და მინიშნებებით ელაპარაკებოდა. ახლა შანსი აქვს რასაც წერდა, რასაც ოცნებობდა, ამისი პრაქტიკული გადანყვევებისათვის იბრძოლოს. მარტოს რად ღირს, მოთხრობაში „სარჩობელაზედ“ სიკვდილის დასჯის მთელი საშინელება რომ დახატა, ახლა შეუძლია იბრძოლოს და კანონით აკრძალოს სიკვდილით დასჯა.

რაც მთავარია, პასუხი უნდა მოსთხოვოს იმას, ვისი ქვეშევრდომნიც კლავენ, ძარცავენ, აუპატიურებენ ილიას სისხლსა და ხორცს. ნამუსს ხდიან მთელს ქვეყანას. ეს რომ ასეთი ბრძოლებისთვის ემზადება, მოულოდნელად, ქუთაისის გუბერნიის თავად – აზნაურობის სახელით, 30-მდე კაცი იმპერატორს სამადლობელი ლაღადისით მიმართავს 17 ოქტომბრის მანიფესტის გამო. ილიამ ეს პირად შეურაცხყოფად აღიქვა. კიდევ ერთ ნასროლ ტყვიად მიიჩნია ავარსკის მიერ დახვრეტილ ხალხზე, დაცინვად გაუპატიურებულ მანდილოსნებზე.

შარშან ამ დროს ქუთაისის თავადაზნაურობამ საქართველოს ავტონომიის საკითხს დაუჭირა მხარი. ახლა, ერთ წელიწადში, ამდენი რბევა-ანიოკების შემდეგ, რა გამოცხადება იხილეს ასეთი, რომ იმპერატორს მადლობის სამარცხვინო წერილს უგზავნიან? ილია თავს ისე გრძნობს, თითქოს მიპარვით, ზურგიდან მახვილი ჩაერთყვათ. მარტის ბოლოს პეტერბურგს უნდა გაემგზავროს. მანამდე, 23 მარტს მოკლე, მაგრამ მწარე წერილი უძღვნა მათ გაზეთის მეშვეობით.

იპირათის თავადაზნაურობის სულმოკლეობა

ჰამლეტი:

„ჯერეთ ერთი თვე ძლივს გასულა,
არ გასცვეთია ჯერ ფეხსაცმელი,

რომლით იგი, ცრემლის მფრქვეველი,
მისდევდა კუბოს უბედურის მამიჩემისას
და ეხლა კი დაქორწილდა –
ოჰ, ზეცის მადლო!

შექსპირი

სწორედ შარშან ამ დროს იმერეთის თავადაზნაურობამ, ხალხის ძლევამოსილ მოძრაობით გამოღვიძებულმა, ხმა ამოიღო, მოითხოვა ავტონომია ჩვენის ქვეყნისათვის. არ გასულა ერთი წელიწადი, – „არ გასცვეთია ჯერ სამოსელი, რომლით იგი ცრემლისმფრქვეველი“ ხალხის მოძრაობას ბანს აძლევდა ეს თავადაზნაურობა და, აი, ეხლა სულ სხვა ჰანგზე მღერის და თავის ჩვეულებრივ, საუკუნეობით ნაცად და გაცვეთილ იარაღს ხმარობს. რა აქვს სამადლობელი და სადღესასწაულო იმერეთის თავადაზნაურობას? ოქტომბრის მანიფესტი? ის 17 ოქტომბერი, რომლის ძალითაც და რომლის გამო ჩვენი ქვეყანა სისხლითა და ცრემლით მოირწყო? ის 17 ოქტომბერი, რომლის შედეგაც ჩვენი ქვეყანა სამაგალითოდ იქნება აოხრებული? ნუთუ ამდენად დაჰკარგა ყოველივე ყნოსვა პოლიტიკური, ყოველივე ზნეობრივი სიფაქიზე ამ წოდებამ, რომ თითქო ნიშნის მოსაგებად ამგვარ უცნაურ მადლობებისა და მუხლმოდრეკის განცხადება იკისრა? შარშან ამ დროს თავადაზნაურობამ თვისს წოდებრივ უფლებების უპირატესობის საუკუნოდ მოსპობაზედ მოაწერა ხელი და ამით სახელის მოხვეჭა შეეძლო, დღეს კი მან ხალხის და ქვეყნის ცრემლსა და ოხვრაზედ ალაგო თავისი სიხარული და აღტაცება, ხალხს ზურგი შეაქცია, საუკუნოდ თავისი თავი სამარცხვინოდ მოსპო, კეთილშობილურის აღშფოთებით აღსავსე წინადადება თავ. დ. მიქელაძისა უკუაგდო და ჩააფუჩჩა და რალაც უცნაურის ადრესებისა და მადლობების გამოცხობას მოჰყვა. მართლა, რა ოცნებაა და რა მემკვიდრეობითი გარდამოცემული გულუბრყვილობა და ბაღლობა, ელოდე რაიმე ხეირს იმ წოდებისგან, რომელიც საუკუნის განმავლობაში ნიადაგ იმასა სცდილობდა, რომ მასხარას.როლი ეთამაშა.

უსამართლობა იქნება, ესეც არ მივიღოთ მხედველობაში, რომ ის ოცდაათიოდე კაცი, რომელმაც ეს სამარცხვინო ისტორიული ნაბიჯი წარსდგა, სრულიადაც არ შეადგენს მთელს იმერეთის თავადაზნაურობას. ესენი გახლავან მოხელე ჩინოვნიკები, რომელნიც ქუთაისში სცხოვრობდნენ და მათშიაც იმათ ეჭირათ დირიჟორის როლი, რომლებიც სხვა დროს მზეზე გამოფენას ვერ

ბედავენ ხოლმე. დიალ, ზოგიერთმა ვაჟბატონმა იდევს თავს ასეთი დანაშაული და მათ შეიყვანეს დანარჩენი 30 კაცი შეცდომაში, რომლის გამოსწორება ძნელი შესაძლებელია: თორემ ჩვენ დარწმუნებული ვართ, რომ უმეტესობა იმ თავადაზნაურობისა, რომელნიც გალატაკებულია და მოკლებული ყოველგვარ „მფარველობას“, ხალხთან ერთად იტანჯება. საბედნიეროდ, თვით იმ კრებაში გამოჩნდნენ ისეთნი, რომელთაც, თუმცა სუსტად (რაც გასაგებია ამისთანა დროებაში), მაგრამ აშკარად წინააღმდეგნენ ამ სამარცხვინო კომედიას (თ. დ. მიქელაძე, დ.ლორთქიფანიძე და სვ. გ. წერეთელი. ამ ორმა უკანასკნელმა უარი განაცხადა იმ კომისიაში მონაწილეობის მიღებაზე, რომელსაც უნდა შეეთხზა მადლობები).

ჩვენ დარწმუნებული ვართ, რომ უმეტესობა ჩვენის თავადაზნაურობისა აღშფოთებულია ამ არამკითხე მოამბეების მატრაკვეცობით და პასუხს მოსთხოვს, თავისს მსჯავრსა და განაჩენს დასდებს ამ ვაჟბატონებს, რომელთაც ხელში იგდეს მარჯვე დრო და თავიანთი ქვენა გრძნობები გამოაფინეს და მთელს წოდებას ასეთი უცნაური ლალატი და სულმოკლეობა ჩაადენინეს."

მარტის ბოლოს ილია, მიხილ გედევანიშვილი და ვლადიმერ მიქელაძე (ნიკო ნიკოლაძე უკვე პეტერბურგში იყო) ხმოსანთა სტატუსით მატარებლით მიემგზავრებიან პეტერბურგს.

1906 წლის 7 აპრილს ილია ჭავჭავაძე აირჩიეს სახელმწიფო საბჭოს წევრად. არჩეულ იქნა 61 ხმით 17-ის წინააღმდეგ. ეს შთამბეჭდავი შედეგი გახლდათ, რადგან ბევრმა მიიღო მასზე ნაკლები ხმები, ხოლო 7 კაცი იმ დღეს სულაც გააშავეს. ილიას არჩევას რუსები მერე კი ინანებენ, ილიას გამოსვლებს რომ იხსენებდნენ, ისე დამფრთხალნი იყვნენ, რომ მისი სიკვდილის შემდეგ, კარგა ხანს, სახელმწიფო საბჭოს ქართველი საერთოდ არ გააკარეს. იძახდნენ, ჭავჭავაძემ შეგვარცხვინაო (ეს შერცხვენა გამოიხატებოდა იმაში, რომ ილია ამ დამყაყებულ თავად-აზნაურობის შეხედულებებს პრინციპულად თითქმის არაფერში ეთანხმებოდა) იძახოდნენ, მუხრანსკი (ივანეს შვილს გულისხმობდნენ) ან ორბელიანი (აღბათ გრიგოლის ძმიშვილს გულისხმობდნენ) გამოგვიგზავნეთ და წერა-კითხვაც რომ არ იცოდნენ, მაინც სიამოვნებით ავირჩევთო. თუმც, უფრო მარტივად გადაწყვიტეს საქმე, – ილიას შემდეგ რამ-

დენიშე წლით სახელმწიფო საბჭოში საქართველოს ადგილი საერთოდ გააუქმეს...

ილიამ თავად-აზნაურთა მარშალს ალექსანდრე ორბელიანს დეპეშით აცნობა-არჩეული ვარ ხმათა უმრავლესობით 61 ხმით 17-ის წინააღმდეგო.

მეორე დღეს საქართველოდან მილოცვის მრავალი დეპეშა მიიღო. ილია იმთავითვე აღმოჩნდა პეტერბურგის გაზეთების ყურადღების ცენტრში. პეტერბურგში იმყოფებოდა ალექსანდრე ყიფშიძე (ფრონელი), რომელიც წინა წელს ქუთაისის ვიცე გუბერნატორი იყო და გუბერნატორ სტაროსელსკისთან ერთად გადადგა ალიხანოვის მოქმედებათა გამო. (ეს გადადგომა იძულებით მოხდა. ბენვზე გადარჩნენ ის და სტაროსელსკი დაჭერას). ალექსანდრე ყიფშიძე გახარებული წერდა:

„ილიამ ფურორი მოახდინა აქა“.

10 აპრილს ილია საქართველოსკენ მოემგზავრება. სახელმწიფო საბჭოს პირველი სხდომა მალე, 7 მაისს იხსნება, მაგრამ ილია პეტერბურგში არ ყოვნდება, ჩამოდის რათა კიდევ ერთხელ გაიაროს კონსულტაციები სასულიერო პირებთან ავტოკეფალიის საკითხებზე. მოურავ მოსეს დაარიგებს, რომ გლეხებს დაუთმოს და კონფლიქტამდე საქმე არ მიიყვანოს, ხვდება მეფისნაცვალ ვორონცოვ-დაშკოვს და მეუღლესთან ერთად (მათთან მგზავრობს ეპისკოპოსი კირიონი) 6 მაისს კვლავ პეტერბურგში ბრუნდება. წერილს წერს ალექსანდრე ყიფშიძეს: „ბატონო ალექსანდრე, ხელახლა მოვედი ამ ბედნიერს ქვეყანაში და პირველი ჩემი სალამი თქვენ უნდა მოგიძღვნათ, როგორც ჩემს კარგს თანამემამულეს. თუ არ დაიზარებთ და მნახავთ, დიდ სიამოვნებას მალირებთ. მე ჩემის კნეინით ვეახელ რუსეთის სატახტო ქალაქს“.

წერილი დათარიღებულია 1906 წლის 6 აპრილით. ეს თარიღი უნდა გასწორდეს, რადგან 6 აპრილს ილია, მართალია, პეტერბურგს იყო, მაგრამ მაშინ მეუღლე თან არ ახლდა. ოღლამ სახელმწიფო საბჭოში არჩევის გამო თბილისიდან 8 აპრილს დეპეშა გაუგზავნა: „თავად ჭავჭავაძეს. 8 აპრილი, 1906 წელი, ტფილისიდან. გილოცავ გამარჯვებას, იცოცხლე ჩემდა გასახარად! ოღლა“.

ილია პეტერბურგს ჩავიდა ოღლასთან ერთად 6 მაისს, აქედან გამომდინარე, ყიფშიძისადმი მიწერილ ბარათს უნდა ეწეროს 6 მაისი, ნაცვლად 6 აპრილისა. მეორე დღეს, 7 მაისს, ბანკიდან პენსიონერის ხვედრისთვის წასული ილია, დიდი პოლიტიკის ორომტრიალში აღმოჩნდა.

იმჟამად პეტერბურგში სათათბიროს პრესის საკოორდინაციო ბიუროს ხელმძღვანელი იყო ქართველი, მალაქია ბოლქვაძე. დიდი ილიას ფასი მან კარგად იცოდა. დაგვიტოვა მოგონებანი ჭავჭავაძის სახელმწიფო საბჭოში მოღვაწეობის შესახებ. ეს მოგონებები დაიბეჭდა 1908 წელს. ურნ. „განათლებაში“ №3-4.

ილიას სახელმწიფო საბჭოში მოღვაწეობის ყველაზე სანდო წყარო ეს მოგონებები გახლავთ, რომელსაც ქვემოთ გაეცნობით.

ახლო წარსულიდან

ილია ჭავჭავაძე რუსეთში

(1906–1907წ.)

ილიას ჩამოსვლა

ილია ჭავჭავაძე პეტერბურგს ეწვია იმ დროს, როდესაც თითქმის მთელი საქართველო ანიოკებული იყო. ჩვენ გვახსოვს ის საშინელი ხანა და არც მალე დაგვაგინყდება.

პეტერბურგის მოწინავე საზოგადოება მოუთმენლად ელოდა ქართველი დეპუტატების ჩამოსვლას. ცოტა ხნის შემდეგ პირველი სათათბირო, ეს პირველი ისტორიული დაწესებულება, დაიწყებდა მუშაობას. დეპუტატებზე ადრე ილია ჩამოვიდა და თავად-აზნაურთა კრებაზე არჩეულ იქნა სახელმწიფო საბჭოს წევრად.

ილიას ჩამოსვლამ (აპრილი 1906 წ.) პრესსა და საზოგადოება მეტად დააინტერესა. ჭავჭავაძეს თითქმის ყველა უურნალ გაზეთების წარმომადგენლები ეწვივნენ. ამით სურდათ გაეგოთ ილიას მიმართულება და საქართველოს ამბები. განსვენებულ პოეტის პასუხმა დიდი შთაბეჭდილება მოახდინა. თამამი ხმა ყოველთვის არა ჩვეულებრივად მოქმედებს.

აი რა მითხრა უურნალისტიმა შაუმიანმა.

„სხვათა შორის მეც ვინახულე თქვენი პოეტი. ყოველ კითხვაზე დაუზარებლად იძლევა პასუხს. საქართველოს ანიოკების შესახებ ნაღვლიან კილოთი მითხრა: „რაც რუსულ გაზეთებში დაიბეჭდა, ის სინამდვილეს მეასედია. ჩვენი ხალხის ცხრვრება ჯოჯოხეთად გარდაქმნეს. მე დარწმუნებული ვარ – ჩვენი დეპუტატები სათათბიროში ამ საგანზე აღძრავენ შეკითხვას. თუ სა-

ხელმწიფო საბჭოში მოხერხდა – იქ ვეცდები დაუფარავად დაეხატო სრული და უტყუარი სურათი ჩვენი ქვეყნის ვაებისა”.

„ამის შემდეგ თავადი ჭავჭავაძე შეეხო სხვა კითხვებს. „სხვათა შორის საქართველოს ეკლესიის თავისუფლებას, რომელიც კანონიერ მოთხოვნილებად მიაჩნია. ისტორიულ საბუთებიც კი მოიგონა”. ბოლოს დინჯ ღიმილით შენიშნა: „სახელმწიფო საბჭოში მე ამომიჩნია თავად აზნაურობამ. ეს იმას არ ნიშნავს, რომ საბჭოში მე მარტო აზნაურ-თავადთა საჭიროებებზე ვილაპარაკებ. თუ ამას ფიქრობდენ ზოგნი ჩემი ამომრჩეველნი აქაური რუსთა აზნაურნი – ეს დიდი შეცდომაა. სახელმწიფო საბჭოში თუ თავად-აზნაურთა სახელით შევდივარ – ეს მხოლოდ ფორმალური, იურიდიული მხარეა. არ დაფვარავ და ვიტყვი: საბჭოში მთელ საქართველოს და ქართველთა ინტერესების დამცველი ვიქნები. საერთო კითხვებსაც შევნირავე ჩემს ღონეს”.

აგრე, ასეთის ენით ელაპარაკებოდა ჩამოსვლის პირველ დღესვე ილია საზოგადოებას. აგრე დიდად თვლიდა თავის ახალს როლს და ვალდებულებას.

რამდენად გაამართლა პოეტმა თავისი სიტყვები და მოლოდინი ამაზე ქვემოდ გვექნება სჯა ჯერ საკმაოდ ჩავთვალთ ის, რასაც ეხლა მოგახსენებთ. რუსეთის თავად-აზნაურთა უმრავლესობა (ამათ შორის სახელმწიფო საბჭოს წევრნი და ამომრჩეველნი) დღესაც დიდი საყვედურით იგონებენ ილიას. უკანასკნელ თავად-აზნაურთა არჩევნებზე, რომელშიაც მონაწილეობას იღებდენ თავ ბაგრატიონ დავითაშვილი, ვ. მიქელაძე, სახელმწიფო სათათბიროს „ცნობილმა“ წევრებმა კრუპენსკიმ და მარკოვიმა ბრძანეს: „ჩვენ ავირჩიეთ ილია ჭავჭავაძე. იმან მთელი თავად-აზნაურობა შეგვარცხვინა, ის სახელმწიფო საბჭოს მემარცხენეთ მიეკედლა. ჩვენ შევცდით და ვნანობთ. ეხლა თუ საიმედო კანდიდატს დაგვისახელებთ, ისეთს, როგორც გენერლები ორბელიანი და მუხრანსკია, თუნდ წერა-კითხვაც არ იცოდენ, დიდი სიამოვნებით ავირჩევთ“... ამათ სხვებმაც ბანი მისცეს.

ამიტომაც საქართველოს თავად-აზნაურთა წარმომადგენელი არ შეუშვენ სახელმწიფო საბჭოში. ამის მიზეზი ილია იყო. მაგრამ ღირსებათ უნდა ჩავთვალოს ეს თუ ნაკლად ყველამ კარგად იცის. ეს ფაქტი ისტორიულია და ილიას სახელს მხოლოდ სხივს ჰმატებს.

ჩვენ არ ვამბობთ, ილია სოციალისტი იყო, არა. ეს არც რუსთა თავად – აზნაურთ ამინებდა. ამათთვის საკმაო იყო ის, რაც ერთ დიდი წიგნშია აღნიშნული თეთრზე შავად.

...„По аграрному вопросу готовь на отчуждение, если таковое будеть признано вопросомъ государственной необходимости Князь является сторонникомъ широкаго местного самоуправления, съ широкой законодательной местной властью“.

მაშინ, როდესაც ილიას პოლიტიკური მიმართულება ასეთი სიტყვებით არის აღნიშნული, სხვა თავად-აზნაურთა წარმომადგენელ წევრების ვინაობის აღწერიდან იგებთ მხოლოდ ერთს: ისინი ეკუთვნიან ან ჭეშმარიტ რუსთ კავშირს, ან რომელსამე მემარჯვენე ჯგუფს. რა თქმა უნდა ასეთი განსხვავება კრუპენსკის და მის ამხანაგებს მეტად ალელვებდა.

„ილიას ესმოდა უკმაყოფილების ხმა (თავიდანვე), მაგრამ ის ასეთ ქცევას ღირსეულად აფასებდა. დამოკიდებულებას არ ამწვავებდა, თავის სიტყვას და გადანყვეტილებას არ ლალატობდა, ჭკვიანურ მხედველობით უცქეროდა სინამდვილეს.

ილია თანდათან მჭიდროდ უახლოვდებოდა საბჭოს მემარცხენეთა გუნდს, რომელსაც შეადგენდენ რუსეთის მოწინავე საზოგადოების და მეცნიერების წარმომადგენლები. საკმაო იყო დაგენახათ ილია ამათ შორის სახელწიფო საბჭოს კრების დროს, რომ ჩვენთან ერთად გეტქვათ:

– ჩვენ გამოჩენილ საზოგადო მოღვაწეს და პოეტს ახალ პოლიტიკურ ასპარეზზეც უკვე მიუქცევია უცხო ამხანაგთა ყურადღება. ილია აქაც ილია არის.

აგრე და ასეთ პირობებში დაიწყო დაღლილ მოხუცებულმა ი. ჭავჭავაძემ თავისი ახალი მოღვაწეობა შორეულ ჩრდილოეთში.

ილია, რომორც სახელმწიფო საბჭოს წევრი

ილია ჭავჭავაძემ არ ეკუთვნოდა სახელმწიფო საბჭოს წევრთა იმ ჯგუფს, რომელიც მხოლოდ დიდ ჯამაგირით არის დაინტერესებული. როგორც ვსთქვი—ილია მიეკედლა საბჭოს მემარცხენეთა პატარა წრეს. ეს მცირე გუნდი შეადგენდა განცალკევებულ კომისიას, და დიდის ყურადღებით ადევნებდა თვალს პირველ სათათბიროს ენერგიულ და გაბედულ მუშაობას. ეს წრე თავის კრებებზე არჩევდა იმ კითხვებს, რომელნიც სათათბიროში მზადდებოდა.

ასეთი დიადი კითხვები იყო — ამნისტია, სიკვდილით დასჯის მოსპობა, აგრარული კითხვა და სხვ. არც ერთ ამ კითხვისთვის არ

აუხვევია გვერდი ილიას. ის სიამოვნებით ესწრებოდა ყოველ კრებას და აქტიურ მონაწილეობას იღებდა მსჯელობაში.

უკანასკნელ აზრის დასამტკიცებლად საკმაოა შემდეგი ორიოდე სიტყვა: სიკვდილით დასჯის მოსპობის შესახებ ვრცელი მოხსენების შედგენა ილიამ იკისრა. ეს მოხსენება სახელმწიფო საბჭოში უნდა წაეკითხა.

თუ რამდენად გულწრფელად სურდა ილიას სასტიკ სასჯელის წინააღმდეგ გალაშქრება ნათლად და სავსებით გვიხატავს შემდეგი სცენა.

ილია თავის ოთახში იდგა. უმთავრესი მისი ფიქრი-აღნიშნული მოხსენება იყო. ამ დროს ენვია ერთი პეტერბურგში მცხოვრები ცნობილი ქართველი, რომელთანაც ჭავჭავაძე ძალიან დაახლოებული იყო. ცოტა მასლაათის შემდეგ ილიამ გაიღიმა, შუბლზე ნაოჭი გაშალა და კმაყოფილ კილოთი წარმოსთქვა:

– გუშინ საღამოს დავასრულე ჩემი მოხსენება სიკვდილით დასჯის შესახებ. ამ დღეებში წაეუკითხავ ჩვენს წრეს. მერმე-კი სახელმწიფო საბჭოს.

სტუმარმა სიჩუმით უპასუხა. ცოტა პაუზის შემდეგ ილიამ ისევ განაგრძო:

– მე ეს მოხსენება მეტად მაინტერესებს და დიდი სიამოვნებით დავიცავ. თუ გცალია, წაგიკითხავ.

– მე, სამწუხაროდ, შენი წინააღმდეგი ვარ, შენიშნა სტუმარმა.

– როგორა?!?...

– სიკვდილით დასჯა უნდა მოისპოს, რა თქმა უნდა, – მაგრამ, ერთი რამ არ მომწონს. რატომ მაინც და მაინც შენ ქართველმა, უნდა იკისრო სახელმწიფო საბჭოში ამ მოხსენების წაკითხვა? იქ რუსები განა ცოტაა? პროფესორები, მეცნიერები... რატომ ისინი არ იკისრებენ?... დარწმუნებული ვარ ასეთი დაუფიქრებლობით მთელ საქართველოს საქმეს ვაფუჭებთ... ისევ რუსმა წაკითხოს.

– ერიპა... საიდან სადაო...ამით რა საქმე უნდა წახდეს. მაგის ნუ გეშინია. აი, მოხსენებას წაგიკითხავ და მოისმინე. ჩემს აზრს და გადაწყვეტილებას არ გადავთქვამ.

– მე პრინციპიალურად არ მსურს მოგისმინო...

– როგორცა გსურს...

ასეთი ბაასი ილიას სხვა ქართველებთანაც ჰქონდა, მაგრამ იმათ სიტყვებს და შენიშვნებს ის მხოლოდ ისმენდა. მოხსენება ილიამ შეასწორა და თავის ამხანაგებს წაუკითხა. არ ვიცი სად

არის ამ ფამად ეს ნაწარმოები. ალბათ ხელნაწერებში უნდა იყოს. საჭიროა ყურადღებით მოიძებნოს, რადგან მოხსენება მეტად შინაარსიანია.

ასე უცქერდა ილია საერთო-საქვეყნო საკითხს.

ყველამ კარგად იცის, რომ იმ ხანებში პოლონეთის დეპუტატები სათათბიროს უმრავლესობის დახმარებით თავიანთ ავტონომიის პროექტს ამზადებდნენ. ჩვენი ქვეყნის ავტონომიის შესახებაც ითქვა ორიოდ სიტყვა, – კითხვა აღძრა დეპუტატ ლედნიცკიმ: ჩვენი წარმომადგენელნი ჯერ არ ჩამოსულიყვნენ.

ასეთი პირობები და ეს დიადი საკითხი ილიას გონებას არ ასვენებდა. გულ დასმით ათვალეიერებდა თან ჩამოტანილ მასალას, მაგრამ ეს საკმაოდ არ მიაჩნდა.

– აქ, უმაღლეს დანებებულებებში ბევრი საჭირო საბუთებია. უთუოდ ასლი უნდა გადმოვიღო. ვინმე საიმედო პირი ვიშოვნო, და მივიანდო ეს საქმე, – ამბობდა მხცოვანი მგოსანი.

ასეთ საიმედო ვაჟბატონის ძებნას ორიოდ კვირა დასჭირდა.

ილიას ვრცელი სია ჰქონდა შედგენილი – სად, რომელ დაწესებულებაში რა საბუთები მოიძებნებოდა. სია შეიცავდა არა მარტო იმ საბუთებს, რომელნიც „ავტონომიისთვის“ იყო საჭირო, არამედ ისეთ მასალასაც, ურომლისოდაც საქართველოს ეკლესიის ავტოკეფალიაზე და აგრარულ კითხვაზე (ჩვენ ქვეყანაში) სჯა დიდად ძნელი იქნებოდა.

მარტო აგრარული კითხვა ვინ იცის რამოდენა შრომას ითხოვს. განსაკუთრებით ძნელი იყო ილიასთვის. სახელმწიფო საბჭოში მის მეტი ხომ არავინ კრინტს არ დასძრავდა საქართველოს მიწების მონესრიგების შესახებ. რა თქმა უნდა ილაპარაკებდნენ, მაგრამ იმათი თვალთა ხედვის ისარი ჩვენთვის რა საპრიანოა! აგრარულ კითხვის გარჩევის დროს ილიას ვრცლად და სერიოზულად დასაბუთებული მოხსენება სურდა წარედგინა. ამისთვის უტყუარი ფაქტები, ცნობები და ხანგრძლივი შრომა იყო საჭირო.

– ეს მე არ მაშინებს, – იტყოდა ხოლემ ჭავჭავაძე.

მართალსაც ამბობდა. იგი მუშაობდა ნელა, აუჩქარებლად, მაგრამ გულწრფელად და სიამოვნებით.

საქართველოს ეკლესიის ავტოკეფალია, როგორც ვსთქვით, ილიას კანონიერად მიაჩნდა. ამას არსად არ ფარავდა – არც საბჭოს წევრთა შორის და არც სხვაგან. ამბობდნენ, ავტოკეფალიაზე სათათბიროში იქნება სჯაო.

– მაშასადამე საბჭოშიც გადმოვა, მეც ამიტომ ვაგროვებ მასალას და ვემზადები. არა უშავსრა ღმერთი მონყალეა, – დინჯად ნაილაპარაკებდა ილია.

მასალები საქართველოდანაც მოდიოდა.

პეტერბურგში, სინოდში მონაწილეობის მისაღებად გამონვეულნი იყვნენ ჩვენი ეპისკოპოზები კირიონი და ლეონიდი. მათთან ერთად ვოსტორგოვიც ბრძანდებოდა. ჩვენი ეკლესიის ბედ-იღბალი წყდებოდა. საქმე მეტად გამწვავდა.

პროფესორმა ა. ცაგარელმა ილიას ყოველივე უამბო. აუხსნა საქმის მთელი ვითარება. ორთავემ დაუყონებლივ გადაწყვიტეს ენერგიულად ემოქმედათ. თუმცა ილია სახელმწიფო საბჭოს წევრი იყო და ზოგიერთ აზრით უნდა მორიდებოდა კერძო ვიზიტებს სხვა და სხვა საჭირო პირებთან, მაგრამ ასეთ ბიუროკრატიულ წესს ჭავჭავაძემ გვერდი აუხვია. მეორე დღესვე პროფესორ ცაგარელთან ერთად წავიდა პეტერბურგის მიტროპოლიტ ანტონისთან. ორთავე ქართველმა ხანგრძლივ ებაასეს სინოდის თავმჯდომარეს ქართველთა ეკლესიის თავისუფლებაზე.

ამ ვიზიტის შემდეგ ილია უფრო არკვევდა საჭირო მასალებს, რასაკვირველია, მოხსენებისტვის. ზოგნი ეუბნებოდენ:

– ილია, წადი ამ და ამ ბიუროკრატთან, მოელაპარაკე ავტოკეფალიაზე.

– ვნახოთ. თუ საჭიროება მოითხოვს... ისმოდა აუჩქარებელი პასუხი.

„თუ საჭიროებას მოითხოვს“ – ამბობდა ილია და მხოლოდ მოხსენებაზე ჰფიქრობდა. ცალკე ბიუროკრატებთან ვიზიტები შეაჩერა: ილიას სათათბიროს იმედი ჰქონდა, იგი სულ სხვას ამბობდა. ამიტომაც მთელს თავის ყურადღებას მომავალ მოხსენებას აქცევდა.

წინედაც და ეხლაც მესმის ხოლმე–ილია პეტერბურგში არაფერს არ აკეთებდაო. „თქმა ყოვლისა შესაძლოა“. რის აღწერაც მოვასწარ, აქედანაც უკვე ჩანს – რასაც აკეთებდა ილია ჩრდილოეთში. მართალი მოგახსენოთ, პირადად მე – არც ასეთ ენერგიას და შრომას მოველოდი: ილიას ავადმყოფობა ვიცოდით.

ილია და სახელმწიფო სათათბირო

ილია სახელმწიფო სათათბიროს კრებებს ძალიან ხშირად ესწრებოდა. ხალხის პირველ წარმომადგენელთა მუშაობა მისთვის

წმიდათა წმიდას შეადგენდა. ჭავჭავაძე ავად იყო ისეთის სენით, რომელიც მგოსანს აიძულებდა ხშირად დაეტოვებინა დარბაზი, მაგრამ ეს გარემოება მოხუცს არ აშინებდა.

როდესაც რომელიმე დეპუტატი ტრიბუნიდან წარმოსთქვამდა ძრიელს და თამამს სიტყვას, ილია საამოდ მოლიმარ სახით გამოვიდოდა სათათბიროს კულუარებში და აღტაცებით აღნიშნავდა ორატორის სიტყვის დიდ პოლიტიკურ მნიშვნელობას. არ იფიქროთ, რომ აღტაცება შეუგნებელი იყო. ილია ქება—აღტაცებასთან ერთად კრიტიკულადაც არჩევდა დეპუტატთა ნათქვამს. სათათბიროს ვრცელ და ლამაზ კულუარებში მაშინ სიცოცხლე სდულდა და გადმოდულდა. აქ დაუფარავად სცემდა ძლიერი მაჯა სახალხო წარმომადგენლებისა. კულუარებში ისმოდა გაცხარებული კამათი, პოლიტიკური შეტაკება, აგიტაცია და სხვა და სხვა. ამიტომ არ შეიძლება ითქვას, თითქოს ილია აქ ისვენებდა. ის დარბაზში მიღებულ შთაბეჭდილებას აქ უფრო ამაგრებდა. იქ დანყებული სურათი აქ მთავრდებოდა.

ილიას მოსწონდა ნაბოკოვის, პეტრუნკევიჩის და ვინერის სიტყვები. მართლაც ესენი თავიანთ მოქმედებით გამოცდილ ევროპის პარლამენტის დეპუტატს მოგაგონებდათ, შეიძლება თქვათ ჩამოთვლილნი პირნი კადეტები იყვნენ. რატომ უფრო მემარცხენი არ მოსწონდა ილიასო? ეს აჩქარებული საყვედური იქნება. მგოსანს მემარცხენეთა შორის ჰყავდა „საყვარელნი“: ყილკინი, ანიკინი, მღვდელი აფანასიევი და გლეხი ნაზარენკო („ტრუდოვიკები“). ალაღინზე ჭავჭავაძე სულ სხვა აზრის იყო.

— კარგად ლაპარაკობს, კარგი ორატორია, — იტყოდა ხოლმე ილია — მაგრამ ნამეტანი გარდამეტებული კილო აქვს. მე სხვასაც ვფიქრობ: ალაღინი უმეტეს ნაწილად გულწრფელი არ არის.

ვინც პირველ სათათბიროს ცხოვრებას და კერძოდ ალაღინის მოღვაწეობას თვალს ადევნებდა ბოლომდის — ილიას სიტყვებს განიმეორებს და ადვილად მიხვდება — თუ რა სერიოზულ ყურადღებას აქცევდა ის სათათბიროს.

სათათბიროში ერთ ისტორიულ კრებაზე ნაბოკოვმა მთავრობის წინააღმდეგ სასტიკი სიტყვა წარმოსთქვა. იმ მთავრობის წინააღმდეგ, რომელსაც მაშინ მოუფერებლად ეუბნებოდნენ: „როდისღა მოგვშორდებით!“ ყველა მინისტრები დარბაზში ბრძანდებოდნენ და ისმენდნენ მსუსხავ მსჯავრს. მე უურნალისტების ლოჟაში ვიჯექი. სახელმწიფოს საბჭოს წევრთა ლოჟა ჩვენ გვერდით იყო. აქ იყო ილიაც. ნაბოკოვის სიტყვის შემდეგ წამოდგა, ჩამოუარა ჩვენს

ლოჯას და ნელის ფეხის ნაბიჯით გასწია კულუარებისკენ. მაშინ-
დელი მისი სახის გამომეტყველება არასოდეს არ დამავინყდება.
აქ იხატებოდა უსაზღვრო კმაყოფილება, სიამოვნება, ნეტარება,
მტრის დამარცხებაზე აშენებული. ილიას სული და გული ღელავ-
და, მთელს სახეს აღმური მოდებოდა, ზღვა-თვალნი ბრწყინავდ-
ნენ.

– მშვენიერი სიტყვა წარმოსთქვა...ნეტავ რა გუნებაზე არიან
მინისტრები? ძლიერი მათრახია, ურყევ საფუძველზე აშენებული.
ღირსშესანიშნავი აქ ის არის, რომ ნაბოკოვი მინისტრის შვილია.
იცის მინისტრების სუსტი მხარე... ამბობდა ენერგია აღძრული და
აღელვებული ილია.

ესეთი სცენის მოწმე ხშირად ვიყავი.

როგორც ხედავთ ილიას ოპოზიციის სიტყვიერი გამარჯვ-
ბაც გულს უხარებდა ამას არავის არ უმაღავდა და ხმამალა გა-
იძახოდა.

სათათბირო ერთ თვეზე მეტი მუშაობდა. დაგვიანებული არ-
ჩვენების წყალობით ჩვენი დეპუტატები არ ჩამოდიოდნენ. ჭავ-
ჭავაძე თითქმის ყოველ დღე იგონებდა პირველ დეპუტატებს. მას
აინტერესებდა იმათი მომავალი საპარლამენტო პრაქტიკა, მომავ-
ალი შრომა და პირველი შთაბეჭდილება სათათბიროში.

სანამ ჩვენ დეპუტატების ჩამოსვლას შევეხებოდე, მოვიგონებ
ერთ საყურადღებო ფაქტს.

იმ დროს, როდესაც ილია პირველად ესტუმრა სახელმწიფო სა-
თათბიროს, მე იქ არ ვყოფილვარ. მასთან ერთად სათათბიროში
წავიდა ცნობილი ქართველი მწერალი და მოღვაწე ა. ყ.(იგულისხ-
მება ალექსანდრე ყიფშიძე, ნ.გ.)

– როგორ მოენონა ილიას სათათბირო? – დავეკითხე სალამოს
ბ. ყ.-ს.

– დღეს საინტერესო კრება იყო, ბევრმა კარგმა ორატორმა
ილაპარაკეს, – ჩვენი მგოსანი კმაყოფილი დარჩა.

– თვითონ სასახლე მოენონა?

ბ. ყ. გაკვირვებით შემომხედა და მხოლოდ ცოტა ხნის მერე
მომცა პასუხი, რომელშიაც მთლად გამოიხატებოდა უსაზღვრო
სიყვარული და პატივისცემა ილიასადმი:

– რას ლაპარაკობ!... ასეთი კითხვით, როგორ შევანუხებ მო-
ხუცს...

ა. ყ. პასუხმა დამაფიქრა. ჭავჭავაძეს საქართველოში ორჯერ
თუ სამჯერ შევხვედრივარ საზოგადოებაში. ბ. ყ. – კი თითქმის ყო-

ველ საქმეში ილიასთან იყო. მე ვიფიქრე, ალბათ ილიას ჯერ კიდევ ვერ ვიცნობ და მასთან სიფრთხილეა საჭირო. სულ სხვა ტიპი წარმომიდგა თვალწინ.

მესამე დღეს, სათათბიროს კულუარებში ამოჩნდა ილია. იმის ჩვეულებრივი ტამსაცმელი იყო შავი სერტუკი, ნაცრისფერი ზოლებიანი შარვალი, შავი ჟილეტი და გადმოკეცილი კრახმალისანი თეთრი საყელო. ეს გარეგანი ნიშნობლივობა ვიცოდი, ასე რომ ილიას სახე რომც არ დამენახა შორე მანძილიდან ვიცნობდი.

– მგონი ადრე მოველი? – მხიარულად დამეკითხა ილია.

– კრება ნახევარ საათის შემდეგ დაიწყება, – ვუპასუხე მე.

– შენობა მინდა დავათვალიერო, თუ დრო გაქვთ დამატარეთ, გეთაყვა. დარბაზი და კულუარები მომწონს, მაგრამ ეს ხომ მთელი შენობა არ არის.

ილიამ ხელი გამომდო (ეს ჩვეულებად ჰქონდა) და შევუდექით სასახლის დათვალიერებას. არც ერთი კუთხე არ დაგვიტოვებია, ყველაფერი ვნახეთ. მთელი დრო სასახლის არხიტექტურაზე და მოწყობილობაზე მელაპარაკა. ამის შემდეგ დიდად პატივცემულ ა. ყ. სიტყვები „ასეთ კითხვით როგორ შევანუხებ მოხუცს“ – არ მაშინებდა. ილიასთან ყველაფერზე შეიძლებოდა ბაასი. აგრე გაცნო საყვარელი მოხუცი სათათბიროს შენობის ყოველ კუთხეს.

– ეხლა ყველაფერი შევისწავლე... რას იფიქრებდა პოტიომკინი – თუ მის სასახლეში პარლამენტი მოთავსდებოდა! ცხოვრება მირბის, ცვალებადობს... ასეთი სიტყვებით დაასრულა ილიამ სასახლეში სეირნობა.

ჩვენი წარმომადგენლებიც ჩამოვიდნენ: ნოე ყორდანიას, ისიდორე რამიშვილი, ივანე გომართელი, იოსებ ბარათაშვილი, ჯაფარიძე, წერეთელი. ჩამოვიდნენ თუ არა იმ დღესვე სათათბიროს კრებას დაესწრნენ. ილიაც მოვიდა. განა შეეძლო მას ამ დღეს არ მოსვლა! მოსვლისთანავე დამეკითხა – ილაპარაკებენ – თუ არა ჩვენებო, მაგრამ ამის პასუხს თვით დეპუტატებიც ვერ იძლეოდნენ. დეპუტატებზე აქ გაკვრით ვამბობ, რადგან ამათზე სულ სხვა დროს და სხვა შრომაში მექნება ლაპარაკი. მე ჯერ ვიგონებ იმას, რაც ილიას ეხება.

ჭავჭავაძემ კრების დაწყებამდის სთქვა :

– ისიდორე რამიშვილი და ნოე ყორდანიას ნიჭიერი კაცები არიან. ისიდორეს სიტყვა მომისმენია. კარგად ლაპარაკობს, ქართული ენაც კარგად იცის. დანარჩენებზე რა მოგახსენოთ გარდა ი. ბარათაშვილისა, რომელიც კარგ ორატორად ითვლება.

ორიოდე საათის შემდეგ ისიდორე რამიშვილი უკვე სათათბიროს ტრიბუნაზე იდგა. წარმოსთქვა გრძელი სიტყვა, მაგრამ ეს ექსპრომტი იყო. იგი ლაპარაკობდა თავის პარტიის (სოც. დემოკ.) სახელით ხშირად იგონებდა „великий русский народ“ – ს. რამიშვილის სიტყვა მეტად მკაცრი იყო. ილია რამიშვილის მთელს სიტყვას დიდი ყურადღებით ისმენდა, ხშირად სახის გამომეტყველება ეცვლებოდა.

მე ვჩქარობდი გამეგო ილიას აზრი. გამოვიდა თუ არა დარბაზიდან და დამინახა თვითონვე დაიწყო:

– ქართულად სულ სხვა შთაბეჭდილებას ახდენს რამიშვილის სიტყვა. ასეთ გამოთქმას არ არინა მიჩვეულნი რუსები. ჩემმა მეგობრებმა პირველ ხუთ წუთის განმავლობაში ვერა გაიგეს რა. ეს კიდევ არაფერია: რამიშვილი შეეჩვევა საპარლამენტო ორატორობას, მსმენელნი – ისიდორეს თავისებურ კილო-გამოთქმას. სიტყვა აზრიანი იყო, მაგრამ დალოცვილმა რა დაიჟინა ეს „великий русский народ“?! თითქმის მთელი სათათბირო, რუსების ინტერესებზე ლაპარაკობს, რალა მაგის თავ-გამოდება ესაჭიროება რუსის ხალხს? მე არ მეგონა თუ ერთ სიტყვით არ მოიგონებდა ჩვენს ქვეყანას, ჩვენს ხალხს. დაიჟინა „великий русский народ“... არა მგონია ბოლომდის გასტანოს ასეთმა ძახილმა...

რამდენად მართალი იყო უკანასკნელი აზრი სხვა დროს გავიგებთ.

დიდხანს დასეირნობდა ილია სათათბიროს კულუარებში. ძალა უნებურად ისმენდა დეპუტატთა აზრს რამიშვილზე. ისმენდა, მაგრამ მისი სული და გული ამ დროს სულ სხვაგან იყო. წარბშეკრული, მოღუშული სახე სავსებით ხატავდა მგოსნის ღრმა ფიქრს...

– შორს წავედი, – ცოტა სიჩუმის შემდეგ დინჯად ჩაილაპარაკა ილიამ, აზრთა ასოციაცია ასეთია. რამიშვილის სიტყვამ ჩვენში გადამაფრინა... ბარათაშვილიც იტყვის რასმე უეჭველია?

ილია ისევ დარბაზს დაუბრუნდა. მოლოდინი გაუმართლდა : ი. ბარათაშვილი ცქვიტად ავიდა ტრიბუნაზე და ლამაზ გარკვეულ ხმით, ქართველ ერის სახელით მიესალმა მთელს სათათბიროს. ილია მთლად გადასხვაფერდა. შუბლი საამოდ გადაეშალა, სახე ილიმებოდა და კმაყოფილად უცქერდა ხალხის წარმომადგენელთა კრებულს. ეს იყო ქართველ მგოსნის, ქართველთა დაღლილ მოღვაწის კმაყოფილება.

ქართველ დეპუტატთა ჩამოსვლამ ჭავჭავაძე სათათბიროს უფრო დაახლოვა. ავადმყოფობა თუ შეუშლიდა ხელს, თორე არც

ერთ კრებას არ გამოტოვებდა. არც სიშორე აშინებდა. სათათბიროდან ილია დაშორებით იდგა. მისი ბინა იყო მერვე როფდესტვენსკის ქუჩაზე. ჩვეულებრივ სათათბიროს კრებები თავდებოდა 6 ან 6^{1/2} საათზე. ხანდისხან დღეც და ღამეც 8–12^{1/2} ს. მოხდებოდა კრება. დასუსტებული ილია, დაღლილობას არ უშინდებოდა და ღამის კრებასაც ესწრებოდა. სათათბიროს ასეთი მოყვარული სახელმწიფო საბჭოს წევრთა შორის რამდენიმე კაცი იყო. მახსოვს ისეთი კრებები, როდესაც საბჭოს წევრთა ვრცელ ლოყაში მარტოკა ილია იჯდა.

იენისის შუა რიცხვები იყო, როდესაც მთელს პეტერბურგს მოედო ხმა, – „სათათბიროს მალე დახურავენ“. ილიამ სახელმწიფო საბჭოს წევრთა შორის გაიგო დანამდვილებით მთავრობის აზრი და გადაწყვეტილება. სათათბიროს მომავალი დახურვა, მოხუცს მეტად აღონებდა. ის კარგად გრძნობდა – რა მოჰყვებოდა ასეთ სახელმწიფო აქტს. ის ნათლად ითვალისწინებდა საზოგადოდ მთელი სახელმწიფოს შავ დღეს და კერძოდ ჩვენი ქვეყნის ვაებას, იმ ვაებას, რომელსაც დღესაც ვერ ავშორებივართ.

პირველი სათათბიროც დახურეს. რეპრესიებმა, ახალ ასარჩევ კანონის გამოცემაზე ბევრ დეპუტატების დატუსაღებამ, დასჯამ და სხვა საზოგადოებრივ-პოლიტიკურ ახალმა პირობებმა ილიას გული გაუტეხა. რუსეთის ანმყოს გულდაწყვეტილი უცქეროდა და ახლო სანეტარო მომავალს აღარ ელოდა. ილიას სულის ვითარებას მიემატა ახალი ელემენტი – საზოგადოებრივი პესსიმიზმი.

მეორე სათათბიროში ილია უფრო ძვირად დადიოდა. ამას გასამართლებელი მიზეზებიც ჰქონდა. სახელმწიფო საბჭოს წევრებს პირველ სათათბიროში, როგორც ზემოდ შევნიშნე, დათმობილი ჰქონდათ ვრცელი ლოყა დარბაზში დეპუტატებთან ერთად. ეს პრივილეგია მეორე სათათბიროში მთავრობამ წაართვა საბჭოს წარმომადგენლებს და გადაასახლა ზევით ქანდარაზე. ამ ახალ ცვლილების წყალობით ილიას არ შეეძლო ძველებურად დეპუტატებთან კულუარებში სეირნობა, მათთან ბაასი და სხვ. მთელი კრების განმავლობაში ქანდარაზე, დახუთულ ჰაერში უნდა გაეტარებინა. ასეთი მძიმე იყო ახალი პირობები, მაგრამ ილია საინტერესო კრებებს არ აკლდებოდა. მე მხოლოდ შორიდან შემეძლო ჩვენი მგოსნის დანახვა: დაბლა იმას არ უშვებდენ და ზევით – მე.

მეტად სასტიკად იმოქმედა ილიაზე მეორე სათათბიროს უკანასკნელმა დღეებმა. საზოგადოდ ილიას მეორე პარლამენტში არ

ემჩნეოდა წინანდელი ალტაცება და აღფრთოვანება. მას გულ გატეხილობა შემოჰარვოდა. შექმნილი პოლიტიკური ატმოსფერა თავისას შვრებოდა. ხალხის წარმომადგენელთა დარბაზი ძველს იმედებს აღარ იძლეოდა. ნიადაგს იმზადებდნენ პურიშკევიჩები და „ზუბრები“.

ჩვენი ქვეყნის დეპუტატები ყველანი სოციალ-დემოკრატიები იყვნენ. ისინი თავგამოდებულნი იცავდნენ თავიანთ პარტიულ პროგრამას. პოლონეთის ავტონომიაზე აღძრულმა მოხსენებამ სათათბიროში ვერ გამოიწვია უმრავლესობის თანაგრძნობა. ყველა ამ ახალმა პირობებმა ილიას გული აუტკივა. ამნისტიის, სიკვდილით დასჯის მოსპობის, ავტოკეფალიის, ავტონომიის, აგრარულ კითხვის ძველი გეგმანი განხორციელების ელფერს კარგავდნენ. ეს გულს წვავდა და ასეთი სულიერი მწუხარება ილიას ღრმა სიჩუმეში იხატებოდა.

სიმწარის ფიალა სათათბიროს დახურვამ და ყველა ქართველი დეპუტატების დატუსაღებამ აავსო. როდესაც ახალი კანონი გამოქვეყნდა და გამოიკვია, რომ მესამე სათათბიროში ქუთაისის და ტბილისის გუბერნიებს მხოლოდ ორი წარმომადგენელი ეყოლებოდა, ილიამ ნაღვლიანად სთქვა:

– ეს ახალი და დიდი უბედურებაა ჩვენებისთვის... ჰორიზონტი შავად იღრუბლება და ახლო მომავალი არას მპირდება. ჩემნი დღენი კარგს არას მოესწრება...

ასეთი იყო შხამით ავსილი ილიას უკანასკნელი ფიქრი და წინასწარმეტყველება.

ქართველი მხცოვანი მგოსანი ვერ შერიგებოდა იმ გარემოებას, რომ ისეთი ნიჭიერი ახალგაზრდა ქართველი, როგორც წერეთელი (მეორე სათათბიროს წევრი) და მასთან ერთად მისი ამხანაგები საშინელ სასჯელს მოელოდნენ და საზოგადოებას შორდებოდნენ. ამ დროს ქართველის გული ლაპარაკობდა, პარტიული განსხვავება შორს იყო გადატყორცნილი.

მესამე სათათბიროს ველარ მოესწრო ილია ჭავჭავაძე, მაგრამ ეს ახალი, ხელოვნურად გამომცხვარი პარლამენტი მის დარდს არ აქარწყლებდა. ილია კარგს არას ელოდა...

– მესამე სათათბირო ჩვენ სახელწიფო საბჭოს არაფრით ჩამოუვარდება. განსხვავება მხოლოდ სახელში იქნებაო, – ამბობდა ილია.

ამ გვარ სულის კვეთებით განშორდა ჭავჭავაძე გაორკეცებულ ცხოვრებას.

ილია და ავტონომისტ-ფედერალისტთა კავშირი პირველ სათათბიროში

მხოლოდ პირველ სათათბიროში არსებულ თავისუფლებას შეეძლო შეექმნა ისეთი კავშირი, სადაც ყველა უცხო ხალხთა, ეგრედ ნოდებულ „ინოროდცების„ წარმომადგენლებს მოეყარათ თავი და თავრიდის სასახლეში დაუფარავად ენყოთ მსჯელობა ავტონომია-ფედერაციაზე. მეორე სათათბიროში ასეთ კავშირს ადგილი არ ჰქონდა. მესამეში... მთლად მოუხერხებელია.

ავტონომისტ-ფედერალისტთა კავშირის წევრად ითვლებოდენ უკრაინის, პოლონეთის, ლიტვის, პრიბალტიის მხარის, მაჰმადიანთა, ოსმალთა, ებრაელთა, სომეხთა და სხვათა წარმომადგენელნი (დეპუტატები). იენისში მიემატა იოსებ ბარათაშვილიც. კავშირის თავმჯდომარედ ითვლებოდა ცნობილი მოსკოველი ვექილი დეპუტატი ლედნიცკი. თუ რა მიზანი ჰქონდა კავშირს, რა საგანზე ჰქონდა მსჯელობა თვით მისი სახელი გვიჩვენებს.

როდესაც სათათბიროში შეიტანდნენ რაიმე ახალ კანონპროექტს, კავშირი საკუთარ თვალთა ხედვის ისარით გაარჩევდა ამ კანონპროექტს და საერთო დეპუტატთა კრებაზე ან სპეციალურ კომისიებში წარმომადგენდა თავის მოთხოვნილებათ. აგრარული კითხვა, ავტონომია, ადგილობრივი სასამართლოები, ენა, შკოლა და სხვ. აი კითხვები, რომელნიც დრო-გამოშვებით ირკვეოდა კავშირში.

ავტონომისტ-ფედერალისტთა კავშირმა ერთხმად გადაწყვიტა მოეპატიჟა ილია ჭავჭავაძე, როგორც სრულ უფლებიანი წევრი. ზოგნი ეჭვობდნენ, – ილია ამ კავშირში არ მიიღებს მონაწილეობას, მოერიდება აგრე ფარდა ახდილს პირდაპირს მუშაობასო, მაგრამ ასეთი აზრი არ გამართლდა. ილიამ დიდი სიამოვნებით მიიღო კავშირის წინადადება. კავშირის კრებები უფრო ხშირად სალამობით ხდებოდა. ეს ილიას არ აშინებდა და კრებებს ესწრებოდა.

– აქ ყოველ კითხვის შესახებ მოხსენების წაკითხვაა საჭირო, თორემ ყველა ეს ვაჟბატონები ჩინეთის იმპერიას უფრო იცნობენ, ვინმე ჩვენს ქვეყანას – პირველ კრების შემდეგ სთქვა ილიამ.

ასეთი იყო ილიას გადაწყვეტილება, მაგრამ ავტონომისტ-ფედერალისტთა კრებებზე მოხსენების წაკითხვას ან სიტყვის წარმოთქმას დიდი სიფრთხილე სჭიროდა, მიზეზი მეტად რთული იყო. ძალიან ხშირად თითქმის შეტაკება მოხდებოდა ხოლმე, განსაკუთრებით აგრარულ კითხვის დროს. პოლონელის სიტყვა (ლიტვაში

მცხოვრებ პოლონელის) ლიტველს არ ეპიტნავენოდა, უკანასკნელის – პირველს. უკრაინაში მცხოვრებ პოლონელს უკრაინელის და სხვ. რასაკვირველია ეს ხდებოდა, მაგრამ მორიგება შესაძლო იყო.

ეს გარემოება ილიასაც აფიქრებდა. განა შესაძლოა აგრარულ კითხვაზე მოხსენების ნაკითხვა (საქართველოს შესახებ) ისე რომ სომეხთა როლს ჩვენს ეკონომიურს ცხოვრებაში არ შეეხოს? არა. ილიას რომ მოუფერებლად და თავისებურად გამოეთქვა თავისი აზრი, რაღას იტყოდა კავშირის წევრი სომეხი დეპუტატი? ეს კითხვა თვით დროთა მსვლელობამ და ვითარებათა ცვლილებამ შეაჩერა.

ილია დაესწრო რამდენჯერმე კრებებს. მოისმინა უმრავლესობის აზრი თითქმის ყველა კითხვებზე. შეიგნო ყველა სუსტი მხარე კავშირისა, მოუფერებლად და მიუდგომელად დააფასა წინააღმდეგობა წევრთა შორის. ასეთმა ანალიზმა ილია მიიყვანა არ სასიამოვნო დასკვნამდის და გაუქარწყლა დიდი იმედი.

ცოტა ხნის შემდეგ (ამ დროს იოსებ ბარათაშვილიც ესწრებოდა ავტონომისტთა კრებებს) აი რას ამბობდა ილია:

– ავტონომისტ-ფედერალისტთა კავშირის სათათბიროში დიდი მნიშვნელობა ექნება, მაგრამ ჯერ-ჯერობით თვით ორგანიზაცია და მუშაობის სისტემა მეტად სუსტობს. არა მგონი რომ აგრე გასტანოს. აბა, კარგად დააკვირდით – კავშირის უზურპატორი-მეფე დეპუტატი ლედნიცკია. უმრავლესობა მის სიტყვას და წინადადებას წმიდათ წმიდათ იღებს და ეთანხმება. ეს აიხსნება მხოლოდ შეუგნებლობით. წევრთა უმეტესი ნაწილის აზრი ამა თუ იმ კითხვაზე არ არის საამდროვო. მე საქართველოში სოციალდემოკრატები რეტროგრადს მეძახიან, ესენი-კი-ჩემი მოხსენებანი რომ წავუკითხო-მგონი, რევოლუციონერს დამიძახებენ.

ილია ზოგიერთ კითხვებში ავტონომისტ-ფედერალისტთა კავშირზე უფრო მარცხნივ იდგა. არც ეს გარემოება აშინებდა მაინც და მაინც ჭავჭავაძეს. ის ჯერ აპირებდა ისეთ მოხსენების ნაკითხვას, რომელიც კავშირში აურზაურს და პროტესტს არ გამოიწვევდა.

ერთ მშვენიერ დღეს კავშირს ჩვეულებრივი კრება ჰქონდა. ლაპარაკი იყო აგრარულ კითხვაზე. კავშირს სურდა მალე შეეტანა თავისი წინადადება პარლამენტის აგრარულ კომისიაში. ეს კრება ავტონომისტ ფედერალისტთა ცხოვრებაში სწორედ ისტორიულად უნდა ჩაითვალოს. უკრაინელებმა, პოლონელებმა, ბელოროსებმა, ლიტველებმა კინაღამ ურთ-ერთი შეურაცხყვეს... როდესაც კომისიის არჩევაზე მიდგა საქმე და კანდიდატად ილია და ბარა-

თაშვილიც დაასახელეს, წამოხტა დეპუტატი თოფჩიბაშევი და ხმა მალა დაიძახა:

– ჩვენი წარმომადგენელიც უნდა იქნეს არჩეული კომისიის წევრად. ქართველებს თუ ირჩევთ, ჩვენც უნდა აგვირჩიოთ. ქართველებს მინის სოციალიზაცია სურთ, ისინი სოციალისტები არიან, ჩვენა-კი სულ სხვა პირობებში ვართ და სხვა მოთხოვნილება გვაქვს.

კრებამ თოფჩიბაშევი დააწყნარა. როგორც მახსოვს იმ დღესვე ისიც აირჩიეს კომისიის წევრად. შემდეგ ნეტარხსენებულმა ილიამა სთქვა:

– არ გითხარ კონტრრევოლუციონერს დამიძახებენ მეთქი?! ჯერ კრინტიც არ დამიძრავს და თოფჩიბაშევი სოციალისტს მეძახის... ნეტავი რის შაეშინდა?

უკანასკნელ შემთხვევას არავითარი სამწუხარო შედეგი არ მოჰყოლია. ვინ იცის მომავალში, სათათბირო რო არ დაეხურათ, შედეგსაც ამოეყო თავი პრინციპიალური შეტაკებაც მომხდარიყო.

– ეხლა მე რაღა საჭირო ვარ? ღიმილით შენიშნავდა ხოლმე ილია ბარათაშვილის ჩამოსვლის შემდეგ. რა-კი ბარათაშვილი აქ არის, უჩემოდაც დაიცავს ჩვენს ინტერესებს.

ჭავჭავაძის ასეთ აზრს ბარათაშვილი ეწინააღმდეგებოდა. გარდა ამისა ილიას ავტონომისტ-ფედერალისტთა კავშირში ყველანი უკვე კარგად იცნობდნენ, პატივს სცემდნენ, როგორც მსცოვან და გამოცდილ შეჭალარავებულ მოღვაწეს. ეს უკანასკნელი პირობა ილიას სულ სხვა ძალას აძლევდა. ამას თვითონაც გრძნობდა და მასთან ერთად ჩვენც. ამიტომაც კავშირიდან წასვლაზე ბოლოს არას ამბობდა.

– რასაც შეეძლებ – აქაც გავაკეთებ.

ასეთი იყო უკანასკნელი სიტყვები მგოსნისა. ვამბობ უკანასკნელი, რადგან ერთი კვირის შემდეგ ტავრიდის სასახლე დაჰკეტეს – პირველი სათათბირო დაიხურა.

ილია და სოციალ-დემოკრატები (დეპუტატები)

ჩამოვიდნენ ჩვენი დეპუტატებიც, რომელთა შორის მხოლოდ ბარათაშვილი იყო არა სოციალ-დემოკრატი. ჩვენი ქვეყნის წარ-

მომადგენელთა ასეთმა ჯგუფმა პეტერბურგის ქართველი ინტელიგენცია და მასთან ერთად ილია დააფიქრა. მიზეზი საყურადრებო იყო. სათათბიროში მოელოდენ ავტონომიაზე მსჯელობას. ქართველთა მინდობილობით ლედნიცკიმ ჩვენების ჩამოსვლამდის პარლამენტის კომისიაში შეიტანა განცხადება საქართველოს ავტონომიის შესახებ, „ჩვენი სოციალდემოკრატიები წინააღმდეგნი იქნებიან და ხომ არ შევრცხვით, განცხადება მაინც არ იყოს კომისიაშიო,“ - აი რა ფიქრი ტრიალებდა ქართველთა შორის.

- „რამე უნდა ვილონოთო“- ამბობდენ ილია და სხვანი.

რა უნდა ელონათ? ამ დროს და წინედაც ს.დ. ჟურნალ-გაზეთებში ილიასთან საქმის დაჭერას, პურის მჭამელს და მოლაპარაკესაც ჯვარს აცვამდენ. ამიტომ პეტერბურგის ქართველთ შეუძლებლად მიაჩნდათ შეერთებულ საერთო კრების მოხდენა, თუნდაც ისეთი პატარა მსჯელობისა, რომელშიაც ქართველ დეპუტატ-სოციალდემოკრატებთან ერთად ილიას და სხვებს მიელოთ მონაწილეობა.

ილია იმედს არ კარგავდა. პროფ. ცაგარელი ყოველ შეხვედრაზე გაიძახოდა: „უთუოდ უნდა შევხვედეთ სადმე, მოვილაპარაკოთ. ნუ თუ ასეთი პროტესტანტები არიან“...

მთხოვეს გამეგო დეპუტატების აზრი. ის. რამიშვილს, ნ. ყორდანიას, გომართელს და სხვათ არავითარი წინააღმდეგობა არ გაუწევიათ და შესაძლოდ ცნობდენ მოლაპარაკებას. აქვე უნდა შევნიშნო, რომ მაინც და მაინც დიდს სარგებლობას არც ერთი მხარე არ მოელოდა. მოუხედავად ამისა ხშირად გაისმოდა: „ვინ იცის, იქნებ შევთანხმდეთ.“

ველოდით შესაფერ შემთხვევას, რომ სადმე შეკრებილიყვნენ. ამასაც მოვესწარი.

პეტერბურგში ჩამოვიდა ცნობილი მდიდარი ქართველი დავით სარაჯიშვილი, რომელიც სათათბიროს კრებაზე წავიყვანე. კულუარებში სეირნობის დროს სარაჯიშვილმა შემდეგი წინადადებით მომმართა:

- მე მსურს ჩვენს დეპუტატებს და მათთან ერთად ზოგიერთ აქაურ ქართველებს სადილი გავუმართო. მომინდვია შენტვის, აარჩიეთ დრო, დანიშნეთ საათი, ადგილი და მე მზადა ვარ.

ეს მე ძლიერ გამიხარდა. სარაჯიშვილს ავუხსენ, რომ ასეთი შეკრება სწორედ გვინდოდა მეთქი. გადავწყვიტეთ ორ კურდღლის ერთად დაჭერა.

ერთი ნუთით - მართალი გითხრათ - შევჩერდი. „ის. რამიშვილი და სხვანი რომ სადილად არ წამოვიდნენ“ - გავიფიქრე, მაგ-

რამ დიდად შევცდი. ყველანი დათანხმდენ. ორივე კმაყოფილი დარჩა.

– რატომ არ წამოვალ?-გაიკვირვა ის. რამიშვილმა.

„ვეროპის სასტუმრო“-ს ცალკე დიდ ოთახში შევიკრიბებით. სუფრის თავმჯდომარის ადგილი დაიჭირა ილიამ, და მთლად სმენად გარდაქცეული, ათვალეირებდა იქ მყოფთ. ისიდორე რამიშვილს მიუჯდა პროფ. ცაგარელი. სადილის გათავებამდის ლაპარაკს ნაწყვეტების ხასიათი ჰქონდა.

სანამ კრების მიზანზე ვიტყვოდე რასმე, მსურს მოვიგონო ერთი მხიარული სცენა.

სადილის ბოლოს დავით სარაჯიშვილმა შამპანიურ ღვინით გაგვიმასპინძლდა. ავარდა პრობკა და აივსო ჭიქები შუშხუნა შამპანით.

ისიდორე რამიშვილმა არა ჩვეულებრივად შეათამაშა სახე, უღვაშებში ჩაიცინა და მოსვა შამპანიური ღვინო... დაცალა ჭიქა, და სიცილითა სთქვა:

– ძალიან გემრიელი ყოფილა შამპანიური. პირველად ვსვამ. მშვენიერი ღვინოა. ამიტომ ვერ შორდება და იცავს თავის ცხოვრებას ბიუროკრატია და ბურჟუაზია. რა თქმა უნდა ასეთ ღვინის დაკარგვა ეძნელებათ.

ისიდორეს გულწრფელმა ირონიულმა სიტყვებმა საერთო სიამოვნება გამოიწვია. შამპანიური კიდევ დალიეს. ილია გამხიარულდა და გულ ახდილად შენიშნა:

– სოციალდემოკრატს შამპანიური გაუტკბილდა!

– ჩემს სიცოცხლეში არ დამილევია, მაგრამ, უარს ვერ ვიტყვი; მართლა ჩინებული რამ არის!

ხუმრობასაც ბოლო მოელო. სადილს მორჩენ და შეუდგენ პოლიტიკას. ილიას ყველანი დიდი პატივის ცემით ეპყრობოდენ.

წაშორდნია და სარაჯიშვილი გერმანულად და ფრანგულად ლაპარაკობდენ. ისიდორე რამიშვილი პროფ. ცაგარელს მთელს ლექციას უკითხავდა. საგანი – კრების მიზანი, ანუ ავტონომიის შესახებ აზრის საბოლოოდ გამოთქმა. პროფ. ცაგარელის ენერგიულმა. განმტკიცებულ რწმენაზე აშენებულმა სიტყვებმა ვერ შეარყიეს ისიდორე. იგი წყნარად და ტკბილად ამბობდა:

– ჩვენ ეხლა ამ კითხვაზე სათათბიროში ლაპარაკი მეტად მოგვაჩნია, ჯერ სხვა, საერთო კითხვებია გასარჩევი...

ამას მოყვა ის, რაც უკვე ვიცით ჩვენ ესდეკების პროგრამიდან. ჩემზე – უნდა გამოვტყდე – ისიდორე რამიშვილის კილო და მეტად

ზრდილობიანი მოფიქრებული სიტყვა კარგად მოქმედებდა. ეს არაფრით არ გავდა იმას, რასაც პარტიულ პრესაში ამოიკითხავთ ხოლმე.

ილია ისეთის ყურადღებით ისმენდა რამიშვილის სიტყვას, თითქოს მოლაპარაკის ყოველივე სიტყვას რთულს ანალიზს უკეთებდა. მგოსანს ხშირად სახის გამომეტყველება ეცვლებოდა. ხანდისხან დარბაისლურად შეინძრეოდა, მაგრამ მსწრაფლ შესწყვეტდა მოძრაობას. უნდოდა რაღაც ეთქვა, მაგრამ თავს იჭერდა და საშუალებას აძლევდა რამიშვილს დაემთავრებინა თავისი სიტყვა.

დაასრულა ის. რამიშვილმა ვრცელი ლექცია. ილია ცოტახანს იჯდა და ყურს უგდებდა პროფ. ცაგარელის პასუხს. მერმე მრავალ მნიშვნელოვნად გადაჰხედა ყველას, ნელა წამოდგა და ღრმა ჩუმ ფიქრში გართულმა იწყო ოთახში სეირნობა.

ილიას გადმოხედვა, მიმოხვრა, უცაბედი შენიშვნა, შეჩერება ნათლად გვეუბნებოდა: „მე მაგათ ვერას შევაცვლევიანებ. რაც ის. რამიშვილმა სთქვა, ის მაგათი მტკიცე გადანტყვეტილებაა. ჩვენ სხვა რამ უნდა ვიფიქროთ.“

ამიტომაც ვრცელი მსჯელობა ილიამ ალ. ცაგარელს დაუთმო.

ამ დროს ცოტა ხნით (ნახევარ საათით) მობაასეთ თავი დავანებე. რა მოხდა ამ დროს განმავლობაში დანვრილებით არ ვიცი. როგორც მერმე გამოირკვა ილიას ვერ მოეთმინა და ლაპარაკში ჩარეოდა.

ლამის მეორე საათზე ერთმანეთს დავეშორდით. შთაბეჭდილება საერთო კარგი იყო. ასეთი მშვიდი და წყნარი იყო სოციალ-დემოკრატიკა კრება ილიასთან ერთად.

მეორე დღეს ილიას სათათბიროში შევხვდი, იმ წამსვე ვკითხე: გუშინ ხომ არ დაღლილხართ?

– არა. გუშინდელი საღამო საინტერესოდ მიმაჩნდა, -თორემ იმდენხანს რა გამაჩერებდაო. რაც უნდა იყოს ჩვენმა შეკრებამ ერთი რამ აგვისსნა: ეხლა ვიცი მაინც როგორ მოიტკევიან ჩვენი დეპუტატები, როცა ავტონომიაზე იქნება მსჯელობა.

– განა წინად არ იცოდით?

– ჩვენ ვიცოდით, რომ ისინი საქართველოს ავტონომიის წინააღმდეგნი არიან. ეს ყველამ ვიცოდით. მაგრამ ის, რაც გუშინ გამოირკვა-ახალია. ამათთან, ბელადებთან, ისიდორესთან და ნოესთან შესაძლოა მოლაპარაკება, -სხვებთან კი ჩვენში... ფანატიკოსები არიან დალოცვილნი. შეიძლება ორს სხვა და სხვა უკიდურესს პარტიას ვეკუთვნოდეთ, მაგრამ ჩვენ ერთად ლაპარაკი უნდა შეგვეძლოს. მრწამს ცოტაოდენ სარგებლობას უთუოდ მო-

იტანს. ნაციონალური გრძნობა ძლიერ ღრმად არის ჩანერგილი, შესისხლბორცებული და თუ გაიძახიან „არაო“-ეს თავის მოტყუილებაა. კარგად ჩაიხედონ გულში... ეჰ, შორს წავედი. ისევ გუშინდელ დღეს დავუბრუნდით. „ჩვენ საქართველოს ავტონომიას არც დავიცავთ და არც წინააღმდეგ ვიტყვით არაფერს“- ეს დაპირებაც კარგია. მადლობა ღმერთს: მე არც ამას მოველოდი.

შემდეგ გამოკითხვამ დამარწმუნა, რომ ეს საყურადღებო აზრი ეთქვათ მაშინ, როდესაც მე არ ვიყავ ოთახში. ზოგიერთ შეშინებული გული ამ ამბავმა დაამშვიდა. პირადად ილია – როგორც იმის სიტყვებიდანაც ჩანს – კმაყოფილი იყო.

პროფ. ცაგარელი არც მაშინ იყო დამშვიდებული ასეთ პანია დათმობით და არც მერმე. მას სურდა ავტონომიის კითხვაში სოციალ-დემოკრატებს ავტონომისტთა მხარე დაეჭირათ, მაგრამ ეს შეუძლებელი იყო მაშინ და შეუძლებელია დღესაც.

ერთხელ ავტოკეფალიაზეც გამოელაპარაკა ილია ზოგიერთებს. გავიგეთ, რომ სიმონ წერეთელი (თვითონ სთქვა) საქართველოს ეკლესიის შესახებ და ავტოკეფალიაზე საკუთარ მოხსენების წარდგენას აპირებდა სათათბიროში. რასაკვირველია ამხანაგების ნება დართვით.

ამას არ მოველოდი.-ამბობდა ილია. ჯერ ესეც ვიკმაროთ. ეს დაპირებანი შეასრულონ. დამოკიდებულებას ნუ გავამწვავებთ. არა უშავს, რა...

აგრე მორბილდა მგოსნის გული დეპუტატ სოც. დემოკრატთა სიტყვებით. ყველანი ელოდა უმჯობესს მომავალს მთელ რუსეთში. საამო ახლო მომავალი ეხატებოდა ილიასაც, მაგრამ... ველარ განხორციელდა სოციალ-დემოკრატთა დაპირებანი, ვერა დასტკება სურვილის ასრულებით ჭავჭავაძე და მასთან ერთად მთელი ქვეყანა: პირველი სათათბირო დახურეს.

მეორე სათათბიროში სულ ახალი პირობები იყო. ხელოვნურმა განსაზღვრამ, აღნიშნულ კითხვების გაქარწყლებამ, ახალმა სუსხიანმა ჩრდილოეთის პოლიტიკურმა ქარმა ილიას და ქართველ დეპუტატთა შორის დასაახლოვებელი ნიადაგი მოსპო.

ილია და პეტერბურგის ქართველები

ეხლა დავანებოთ თავი ილია ჭავჭავაძეს – როგორც პოლიტიკურ მოღვაწეს. ან სხვა კითხვებს შევებოთ.

ილია ჩამოვიდა თუ არა პეტერბურგში მოწადინებული იყო ყველა ადგილობრივი მოღვაწე ქართველი ენახა, გაეგო ქართველთა ცხოვრება და რამდენადაც შესაძლო იქნებოდა დაახლოვებოდა.

იმ დროს პეტერბურგში ცხოვრობდა დიდად პატივცემული ალექსანდრე ყიფშიძე, რომელთანაც ერთად ილია ხშირად რამდენიმე საათს ერთობოდა ამა თუ იმ საგანზე სერიოზულ ბაასში. არა ერთხელ შეხვდებოდით ერთავეს სათათბიროს კულუარებში. ა.ყიფშიძე დიდ დახმარებას უწევდა საყვარელს მგოსანს. მაგრამ ა.ყიფშიძე მალე ნავიდა საქართველოში.

იტყვიან – თუ რისამე გაგება გულწრფელადა გსურს – მიზანსაც მალე მიაღწევ. ეს უტყუარი სიტყვები არა ერთხელ გამართლებულა.

ილიამ ცოტა ხნის შემდეგ პეტერბურგის ქართველთა მთელი ყოფა-ცხოვრება იცოდა – უმთავრესად ჭავჭავაძის ყურადღებას იქცევდა ქართველნი მოსწავლენი.

ივნისის უკანასკნელი რიცხვები იყო (1906წ.) ილიას სათათბიროში შევხვდი. მგოსანს სახე მოღუშული ჰქონდა, რალაც ნაღვლიანობა გამოიხატებოდა. მე შემეშინდა, – ავად ხომ არ არის მეთქი.

– გუშინ ჩემთან ერთი ახალგაზრდა იყო, – გულ დაწყვიტილი დაიწყო ილიამ – ბევრი ცუდი რამ მიაშობო. ნეტავ რამდენად მართალია ჩემი გუშინდელი სტუმარი?

– ძალიან დაუნაღვლიანებიხართ, როგორც ვატყობ.

– ძალიან მენყინა... მაგრამ ყმანვილის ნათქვამი გარდამეტებული უნდა იყოს. ქართველნი მოსწავლენი არას აკეთებენო, ქართული ენა სრულიად არ იციანო. თავისუფალ დროს მხოლოდ ბანქოს ანდომებენ, კლუბებში თამაშობენ. ამ ნიადაგზე ბევრს მეტად საზარელს და საძაგელ შემთხვევათ ჰქონდათ ადგილიო. ის სტუდენტები, რომელთაც ყველა მოსწავლეთა წრე საუკეთესოდ სთვლიან, კლუბებში ათენებენ და აღამებენ. ახლებს თითქმის ძალით აჩვენებენ ბანქოს თამაშსო. ეს რა უბედურება დატრიალებულა? ნუ თუ მართალია?

– საზოგადოდ რა მოგახსენოთ, მაგრამ ეგ სენი მართლა რომ გავრცელებულია. ბანქო ბევრს ნიჭიერს და ენერგიით სავსე ახალგაზრდა მოსწავლეს უბნევს გზას და აკარგვინებს ძვირფასს დროს.

რამდენიმე წუთის განმავლობაში ილიას ხმა არ ამოუღია, მხოლოდ წარბები მოწყენით შეათამაშა.

- ეს უბედურობაა, - გაიმეორა ჭავჭავაძემ. მითხრა - ერთი ახალგაზრდა ჩამოვიდა საქართველოდან, თან ჩამოიტანა ორასი თუმანი, სურდა სწავლის შეძენაო. დღეს - კი არც ფული, არც ცოდნა, მხოლოდ ბანქოს თამაში და კლუბის ბინა ასწავლეს მეგობრებმაო. ეს სასტიკი დანაშაულია, - აამაღლა ხმა ილიამ.

- მეც მიაძვებს. ეს ფაქტი - სინამდვილეა.

- მეტს ვერას ვიტყვი... ნამეტნავად გულს მიკლავს ასეთი ქცევა სტუდენტთა შორის. ქართველ სტუდენტთა შორის ასეთ საზიზღრობას ადგილი არ უნდა ჰქონდეს...

ამ დროს ილიას თარხნიშვილის ქალები მიესალმნენ და სატყვა გააწყვეტინეს.

ხშირად უბრუნდებოდა ილია ამ საგანს. საშინელს მსჯავრს დებდა აქ მყოფ ახალ გაზრდობას, ხმა მალლა, გასაგონად. საუბედუროდ მგოსანი მოგვეშორდა, ეს სენი კი ისევ ძველებურად იზრდება ჩვენ ახალგაზრდათა შორის - როგორც თვითონ ახალ გაზრდანი ამტკიცებენ.

არც პეტერბურგში დარჩენილნი ქართველების ცხოვრება აკმაყოფილებდა ჭავჭავაძეს. იმის აზრით, ვინც რუსეთში რჩება, აქ ეკიდება ოჯახს და აქაურ საზოგადოებაში (რუსის) მოღვაწეობს - ის ჩვენი ქვეყნისთვის მაინც და მაინც დიდი საიმედო და გამოსადეგი არ არის. ამათ შორის სულ სხვა ფრივ უტქეროდა ქართველ პროფესორებს. დროებით დარჩენილი ქართველები, ილიას აზრით, ძალას იკრეფენ და რაც მალე წავლენ ჩვენში - მით უმჯობესია.

ჭავჭავაძეს გულს უკლავდა პეტერბურგის ქართველების დაქსაქსვა.

- ვერავითარ ერთობას ვერ ვხედავ აქ ქართველთა შორის. უმრავლესობა ერთმანეთს სრულებით ვერ იცნობს. რალაც განცალკევებულ ცხოვრებას მისცემიან. მე არას ვამბობ იმათზე, რომელნიც მუნდირებში გახვეულან, აქაურ კუპჩიხები და მდიდარი ქალები შეურთავთ. არა, ამათ გარდა სხვანი, უფრო წმინდა ელემენტები რალას შერებიან? პროფ. ცაგარელსა ვკითხე - როგორ არის პეტერბურგელ ქართველთა საქველმოქმედო საზოგადოების საქმე მეთქი. წევრებს თითქმის არ აინტერესებს ეს დანებებულება, ფული არ შეუტანიათ და საზოგადოება არაფერს აკეთებს. ეხლა გადახედეთ პოლონელებს. გუშინ სახელმწიფო საბჭოს წევრი, პოლონელი, მიაძვებოდა იმათ საზოგადოების მოღვაწეობის ისტორიას... მართალი გითხრათ შემრცხვა.

აგრე ლაპარაკობდა მოხუცი.

ზოგნი ამბობენ: – ილიას არ სურდა პეტერბურგელ ქართველებთან დაახლოვება, იმათი ვინაობის გაგება, გულგრილად უყურებდა იმათ ცხოვრებასაო." ეს სიტყვები გამიგონია ხშირად, უმრავლესობისათვის საკადრისი პასუხი გამიცია.

დღეს კი საჯაროდ ვაცხადებ, რომ ასეთი სიტყვები ილიას ხსოვნის შეუგნებელი შეურაცხყოფაა და სხვა არაფერი. ჩემ ნამბობიდან მიხვდებით – რამდენად მართალნი არიან „ავ ენათა“ პატრონნი.

ილიამ პირველ ორ-სამ თვეში შესძლო პეტერბურგის შესწავლა იმდენად კარგად, რომ უტყუარ აზრის წარმოთქმა თავისუფლად შეეძლო. ის არ იჯერებდა გაგონილ ჭორს, ის ითხოვდა საბუთს და გაგებულს სხვა საშუალებითაც იკვლევდა. ბევრი, თამამად შემოძლია ვსთქვა, უმეტესი ნაწილი პეტერბურგელ ქართველთა არ იცნობს თავიანთ აქ მყოფ მემამულეთა დაქსაქსულ კოლონიას ისე, როგორც ილია იცნობდა მათ; ჭკვა, ნიჭი, სწორი გათვალისწინება, უღმობელი კრიტიკა – ანალიზი ყოველთვის ასეთ ნაყოფს მოიტანს.

ილიას ქართველი საქართველოში უყვარდა, უყვარდა საქართველოს ტურფად მოხავერდებულ მდელს – მთებში, სადაც მუდამ ისმის ჩუმი და მძლავრი ხმა: „აქ უნდა შრომა, შრომას კი ძალთა შეკრება“

ეს კანონიერი ხმაა.

შიო ჩიტაძის პანაშვილი

პირველ სათათბიროს უკანასკნელი დღენი იყო, როდესაც ტფილისიდან საშინელი ამბავი მოვიდა „შიო ჩიტაძე მოკლეს სათავადაზნაურო გიმნაზიაში“. ვინ აღწერს იმ წუხილის ძლიერებას, რომელიც ასეთმა ახალმა სასტიკმა ცნობამ შეჰქმნა.

ილიას სიბრძნით სავსე თვალეები ცრემლთა ზღვაში დასცურავდა, სახე სულის ტანჯვას და უსაზღვრო ნალველს მოეცვა ჩიტაძის. ვერაგულად მკვლელობას მოხუც ქართველებზე მეტად ემოქმედა.

– რა უბედურება გვატყდება თავს?!... რას ვესწრებით? რას გვიშვრებიან?“... უთუოდ შეკითხვა უნდა შეიტანონ ჩვენმა დეპუტატებმა. რა ხდება?... გულმოკლული გაიძახოდა ილია.

როდესაც ჭაჭაჭავაძემ გაიგო ქართველი დეპუტატები დღეს-ვე აპირებენ შეკითხვის აღძვრასო – ცოტათი ვითომ დამშვიდდა, მაგრამ გულში ღრმად ჩასერილი ახალი არა ჩვეულებრივი შხამი თავისას შერებოდა. შიო ჩიტაძის მკვლელობის გამო აღძრულ შეკითხვის გარჩევას სათათბიროში ილია დაესწრო. მოისმინა ჟორდანიას, ჯაფარიძის და ბარათაშვილის სიტყვები, განსაკუთრებით გული აუჩვილა უკანასკნელის სიტყვამ.

იმ დროს პეტერბურგში იყვნენ ჩვენი ეპისკოპოზები კირიონი და ლეონიდი. ადვილი მისახვედრია, როგორ მიეგებნენ ესენი გულ შემზარველ ამბავს. გადანყვიტეს ალექსანდრე ნეველის ლავრაში პანაშვიდის გადახდა.

პანაშვიდი დანიშნული იყო დილის 11 საათზე. სამწუხაროდ, პეტერბურგელ ქართველთაგან ორიოდე კაცი დაესწრო. ამათ შორის პროფ. ცაგარელიც.

ილიას არ მოველოდი. მიზეზი: ავადმყოფობა და პანაშვიდის ადრე დანიშვნა. შევცდი. ილია ცუდად გრძნობდა თავს, მაგრამ მაინც მოვიდა – როგორც მახსოვს – ყველაზე უფრო ადრე.

– რად დაიზარეს პანაშვიდზე დასწრება, – საყვედურის კილოთი ჩაილაპარაკა გაჯავრებულმა ილიამ. რა სუსტნი ვართ!...

აგრე გული დანყვიტა მგოსანს პეტერბურგელ ქართველთა გულგრილობამ, ანუ უკეთ რომ ვთქვა სიზარმაცემ, მაშ რით უნდა აიხსნას პანაშვიდზე არ მოსვლა?

ასეთი ბრძანდებიან ჩრდილოეთში დაბინავებულნი შვილნი საქართველოსი, რომელთ გონებას და გულს დღითი დღე უფრო ყინავს თეთრ ზღვიდგან გადმოვარდნილი ატმოსფერა.

დიდხანს, დიდხანს შერჩა ილიას უეცრივ აღმოცენებული შხამით აღვსილი ფიქრები. ყოველ შეხვედრაზე ჩიტაძის მხეცურ მკვლელობას იგონებდა. ისეთი აზრთა გამტაცია იყო ილიას დარდიანი შენიშვნები, რომ ძალაუნებურად თვალთ წინ მესატებოდა ჩვენი ქვეყნის ნითლად შეღებილი სურათი, რომელზედაც შავად ჩნდა მტარვალობის ნაბიჯი. მგოსნის მოკლე სიტყვები აგრე შორს გიტაცებდათ.

განა შეეძლო წარმოედგინა მსცოვან დაულალავ მოღვანეს – რა მოხდებოდა ერთი წლის შემდეგ? განა შეეძლო წარმოედგინა, რომ 12 თვის შემდეგ თვითონ დავარდებოდა უმწეო მსხვერპლად?

რასაკვირველია – არა... მაგრამ ეს უბედურობაც მოხდა და მეორე სამგლოვიარო პანაშვიდი გადაიხადეს...

რა სასტიკია ცხოვრება?!"

ილია ჭავჭავაძის ცხოვრების აღწერა ერთობ ნაკლები იქნება თუ ნიკო ხიზანიშვილის პიროვნებას არ გაითვალისწინებთ მის ბიოგრაფიაში. ნიკო და ილია განუყრელი მეგობრები იყვნენ. ერთმანეთთან დიდად შეხუმრებულნი. ნიკოს უზომო ჭამა უყვარდა, მარტო იმის გახსენება რად ღირს, ერთხელ ილიას სამზარეულოში რომ შეიპარა და მთელი შემწვარი გოჭიდან მალე მარტო ძვლები დატოვა. გოჭის შემოტანა რომ დაუგვიანდა მზარეულს, ილია თავად გავიდა მოსაკითხად და სამზარეულოში დარცხვენილ ხიზანიშვილს კი დაადგა თავზე, რომელიც ძვლებს დაჰყურებდა.

რალას იზამდა, ბევრი იცინეს.

გერმანიაში რომ ნაჰყვა ლეიდენტან სამკურნალოდ, შეუხედავს თუ არა ექიმს ნიკოსთვის, უთქვამს – ეს ჭამას თუ არ მოუკლებს, ვერაფერი უშველისო. ნიკო გაოცებულა, გერმანიაში ვიღამ გააგებინათ ჩემი მუცელმერთობის ამბავიო.

ნიკო ძალიან ნიჭიერი კაცი იყო, კალმით თუ პრაქტიკული საქმით მუდმივ ილიას თანმდგომი და თანამებრძოლი. 1906 წლის მიწურულს ასეთი ახლო მეგობარი მოუკლეს ილიას. ხიზანიშვილი გამომძიებლად მუშაობდა. პასუხისგებაში მიცემულმა ხულიგნებმა, ძმებმა კასრადებმა მოკლეს ქუჩაში. მის დაკრძალვაზე კი ვილაცხებმა პროკლამაციები გადმოყარეს, შენც მალე მოგიღებთ ბოლოსო – ილია იგულისხმებოდა.

საშინელი მუქარის წერილები მისდის ილიას დას ელისაბედსაც. იმას ფულს თხოვენ, წინააღმდეგ შემთხვევაში ქიშმიშოვივით გაგისწორდებითო, იწერებიან.

ყვარელშიც ტრაგედია დატრიალდა. ადიდებულმა დურუჯმა 60 კაცი იმსხვერპლა. ილიამ მთავრობა ჩართო საქმეში და სოფლის თავში ჯგბირები გააკეთებინა. ისეთი რამეებიც ხდება ამ 1906 წელს, რასაც ჯერ არა, მაგრამ ცოტა ხანში ილიას ცხოვრებასთან კავშირი ექნება. მაგალითად, პეტერბურგში კლავენ ერთ-ერთ გამოჩენილ დეპუტატს, ხოლო თბილისში ცოლს ირთავს ილიას ყოფილი ასოთამწყობი დიმიტრი ჯაში, რომელიც იმ სახლში ცხოვრობდა, სადაც მისი ნათესავი, სოციალ-დემოკრატთა ლიდერი ნოე რამიშვილი ჩაესიძება. ვნახოთ რა კავშირში აღმოჩნდება ეს ყველაფერი 1907 წლის მოვლენებთან და ტრაგედიასთან.

1907



ილია და ოლღა აივანზე საგურამოში

*„ვაი, რა კარგი საჩინო
რა ავად მიგიჩინესო!
მოგკლეს უბრალო, ბრალითა
ქვეყანა შეარყიესო;
მზე დანაბნელეს, მთვარეცა,
ვარსკვლავნი დააფრქვიესო.
თავს კრეტსაბმელი განაპეს,
ბოლომდი შუა ხიესო“.*

დავით გურამიშვილი

ჩვენთვის ილია ჭავჭავაძე პოლიტიკური თვალსაზრისით კარგა ხნის მკვდარი იყო, ის აქტიურ ბრძოლებში, საზოგადოებრივ-პოლიტიკურ ცხოვრებაში აღარ ერეოდა და ჩვენ რატომ უნდა მოგვეკლაო, – ერთი არგუმენტი ესეც იყო, რაც სოციალ-დემოკრატებმა ილიას მკვლელობის შემდეგ უტიფრად განაცხადეს.

ფიცი მწამს, ბოლო მაკვირვებსო, ერთი წელიც არ ჩაუგდიათ გააფთრებული შეტევებისა. ისე, როგორც წინა წლები, 1907 წელიც ილიას ლანძღვით დაიწყეს.

1907 წლის გაზეთ „შუამავლის“ პირველივე ნომერში დაბეჭდილია პაროდია იმ სიტყვისა, რომელიც ილიამ წინამძღვრიშვილის სკოლის გახსნის დროს წარმოთქვა.

მაშინ, როცა ილია თავის მოურავ მოსეს აფრთხილებს, – არ დაუშვას ეგ ზეკუციის ჩაყენება სოფელში, არ დაუშვას გლეხთა შევიწროება და რაც შეიძლება მომთმენი იყოს თუნდაც მათი უსაფუძვლო კაპრიზების მიმართ, – დროა ყველაფრის მკურნალიო, ხალხი ადრე თუ გვიან დამშვიდდება და ყველაფერი მშვიდობიანად დასრულდებაო, იმავდროულად „ემშაკის“ ფსევდონიმით ქვეყნდება მორიგი მიზანმიმართული ცილისწამება ილიას მისამართით, თუ როგორ ჩაგრავს ის გლეხებს.

ემშაკი ფსევდონიმი იყო ნესტორ კალანდაძისა, უფრო სწორად, რასაც ეს კალანდაძე კადრულობს, მის ნამდვილ ვინაობას

გვარი კი არა, ეშმაკის თიკუნი უფრო სწორად გამოხატავს. აი, ეს პაროდიაც:

სიტყვა
თქმული ილია ჭავჭავაძის მიერ ს.
გურამიანთ-კარში ეკზეკუციის მონიჭების დროს

(მიბადვა სიტყვისა წინამძღვრიანთ-კარში თქმულისა)

„ხალხნო და ჯამაათნო! ნათქვამია: ქრისტე ღმერთმა თავისი კალთა უხვევისა აქ, ამ „ჩვენს“ მამულში დაიბლერტაო. შეხედეთ ამ ამწვანებულ ჯეჯილს, ამ ნორჩ ტყეს, ამ მოჩუხჩუხე არაგვს! ხალხნო და ჯამაათნო! ღმერთმა რომ ქვეყანა გააჩინა, დედა-მინას გული გადაუხსნა, შიგ აუარებელი სიმდიდრე დასდვა, ეს არე-მარე მე მომიზომა და მითხრა: „ილიკო ჩემო! იშრომე, გაისარჯე, დედა-მინას გული გაუპე, იქიდან სიმდიდრე ამოილე და ისრგებლეო“. ეს ნაჭერი, საყვარელნო ძმანო ჩემნო, გახლავთ საგურამო, დანყებული წინამურიდან ვიდრე ჯილაურამდე, ხოლო ზედაზენიდან ვიდრე არაგვის ატეხილ ჭალებამდე.

„თუ ოდეს გლებთა მასზე მოსახლეთა“, განაგრძო უფალმა, „არა ისურვონ შრომა ბატონისა თვისისათვის, არა გარდაუხსნან პირი დედა-მინასა და ამოღებულისა სიმდიდრისა სამი მეოთხედი არა მიუზღონ ბატონსა თვისსა, მაშინ(ბრძანებს უფალი), მოვლინებულ იქნან სოფლად სტრაჟნი და კაზაკნი, რათა ხმლითა და მათრახითა გარდაუხსნან ყმათა მათ ქალა თავისა და ამოიღონ მუნით ტვინი თავსა მას შიგან მდებარე“.

ხალხნო და ჯამაათნო! წმინდა არს ნება უფლისა და შეურყეველ არს „ქვაკუთხედი“ კერძო საკუთრებისა. მონიჭებული ღვთისა მიერ არ წაირთმევს ძალითა, რამეთუ მოქმედი მახვილითა, მახვილითავე მოკვდების. თუ ოდენ ქრისტე ღმერთმა კალთა თავისი უხვევისა აქ ჩვენს მამულში დაიბლერტა, ჯერ არს თქვენც, ძმანო ჩემნო, ჯიბენი თქვენნი სისანყლისა ჩემს კალთაში ჩაიბლერტოთ ვიდრე უკანასკნელს გროშამდე.

ხალხნო და ჯამაათნო! თვით უფალმა ღმერთმა აკურთხა „ქვაკუთხედი“ კერძო საკუთრებისა და ჯერეთ გამოუქვეყნებელ მეთერთმეტე მცნებაში (რომელიც არს გაგრძელება მეთათისა) ღალად ჰყო: „არა გული გითქმოდეს უღრანთათვის პატრონისა შენისა.

არცა მინდვრისა მისისა,

არცა ფიჩხისა მისისა,

არცა ქვიშისა მისისა,
არცა შეშისა მისისა,
არცა ლალისა მისისა,
არცა წყალისა წმინდისა,
არცა ბალახისა მისისა,
არცა ტალახისა მინისა,
არცა ჯაგებისა მისისა,
არცა ძაღლებისა მისისა,
არცა ყოვლისა მისთვის
რაიცა იყოს ბატონისა შენისა.“

ხალხნო და ჯამაათნო! აი ჭეშმარიტი სიტყვა უფლისა, რომელსაც სავსებით ვეთანხმები მეც, მონა მისი, და ბატონი თქვენი. თქვენ უმეცრებითა თვისითა დაარღვიეთ კანონი უფლისა და გასთელეთ ფეხთა ქვეშე თქვენსა ქვა კუთხედი იგი დღევანდელი სამართლიანობისა. ცოდვათა ამა, სჯულისათა საზღაურს მოგივლენთ თვით უფალი ღმერთი ჩვენი ჟამსა მას მეორეთ მოსვლისასა, ხოლო რაიცა შეეხება ცოდვათა თქვენთა მინიერთა, ჩემდამო მიმართ მომართულისა, ამისათვის მე მოგივლინეთ თქვენ ხალხნი ესე ბატონისა ფრიად ერთგულნი, აქედან იწყება ხანა ეგზეკუციის ბატონობისა.“

ის, რასაც ილია თავის მოურავს სწერდა, გლეხებთან, ეგზეკუციასთან დაკავშირებით, იყო კერძო წერილებით მიწვდილი აზრი და ეცნობოდა ერთი კაცი, მაგრამ ეშმაკის წერილის მსგავსი ინსინუაციები იბეჭდებოდა სოციალ-დემოკრატითა გაზეთებში და მათივე პროპაგანდისტების მეშვეობით ვრცელდებოდა ხალხში.

საზოგადოება მკვლელთა ბანდების მიერ ისეა დაშინებული, ილია არსებითად მარტო რჩება ამ კარგად ორგანიზებული ტერორისტების წინააღმდეგ. ილიაც აღარაფერს პასუხობს კალმოსან ქიღურებს. „ნუთუ“ მისი უკანასკნელი პასუხი იყო, რადგან კარგად ხვდება, ეს არ არის პოლემიკა, როცა ვინმეს მტყუან-მართალის გარჩევა აინტერესებს. ეს ომია, კლასობრივი ომი, სადაც იდეოლოგიები სხვები არიან. პატარ-პატარა „ეშმაკები“ კი მხოლოდ დაკვეთას ასრულებენ.

ასეთ დროს ადამიანები ან შეტყევაზე გადასვლით შველიან თავს, ან ემიგრაციით, ან პოტენციურ მკვლელთან თუ თანამშრომლობაზე წასვლით არა, თავდაუხსმელობის პაქტის მიღწევით მაინც.

იმ დროისათვის თავადაზნაურობაში მშვიდად არავის სძინავს. გაზეთები სავსეა მკვლელობათა ქრონიკებით.

ზოგს კლავენ აგრარულ ნიადაგზე. გლეხებს ცუდად ექცეოდა და არეულობის დროს ვილაცამ ისარგებლა, არასასურველი ბატონი სიცოცხლეს გამოასალმა. გაიხსენეთ გურიაში ნაკაშიძის მკვლელობის საქმე, რომელიც არათუ მოკლეს, ჭირისუფლებს სამი დღე დამარხვის უფლებაც კი არ მისცეს და მიცვალებული შარაზე ეგდო.

ვილაცას კლავენ იმისთვის, რომ ერთობის კაცების შემონათვალზე ფული არ გადაიხადა (ამიტომ უმეტესობა ფულს იხდის).

ზოგს კლავენ პირადი შურისძიების ნიადაგზე.

ზოგს კლავენ პოლიტიკური მიზნით. ამ ნიადაგზე რუსეთში სამი დეპუტატი იქნა მოკლული, მათგან ორი მთელს იმპერიაში ცნობილნი თავისი ავტორიტეტითა და აქტიურობით-გერცენშტიინი და იოლლოსი. არც ჟანდარმერიას სძინავს და მათი შეიარაღებული ბრბოები-ჭემმარიტ რუსთა კავშირი, ასევე ხოცავს ხალხს, მაგ. ხუდადოვის მკვლელობა, შიო ჩიტაძის მკვლელობა და სხვა.

როცა ნიკო ხიზანიშვილი მოკლეს, ილიამ იგრძნო, ეს არ შეიძლებოდა მხოლოდ ორი ხულიგანი ძმის დაგეგმილი მკვლელობა ყოფილიყო. მან თავისი უახლოესი მეგობრის პანაშვიდზე მისულმა თქვა კიდევ, უარესს უნდა ველოდოთ, დიმიტრი ყიფიანის მკვლელობაზე უარესსო.

რამ ათქმევინა მას ეს სიტყვები? ცხადია, გაცილებით უარესი იქნებოდა დიმიტრი ყიფიანისთვის მტრის ხელს კი არა, მისივე თვისტომს რომ გადაეხსნა ტვინი. უარესში მხოლოდ ეს შეეძლო ეგულისხმა ილიას. მას ჰქონდა ერთგვარი წინასწარმეტყველის უნარი, ანდერძი ხომ სულაც 2 წლით ადრე დაწერა. დაწერა დაახლოებით იმ დროს, როცა მისი ფიზიკური ლიკვიდაცია არსებითად გადაწყვეტილი იყო. ჟურნალ „ერთობის“ 1909 წლის პირველ ნომერში ილიას ერთი გულშემატკივარი წერს: „ამ სამი-ოთხი წლის წინათ ერთმა ამათი ჯურის(სოციალისტებს გულისხმობს) წყეულმა დაურიდებლად წარმოსთქვა: „ჩვენ გადავწყვიტეთ ილიას მოკვლა, მაგრამ ეს გადაწყვეტილება სისრულეში ვერ მოგვიყვანია, რადგან ევროპა-რუსეთის საზოგადოებრივი აზრისა გვეშინოდაო... ეს აზრი ილიას იცნობს მხოლოდ როგორც დიდ პოეტს და არა როგორც გლეხის ჭამია ფეოდალსაო...“

როგორც ამის წინააღმდეგ ლაპარაკი ვინყე, მის მთქმელს თვალები სისხლით ავესო, სახე გაუფითრდა და მეტის სიბრაზისაგან კანკალი დაანყებინა.“

ეს ციტატი, იქნებ რომელიმე მკვლევარს ჰქონდეს კიდევ მოხმობილი, მაგრამ სამეცნიერო ლიტერატურიდან მე ვერ ვიხსენებ. არადა, ძალიან მნიშვნელოვანია, ძალზე ყურადსაღებია, რაღა თქმა უნდა, თუ ავტორი სინამდვილეს წერს. ძნელია მის რეალურობაში ეჭვის შეტანა შემდეგ გარემოებათა გამო:

1. წერილი, როგორც ვთქვი, დაბეჭდილია 1909 წელს. ამ დროისთვის ილიას მკვლევლობასთან დაკავშირებით პუბლიკაციებზე სახელმწიფო კონიუნქტურა ანუ სახელმწიფო შეკვეთები არ არსებობს. 2. პარტიული კონიუნქტურა ამ დროისთვისაც არსებობდა, მაგრამ გასათვალისწინებელია ერთი გარემოება – წერილის ავტორი პიროვნებას არ ასახელებს, ვისაც ილიას მოკვლის განზრახვაზე ბევრად ადრე უსაუბრია. ანუ განზრახვი ცილისწამების მომენტი არ ივარაუდება.

ასე რომ, რაც ამ ციტატით არის გადმოცემული, სინამდვილე ჩანს. როგორია ეს სინამდვილე? რაკი წერილი 1909 წლის 1 იანვარს არის გამოქვეყნებული, ფრაზით 3-4 წლის უკან, ავტორი გულისხმობს იმ პერიოდს, როცა ილია სახელმწიფო საბჭოს წევრად ჯერ კიდევ არ არის არჩეული, მაშასადამე ილიას მკვლევლობა მანამდე გადაუნწყვეტიათ, მაგრამო სისრულეში ვერ მოვიყვანეთ, რადგან ევროპა-რუსეთის საზოგადოებრივი აზრის გვეშინოდა, ვინაიდან იქ მას როგორც დიდ პოეტს იცნობენ და არა გლეხების მჩაგვრელსო.

უცნობმა თავისი აღიარებით რამდენიმე ძვირფასი ცნობა მოგვანოდა.

1) მიუხედავად იმისა, რომ სოციალ-დემოკრატები ჩიტებივით ხოცავდნენ ყველას, ვინც თვალში არ მოსდიოდათ, მათ გაუჭირდათ ილიას მოკვლა, რადგან საკუთარ პრესტიჟს, როგორც პოლიტიკური პარტია, საერთაშორისო ასპარეზზე მაინც უფროთხილდებოდნენ. ამან კი უნებლიეთ ილია იხსნა.

2) საცნაური ხდება ის განუწყვეტელი, პერმანენტული კამპანია, რაც 1905 წელს ილიას წინააღმდეგ იქნა წამოწყებული. ილიას ყოვლის მხრიდან წაესევთან და მასზე წერს არა ერთი და ორი, არამედ მთელი ჯგუფი კალმოსნებისა, თანაც წერენ მხოლოდ და მხოლოდ როგორც ფეოდალზე, როგორც დიქტატორზე გლეხებთან თუ ბანკის თანამშრომლებთან მიმართებით. აშკარაა, ამ კამპანიის ინსპირატორს ერთადერთი მიზანი აქვს, – არა მხოლოდ საქართველოში, რუსეთსა და ევროპაში სახელი გაუტეხოს ილიას, როგორც ჰუმანისტს, როგორც დემოკრატს. ანუ მოხსნას

ის ბარიერი, ის საზოგადოებრივი აზრი, რაც მათი შავი ზრახვე-
ბის განხორციელებას ხელს უშლის. ამით ორ კურდღელს იჭერენ
– ქართველ გლეხებს მებატონეებისგან დამცველად ევლინებიან,
ხოლო საერთაშორისო პოლიტიკურ წრეებს, დიქტატორი პოეტის
მონინალმდეგედ.

მედალს კი ორი მხარე აქვს. იმ მორალური დარტყმების მიუხე-
დავად, რაც მათ ილიას მიაყენეს, გარკვეულწილად, მათდა უნებუ-
რად, სახელმწიფო საბჭოს წევრად არჩევაშიც მიეხმარნენ.

ილია რუსეთის თავად-აზნაურობამ უპრობლემოდ აირჩია. რა-
ტომ? იცოდნენ, რომ სოციალ-დემოკრატები საქართველოში ყვე-
ლაზე გააფთრებით ილია ჭავჭავაძეს ებრძოდნენ, თანაც ებრძოდ-
ნენ, როგორც მემამულეს და დიქტატორს, რუსმა მემამულეებმა
ეტყობა იფიქრეს, ეს ჩვენნაირი ყოფილაო და თითქმის ყველაზე
ოოლად აირჩიეს.

ცოტა ხანში, როცა ილია მემარცხენეთა ფრაქციაში ჩაენერა,
როცა სიკვდილით დასჯის წინააღმდეგ გაილაშქრა, როცა სახელ-
მწიფო საჭიროებისათვის კერძო საკუთრების იძულებით კონფის-
კაციასაც კი დაეთანხმა და, საერთოდ, როცა პირველი ავტონომის-
ტი შერჩათ ხელთ, კი ამოირტყეს რუსებმა ცხვირში ხელი, მაგრამ
გვიანლა იყო თითზე კბენანი.

3) დაბოლოს, ზემოხსენებული აღსარებიდან, რუსეთისა და ევ-
როპის საზოგადოებრივი აზრის შეგვეშინდა და ილია ვერ მოვკა-
ლითო, ერთი მთავარი საკითხი იკვეთება – ილიას ბედს ესენი ვერ
წყვეტენ.

ამიტომ რამდენიც არ უნდა იეშმაკოს და ილლიცინოს ზემოხსე-
ნებულმა „ეშმაკმა“, ეშმაკუნებმა თუ აქაურმა სატანებმა, ილია ჯი-
უტად მიჰყვება იმ გზას 24 წლის ახალგაზრდამ რომ განაცხადა, –
ჩვენი თავი ჩვენადვე უნდა გვეყუდნეს. საამისოდ პირველი ნაბიჯი
საქართველოსთვის ავტონომიური უფლებების მოპოვება იქნება.
იმპერიის მეორე სახელმწიფო საბჭოს სხდომებში მონაწილეობის
მისაღებად ამ ფიქრით შეპყრობილი მიდის ილია ჭავჭავაძე.

სახელმწიფო საბჭოს მეორე სესია გაიხსნა 20 თებერვალს და
იმუშავა 5 ივნისამდე.

●

სწორედ იმ დღეს, როცა ილია სახელმწიფო საბჭოს სესიაზე
დასაწრებად, ოლლასთან ერთად პეტერბურგისკენ გაემგზავრა,

აკაკი წერეთელი მეტეხის ციხეში გაგზავნეს. არ ვხუმრობ, აკაკი ნამდვილად დააპატიმრეს და ბადრაგის თანხლებით მეტეხში მიავლინეს. თუმცა, რაც მანამდე და ამის შემდეგ მოხდა, შეუძლებელია იუმორის გარეშე გაიხსენო.

აკაკის ჟურნალ-გაზეთების გამოცემის საქმეში ნამდვილად ბედი „სწყალობდა“. ჯერ იყო და ფეხსაცმელები გაცვითა წინ და უკან სიარულში, თუ ინსტანციებში, თუ სპონსორებთან, გაზეთი „გზა“ რომ გამოეცა. ვერ მოახერხა ვერც 70-იან და ვერც მეორე მცდელობისას – 80-იან წლებში.

შემდეგ „კვალის“ გამოცემის ისტორია, რომელიც ბოლოს სანანებელი გაუხდა. 1905 წელს სულთან კრიმ გირეისთვის მიუმართავს, – იუმორისტული ჟურნალის – „ხუმარას“ გამოცემის უფლება მომეცითო. სულთან კრიმ გირეიმ, როგორც ლიბერალმა ჩინოვნიკმა, ეს უფლება არ დაამაძღა, მაგრამ რად გინდა, ცოტა ხანში რევოლუცია დაიწყო, „ხუმარა“ და ხუმრობა ვილას ახსოვდა. 2 წლის შემდეგ კი, 1907 წლის 15 თებერვალს, აკაკის ჟურნალს დღის სინათლე ეღირსა, მაგრამ მხოლოდ ერთი დღით... იმ დროს უკვე ბეჭედის ასეთი წესი იყო. ცენზორი მასალას წინასწარ არ კითხულობდა, მაგრამ თუ გამოცემული ბეჭედითი ორგანო არ მოეწონებოდათ, – სამხედრო გუბერნატორს უფლება ჰქონდა გამოცემაც აეკრძალა და რედაქტორიც დაეჯარიმებინა, ან სულაც დაეპატიმრებინა.

ეს ბედი ენია აკაკის და მის „ხუმარას“. გამოცემიდან მეორე დღეს ჟურნალი აკრძალეს, ხოლო აკაკი მეტეხის ციხეში წაიყვანეს.

არადა, საშარო საქმემ „თავად მიაკითხა“ აკაკის.

თბილისში ახლად დანიშნული იყო გუბერნატორი რაუშ ფონ ტრაუნბერგი. ეს გუბერნატორი ჭკუაზე ცოტა აფრაკად აღმოჩნდა.

ძალიან ჰყვარებია ღვინის სმა, მაგრამ შეუჟუჟუნების შემდეგ ჭკუას სულ კარგავდა. მცხეთაში, საგვარეულო სამარხში-სვეტიცხოველში, რომელიღაც ბაგრატიონი დაუკრძალავთ, შემდეგ წესისამებრ ქელები გამართულა. დამთვრალა ეს ჩვენი გუბერნატორი ქელებში და შემოუძახნია – მრავალჟამიერ, მრავალჟამიერ, მრავალჟამიეროო... რა ექნა, უბედურს, უფიქრია, ქართველებს მრავალჟამიერი რაკი უყვართ, ალბათ ყველგან ამ სიმღერას მღერიან, ჭირშიცა და ლხინშიცო. ძნელი წარმოსადგენი არ არის, რა დღეში ჩავარდებოდნენ ჭირისუფლები...

ეს ამბავი დავინწყებული არ ჰქონდა ხალხს, რომ ძვირფას გუბერნატორს მეორე ფარსაგი საქმე შეემთხვა. თბილისში,

სამხედრო ტაძარში, იმპერატორის სახლეულის რომელიღაც მიცვალებულის პანაშვიდს იხდიდნენ. მთელი გენერლობა და დიდკაცობა იქ იყო. ასეთ შეკრებებზე თავად-აზნაურობის მარშალს უფლება ჰქონია პირველი მდგარიყო პუბლიკის წინ. დგას „წინა ხაზზე“ მარშალი გიორგი ბაგრატიონ-დავითაშვილი. რაუშა გამოსწევს უკან და დაუდგება წინ. ბაგრატიონ-დავითაშვილი გადადგამს ნაბიჯს და კვლავ წინ მოექცევა. რაუშა თავისას არ იშლის – ისევ წინ აეჭუზება. ბაგრატიონი არ თმობს კანონით მინიჭებულ პირველობას. ბაგრატიონი ისედაც გაცეცხლებული იყო ამ კაცზე, როგორია მისი ნათესავის ქელებში მრავალჟამიერი რომ შემოსდახა? ამ უხმო ძიძგილაობის შემდეგ, დამშვიდობებისას, გუბერნატორს გამონვდილი ხელი ჰაერში შეატოვა. ხელი არ ჩამოართვა. რუსის გუბერნატორი ამაზე გაცოფდა. საქმე ლამის დუელამდე მივიდა, მაგრამ ყოველივე ვარანცოვ-დაშკოვს გაუგია და რაუშა თანამდებობიდან გადააყენა. ამ გუბერნატორს ის „სიკეთეც“ სჭირდა, რომ ქართველები არ უყვარდა. აკაკის ახლადდაბადებული ჟურნალისტისთვის ეს რაუშა პირდაპირ სასურველი მსხვერპლი იყო.

პირველი ნომრის გამირადაც სწორედ ის იქცა. კარიკატურის-ტმა გიგო ზაზიაშვილმა დახატა სახედარი, რომელიც „გამოანყო“ გუბერნატორის ტანსაცმელში, მარშალი ბაგრატიონი მას უსვამს ნიშადურს, ხოლო კინტო კედება სიცილით. ამ კარიკატურას ახლავს აკაკის ეპიგრამა:

„დიდ ყურაანთ ყროყინას
ჩვენები ეჯავრება,
საიდანაც მოსულა,
იქით მიეჩქარება.
და ნიშადურს ულესავს
გულმოსული მარშალი,
რომ აქ აღარსად დარჩეს
იმ ვირს გზა და კვალი,
კინტო კი გაოცებით
შესცქერის ამ ამბავს
და ხმამალლა იძახის:
ამოუსვით, რა უშავს!“

ამ მშვენივრად მიგნებულმა ომონიმმა ერთობ არასასიამოვნო ასოციაციები აღძრა მაღალჩინოსნებში. რაუშას საქმე განაზოგა-

დეს, სახელმწიფო მოხელის აბუჩად აგდებას არავის ვაპატიებთო და აკაკი დააპატიმრეს. იოსებ გრიშაშვილი აღნიშნავს – „საინტიერესო ერთი ეპიზოდიც: როცა აკაკი ციხეში მიიყვანეს, მთელი ციხე აფორიაქდა... პატიმრები განურჩევლად მათი დანაშაულებრივი ხასიათისა, დემონსტრაციულად გამოვიდნენ ეზოში, ჰყვიროდნენ, მთელ ციხეს აზანზარებდნენ და მოითხოვდნენ საყვარელი პოეტის დაუყოვნებლივ განთავისუფლებას. ეს პროტესტი სამხედრო გუბერნატორის ტიმოფეევის ყურამდე მივიდა. კანცელარიის გამგის ვასილიევის მოხსენებისთანავე ტიმოფეევა გასცა განკარგულება აკაკის განთავისუფლების შესახებ. ქალაქი დაბინდებისას მივიდა ციხეში, აკაკიმ არ მოისურვა ლამით გამოსვლა ციხიდან: „არა ქაჯან, ნუ მანუხებთ, ამალამ აქ დავრჩები და ხვალ დილით წავალო“. და მეორე დღით გამოვიდა დიდის ზეიმზარით. ნამდვილად აკაკი კი სულ ერთი საათით იყო დაპატიმრებული“.

ეს იქნება უკანასკნელი სახალისო სიუჟეტი რასაც ამ წიგნში შეხვდებით. როგორც ქვეყნის, ისე ილიას ცხოვრებაში დიდი ტრაგედია იწყება. ერთმანეთისგან სრულიად განცალკევებულად რამდენიმე მოვლენა ხდება, რომელთაგან ზოგი ფაქტი ერთი ჯაჭვის შემადგენელი რგოლია და ზოგი ფაქტიც სრულიად დამოუკიდებლად ხდება, მაგრამ ბუნებრივად იქცევა სასიკვდილო ყულფის ნასკვად.



როგორც სარაევოში დაცლილმა დამბაჩამ მსოფლიო არეულობა გამოიწვია და ვთქვათ, რომელიღაც ხევსური ჯურხას ბედზეც იმოქმედა, ასე ხდება ზოგჯერ ადამიანების კერძო ცხოვრებაშიც.

აბა ჯურხამ ან ხირჩლამ რა იცოდნენ, ან რა შუაში იყვნენ, თუ სადღაც სარაევოში, ვილაცამ პრინც ფერდინანდს ესროლა და ამ საბაბით მსოფლიო ომი უნდა ატეხილიყო. რომ იქ დაცლილი დამბაჩის კვამლის სუნი მათ ხეობამდეც მიაღწევდა და ისინი ნანდაურს უნდა დამშვიდობებოდნენ, რათა ვილაცის გამოსროლილი ტყვია მკერდით გაეცივებინათ.

ასე ხდება-მეთქი კერძო ცხოვრებაშიც. ორი კაცი სამკვდრო-სასიცოცხლოდ ერთმანეთს წაეკიდება და შესაძლოა ეს იმ მესამის ბედზეც აისახოს, ვისაც ამათ ჩხუბში ისეთივე წვლილი მიუძღვის, როგორც ქარიშხლის ამოვარდნაში ან ცად ცისარტყელის გამო-სახვაში.

როცა ილია პეტერბურგშია და იქ სიკვდილით დასჯის წინააღმდეგ მოხსენების წაკითხვას აპირებს, საგურამოს მამულში მისგან დამოუკიდებლად და, სხვათა შორის, მისივე პოლიტიკური მტრებისგან დამოუკიდებლად ისეთი რამ ხდება, რაც საბოლოოდ მისი ბედის ნაწილად იქცევა. ილიას მოჯამაგირე, ყოველგვარი შეკვეთის, ყოველგვარი პოლიტიკის გარეშე, პირადი კონფლიქტის წინადაგზე კლავს ილიას მოურავს.

თუ რა როგორ მოხდა, გადმოგვცემს ილიას მამულის მეფუტკრე დანიელ მასლოვი. მისი მოგონება მკვლელობიდან ერთი წლის შემდეგ 1908 წელს დაბეჭდა დიმიტრი ჯაშმა. იმავე მასლოვის მოგონება დაიბეჭდა ათეული წლების შემდეგაც, კომუნისტების დროში. არსებითად თითქოს ერთი და იგივე მოგონებაა, მაგრამ ათეული წლების შემდეგ დაწერილი ფაქტების სიზუსტის მხრითაც ნაკლებად სანდოა და იმის გამოც, რომ უკვე ღრმად მოხუცი მასლოვი ამ მოგონებას შეკვეთით, კომუნისტების მიზანდასახული შეკვეთით წერდა. ამასთან, აღარც ერთი, ვისაც ეს მოგონება ეხებოდა, ცოცხალი აღარ იყო. ხოლო 1908 წელს, როცა დ. ჯაში ბეჭდავს მასლოვის ნაამბობს, ცოცხალია ყველა ის პირი, ვინც საგურამოს მამულის მოსამსახურეთაგან საშინელი მკვლელობის მოწმენი გახდნენ.

ამას იმიტომ მოგახსენებთ, რომ 1908 წელს გამოქვეყნებულ და 3 ათეული წლის შემდეგ ჩაწერილ მეფუტკრის მოგონებას შორის რაღაც სხვაობები არის. ზოგი შეგნებულად გაკეთებული და ზოგიც დიდი დროის გასვლის გამო. ამიტომ გთავაზობთ 1908 წელს დაბეჭდილ მოგონებას, რომელიც, ვფიქრობ, უფრო უტყუარად ასახავს მოჯამაგირის მიერ ილიას მოურავის მოსეს მკვლელობის ამბავს.

„განსვენებულ მოურავს მოსეს სასახლის ეზოს ყარაულად დაექირავებინა ახალსოფლელი, ახალგაზრდა გლეხი პავლე ფშავლიშვილი, იგივე აფციაური. ერთ საღამოს, შარშან მაისის შუა რიცხვებში, მოურავს მოსეს ღვინოები გაეყიდა, მენახშირეებისაგან ფული აეღო და მეხილესაგანაც ბლებისა, ალუბლისა და სხვა ხილის ფულიც მიეღო. ასე რომ, მეფუტკრე მასლოვის სიტყვით, ორას თმნამდე მოჰგროვებოდა. მოსეს ფშავლიშვილი ყველგან თან დაჰყვებოდა, როგორც ყარაული, რომელმაც კარგად იცოდა, თურმე, რომ მოურავს მაშინ ბლომად ფული ჰქონდა შეგროვილი. ერთ საღამოს, როცა სასახლეში ყველას დაუძინია, ერთბაშად ატეხილა ძაღლების (ეკონომიაში სულ 14 დიდი ძაღლი იყო) გახშირებული ყეფა. ყველა-

ნი ფეხზე წამოცვენილან, გარეთ გამოსულან და ყური დაუგდიათ. მოურავ მოსეს შეუმჩნევია, რომ ყარაული ფშავლიშვილი ვილაცას ჩუმად ელაპარაკებოდა და ეუბნებოდა: „ეხლა დრო აღარ არის, ძალებმა მთელი სასახლე ფეხზე დააყენეს: ეხლა ნადით, თორემ ყველაფერს გაგვიგებენო.“ ამ ჩუმის ლაპარაკისათვის ყური მოუკრავს მოსეს და, როცა უცნობნი წასულ-წამოსულან, და იქაურობაც მიყურებულა, მოურავს დაუძახნია პავლე ფშავლიშვილისათვის და უკითხავს: – ვის ელაპარაკებოდით, ვინ იყვნენ ისინი, ან ამ დროს რა უნდოდათ? ფშავლიშვილს უთქვამს: „სტაროსელსკის სტრაჟნიკები იყვნენ და იმათ ველაპარაკებოდით“.

მოურავი მაშინ წასულა სტაროსელსკის სტრაჟნიკებთან და გამოუკითხავს მათთვის: მართლა თქვენ იყავით, ჩვენს ყარაულს რომ ელაპარაკებოდით წელან, თუ არა, და თუ თქვენ იყავით, ამ დროს რა საქმე გქონდათ.

სტაროსელსკის სტრაჟნიკებს ეთქვათ, – ჩვენ არცა ვყოფილვართ და არც არა გვესაქმებოდა-რაო. მაშინ მოსეს ისევ დაუბარებია ფშავლიშვილი და დაბეჯითებით მოუთხოვნია, – ვინ იყვნენ ისინი, ვის ელაპარაკებოდით ამ შუალამისას და ან რა საქმე გქონდა მათთანაო, მაგრამ ფშავლიშვილს მკვახედ ეპასუხნა: ვისაც ველაპარაკებოდით და რა საქმეცა მქონდა, მე ვიცი, შენი საქმე არ არისო!

მაშინ მოურავს მოსეს დაუჭერინებია პავლე ფშავლიშვილი და მამასახლისის ოქმთან ერთად მცხეთაში გაუგზავნია, საიდანაც, რამოდენისამე დღის შემდეგ, მცხეთის ბოქაულს დუშეთისაკენ გაუგზავნია მაზრის უფროსთან მაგრამ გზაში ფშავლიშვილი გაქცევია დარაჯებს და იმ დღიდან ტყეებში იმალებოდა. გზიდან გაქცევის დროს ფშავლიშვილი დამუქრებია მოსესა და მის ცოლს ევას, იმათ ცოცხალს არ გავუშვებ, რადგან ჩემი თავი დააჭერინესო. მალე სოფლებში ხმები გავრცელდა, რომ პავლე ფშავლიშვილმა ყაჩაღთა ბრბო შეადგინა და წინამურ-საგურამოს შუა დათარეშობს, ხოლო თავს კი ზედაზნის ტყეში იმალავსო.

ამის შემდეგ არ გასულა ორი კვირა, რომ შარშან, 1907 წლის 7 ივნისს, დილით, სასახლეს თავს დაესხა რამდენიმე შეიარაღებული თავ-პირ-ახვეული კაცი და მოურავი მოსე მემარნიშვილი და მისი ცოლი ევა საცოდავად ხანჯლით აჰკაფეს; შემდეგ შეცვივდნენ სასახლეში და, რაც კი რამ ფასიანი იხელთეს, ყველაფერი გაიტაცესო.

აი, ეს გვიამბო მეფუტკრე ბ-ნმა დ.გ.მასლოვმა“.

●
5 ივნისს პეტერბურგში სახელმწიფო საბჭოს მე-2 მოწვევის სხდომები დამთავრდა. ილია მეუღლესთან ერთად საზღვარგარეთ სამკურნალოდ ეპირებოდა გამგზავრებას, მაგრამ მოურავის მკვლელობა რომ აცნობეს, პირდაპირ საქართველოსკენ გამოეშურა.

პეტერბურგის ქართველობა, ახლობლები, გულშემატკივრები ევედრებოდნენ – საქართველოში ძალიან საშიში სიტუაციაა და დარჩი, ნუ წახვალო. ილიას პასუხი იყო: განა ილია ჭავჭავაძისთვის რუსეთში ყოფნა უფრო საშიში არ არის, ვიდრე მის სამშობლოში?

ეს კიდევ ერთხელ იმ რწმენის გამჟღავნება იყო, რომ, ყოველგვარი ლოგიკით, თუ მას მტერი უნდა ჰყოლოდა, უნდა ჰყოლოდა მათ შორის, ვისგანაც თავისი სამშობლოს გამოხსნას ცდილობდა, მაგრამ ბედის ირონიით რუსეთის იმპერიის მთლიანობის თავგამოდებული მომხრენი სწორედ თბილისში ბუდობდნენ სოციალისტების სახით.

შემთხვევითი არ იყო, ვორონცოვ-დაშკოვი იმპერატორს ღიად მოახსენებდა, რომ სხვა პარტიათა შორის მის პოლიტიკურ სიმპათიას სოციალ-დემოკრატები იმსახურებდნენ, რადგან ეს უკანასკნელნი იმპერიის მთლიანობის მომხრენი იყვნენ, რომ ისინი ყოველგვარი სეპარატიზმის წინააღმდეგ იბრძოდნენ.

ასე იყო თუ ისე, ილია მეუღლესთან და სტუდენტობის მეგობარ მიხეილ ჩიკვაიძესთან ერთად, რომელიც იქ კიბოს სამკურნალოდ იმყოფებოდა, პეტერბურგიდან, გამოემგზავრა და 12 ივნისს, მოურავის დაკრძალვას ჩამოუსწრო.

მამულს და მეურნეობას ახალი მოურავი სჭირდებოდა. ეს ახალი მოურავი აღმოჩნდა დიმიტრი ჯაში. თუ როგორ, რა პირობებში გახდა 23 წლის, მეურნეობისათვის სრულიად გამოუცდელი ჯაში ილიას მოურავი, ამაზე ქვემოთ ვისაუბრებთ. ახლა კი მხოლოდ იმას აღვნიშნავ, რომ ილია ხუთშაბათ დღეს, 18 ივნისს ახალ მოურავთან ერთად საგურამოში გაემართა.

სოფელში ჩასულს შემზარავი სურათი დახვდა. ძველი მოურავის ოთახს ლუქი ახსნეს, ნახეს ოთახში სისხლის გამხმარი გუბე, მცირე ხნის წინ ნაავკაცარის უტყვი მონმე. წამების კვალი. გადმონგრეულ-გადმოქოთებული ყველაფერი. ავიდნენ ილიას სახლში. იქაც ყველაფერი გადმონგრეული იყო და რისი წაღებაც შესაძლებელი – ყველაფერი წაღებული. გაეტანათ ილიას იარა-

ლიც. საკუთარი თოფი კი ყაჩაღებს იქ დარჩენოდათ... ნაელოთ ფულიც, დაემტვრიათ ჭურჭელი, დაეფხინათ წიგნებიც, მაგრამ ილიას, ცხადია, თავისი მოურავისა და მისი მეუღლის ასე სასტიკად ამოხოცვა უკლავდა გულს. მათი სიკვდილის შემდეგ სახლთან მცველებად მაზრის უფროსს ხუთი სტრაჟნიკი დაეყენებინა ურიადნიკ ემეცის ხელმძღვანელობით, მაგრამ ილიამ ურიადნიკს გამოუცხადა:

– მე არა მსურს, რომ ჩემს სახლს სტრაჟნიკები იცავდნენ, ხვალვე ისევ თავიანთ ბინებს დაუბრუნდნენო.

ამაზე სოფლის თავკაცებს უთხოვიათ, თქვენ რომ ეგენი დაითხოვოთ, შინ კი არ წავლენ (სოფ. გალავანში ბინადრობდნენ), ჩვენ ჩამოგვეთესლებიან და რასაც თქვენთან ვერ ბედავენ, ჩვენ აღარაფერს შეგვარჩენენო.

თქვენთან თუ დარჩებიან, თქვენც ვერაფერს გაგიბედავენ და ჩვენთვისაც კარგია, რადგან ახლოს იქნებიან და ყაჩაღები ველარ შემოგვბედავენო.

გლებებისვე თხოვნით ილიამ სტრაჟნიკები დაიტოვა და ბინაც მიუჩინა.

ამ კომშარით დაიწყო პეტერბურგიდან დაბრუნებული ილიას უკანასკნელი დღეები საგურამოში. როგორ იცხოვრა ილიამ თავისი წუთისოფლის უკანასკნელი ორი თვე და თორმეტი დღე ამის წარმოსადგენად გაგაცნობთ ილიას უკანასკნელი მოურავის მეუღლის დარია ჯაშის მოგონებებს, რომელიც მას ჩაუნერინებია 1965 წელს და რომელიც ინახება საგურამოს სახლ-მუზეუმში. მოგონებებს გთავაზობთ მხოლოდ იმ დღემდე, ანუ 27 აგვისტომდე, როცა მან უკანასკნელად ნახა ცოცხალი ილია.

ილიას უკანასკნელი დღეები საგურამოში

*დარია ნიკოლოზის ასული კოპლატაძე-ჯაშის
ნაამბობი, ხელით ჩანერილი
1965 წლის 30 აგვისტოს*

მას შემდეგ, რაც 1907 წლის გაზაფხულზე ილიას მოურავი, საგურამოში, მოსე მემარნიშვილი და მისი ცოლი წამებით მოკლეს საგურამოს ჩურტ-ყაჩაღებმა. ილიას დის ელისაბედ საგინაშვილის რეკომენდაციით, რომელიც გენერალ საგინაშვილის მეუღლე იყო. ილიამ ჩემი ქმარი დ. ჯაში მიიწვია მოუ-

რავად, მაშინ მე 18 წლის, ხოლო ჩემი ქმარი 23 წლის ვიყავით. ილია ჩემს ქმარს იცნობდა „ივერიის“ სტამბა-გამომცემლობიდან, სადაც ჯერ ასოთამწყობად, ხოლო შემდეგ კორექტორად მუშაობდა. საგურამოს მამულები ეკუთვნოდა ილიას მეუღლეს ოლღა გურამიშვილს, ხოლო უმეტესი ნაწილი ოლღას ძმას, რომელიც სულით ავადმყოფი იყო და ილია მას „აპეკუნობდა“. ილიას ცოლისდა სტაროსელსკის ცოლი იყო და ჰქონდა მამისეული მამულები. სტაროსელსკის ორი ვაჟი ჰყავდა, ერთ-ერთი მსახურობდა გენერალ ადუტანტის ჩინით მეფის ნაცვალთან, მეორე კი უმეტესად საგურამოში იყო ტიტუკო სტაროსელსკი, რომელსაც ებრაელი მილიონერის ქალიშვილი ჰყავდა ცოლად.

ჩვენ ჩავედით საგურამოში ზაფხულის დასაწყისს და მე პირადად თითქმის ყოველ დღე მიხდებოდა საუბარი ილიას მეუღლე ოლღასთან და თვით ილიასთანაც.

ჩასვლისთანავე ოლღამ გამომართვა ჩემი პირველი შვილი ოფელია, რომელიც მაშინ ხუთი თვის მყავდა, გულში ჩაიკრა და კოცნა დაუნყო, ბავშვმა ტირილი მორთო, ილიამ მესამე სართულიდან გადმომძახა:

– „გამოართვი შვილი, მაგას არ ესმის ბავშვის ტირილი და ბავშვის სიყვარულით კი გატაცებულია. ოლღას სმენა ბავშვობიდან ძალზედ დაზიანებული ჰქონდა და ახლოს ყურთან უნდა ჩაგეყვირა, რომ გაეგო თუ რას ეუბნებოდი.

ოლღამ ამიყვანა მეორე სართულზე, შევედით დარბაზში, გაალო კარები, იქ პატარა სუნდუკი გახსნა და ორი ოქროს თუმნიანი აჩუქა პატარა გოგონას თანაც დამილოცა ბავშვი, დამლოცა მეც და შუბლზეც მაკოცა.

მესამე დღეს ილიას მეუღლემ დამავალა ნავსულიყავი და დამეთვალყურებია სტაროსელსკის სახლი, რომელიც წინად გურამიშვილს ეკუთვნოდა და სადაც ბავშვობა და ქალიშვილობა გაატარა ოლღა გურამიშვილმა.

სალამოს ილიას სახლის უკან კაკლის ხის ძირას ვისხედით ვახშამზე, მე ოლღას გვერდით ვიყავი. ვახშამზე იყო ილია, ზაალ ჭავჭავაძე – ილიას ბიძაშვილი და ჩემი ქმარი. საუბარი ზაალ ჭავჭავაძემ დაიწყო.

ერთ დროს ასეთი დაბურული ტყე ხომ თბილისის ეხლანდელ გახრიოკებულ მთების კალთებს ამშვენებდა, ეხლა კი ორ გადაფხევილ გორებს შორის ქალაქის მოსახლეობა სიცხეში იხრაკე-

ბა, ასეთი ტყე, რომ იყოს თბილისის გორებზე ქალაქში სივრცით და გრილი ნიავე იქროლებს.

დიახ, იყო კარგი ტყე თბილისის გარშემო, მაგრამ ქალაქის თავებმა, რომლებსაც, „სალი თავი“ არ ჰქონდათ გააკაფიეს, ზოგი დაანახშირეს და ბაზარზე გაყიდეს, ხოლო ქალაქის ნიაღვარს, ქარს და სიცხეს ჩაუტყეს – და ამისათვისაა, თუ კაცი გინდა დასაჯო ივლისში და აგვისტო ქალაქში უნდა დატოვო სამუშაოდ.

– მაინც რატო მიიღეს ასეთი უგუნური გადაწყვეტილება? – შეეკითხა ზ. ჭავჭავაძე.

– აქაო და ტყეში ქურდ-ყაჩაღები აფარებენ თავს დღისითო, ღამით კი ვაჭრებს სძარცვავენო, თანაც მეფის ნაცვალმა თანხმობა მისცა ტყის აკაფვის.

– მგლის შიშით ცხვრები ვის ამოუნყვეტიაო, მაგრამ მათ ასე გაუკეთებიათ უთხრა ზ. ჭავჭავაძემ.

– ტყე, მცენარე, ვარდი, ყვავილი, ბალახი, ჭირნახული, ხეხილი, რომ არ გაეჩინა ღმერთს არც სისხლიანი ცხოველი და ადამიანი იქნებოდა. ტყე გვანჯდის სუფთა ჰაერს, წყალს, გვიცავს ქარისგან, ნიაღვრისგან, გვაძლევს შეშას, მასალას, იცავს სასარგებლო ნადირ – ფრინველს, აი რა მცირე მოვალეობა აკისრია გასაჩეხად გამეტებულ ტყეს, რომელიც ერთ დღეს მოიჭრება და ასი წელიც კი საკმარისი არ იქნება მისი აღდგენისთვის.

– იქნებ როდესმე ხელოვნურად აღადგინონ ტყე თბილისის გარშემო, ისე როგორც უნინ იყო – უპასუხა ზ. ჭავჭავაძემ.

– ეს უკვე ძნელია, ასი წელიც დამქანცველი მუშაობაც მთელი ქალაქის არ ეყოფა, რადგან ნიადაგი გადარეცხილია ნიაღვრების მიერ დინჯად უპასუხა ილიამ, ამ დროს სამზარეულოდან მზარეულმა ხარიტონმა გამოგზავნა შემწვარი წინილები, მწვადები, თონიდან პურის მცხობელმა ქალმა სოფიო უნდილაშვილმა ცხელ-ცხელი შოთები მოგვართვა, მწვანილი, ყველი, ღვინო და სუფრა აივსო. სარდაფიდან ცივი ღვინოც მოიტანეს.

– ოღლამ მითხრა, რომ გოჭის ხორცი ილიას ეჯავრება და სუფრაზედ არასოდეს მოატანინებსო, თანაც ისიც მითხრა, რომ ილის უჩვეულო ჩვევა აქვს ოქროს ფულის მიმართ, როგორც კი დაინახავს მაგიდაზე, გაკრავს ხელს და გადააგდებსო. ამას ილია იმით ხსნიდა თურმე, რომ ოქრო ეს არის მაცდური ლითონი მას შეუძლია კეთილ ადამიანში ბოროტება თესოს, გახადოს ადამიანი სამშობლოს მოღალატე და გამყიდველი და ამის დასამტკიცებლად ილია ისტორიულ ცნობებს გაიმეორებდა ოღლას თქმით,

თუ სპარსეთის შახი, როგორ ყიდულობდა ქართველ მოღალატეებსო.

მთვარე კაშკაშებდა ცაზე, საუკეთესო ღამე იყო, ტყიდან დაბერილი საამო ნიავი სუნთქვას სასიამოვნოს ხდიდა. უეცრად ძაღლებმა ღმუილი მორთეს. ილიას საგურამოში რამოდენიმე კავკასიური ნაგაზი ჰყავდა, რომელსაც, ღამით აუშვებდნენ. მე დედაჩემისგან და ბებიარჩემისგან გაგონილი მქონდა გურიაში, რომ ძაღლების ყმული ცუდი ამბავის ნიშანია და ჩემდა უნებლიეთ შეშინებულმა წამოვიძახე:

- ვაი... ეს ძაღლების ღმუილი ხომ ცუდის ნიშანია? ასე იტყვიან გურიაში.

- როგორ გეკადრება შვილო, რა შუაშია აქ ცუდი, ძაღლები მოახლოებული ნადირის სუნს ყნოსვენ და ღმუიან. მეტი არაფერი-დინჯად და დამაჯერებლად მითხრა ილიამ.

ილიამ დამავალა, რომ რაც შეიძლება გამერთო ოღლა კარტის თამაშით. თურმე ილიას ეჯავრებოდა ოქროს ფული, მის მეუღლეს ძალიან უყვარდა და ხშირად ხუთ მანეთიან ოქროს ფულზე ვთამაშობდით. აღსანიშნავია, რომ ნაგებას და მოგებას ერთნაირი რეაქციით შეხვდებოდა.

მას უყვარდა კარტის გაშლა ფატალური მოსაზრებებით, თითქოს კარტის გაშლაში ეძებდა მომავალ ბედისწერის ამოცნობას, მე ბევრი რამ დამამახსოვრდა, მისი კარტის თამაშის წესებისა და განლაგების მნიშვნელობის შესახებ.

ოღლა იყო მაღალი კულტურის ადამიანი. რუსულთან ერთად იცოდა ფრანგული ენაც, ძალიან უყვარდა „დუხი“, მრავალი მარკის და ხარისხის „დუხები“ ჰქონდა, მაგრამ მითხრა, რომ ზაფხულობით საგურამოში ვერ ვხმარობ იმის გამო, რომ ფუტკარი მაჯდება სახეზეო, ილიას კი საგურამოში 100-ზე მეტი ფუტკარის ბუკი ყავდა კარ-მიდამოში და მის მომვლელად სპეციალისტი დანიელ მასლოვი რომელსაც ხშირად სადილზე იწვევდა, ესაუბრებოდა სამეურნეო საქმეზე.

ილიას ყავდა ინგლისური ჯიშის ჯორი, მეტად თვინიერი ცხოველი, რომელიც ძალიან უყვარდა ილიას. დილით ადრე ადგებოდა, ხელში რამოდენიმე შაქრის ნაჭერს აიღებდა და ჯორისკენ მიდიოდა, რომელსაც ცალკე ბაზა ქონდა გაკეთებული. ჯორს სათითაოდ აჭტევდა შაქარს, კისერზედ ხელს დაუთათუნებდა, ალერსიანად გამოელაპარაკებოდა, გაეხუმრებოდა და ფერე-ბით გულს, რომ მოიჯერებდა მწყემსებს ეტყოდა საძოვარზედ

გაუშვით აქვე ტყის პირასო, ჯორიც იმდენად შეეჩვია პატრონის პატივისცემას, რომ ილიას დაძახებაზე ყურდაცქვეტილი ნელი ნაბიჯით ნელ-ნელა მიუახლოვდებოდა, ალბათ კიდე ელოდა ილიასგან შაქრის ნატეხებს და აი სწორედ ილიას გულმოსაკლავად, გაბოროტებულმა და გამხეცებულმა ადამიანმა გაუგონარი სიმხეცით მოკლეს ჯორი. იგი დაეჭირათ, ფეხები თოკით შეეკრათ და უკანა ტანიდან მსხვილი პალო უროს დარტყმით შუა მუცლამდე შეეყარად და უცოდველი ცხოველი საშინელი წამებით მოეკლად, იცოდნენ, რომ ჯორი ძალიან უყვარდა, ილიას გულმოსაკლავად და მისი სულის ასაშფოთებლად ეს საშინელება გააკეთეს არაადამიანური გრძნობის ადამიანებმა. მეორე დღეს მკვდარი ჯორი ურმით მოიტანეს. დახედა თუ არა ილიამ, ის ძალზედ ცუდად გახდა, ფერი ეცვალა, შუბლზე სიმწრის ოფლი დაესხა, ოლღამ ტირილი მორთო, - „ვინ უღმერთომ ჩაიდინა ასეთი საქციელი“ ცრემლმორეული ამბობდა ოლღა. ილია კაკლის ხის ძირას იჯდა, სახე დაღვრემილი, წყალი მივანოდე, შუბლი ოფლისგან მოინმინდა, ხელი ჩაიქნია და თქვა:

აი ეს ჯორი, თავისი ცხოველური გრძნობით, ყოფაქცევით უფრო მაღლა არ იდგა, ვიდრე ამ საზიზღრობის ჩამდები ადამიანია? განა იმაზე მეტი საცოდაობა არ არის, რომ ამ ჯორს ცხოველს უწოდებდით და ამ ბოროტების ჩამდენს ადამიანს? ან რომელი ცხოველი ჩაიდენდა ასეთ ბოროტებას? ღმერთი ამისთანა საშინელების ჩამდენს რისხვით დაცქერის ციდან და მის თვალებს ვერ დაემალება ეშმაკი, ცბიერი, ბოროტი. ამ სამწუხარო სურათს, რომელმაც ყველა აღგვაშფოთა, მწუხარებით შევყურებდით ყველა იქ დამსწრენი. ილიამ დაავალა მოჯამაგირეებს ჯორი დაესაფლავებინათ ტყის პირას. თვით ილია ავიდა ნელი ნაბიჯებით საძინებელ ოთახში და მესამე დღემდე არ ჩამოსულა ეზოში.

მაგრამ რამდენიმე დღის შემდეგ განმეორდა მეორე შემზარავი ამბავი, რაც ერთიდაიგივე ბოროტმზრახველის მიერ იყო გაკეთებული. პირუტყვზედ უფრო დაბალი გრძნობის ადამიანის მიერ. ილიას ყავდა საჯიშედ გერმანული ჯიშის ძროხა, რომელიც დღეში 20 ლიტრამდე რძეს იწველიდა. თავისუფლად გაუშვეს რა საძოვარზე, დღის 12 საათზე მოირბინა ბლავილით და ადამიანური გრძნობით შველას ითხოვდა მისი მომვლელისაგან. ბოროტმზრახველს, ილიას გულმოსაკლავად ძუძუები მოეჭრა და სისხლისგან იცლებოდა. ერთ საათში ძროხა მოკვდა. საშინლად ეწყინა ილიას, ოლღას გული წაუ-

ვიდა, ცივი წყლის წვეთებით დაუფარე სახე, მოვეფერე, ვანუგეშე, მაგრამ სამი დღე ლოგინიდან არ ამდგარა. როგორც ადგილობრივი გლეხები ამბობდნენ, მათ შორის მოჯამაგირეები, ამ სისაძაგლეს აკეთებდა საგურამოს ყოფილი მამასახლისი ვანო ინაშვილი, რომელიც თალლითობის, ქურდობის და გლეხებში მთელი რიგი უკანონო ძალმომრეობისათვის ილიამ მოახსნევინა დუშეთის მაზრის უფროსს.

– აბა რა უნდა მოეთხოვოს ასეთ ბოროტების ჩამდენს მხეცს, თუ კაცისათვის პირადი ანგარიში ვერ გაუსწორებია პირუტყვს უენოს, უბოროტო ცხოველს რას ერჩიან? გულმოკლული ამბობდა ილია.

მიუხედავად ასეთი ძალზედ უსიამოვნო ამბებისა ილიას სულიერი წონასწორობა არ დაუკარგავს, თუმცა მაშინ უკვე 70 წლის იყო, ავადმყოფობაც თანდათან ერეოდა, ხშირად უჩიოდა თავის ტკივილს, გულის აჩქარებით ცემას. უჭირდა ეზოს აღმართის ამოსვლა, შაერის უკმარისობას გრძნობდა. ამ დროისათვის ის ბევრს არაფერს წერდა: ოდნავ გადაათვალიერებდა პეტერბურგის გაზეთებს, გაზეთ „კავკაზს“ და ზოგიერთ ქართულ ჟურნალ–გაზეთებს, რაც მცხეთიდან მოჰქონდა ფოსტალიონს.

შემოდგომის თვეს ილია პეტერბურგში გასამგზავრებლად ემზადებოდა, უნდა ეტლით ვლადიკავკაზამდე ჩასულიყო, იქიდან კი მატარებლით, რაც მაშინდელ მატარებელს 2 დღეს დროით უგებდა.

ერთ დღეს მეორე სართულის აივანზე ვუსხედით ვახშამზე, საიდანაც გადავყურებდით საგურამოს ვრცელ ველებს. აქედან კარგა ამინდში კარგად მოჩანს კავკასიონის ქედების ნაწილი. ამჯერად ილიას ყავდა მისთვის მეტად საპატიო სტუმარი გერმანელი მწერალი არტურ ლაისტი. ქართული ენის მცოდნე, მაგრამ ილია მას უმეტესად რუსულად ესაუბრებოდა, მთელი კვირაობით რჩებოდა საგურამოში და ყოველდღიურად საუბარი ჰქონდათ, არტურ ლაისტი თარგმნიდა გერმანულ ენაზე ილიას, აკაკის და ზოგიერთ მწერლის ნაწარმოებებს, ილიას უთანხმებდა ტექსტის შინაარსს და ეძებდა პირდაპირი თარგმნის ხერხებს ქართულიდან, თვით ლეისტიც კი ბევრს უხსნიდა გერმანული ლიტერატურის ორიგინალური ტექსტის შინაარსს. ილია დიდ მატერიალურ დახმარებას

უნევედა და თბილისში მისი ეტლით უშვებდა სურსათ-სანოვაგით დატვირთულს. ერთხელ დავინახე გამგზავრების დროს, თუ როგორ ჩაუდო კოსტუმის ჯიბეში ეკატერინეს 500 მანეთიანი, ლეისტიის მადლობა უსაზღვრო იყო. სანამ ეტლი დიდ აღმართს არ ჩაივლიდა ილია ხელს უქნევდა, ლეისტიც ესალმებოდა.

ლაისტს უჭირდა ქართული არახმოვნების გამოთქმა და სიტყვები გერმანულ აქცენტში ერეოდა. სუფრაზე იყვნენ ილია, ზ. ჭავჭავაძე, გ. სტაროსელსკი და ერთი თავადი ციციშვილი, ორი უცნობი, მე და ოლლა და ჩემი ქმარი. საკითხი წამოიჭრა საქართველოს წერა-კითხვის გამავრცელებელი საზოგადოების მუშაობის შესახებ. ყველა დიდი ყურადღებით ისმენდა ილიას დინჯ და დამაჯერებელ საუბარს. ის ნელა და შორსმჭვრეტელური აზროვნებით ლაპარაკობდა, სიჩუმეს მხოლოდ საგურამოს ტყიდან მონაბერი ნიავი თუ არღვევდა. აი, თქვა ილიამ, რაც კარგად დამამახსოვრდა:

– ქართველი ერის ნელში გამართვისა და ჩვენში ხალხის ნელში გამართვისათვის საჭიროა საქართველოს გამოუჩნდეს ადრე თუ გვიან „პეტრე დიდი“ თუ არა „პეტრე მცირე“ მაინც განათლება, წერა-კითხვა, მნიგნობრობა, ხელოსნობა, ოსტატობა, რომელ ხალხსაც სუსტი აქვს, ის ხალხი საცოდავია, საცოდავია არა მარტო ხალხი უცოდინარი, არამედ ამ ხალხის მცოდნე და განათლებული შვილები; აბა ბრმებს აუნთეთ ლამპა რა საჭიროა, ტყვილა გაირჯება მელამპე... ხალხს, რომ შენი ცოდნის ქადაგება გააცნო ამისთვის მათ უნდა შეეძლოს შენი ცოდნის, შენი აზრის დანახვა და გაგება, გონებრივი სიბრმავე ორთავ თვალის სიბრმავეზე უარესია; გონება ბნელი ადამიანი დაბალი სულის მატარებელია, მის სულში ადვილად იბუდებს ბოროტება და დანაშაულობა; მეორე მტერი ხალხის ეს ხომ სილატაკეა, როცა მარჯვენათი სილატაკეს შევებრძოლებით და მარცხენათი უცოდინრობას და გავიმარჯვებთ მაშინ ჩვენი ერი გამოვა საუკუნებრივი გაჭირვებიდან, ვერც გარეშე მტრები ითარეშებენ ჩვენს ქვეყანაში, სილატაკეზედ ამბობდა გოეთე: „კანონი ძლიერია, მაგრამ გაჭირვება მასზე უფრო უძლიერესი“. ამის თქმაზე ლეისტმა გაიღიმა და ილიას თვალეში ჩააცქერდა და აღტაცებულმა თქვა:

– ჩვენი გოეთე... გოეთე, დიდებული გერმანელი, უნივერსალი, ფილოსოფოსი, დიდი პოეტი, პოლიტიკოსი, მედიკი ვინ არ იცნობს მას ევროპაში, ბერლინში, ლეიპციგში, ბონში, პარიზში, ლონდონში, რომში.

ამ დროს ღვინით სავსე საშუალო ჭიქა აიღო შემდეგი სადღეგრძელო წარმოსთქვა: თუმცა ღვინოს ოდნავ მოსვაედა და ისევ დადებდა მაგიდაზე.

– ამ სასმისით ვადღეგრძელოთ იმ დიდი ადამიანების იდეები, მათი ხსოვნისათვის რომლებმაც კაცობრიობის ბედნიერი მომავლისათვის უხვად დაგვიტოვეს თავიანთი ბრძნული გონების ნაყოფი და დღეს მათ მიერ თელილი გზით კაცობრიობის კულტურა, მეცნიერება–ტექნიკა ჩქარი ნაბიჯით მიიწევეს წინ კაცობრიობის სასარგებლოდ, მათ უნდა უმადლოდეთ, ბატონო არტურ თქვენებური არ იყო ლეიბნიცი, რომელმაც მოხდენილად თქვა: „ანმყო შობილი წარსულისაგან არის მშობელი მომავლისა“ – აბა როგორ გამოითქმის ეს გერმანულად, ლეისტმა დაუყოვნებლივ გაიმეორა ლეიბნიცის სიტყვები გერმანულად, როცა ქართული თარგმნის განმეორებას შეუდგა ილიას დახმარებით გაუჭირდა „ანმყოს“ თქმა.

მოულოდნელად ტიტკო სტაროსელსკიმ შეეკითხა ილიას.

– ილია გრიგორიჩ... თქვენი აზრით, ქართველი ახალგაზრდებიდან (ტექსტში შესწორებები არ შეგვაქვს, -ნ.გ.) ვინ მიგაჩნია კარგი ორატორი, კარგი მომზადებული, განსაკუთრებით პოლიტიკური მოღვაწეებიდან?

ილია ჩაფიქრდა და არც ისე დაყოვნებით უპასუხა-დინჯად.

– ასეთია აკაკი წერეთელი, რომელსაც ჯიბიდან სიტყვების ამოღება არ ესაჭიროება და აქვს სწრაფი და მოქნილი აზროვნების უნარი, თუმცა მის აზრებს მე ყველას როდი ვეთანხმები, მაგრამ კაცსა, რაც კარგი თვისება და უნარი გააჩნია მის ხაზგასმაზე გვერდის აქცევა რიგიან კაცს ურიგოდ ჩაეთვლება.

– მწერლობაში და პოეტებში რას გვეტყვი, რომ შენზედ არაფერი ვსთქვათ-შეეკითხა ზაალ ჭავჭავაძე.

– პოეტების გვირგვინი აკაკის ეკუთვნის, ნიჭიერია ჩვენში ვაჟაც, მაგრამ მისი კუთხურობის კილო ზოგიერთ ქალაქელებს არ მოსწონს. ვიტყოდი რომ ნიკოლოზ ბარათაშვილი ბაირონს აჯობებდა, რომ იგი დიდი ერის შვილი ყოფილიყო, მეტად დაცლოდა და თავისუფალი წერის საშუალება ქონოდა.

ზაალ ჭავჭავაძე, ტიტკო სტაროსელსკი და ორივე მათი მხლებელი (თავადი ციციშვილები) ოდნავ შეზარხოშდნენ, გამრიელმა საჭმელებმა, საუკეთესო ღვინომ მიმზიდველობის ძალა უჩვენა. ოდნავ ღიღინით წამოიწყეს რუსულ ტექსტზე „ალავერდი“. ილიას მისთვის ყურადღება არ მიუქცევია, რადგან სიმღერა და ცეკვა მისთვის თითქოს უცხო იყო, არასოდეს საგურამოში ყოფნისას მი-

სი სიმღერა ან ლილინი არ გამიგონია- შესაძლებელია ეს ასაკობრივი მდგომარეობით ან არასახარბიელო ჯანმრთელობით იყო გამოწვეული.

ილია საერთოდ თვალს არიდებდა ქათმის ან ბატკნის დაკვლას, რადგან ასეთი სურათი მასზე ცუდ განწყობილებას იწვევდა და იგი ხშირად იტყოდა:

- ღმერთმა ყოველივე სულდგმული სიცოცხლის უფლებით აკურთხა და არ არის სამართლიანი სიცოცხლე წავართვად, ღმერთის ბოძებული სიცოცხლე, უმწეო და უდანაშაულო ცოცხალ არსებას, უსამართლობის სათავე და ძალმომრეობის სანყისი წყარო ადამიანში აქედან იწყება, აქაო და რომელ სამართალზეა ლაპარაკი, როცა ჩემი კუჭი უნდა გამიძლოს, აბა ერთი რა სამართალია, ოჯახში გაზრდილმა ძროხამ, რომელმაც გლეხს 5 შვილი რძით გამოუზარდა, ბოლოს დამსახურებისათვის ყასაბს მიუყვანენ დასაკლავად.

ილია იყო დიდი ჰუმანისტი, და შეიძლება ითქვას, ძლიერი თანამგრძნობი და შემცოდე, სენტიმენტალური მგრძნობელობის ამყალი. მახსოვს ერთხელ ქერივი ქალი მოვიდა, მოიყვანა 5 წლის ბიჭი, გამხდარი, გაყვითლებული.

- ბატონო ილია-არც ხატმა მიშველა, არც ღმერთის ვედრება, ეს ბიჭი მეღუპება, შენ უნდა მიშველო, დამეხმარო, ეხლა შენა ხარ ჩემი ღმერთი, ჩემი მონყალე.

- კარგი, კარგი, მოკლედ მითხარი, რა სენი აქვს ამ ბიჭუნას.

- მცხეთაში მყავდა ფერშალთან და მითხრა, რომ აქა მშვიდობა იყოს და „ჩიხოტკა“ გაჩენიაო.

- წავიყვანოთ ტფილისში, იქ ექიმებთან მიდი, ნამლებს მოგცემენ და დაგარიგებენ, შემდეგ თიანეთში წაიყვანე ან ფშავეში, თუშური ძროხის რძე ასვი... ასე დანარჩენს ექიმები გეტყვიან.

- რითა შენი ჭირი მე შემეყაროს, აბაზიანიც კი არა მაქვს.

- აი 30 მანეთს გაძლევ. შემდეგ კიდევ მოურავს დავავალე რომ სურსათით დაგეხმაროს.

ილიამ საფულე გახსნა. 1 ოცდახუთიანი და 1 ხუთ მანეთიანი გადასცა. ოცდახუთმანეთიანზედ მოსჩანდა იმპერატორ ნიკოლოზ მეორეს მამის სურათი მოთეთრო ფონზე.

გახარებული ქალი ილიას ფეხებში ჩაუვარდა, სიხარულისაგან დაემხო მის წინაშე. ამაზე ილია გაუჯავრდა.

- ყოველივე ეს რა საჭიროა ქალო, დროს ნუ კარგავ, ყმანვილს ეხლავე მიხედე, ამას ძლიერი კვება უნდა. გამოუტანეს ერბო, კა-

რაქი, 30 ცალი კვერცხი, 3 ლიტრამდე თაფლი და 10 შოთის პური და კალათაში ჩაუნყვეს ქალს. აი, როგორი თანამეგობარი იყო გაჭირვებაში მყოფი ადამიანის ილია, – ამ სურათის მონმე მე ვარ.

– თედო მომიყვანეთ, სად არის-თქვა ილიამ.

– აქა ვარ ბატონო!

– ეხლავე ეტლში ცხენები გაუბი და ეს ქალი და ბავშვი ამ საათში მცხეთაში ჩაიყვანე, რომ მატარებელს მიუსწრონ.

– კი ბატონო, ეხლავე- უპასუხა თედომ, ილიას შეეტლემ.

ასეთივე უსაზღვროდ კეთილი იყო ოლლა, იგი მე მპირდებოდა ქმართან ერთად პეტერბურგში წაგიყვან და მის შესანიშნავ სანახაობას დაგათვალეიერებინებო, აგრეთვე ილია, მე და ჩემს ქმარს გვპირდებოდა, რომ სათავადაზნაურო ბანკიდან სოლოლაკში 12 ოთახიან ბინას გამოგატანიებ და 25 დესეტინა მამულს შეგაძენიებო გურამიანთ კარში, ან მუხრანშიო. მე, როგორც ახალგაზრდა დედას, ჩემი ოჯახის მომავლის ეკონომიკური ბაზის შექმნისათვის დიდი იმედით შევეყურებდი ილიას და მისი მეუღლის დაპირებას და იგი ამას შეასრულებდა, რომ დაცლოდა.



ერთ კვირა დღეს ილიას სახლის ეზოში მოვიდა მოხუცი კაცი, ხელში სახრე ეკავა და მოურავი იკითხა, როცა მასთან მივედით მოსალაპარაკებლად, მან მოითხოვა ილიას ნახვა, მასთან სათხოვარი მაქვსო, მაინც რა გნებავსო, რომ შევეკითხეთ, მან გვიპასუხა, რომ ჩემი შვილია ტყეში გავარდნილი მემარნიშვილის მკვლელობაზე და თავდებში შვილი მაჩუქოს, რომ სახლში ღამის გათევა შეეძლოსო.

ილიას უკვე მესამე სართულის აივნიდან გაეგონა მისი საუბარი და მოულოდნელად გამოგვიძახა:

მაგას გადაეცით, რომ ილია ჭავჭავაძე კაცის მკვლელს, ბოროტს და ავაზაკს თავდებად არ დაუდგება და ტყვილა ამ საქმეზე ნუ ირჯებაო.

ილიას პასუხიც მოხუცმა კარგად გაიგონა, შებრუნდა და ბუზღუნით წავიდა იქით, საიდანაც მოვიდა. ილიას ასეთი პასუხისათვის მართლაც ჰქონდა საბაბი, რადგან ამ მოხუცის შვილმა წამებით მოკლა წინანდელი მოურავი მოსე მემარნიშვილი მის ცოლთან ერთად „ოქრო სად გაქვთ დამარხული გვითხარიო“, ისინი კი არწმუნებდნენ, რომ არავითარი ოქროს ფული არ გვა-

ქვს დამარხული და სულ 500 მანეთი ქალაღდის ფულია და წაიღეთო.

როგორც ილია, ისე მეუღლე ძალიან თანამგრძობი იყვნენ გაჭირვებაში მყოფი ადამიანების მიმართ, მაგრამ ილია კაცის მკვლევებს, მოძალადეებს კანონის მიხედვით პასუხობდა.

თავის დროზე, შესაფერ მომენტში ილია გულისხმობას და დიდ გულკეთილობას იჩენდა; მაგალითისათვის მე შემიძლია დავასახელო მაგალითი, როგორც უშუალო მოწმემ მოძღვრიშვილისადმი დიდი პატივისცემის, მან მისი მოსამსახურე მოძღვრიშვილი პატიოსანი სამსახურისათვის დაასაჩუქრა ორი დესეტინა მიწით და 300 მანეთი ფულით. ღარიბი გლეხი წელში გაიმართა, სახლი აიშენა, ცხენი იყიდა; უღელი ხარები და ჯამაგირი ქონდა წელიწადში 100 მანეთი და უფასო ჭამა-სმა. სამწუხაროდ ეს მოძღვრიშვილი აიძულეს ახატინის ქურდ-ყაჩაღებმა ინაშვილმა, ბერბიჭაშვილმა ჩაეთრიათ ილიას მკვლელობაში წინამურის გზაზე. გამიგონია მაშინდელი საგურამოელი გლეხების თქმა: სიკეთისათვის სიკეთე ვის გაუკეთებიაო, სწორედ ზედგამოჭრილი იყო მოძღვრიშვილზე.

ილია ბევრ საგურამოელ გლეხს ეხმარებოდა სურსათით, შეშით, პირუტყვსაც აძლევდა მოსაშენებლად. ილიაობის დღეს, როგორც გადმოცემენ, საუკეთესო სუფრას უწყობდა და საჩუქარს აძლევდა გლეხობას.

ილია იყო სამართლიანი კაცმოყვარე, ქართველი ერის დიდი მოყვარული და მოსარჩლე, ყველა ქართველის წარმატება მას ახარებდა. იგი იყო საუკეთესო მრჩეველი მეგობრების, საგურამოელი გლეხების უფასო ადვოკატი, უწერდა ბევრს საკასაციო საჩივრებს და თხოვნებს. მის დანერილს ყურადღებას აქცევდა ადმინისტრაცია და სასამართლოს ორგანოები. ამისათვის ყველას სურდა ილიას დანერილი თხოვნა ან საკასაციო საჩივარი წარედგინა სასამართლოში. მაგრამ იგი იყო თავისებური პრინციპის და საქმეს თუ სიმართლის მხარე ეკავა აუცილებლად გაიმარჯვებდა. მას არ ახასიათებდა უკან დახევა და შეუპოვარი ბრძოლის უნარი ჰქონდა.

იმ დროისათვის უკვე 70 წელს მიღწეულზე ავბედის წყალობით თავის სიცოცხლეს ეთხოვებოდა და საუკუნო-უკუნეთში მიდიოდა, საქართველოში მისი ავტორიტეტის ტოლი პიროვნება არ მოიპოვებოდა. თუმცა ათჯერ უფრო მეტი მდიდრები იყვნენ მასზე, მაგრამ მათ ავტორიტეტს საზოგადოებრივი წონა არ ჰქონდა, ისეთი, როგორც ილიას. არავის მე-19 საუკუნის ქართულ

ინტელიგენციაში იმდენი საზოგადო ღვანლი, დამსახურება არ მიუძღოდა, როგორც ილიას, განსაკუთრებით პრესის, ლიტერატურის, სამეურნეო საკითხებში და საგანმანათლებლო საქმეში. იგი იყო ჩვენი ერის დიდი ადვოკატიც, საქართველოს მთლიანობის მომხრე და ჩვენი ისტორიის და კულტურის დიდი დამცველი, იანოვსკების ლახვარის ჩამცემი, სომეხ შოვინისტების გამამათრახებელი და საქართველოს ბედნიერი მერმისის დიდი წინამძღვარი.

ჩემი სიცოცხლის მანძილზე მუდამ მახსოვდა ილიას დიდი დამსახურება გურიის გადარჩენისათვის. მეფის გენერალის ალიხანოვ-ავარსკის მხეცური დამსჯელი ექსპედიცია გურიაში, რომელიც პირდაპირ გენოციდს ითვალისწინებდა გურული ხალხის წინააღმდეგ და დაგეგმილი იყო სრული ფიზიკური განადგურება გურიის სამი რაიონის. ალიხანოვმა დაიწყო ნატანებიდან გურული გლეხების სახლ-კარის გადაწვა. სალდათები იცინოდნენ ისლიან სახლის დანვაზე „ეს პირდაპირ ძალზედ ადვილია დასაწვავად“. როცა ამ შემზარავმა ამბავმა თბილისში ჩამოაღწია, ალიხანოვს უკვე სოფელ მერიამდე სახლები ცეცხლისათვის მიეცა. ილია ჭავჭავაძემ დიდი შთამაგონებელი ტელეგრამით მიმართა რუსეთის იმპერატორს ელვა დეპეშით. პეტერბურგში იმპერატორის ბრძანებამ აიძულა ალიხანოვი შეჩერებულიყო გურიაში და ამით მთელი გურია გადარჩა 1905 წელს, მათ შორის ჩემი მშობლების და უახლოესი ნათესავების სახლ-კარი სოფელ ბასილეთში. მხოლოდ ილიას შეეძლო იმპერატორი ასეთ საბედისწერო დროს დაერწმუნებია ამ ბარბაროსული მოქმედების შეჩერებაში და ამით მან დაამტკიცა მთელი ქართველი ერის დიდი მოამაგის და ქომაგის სახელი. ამ დროს ილია გურიის ხალხს პირდაპირ მფარველად მოეწვინა და მისი მოქმედება და გამჭრიახობა ძნელი შესაფასებელია.



ავისტოს დასაწყისში ილია თბილისიდან ახლად დაბრუნებული იყო. სანამ სადილს გავანწყობდით, სანოლზე ისვენებდა. თბილისიდან ჩამოსული ორი კაცი ახლდა და მეორე სართულის აივანზე საუბრობდნენ. ერთ-ერთი მათგანი იყო იაკობ გოგებაშვილი. სოფიო უნდილაშვილის ქალმა მითხრა, რომ მზარეული სარდიონი ნამდვილ სასტუმრო სადილს ამზადებს და საათიც კი არ დაჭირდება სუფ-

რის გაშლასო. მებაღემ მთელი ქალათი პამიდორი, კიტრი, ტარხუნა, მწვანილი მოიტანა და აქ ვნახე დიდი პედაგოგი იაკობ გოგებაშვილი პირველად, რომლის „დედა ენა“ მართლაც აღმზრდელი იყო ქართველი ბავშვების. ილია და იაკობი რალაცაზე კამათობდნენ, მეორე კაცის გვარი არ დამამახსოვრდა, ლაპარაკი რუსეთ-იაპონიის ომის შედეგებზეც ჩამოვარდა. მოულოდნელად მესამე პირმა ამბავი ვანო მაჩაბელზე ჩამოაგდო.

– ეს ჩვენი ვანო, დიდად განათლებული კაცი ცამ ჩაყლაპა თუ მიწამ არ ვიცით – ნამდვილად წარმოსთქვა იაკობმა და განაგრძო – ნეტავ ისე მომკვდარიყო, რომ ქართველ ხალხს მისი საფლავი ქონოდა მაინც.

– ამოდენა კაცი ნემსივით დაიკარგა – დაუმატა მეორე სტუმარმა. რას არ მიედებ-მოედება ხალხი, რას არ ჭორაობენ, ზოგი რას ამბობს და ზოგი რას.

ილია სანოლიდან წამოდგა, საგურამოს ფერდობს გადახედა, შუბლი მოიწმინდა ოფლისგან და დინჯათ თქვა:

– როცა ხალხს საბუთი არ აქვს, საბუთებს ჭორებში ეძებენ, ზოგს გველის სისინი ბულბულის სტყვენად მიაჩნია, ზოგს ყვავის ჩხვილი იადონის გალობად.

მიუხედავად ილიასა და ვანო მაჩაბლის დიდი უთანხმოებისა სათავადაზნაურო ბანკის შესახებ, სადაც ეს ორი დიდი ქართველი დაეტაკნენ ერთმანეთს ილია განიცდიდა დიდ წუხილს და სევდას ვანოს დაკარგვის გამო, როგორც შემდეგში მსმენია, მწერალ ცახელისა და ია ეკალაძისაგან, რომლებიც ჩვენში ოჯახის სტუმრები იყვნენ ხშირად მთანმინდაში გოგებაშვილის სახლში, ვეძინსკის ქუჩაზე. ვანომ ბანკის ორგანიზაციულ მუშაობაში და მისი ოპერაციის წარმატებაში კიდევაც აჯობა ილიასო, მაგრამ მან ილიას ვერ დასძლია მისი საზოგადო და სამწერლო დიდი წონის ავტორიტეტის გამო და შეიძლება ვანომ ზედმეტი თავმოყვარეობის გამო თავის თავს ულმობელი განაჩენი თვითონ გამოუტანა და ადიდებულ მტკვარში დაიხრჩო თავიო.

მე ოლლასაგან ხშირად გამიგონია, რომ ილია ვანოს მოგონებას ძალზედ განიცდიდა, ილიას უთქვამს მე რომ მას წყალწაღებული დავენახე, ან მე დამენახა ჩვენ ერთმანეთს მაინც მივეშველებოდითო პეტერბურგელი მეგობრები, ჩვენ გვქონდა სადავო მხოლოდ ვინ უკეთ წარმართავდა ქვეყნის სამეურნეო საქმეს, მე ჩემი გამოცდილების მჯეროდა, ვანოს მისი ცოდნის და ასეთი რამ თუ მოხდებოდა ამას ვერ მოველოდიო.

იაკობმა იცოდა, რომ ილიას გულს უმძიმებდა ვანოს ამბავი და უეცრად საუბარი ამინდის შესახებ გადაართო.

– ეს ერთი კარგი წვიმა ჭირნახულს მონათლავს... არა მკათათვეს ვერ დავენდურებით, მოსავლის აღება კარგად აცალა გლეხობას, მართალია ილია გრიგორიჩ რომ შიგა კახეთს სეტყვა დაატყდა თავს?

ყვარელს ვენახები დაზარალდაო? – შეეკითხა იაკობი.

– ილიამ მცირე პაუზის შემდეგ უპასუხა.

– ზარალი არის, მაგრამ არც ისე დიდი აქა იქ ჩაკრა სეტყვამ და სეტყვის მარცვალის დიდი არ ყოფილა.

– მადლობა ღმერთს, თუ მშრომელი კაცის ნაშრომს ღმერთმა მადლის თვალი მოავლო – თქვა იაკობმა.

– მეორე დღეს დილით ათ საათზე ერთმა საგურამოელმა ილიას სანადირო ძალლი მოუყვანა, რომელიც ერთი თვე დაკარგული იყო. ილიას ძალიან გაუხარდა, ძალს მოეფერა.

– სად იყო ეს ჩემი ძალლი?

– არაგვის პირას ვიპოვე და როცა მითხრეს ილიასი არისო მოგიყვანეთ. ილიამ ქალაღის 5 მანეთიანი ამოიღო და ძალლის მომყვანს მიაწოდა.

– აი ესეც შენ და მადლობა მომიხსენებია – ჩემი ძალლის მონახვისა და მოყვანისათვის.

– დღეგრძელი იყავით ჩემო ბატონო და დიდი მადლობა.

– მაშ რადგან ჩემი დღეგრძელობა გინდა, ეგ სიტყვა, რომ ენაზე არ გაგიშრეს ერთი ჭიქა ღვინო დაგვიღიე.

მოსამსახურე ქალმა მოიგანა ღვინო, ყველი, ცხელი შოთის პური თორნედან და უცებ სუფრა გაიშალა – კაკლის ხის ძირში.

ძალლის მომყვანს უნდოდა რაღაც ეთქვა ილიასათვის, მაგრამ ვერ გაუბედა, როცა მესამე ჭიქა გამოცალა, გაბედულობის ქულა შეემატა და უთხრა:

– ჩემო ბატონო ერთი კი მაქვს სათხოვარი თქვენთან, მაგრამ ვერ გამიბედა, რომ გითხრა და გთხოვო.

– თქვი რა გინდა, რისი გეშინია? – უპასუხა ილიამ

– აი იმისა თუ უარი მითხარით!

– მაინც რა გაქვს სათქმელი?

– მე ბატონო ილია მანჯურის ფრონტზე ვიბრძოდი, 3 წლის წინ იაპონიის ომში და ორი ჭრილობა მაქვს, მარცხენა ხელ – იდაყვი ვერ ვმართავ და ერთი თქვენი მადლიანი „პრაშენია“ მინდა, რომ დამინერო იქნებ 15 მანეთი პენსია მომცენ ან რამდენიც მეკუთვნის.

– ბიჭო, შენ იაპონელებს ებრძოდი მანჯურიაში და იმის არ შეგშინებია და ჩემი შეგეშინდა, მაგ საქმეზე თუ გინდა აი იაკობიც აქ არის და ის დაგინერს „პრაშენიას“.

– არა თქვენი ჭირიშე, სად თქვენი კალამგასმული ქალაქი და სად უბრალო „უჩიტელის“ დანერილი.

– ბიჭო, შენ იცი ეს იაკობია?

– აბა რა ვიცი, მაგრამ მე ის კი ვიცი, რომ მთელი დუშეთის მაზრაში თქვენისთანა „პრაშენიას“ დამნერი არ მოიპოვებო, მეორეც თქვენს დანერილს ისეთი ძალა აქვს, რომ არ მეკუთნოდეს, რა მანც საქმის გაჭრის ძალა აქვს.

ილიას გაელიმა და იაკობს შეხედა, იაკობსაც გაეცინა.

– ხო კარგი, კარგი, დღეს სტუმრები მყავს ხვალ და ამ დროს მოდი. შენი თეთრი თუ ლურჯი ბილეთი მომიტანე და მე დაგინერ „პრაშენიას“.

– დიდი მადლობელი ვარ ჩემო ბატონებო, დიდხანს მიცოცხლოს ღმერთმა თქვენი თავი, დიდი მადლობა პურმარილისათვის, – მოახსენა ილიას და ჩქარი ნაბიჯით დაღმართზე დაეშვა ნასაღდათარი, გვარი არ მახსოვს მისი.

აი, ასეთი იყო ილია, დიდთან დიდი, პატარასთან პატარა და ადამიანის დიდი თანამგრძობი, მას უთქვამს, რომ ვინაიდან ჩვენ ყველანი ადამის მოდგმისა ვართ, ჩვენც ყველა ადამიანს ადამიანურად უნდა მიუდგეთო...

მაგრამ სულ სხვა იყო სტაროსელსკის ოჯახი. სტაროსელსკის ერთ ვაჟს ცოლად ყავდა ებრაელი მდიდრის ქალიშვილი, რომელიც ცნობილი იყო თავისი კაპრიზებით. ამ ებრაელის ქალს გლეხებთან ავზნეობისათვის არ ელაპარაკებოდა ილია, არც მის ოჯახში დადიოდა. სტაროსელსკის ცოლი ნებას არ რთავდა საგურამოელ გლეხებს სახლის წინ ქუჩიდან გაეელო 12 საათამდე, რადგან ამ დრომდე სახლს მზე ადგებოდა და სტაროსელსკის ცოლს ფანჯრები ღია ჰქონდა, ხოლო 12 საათის შემდეგ ე.ი. როცა ფანჯრებს დაკეტავდა, მაშინ გლეხებს შეეძლო გავლა ქუჩაში სახლის წინ. ცუდად ჩაცმულებს და ბინძურებს ვერ ვიტანო ამბობდა სტაროსელსკის ცოლი, ხოლო ამ „კანონს“ საგურამოს გლეხობა ზუსტად ასრულებდა. ილია ამ საქციელს უწოდებდა ზნეობრივ შემლილობას.

ის იყო დიდი დემოკრატი, სასტიკი მტერი უსამართლობის, დიდი მოყვარე სამართლიანობის, მაგრამ ყოველივე მისი ხელით უსამართლობის აღმოფხვრა მარტო, ის როგორც იტყვიან „ერთი მერცხლის ჭიკჭიკით გაზაფხულს ვერ მოიყვანო“. მიუხედავად ამისა მის წინა-

აღმდეგ წერდნენ ბევრს თავიდან ბოლომდე მოგონილ ცრუ ბარლდეებს, ცილს სწამებდნენ და ილიას ლანძღავდნენ, როგორც ვეისს უთქვამს: „უპირველესი იარაღი შურისა ცილისწამებაა, როგორც სულმდაბალი კაცის მკვლელი“, მაგრამ ილიას ცილისდამწამებელნი სტყუვდებოდნენ იმაში, რომ ილია სულმდაბალი არ იყო და გამანადგურებელ პასუხს აძლევდა მათ პრესაში.

მახსოვს ერთხელ ჩემს ქმარს საგანგებოდ დაავალა.

— წადი, აი იქ იმ ხის ძირას, ცივი წყარო მოჩუხჩუხებს და ამ კოკათი-წყალი მომიტანე და დავლიოთო.

დაუყოვნებლივ წავიდა დიმიტრი კოკათი. სულ 120 მეტრი იქნებოდა მითითებულ ხემდე, მაგრამ დაბრუნდა გაოცებული და ილიას შოახსენა:

— ილია გრიგორიჩ, იქ არავითარი წყარო არ არის, ტყეა მხოლოდ, ილიამ გაიცინა და უთხრა:

— ხო და მე ბრალი დამდეს პრესაში, რომ თითქოს იმ წყაროს წყალს არ ვაძლევდი გლეხებსო. ეხლა შენი თვალით ხომ დარწმუნდი, რომ არავითარი წყარო არ არის იქ და არც აკრძალვა შეიძლება. ვინ რას სწერს, რომ გროშები აიღონ და ცილი დამწამონ — ნერვები მომიშხამონ.

განსაკუთრებით სასტიკად გალანძღა ილია ერთ დროს იროდიონ უჯდოშვილმა, მასხარადაც აიგდო და ამ ჩვენი ერის დიდ ბურჯს, წინამძღოლს, მფარველს ბაყ-ბაყ მდევი უწოდა. და სრულიად დაუმსახურებლად გლეხის ჭამია ფეოდალიც კი უწოდეს, რაც სინამდვილეს სრულიად არ შეეფერებოდა და აშკარა მონაგონი რამ იყო. მახსოვს ერთხელ ამაზე ზაალ ჭავჭავაძემ უთხრა ილიას ვახშამზე:

— კი, მაგრამ იროდიონ ხოსიტაშვილმა ბოდბის ხევში სხვა ვერაჭინ ნახა მასხრად ასაგდები და გასალანძლიო, რალა შენ მოგადგა — ჭხეც შენი „ზემლიაკი“ — კახელი. ამაზე ილიამ ასე უპასუხა:

„როცა კაცს მკვახე და ჯერ კიდევ უმნიფარი ჭკუა აქვს ამას მისი ენის სიმწრით გამოიცნობო“. ამის თქმაზე ყველას გაეცინა, ზ. ჭავჭავაძეს ხით-ხითი აუვარდა. ილიას არ გაუცინია და სალათას შეექცეოდა. ბოლოს ზ. ჭავჭავაძემ უთხრა:

— ილია გრიგორიჩ, ისეთი პასუხები იცი, რომ უპასპორტოდ რომ სადმე მოხვდე და შენს ვინაობას ეძებდნენ, შენი აზრით და სიტყვით მიხვდებიან, რომ შენ ნამდვილად ილია ჭავჭავაძე ხარო. ამაზედაც სიცილი გაისმა, მაგრამ ოღლამ იკითხა, რაზედ იცინითო.

ზ. ჭავჭავაძემ აქაც იხუმრა და ოლლას მიუახლოვდა და ყურში ჩასძახა.

– ხვალ ცაგარელის ქალი უნდა გვესტუმროსო – მოატყვილა.

– ოი, ბოჟე მოი, – თქვა ოლლამ. ახალგაზრდობაში ილიაზე და ცაგარელის ქალზე ეჭვიანობდა სულ ოლლა და მისი გახსენება ნერვებს უშლიდა. მართლაც შემდეგში იროდიონ ევდოშვილმა მწარედ მოინანია მისი ლანძღვანი ილიასადმი.

ერთხელ, როცა სასამართლო პროცესიდან ჩამოვედით გოლოვინსკის პროსპექტზე, ლალიძის ნყლის მაღაზიის კუთხეში შემხვდა და მითხრა იროდიონმა:

– ილიას სასიკვდილო ტყვიამ მეც გამიარა გულში და მონანიება, თუ საქმეს შველის, მე დამხობილი უხდი ბოდის ილიას მის საფლავზეო. ამის მონმე იყო ჩემი ქმარი, იოსებ იმედაშვილი და სხვები.

ექვსი მარიობისთვე იყო ძველი სტილით, მარიობის დღესასწაულზე მოდიოდნენ მცხეთის ტაძარში. თედომ ცხენები შეაბა ეტლში (მისი გვარი ლაბაური იყო). მე ახალი კაბა ჩავიცვი, ქალბატონი ოლლაც გამოვანწყვე, სოფიო უნდილაშვილიც ჩვენთან წამოვიდა, ერთი სტრაჟნიკი გამოგვაყოლა შეიარაღებული ჩემმა ქმარმა. ილია, ჩემი ქმარი და ზ. ჭავჭავაძე სახლში დარჩნენ. მცხეთაში ჩავედით. ტაძართან დიდძალ ხალხს მოეყარა თავი. მცხეთის მაღაზიაში შევედით, რომელიც კერძო პირს ეკუთვნოდა. თუმნიანი დაახურდავებინა, მეც სამამანეთიანი დავახურდავე და პირდაპირ ტაძრისაკენ გავემართეთ, საიდანაც მშვენიერი საეკლესიო გალობა ისმოდა. ოლლამ და მე ძლივს გავარღვიეთ ხალხის შეჯგუფება. ხვთისშობელ მარიამის ხატს ვემთხვიეთ, ოლლამ ათმანეთიანი ოქროს ფული შესწირა ხატს, გალობა მოვისმინეთ, გამოვბრუნდით და დახურდავებული თუმნიანი – ზოგს ათ შაურიანი, ზოგს აბაზიანი ჩამოურიგა ეკლესიის მათხოვრებს ოლლამ. შეჩერდა ერთ ბრმასთან, სამ მანეთიანი ჩაუდო მუჭში, მეც მანეთიანი ვაჩუქე, გაისმოდა ჩვენს მიმართ ლოცვა და მადლიანი სიტყვები საჩუქრებისათვის.

გზაში ოლლამ მითხრა:

– წმინდა მარიამის ხატს შევევედრე ჩემი-ილიას ჯანმრთელობა და სიცოცხლე. მის შემდეგ ჩემი სიცოცხლეს გაქრება და არც მინდა ვიცოცხლო. თედომ ეტლი სამიკიტნოს წინ გააჩერა და ცხენების მოსართავს დაუწყო სინჯვა.

– რათ გააჩერე, ოლლამ უთხრა.

– ისე, რა, ცხენების მოსართავეებს ვამონმებ.

მაშინ ოლლამ მითხრა, მაგას სმა უყვარს და თუ არ დალია, არ იქნება, ფული არ აქვს ალბათ და აი ეს მანეთიანი მიეცი და დალიოს მაგანაც და სტრაჟნიკმაც. მე თედოს დაუძახე, მომიახლოვდა და უთხარი:

– რალა ამ სამიკიტნოსთან გააჩერე, აი მანეთიანი ქალბატონმა მოგართვა და ორთავემ დალიეთ, მხოლოდ ჩქარა გამოდით, თანაც ბევრი არ დალიოთ.

– რას ნუხდებოდა ქალბატონი – ფული საჩქაროდ გამოართვა და „კოზლადან“ ჩამოახტუნა სტრაჟნიკი და თოფიანად და ფალიასკებიანად სამიკიტნოში შევიდნენ. დალიეს, მართლაც 5 ნუთში გამოვიდნენ და ორი შეხვეული ვარდისფერი შაქრის „ყინული“ გადმოგვცეს.

– ასე ტკბილად, გემრიელად გაცოცხლოთ წმინდა მარიამმა, გვითხრა თედომ.

ოლლას გაეცინა და უთხრა:

– გარეკე ცხენები, სადილობის დროც მოვიდა, ილია გველოდებოა. მართლაც მალე დავბრუნდით, ჩემი პატარა გოგონა ხელში ეკავა ჩემს მულს ნატალია ჯაშს და ჭიშკართან დამახვედრა. ოლლამ ბავშვი ჩაკოცნა და მერმედ მე გადმომცა.



ერთ დღეს ღამის 10 საათზე დიმიტრი შემოვიდა და რალაც წერილს ალელვებით კითხულობდა. მე ბავშვი ახალდაძინებული მყავდა. დაუყოვნებლივ შევეკითხე წერილი სოფლიდან ხომ არ არის, ხომ მშვიდობაა... იქნებ შენ რამეს მიმალავ, მაგრამ წერილი მე არ მაჩვენა და ილიასთან მოინდომა ასვლა მესამე სართულზე. მე გზა გადავულობე და უთხარი: ეხლავე მითხარი რა ამბავია, წერილი წამაკითხე.

– ეგ შენ არ გეხება – მიპასუხა.

– აბა ვის ეხება.

– მე მეხება და ილიას.

– მერე? შენ თუ გეხება, მე არ უნდა ვიცოდე?

დაბნეული, ფერმკრთალი მაგიდას მიუჯდა და ისე კითხულობდა, კოლოფიდან პაპიროსი ამოიღო და ნევა დაიწყო. ოთახში მიდიოდ–მოდიოდა, ალელვება ეტყობოდა, მაშინ მიუახლოვდი და წერილი გამოვტაცე ხელიდან.

წინააღმდეგობა არ გაუწევია და წერილი წავიკითხე, რომელიც ძალიან მოკლედ იყო დანწერილი. შინაარსი ასეთი იყო:

მოურავ ჯაშს! სამი დღის განმავლობაში თუ არ დაგიტოვებია ილია ჭავჭავაძის სამოურავო მამული და სახლი, შენ ის დღე მოგელის, რაც პირველ მოურავს და მის მეუღლეს მოუვიდა.

წერილი იყო ანონიმური და ხელს აწერდნენ ვიღაც „ტამოყნის მუშები“, რაც აშკარად არავითარი მუშური ორგანიზაციის არ იყო. ეს იყო ისევე ვანო ინაშვილის და ბერბიჭაშვილის შანტაჟი, რაც სასამართლო პროცესზე გამოიჩვენა შემდეგ.

– ეხლავე აუტანე ილიას – ვუთხარი დიმიტრის. მას პასუხი არ გაუცია, თმა გადაივარცხნა და წავიდა ილიასთან ზევით, რომელსაც გადასცა ეს წერილი. ილიას წაუკითხია და უთქვამს:

– არაფერია, დიმიტრი სოფრომიჩ, აქაური ქურდ-ყაჩაღების ოინებია. ამისთანა მუქარები ათიოდე მეც მივიღე. აი ოთხი სტრაჟნიკი გყავს აქ. ვერავინ ვერაფერს გაბედავს – უთხრა დიმიტრის.

მთელი ღამე თეთრად გავათენეთ, არ გვიძინია. მე ვუთხარი დიმიტრის:

– წავიდეთ თბილისში, თორემ იქნებ ჩვენც ისე მოგვკლან, როგორც პირველი მოურავი და მისი ცოლი.

– მაშინ სტრაჟნიკები არ ყავდა ილიას, ეხლა კი სულ სხვა მდგომარეობაა.

– არა, აქ ისეთი მხეცი პირები არიან, ხომ გახსოვს, ძროხას და ჯორს როგორ მხეცურად მოექცნენ, როგორ უნამებიათ მოურავის ცოლი. თუ შენ არ წამოხვალ, მე ხვალ ბავშვი მიმყავს და მივდივარ. დიმიტრი ჩაფიქრებული იწვა, პაპიროსს აბოლებდა, ჭერს არ ამორებდა თვალებს.

მესამე დღეს პურის მცხობელი სოფიო უნდილაშვილის ქალი მოვარდა ჩემთან შეშინებული და შეშფოთებული და ასე უთხრა:

– ქალბატონო, ახატანში ვიყავი და ეს რა გაიგონა ჩემმა ყურებმა. იქაურ ბიჭებს ილიას სიკვდილი ჰქონიათ გადანყვეტილი და მალე კნიაზს მოკლავენო, მთელი სოფელი ამას ლაპარაკობსო. თქვენაც დიდი სიფრთხილე გმართებთ. ხომ იცი რა უქნეს პირველ მოურავსო.

– მე დიმიტრის დაუყოვნებლივ ვუთხარი ეს ამბავი. მან მოიხმო სოფიო და ყველაფერი გამოკითხა, შემდეგ სტრაჟნიკების მეთაურს ესაუბრა და მთელი ღამე არ ეძინა არცერთ სტრაჟნიკს. მე დაჟინებით ვუთხარი, რომ ყოველივე ეამბნა ილიასათვის.

– უხერხულია, ვერ გავუბედავ, მუქარის ნერილები მასაც მოდის „კაკო ყაჩაღის“, „განდეგილის“, „კაცია ადამიანის?!“, „ოთარანთ ქერივის“, „დიმიტრი თავდადებულის“ დამწერს, როგორ ვუთხრა ისიც ავადმყოფს, რომ მოკლას გიპირებენ და... ვერ გაუბედავ ამის თქმას, მითხრა დიმიტრიმ.

მაშინ სოფიო გავგზავნე ზ. ჭავჭავაძესთან, რომელიც მესამე ოთახში იწვა. ზ. ჭავჭავაძე შემოვიდა ჩვენთან და მე ვუთხარი ალელვებით:

– თუ ჩემი ქმარი ვერ უბედავს თქმას, რაც სოფიომ გვიამბო, რატომ თქვენს ბიძაშვილს თქვენ არ ეტყვით ყოველივეს – სოფიომ ყოველივე დაწვრილებით მოუყვა, ახატანის ბიჭები უკვე მზად არიან ილიას მოსაკლავადო. ზ. ჭავჭავაძე ჩაფიქრდა.

– შეიძლება სოფლის ჭორი იყოს, იმანაც თითქმის ჩემი ქმარით თქვა.

– ვინ გაბედავს ილიას სიკვდილს, ამის თქმა მისთვის ძნელია, ნერვები აეშლება.

– შეუძლებელია, რომ რაიმე არ უთხრათ, რაიმე უბედურება რომ მოხდეს, მერე სამუდამოდ სანანებელი დარჩება. თქვენ თუ ვერ ეტყვით, დღეს ყველაფერს ვეტყვი ქალბატონ ოლლას ყოველგვარი მოფერების გარეშე.

– ეს კარგი იქნება და იგი ეტყვის მის ქმარს – მიპასუხა ზ. ჭავჭავაძემ, დიმიტრიმაც მოიწონა ჩემი გადანყვეტილება.

– ილია ისეთი თავმოყვარე, პრინციპულია, რომ ჩვენ (იქნებ ჭორია) ვუთხრათ გაგვლანძლავს და სოფლის ჭორიკნებს აყოლიხართ მამაკაცებით, გვეტყვის–გვითხრა ზ. ჭავჭავაძემ.

– როგორც იქნა ვიშოვე დრო და ოლლასთან შევედი ზალაში. შლეიფინი კაბას სინჯავდა სარკეში, მიუახლოვდი და ახლო ყურთან საკმაო ხმამაღლა უამბე ყოველივე. შეშფოთდა; შედრკა, ხელებმა კანკალი დაუნყო, მუხლები მოეკეცა, მდივანზე ჩამოჯდა, თან მარჯვენა ხელი მოხვეული მქონდა და რაც სოფიომ თქვა, ყველაფერი უამბე.

– დამიძახეთ სოფიოს – მითხრა. სოფიოს გადავძახე და ორ წუთში მოვიდა სოფიო.

– მართალია სოფიო ასე ამბობენ სოფელში!

– ჩემ ქალბატონს ვენაცვალე მართალია, ახატნელი ბიჭები ეზადებიან ილიას მოსაკლავად და ეს გადანყვეტილი აქვთ, კნიაზს გადაეცი ყოველივე, უბედურება რომ არ მოხდეს. მართლაც, ოლლამ ყოველივე უამბო. ილიას ხელი ჩაუქნევია და უთქვამს ოლლასათვის:

- ნუ ტირიხარ, სოფლის ჭორიკნები ილია ჭავჭავაძეს ვერ შეაშინებენო და გაჩუმდი. დიდი ხანია მაშინებენ, მაგრამ ვერაფერს გაბედავენო.

1907 წლის 27 აგვისტოს ილია საქმეებზე მიემგზავრება თბილისში. დიმიტრი ფრთხილად და მორიდებულად მიუახლოვდა ილიას და უთხრა:

- ილია გრიგორიჩ! საჭიროა, რომ მცხეთამდე ჩვენმა სამმა სტრაჟნიკმა გაგაცილოსო.

ილიამ დაინახა სამი ცხენზედ შემომჯდარი შეიარაღებული სტრაჟნიკი, რომელიც დიმიტრის წინასწარ გაუმზადებია გასაცვილებლად მცხეთამდე. ილიამ გადახედა თუ არა ერთგვარ დამცირებად იგრძნო და დიმიტრის უთხრა:

- ილია ჭავჭავაძეს მის სამშობლოში დამცველები არ ესაჭიროებაო და... თანაც პასუხის ტონი საკმაოდ მკვეთრი და მაღალი ტონის იყო.

დიმიტრი გაფითრებული უყურებდა. სტრაჟნიკებსაც ეწყინა. სხვათაშორის ორი აჭარელი იყო, კარგი მსროლელები, ახოვანი ახალგაზრდები, კარგი ცხენოსნები".

ჩემს სამშობლოში სტრაჟნიკებით როგორ ვიარაოო. - მკაცრად უთხრა ჯაშს. ამაყი იყო, თან არტურ ლაისტი ახლდა, ისიც მასთან ერთად მოდიოდა თბილისს. ამ გერმანელ კაცს, რომელსაც ილია ქართველების უგვირგვინო მეფედ მიაჩნდა, როგორ დაანახებდა იმას, რომ ილიას საკუთარი სოფლის სანახებში სტრაჟნიკების თანხლებით ევლო. ამ გზაზე 40 წელზე მეტია მიდი-მოდის. თბილისიდან საგურამომდე, საგურამოდან თბილისამდე ლოდი არ გდია, ხე არ დგას, გლეხის მიწური თუ ვაჭრის ფარდული არ არის, რომელიც ძალიან ძალიან მშობლიური არ იყოს ილიასთვის. ამ ორმოცდაოთხი წლის მანძილზე კაცი გზად არ შეხვედრია, ქუდი არ მოეხადა, სახეგაბადრული არ მისაღმებოდა. სულ ახალი სიძე რომ იყო, მაშინაც უკვე ცნობილი ვა-ცი გახლდათ, მერე ხომ თითქმის აღმერთებდნენ. რა პროკლამაციებიც არ უნდა ერიგებინათ, რა ჭორებიც არ უნდა ეყარათ

სოფელში, ერთმანეთში საყაყანოდ იქნებ კიდევ ჰქონოდა გასავალი, მაგრამ ამ ჭორების შემთხვევლი სოციალისტებიც კი, მასთან პირისპირ შეხვედრისას, მონუსხულივით ფარ-ხმალს ყრიდნენ, საკუთარ მეზობლებს რა ღრმა პატივისცემა ექნებოდათ, წარმოსადგენია. აი, იმ ხალხის დასანახად, ლაისტის თანხლებით, ცოლზე აღარას ვამბობ, ილია, თავის სიცოცხლეში პირველად, სტრაჟნიკებამომდგარი ეტლით უნდა დაშვებულყო თავისი მამულის თავდაღმართში. ამის გაკეთებას მართლა სიკვდილი ერჩია. მიუხედავად იმისა, რომ გრძნობდა, გრძნობდა კი არა, უკვე იცოდა, სადღაც, შორს, მისი განაჩენი უკვე გამოეტანათ. თუ სად, თუ ვის, წიგნის უკანასკნელ თავში გაიმბობთ, მაგრამ უეჭველად რომ იცოდა ფატალური ბედის ამბავი, ბარემ აქვე ვთქვათ: კი ამშვიდებდა მოურავს, მუქარის წერილები მეც მომდისო, კი არაფრად აგდებდა ოლღას ვიშვიშს, მაგრამ აგვისტოს ბოლო სამი კვირა იმ აივანზე, საიდანაც არაგვის ქალების ყურებით მთელი ცხოვრება ტკბებოდა, აღარ გადიოდა, ან გავიდოდა ძალზე იშვიათად.

გუმანობდა, მკვლელი ჩასაფრებული რომ ჰყავდა. სხვას რას ნიშნავდა მისი საქციელი – თავის ნათესავს ზაალ ჭავჭავაძეს რომ ჰკითხა, იარალი თუ გაქვსო. არა, – იმან უპასუხა. თუმცა თვით ზაალის სიტყვები ამოვწეროთ. ის რასაც იგი რამდენიმე დღის შემდეგ მოწმის სახით დაკითხვაზე იტყვის: „ილია ჭავჭავაძე მკვლელობის წინა კვირებში ძალიან ფრთხილი იყო, წინათ მისი სასეირნო ადგილი იყო მისივე სახლის აივანი, რომელიც გადაჰყურებს არაგვის ხეობას. იქ მგოსანი მთელ საღამოებს ატარებდა ხოლმე. ბოლო დროს სულ აღკვეთა ამ აივანზე სეირნობა და ათასში ერთხელ თუ გავიდოდა. ვატყობდი მგოსანი რაღაც არა სასიამოვნო მომავლის მოლოდინში იყო, მაგრამ თქმით არას ამბობდა. ერთხელ მკითხა, იარალი გაქვსო, და როცა ვუპასუხე არა-მეთქი, ჩაიცინა, ხუმრობით სთქვა, განა შენ სანადირო იარალი არ უნდა გქონდესო და მაუზერის რევოლვერი გადმომცა. თუმცა მგოსანს არა უთქვამს რა ჩემთვის, მაგრამ ვატყობდი, რომ რაღაც იცოდა“. ვიმეორებ, ეს სიტყვები ეკუთვნის კაცს, რომელიც მთელი ზაფხული 1907 წლისა საგურამოში, ილიას სახლში ცხოვრობდა და დაბეჭდილია 1908 წელს, სასამართლო მასალების გამოქვეყნებისას. ამას ხაზს იმიტომ ვუსვამ, რომ 1921 წლის შემდეგ საქართველოში გამოქვეყნებული, პრესაში დაბეჭდილი ყველა მასალა ნაკლებად სანდოა, ადრინდელი კი ნაკლებად გვაეჭვებს.

ვატყობდი, რომ რაღაც იცოდაო. ეცოდინებოდა, რადგან ბოლ-შევიკები მაინცდამაინც არც მალავდნენ იმას, რა გადანყვეტილებაც, ჩემის ფიქრით, სწორედ აგვისტოში უნდა მიეღოთ. თბილისი პატარა ქალაქი იყო, ის რაც ზაქარია ჭიჭინაძემ ერთი საშინელი შემთხვევის წყალობით შეიტყო, რატომ სხვასთანაც არ იტყოდნენ? წარმოუდგენელი ის არის, ილიას ყურამდეც არ მისულიყო ის, რაც ვგონებ ყველა მუშამ იცოდა. ჭიჭინაძეს კი ასეთი ამბავი გადახდენია.

მიხეილ გაჩეჩილაძე იგონებს (იხ. „ლიტ. მატრიანე“, თბ. 1992წ. გვ.36-38):

„რევაზოვის ქუჩაზე ზაქარია ჭიჭინაძის სახლში ვცხოვრობდი. ერთ საღამოს ღამის ორ საათზე ზაქარია ნაცემი და თავპირდამტვრეული მოვიდა. თავი ორ ალაგას ჰქონდა გატეხილი და სისხლი სდიოდა. ლაპარაკის თავი აღარ ჰქონდა. მთელი ღამე ბორგავდა და იტანჯებოდა.

მეორე დღეს როცა ზაქარია ცოტათი მომჯობინდა, მიამბო შემდეგი: საბაშვილის ღვინის სარდაფში ვიყავი პურის საჭმელად. ჩემთვის ცალკე ვიჯექი. მოვითხოვე ხელადა ღვინო, პური, ყველი. იქვე მეორე მაგიდაზე ახალგაზრდა ყმანვილები ისხდნენ. სუყველა მუშები. სოციალ-დემოკრატები. ყველა ჩემი ნაცნობი...

რაღაც თათბირი ქონდათ. ჩემამდის გარკვეული ხმა ლაპარაკისა არ მოდიოდა. ერთხანს ვიყავი ჩემთვის გაჩუმებული. მერე გამიწყრა ღმერთი, მათი სადღეგრძელო დავლიე. იმათაც მიპასუხეს.

მერე კიდევ სადღეგრძელო დავლიე და ახლა უკვე შეზარხოშებულმა სოციალ დემოკრატებს მათრახი გადავყარი. არა, ვინ მკითხავდა, რას დავეძებდი, მგლის თავზე სახარება ვის ნაუკითხავს. ამაზე აიმრიზნენ, აყვირდნენ და უშვერი გინებით მიპასუხეს... მაგრამ მაინც თავის ალაგას ისხდნენ.

ვიფიქრე, ვერას გამიბედავენ. მოდი ერთი ილია ჭავჭავაძის სადღეგრძელოს დავლიე...

ავიღე სტაქანი ღვინით სავსე, მივუახლოვდი იმათ მაგიდას და დავიწყე ილია ჭავჭავაძის ქება-დიდება. დიდხანს მაცალეს ლაპარაკი. აი შე ხულიგანო, შე არამზადა! როგორ ბედავ შავრაზმელ ჭავჭავაძის ქებას, ის სიკვდილის ღირსია და სულ მალე მოუღებთ ბოლოსო. მომესიენ, მცემეს უზომოდ. უსათუოდ მომკლავდნენ, რომ საბაშვილის სარდაფის პატრონი არ ჩარეულიყო ჩვენს საქმეში. საბაშვილი ეხვეწებოდა მუშებს: „აქ ნუ კლავთ კაცს, თორემ

მე დავილუპებო.“ მართლაც საბაშვილის ხათრით დამანებეს თავი(საბაშვილის სარდაფში ხშირად იმართებოდა მუშების საიდუმლო კრებები). ფეხზე ადგომა არ შეემძლო. ამნიეს ისევ მუშებმა და ამომიყვანეს სარდაფიდან და ქუჩაში დამაგდეს. აქაც ნიხლები მითავაზეს და მიმატოვეს.

რამდენიმე ხნის შემდეგ ამოვიდა საბაშვილი, მნახა რომ ქუჩაში ვაგდივარ, ამიყვანა და ძლივს-ძლივობით სახლამდე მომიყვანა.

მითხრა: რა ღმერთი გაგინყრა, რომ ჭავჭავაძის სადღეგრძელო დალიე. ჭავჭავაძე მაგათ ჭირივით ეზარებათ. სწორედ ჭავჭავაძის შესახებ ჰქონდათ ლაპარაკი, სანამ შენ მოხვიდოდი. ზაქრო! არ გამცე და ჭავჭავაძეს მოკვლას უპირებენ... ნამდვილად მოკლავენო. მადლობა ღმერთს, შენ გადარჩი. აპა, არ დამკლა და არსად არაფერი ილაპარაკო, თორემ ორივეს ანდერძს აგვიგებენო.

აი, შვილო, ახლა ნამდვილად დავრწმუნდი, რომ ჭავჭავაძეს მართლა მოკლავენ.

მინდა ვაცნობო, მაგრამ დამიჯერებს?

ზაქარია ისე იყო შეშინებული, რომ რამდენიმე დღის შემდეგ ხელახლა მეხვეწებოდა, არსად არაფერი თქვა, თორემ ნამდვილად მომკლავენო.

ეს შემთხვევა არ უნდა მეთქვა შენთვის თავიდანვე, მაგრამ სხვანაირად იფიქრებდი და მიტომ გითხარიო. აპა, შენ იცი, ჩემი სიცოცხლე შენს ხელშია... მევედრებოდა ზაქარია. სწორედ სამი კვირის შემდეგ ილია ჭავჭავაძე მოკლეს. ჩემს სტამბაში სადაც ყურნალი „ნიშადური“ იბეჭდებოდა, მოვიდა დეპეშა რედაქციის სახელზე ილია ჭავჭავაძის მკვლელობის შესახებ. დეპეშა ხელმოუნერელი იყო“.

მართალია ჭიჭინაძე დაფრთხა, ვერ გაბედა ილიას გაფრთხილება და ვინ იცის, რა სულიერი ტანჯვა აიკიდა მთელი სიცოცხლე ამ გულდედლობის გამო, მაგრამ ჩვენ ხომ რა საუბრებიც, რა ჩურჩულიც მაშინ იყო, ყველაფერი მოგონებების და ჩანანერების სახით არ შემოგვრჩენია. ერთი ღვთისნიერი ადამიანი როგორ არ გამოჩნდებოდა ქვეყანაზე, ილიას ყურამდე რომ მიეტანა თუ რას უპირებდნენ. ჩანს გამოჩნდა კიდეც და ამის დასტურია ზაალ ჭავჭავაძის ის სიტყვები, რაც ზემოთ წაიკითხეთ. რატომ ივნისში, ივნისში არ ფრთხილობდა ილია ასე? მის სიფრთხილეს ხაზი სწორედ აგვისტოში ესმება, როცა ზაქარია ცემეს, და ეს მოხდა მგოსნის მკვლელობამდე 3 კვირით ადრე, სოციალისტი მუშებისთვის გა-

დანყვეტილება უკვე ცნობილი იყო და სითამამესაც ეს გადაწყვეტილება ჰმატიებდათ.



ყოველივე თქმულის მიუხედავად, 27 აგვისტოს დილას ილიამ მოურავს მკაცრად უთხრა, სტრატეგიები არ მჭირდებაო. სხვაა სიფრთხილე და სხვაა თავდაცვის დემონსტრირება...

წინა ღამით ქრისტემ იცოდა რაც მოხდებოდა, მაგრამ ქრისტე იყო და ისე მოიქცა, მოკვდავის ლოგია მის ფიქრს რომ ვერ ვასწავდება.

ესეც ილია იყო. სხვაგვარად როგორ შეეძლო. ან შიში იქნებოდა და ეცხოვრა და სკუთარი თავის არაფრობის შეგრძნება გასჩყაოდა სასტიკი ადამიანების ბრბოში, ან დარჩენილიყო იმ დევ-გმირად, რომლისაც ამ კაცუნებს სიცოცხლეშიც ეშინოდათ და ეშინოდათ მისი სიკვდილის შემდეგაც. რომლის სიღიადესაც გრძნობდნენ (სხვათა შორის ეს კაცუნებიც) მის სიცოცხლეშიც და გრძნობდნენ მისი სიკვდილის შემდეგაც.

თვით ილიას დაუძინებელ მტერს, ფილიპე მახარაძეს 6 წლის შემდეგ წასცდება- „ილია ჭავჭავაძე დამნაშავე არ არის იმაში, რომ მისმა თანამოაზრეებმა ვერ გამოიჩინეს ხასიათის სიმტკიცე და შეგვიძლია ვთქვათ პირდაპირ, ისეთი რაინდული გამბედაობა, რომლებითაც იგი უკანასკნელ წუთამდე აღჭურვილი იყო.“-ო.

აქ ფილიპეს მოუწია არა მხოლოდ აღიარება ილიას, როგორც მტკიცე ხასიათის და რაინდულად გამბედავი კაცისა და „მდევი მწერლის“ (მისი სიტყვებითა) არამედ გაყიდა უნებლიედ ნაცდენილმა სიტყვამაც – „რაინდული გამბედაობა, რომლებითაც იგი უკანასკნელ წუთამდე აღჭურვილი იყო“-ო. მართლაც რამდენიმე დღეში სულ დეტალებში შეიტყობს ილიას უკანასკნელი წუთების შესახებ ეს საუკუნის ბოროტმოსაქმეთა საჩინო წარმომადგენელი.

ახლა კი 27 აგვისტოა და ილია თბილისისკენ გამოემართა. მეეტლის კოფოზე კვლავ თედო ლაბაური ზის. წინა დღეებში მოსამსახურეებმა რომ გაფიცვა მოაწყვეს, გაფუჭებულ ხორცს გვაჭმევნო. თედო ლაბაური ამ გაფიცულთა შორის იყო. ილიას ყველას დათხოვნა უნდოდა, რადგან ხორცი გაფუჭებული კი არა, ახალი აღმოჩნდა, არაო, – ხორცის სიცუდეს არა, სიმცირეს ვჩიოდითო

– მერე ასე განმარტეს თავისი ბუნტის მიზეზი. ილიამ ყველას აპატია, მათ შორის ამ თედოსაც და ახლა ისევ ილიას ეტლში შებმულ სამ თეთრ ცხენს მიერეკება. ეტლში სხედან ილია, ოლლა და არტურ ლაისტი. ბარემ ისიც ვთქვათ, მკვლელობამდე სამი დღით ადრე, ანუ 27 აგვისტოს, თედო ჯერ კიდევ არ არის შეთქმულთა წევრი.

ილიამ მოურავს დაუბარა, – სალამოს ისევ საგურამოში დაგებრუნდებიო. ეს დანაბარები დავიმახსოვროთ. ამ დღეებში ნათქვამ ყველა სიტყვას დიდი მნიშვნელობა მიენიჭება თვით ადამიანების ბედის გადანყვეტის თვალსაზრისითაც კი. არტურ ლაისტი, ცხადია, უკანასკნელი მგზავრობის ამბავს ილიასთან ერთად შთამომავლობას დაუტოვებს:

„27 აგვისტოს, დღლით, ილია, მისი მეუღლე ოლლა და მე ეტლით თბილისში წამოვდივით. ღრუბლიანი დილა იყო, ჩვენი წამოსვლის შემდეგ დიდი წვიმაც წამოვიდა. ეტლს ჩარდახი არ ჰქონდა, ყველანი დავსველდით და წვიმამ ძალიან შეგვანწუხა.

იმ ადგილას, სადაც სამი დღის შემდეგ საშინელი მკვლელობა მოხდა, გზის ორივე მხარეს თხელი ტყეა. იქ რომ გამოვიარეთ, ტანში ყრუანტელმა დამიარა, თუმცა მაშინ ფიქრადაც არ მქონია, რაიმე უბედურება: ილია ხომ ჩვენთან იყო, როგორ წარმოვიდგენდი, რომ მოხუც პოეტს, ქართველი ხალხის სიამაყეს, ხელს შეახებდა ვინმე? ილია ჩემ პირდაპირ იჯდა ჩაფიქრებული. ერთხელ თუ ორჯერ თქვა, გაციების მეშინიაო. ოლლას ფერი არ ედო, დაღონებული იყო. საზოგადოდ, უკანასკნელად მონყენილად ვიმოგზაურეთ. როცა რკინიგზის ხიდთან მივედით, ამინდი გამოკეთდა და ჩვენც უკეთეს გუნებაზე დავდექით.

დიღმის დუქანში შევისვენეთ, რომ რამე გვეჭამა. ილია აქ ცოტათი გამხიზრულდა და ლაპარაკის ხალისიც მიეცა. გამოჩნდა მზე და გაანათა ნაცნობი არემარე, სადაც ხშირად ერთად გვივლია. სახელდახელო სუფრას გახალისებულები მივუსხედით და წარსულიც მოვიგონეთ.

ეს იყო ჩვენი უკანასკნელი საუბარი, გულითადი საუბარი. იმ დროს, როცა ილია იღიმებოდა, მეგონა, მისი გულიც მისცემოდა ლხენას, თუმცა ძველებური გამბედაობით აღარა.

ერთი საათის შემდეგ ჩვენ ერთმანეთს დავშორდით ოლლას ქუჩაზე.

– ვნახავთ ერთმანეთს! – მითხრა ილიამ.

ადგილს ვერ მოვშორდი, რატომღაც დიდხანს გავყურებდი მიმავალს, ვიდრე ეტლი მთლად არ მიიშალა ვერის დაღმართზე... განა წინასწარ გრძნობდა ჩემი გული, რომ ამის შემდეგ ველარ ვნახავდი მას, ეს იყო ჩვენი უკანასკნელი შეხვედრა!

მშვიდობით, მშვიდობით, ძვირფასო, დაუვიწყარო მეგობარო!..“

ილია იმ საღამოს საგურამოში არ დაბრუნებულა. 27, 28 და 29 აგვისტო თბილისში გაატარა. სტუმრად ეწვია მარშალ ალექსანდრე ორბელიანს, მეუღლეს მარიამ ორბელიანისა. მიუხედავად იმისა, რომ მარიამის ძმა კოლა ორბელიანი ბანკობიადის დროს ილიას მოწინააღმდეგე იყო და ხშირად უკადრებელსაც იღებდა თავზე, ილიას მარიამ ორბელიანი განსაკუთრებით უყვარდა, ასევე – მისი მეუღლე. კოლა არც თავის ოჯახს არგოდა და თავის დროზე მამამისი, ილიას დიდი მეგობარი ვახტანგ ორბელიანიც გამწარებული ჰყავდა. ვახტანგის სიძისა და ქალიშვილის ოჯახში ილია სულიერად ისვენებდა. მარიამი მასზედ ფანატიკურად იყო შეყვარებული. ცოლ-ქმარმა რომ გაიგეს, ილია კვლავ საგურამოში გაბრუნებას აპირებდა, არათუ ისინი, ოჯახში ყველა ახალგაზრდა სთხოვდა, როგორც ალ. ყიფშიძე გადმოგვცემს, – ხელი აეღო განზრახვაზე. ამ საშიშ დროში გამგზავრებას მორიდებოდა. ნარმოიდგინეთ, როგორღა შეევედრებოდა ოლღა, – არ წასულიყვნენ საგურამოში.

მარიამ ორბელიანი იგონებს: „ილიამ საგურამოში საბედისწერო მოგზაურობის რამოდენიმე დღის წინ საღამო ჩვენთან გაატარა. ძლიერ დაღვრემილი იყო. საგურამოში ცოლის ნაყვანა არ უნდოდა, მაგრამ მან, შესაძლებელია, პირველად თავის სიცოცხლეში, ისეთი დაჟინებით მოითხოვა თავისი სურვილის შესრულება, რომ ილია მოლბა და დათანხმდა. მათი გამგზავრების წინა დღეს, თითქოს რაღაცა წინათგრძნობის ძალით, მივედი მათთან გამოსათხოვებლად თბილისში, ანდრიას ქუჩაზე მდგარ ილიას საკუთარ სახლში. სასტუმრო ოთახში ოლღა თადეოზის ასული დამხვდა, ზეზე იდგა, აკანკალებული, აჩქარებით ქალაღდასა შლიდა (ეს მისი ჩვეულებრივი გასართობი იყო). როცა შევედი, მომესალმა და განაგრძო თავისი საქმე, თან თვალცრემლიანმა მითხრა: „რომ იცოდეთ, რა ცუდი ქალაღდი ამოდის, საშინელ ამბებს მიწინასწარმეტყველებს! ვეხვეწები ილიას, გადასდოს წასვლა, რადგან ვიცი, უბედურება მოხდება, მაგრამ ის ყურსაც არ მიგდებს!..“

საწყალ ქალს ქალაღლის სრული რწმენა ჰქონდა, კენესოდა, ტიროდა, ვეცადე დამემშვიდებინა, მაგრამ ამაოდ!

ილია იჯდა საწერ მაგიდასთან თავის სამუშაო ოთახში, რომლის კარი ოდნავ გაღებული იყო. დამინახა და ჩემსკენ გამოეშურა. ველაპარაკე მისი საბრალო მეუღლის შიშზე, მინდოდა გადამედებინებია მოგზაურობა, თუნდაც მარტო მისი გულისთვის, მაგრამ ამაოდ“.

ამაო აღმოჩნდა ილია წინამძღვრიშვილის რჩევაც, ოლღას წინათგრძნობა კი ნამდვილი.

როცა იქ, თბილისში, ილია ორბელიანებს სტუმრობს, სწორედ იმ დღეს, გურიის სოფელ ბახვში, ერთი წყაროს მიხედვით ვინმე ბერეჟიანის, ხოლო მორე წყაროს ცნობით ვინმე მახარაძის (ფილიპეს ნათესავის) ბინაში სოციალ-დემოკრატები შეკრებილან და ილია ჭავჭავაძის მოკვლის ორგანიზაციულ საკითხებზე მსჯელობენ.



სოფელ ბახვში ფერშალ პროკოფი ბერეჟიანის ბინაში 28 აგვისტოს თავი მოიყარეს გურიის სოც-დემოკრატებმა (ბოლშევიკებმა). თათბირში მონაწილეობდა 16-მდე კაცი. ერმილე და კალენიკე დოლიძეები, დიომიდე ბასილაიშვილი, კორნელი და ნიკო შავიშვილები, ილარიონ უჯმაჯურიძე, მარკოზ ჟღენტი, რაჟდენ ვადაჭკორია (მენაღე), მელქისედეკ მდინარაძე, ერმილე ანდღულაძე და ლადიკო ბერეჟიანი, აგრეთვე ორი უცნობი პირი (უცნობი ჩვენების მიმცემისათვის), რომელნიც ბათუმიდან იყვნენ ბახვში ჩასულნი.

იყო ერთი შავგვრემანი, ულვაშებიანი, წვერგაპარსული, დაბალი ტანისა, თავზე ჭალარაშერეული თმით. მეორე – მაღალ-მაღალი ტანისა, გამზდარი, ჟღალთმიანი, წვერებიანი, წვეტიანი წვერით, თავზე უკან გადავარცხნილი თმებით, რალაცნაირად მსგავსი ერმილე დოლიძისა. სწორედ ეს მეორე ბათუმელი სტუმარი გახლდათ კრების თავმჯდომარე. ასე დაწვრილებით ამ შეხვედრის შესახებ ყვება ვინმე გრეკოვი, რომელიც, როგორც სოციალ-დემოკრატი და წითელრაზმელი ესწრებოდა კრებას. ეს გრეკოვი, გაქართველებული უკრაინელი ყაზახი, სოფ. ნაგომარში მცხოვრები, 1907 წლის შემოდგომაზე დაუპატიმრებიათ ვინმე ალექსი გიორგაძის გაძარცვის გამო. პატიმარი გრეკოვი ციხეში

აღიარებს იმ ფაქტს, რომ იყო დამსწრე კრებისა, რომელზედაც ილიას მკვლელობაზე იმსჯელეს. ჩამოსული ამხანაგებისგან მიიღეს ცნობად, რომ ბოლშევიკების კომიტეტმა გადანყვიტა ჭავჭავაძის მკვლელობა და მათ მკვლელები უნდა შეერჩიათ. გრეკოვი, ალბათ, ფიქრობდა, ამ ძვირადღირებული ინფორმაციის გამო გამოძიება სასჯელს შეუშლსუბუქებდა და ასეც მოხდა. მაგრამ ერთი წლის შემდეგ სოციალ-დემოკრატებმა ისიც მოკლეს და სახლ-კარიც გადაუბუგეს. ბახვის კრების თემა დაწერილებით აქვს განხილული პროფესორ გურამ ყორანაშვილს წიგნში „წინამურის ტრაგედიის საიდუმლო“. გთავაზობთ ერთ ამონარიდს: „კრებაზე „თავდაპირველად თავმჯდომარემ შეკრებილთ აუწყა გურიაში შექმნილი ვითარების შესახებ, შემდეგ განაცხადა, რომ თავადი ილია ჭავჭავაძე უნდა მოკვდინებულ იქნას. ერთ-ერთი იქ მყოფთაგანის შეკითხვაზე თუ რატომ უნდა მოიკლას თავადი, თავმჯდომარემ უპასუხა: „მან ჩვენ გვიღალატა!“ ამასთანავე თავმჯდომარის ახსნა-განმარტებიდან შეიძლებოდა გამოტანა დასკვნისა, რომ თავად ჭავჭავაძის მოკვლა ადრევე იყო გადანყვეტილი „ცენტრალური კომიტეტის“ მიერ და აქ კი კრებას მოეხსენა მხოლოდ როგორც უკვე მიღებული დადგენილება.

თავმჯდომარის ასეთი განცხადების შემდეგ რაჟდენ ვადაჭკორიამ, ლადიკო ბერეზლიანმა (ბერეჟიანმა, გ.ყ.) და ილარიონ უჯმაჯურიძემ კრებას წარუდგინეს ექვსი, განაჩენის სისრულეში მოსაყვანად დანიშნული ტერორისტი: ბასილაიშვილი, ერმილე და კალენიკე დოლიძეები, მელქისედეკ მუგენარიძე (მდინარაძე, გ.ყ.), ნიკო და კორნელი შავიშვილები (ეს უკანასკნელი ასისტავი იყო სოფელ ბახვში) და ვილაც ლოდიკო (ალბათ ლადიკო, გ.ყ.) გაგუა. კენჭისყრით თავად ჭავჭავაძეზე განაჩენის აღსრულება ერგოთ ერმილე და კალენიკე დოლიძეებს და ბასილაიშვილს, რის შემდეგაც კრება დაიშალა. დამნაშავე თავყრილობის ყველა მონაწილე ეკუთვნოდა სოციალ-დემოკრატიულ პარტიას. ამათგან ერმილე დოლიძე შეიარაღებული იყო სმითისა და ვესონის სისტემის რევოლვერით, ხოლო კალენიკე დოლიძე და ბასილაიშვილი რევოლვერებითა და ბერდანკებით; ამასთანავე უკანასკნელის ხელთ არსებული ბერდანკა ეკუთვნოდა ვილაც ვანესა მახარაძეს. თვითონ პატრონი სახლისა, რომელშიც ეს თავყრილობა გაიმართა, ფერშალი ბერეზლიანი (ბერეჟიანი, გ.ყ.) კრებას არ ესწრებოდა, რადგან ავადმყოფი იწვა სახლის ერთ-ერთ დაშორებულ ოთახში.

განაჩენის აღმსრულებლები იმავე დღეს გაემგზავრნენ ბახვიდან. სამი დღის მერე კი დაირხა ხმები თავად ჭავჭავაძის მკვლელობის შესახებ". ამრიგად, თუ ვიგულისხმებთ, რომ ჩვენების მიმცემმა მკვლელობის ამბავი შეიტყო მეორე დღეს – 31 აგვისტოს, აქედან გამომდინარე, ბახვის კრება თითქოს შემდგარა 28 აგვისტოს (ცხადია ძვ. სტილით)."

29 აგვისტო

29 აგვისტოს მოვლენების აღდგენა დანვრილებით არის შესაძლებელი. ილია ამ დღეს საგურამოში აგზავნის თავის მსახურს, მის ხელში გაზრდილ და მის უაღრესად ერთგულ იაკობ თარაშვილს. იაკობმა თბილისში უნდა ჩამოიყვანოს მეეზოვე თან ზაალ ჭავჭავაძეს გადასცა, ასევე მოურავი ჯაში და მოსამსახურენი გააფრთხილა, ხვალ 30 აგვისტოს, ხუთშაბათს, სადილობის უამს ჩამოვა ილიაო. ეს ამბავი ყველამ შეიტყო, მათ შორის გიგოლა მოძღვრიშვილმა, რომელიც ილიას მამულში მუშად მუშაობდა. ამ გიგოლა მოძღვრიშვილზე ილიას ამაგი ჰქონდა. ორი დესეტიანა მინა და 300 მანეთი აჩუქა სულ ცოტა ხნის წინათ. როგორც შემდეგ გაირკვა, ეს მოძღვრიშვილი შეთქმულთა წევრი ყოფილა. იმავე 29 აგვისტოს საღამოს ის მიდის მოურავ ჯაშთან და სთხოვს ფულს, – ძმამ ქალი უნდა დანიშნოს, სოფ. ბინმენდში მივდივარ და დამითხოვეო. ჯაშს მიუცია ორი ხუთმანეთიანი და თან გაუფრთხილებია, აქ მოსვლა არ დაგვიანებოდა.

აი, ამ მოძღვრიშვილმა შეატყობინა მკვლელებს ილიას ჩამოსვლის სავარაუდო დრო. ბინმენდში თუ წავიდა ძმის საცოლის დასანიშნად, რასაც მერე ამტყიცებდა და რამდენიმე მეზობელი მოწმედაც დაიყენა, საპატარძლოს სახლამდე როგორ ვერ მიაღწია? აი, რა ჩვენება მისცა მისი სარძლოს ძმამ, ვინმე მელიშვილმა: „ორი კაცი გამოეგზავნა მოძღვრიშვილს ჩემთან ჩემი დის დასანიშნავად. მამა ჩემი შინ არ იყო. მე უთმისოდ არ შემეძლო საქმის გარიგება და უარი შეუთვალე. მე გიგოლა მოძღვრიშვილი არ მინახავს და შეიძლება იმ დუქანში დარჩა, საიდანაც მე კაცები გამომიგზავნეს“. ყველაფერი შეიძლება, ისიც, რომ რძლის დასანიშნად რატომღაც სხვები გაგზავნო და თავად დუქანში ქეიფი გააგრძელო, მაგრამ უარი რომ მიიღეს, მეორე დღემდე იმავ დუქანში რას აღნიშნავდა ეს მოძღვრიშვილი?

სასამართლოს უფრო მყარი საბუთებიც ექნებოდა, რაკი მოძღვრიშვილის ალიბი არ გაითვალისწინა. (სამწუხაროდ ის მასალები საბჭოთა ეპოქაში ფაქტობრივად გაანახევრეს და გააყალბეს).

ერთი სიტყვით, იმ საღამოსვე მკვლელებმა შეიტყვეს, რომ 30 აგვისტოს, ნაშუადღევს ილია საგურამოს მოდიოდა.

იმ ღამეს თბილისში ნახავენ თედო ლაბაურს, ამონყვეტის მუქარით დაითანხმებენ, ხვალ ეტლი იქ შეაჩეროს, სადაც მოუნიშნავენ, ხოლო პოლიციაში მკვლელობის შემდეგ განაცხადოს, რომ თავს შავგვრემანი ხალხი დაესხა, რომელნიც სომხებს ჰგავდნენ...

როგორც ჩანს, 29 აგვისტოს საგურამოში ჩამოდის ვილაც იმერელი, ვანო ინაშვილი ახალსოფლელია, გიგლა ბერბიჭაშვილი ახატნელი. ეს სოფლები საგურამოდან შორს არ არის. სასწრაფოდ მოინახულეს ერთურთი. ყოველ შემთხვევაში, იმავე 29 აგვისტოს ღამით ისინი იოლად ნახულობენ ძებნაში მყოფ პავლე ფშავლიშვილს, აუნყებენ, რომ ხვალ ილია ჭავჭავაძე უნდა მოველათო. ფშავლიშვილს, როგორც მერე თავად განაცხადებს, ჯერ თავი შორს დაუჭერია, მაგრამ როდესაც ინაშვილი და ბერბიჭაშვილი დამემუქრნენ, – მოგკლავთო, დავთანხმდიო. ამის შემდეგ ვილაც იმერელი, ბერბიჭაშვილი, ინაშვილი და ფშავლიშვილი ახლა სოფ. წინამურში, ვინმე გიორგი ხიზანიშვილს მიადგებიან, რომელსაც განუცხადეს: „სოციალ-დემოკრატიულმა კომიტეტმა დაადგინა, მოიკლას ილია ჭავჭავაძე, იმისათვის რომ იგი გლეხებს ავიწროებსო. წინამურში მათ დაჰყვეს მთელი ღამე“. (იხ. „დროება“ 1908წ. №11, №12)

მაშ ასე, სოფ. წინამურში გ. ხიზანიშვილთან ათენებენ ღამეს ვილაც იმერელი, გიგოლა ბერბიჭაშვილი, ვანო ინაშვილი, პავლე ფშავლიშვილი. მოძღვრიშვილის როლი იმით ამოიწურა, რომ მკვლელებს ილიას მოსვლის დრო შეატყობინა.

ახლა ის ვიკითხოთ, სად არიან გურიიდან გამოგზავნილი მკვლელები?

ბახვის კრებამ ხომ მკვლელთა ვინაობა და რაოდენობა განსაზღვრა? ისინი ხომ ბახვიდან წამოვიდნენ ამ სატანური საქმის ჩასადენად? ფაქტია, პატიმარ გრეკოვის ჩვენებაში ეჭვის შეტანა შეუძლებელია. ისე დანვრილებით აღწერს იგი ბახვის კრების პერიპეტიებს. სოციალისტების მიერ გამართულ ამ კრების უტყუარობაში ეჭვი მხოლოდ 1941 წელს, ბერბიჭაშვილის პროცესზე

საბჭოთა სასამართლომ შეიტანა, ცოტა ადრე კი პ. გუგუშვილმა თავის უკულმართ ნაშრომში.

აბა რას იზამდნენ, ხომ არ დაადასტურებდნენ, რომ პარტიამ კრება გამართა ილიას მოკვდიანებასთან დაკავშირებით. ადგნენ და, მარტივად, საერთოდ უარყვეს ბახვის კრების ჩატარების ფაქტი. საფუძვლად კი შემდეგი გარემოება დაუდეს ამ უარყოფას. გრეკოვმა ერთხელ მისცა ჩვენება, სადაც აღწერა ყოველივე ის რაც ზემოთ მოგახსენეთ, ნახევარი თვის შემდეგ, ისევე მისცა ჩვენება და ყველაფერი ზედმინევენითი სიზუსტით გაიმეორა. მაგრამ როცა მის ოჯახს მიადგნენ გარეთ დარჩენილი ტერორისტები და გრეკოვის მამის გასაგონად ალაპარაკდნენ – აი სახლი დაიწობა, აი მოხუცი (მამა გრეკოვისა) მოკვდება და იმ გრეკოვსაც ზედ მივაყოლებთო, ამის შემდეგ მესამე დაკითხვაზე შეშინებული პატიმარი განაცხადებს, რაც აქამდე ვილაპარაკე, ყველაფერი ტყუილი იყო. ტყუილი ყოფილაო, – დაასკვნა გუგუშვილმა, ტყუილი ყოფილაო, დაადასტურა საბჭოთა სასამართლომ და საბჭოთა ისტორიოგრაფიამ.

ერთ-ერთი ტერორისტის ერმილე დოლიძის სახლში რომ ილიას ჩემოდანი, – მისივე თეთრეულით, აღმოჩნდა, ჯერ კიდევ გრეკოვის დაპატიმრებამდე, რაც იმდროინდელ პრესაში გამოქვეყნდა, ამაზე სდუმან. უბრალოდ გაებუტნენ მათთვის არასასურველ ინფორმაციას.

მაგრამ საიდან მოხვდა დოლიძის ოჯახში ილიას ჩემოდანი? აქ წინამურში ხომ სულ სხვა მკვლელები ათენებენ ღამეს მსხვერპლის მოლოდინში? ფაქტია, ბახვიდან წამოსულებს ილიას მკვლელობაში მონაწილეობა არ მიუღიათ. სავარაუდოა, რომ 29 აგვისტოს ღამით ისინი თბილისში იმყოფებიან მკვლელობის მთავარ ორგანიზატორებთან და მათგან ახალ დავალებას ღებულობენ.

საქმე ის არის, რომ ორგანიზატორებს საშინელი ჩანაფიქრი აქვთ, მათ ქართველებს არა მხოლოდ უგვირგვინო მეფე უნდა მოუკლან, არამედ მორალურადაც უნდა გაანადგურონ ილია.

ის უნდა მოჰკლან არა გურიიდან მონვეულმა წითელრაზმელმა ტერორისტებმა, რაც პოლიტიკური მკვლელობა იქნებოდა, არამედ საგურამოელმა გლეხებმა.

გლეხები მას მოჰკლავენ როგორც მჩაგვრელ მებატონეს.

იმავედროულად ქალაქში გაიძარცვება მისი ბინა, როგორც „მდიდარი ბობოლასი“. ანუ ქალაქიცა და სოფელიც ერთნაირად

ერჩის ილიას. რომ მას იმეტებენ უპოვარი, გამწარებული ადამიანები, როგორც თავადსა და ბურჟუას.

რაკი ილიას მკვლელი გლეხები საგურამოში ვერ მოძებნეს, მაგრამ თითო წითელრაზმელი ტერორისტი ყველგან ჰყავდათ, გლეხების სახელით ეს საქმე მიანდეს სოციალ-დემოკრატს, ახალსოფლის ყოფილ მამასახლისს და შემდეგ ტერორისტ ვანო ინაშვილს, სოციალ-დემოკრატსა და ტერორისტს ახატნელ გიგლა ბერბიჭაშვილს, ყაჩაღად გავარდნილ და წითელრაზმელად ქცეულ პავლე ფშავლიშვილს, ყაჩაღთუფროს ლადო ფეიქრიშვილს, წინამურელ გიორგი ხიზანიშვილს, ამასაც ცოლ-შვილის ამონყვეტის მუქარით და კომიტეტიდან მოვლენილ ვინმე იმერელ ბიჭს. ამათ კოჰორტაში ჩართეს, ცხადია, ამონყვეტის მუქარით, მეეტლე თედო ლაბაური და უმადურობის ნიმუში გიგოლა მოძღვრიშვილი. სხვათა შორის, მოძღვრიშვილებთან აღმოჩნდება ილიას სახლიდან ადრე მოპარული თოფი, ხოლო პავლე ფშავლიშვილი(აფციაური) იმ რევოლუციით არის შეიარაღებული, რომელიც მოურავ მემანიშვილის მოკვლისას წაიღო.

გურიიდან გამოძახებული მკვლელები უსაქმოდ რომ არ დარჩენილიყვნენ, მათ მეორე დღისთვის თბილისში ილიას სახლის გაძარცვა დაევალათ. წილი ნაყარია. თენდება 30 აგვისტო. იმ დღით წინამურის თავზე მზე არ ამოცურებულა. ტაროსიც კი აგვისტოს 30-ში ლიზლი და უჟმური იყო.

30 აგვისტო

გათენდა თუ არა, სოფელ წინამურიდან, გიორგი ხიზანიშვილის სახლიდან გავიდა ხუთი ცხენოსანი.

1) „იმერელი“, გამოგზავნილი იყო სოციალ-დემოკრატთა კომიტეტის სახელით. მას არავინ იცნობდა გვარით და სახელით, ყველას წარუდგა როგორც იმერელი.

2) ივანე ინაშვილი, სოფ. ახალსოფლის და საგურამოს თემის ნამამასახლისარი, სოციალ-დემოკრატი, წითელრაზმელი, სოფ. ახალსოფლიდან.

3) პავლე ფშავლიშვილი ილიას მამულის ყოფილი დარაჯი, მოურავ მოსე მემარნიშვილისა და მისი მეუღლის მკვლელი, გაყაჩაღებული წითელრაზმელი, სოფ. ახალსოფლიდან.

4) გიორგი ხიზანიშვილი, ფშავლიშვილის ნათესავი, სოფ. წინამურიდან.

5) გიგლა ბერბიჭაშვილი, სოც-დემოკრატი, სოფ. ახატნიდან.
აი ეს ხუთი მკვლელი დილიდანვე ჩასაფრდა წინამურის ტყეში,
იმ გზის გასწვრივ, სადაც ილიას ეტლს უნდა გამოეელო.

ჩასაფრების ორგანიზება გააკეთა ივანე ინაშვილმა. ის იძლეო-
და ბრძანებებს, ვინ სად უნდა დამდგარიყო. გიორგი ხიზანიშვილი
და პავლე ფშავლიშვილი გაუშვა მალა ტყეში, ერთი საგურამოს,
მეორე მცხეთის მხარეს. მათ დაბლა ჩასაფრებულთათვის ეტლის
დანახვისას ნიშანი უნდა მიეცათ სტვენით.

●
თბილისიდან საგურამოსკენ ილია დაახლოებით 10-დან 11 სა-
ათამდე გამოემგზავრა. ოღლა იმ დილითაც ეხვეწა, საშიშია, ნუ
წავალთო, მაგრამ ილიამ გადაწყვეტილება აღარ შეცვალა. ეტლ-
ში ჩადეს პატარა ჩემოდანი, ღვინით სავსე პატარა ტიკქორა, ორი
საზამთრო. ეტლში სხედან ილია და ოღლა, კოფოზე მსახური ია-
კობ თარაშვილი(ეს კაცი სასამართლო მასალებში მოხსენიებულია
როგორც ბითარაშვილი, პრესაში კი როგორც თარაშვილი) და მე-
ეტლე თედო ლაბაური.

დიღმის გზაზე საშინელი ქარი ქროდა. ოღლას ქუდი წარსტაცა
და შორს წაიღო. ოღლამ ქარისაგან დასაცავად თავშლით დაიფარა
თავი.

ოღლას მოგონებიდან – „შუადღისას მივედით წინამურთან. აქ
გზის პირათ იყო გრილი წყარო, რომელიც ილიას ძალიან უყვარდა.
ისე არ გავივლიდით, რომ იქ არ ჩამოვსულიყავით და არ შეგვესვენა.
ამ საბედისწერო დღესაც ჩამოვხტით. ჩვენ წყალი დავლიეთ. ილია
გადიოდ-გამოდიოდა მწვანე მოლზე. მე ისევე ეტლზე ამოველ. მეეტ-
ლემ ცხენებს წყალი დაალევიანა, შეაბა კიდევ, ხოლო ილია კი აღელ-
ვებული, გაფითრებული, ისევე ბოლთასა სცემდა. ყველა ვგრძნობ-
დით, რომ რალაც დაუტეველ ბოლმას თუ გრძნობას შეეჭიდა ილია
და ვერავინ ვუბედავდით მისი დუმილი დაგვერღვია. ორმოც ნუთზე
მეტი ილია გარინდებული გადიოდ-გამოდიოდა სახედატანჯული,
კარგა ხნის მერე ამოვიდა და ბიჭს უბრძანა გარეკეო“.

რა იყო ეს 40 ნუთიანი ბოლთის ცემა და მღელვარება? ნუთუ,
წინაუგრძნო გულმა, ნუთუ, გონების თვალს წარმოუდგა სულ
რამდენიმე მეტრში ჩასაფრებულ ორფეხა ცხოველთა სისხლიანი
ლაშები? ნუთუ, ქარის ზუზუნს ამათი კბილთა ხრჭიალიც შეერწყა
და ზედ აყრიდა აქანავებულ ფოთლოვან ტყეს?

●
თერთმეტის ნახევარზე საგურამოდან გამოვიდა ურიადნიკი ემეცი, რომელსაც თან ახლდა ორი სტრაჟნიკი. წინა სალამოს ურიადნიკს მოურავმა ჯაშმა სთხოვა, ხვალ დილით სტრაჟნიკები გამაყოლე, წინამურში მივდივარ ღალის ასაღებადო. ურიადნიკ ემეცს მცხეთაში საქმე ჰქონია და ესეც სტრაჟნიკებთან ერთად წამოსულა. ჯაში მოგვიანებით გამოვიდა მამულიდან და სტრაჟნიკებს გზაში წამოწია. მალე ილიას ეტლიც უნდა გამოჩნდეს, სადილისთვის საგურამოში ამოსვლა დაიბარაო, – უთქვამს გზაში მოურავს ურიადნიკისათვის.

ან ამათ ერქვართ, ან ილია დაყოვნებულიყო სულ რაღაც 15 წუთი და დიდი ალბათობით, შესაძლოა, საუკუნის ეს ბოროტება აღარ შემდგარიყო. ზოგჯერ შემთხვევითობასაც შეუძლია ისტორიის ბორბლის წაღმა ან უკულმა დატრიალება.

●
როდესაც ეტლი დაიძრა და საგურამოს გზაზე ეტლში შებმული სამი თეთრი ცხენი გამოჩნდა, ფშავლიშვილმა სიგნალი მისცა, დაუსტვინა. არ გასულა ხუთი წუთი, ტყიდან გამოცვივდნენ მკვლელები და იგრიალა თოფმა.

„რას სჩადიხართ“ – ეს იყო ილიას უკანასკნელი სიტყვები. რევოლვერის ამოღებაც მოესწრო, მაგრამ ტყვიას პირდაპირ გული გაეხვრიტა და ილია გულაღმა გადმოეშვა ეტლიდან.

მალევე ჩაცხრა თოფების ბათქაბუთქი. ქარი ზუზუნებდა წინამურის ტყეში, ქარი ყმუოდა, ქარი ღმუოდა, ქარიღა გოდებდა და თითქოს ზეციდან ჩამოჰქონდა ჯერაც სტრიქონებად არჩამოსხმული ვაება:

**„გაიხარენით, ჩვენი ქვეყნის დამანყვეარნო,
გაიხარენით, ბიჭ-ბუჭებო, ნაძირალებო,
გაიხარენით, ხალხის მტრებო, ხულიგანებო:
მოჰკლეს ილია – საქართველოს ჭირისუფალი!**

**იცინეთ, მგლებო, კრავის ტყავით მოარულებო,
იცინეთ მხეცნო, კაცის სახის მატარებლებო,
იცინეთ, ბრიყვნო, დედის-ძუძუს უარმყოფლებო:
მოჰკლეს ილია, სამშობლოს მალმერთებელი!**

ტაში დაჰკარით, ითამაშეთ, ჩამოუარეთ,
გაინაწილეთ მისი ქურქი, მისი ქონება...
რალას უყურებთ,
უნმინდურნო
გაცივებულ გვამს
არც მკლავი უჭრის,
ალარც აზრი
და არც გონება!

მაშ, გაიხარეთ, ხომ გასთელეთ მურდალის ფეხით
მრავალ ტანჯულის საქართველოს თავმოყვარება?
ხომ შეაგინეთ, ხომ წაბილწეთ, ხომ დაამცირეთ
ჩვენის მწერლობის დედა ბოძი და უკვდავება?

სხვა რალა გინდათ?! იცინეთ-მეთქი!
რკინის შანთებით დაგვისერეთ სული და გული...
ახია ჩვენზე – მცონარებზე! ერი ბედკრული
ღირსია მეტის წამებისა,
გათახსირების!

იქნებ ოდესმე მოიკრიბოს თვისი ძალ-ღონე
და შეებრძოლოს დამჩაგვრელებს,
იუდას კერძებს!
დედავ ქართველისა!
ზიზლით დაჰგმე შენ შენი შვილი,
ჩოხის მაგიერ დიაცურად კაბა ჩააცვი,
თუ-კი იმდენად დაძაბუნდა
და დავაგლახდა,
რომ კუჭის გარდა
ალარაფერს
ალარ დაეძებს!!“
(ია ეკალაძე)

ზუსტი სურათი ასეთი იყო. მიუახლოვდა თუ არა ეტლი დათქმულ ადგილს, სადაც მკვლევები იყვნენ ჩასაფრებულნი, თედო ლაბაურმა, როგორც წინასწარ იყო მკვლელთაგან გაფრთხილებული, ეტლი შეაჩერა. გამოცვივდნენ ტყიდან „იმერელი“, ბერბიჭაშვილი, ინაშვილი, ფშავლიშვილი(იგივე აფციაური). პირველი ტყვია

ილიას ესროლეს. მგოსანმა იარაღის ამოღება მოასწრო და ერთი შესძახა – „რას სჩადიხართ“. ტყვიამ შიგ გულში გაუარა და სამუდამოდ დახუჭა თვალი. შუბლი თოფის კონდახის ორჯერ დარტყმით ჩაუმტვრიეს.

ბერბიჭაშვილმა თოფის კონდახი ურტყა თავში ოღლას და იგი თავგაჩეხილი ეტლიდან გზის პირს გადავარდა. სუფრაჯი იაკობ თარაშვილი კოფოდან გადმოხტა, მკვლელებს რამდენჯერმე ესროლა, ბერბიჭაშვილი ფეხში დაჭრა და არაგვის მხარეს ტყეში გაიქცა, მაგრამ მკვლელები გაეკიდნენ და იაკობი ტყეში ჩაცხრილეს. 13 ჭრილობა ჰქონდა. 2 ტყვიით და 11 საფანტის თოფით. როგორც შემდეგ ექსპერტი იაშვილი ივარაუდებს, მისთვის იმავე თოფიდან უსერიათ ტყვია, რომლითაც ილია მოკლეს...

კოფოზე ხელუხლებლად და არხეინად იჯდა მეეტლე თედო ლაბაური. მკვლელები თარაშვილის ჩაცხრილვის შემდეგ მობრუნდნენ. გაძარცვეს ეტლი, ჯიბეები ამოუქექეს უსულო ილიას, გაძარცვეს ოღლა, ჩამოგლიჯეს მედალიონი, რომელშიც ილიას სხვადასხვა დროის სამი სურათი იდო. ფეხსაცმელები გახადეს სუფრაჯ იაკობ თარაშვილსაც კი. რისი წაღებაც შეიძლებოდა, წაიღეს, იქვე ტყეში გაიყვეს ყველაფერი. მეეტლეს დაუბარეს, რაც უნდა ეთქვა და თან დაემუქრნენ, თუ ჩვენი ვინაობა ნამოგცდენია, ოჯახიანად ამოგწყვეტთ.

წინამურის ქედს მალლა ზედაზენზე აუყვანენ და ტყე-ტყე გეზი ჯერ ავჭალისკენ, იქიდან თბილისისაკენ აიღეს. (ბერბიჭაშვილი წინამურში დარჩენილა 2 კვირით ჭრილობის სამკურნალოდ)...

15 წუთში ტრაგედიის ადგილზე მივიდნენ ჯაში, ურიადნიკი ემეცი და ორი სტრაჟნიკი. სხეული ილიასი ჯერ კიდევ გაცივებული არ იყო. ტყიდან ტირილით გამოვიდა მეეტლე თედო და შესჩივლა მოურავსა და თოფოსნებს, რაც მოხდა. ოთხი ყაჩაღი დაგვესხა, (ხიზანიშვილი ტყეში დარჩა.-ნ.გ.) ილიამ დამიძახა გარეკე ცხენებიო, მეც ავაჩქარე, მაგრამ დამენიენ, ეტლი შეაჩერეს, ფერდში კონდახი ჩამცხეს და გადმომადგესო.

ლაბაური ამ სისულელით გაიყიდა. უნახეს ზურგი და ფერდი, ნახეს რომ არსად კონდახის კვალი არ ეტყობოდა. ილიას და მსახურ იაკობის გვამები შემთხვევით გამომვლელ ურემზე დაასვენეს, სულთმობრძავი ოღლა ეტლში მოათავსეს და საგურამოს გზას გაუდგნენ.

ეს ტრაგედია დაწვრილებით და დეტალებში არის აღწერილი გაზეთ „დროებისა“ და „ისრის“ 1908 წლის დეკემბრის პუბლიკაციებში. დაპატიმრებული მკვლელები დაწვრილებით აღწერენ თავიანთ ნაავკაცარს.

მკითხველს ვთავაზობ ამ ისტორიულ დოკუმენტს:

სასამართლო

ილია ჭავჭავაძის მოკვლა

1907 წელს, 30 აგვისტოს, შუა დღის 12 საათზედ, სოფელ წინამურასა და საგურამოს შუა, გზაზე, მოჰკლეს პოეტი ილია ჭავჭავაძე. თოფის კონდახებით სცემეს მის მეუღლეს ოლგა ჭავჭავაძისა და მოჰკლეს აგრეთვე ჭავჭავაძის მსახური ბითარაშვილი. მკვლელობის ადგილი 2 ვერსით არის დაშორებული სოფ. წინამურას და 4 ვერსით სოფ. საგურამოს. აღნიშნული ადგილი წარმოადგენს ზედაზნის მონასტრის მთის ფერდობს და დაფარულია ბუჩქნარით. აი აქ ამ ბუჩქნარში 30 აგვისტოს ჩაესაფრნენ მკვლელები გზად მიმავალ მგოსანს. დაუშინეს თოფები და წუთი-სოფელს გამოასალმეს, ილია ჭავჭავაძის მკვლელობის საქმის გარჩევას კავკასიის სამხედრო ოლქის სასამართლო შეუდგა 28 ნოემბერს, დილის 10 ნახევარ საათზე სხდომის გახსნისას თავჯდომარემ მოიკითხა მონმენი. 26-მდე მონმიდან სამი-ოთხი არ გამოცხადდა, ნაიკითხეს საბრალდებო ოქმი.

როგორც საბრალდებო ოქმიდანა სჩანს, გამომძიებლის მონვევით, ექიმს გაუსინჯია მოკლული ილია ჭავჭავაძე, იაკობ ბითარაშვილი და ძალზე ნაცემი 60 წლის მოხუცი ოლგა ჭავჭავაძისა. ჭავჭავაძეს გულში ჰქონია მოხვედრილი ერთი ტყვია, რომელიც ზურგში გავარდნილა; მეორე ტყვია მოხვედრია ფერდში, პირველი ტყვიის ცოტა ქვევით (ექსპერტი ადასტურებს მხოლოდ ერთ ტყვიას, ნ.გ.), შუბლის მარცხენა მხარეს აღმოაჩნდა ჭრილობა, შუბლის ძვალი ჩატეხილი ჰქონდა, მარჯვენა წარბს ზემოთ მეორე ჭრილობა ჰქონდა. ტყვიისგან მეხუთე ნეკნი ჩამტვრეული იყო, ტყვიას გაუვლია გულით, ქვედა-ნანილი მარცხენა ფილტვისა და გასულა მარცხენა ილიაში. კნ, ოლგა ჭავჭავაძისას თავზე აღმოაჩნდა რამოდენიმე ჭრილობა, როგორც ეტყობა რალაც ჩლუნგი იარაღი დაერთყათ. იაკობ ბითარაშვილს რამოდენიმე სასიკვდილო ჭრილობა აღმოაჩნდა ლოყასა, გულსა, ბეჭსა, ყელსა და გვერდში.

როგორც საბრალდებო ოქმშია აღნიშნული, განსვენებულ ილიას 29 აგვისტოს უცნობებია საგურამოში მყოფ თავის ნათესავ თავ. ზაალ ჭავჭავაძისთვის, ხვალ, 30 აგვისტოს, სადილად მანდ ვიქნებო. მკვლელობის დღეს, დილის 11 ნახევარს საათზე, საგურამოდან წინამურში ლალის ასაღებად წასულა თურმე მოურავი დიმიტრი ჯაში, მას თან ახლდა ურიადნიკი ემეცი და ორი სტრაჟნიკი. როცა ამათ 4 ვერსი გაუვლიათ, გზაზე დაუნახავთ ეტლი, რომელიც ილიას ეტლად უცნია, როცა მისულან, ბურქებიდან გამოსულა მეეტლე თედო ლაბაური და უთქვამს, ბოროტმოქმედებმა ილია ჭავჭავაძე მოჰკლესო. დ. ჯაშს და დარაჯებს უნახავთ ეტლი მარჯვნივ მიბრუნებული. იქვე გზაზე უნახავთ ილია ჭავჭავაძე და მისი მეუღლე. ორივე თავპირ ჩამოსისხლიანებული. შეუნიშნავთ, რომ ოლგა თადეოზის ასული ცოცხალი იყო. ეტლის გარშემო უნახავთ ორი საზამთრო. გაზეთების რამდენიმე ნომერი და ერთი წიგნი „ვესტნიკ ინოსტრანნოი ლიტერატურის“. ეტლში აღმოჩენილი პატარა ტიუჭორა ღვინით. სხვა წივთები – საათი, ქუდი, პიჯაკი, მოსახურავი, ოქროს სათვალეები, ოქროს „ზაპონკები“, ქინძის თავი გალსტუკისა – წეელოთ. ჯიბეები ცოლ-ქმარს ამოქექილი ჰქონია.

თედო ლაბაურს იქვე უთქვამს: ტყიდან გამოვარდა ოთხი კაცი. დაგვიძახეს – შერყრდითო. ილიას ბრძანებით, ცხენები გავაქანე, მაგრამ წინ დაგვიხვდა ბოროტ გამზრახველთაგანი, რომელიც მომვარდა მე, მკრა ზურგში თოფის კონდახი და კოფოდან ძირს ჩამომავდო. ამის შემდეგ ბურქებში შევვარდი და აღარ მინახავს, რა მოხდა, მესმოდა მხოლოდ თოფების სროლა. შევნიშნე კი, რომ მკვლელნი თეთრსა და რუხ პაგონებიან კიტელებში იყვნენ გამოწყობილნი. შეიარაღებულნი იყვნენ ბერდნის თოფებით, იმ დროს, როცა მე ჩამოვედი მსახური იაკობიც გადმოხტა ეტლიდან, რევოლვერის სროლა ასტეხა ეტლიდან, რევოლვერის სროლა ასტეხა და თავდაღმა ბურქებისაკენ გაიქცაო.

როცა ურიადნიკს ემეცს გაუგია, რომ მკვლელობა ნახევარი საათის წინ მომხდარა და ისიც, რომ მკვლელნი წინამურისკენ წასულან, ერთის დარაჯით დასდევნებია, მაგრამ მალე უკან დაბრუნებულა. დაჭრილნი და მოკლულნი საგურამოში აუსვენებიათ. კნ. ილგა დიდს ხანს უგრძნობლად ყოფილა და როცა გამოორკვეულა, უთქვამს: ძლიერი ქარი ჰქროდა, ამის გამო თავ-პირი შეხვეული ჰქონდა და არ ვიცი რა მოხდაო.

გამოძიებას შესდგომია მცხეთის ბოქაული გრიცინიუსი. როდესაც ლაბაურისაგან გაუგია, თოფის კონდახი დამარტყეს და

გადმომავდეს, გაუსინჯნია იგი, მაგრამ არავითარი ნიშანი არ აღმოჩენია. მონმეს თავ. ზაალ ჭავჭავაძეს განუცხადებია: 26 აგვისტოს მოურავმა მაცნობა, რომ მოსამსახურენი გაიფიცნენო. გამორკვა, რომ ისინი კმაყოფილნი არ იყვნენ ხორციით. რადგან ხორცი კარგი აღმოჩენილა, ილია ჭავჭავაძეს უთქვამს მოურავისთვის, უკმაყოფილონი დაითხოვეო. შემდეგ გამორკვეულა რომ, ხორცი არ დაუნუნებიათ; უთქვამთ რომ ცოტა გვეძლევაო ამის გამო ჭავჭავაძეს უპატიებია ყველასათვის და, მათ შორის, თედო ლაბაურისათვისაც. მეორე დღეს თვით თედო ლაბაურს ნაუყვანია ილია ჭავჭავაძე ეტლით თბილისში. იმავე მონმეს თავ. ზაალ ჭავჭავაძეს განუცხადებია: ვერავითარს კავშირს ვერა ვხედავ ილია ჭავჭავაძესა და მის მოურავის მემანიშვილის მკვლელობას შორისაო. მემანიშვილის მკვლელობაში ეჭვი მიიტანეს იმ პირზე რომელსაც ქურდობისათვის სდევნიდა მოურავი. მოურავმა ქურდობისათვის იგი დააპატიმრებინა მაგრამ გზაზე დარაჯებს გაექცა. ამის შემდეგ გავიდა დიდი დრო და თავს დაესხნენ ჭავჭავაძის სახლს, მოპკლეს მოურავი და გაძარცვეს სახლიო ილია ჭავჭავაძის მოკვლის ერთი კვირის წინათ, უთქვავს იმავე თ. ზაალ ჭავჭავაძეს, მივიდა მამა გაქცეულ პავლე ფშავლიშვილისა, როდესაც ილიამ ეს გაიგო, სთქვა, გადაეცით მამას რომ თუ იგი შვილის განსათავისუფლებლად მოვიდა, ტყუილად გარჯილა, რადგან მე ვერ ვიშუამდგომლებ ქურდის განსათავისუფლებლად, ხოლო თუ სხვა საქმეზე – მოვიდესო.

პირველად გამომძიებელს მეეტლე ლაბაურისთვის ნაუვლია ხელი, მაგრამ მას თავი დამნაშავედ არ უცვნია, და განუცხადებია: მკვლელობის დღეს ტყიდან ოთხი კაცი გამოვარდა და შემოგვძხა – „შეჩერდითო“. ყველანი შეხედულებით სომხებსა ჰგავდნენ. ტანზე ეცვათ თეთრი პოგონიანი აფიცრის კიტელები და თავზე ეხურათ თეთრი ბუხრის ქუდები. ცხენით გავექანე, მაგრამ ერთი კაცი წინ გადაგველობა, მტაცა ხელი, გადმომათრია ეტლიდან და თან თოფის კონდახი ჩამკრა გვერდში. იმ დროს იაკობიც ჩამოხტა და მარცხნივ გადაირბინა გზაზე და ჩირგვენარში ჩაეშო. ბოროტმოქმედებმა მარცხნიდან მოგვიარეს, ერთი იაკობს გამოეკიდა, მეორემ ბერდანა ესროლა ეტლში მჯდომ ილიას, რომელიც მაშინვე გადმოვარდა. კნეინა ეტლში დარჩა, შემეშინდა, ცხენებს არ გაეტაცნა ისინი, მოუარე და აღვირით დავიჭირე ცხენები. ამ დროს მომესმა სროლა იქიდან, იაკობ ბითარაშვილი საითკენაც გაიქცა. არ დამინახავს როგორა სცემეს კნეინას. პატარა ჩემოდანი ერთმა

მკვლელმა წაიღო. ვნახე ისიც, რომ მკვლელებმა გაჩხრიკეს მოკლული ილია და მერე ტყეში შევიდნენ და მიიმალნენ. სანამ სახლში წავიდოდი ამ ამბის შესატყობინებლად, ტყეში შევედი საჭიროებისათვის, როდესაც გამოვედი, დავინახე ჯაში და სტრაჟნიკებიო.

1907 წელს 12 სექტემბერს ლაბაურისთვის ხელმეორედ გამოუკითხავთ. მას უთქვამს: მე პირველ ჩვენებაზე არა ვთქვი რა იმის შესახებ, რომ ორ მკვლელს ვიცნობ. ერთი ილია ჭავჭავაძესთან ნამსახური პავლე ფშავლიშვილია, მეორე სოფ. ახატნის მცხოვრები, მაგრამ მისი გვარი და სახელი ველარ მომიგონია. იმ უკანასკნელმა გაისროლა პირველად თოფი და მოჰკლა ილია ჭავჭავაძე.

16 ნოემბერს მესამედ გამოუკითხავთ ლაბაური და მაშინ უჩვენებია: პირველ გამოკითხვაზე იმის შიშით, რომ ჩემი ოჯახი არ დაღუპულიყო, ვერა ვბედავდი სიმართლის თქმას. ვერა ვთქვი როგორ მოჰკლეს ჭავჭავაძე ან მისი მსახური, ვინ იყვნენ მკვლელები, ეხლა, მუქარის მიუხედავად, გადავსწყვიტე ყველაფერი ვთქვა. როდესაც გავიარეთ წინამური და ტყეში შევედით, პირველი გამოვარდა ახატნის მცხოვრები გიგოლა ბერბიჭაშვილი და შემომძახა გაჩერდიო. თავადმა მიბრძანა, ცხენები გამერეკნა. მეც შევუტიე, მაგრამ რადგან გზა ტალახიანი იყო და ცხენებიც დაიქანცნენ ბოროტმოქმედებმა წინიდან მოგვიარეს და გააჩერეს ცხენები. ამ დროს იაკობი, ეტყობოდა შიშით, გადმოხტა და არაგვისაკენ ბუჩქებში შევარდა. გიგოლა ბერბიჭაშვილმა პირველმა ესროლა ილია ჭავჭავაძეს თოფი. დაჭრილი ჭავჭავაძე მაშინვე ეტლიდან გადმოვარდა. ვინა სცემა კნეინას, ვერ შევნიშნე და აგრეთვე ისიც, ბერბიჭაშვილის გარდა, სხვა ვინმემ გაისროლა თუ არა თოფი. ბოროტ-მომქმედთა შორის, პავლე ფშავლიშვილისა და გიგოლა ბერბიჭაშვილის გარდა, იყვნენ აგრეთვე დუშეთის მაზრის ახალსოფლის მამასახლისად ნამყოფი ვანო ინაშვილი და ჭავჭავაძის მსახურად ნამყოფი გიგო მოძღვრიშვილი. მკვლელობის შემდეგ ინაშვილმა და ბერბიჭაშვილმა კნეინას გულიდან „ბროშკა“ ააცალეს. როდესაც ყველაფერს მორჩნენ, მითხრეს: თუ ვინმემ გკითხოს, სთქვი თავს თეთრ პაგონიან კიტელებსა და ბუხრის ქუდებში გამოწყობილი აფიცრები დაგვეცნენ-თქო. თუ გაგიმხელია რომ ჩვენ ვიყავით, სახლს დაგინვამთ და ცოლ-შვილს ამოგიხოცავთო.

გამოძიებას გამოურკვევია, ამ მკვლელობაში პავლე ფშავლიშვილის მონაწილეობა. დაპატიმრებულ პავლე ფშავლიშვილს (იგივე აფციური) სხვა და სხვა დროს განუცხადებია: ჩემთან მოვიდნენ ბერბიჭაშვილი, ვანო ინაშვილი, ვილაც ერთი იმერელი და

მიტხრეს, ნამოგვეყვი ქავჭავაძის მოსაკლავად საგურამოშიო. მე ჯერ არ დავთანხმდი, მაგრამ როდესაც ბერბიჭაშვილი და ინაშვილი დამემუქრნენ, მოგკლავთო, დავთანხმდი. თავ-დაცემის დროს ფშავლიშვილი ტყეში იყო, არ გამოსულა იქიდან და ამის გამო არც უნახავს, როგორ მოხდა მკვლელობა. მკვლელობის შემდეგ დავბრუნდი ინაშვილთან სხვადასხვა ნივთებით და დავინყეთ ნივთების გაყოფა. მე არაფერი ამიღია და მალეც განვშორდი ამხანაგებს.

მცხეთის ბოქაულს დაუპატიმრებია წინამურის მცხოვრები გიორგი ხიზანიშვილი, რომელსაც განუცხადებია: 1907 წლის აგვისტოში ს. წინამურში ჩემთან მოვიდნენ ნამამასახლისარი ივანე ინაშვილი. პავლე ფშავლიშვილი, გიგოლა ბერბიჭაშვილი და ერთი იმერელი. ფშავლიშვილმა სთქვა: სოციალ-დემოკრატიულმა კომიტეტმა დაადგინა, მოიკლას იღია ქავჭავაძე იმისათვის, რომ იგი გლეხებს ავინროვებსო. წინამურში მათ დაჰყვეს მთელი ღამე. მეორე დღეს, 30 აგვისტოს, დილით ნავედით ტყეში. ინაშვილმა გვიბრძანა მე და ფშავლიშვილს, დავმდგარიყავით ტყეში მალლობზე და როცა გზაში გამოჩნდებოდა ეტლი იღია ქავჭავაძისა ნიშანი მიგვეცა. მართლაც, ნიშანი ფშავლიშვილმა მისცა. როცა ჩასაფრებულებს ეტლი გაუსწორდათ ტყიდან გავარდა რამდენიმე თოფი და იღია ქავჭავაძე ეტლიდან გადმოვარდა. გამოცვივდნენ ფშავლიშვილი, ინაშვილი, ბერბიჭაშვილი და იმერელი. ბერბიჭაშვილი მივარდა კნეინას, თოფის კონდახი თავში დაჰკრა და იქვე წააქცია. იაკობ ბითარაშვილმა ერთხელ გაისროლა რევოლვერი, მაგრამ გამოუდგნენ ინაშვილი და მისი ამხანაგები, რამდენჯერმე თოფი ესროლეს და ბუჩქებში მოჰკლეს. ამის შემდეგ გზაზე ამოვიდნენ. ბერბიჭაშვილი მივარდა კნეინას და ყურებიდან საყურეები ჩამოაცალა, ინაშვილმა თავადს საათი ააცალა. როცა ჩემთან მოვიდნენ, ხელში ჩემოდანი ეჭირა, მაგრამ რომელს, არ მახსოვს. მკვლელებმა მიბრძანეს, არავის არაფერი უთხრაო და ზედაზნის გზისკენ წავიდნენო.

გიგოლა ბერბიჭაშვილი, ივანე ინაშვილი დაიმაღნენ და დღემდე არსადა სჩანან. გიგოლა მოძღვრიშვილს უთქვამს: 1906 წელს სალდათობიდან დავბრუნდი და იღია ქავჭავაძესთან შევედი სამსახურში. პირველად მეფუტკრეს მასლოვს ვეხმარებოდი; მკვლელობის სამი კვირის წინად ამ ადგილზე სხვა დაიჭირეს, მე კი ქავჭავაძის ოჯახობაში ვმუშაობდი. 29 აგვისტოს ჩემმა ძმამ, სანდრომ, ნიშნობაში მიმიწვია. მე წავედი და როცა ორი დღის შემდეგ დავბრუნდი გზაზე გავიგე, რომ ქავჭავაძე მოეკლათ.

გიორგი ხიზანაშვილს უთქვამს: ამ საქმისა მე არა ვიცი რა. 30 აგვისტოს ტყეში ვიყავი და ნახშირსა ვწვავდი. საღამოთი წინამურში დავბრუნდი და იქ გავიგე ჭავჭავაძის მოკვლის ამბავი. ბოქაულ მარკევიჩისათვის მკვლელობის შესახებ არა მითქვამს-რაო.

პავლე ფშავლიშვილს მეორედ უთქვამს: მკვლელობაში არავითარი მონაწილეობა არ მიმიღია. არავის ამ მკვლელობაში არ გამოვტყუებულვარო. ფშავლიშვილი 1908 წლის 11 მაისს მეტეხის ციხიდან გაიქცა და დაიშალა.

ყოველივე ზემოთ მოხსენებულის გამო სასამართლოში მისცეს: დუშეთის მაზრის სოფ. საგურამოს მცხოვრებნი თედო ლაბაური(32 წლისა), სოფ. წინამურის მცხოვრები გიგოლა მოძღვრიშვილი(27 წლის) და გიორგი ხიზანაშვილი(29 წლისა).

გუშინ უკვე გათავდა საქმის გარჩევა და სასამართლომ განაჩენი გამოაცხადა. სამშაბათს დავბეჭდავთ საქმის გარჩევის ანგარიშს, ეხლა კი მოვიყვანთ განაჩენს. განაჩენი გამოცხადდა 2 ნახ. საათზე. სასამართლომ დამნაშავედ იცნო თედო ლაბაური, გიორგი ხიზანაშვილი და გიგოლა მოძღვრიშვილი ილია ჭავჭავაძისა და მისი მსახურის იაკობ ბითარაშვილის მოკვლაში და კნ. ოლლა ჭავჭავაძის მოკვლის განზრახვაში და მიუსაჯა სამივეს ყოველივე ღირსების ჩამორთმევა და ჩამოხრჩობა". მოგვიანებით დაიჭირეს ინაშვილიც. სწორედ მისი საშუალებით მიაგნეს გაქცეულ ფშავლიშვილის საფარს, სადაც ის ორმხრივ სროლაში მოკვდა. ინაშვილი კი სხვებთან ერთად ჩამოახრჩვეს.



ეტლში ოლლასთან ერთად დიმიტრი ჯაში იმყოფებოდა. ოლლამ ჯაშს რომ შეხედა, რომელიღაც მკვლელს მიაშვავსა, ამოიკვნესა, ეს კაცი მომავლორეთო. ეს ჯაშის მეტს არავის გაუგია, თავად იტყვის ამის შესახებ. დიდი ხნის შემდეგ ერთ-ერთი არგუმენტი გახდება ეს სიტყვები მის დასადასაშაულებლად...

ნახევრად უგონო ოლლა სახლში შეიყვანეს. იგი უგრძობლად იწვა. რამდენიმე ხნის შემდეგ თვალები გაახილა და თქვა: „იქ, კუთხეში ბამბა დევს, აიღეთ და მომწმინდეთ შუბლიდან სისხლი.“ შემდეგ იკითხა: „სად არის ილია?“ ამის შემდეგ იმ დღეებში მისგან გონიერი სიტყვა აღარავის გაუგია. ჩამოიყვანეს თბილისში. დიდი დრო დასჭირდა მის გადაარჩენას.

ილია ურმით მიასვენეს იმ სახლში, რომელიც სიბერის დღეთა მშვიდად გასატარებლად ააშენა. დაასვენეს მე-2 სართულზე, სადაც ცხედარი კი არა, საქართველოს გული ესვენა. ერმა ვერ გაიმეტა ჩვეულებრივ განსაშორებად. მთელი 11 დღე საქართველო უკანასკნელი პატივის მისაგებად ემზადებოდა. იქნებ ამით გამოესყიდათ ის უმადურობა, რაზეც მოხუცი მგოსანი სიბერეში ჩიოდა და რაც მის სიცოცხლეში მისმა სამშობლომ მიუსართა. გამოფხიზლებული ერი სინდისის ქენჯნით და თვითგვემის სურვილით შეპყრობილიყო, გარდა სამშობლოს უარმყოფელთა იმ წრისა, რომელთაგან ერთი, – ბოლშევიკი, პეტერბურგში განაცხადებს, მეორე, – მენშევიკი, თბილისში გაიმეორებს-როცა ტყვეს ჭრიან, ნაფოტები სცვივაო.(პირველი იყო ვ. ჯუღელი, მეორე კი ნ. ყორდანი) მაგრამ იმ დღეებში ესენი ვილას დაკარგვოდნენ, საქართველო მიხვდა, რომ ილიას სახით მას ესროლეს.


ამ გულგაპობილი კაცის ცხედარს სული გასცლოდა და ახლა ეს სული ჭირსა და ლხინში სამშობლოს თანამდეგ სულად ქცეულიყო. ეს ვაჟა ფშაველამ ორად-ორი სიტყვით გამოხატა – „ვერ მოჰკლეს!“

თავი II

„მთანმინდა გულში
იხუტებს
საშვილიშვილო სამარეს“



ილია კუბოში



ეტლი რომელშიც მოკლეს ილია



თედო ლაბაური

დიდებულო ადამიანო, ივერიის ტანჯული ძვე, გვაპატიე აქ შეკრებილ სრულიად საქართველოს, რომ სწორედ იმ ადგილას მოგისპო სიცოცხლე ჩვენმა ზნეობით დაცვამ, სადაც შენ გულამოსკენილი სტიროდი ბედსა ქართლისასა". გვაპატიე, რომ შენს შუბლს ტყვია ვარგუნეთ წილად დიდების გვირგვინის მაგივრად. გვაპატიე, რომ ჩვენ სატახტო ქალაქში ტრიუმფის მაგივრად სამგლოვიარო პროცესია გაგიმართეთ! გვაპატიე, – ეს შეეფერება შენ დიდ სულოვანობას! იქ, ზევით, პოეტთა მიერ შემკულ, მდებარე მთანმინდაზედ განგასვენებთ, ჩვენ მხცოვან, ტანჯულსა ისტორიულ დედა-ქალაქ თბილისს რომ ბატონობს იდუმალად! მაგრამ ვაგლახ ჩვენ, რომ იქიდან ველარ გადმოხედავ შენსა სამშობლო მხარეს და ტკბილის ჭიკჭიკითა ველარ დაატკობ მის არემარეს". ველარ იხილავ მომავალში შენსა ივერსა, ფენიქსებრ განახლებულსა", თუ მომავალმა ეს ბედი კიდევ გვარგუნა. მაგრამ აწმყოში მაინც ბედნიერი იქნები, რადგან ვერ იხილავ აგრეთვე იმ სინითლეს, სირცხვილს, რომელიც ან დაცემულმა ივერმა სჭამა შენი წამებითა და რომლის ჩირქსაც იგი დიდხანს ვერ მოიბანს!"

მიხაკო წერეთელი

როგორ შეხვდა საქართველო, საქართველოში მცხოვრები სხვადასხვა ერი ილიას მკვლელობას?

ეს გრძნობა ლაკონურად ასე შეიძლება გადმოვცეთ: ხალხმა დაინახა –

კაცი რომელიც ყაჩაღისთვის ითხოვს შენდობას,
იმ ყაჩაღებმა ყაჩაღივით შარაზე მოჰკლეს.

ხალხმა დაინახა, რომ ბედის ბორბალი უკულმა დატრიალებულიყო –

„ვერაფერს ვიტყვი, ენა სდუმს,
თავზე დაგვჩხავის ყორანი,
გალმა გასვლისა მსურველთა
უკულმა მიგვყავს ბორანი:

გაგვიბატონდა მგოსანო,
სირეგვნე შეუწონარი...”

ვაჟა ფშაველა

ერმა იხილა – თავისი ყველაზე დიდი შვილის ჯვარცმა მე-20 საუკუნეშიც განმეორდა.

„იესო როცა ჯვარს აცვეს,
ვერ სცნობდნენ ერთი მეორეს...
მეოცე საუკუნეშიც
ის ჯვარცმა გავიმეორეთ.“

სილოვან ხუნდაძე

ერი მრისხანებამ მოიცვა, რადგან საკუთარი თვისტომისგან
ნასროლი ტყვია უფრო საშინელია.

„თავი დასდვა ქვეყნისათვის,
მიპბაძა ძმებს თავდადებულთ:
მეფესა და ყიფიანსა...
იმ ორ ქართველს, განდიდებულთ!
მაგრამ ამათ სიკვდილშიაც
განსხვავება არის დიდი:
უფრო მწარე და მწვავეა,
როცა შენ გკლავს შენი ფლიდი!
მეფე მოჰკლეს მონღოლებმა,
დიმიტრიც მტრის მოკლულია!..
მაგრამ ნუთუ შინ ჩვენმავე
გამოგვტაცა ჩვენ ილია?!“

აკაკი

ერი თვითგვემამ შეიპყრო, რადგან აქამომდელი სიჩუმით ერთ
პილატეთაგანად იგრძნო ყველამ თავი.

„ვაიმე! რაკი შენს მდევნელთ
ხმა არ გავეციტ მხდალებმა,
იქნება მისთვის შეგახეს
ხელი შენ ნაძირალებმა“

იაკობ ცახელი

მაგრამ ერი გამოფხიზლდა კიდევ. გლოვამ მოიცვა მთელი საქართველო. გამოფხიზლდნენ ილიას ყოფილი იდეური მოწინააღმდეგენიც კი. რად ღირს ედოშვილის მაგალითი. მას ბევრმა მიბაძა. სოციალ-დემოკრატიის რიგებს ხალხი ტოვებდა, პარტიულ მანდატებს ყრიდა. ბევრი მიხვდა, სადამდე მიიყვანა ხალხი სამშობლოს უარმყოფელთა მოძღვრებამ.

მიხაკო წერეთელი მოგვიანებით დაწერს: გონს მოვიდა ახალგაზრდობის ერთი ნაწილი, „რომელმაც არ იცოდა, რას როტავდა და რას ჩმახავდა 1905 წლის წინად, ამ წლის დღეებში და შემდეგაც. ღმერთმა იცის, ვის და რისი გავლენით. „რევოლუციონური ბრძოლით“ გატაცებული ილიას მოკვლამ თვალი აგვიხილა, დავინახეთ რაშიგან ვართ.“ დავირაზმეთ ერის სამსახურისათვის. მივხვდით რა, რომ სხვა უდიდესი მოვალეობა ადამიანისათვის არ არსებობს“. ყოფილ შეხედულებათა რევიზია ბევრში მოხდა.

მაგრამ კუზიანებს მხოლოდ სამარე თუ გაასწორებდათ.

ფილიპე მახარაძე და ძმანი მისნი იმ დღეებში ისევ იკბინებიან. მენშევიკები კი თავიანთი გაზეთებიდან თავს იცავენ. საერთო სახალხო გლოვაში ერთადერთნი ბოლშევიკები არ მონაწილეობენ. არ მონაწილეობას დადგენილებითაც კი გააფორმებენ. იურევის უმაღლესი სასწავლებლიდან სამძიმრის დეპუტის გამოგზავნაზე, სამოცდაათი სტუდენტიდან თითქმის ნახევარი იტყვის, პარტიული მოსაზრების გამო, ამ გადაწყვეტილებას ხელს ვერ ავუწევთო.

ასეთი ამბებიც იყო. ეს ის ხალხია, რომელნიც ილიას შემდეგ, 1921 წლის 25 თებერვალს, საქართველოს თავისუფლებასაც მოჰკლავენ. ილიას მოკვლა ამ დიდი ტრაგედიის დასაწყისი იყო.

ეს ერმა გუმანით იგრძნო და იმ დღეებში ფეხზე დადგა.

მაგრამ როგორც გვჩვენებია, მხოლოდ იმ დღეებში...



სამგლოვიარო დღეები კი ასეთი გახლდათ:

ვინაიდან მთელ საქართველოს სურდა ილიას დაკრძალვაში მონაწილეობის მიღება, დამკრძალავმა კომისიამ ყოველი დღე საგანგებოდ განერა, ვიდრე 9 სექტემბრამდე. იმ დღეების შესახებ ზღვა ლიტერატურა არსებობს. უამრავი მოგონება, ჩანაწერი. იმდროინდელი გაზეთები. 1907 წელსვე საგანგებოდ გამოიცა წიგნი – „ილია ჭავჭავაძის სიკვდილი და დასაფლავება“. აქედან

გამომდინარე, ამ ზღვა მასალიდან რამდენიმე, ჩვენის აზრით, უფრო მნიშვნელოვან პუბლიკაციებზე შევაჩერებ მკითხველის ყურადღებას.

თავად-აზნაურთა კრებაზე, რომელიც დამკრძალავი კომისიის შექმნასა და ილიას დაკრძალვის ადგილს განიხილავდა, ერთი-ორი ბნელი კაციც გამოორეულა, რაც ქვემოთ წარმოდგენილი მშრალი ინფორმაციიდან ჩანს:

თათბირი ილიას დაკრძალვაზე

პარასკევს, 31 აგვისტოს, მოხდა საგანგებო კრება ტფ. გუბერნიის თავად-აზნაურთა დეპუტატების საკრებულოში. კრებამ თათბირი იქონია ილია ჭავჭავაძის დაკრძალვაზე. წინადადება შეიტანეს, რომ ხარჯი და ზრუნვა განსვენებულის დასაკრძალვად საზოგადოებამ იკისროს, მაგრამ რადგან საზოგადოებას საერთო თანხა არ მოეპოვებოდა საზოგადო საქმისთვის, ამიტომ ფული უნდა გადასდოს თავად-აზნაურობამაო. კრებამ ერთხმად მიიღო ეს წინადადება. შემდეგ მცირე კამათი იქონიეს იმაზე, თუ სად დაკრძალონ გვამი. ზოგმა დიდუბე დაასახელა, ზოგმა ანჩისხატის ეზო, უმრავლესობამ კი მთაწმინდა. ბოლოს კრებამ მიიღო ეს უკანასკნელი წინადადება; ფული გადაიდება იმდენი, რამდენიც საჭირო იქნება. დასასრულ კრებამ აირჩია განსაკუთრებული კომიტეტი ექვსი კაცისაგან. კომიტეტი სხვა საზოგადო დაწესებულების წარმომადგენლებთან ერთად შეიმუშავენ დასაფლავების ცერემონიალს. კომიტეტმავე უნდა დანიშნოს დაკრძალვის დღე. განსვენებულის გვამს საგურამოდან საქართველოს სამხედრო გზით მოასვენებენ. როგორც განზრახულია, პროცესია გაივლის გოლოვინის პროსპექტით, მივა სიონის ტაძარში, სადაც გადახდილი იქნება წირვა და პანაშვიდი. შემდეგ პროცესია მამადავითისაკენ გაემართება. დაკრძალვის დღედ განზრახულია დანიშნონ შაბათი, 8 სექტემბერი. დაწვრილებითი წეს-რიგი გასვენებისა გაზეთებში იქნება გამოცხადებული.

კალისტრატე სალიას მოგონებიდან:

„ვინაითგან საქართველოს ყოველი კუთხე, ყოველი ქალაქი, თითქმის ყოველი საფელი მოსურნე იყო დასაფლავებაზე მონაწილეობა მიეღო და ღირსეულად ყოფილიყო წარმოდგენილი, დამკ-

რძალავმა კომისიამ საჭიროდ სცნო დასაფლავების დღე გადაენია და იგი მეთერთმეტე დღეს, 9 სექტემბერს დანიშნა. ხოლო საგურამოდან თბილისში ჩამოსვენება 7 სექტემბერს.

ამ ხნის განმავლობაში იმართებოდა მთელ საქართველოში საეკლესიო და სამოქალაქო პანაშვიდები. საქართველოს გლოვაში მონაწილეობას ლებულობდნენ, აგრეთვე, საქართველოში მცხოვრები სხვა ერები: სომხები, ბერძნები, თათრები, ებრაელები და სხვები. არ დარჩენილა არც ერთი ქართველი საზღვერგარეთ მყოფი, რომ არ გაეგზავნოს სამძიმრის წერილი და დეპეშა საქართველოში „სამშობლოს გლოვას ჩვენი ცრემლიც მიუმატეთ“, „ნუთუ ილია და ამისთანა საზიზღრობა?“ – წერდნენ ისინი. თვით ციხეებიდანაც კი მოახერხეს პატიმრებმა, შეერთებოდნენ საერთო გლოვას „არსებული უსამართლობით რკინის ჩარჩოიან კარ-ჩაკეტილ საკნებში მომწყვდეულნი, ილიას სიკვდილით გულდაკოდილნი, ვუძღვნით მას ცოცხალი ყვავილებით შემკულ გვირგვინს და ვატანთ ჩვენს გულწრფელ ხსოვნა-სიყვარულს“. იუნყებოდნენ მეტეხის პატიმრები.

როგორც ზემოთ ვთქვით, საგურამოდან თბილისში ჩამოსვენება დაინიშნა 7 სექტემბერს. ამ დღისათვის საგურამოში ჩავიდნენ წარმომადგენელი: წერა-კითხვის საზოგადოებისა, დრამატული საზოგადოებისა, თავად-აზნაურობის, სოც-ფედერალისტთა პარტიისა და საქართველოს სხვადასხვა ქალაქებიდან, თბილისის დეპოს მუშათა და სხვა მრავალ ორგანიზაციათა, რომელთა ჩამოთვლა აქ შორს ნაგვიყვანდა.“

ეკატერინე გაბაშვილი:

„სალამოს რვა საათი იქნებოდა, როდესაც შვიდ ენკენისთვეს ჩვენი ეტლი მიუახლოვდა ილიას სახლს საგურამოში.

გარეშემო ადამიანის ჭაჭანება არა სჩანდა, მხოლოდ ბუნება იყო მეფურად დიდებული და მთვარის მკრთალის შუქით განათებული არე-მარე ზღაპრულის საიდუმლოებით მოცული.

დიდროვანნი ხეების ჩრდილები, ახმახი მღვევივით წამომსხდარიყვნენ სახლის გარეშემო და შავ ჩადრებ წამოსხმულნი, შავის ფიქრებით მოცული მტრის ხელით გაგმირულ ილიას ცხედარს სდარაჯობდნენ; აქვე მათ შორს მჩქეფარე წყარო პოეტის დამსხვრეულ ჩანგს დასტიროდა.

ისედაც შავ ფიქრებით გულ დაკოდილნი, ამ ბუნების დიადმა მყუდროებამ მთლად შეგვბოჭა მწუხარებით.

ჩვენ ნელის ნაბიჯით, მოწინებით, გულის დუღილით მივედით სახლის შესასვლელთან და გავეჩერდით. ვილაცამ, შავითმოსილმა, წმინდა სანთლით ხელში, კარი გაგვიღო და ხმის ამოუღებლივ, თავ-ჩაღუნული სახლში შეგვიძღვა.

სოფლის მოხუცებული მღვდელი პანაშვიდზედ იდგა. მონაზონთა გუნდი წყნარს სამგლოვიარო საგალობელს ჰგალობდა. ოთახი მხოლოდ წმინდა სანთლით იყო განათებული და მისის მკრთალი შუქი რამდენიმე ადამიანს, შავათმოსილს ანათებდა. შუა ოთახში, თეთრ ზენარ გადაფარებულ სტოლზედ შავი რკინის კუბო იდგა და ზედ ძველი დიბის გადასახურავი ეფარა... ჩვეულებრივი სიკვდილის თანამგზავრი სურათი, არა ჩვეულებრივის მკვდრის გარეშემო...

წმინდა სანთლის სუნი, საკმევლის მძლავრი სურნელება, მგალობელთა ძარღვების ამშლელი სევდიანი კილო, მგლოვიარეთა გოდება საშინელ შთაბეჭდილებას ახდენდნენ... გული შემისუსტდა. გონებამ რყევა დამიწყო, მგზავრობით დაღალულმა მუხლებმა მიღალატეს და ჩავიკეცე ძვირფასის ცხედრის ფერხთან და კუბოს ფიცარს თავი მივაყრდე... ფიქრებმა შემიპყრეს და სულ სხვაგან გადმიტაცეს გასაოცარის სინამდვილით, თვალთმაქცურის სისწრაფით ჩემ თვალწინ გაიბრინა იმ ორმოცმა წელიწადმა, რომელთა განმავლობაში განუყრელად წინ მიმიძლოდა ერთი ბრწყინვალე ვარსკვლავი. და ჩემის ქვეყნის ჩაბნელებულ მიდამოს მინათებდა.

ჯერ ისევ სკოლის სკამზედ მჯდომ მონაფეს, ქართული ენის მასწავლებლისგან გავიგონე ეს დიდებული, მაღალი გრძნობით აღსავსე სიტყვები: „როგორ შევეყრები მე ჩემს ქვეყანას და როგორ შემეყრება იგი მე? რას ვეტყვი მე ჩემს ქვეყანას ახალს და რას მეტყვის იგი მე? შევძლებ რომ მას ღვიძლი სიტყვა უთხრა და იმ სიტყვით უნუგეშოს ნუგეში მოვფინო, მტირალს ცრემლი მოვწმინდო, მუშაკს შრომა გაუადვილო? შევძლებ გასაგონის სიტყვის თქმას?...

— გადავწყვიტე რო ჩემი ქვეყანა მიმიღებს და მიმითვისებს კიდეც, იმიტომ რომ იმისი სისხლი და ხორცი ვარ, იმის სიტყვასაც და ენასაც გავიგებ, იმიტომ რომ მამულს შვილი ყურს უგდებს, განა მარტო ყურით, გულითაც, რომლისთვისაც დუმილიც გასაგონია. ჩემს სიტყვასაც გაიგონებს, იმიტომ რომ შვილის სიტყვა მშობელს ყოველთვის ესმის...

ზეციური ზარივით გაიწკრიალეს, ამ მაღალმა: მამულის იმედის შვილის სიტყვებმა, ჩემ ყმანვილ ნორჩ გულში და სულის სიღრმემ-

დინ ჩაიბეჭდნენ ჩემ არსებაში... „რას ვეტყვი ჩემს ქვეყანას და რას მეტყვის იგი მე?“ ჩემის ცხოვრების ლოზუნგად შეიქმნენ...

...თვალი აღარ მომიშორებია ილიას ტრიუმფით მსვლელობისთვის ქართველთა საზოგადო ცხოვრების სათავეში.

ის გახდა ჩემთვის სინონიმად ჩემის ქვეყნისა. ჩემის ქვეყნის მაჯისცემის მაჩვენებლად, იმის მომაკვდინებელი ძილის გამფთხობად, იმის მომავლის შემოქმედათ და ჩემ კერპად გავიხადე. ჩემ გულში აუგე მას ტაძარი წმინდა და შიგ ხატათ დავისვენე. და ვინც ჩემი სარწმუნოების მრწმენელი არ იყო, ის მიმანდა ქართველობის მგმობელად, ჩემის წმინდათა—წმინდის შეურაცხმყოფელად...

– ნეტა ვინ არის ეს ილია ჭავჭავაძე, რომ ასე მცხარედ იბრძვიან იმის გულისთვის? მკითხა ერთმა მანდილოსანმა, ბანკის კრებების დამთავრების შემდეგ ჩამოსულმა, მხოლოდ კენჭის ჩასაგდებად მოსულმა სოფელელმა.

– თქვენ არ იცით ვინ არის ილია ჭავჭავაძე?! შევეუყვირე მე გულის წყრომით. ეს ისეთივე დანაშაულია ქართველის ქალისათვის, როგორათაც თვითეულის ქრისტიანისათვის იმის არ ცოდნა, თუ ვინ იყო ქრისტე!

– თქვენი რწმენა დიდია, როგორც სჩანს, დაცინვის ღიმილით მითხრა, იქვე ჩვენს ახლოს მჯდომმა მოხუცებულმა თავადმა, – მაგრამ შემცდარი ხართ, ქალბატონო! ილიაც ისეთივე ცდომილი კაცია, როგორც სხვა ყველა მოკვდავი.

– სხვა ყველა?! რას ამბობთ მაგას! არ იცით განა, რომ ილია მზეა და მხოლოდ შური სჩრდილავს! მაგრამ მზის სხივები მალე გაჰფანტავენ ღრუბლებს და ქვეყანა დაინახავს თავის მაცხოვარს!

– ხა, ხა, ხა! ნაძალადევის სიცილით გადაიხარხარა მოხუცმა – ეგეც კარგია, რომ ერთი მაინც თქვენი გვარი ფანატიკოსი მორწმუნე ჰყავს ილიას! აბა გადახედეთ ამ გაჭედილ დარბაზს, როგორ გგონიათ, ბევრნი არიან აქ თქვენი აზრის მომხრენი?!

– ხალხი, ბრბო თავის წინასწარმეტყველს ხანდისხან სდევნის, მძიმეთ ითვისებს იმის სწავლას, მცნებას, მაგრამ მოვა დრო და ისიც მიხვდება იმის ღვთაებრივ დანიშნულებას და თაყვანსა სცემს, გააღმერთებს...

– გაჩუმდი, დედაკაცო! ბევრს ნუ ჰყებდობ, შეჰყვირა მეორე გვერდზედ მჯდომმა ყმანვილმა თავადმა და ხმალი მომიღერა...

– გავიდა დრო. ქართველთა მონინავე, შეგნებულმა ნაწილმა მოინდომა ილიას სალიტერატურო და საზოგადო მოღვაწეო-

ბის ორმოცი წლის იუბილეს გადახდა. ოცდა ათი კაცი ადგენდა პროგრამას, ემზადებოდა დიდებული დღესასწაული გადაეხადა თავის ქვეყნის საუკეთესო მამულიშვილისათვის. სხვათა შორის ქართული თეატრის სცენაზედ თითო თითო კუთხეში საქართველოს თითო კუნჭული უნდა ყოფილიყო ამართული და შვიდი მუზა, თავიანთი ალაგობრივის ტანთ ჩაცმულობით, დაფნის გვირგვინებით ხელში უნდა მიჰგებებოდა მგოსანს და შვიდის ნანილიანის, მაგრამ ერთ სულოვანის საქართველოს სახელით შეემკოთ, თავი თვისის სახელოვანის მესვეურისა.

შემდეგ უნდა წამდგარიყვნენ ყველა წოდების და საზოგადოების წარმომადგენელი თავთავიანთ სადიდებელის სიტყვით და გვირგვინებით. მეც მხვდა წილად დაფნის გვირგვინით დამედაფნა თავი ჩემის სათაყვანებელის მამულის შვილისა, მეთქვა ორიოდ გულიდან ამონახეთქი სადიდებელი სიტყვა.

აი გაისმა დიდებული მუსიკის ხმა, შეზავებული ეროვნულ საგალობელთან. ციური შუქი მოეფინა ჩემს გარეშემო და ვარდის ფურცლით მოფენილს სცენაზედ ნელის ნაბიჯით ფერ მკრთალი, მაგრამ ამაყი დამსახურებულის თაყვანის ცემით, ხალხს წარმოუდგა დიდი ილია, დიდი მგოსანი.

აღტაცებით და ნეტარებით აღვაჰყარ ხელები ამ უდიდესის ხვედრის აღსასრულებლად და ილიას ნათელის შუბლის მაგივრად ცივ კუბოს ფიცარს შევახე მთრთოლვარე ხელი.

ილიუზია გაჰქრა... გამოვფხიზლდი... ვილაცამ ხელი მომკიდა და ამაყენა. ჩემ წინ ესვენა გვამი იმ ძვირფასის საუნჯისა, რომლის თავის შემკობას დაფნის გვირგვინით ასე დიდხანს ველოდი და უგუნურის ხელით ჩახლართული ეკლის გვირგვინი ედგა და ნამებულ მშვენიერ სახეზედ სისხლის წვეთები სდიოდა.

– უფალო, უფალო! შევყვირე, ნუ თუ ეს არის ხვედრი ყოველის დიდებულის ადამიანისა?!”

ეკატერინე გაბაშვილთან ერთად იმ დღეს საგურამოში იმყოფება წინო ნაკაშიძე. მის მოგონებაში ვკითხულობთ: „ილია იწვა კუბოში გამხდარი, ბაგეებჩაცვინული, შუბლზე, ცალ მხარეს, დაჭრილ ადგილას ყვავილები ეფარა, სახეზე რაღაც გაკვირვება აღბეჭდოდა... შიში კი არა, – ეს უნდა დაეხსომოთ, – მხოლოდ გაკვირვება“.

ჭირისუფლად იჯდა ილიას დაი, ელისაბედ ქავჭავაძე-საგინაშვილისა. ილიას მეგობარმა, „ივერიის“ ძველმა თანამშრომელმა დათა მიქელაძემ ელისაბედის წინ დაიჩოქა, თავი მის მუხლებზედ

დააყრდნო და დიდის ხმით და ქვითინით შესტირა ისეთი მწარე მოთქმით, რომ ირგვლივ ყველა ატირდა.

ზედაზნის ბერებმა ორჯერ გადაიხადეს პანაშვიდი. გალობდა მცხეთის დედათა მონასტრის გუნდი. ეზოში იდგა ილიასა და ოლლას სისხლშემხმარი ეტლი.

7 სექტემბერს საგურამოდან გამოსვენებას დაესწრო მთელი საგურამოსა და წინამურის გლეხობა. ილიას კუბო გამოასვენეს არტურ ლაისტმა, ივანე რატიშვილმა, ვასო აბაშიძემ, ალექსანდრე მდივანმა, იაკობ ფანცხავამ და გიორგი ზდანოვიჩმა.

გაზეთი „ისარი“ გვამცნობს:

სწორედ 8 საათზე რვა კაცმა ჭავეჭავეძეს კუბო ეზოში გამოიტანა. აქ მგრძნობიარე სიტყვები წარმოსთქვეს წ. -კ. საზ. წარმომადგენელმა რატიშვილმა და ეკ. გაბაშვილმა, მერე კუბო და სახურავი გლეხებმა აიღეს, ცხედარს გარშემო ერტყა შავებში გამონყობილი საპატოო მცველთა რაზმი და ყველანი დაიძრნენ. სწორედ ამ დროს განსვენებულის სახლზე, რომელიც მთელ საგურამოს, არაგვის ხეობასა და მუხრანის ველს ზევიდან დასცქერის, უშველებელი შავი დროშა ააფრიალეს.

პროცესია მთელ ვერსზე გაიჭიმა. საგურამოს ბოლოში შემოგვიერთდნენ შავებში ჩაცმული სოფლელი დედაკაცები. ნახევარ საათის შემდეგ პროცესია გაჩერდა იმ ადგილას, სადაც განგმირულ იქნა ძვირფასი მგოსანი. ზედ შუა გზაზე, ორ ადგილზედ, შავად მოსჩანს სისხლი. გლეხებმა უმალ ეს ადგილი ქვებით შემოკირწყლეს, ევდოშვილმა მოკლე და კარგი სიტყვა წარმოსთქვა. მის კითხვაზე, თუ რა უნდა ეწოდოს მკვლელებს, ყველამ ერთხმად იგრიალა: „იუდა, იუდა!“ შეჩვენდეს, დაინყველოს!”

ირ. ევდოშვილის სიტყვა

ქართველებო! აი, ამ ადგილას დახუჭა ქართველების დიდებულმა მწერალმა თვალეები. აქ ამოიკვნესა უკანასკნელად მისმა გულმა.; ამ ადგილიდან უკანასკნელად შეშხედა ილიამ თავისი სამშობლოს ცას... როგორი მაღლიერიც იქნებოდა ის ამ დროს თავის ერისა – ამაზე მეტია ლაპარაკი... თქვენ, ამ არე მარე მცხოვრებნო, აქაურო ქართველო, დღეს ამ კუბოსთან და ამ გზაზე შემხმარ სისხლთან მარტო თქვენ არ შეკრებილხართ, აქა ვართ ქართველები, წარმომადგენლები საქართველოს ყველა კუთხიდან, მაშასადამე,

მიუხედავად იმისა, რომ ილია სცხოვრობდა თქვენში, იგი მხოლოდ თქვენ არ გეკუთვნოდათ. ის ეკუთვნოდა მთელ საქართველოს, მთელს ერს, ყველა ქართველს. იმან დაგედო ამაგი ყველას, მთელს საქართველოს! მაშ რა ნება ჰქონდა იმ ხელს, რომელმაც მოჰკლა თქვენში ილია, იგი რომ თვითონ დაისაკუთრა, რომ იგი ანაცვალა თავის ქვებუდან გრძნობას? არავითარი! ვერაგმა ხელმა იგი წაგვართვა ყველას, მთელს ქართველობას! მან განგმირა მთელი საქართველოს მამა – მოძღვარი!

წელან ერთმა მოლაპარაკემ სთქვა: ამ ადგილას, სადაც ილია მოჰკლეს, უნდა ავაგოთ ძეგლი იმის სადიდებლად, მის სამახსოვროდაც. ეს ძალიან კარგი იდეაა. იყოს აქ ძეგლი ილიას სადიდებლად, მაგრამ აქავე, იმის გვერდზე ავლმართოთ ჩვენ სხვა ბოძიც, ბოძი სამარცხვინო, და ზედ დავანეროთ: „აქ მოკლეს ილია, დიდი-მოძღვარი და საქართველოს მგოსანი“!

ძმებო! ყველა თქვენგანს ჰყოლია მამა, რომელიც გაცმევდათ, როცა გციოდათ, გაჭმევდათ როცა გშიოდათ. ესლა დაბერდა ის, მაშ მიუშვირეთ თოფი და გაუგმირეთ გული! რომელია თქვენში ამ საქმის ჩამდენი, რომელი აიღებდა თქვენს მამაზე ხელს? არავინ?! მაშ რა ვუნოდოთ იმ კაცს. რომელიც ასე მოიქცევა, რომელიც ჩვენ წაგვართმევს ჩვენს სულიერ აღმზრდელს, ჩვენს სულიერ მასაზრდოებელს? დაუძახებთ თქვენ მას იუდას თუ არა? (ხალხის ხმა : იუდაა, იუდა!) იყოს წყეული თუ არა? (ხალხის ხმა: იყოს წყეული. იყოს წყეული!)...”

მცხეთის გამოღმა, ჯვრის მონასტრის ძირში, პროცესიას დაუხვდნენ მცხეთელები სამი მღვდლით, საეკლესიო დროშებითა და გვირგვინით, რომელსაც ეწერა: : ჩვენს მეზობელსა და დიდ მოღვაწე პოეტს ილია გრიგოლის ძეს მცხეთის საზოგადოებისაგან“. მშვენიერი სიტყვა წარმოსთქვა მღვდელმა ჯალიაშვილმა.

მუხათ გვერდზე, რკინის ხიდთან მთელ ავჭალას მოეყარა თავი. ყველანი აქ იყვნენ: მოხუცი, ახალგაზრდა, სოფლის დედაკაცები, ინტელიგენტები, სასოფლო სკოლა ქალ. მასწავლებელ ნვიმადის მეთაურობით. იმათ ის იყო ზემო-ავჭალაში პანაშვიდი გადაეხადათ და ეკლესიიდან პირდაპირ მუხათგვერდზე ამოსულიყვნენ. მგრძნობიარე სიტყვა წარმოსთქვა ანდრო ადამიძემ, და პროცესია ისევ გზას გაუდგა.

დიღმის მინდორზე დიდმელი გლეხები დახვდნენ პურის თავთავების გვირგვინით, რომელზედაც ეწერა: „კაკო ყაჩაღის“ დამწერს დიღმის გლეხებისგან“ და ერთი კუპლეტი „კაკო ყაჩა-

ლი"-დან. აქაც მღვდელმა ივანე სოლოლაშვილმა სიტყვა წარმოსთქვა. ზოგი ტფილისიდან წამოსულიყვნენ და თეთრ დუქანთან დაგვხვდნენ იქიდან მოყოლებული ვერის ბალამდე ხალხი გზა-გზა თანდათან გვემატებოდა. ხალხი ჯგუფ-ჯგუფად გვიხვდებოდა და პროცესიას უერთდებოდა. ჯერ ჯვართან არ ვიყავით მისული, რომ პროცესია რამდენიმე ათას კაცს აღემატებოდა.

ტფილისში

ჯერ ისევ თორმეტი საათი იყო რომ ქალაქის სხვა და სხვა კუთხიდან, კანტი-კუნტად, ხალხი ვერისაკენ მოდიოდა. ამინდი ამ დღეს მშვენიერი იყო მხოლოდ ოდნავი ქარი ქროდა პირველ საათზე ვერისკენ უკვე მთელი ჯგუფი მიდიოდა, მიჰქროდა ეტლები, მიჰქონდათ ათასნაირი გვირგვინი. ორ საათზე ხალხით გაივსო მთელი გორაკები ვერის ბალების თავზე. ოლლას ქუჩა, ჯვრიდან დანყებულ ზევით გავაკებამდე, ხალით იყო სავსე. ყველა საქართველოს სამხედრო გზას გაჰყურებდა. სამს ჩარეჟი აკლდა, როდესაც მოვიდა პროცესიის წინამორბედი ორცხენიანი სამგლოვიარო ეტილი.

სწორედ სამი საათი იყო. როდესაც პროცესია გამოჩნდა. წინ მოუძლოდა შავებში გამოწყობილი თხუთმეტიოდე ცხენოსანი. შემდეგ ბალდახინით მოჰქონდათ კუბო, რომელშიაც ესვენა ძვირფასი გვამი. კუბოს მისდევდა ორმოცამდე გლეხი, შემდეგ სამოცამდე ეტილი. პროცესიას, ხალხის გარდა ვერაზე დახვდა სამი ქართველი ეპისკოპოსი და დიდ-ძალი სამღვდელოება. მისვლისთანავე გადაიხადეს მცირე ლოცვა. შემდეგ დაიწყო სიტყვები წარმოსთქვეს მღ. თალაქვაძემ. ვლ. მიქელაძე, ილია ზურაბიშვილმა, სილოვან ხუნდაძემ (ლექსი), ჩვენმა თანამშრომელმა ბატონმა.

ამის შემდეგ დაიძრა პროცესია. სურათი საუცხოვო და დიდებული იყო, რომლის მაგვარი ტფილისს ჯერ არ უნახავს. წინ მიდიოდნენ დეპუტაციები და მიჰქონდა გვირგვინები. გვირგვინი უთვალავი იყო და ამასთან ათასნაირი. 8-9 ვერცხლის გვირგვინი იყო. ყველას ყურადღებას იქცევდა რამოდენიმე ცოცხალ ყვავილისაგან გაკეთებული გვირგვინი ტფ. ქართველ ქალთაგან. პროცესიაში მონაწილეობას იღებდა ხევსურების ოცამდე წარმომადგენელი.

ცხედარს ბალდახინით მიასვენებდნენ და უკან უამრავი, უთვალავი ხალხი მიდიოდა. სულ ცოტა სამოცი ათასი კაცი და ქალი იქნებოდა. გალობდა რამდენიმე გუნდი-ყმანვილებისა, მოსწავლე ქალებისა და ვაჟების. მთელ გზაზე ჯვრიდან დაწყებული სიონამდე დუქნები და მალაზიები სულ ერთიანად დაჰკეტეს, ტროტუარები ყველგან ხალხით იყო სავსე. სანახავი იყო პროცესია განსაკუთრებით მაშინ, როდესაც გოლოვინის პროსპექტზე გაიშალა. პირველ გიმნაზიასთან ცხედარს სამგლოვიარო ჰანგიტით დაჰხვდა გიმნაზიის მემუსიკეების გუნდი. სამხედრო ტაძართან ცხედარს თავის ამალით დახვდა ნამესტნიკი და სასახლის ქუჩამდე გააცილა. წერა-კითხვის საზოგადოების სადგომი ქუჩის მხრიდან ძაძით იყო შემოსილი. შუა ადგილას განსვენებულ მგოსნის სურათი ეკიდა, სამგლოვიარო არშია შემოვლებული.

საუცხოვო სანახავი იყო ქუჩები ერევნის მოედნიდან დაწყებული სიონამდე, სადაც უმთავრესად სომხობა სცხოვრობს სახლები ყველგან სამგლოვიარო ძაძით იყო მორთული. თითქმის ყველა სახლიდან შავი დიდი დროშა იყო ჩამოშვებული. ამ სურათმა დიდი შთაბეჭდილება მოახდინა მთელ პროცესიაზე. სიონის ქუჩაზე, მთელ ქუჩის სიგანეზე, გამართული იყო ყვავილების საუცხოვო კამარა. შუაზე განსვენებულის სურათი ეკიდა, ყველგან ამ ვიწრო ქუჩებში სახლის სახურავები უთვალავის ხალხით იყო გაჭედილი.

ასე დიდებულად მიასვენეს დიდებული გვამი სიონში. სიონში პროცესია მივიდა 5 საათზე. ტაძარში გადაიხადეს პანაშვიდი, რომლის შემდეგაც ეპისკოპოსმა ლეონიდმა სიტყვა წარმოსთქვა.

ამ პროცესში, საუცხოვო სურათმა დიდი შთაბეჭდილება მოახდინა ხალხზე. ბევრგან იმ დღეს წარმოთქმულ სიტყვებზე ქვითინი და ტირილი გაისმოდა.

აქვე უნდა აღვნიშნოთ, რომ მიუხედავად დიდ-ძალ ხალხისა, წეს-რიგი სამაგალითო იყო." ამ ინფორმაციას დავსძენ: როგორც გაზეთი „ჩვენი გზა“ (№6) იტყობინება, პირდაპირ პროცესიიდან აუყვანიათ რამდენიმე ექვმიტანილი. მაგრამ ზოგი იმ დღეს, ზოგი მეორე დღეს გამოუშვიათ ბრალის დაუდასტურებლობის გამო.

იმ უამრავი წერილიდან და სიტყვებიდან, რომელიც ილიას დაკრძალვის წინა დღეებში და დაკრძალვის დღეს დაისტამბა და წარმოთქვა, მკითხველს მინდა გამორჩევით რამდენიმე შევთავაზო.

შერჩევას ვახდენ არა მხოლოდ .ამ წერილებისა და ცხედართან წარმოთქმული სიტყვების თავისთავადი ლირებულების გამო, არამედ იმ ვითარების დასასურათებლადაც, რომელიც იმ დღეებში სუფევდა.

საზოგადოებრივი მაჯისცემა კი სხვადასხვაგვარი იყო.

უპირველეს ყოვლისა, დიდიან-პატარიანად, მთელი ერი, ნაფიცო ბოლშევიკების გარდა, როგორც ვთქვით, შეძრწუნებელია, მაგრამ, წარმოიდგინეთ, რამდენად დიდი გავლენა უნდა ჰქონდეთ სოციალისტებს, რამდენად დიდი შიში ჰქონდათ მათ ხალხში დათესილი, რომ ამ მძიმე დღეებშიც კი, ამ საყოველთაო აღშფოთების ჟამსაც კი, მათი პირდაპირ ხსენება გაბედულების დიდ გამოვლინებად ითვლება. მართალია, ჯერ მკვლელები არ არიან დაჭერილნი და არც მათი აღიარებითი ჩვენებები ხალხმა არ იცის, იქნებ ამიტომაც ფრთხილობენ პარტიას დაადონ ხელი, მაგრამ შინაგანი რწმენა ყველას აქვს, ყველამ კარგად იცის, ვის შეეძლო ეს უბედურება ჩაედინა.

მით უფრო, მკვლელობამდე, როგორც ზემოთ ვნახეთ, ისინი არც მალავენ თავის განზრახვას. გაიხსენეთ ზ.ჭიჭინაძის ცემის ეპიზოდი. ეპიზოდი ახატუნელების მუქარისა. ბახვის კრება. მკვლელობის შემდეგ ჩაჩუმდნენ, როცა ხალხის რეაქცია ნახეს, რაც მათთვის მოულოდნელი აღმოჩნდა...

წერილები და გამოსვლები პირობითად სამგვარ დამოკიდებულებას ასახავს.

1. მოღვაწეთა ერთი მცირე ნაწილი გაბედულად ამხელს სამშობლოს უარმყოფელთა კასტას. იმართება დისკუსია ფედერალისტებისა და სოციალისტების გაზეთებს შორის, განსაკუთრებით რადიკალი და გაბედულია ანარქისტი მიხაკო წერეთელი და ილიას თაბამებრძოლი ვალერიან გუნია.

2. მოღვაწეთა მეორე ნაწილი, ძველი თაობის ეროვნული ძალები, შიშობენ ქვეყანა სამოქალაქო დაპირისპირებამდე არ მივიდეს, ამიტომ წყევლა-კრულვას უთვლიან რა მკვლელებს, მწარედ ახსენებენ რა რევოლუციას, რომლის სახელითაც ილია ჭავჭავაძე იქნა მოკლული, ამასთან, ითხოვენ არა შურისძიებას, არამედ ძე შეცთომილთა" გამოფხიზლებას და წალმართ გზაზე დადგომას.

ეს სიფრთხილე ჩანს აკაკის, თვით ვაჟას წერილებში და გამოსვლებშიც.

3. მათი სიფრთხილე რომ უსაფუძვლო არ იყო, ჩანს ერთი გამოსვლიდან, მენშევიკი კარლო ჩხეიძე ილიას დაკრძალვის დღეს

სიტყვას წარმოსთქვამს მთანმინდაზე. მართალია, ილიასადმი პატივისცემით გამსჭვალულ სიტყვას, მაგრამ ისეთი აქცენტებით, სოციალისტებთან დაპირისპირებული ძალებისადმი ისეთი მუქარის შემცველ სიტყვას, რომ იმ სიტუაციაში მისი წარმომტემელი ან გიჟი უნდა ყოფილიყო, ან ტერორისტებით იმედმიცემული.

თუ ილიას ცხედართან, ზღვა ხალხში, თავხედურ განცხადებას გააკეთებდა, ადვილი წარმოსადგენია, რას უბედავდნენ ესენი ეროვნულ ძალებს მანამდე და მას შემდეგ, როცა ყველაფერი ჩანყწარდა.

აი ამ სურათის დასახატად გთავაზობთ წერილებს პირობითი დაყოფით.

რადიკალების პოზიცია.

ზომიერების პოზიცია.

მენშევიკების ანუ თავხედური პოზიცია.

ბოლშევიკები, რომელთაც ქუდი ეწვოდათ, როგორც გითხარით, იმ დღეებში საჯაროდ არსად გამოჩენილან.

რადიკალების პოზიცია ყველაზე უკეთ ასახა მიხაკო წერეთელმა. მან სიტყვა წარმოსთქვა 7 სექტემბერს, საგურამოდან თბილსში ილიას ცხედრის ჩამოსვენების დღეს, მაგრამ უფრო საინტერესოა წერილი, რომელიც სტამბური წესით აენყო და მთელ საქართველოში გავრცელდა ილიას დაკრძალვის წინა დღეებში. წერილი, რომელიც გაზეთებში არ დაბეჭდილა. ეს იყო გულანთებული მამულიშვილის ამოძახილი, რომლის ავტორი გ. შარაძის აზრით (რასაც თავადაც ვიზიარებ) მიხაკო წერეთელი უნდა იყოს.

აი, ეს ბრწყინვალე წერილი – მოწოდება:

მიხაკო წერეთელი

ძართველებო!

საქართველოს თავ-ლაფი დაასხეს! შერყვნეს და შელახეს მისი ღირსება, მისი თავ-მოყვარეობა! არც ერთი ფაქტი ჩვენის ცხოვრების უბედობის დამახასიათებელი ისეთი თავ-ზარდამცემი, ისეთი საზიზღარი, ისეთი სასირცხო არა ყოფილა საქართველოსათვის, როგორც ილია ჭავჭავაძის და მისი ოჯახის ამოწყვეტა. თავზარდამცემია ეს საშინელება, იმიტომ რომ ჩვენ მეორე ილია აღარ გვყავს და მგონი აღარც დაიბადოს გათახსირებულ ცხოვრე-

ბაში! საზიზლარია ეს მოვლენა, იმიტომ, რომ დიდებულ ადამიანს წარუტაცეს ავაზაკურად სიცოცხლე არა ყაჩაღებმა და ქურდებმა ანგარებით, არამედ, როგორც თვალ-ცხადათა სჩანს, ვითომცა და რომელიმე პრინციპის მქონე ჯგუფმა და ადამიანებმა, თავიანთ ვითომც და იდეის" განსახორციელებლად და ილიას დასამცირებლად! სასირცხოა იგი მთელი საქართველოს ერისათვის იმიტომ, რომ ილია მოკვდა საქართველოს მინა-წყალზედ, სწორედ იმ ადგილას, რომელსაც მან მთელი თავისი სიყვარულის ძალითა და დიადი ნიჭით დაწერილი ლექსი უძღვნა, – იმიტომ, რომ ილია მოკვდა შეიძლება ქართველის ხელითაც!

როგორ! ილია ჭავჭავაძე, რომელიც მთელი თავისი ხანგრძლივი სიცოცხლის განმავლობაში საქართველოსათვის შრომობდა, მღეროდა და სტიროდა, ილია, რომელსაც არც ერთი საქართველოს ჭირი არ გამოჰპარვია რომ არ აღენიშნა და ყოველთვის ბრძნული ნამალი არ ენახა, ილია, რომელმაც მე-XIX საუკუნის რუსთაველი იყო საქართველოსათვის, რომლის ენითაც ლაპარაკობს მთელი საქართველოს მწერლობა, მთელი საქართველოს უბრალო წერა-კითხვის მცოდნე ხალხიც კი, ილია, რომელიც საუკეთესო დამამშვიდებელი, ბრწყინვალე გვირგვინი იყო ჩვენ ისედაც ღარიბ კულტურისა, – ეს ილია ჭავჭავაძე საქართველოშივე ქართველებმა მოჰკლეს?! ჰოი, უმადურნო, ბრმანო და საზიზლარნო! ნუ თუ მართლა ჩაიდინეთ ასეთი დანაშაული, – დანაშაული, რომლის მსგავსი მსოფლიო ისტორიას არ გაუგონია, დანაშაული, რომელიც მართლაც დაამტკიცებს მთელი ქართველობის მართლაცა და სრულ გადაშენებას?

სირცხვილი ჩვენთვის, ქართველებო, თუ მართლა გავხდით მონამენი ასეთის ჩვენის დამცირებისა, ჩვენი სასაცილოდ აგდებისა ჩვენივე თავის მიერ, სირცხვილი ჩვენ დამცირებულსა და ფეხ ქვეშ ჩგათელილ სამშობლოს, რომ ჩვენივე ხელით ტყვიებით დავხრიტეთ ჩვენი უპირველესი ადამიანი, როგორც უბრალო დამნაშავე ან ქურდი! სირცხვილი მთელ საქართველოს, თუ მან ისეთნაირად დაჰკარგა ყოველივე სინდისი და გრძნობა, რომ ხმა არ ამოიღო, არ მოინმინდა ასეთი საშინელი შეურაცხმყოფი ჩირქი, რომელიც მას წასცხეს თავიანთმავე უბედურ შვილებმა! მაშინ მართლაც მთელი საქართველო ყოფილა ავაზაკური სულისა და გულის, ცინიკური რწმენისა და დაბნელებული გონების პატრონი! რასაკვირველია, მაშინ იგი სირცხვილის სინითლესაც ველარ იგრძნობს! მაგრამ თუ ჯერ ჩვენში სინდისი არ მომკვდარა, თუ კიდევ ცოტა რამ მაინც

შეგვრჩენია ადამიანობისა, თუ საქართველოში ყოველი ქართველი ჯერ კიდევ არ გამხდარა სულ მხეცად უგუნურად და გარყვნილად.

ქართველებო! ნუ ვაპატიებთ ნურავის ასეთ საშინელ შეურაცხყოფასა და უბედურებას, ნუ მოვიჭრით თავს ქვეყანაში! უგუნურმა ხალხმა ქრისტე ჯვარს აცვა, იუდის შური ქრისტეს მეგობრებმა ვერ იძიეს, მაგრამ ეს მოხდა ოცი საუკუნის წინად! ნუ თუ ეხლა მთელი საქართველო უნდა შეიქმნეს იმ ადამიანის ჯვარმცემელი, რომელმაც სამოც წელზედ მეტი იმსახურა, ნუ თუ მთელი საქართველო იუდათ უნდა გადაიქცეს?

ქართველებო! ხელი ხმალს, მოვიდა ჟამი ნამდვილი თავის დაცვისა ყველა ოხერთაგან, ცინიკოსთაგან, უნამუსოთაგან, კაცის მკვლელ ავაზაკთაგან, ჩვენ შეურაცხმყოფელთაგან და თავლაფ-დამსხმელთაგან! ხელი ხმალს და საშინელი სასჯელი მათ, ვინც უკანასკნელად ლაფში ამოსვარა მთელი საქართველოს სახელი! სადღა გამოვყოთ თავი სირცხვილით? ვიღას რა ვუთხრათ, – ან ახლო, ან შორეულ მეზობლებს? ქართველებმა ილია ჭავჭავაძე მოჰკლეს! – იცით; რას ნიშნავს ეს საშინელი სირცხვილი? – ეს ნიშნავს: რუსებმა ტოლსტოი მოჰკლეს, გერმანელებმა ჰეინე მოჰკლეს, ინგლისელებმა – ბაირონი, ფრანგებმა – ვიქტორ ჰიუგო! აი, რას ნიშნავს ეს, ვინაიდან ჩვენი ჰეინეც, ჰიუგოც, ბაირონიც, ტოლსტოიც, – ილია იყო. მისი გონების შემოქმედება იყო ჩვენი ერთად ერთი დიდება, სინტეზი ჩვენი ლიტერატურისა; ილია იყო ჩვენი პუბლიცისტი, ბელეტრისტი, პოეტი, – ყოველისფერი, – თითქმის მთელ ნახევარ საუკუნის განმავლობაში! მაგრამ ფრანგებს ჰიუგო არ მოუკლავსთ, გერმანელებს – ჰეინე, ინგლისელებს – ბაირონი, რუსები ტოლსტოის არ მოჰკვლენ, – ჩვენ კი მოვკალით ჩვენი ილია, – ამით სამუდამოდ დავისვით შუბლზედ მთელმა საქართველოს ერმა იუდობის ბეჭედი და დავსწყველეთ ჩვენივე თავი უკუნითი უკუნისამდე!

ქართველებო! მხოლოდ საშინელი შურის ძიებით შეიძლება ამ იუდობის ბეჭდის ჩვენი შუბლიდან მორეცხვა! ხელი ხმალს იკარ, ქართველო, დღეს დამტკიცდება შენი მოქალაქეობრივი ვაჟკაცობა, თუ დაიცავ შეურაცხყოფილსა და ლაფდასხმულ თავს მთელი შენი ახალი ისტორიისა და თავმოყვარობის წამბილწველთაგან!

მაგრამ თუ ჯერ კიდევ ისე არ დავცემულვართ ჩვენდა საბედნიეროდ, რომ ილიას სიკვდილი ჩვენი საკუთარი ხელიდან არ გამოსულა, თუ ქართული სინდისი ისე არ გამქრალა ჯერ, რომ ჩვენ

არ ჩაგვიდენია ეს საშინელი დანაშაული ჩვენივე თავის წინაშე, – თუ ილია სკვითთა მსხვერპლია, ისე, როგორც ჰერცენშტიინი და იოლლოსი.

ქართველებო! ნურც მაშინ შევანევთ მტერს ასეთ დანაშაულს, ხელი ხმალს მაშინაც და ავინაზლაუროთ ის საშინელი დანაკლისი, რომელმაც ილიას სიკვდილით ყველა ჩვენ უბედურებასთან შედარებით გაცილებით უფრო გაგვანადგურა! იყო შავი დრო, როდესაც სკვითი უგვანო წარდგა მძინარე დიმიტრი ყიფიანის წინაშე და მირონცხებულ მოსუცსა“ ავაზაკურად შეახო ხელი, და ნუ თუ ეხლაც, უარეს შავ დროს, ილიასაც შეახო სკვითმა თვისი უწმინდური ხელი?!...

ქართველებო! კმარა ამდენი მოთმინება! აღივსო მოთმინების ფიალა! ვინც უნდა იყოს მკვლელი, გარეული თუ შინაური, – დაჰკარ, ვაჟკაცო, გულ-ცივად და შეუბრალებლად, ნათელი სინდისი გიძლოდეს წინ ამ სამართლიან შურის ძიების წმინდა საქმეში! დაჰკარ და გაუჰე გული უწმინდურთა და უგვანოთა, რომელთაც დღეს სრულიად უმიზეზოდ გლოვის ზარით აამღერეს მთელი საქართველო, სამგლოვიარო შავი ზენარი გადაჰხურეს მის ისედაც განადგურებულ, გადამწვარ, შეურაცყოფილს და გაუპატიურებულ მიდამოებას! კმარა ამდენი სილაჩრე აზრითა, მოქალაქეობრივობითა და იარაღითა! კმარა ქალაჩუნობა და მონურად ქედის მოხრა ყველა შინაურსა და გარეშე წუნკალ მტერთა წინაშე!

ქართველებო! ვინც უნდა იყოს დამნაშავე, – გარეშე თუ შინაური, – ერთნაირი შურის ძიება მათ, სასტიკი, უღმობელი და ღირსეული! ამაზე მეტი რალა უნდა დაგვმართონ, რალას ვიცდით?! ქართველებო! შემოკრბით საქართველოს ყოველი კუთხიდან ჩვენ სატახტო ქალაქში, თბილისში, განურჩევლად სჯულისა, რწმენისა და ადგილისა! მართლ-მადიდებელნო, მაჰმადიანნო და კათოლიკენო, – ქართლ-კახელნო, გურულ-იმერ-მეგრელნო, აჭარა-ქობულეთელნო, მესხნო და ჯავახელნო, – ყველანი შემოკრბით რომ ჩვენს საერთო მამასა და მასწავლებელს, ასე ვერაგულად წართმეულს, უკანასკნელი გამოსალმების სიტყვა ვუთხრათ! შეიძლება აქაც ვიღონოთ ჩვენ მტერთა აღმოჩენა და მათი დასჯა საერთო ძალით! ეს ხომ ბუმბერაზული ომი არ არის, ერთი იმ ომთაგანი, რომელსაც წინად ვენეოდიტ ხოლმე ურიცხვ მტერთა მოსაგერებლად! ეს უბრალო თავის დაცვაა შეურაცხყოფისაგან, იმ ადამიანთაგან, რომელითაც მთელ საქართველოს ასეთი სასირცხვინო სილა გაანწეს საჯაროდ! გვინვევენ? უნდათ ჩვენი გამოცდა? – მამ

ნუ დავლაჩრდებით ნურაფრით, შევიყარნეთ და იქნებ გავიგოთ, ვნახოთ, ვინ არიან და როგორნი ჩვენზედ უკანასკნელად მოსულნი მტერნი! ქართველებო! თუ მთლად ერთიანად არ დავცემულვართ, აღვასრულოთ ეს მცირედი საქმე და მტრის სასაცილოთ ნუ გავიხდით თავებს ამ საშინელი შეურაცყოფის შემდეგ მაინც, თუ გინდ რომ ყველამ ვიხილოთ ჩვენი თავისვე მახვილით განგმირვა".

ასევე რადიკალური მოწოდებით გამოდის იაკობ გოგებაშვილი. ქართველთა განმანათლებელი ბნელეთის ნაბიჭვრებს უწოდებს ილიას მკვლევებს და აცხადებს, რომ არაფერს არ უნდა შეეუშინდეთ. ცხადია, როცა ამას ამბობდა მკვლევლობის შემსრულებელ ავაზაკთა შიში არ ჰქონდა მხედველობაში. დავიმახსოვროთ, რას წერს იაკობი ილიას მკვლევლობის დღეებში, სულ მალე ის მკვლელთა მიმართ შენდობის მორალს იქადაგებს, რატომ? ამ კითხვაზეც: პასუხი გვექნება გასაცემი. ახლა კი იაკობის წერილს გავეცნოთ.

შურის ძიება ისტორიისა

შეუდარებელი, უებრო შურის-ძიება იცის ისტორიამ. საუკეთესო ისტორიკოსები იმ აზრზე დგანან, რომ ქრისტიანობა პატარა, ადგილობრივ სარწმუნოებად დარჩებოდა, თუ რომ იესო ნაძირალა ებრაელებს ჯვარს არ ეცვათო. ამ უბედურებს ეგონათ, რაკი იესოს საზარელ სიკვდილს მივცემთ, მასაც საშინლად დავამცირებთ და მის სწავლასაც ამოვფხვრით და გავაქრობთო. ნამდვილად კი სწორედ ამ საზარელმა სიკვდილმა, ამ ჯვარცმამ, გააღმერთა იესო, გახდა იგი საგნად უსაზღვრო თაყვანისცემისა, უმხურვალეს სიყვარულისა, მიანიჭა იმის სწავლას უძლეველი ძალა, მოჰფინა იგი კიდითი-კიდედ და ქრისტიანობა გარდააქცია მსოფლიო სარწმუნოებად; ჯვარცმულის ჯალათნი კი გააკრა კაცობრიობის თვალში სამარცხვინო ბოძზე უკუნითი უკუნისამდე.

სწორედ ესევე აცხადებდა (და უკვე ცხადდება) ჩვენს უნიჭიერეს პოეტსა და დიდ მამულშიშვილზე, რომელსაც ეხლა გლოვობს უმაგალითო მგლოვიარობით მთელი ქართველობა, გარდა ბნელეთის ნაბიჭვრებისა. უსულ-გულო და უტვინო ორფეხა მხეცები ვერაგულად ჰკლავენ საშინელის სიკვდილით საუკეთესო შვილს საქართველოსას, რასაკვირველია, იმ განხრახვით და იმედით, რომ დაემცირებინათ მისი დიდებული სახელი მისი დიდი გავლენა ქართველობაზე. მაგრამ თავისისავე უგუნურის და წყეულის

თვალეებით იხილავენ სრულიად წინააღმდეგს ნაყოფს თავიანთ საზიზღარ მკვლელობისას. ამ ვერაგულის მოკვლის შემდეგ ილიას სახელი მოიცივის დიდებულ მონამის შარავანდედით, ერთი ასად იმატებს ის ღრმა პატივისცემა, ის თავყვანება, რომლითაც ყოველი ჭკუათა მყოფელი ქართველი გამსჭვალული იყო მისადმი; ერთი ასად გაიზდება ის დიდი მნიშვნელობა, რომელიც იმის ქმნილებებს ჰქონდა და ქართველობა ამ მის ქმნილებებს დაენაფება სრულის გაუმაძღარობით. რაც ილიას დიდებას აკლდა სიცოცხლის ყამსა, მის მკვლელობის შემდეგ უკლებლად შეივსება და იგი იწყებს ბრწყინვას, როგორც უდიდესი მნათობი საქართველოსი. მოკლე ხნის განმავლობაში მთელს საქართველოში აღარ დარჩება არც ერთი ოჯახი, რომელსაც არ ამშვენებდეს ილიას სურათი, როგორც უძვირფასესის და სათაყვანო ხატისა.

დიდება ილიასი მით უფრო იმატებს, რაც უფრო ზედმინეენით გაიცნობს ქართველობა ნამდვილს ილიას, შეიგნებს იმის დიდებულს და წმინდა ქართულს ენას, მისს მაღალს აზრებს, პროგრესიულს იდეალებს, მის დემოკრატიულს მიმართულებას, წმინდა ეთიკას სრულის ადამიანობისას, ამისათვის კი ყველაზე მეტად საჭიროა მოფენა კიდით-კიდედ მისი ქმნილებებისა, გავრცელება მისის თხზულებებისა მთელს ჩვენს ქვეყანაში.

ვინ უნდა იკისროს ეს დიდი საქმე? სათავად-აზნაურო ბანკმა და საქართველოს თავად-აზნაურობამ მათ ის პენსია, რომელსაც ილია იღებდა, უნდა წლითი-წლობით გადასდონ საგამომცემლო თანხად, იმის თხზულებების დასაბეჭდად, შეუკვეთონ ევროპის საუკეთესო მხატვრებს მათი დასურათება, ყოველი ქმნილება მისი, ჩინებულად დასურათებული, გამოსცენ ცალკე წიგნად, სულ მცირე ფასი დაადონ და მთელს საქართველოში მოჰფინონ.

ეს მოფენა ისეთს ნაყოფს გამოიღებს, რომელსაც ეხლა ჩვენ ვერც კი წარმოვიდგენთ. ილია იყო არა მარტო დიდი ნიჭის პატრონი, არამედ დიდად განვითარებული ინტელიგენტი, შემკული იშვიათის მხატრობითი ნიჭით და ნამდვილი ბრძენი. ამიტომ იმის ქმნილებათა მოფენა დიდ სარგებლობას მოუტანს ქათულს აზროვნებას და სიტყვიერებას.

როცა ქართველი გლეხობა გაიცნობს ილიას ნაწერებს, გადაიკითხავს იმის „კაცია ადამიანს“, „გლახის ნაამბობს“, „კაკოს“ თავგადასავალს, იმის მუშას და სხვა დემოკრატიულს ქმნილებას, იგი ცხადად დაინახავს, თუ რა დიდი მოციქული იყო ილია გლეხთა განთავისუფლებისა და აღორძინებისა. მაშინ იგლოვს იგი იმის სიკე-

დილს ბევრად უფრო მეტის მნუხარებით და ცრემლებით, ვიდრე ეხლა ჰგლოვობენ დანინაურებულნი ნანილნი ქართველი ერისა...

ეს იქნება საუკეთესო შურისძიება, ღირსი ჩვენის დიდებულის მიცვალებულისა...

ამასთან ჩვენ უნდა მხნედ შევუდგეთ დიაგნოზს იმ საზოგადოებრივის სენისას, რომელმაც ისე მხეცურად იმსხვერპლა მგოსანი. ჩვენ უნდა უსათუოდ აღმოვაჩინოთ მხეცი მკვლელები და მათი ხელმძღვანელები, თუ ჰყავდათ. არაფერს არ უნდა შევეუბინდეთ, არაფერი არ უნდა დავმალოთ, რადგან დამალვით სენი კი არა რჩება, ძლიერდება, ხრწნის საზოგადოებრივს ორგანიზმს და სიკვდილს უმზადებს ერს.

იაკობ გოგებაშვილი

ე.წ. რადიკალების პოზიციის ყველაზე უკეთ დაცვა სილოვან ხუნდაძემ მოახერხა. მან განმარტა, რომ ქრისტე პირადი მტრის შენდობისაკენ მოგვიწოდებს და არა მამულის მტრის შესაბრალებლად. ილიას მკვლელებს კი რომ შესძლებოდათ ხომ საქართველოსაც მოჰკლავდნენ? ს.ხუნდაძის წერილით ვასრულებ იმ ქართველების გულისთქმის გადმოცემას, რომელნიც შურისსაძიებლად მოუწოდებდნენ ერს.

ს. ხუნდაძის სიტყვა

საქართველოს მტერნო, ნუ გიხარიათ! ილია ჭავჭავაძე არ მომკვდარა, ის ცოცხალია – და მარადის ცოცხალი იქნება ქართველი ერის გულსა და გონებაში! საქართველოს მტერნო, ნუ გიხარიათ! ილია ჭავჭავაძემ თვისი მონამებრივი სიკვდილით თვისი დიდებული სახელი კიდევ უფრო გაადიდა, კიდევ უფრო მკვიდრი, უფრო მშვენიერი ძეგლი დაიდგა! თქვენი საზარელი მკვლელობით თვით თქვენი თავი მოიკალით, თქვენი გული გამოიღადრეთ! ამიერიდან ქართველი ერი თქვენ საქმეებს დაგმობს, თქვენს სახელს ზიზლით მოიხსენიებს! ქართველო ხალხო, გონს მოდი, გამოფხიზლდი, გაარჩიე მტერი და მოყვარე! გარეშე მტრებმა ვერაოდეს ვერ შესძლეს შენი დამონება, შენი შერცხვენა, მხოლოდ შინაური მტრები შეიქნენ შენი შემრცხვენელები! ქართველებო, ნუ დაივიწყებთ შოთას სიტყვებს: მოყვარე, მტერი ყოვლისა, მტრისაგან უფრო მტერიაო!".

●
მოჰკლეს, გაგმირეს მგოსანი,
ქვეყნისა მაშენებელი,
ქართველი ერის სახელის
დამცველი, დამშვენებელი!..

—
ვინ, ვინ არიან ეს მტერნი,
ეს საზიზღარი მკვლელები?
ხალხისა მტერნი, უგნურნი,
ეს შხამიანი გველები?!

—
არ გვეყო, გარეშე მტერნი
რომ გვაყენებენ დღეს შავსა?!
შვილებიც საფლავს უთხრიან
სამშობლოს ტანჯულს, ბეჩავსა?.

—
რა ამბავია, რას ვხედავთ?!
სად არის სალი გონება?!
თვით ჩვენვე დავგმობთ, შეემუსროთ
ჩვენი განძი და ქონება?!.

—
იესო როცა ჯვარს აცეცს,
ვერ სცნობდენ ერთი მეორეს...
მეოცე საუკუნეშიც
ის ჯვარცმა გაიმეორეს?!.

—
გაგმირეს გული მებრძოლი,
ქვეყნისთვის აძგერებული!
გახვრიტეს შუბლი, ციური
მადლითა მირონცხებული..

—
სხვაგან – სიცოცხლით ძეგლს უგებენ
დიდებულ მამულიშვილსა, –
ჩვენში – სიცოცხლეს უსპობენ,
არც კი აცლიან სიკვდილსა?!.

—
მოდმენო, არა ილიას –
თვით ერსა კლავენ ბილნები...

ნუ თუ ყველანი დავერუვდით,
რომ გველობენ ქუჩის ბიჭები?!

— ჩვენი ვალია – მოვსძებნოთ
ეს მანანალა გმირები,
ბრბო, ჩვენი ქვეყნის გამრყენელი,
ერისა დამამცირები!.

— მოვსძებნოთ – და ჯვარს გავაკრათ
მათთან, ვინც მათი მცველია,
ვინც ჩვენი ერის მომსპობი,
მდაგველი, ცეცხლითმწველია...

— მე მესმის ქრისტეს მოძღვრება:-
ნუროდეს ვსდევნით პირად მტერს, -
მაგრამ ქვეყნისა ორგულებს
ნუ ვაპატიებთ ნურაფერს!



პოზიცია, რომელიც ამ კონკრეტული შემთხვევისათვის ე.წ. ზომიერთა წერილებსა და გამოსვლებში იყო გამოხატული, გამონეეული გახლდათ, როგორც ვთქვით, სამოქალაქო არეულობის შიშით. ყველა ერთბაშად მიმტყეებლობის ვნებით იქნა შეპყრობილი, მათ შორის მოგვიანებით გონსმოსულ ოლლასაც მკვლელთა შეწყალების წერილზე მოანერინებენ ხელს.

მესმის რომ ეს თამამი განცხადებაა, ალბათ არაპოპულარულიც, რადგან ოლლას ცნობილ წერილზე, რომლითაც ილიას მკვლელთა შეწყალებას ითხოვდა, ლამის მთელი მსოფლიო ალაპარაკდა, როგორც ჰუმანურობის უმაღლეს გამოვლინებაზე. ამასთან დაკავშირებით დაინერა ლევ ტოლსტოის ახლო მეგობრის, მწერალ ივანე გორბუნოვ-პოსადოვის წერილი, რომელშიც იგი ამბობს – „აქამდინ ვიცოდით, რომ ფიზიკური მზე აღმოსავლეთიდან ამოდის; ახლა უნდა ვსთქვათ: ზნეობრივმა მზემ აღმოსავლეთიდან-საქართველოდან აღმოაშუქა“.

გორბუნოვის წერილის წყალობით ოლლას წერილის ტექსტს ლევ ტოლსტოიც გასცნობია – „ეს წერილი განსაცვიფრებელია, – უთქვამს ტოლსტოის, – იგი ასეთი პასუხია კითხვაზე: თქვენ რომ მოეკალით?“

სხვათა შორის, 1908 წლის სასამართლოს განაჩენი მართლაც შეჩერდა, მაგრამ ინაშვილის დაჭერის შემდეგ (1908წ. 14 დეკემბერი) კიდევ ერთი სასამართლო პროცესი შედგა 1909 წლის 10-11 აგვისტოს. პირველი განაჩენი ისევ ძალაში დარჩა და მკვლელები 21 აგვისტოს ჩამოახრჩვეს. ესენი იყვნენ ივანე ინაშვილი, თედო ლაბაური და გიორგი ხიზანიშვილი. როგორც ითქვა, ციხიდან გაქცეული ფშავლიშვილი 1908 წლის დეკემბერში მდევარმა მოჰკლა, ხოლო მოძღვრიშვილი ციხეში მოკვდა. ამ საკითხს ერთი გარემოების გამო მივუბრუნდი. მე-2 პროცესზე ოღლა არ მისულა და აღარც შეწყალების თხოვნა გაუმეორებია.

ჩემის ფიქრით, მიმტვევებლობის საყოველთაო ქადაგებას იმ კონკრეტულ მომენტში სინამდვილეში ღრმა თეოლოგიურ-ფილოსოფიური საფუძველი არ უნდა ჰქონოდა. როგორც ილიას ჭირისუფლებს, ისე ილიას მკვლელთა ქომაგებს, უფრო სწორედ, ბოლშევიკების მრევლს, არსებული გარემოება კარნახობდათ მიმტვევებლობის ქადაგებას. პირველნი იძულებულნი იყვნენ, იმის გამო, რომ შესანიშნავად იცოდნენ, ქვეყანაში რეალურ ძალაუფლებას ფლობდნენ სოციალისტები.

სოციალისტები, იმის გარდა, რომ ძალა ჰქონდათ, ეროვნული მოძრაობის წინააღმდეგ მხარდაჭერას გრძნობდნენ მეფის ხელისუფლების მხრიდანაც. დიდი ანგარიშით, სახელმწიფო საბჭოში რევოლუციის მოწინააღმდეგე თავადი ილია უფრო საშიში იყო, ვიდრე რუსეთის სათათბიროში ქართველებისგან არჩეული რევოლუციონერები.

რატომ? სოციალ – დემოკრატები იქ იბრძოდნენ მეფის ინტერესების წინააღმდეგ, მათ მონარქის შეცვლა სურდათ.

ილია კი იქ იბრძოდა, მთლად რუსეთის ინტერესების წინააღმდეგ. მას საქართველოს დამოუკიდებლობა ეოცნებებოდა და ამ ოცნების განხორციელების პირველ ეტაპად ქვეყნის ავტონომიური მოწყობა მიაჩნდა.

ბუნებრივია, რუსის სახელმწიფო ინტერესისთვის კავკასიის რევოლუციონერები ილიასთან, სამოციანელებთან, ფედერალისტებთან, თუ სხვა პარტიებთან შედარებით, რომელთაც ცენტრიდან მოწყვეტა სურდათ, უფრო ასატანნი იყვნენ. როგორც ადრე ვთქვი, სოციალ-დემოკრატებისადმი სიმპათია, რუსეთის ერთიანობისადმი აზრთა თანხვედრის გამო, კავკასიის მეფისნაცვალს სწორედ 1907 წელს აქვს გაცხადებული იმპერატორთან.

ყოველივე ზემოთქმულისა გამო, სოციალ-დემოკრატებს აქვთ სხვა პარტიებზე მეტი ძალა, ჰყავთ ნითელრაზმელთა მრავალ-რიცხოვანი შეიარაღებული ფორმირებები.

ნითელრაზმელებმა ილიას მკვლელობის შემდეგ, დუშეთის მაზრაში – საგურამოს სიახლოვეს, 31 აგვისტოს, 1 სექტემბერს და 2 სექტემბერს სამ სოფელში სამი გლეხი გამოსასაღმეს სიცოცხლეს.

30 აგვისტოს შემდეგ სამ დღეში სამი ტერორი, სამივე დუშეთის მაზრაში არ უნდა იყოს შემთხვევითი. თუ ეს მკვლელობები 30 აგვისტოს ტერორისტულ აქტს პირდაპირ არ უკავშირდება (ვთქვათ მონშეთა თავიდან მოშორება), შესაძლოა ხალხის დაშინების მიზნით ყოფილიყო ჩადენილი, რათა ხმა არავის ამოელო.

ერთი სიტყვით, თუ რუსეთში საზოგადო მოღვაწეებს ჟანდარმერიის აგენტები – რუსთა კავშირის წევრები, შავრაზმელები, ე.წ. პატრიოტები ხოცავენ, საქართველოში ქართველ მოღვაწეთა წინააღმდეგ იმავე როლს ქართველი ბოლშევიკები, მათი ნითელრაზმელები ასრულებენ.

ამ სფეროში ბოლშევიკთა აქტიურობა რუსის მთავრობას ძალიან არ უნდა სწყინდეს.

ზემოთქმულიდან გამომდინარე, ისინი საშიში ხალხია არა მხოლოდ იდეოლოგიით, საშიშნი არიან ფიზიკურად. თუ მათ კედელთან მიაყენებ, შეუძლიათ სამოქალაქო სისხლისღვრის მოწყობაც. ჩემის ფიქრით, მიმტყვევლობის მაღალ იდეას სინამდვილეში საფუძვლად ეს შიში უნდა სდებოდა. ფიქრი იმაზე, რომ როგორმე თავიდან აეცილებინათ სამოქალაქო დაპირისპირება.

რაც შეეხება ოლღას, მოგვიანებით ის თავად მისწერს მარჯორი უორდროპს, რა გარემოებაში დავნერე ჩემი ქმრის მკვლელთა შეწყალების თხოვნა, პირადად გიამბობო, ხოლო იროდიონ ევდომვილის დაი, ბაბილინა ხოსიტაშვილი დიდი ხნის შემდეგ დასტამბავს: ოლღას რომ ილიას მკვლელთა შეწყალების ბარათი დააწერინესო...

როგორც ვთქვით, შეწყალების იდეა, პირველ რიგში, ბოლშევიკთა მრევლს აძლევდა ხელს მკვლელთა დასახმარებლად. ვთქვათ სასულიერო პირებს, ან აკაკის, ვაჟას, იაკობს, ნაკაშიძეებს და ოლღას მაღალი იდეალები აწუხებდათ, რომელი ტოლსტოველები ბათუმელი მუშები იყვნენ, ხუთასმა კაცმა რომ ხელი მოაწერა და თბილსში წერილი გამოგზავნა – ნუ დასჯით ილიას მკვლელებსო?

აი, ამ შესავლის შემდეგ, ვფიქრობ მკითხველი დაკვირვებით ნაკითხავს ამ კონკრეტული საკითხისადმი იმ ზომიერთა წერილებს, რომლებსაც სწორედ სამოქალაქო დაპირისპირების თავიდან აცილების მიზანი უნდა ჰქონდეთ. ასევე გასაგები გახდება მოგვიანებით გოგებაშვილის რადიკალური პოზიციის შეცვლაც.

საბოლოოდ, ჩემი ფიქრით, მიმტვევებლობის ერთბაშად აფეთქებულ კამპანიას მკვლელთა ორგანიზატორების მხრიდან აქვს კონკრეტული მიზანი, უშველონ იმათ ვინც მართლმსაჯულებას ვერ გაექცნენ. საზოგადოებას აქვს თავისი მიზანი – შეწყდეს ტერორი და არ გაღრმავდეს სამოქალაქო დაპირისპირება. სამეცნიერო ლიტერატურაში ასეთი აზრიც ითქვა, რომ ოლლას წერილი მკვლელთა შეწყალების შესახებ გამონეული ყოფილაო „მკვლელთა ორგანიზატორების მხრიდან ოლლას დაშინებით და იძულებით“. დასტურად ავტორს მოჰყავს 1909 წლის 11 მარტს ოლლას მიერ მარჯორი უორდროპისადმი მიწერილი წერილი, სადაც სიტყვასიტყვით წერია: რაც შეეხება ჩემს წიგნს, რომელიც „დროებაში“ იყო დაბეჭდილი (იგულისხმება 1908 წლის 13 დეკემბრის პუბლიკაცია ოლლასი მკვლელთა შეწყალების შესახებ) გარემოებამ მიხელმძღვანელა მეთხოვა პატიება. წერილით სავსებით ვერ გაგაგებინებთ, და თუ ღმერთი მადირსებს თქვენ ნახვას, მაშინ ყველაფერს თქვენ თვითონ გაითვალისწინებთ“.

ეს წერილი მინიმუმ იმ ვარაუდის საფუძველს იძლევა, რომ ოლლას შეწყალების თხოვნა თავად არ მოსვლია აზრად, მაგრამ უფრო დაარწმუნეს ასეთი ნაბიჯი გადაედგა.

ჩვენ ვვარაუდობთ, რომ ილიას სიკვდილის შემდეგ, მას სიცოცხლე იმდენად აღარ უღირდა, რომ მუქარით ვერავინ ვერაფერს აიძულებდა. ცხადია, დაარწმუნეს მისთვის სანდო ადამიანებმა, რომ ქვეყნისათვის, მგლების ხროვის განეიტრალების მიზნით, ამ ნაბიჯის გადადგმა სჯობდა. შემთხვევითი არ მგონია, რომ შუამავალი, ვინც ოლლას წერილი მიიტანა გენერალ-გუბერნატორთან იყო გ.ყაზბეგი წერა-კითხვის გამავრცელებელი საზოგადოების ახალი თავმჯდომარე, რომელიც ამ პოსტზე აირჩიეს რთგორც ილიას მიმდევრებმა, ისე სარევიოლუციო პარტიების წარმომადგენლებმა...

საერთოდ, უნდა ითქვას, რომ პოლიტიკური სიტუაცია თვეების მიხედვით იცვლებოდა. მაგალითად, 1909 წლის შემოდგომიდან და განსაკუთრებით 1910 წლიდან სტოლიპინის მეცადინეობით ბოლშევიკებს და, საერთოდ, სოციალ-დემოკრატებს შავი დღე დაუდ-

გათ. მათ უკვე ბითუმად აპატიმრებდნენ. 1909 წელს მეორე სასამართლო პროცესზე ოლღას თხოვნა რომ აღარ განმეორდა და მიმტვევებლობის კომპანიაც ჩაცხრა, ეს სწორედ ბოლშევიკთა საშინო ძალის შედარებით განეიტრალებას უნდა უკავშირდებოდეს. ისინი უკვე იმდენად დამფრთხალნი არიან დაპატიმრებების გამო, რომ ათი ათასობით ბოლშევიკი იმპერიაში ნებაყოფლობით ტოვებს პარტიის რიგებს.

ყოველივე ეს მოგახსენეთ იმ გარემოების გამო, რომ კიდევ ერთხელ ამოვიდეთ ეპოქის ქერქიდან და ამის გათვალისწინებით ნაწიკითხვით ჩვენ მიერ პირობითად ამ სიტუაციისათვის პირობითად ზომიერებად მოხსენიებულთა სიტყვები და მათი მოწოდებები.

ვაჟა ფშაველა

პირ მოჰკლეს

ილია რომ მოჰკლეს!" მითხრა ერთმა ჩემმა ნაცნობმა მწუხარე და თან გაკვირვების კილოთი.

თავზარი დამცა იმ ამბის გაგონებამ და ათასი კითხვა აღმიძრა: ვინ მოკლავდა, ნეტავ, ილიას? განა შეიძლება ამისთანა ადამიანების მოკვლა? ნუთუ ქართველებმა შეახეს ხელი თავის მამას, ქართველთათვის თავდადებულს, თავის ერისათვის მოჭირნახულე ადამიანს? იქნებ უცხოელებს შეჰშურდათ ჩვენთვის ეს მართლაც ერთად-ერთი ბურჯი ჩვენის ქვეყნისა, ბურჯი ჭკუით, ნიჭით და გამოცდილებით? ათასი ამისთან კითხვა დამებადა თავში და დღესაც კი, დღეს, როცა ეს სტრიქონები იწერება, არ ვიცი მიზეზი ილიას სიკვდილისა. ვიცი თუ მე და თქვენ, მკითხველო, მხოლოდ ფაქტი რომ მოგვიკლეს საუკეთესო, პირველი ადამიანი, ჩვენის მწერლობის სულის ჩამდგმელი, მოღვანე, დიდი მოამაგე ქართველ ერისა. რომელი ერთი ჩამოვთვალო ილიას ღვანლთაგანი?! ეს ყველამ კარგად უნყის. საშინელი. მეტის-მეტად ბარბაროსული მკვლევლობაა, რომლის მსგავსი არსად, არა ქვეყანაში, არ მომხდარა და არც მოხდება. მხოლოდ სანყალს, უბადრუკის შვილების პატრონს საქართველოში შეიძლება ამისთან მკვლევლობა რევოლუციის სახელით. საბრალო, სანყალო რევოლუციავ ჩვეს ხელში...

საზარელი ფაქტია, საზარელი მოქმედებაა, საშინელი აზრის პატრონნი უნდა იყვნენ ამ მკვლევლობის ჩამდენნი. აშკარაა და აშკარად ვიტყვი: ილიას მკვლევლებს რომ შეეძლოთ, საქართველოსაც მოჰკლავენ.

აბა კარგად ჩაუკვირდით საქმეს, თუ ასე არ არის. დიალ, ასეა და ეს არის კიდევ უბედურება, დიდი უბედურება, დიდი უბედურება, ჩვენს თავზე მოვლენილი. უგუნურთ ნუ თუ არ იციან, რომ საუკეთესო ადამიანების ხოცვა, კვლავ, მოკლვაა მთელის ქვეყნისა. სოფელი ვინ და ერთი კაციო. ნუ თუ იქამდის დავკარგეთ ადამიანობა, ნამუსი, დავიბრძავეთ გონება, რომ ამისთანა აზრები ღორძინდება საქართველოში? ნუ თუ ვისიმე ფანატიკოსებს ჰგონიათ, რომ ილიების ხოცვით მოჰკლავენ თვით იდეას, რომელიც უკვდავია და რომელსაც მხოლოდ ილიასთანა ადამიანებს შეუძლიანთ ემსახურონ და არა უძღურთ, უნიჭოთ უფიცთ და საზოგადოების ნაძირალებს. ილიასთანა ადამიანებს სიცოცხლეშივე ძეგლებს უდგამენ უცხოეთში, ხოლო ჩვენ კოცონზე ვწვავთ, ვკლავთ, როგორც ავაზაკებს... საბრალო ჩვენო თავო, სანყალო საქართველოვ!

რა ვთქვათ მკვლელებზე, ამ საცოდავს მეოცე საუკუნის ჰერორსტატებზე? რა ადამიანები უნდა იყვნენ ილიას მკვლელები? როგორ მოვიხსენიოთ ისინი? როგორც მოვექცეთ ამ უზადრუკებს? ნუ თუ ისე, როგორც გვირჩევს ამ დღეებში დაბეჭდილი მონოდება ქართველთადმი – ცეცხლი და მახვილი მკვლელებსაო. ესლა გვაკლია, რომ

ბარბაროსობას კიდევ სხვა ბარბაროსობა დავურთოთ ზედ? დავერივნეთ ერთმანეთს, ვხოცოთ, ვყლიტოთ ერთმა მეორენი და გავახაროთ ისედაც ჩვენის უზადრუკობით გალაღებული მტერი? ღმერთმა დაგვიფაროს, ღმერთმა გვაშოროს ამისთანა საქციელი...

ნაღვლით და ბოღმით აღსავსე, მე ასე ვსჯი, რომ ილიას მკვლელნი შესაბრალისნი, ყოვლად სანყალნი, ყოვლად გამოთაყვანებულნი, უვიცნი, ზნეობით გათახსირებულნი და ბრმანი უნდა იყვნენ, სატირელნი და სავალალონი ჩვენ ქართველებისაგან.

სხვა რა ვთქვათ? სხვა რა ვიფიქროთ? სისხლი სისხლისთვის? ცოდვა მივუმატოთ ცოდვას? სირცხვილს სირცხვილი? განა იმათ ადამიანობისა ერთი ბენო ნიშანწყალი რომ ჰქონდეთ, იზამდნენ ამას? მოჰკლავდნენ ამისთანა ადამიანს, რაც უნდა მისგან ნაწყენნიც იყვნენ? არა. არ არიან ისინი ადამიანები, უნდა შევრაცხოთ მხეცებად, პირუტყვებად და პირუტყვზე როგორ ვიძიოთ შური, ისე, როგორც ადამიანზე. ეს ხომ ჩვენივე სირცხვილია, ჩვენი ადამიანობის დამცირებაა?!

მოჰკლეს ილია!... მაგრამ ვერ მოჰკლეს, ვერა! მისი ხსოვნა უკვდავია ვიდრე საქართველო იქნება. დიალ, ვერ მოჰკლეს, რადგან თუ რამდენიმე, თითებზე დასათვლელი ადამიანი ხარობს ილიას სიკვდილით, ასი ათასი მისტირის ამ ჩვენს სასიქადულო მამულიშვილს და რამდენიც ხანი გაივლის, მით უფრო, დაკლების მაგივრად, გრძნობა სიბრალულისა და სიყვარულისა მოიმატებს ერის გულში.

სანყალი ილია, სანყალი ილია!" მესმის გულ საკლავად წარმოთქმული აქეთ-იქიდან სიტყვები მამათა და დედათა მიერ. სანყალი ილია? არ არის ილია სანყალი, ვინაიდან მან აასრულა თავისი მოვალეობა წინაშე თავის ქვეყნისა, იბრძოლა, იღვანა ჩვენს სასარგებლოდ და დალილ – დაქანცული მიეზარა ცივს სამარეს, ჩაიყოლა თან ისევ ჩვენი დარდი – დარდი თავის ქვეყნისა... გაიყოლა თან ის ტყვიები, რომლითაც ჩვენ იმას გაუმასპინძლდით, – ჩვენ მიერ დაჩნეული. ჩაიყოლა თან ყველა ეს ჩვენ მიერ მიძღვნილი სასიქადულო ძღვენი, მაგრამ ილია იმდენად ჭკვიანია, რომ მამა-პაპათა წინაშე დაჰმალავს ტყვიებსაც, წყლულებსაც, რომ ჩვენზე ცუდი არ ათქმევინოს, არ გააჯავროს ჩვენზე ისინი.

საუკუნოდ იყოს ხსენება შენი, ჩვენო იმედო, ჩვენო საყვარელო ილიავ!

აკაკი წერეთლის წერილი:

ნუ მინამლავთ მოხუცს ბრძნობას!

ბევრი ქვეყანა დამივლია, გავცნობივარ სხვა და სხვა ერებს, შემიდარებია ქართველობისათვის, მაგრამ ბუნებრივ გრძნობაგონების სისპეტაკეში უპირატესობა ჩვენზე არა მინახავს რა! და სწორედ ამით უნდა აიხსნას, უმეტესად, ის ისტორიული საკვირველება, რომელიც ჩვენ წინაპრებს გადმოუციათ ჩვენთვის: მაჰმადიანობამ მუსრი გაავლო ქრისტიანობას: დიდებული ვიზანტია სრულიად დაამხო, სლოვანთა ქვეყნები დაიპყრო და ევროპის კალთებს ზარი დასცა, მაგრამ ამ პატარა სამეფომ, ამ ერთმა მუჭა-ხალხმა კი გაუჭირვა საქმე, ყოველ კუთხით მომდგარმა თათრობამ დიდ გასაჭირში ჩააგდო საქართველო, მაგრამ იმან მაინც გაბედა გამკლავება. სთქვა: ჭირსა შინა გამაგრება ისე უნდა, ვით ქვითკირსაო" და სჯობს სიცოცხლესა ნაძრახსა სიკვდილი სახელოვანიო". ამით იმაგრებდა გულს. შეუკავშირა რჯული ეროვნებას. პირველი შე-

ადგენდა მის გონებას, მეორე გრძნობას. და ამ შეკავშირების მეოხებით მეცხრამეტე საუკუნის კარებამდე მოიტანა შეუბღალავად და მაშინ კი შეუერთა ამაღლად დიდ რუსეთს იმ უბედურმა.

ნუ თუ ამ გვარი ხალხი, ამდენ ტანჯვას გამოვლილი და ამდენის ამტანი, იმდენად დასცა ასმა წელიწადმა, რომ თავის მოღვაწეს, ახალ-მოდრაობის წინამორბედს, მესვეურს, რომელიც ყოველ საქმეს წინ უდგა, თავის ხელით გაიმეტებდა? არა! – ამას ვერ დავიჯერებ და ნუ მინამლავთ მოხუცს გრძნობას!... მოღალატეები ძველ დროშიც ჰყოლია საქართველოს. მამელუკები და იანიჩრები უმეტესად გადარჯულებული ქართველები ყოფილან. ძირეულ თათრებზე ისინი უფრო ემტერებოდნენ საქართველოს, სდევნიდნენ რჯულსა და ეროვნებას, მაგრამ მითი საქართველო არ შებღალულა და ქართველობას სახელი არ გასტეხია!

დღევანდელ სკოლებშიც, რომელსაც ასე ებრძოდა განსვენებული ილია და ისე აღმაცერად შეჰყურებდა შეგნებული ქართველობა, სადაც ახალგაზრდობისათვის გმირები საბერძნეთიდან და რომიდან მოჰყავდათ სამოქმედოთ, აზეპირებიზებდნენ ტაციტს და იმავე დროს ავინყებინებდნენ ჩვენს ისტორიას, ჩვენს წარსულს, ქართველ გმირებს, ამისთანა სასწავლებელში, რომ ერთი ორი ჩვენი დროის შესაფერისი მამელუკ-იანიჩარი გამოვიდეს, ქვეყნის მტერი და მოსისხარი – რა გასაკვირვალა? და სწორედ იმათაც ჩაიძინეს ეს დღევანდელი საზიზლარი საქმე!... და არა გლახობამ, ან რომელიმე დასმა, რომელზედაც სულ სხვა წარმოდგენა მაქვს და ტყვილა ნუ მინამლავთ მოხუცებულს გრძნობას დღევანდელ მითქმა-მოთქმით.

ეპისკოპოს ლეონიდას სიტყვა

ზღვასავით ღრმა ილიას გულმა ორმოცდა ათი წელიწადი განუწყვეტლად აფრქვია თავის სამშობლოს ნიადაგზე ცხოველი სიყვარულის საღმრთო ცეცხლი, ორმოცდაათი წლის განმავლობაში ილიას მირონცხებულ ენას არ მოუსვენია ქართველი ერისადმი მხურვალე სიყვარულის ფერად-ფერადი ძვირფასი გვირგვინის თხზვა-ქარგვისაგან, ორმოცდა ათი წელიწადი ამისი დალოცვილი მარჯვენა უხვადა ჰსთესდა ყოველივე ქართველის გულში კაცთა გატანისა, სიბრალულისა და სიყვარულის საკუთარი თითით გარჩეულს, საღს და მაძლარ თესლს!

დღეს მოულოდნელად წაგვართვეს ეს საუნჯე! დაუძინებელმა მტერმა დაგვიხშო ზღვა ეროვნული თვით ცნობისა! ვერაგმა არსებამ ჩაგვიქრო მამულიშვილობის გაჩაღებული საღმრთო კერა! ბოროტმა სულმა დაგვინგრია მტკიცე ბელელი ჩვენი სულიერი სიმდიდრისა! მოგვიკლეს ილია და მწარე მწუხარების ალში გახვეულებმა აღარ ვიცით საით გადავვარდეთ, რა მთას ვეცეთ, რა გზით მივაგნოთ ამ ჩვენი გულის გამპობელს და როგორ გაუსწოროთ მას ანგარიშები!

ამბობენ ქვეყანაზე მოიპოვება მეტად იშვიათი და ძვირფასი ლითონი, სახელად რადი, რომელსაც ისეთი თვისების სინათლე აქვს, რომ მისი სხივები თავისუფლად ატანენ ყოველ გვარ ფარდას, კედელს და სახურავს გარეთო. ამ კეთილშობილი ლითონის თვისებისაა სწორეთ ჩვენი ილიაც. ჯმ შავი და ბნელი კუბოდამაც წათლად გამოსჭვივის ილიას მაღალი სული, ამ კუბოდამაც ყველას გვარწმუნებს: რომ გავცოცხლდებოდე ჩემი სათხოვარი და სავედრებელი ღმერთთან ეს იქნებოდა:

მწყურს მე გამინათლდეს ცით ჩემი სული,
შენგან წამცნების სიყვარულით აღმენტოს გული,
რომ მტერთათვისცა, რომელთ თუნდა გულს ლახვარი მკრან,
გთხოვდე: შეუხდე არ იციან ღმერთო, რას იქმან!"

მაშ, ამაოა ეს ზომა გარეშე ჩვენი შეზრზინება, უსარგებლოა ეს აწინდელი ჩვენი გულმოსულობა. ილიას დიდებული სულის შეურაცხება იქნება მისი მკვლევლებისაგან ჩვენის მხრით რაიმე ანგარიშების მოთხოვნა.

უცხო ყოველი მტრობა და შურისძიებისაგან ილია გვთხოვს გონებამოკრებით ჩავიხედოთ ყველამ თავთავის გულში და ყურადღებით გამოვიკვლიოთ, ჩვენც ხომ არ გვიდევს წილი მის მკვლევლობაში? ჩვენ ხომ არ შეგვიქმნია მისი სიცოცხლის მომსპობთა დაბადების ხელშესაწყობი პირობები, ვინაიდან ცნობილია, რომ მკბენარის მომრავლება პირდაპირი შედეგია ჭუჭყისა და უფაქიზობისა.

ჩვენ რომ ილია თავის დროზე გვეცნო, ჩვენ რომ ილიას წამცნები მოძღვრება ურთ-ერთის სიბრალულ-სიყვარულისა, სამშობლოსათვის თავდადებისა და ქართველი ერის განვითარებისა მშობელი დედის რძესთან ერთად გვექცია ჩვენი არსებობის სისხლად და ხორცად, მაშინ არც დღევანდელი მარცხი შეგვემთხვეოდა. მაგრამ დამნაშავე ვართ ყველანი დიდიდან პატარამდე შენ წინაშე,

სული მალალო! არც კაცი და არც ქალი, არც სწავლული და არც უმეცარი, არც დიდი და არც პატარა არ გაფასებდით ღირსეულად, არ გესარჩლებოდით თავდადებულად და სწორედ ამან გახადა შესაძლო შენი ძვირფასი სიცოცხლის მოსპობა ვერაგი სულისაგან.

შენთვის ისიც დიდი გასახარელი და სანუგეშო იქნება, რომ ეხლა მაინც შევიგნოთ ჩვენი მძიმე დანაშაული, ეხლა, მაინც მივხვდეთ შენი მალალი მოძღვრების მნიშვნელობას, ეხლა მაინც გავიხადოთ იგი ჩვენი მოქალაქეობრივი არსებობის მტკიცე კანონად.

გლოვით შეპყრობილნი, საყვარელო თანამემამულენო! კავკასიონის ქედის მწვერვალზე მცხოვრებ ჩვენ ძმებს სვანებს ჩვეულებად აქვთ: თუ ვისმეს მათგანს უცაბედად კაცი შემოაკვდა, ნიშნად გულითადი სინანულისა გვერდზე იკიდებს მძიმე ლოდს. ჩამოვიკიდოთ ჩვენც დღეიდან მკერდზე ლოდი სინანულისა ამ ბრწყინვალე ცხედრის წინაშე ჩვენი პირადი ნებითი თუ უნებლიეთი დანაშაულისა და მივცეთ ჩვენს დიდებულ მიცვალებულს უტყუარი აღთქმა, რომ არ ჩამოიხსნით ამ ტვირთს, ვიდრე ჩვენც და ჩვენი შვილებიც არ შევითვისებთ სავსებით მისგან ანდერძად დატოვებულ მალალ მოძღვრებას.

მშვიდობით, დაულალო დარაჯო, უბაღლო მოძღვარო, თითით საჩვენებლო ჩვენო მალალო ჭირისუფალო, დაუვინყარო ილიავ! უკანასკნელათ ვეამბორებით შენს გაცივებულ გვამს და გაძღვეთ სიტყვას, რომ ხატად გვესვენება გულში კაცთა სიყვარულის შარავანდედით მოსილი შენი მალალი გონების ცხადად გამომეტყველი პირის სახე. ამინ!

სამსონ ფირცხალავას სიტყვა:

მკვლელს,

(ილიას დასაფლავების დღე)

დღეს ასაფლავებენ იმას, ვისაც შეახე უწმინდური ხელი და მოჰკალი ვერაგულად. მოუსპე სიცოცხლე, ვინც არასოდეს არ მოკვდება; დაადუმე ენა, რომელიც იმეტყველებს თავის ნაწერებით ქვეყნის დასასრულამდის; გაჰგმირე მრავალ და ჩააჩუმე გული, რომელსაც აუძგერებია ასი ათასის გული გაცისკროვანებულის აზრით და მალალის ადამიანურის მისწრაფებით.

ასაფლავებენ მამულისშვილს, რომლის სიკვდილმა დააობლა ერი. მისი გვამის გარშემო შემოკრებილა მთელი საქართველო; მი-

სი კუბო მორთულია ცრემლებისაგან დანამებულის ყვავილებით, გზა იმის გასვენებისა ბრწყინავს დიდებითა და სიყვარულით.

უკანასკნელად ეთხოვება ქვეყანა დიდებულს ადამიანს, რომლის მსგავსი მეორე აღარა ჰყავს. ცივს მინას უნდა მიაბაროს თავისი სიამაყე, თავისი ნიჭის სიძლიერე და შემოქმედების ძალა.

დღეს ასაფლავებენ ილია ჭავჭავაძეს – შენს მსხვერპლის... დღეს შენ უნდა წარსდგე სამსაჯულოს წინაშე: უნდა ამხილო შენი თავი, უნდა მოინანიო ცოდვა, აღიარო დანაშაული!

უკანასკნელად ხედავ შენგან განწირულს მამულისშვილს; მალე იგი განისვენებს საუკუნო სასუფეველში, გარდავა იმ ქვეყანად. წარსდგე მის წინაშე. იგი სდუმს, მის სახეს არ აღელვებს არავითარ სიძულვილი, მკვდარია იმის გულში შურისძიება; აღარა აშფოთებს რა, წყნარია და მშვიდი. იგი გინვევს შესარიგებლად.

რისთვის გაუპე გული და გადმოუნთხიე ტვინი?

განყენია პირადად რამე? თუ არ მოგწონდა ზოგი თვისება მისი საზოგადოებრივ ცხოვრებისა?... ყველაფერი ეს დღეს აღარ არსებობს: გაჰქრა, ნაშალა უკვდავებამ. ეს ნუთიერი, წარმავალი იყო; ძლიერი გული და ნიჭი დარჩა, უკვდავი მგოსანი, ადამიანი არ მომკვდარა. სხეული გაშრა, გაშეშდა მაგრამ სული კიდევ უფრო აღფრთოვანებული, აღტაცებული, გადიდებული შფოთავს და ღელავს სიცოცხლითა და ბრძოლით აღსავსე!

აი, მისი მირონცხებულის არსების გარშემო შემოკრებულან გაბრიელი, მისი მღვდელი, ოთარაანთ ქვრივი, გიორგი, კაკო, მუშა, გუთნის დედა, დედა და შვილი კიდევ სტირიან და კიდევ იცინიან. სტირიან, რომ პოეტი მოჰკლეს; იცინიან, რადგან სიკვდილიდან იწყება მის უფრო დიდებული ცხოვრება.

აი მყინვარის ძირში გამოქვაბული, საიდანაც გადმოიყურება ქვეყნის უარმყოფელი განდეგილი და მას ქვევიდან მიიწვევს ალერსით მომხიბლავი სიყვარული და სიცოცხლე.

აი, კუბოს გარს დახვევიან უკვდავნი სულნი და უგალობენ ციურს საგალობელს, თვით ჰაერს შეერთებია საგალობელი და ნიავეთან ერთად ეალერსება ყურს.

**მესმის, მესმის სანატრელი
ხალხთ ბორკილის ხმა მტვრევისა!...**

ამ ხმას უერთდება მთელი ერის მწარე გლოვა, ტირილი და მოთქმა მდულარე ცრემლებით. ყველაფერს თავს დასტრიალებს

იდუმალი სიჩუმე და უკვდავებით აღბეჭდილი გვამი დიდებულ ადამიანისა...

ნარსდეგი მის წინაშე!

იგი მიგიწვევს შესარიგებლად.

ამხილე შენი თავი, აღიარე შენი მოუტყევებელი ცოდვა, განაცხადე, რომ შენ წაართვი ქვეყანას საუკეთესო შვილი.

ნუ წამოდგები საჯაროდ, ნუ ეტყვი ხალხს შენს აღსარებას. არავის სურს შენი დასჯა, არავის სწაღია შურის ძიება, შენი შეპყრობა.

არა! მხოლოდ შენის საკუთარ სინდისის წინაშე ნარსდეგი, მხოლოდ საკუთარს თავს უთხარ, რომ დამნაშავე ხარ, დიდი დამნაშავე. მხოლოდ შენს სინდისს და შენს მსხვერპლს გაუმხილე ცოდვა, მოითხოვე პატიება, – და პატიებული იქნები.

დაიჩოქე დიდებულ ადამიანის გვამის წინაშე განსპეტაკებული, მონანიებული; აილე ხელში დაფნის შტო და შეამკე კუბო. შენი ერთი ცრემლი დაეცეს იმის გვამს. ეს იქნება უსაყვარლესი გვირგვინი განსვენებულისათვის; ეს იქნება უძვირფასესი ცრემლი. სინანულის ცრემლი და პატიების შტო ყველაზე უფრო დიდი პატივისცემა იქნება მისთვის.

ეს ცრემლი, ეს სინანული შეგაერთებს მთელის ხალხის საერო მწუხარებასთან.

და ისიც გაპატიებს შეცოდებას.

ნარსდეგი მოკლულის წინაშე და შენ თვითონ განსაჯე შენი თავი. მუხლი მოიდრიკე, უთხარი შენს თავს, რომ დამნაშავე ხარ და უთხარი ისიც, რომ კვლავ ადამიანი ხარ!...



ახლა კი იმ წერილს გთავაზობთ, რომელიც ზემოთ მენშევიკური თავხედობის ნიმუშად მოვიხსენიე. თუ სოციალ-დემოკრატების ერთმა ფრთამ – ბოლშევიკებმა, დადგენილება მიიღო და ილიას გლოვაში მონაწილეობაზე უარი თქვა (რომელთაც მოჰკლეს ისინი თავად რატომ იგლოვდნენ, ან რაც უხაროდათ იმის გამო ცრემლს რისთვის დაღვრიდნენ?), მეორე ფრთა მენშევიკების სახით უკანასკნელ სადგურამდე მიაცილებს მგოსანს. დაკრძალვაზე მენშევიკთა კვალობაზე შედარებით ნორმალური სიტყვა წარმოსთქვა მენშევიკმა ვლასა მგელაძემ. ეს ის ვლასა მგელაძეა, საქართველოს დამოუკიდებლობის გამოცხადების დღეს, 1918 წლის 26

მაისს, მამა-დავითზე რომ აიჭრა და მთანმინდის სამუდამო ბინადართ ახარა ქვეყნის დამოუკიდებლობა.

მეორე მენშევიკმა, კარლო ჩხეიძემ კი კლასობრივი ბრძოლის თეორიის პროპაგანდას და ეროვნული ძალებისადმი მუქარას, როგორც ზემოთ ვთქვი, დაკრძალვის ცერემონიალზეც არ დაანება თავი. მენშევიკების პოზიციის ნიმუშად გთავაზობთ კარლო ჩხეიძის გამოსვლის ტექსტს:

სიტყვა კ. ჩხეიძისა

დროებით ჩვენ საზოგადოებას კვლავ გადაეფარა პოლიტიკური მწუხრის ზენარი, კვლავ გამოტყვრნენ ბნელი ძალები უტიფრათ ცხოვრების მოედანზე, გამოფხიზლებული ხალხის მაჯის ცემა მოდუნდა, საერთო ჭირ-ვარამზე გაბედულათ აზრთა გაცვლა გამოცვლა შეწყდა, ხმა გავიკმიდეთ და დადუმებული ველოდებით უმჯობეს მომავალს. მიუხედავად ასეთი საერთო მდუმარებისა, მიუხედავად იმ ათასგვარი ბოროტებისა, რომელსაც სჩადის დღეს თავადებული და წუთიერი გამარჯვებით გაამაყებული ბნელი ძალა, შენმა სიკვდილმა ყველა ძალზე ააღელვა და დაგვაავალა სათანადო ანგარიში გაუწიოთ როგორც იმ ბოროტ-მოქმედებას, რომელმაც შენ გიმსხვერპლა, ისე იმ პირობებს, რომელთა გამო შესაძლებელი ხდება ჩვენში ასეთი ბოროტ-მოქმედება. თანაც ჩვენ მოწყურებული ვართ უკანასკნელი ამ ქვეყნიური პატივისცემა მოგაგოთ და ჩვენი შენდამი სიყვარული აღვნიშნოთ. მაგრამ სიყვარულიც არის და სიყვარულიც. საზოგადოება, რომელიც შემოკრბა დღეს შენი ცხედრის წინაშე, იმდენათვე სხვა და სხვა გვარია რამდენათაც მრავალ-მხრივი იყო თვით შენი წარსული. ჭეშმარიტებაზე ძლიერ შორს იქნება, თუ ვინმე იტყვის: თითქო, ჩვენ ყველანი ერთნაირათ უყურებდეთ შენს წარსულს, ყველანი ერთ რიგათ ვცემდეთ პატივს და ვაფასებდეთ შენს მოღვაწეობას. დაე, გიტროს შენ, როგორც შეგნებული მესაკუთრე, თავად-აზნაურობამ, საზოგადოთ, ჩვენი საზოგადოების იმ ნაწილმა, რომელიც მშრომელ ხალხის შრომის ნამყოფით ცხოვრობს. დაე, მოვიდენ და პატივი დაგდვან შენ ძალა-უფლების ადგილობრივმა წარმომადგენლებმა როგორც თანამედროვე სახელმწიფოებრივი პრინციპის მომხრეს. დაე, გაქონ და გადიდონ შენ შოვინისტებმა როგორც მამულის შვილი. ჩვენ, რა თქმა უნდა, არ შეუერთდებით ასეთე-

ბის ქებათა და მით უმეტესის სიცხადით აღვნიშნავთ იმას, რაც იყო ჩვენთვის ძვირფასი.

შენ სამოღვაწეო ასპარეზზე გამოდი მაშინ, როცა რუსეთის ბნელი ცხოვრების საძირკველი მძლავრათ შეირყა, როცა ბატონ-ყმობის დახავსებული სიმაგრის ზღუდეებს ძლიერათ შეეჯახა ახალი ცხოვრების აზვირთებული ტალღები და როცა პირველათ მოისმა ხმა ძველი მონური ცხოვრების წინააღმდეგ. ჩვენში შენ ერთი პირველთაგანი იყავი, რომელიც ჩაები განახლებულ ცხოვრების ფერხულში და ჩადექი იმ მცირე რაზმში, რომელმაც იკისრა მეთაურობა მაშინდელი საზოგადოების, და შენი ნიჭის და პოეტური შემოქმედების საგნათ დაისახე დაგესურათხატებია ჩვენთვის ბატონ-ყმური ცხოვრების საზიზღროება. შენ დაასურათე უფსკრული და ინტერესთა წინააღმდეგობა, რომელიც არსებობდა ბატონსა და ყმას შორის. შენ გესლიანი ენით დასცინე და სასიკვდილოთ მოშხამე ის, ვინც დიდებით და პატივით იყო წინეთ მოცული; შენ ჩვენ თვალ წინ საოცრად გადაშალე გონებრივი სიკოტრე, გონებრივი საიდუხჭირე, სრული არარაობა და პარაზიტობა ბატონის, იმ ბრწყინვალე ნოდების, რომელიც ფუქსავატი, სიამაყით და მედიდურებით იყო აღსავსე; შენ დაგვიხატე ლუარსაბი და დარეჯანი, ეს ღვიძლი შვილები და ტიპიური წარმომადგენლები ჩვენი ბრწყინვალე ნოდებისა. ამასთან ერთათ შენ იმ დროისთვის საუცხოვოთ დაგვისურათე აგრეთვე უმწეო და უბედური მდგომარეობა, რომელშიაც იმყოფებოდა ლუარსაბების უღელში. გაბმული გლეხები, შენ დაუპირდაპირე ერთი-მეორეს თავადი დათიკო და გლეხი გაბრო და დაგვანახე, რომ მათი ერთათ არსებობა შეუძლებელია, რადგან პირველის ბედნიერება, მეორეს უბედურებაზეა აგებული, სადაც პირველი იცინის, იქ მეორე უნდა სტიროდეს, როცა ერთი მაძლარია, მეორეს უნდა შიოდეს, როცა დათიკოს თბილა, გაბროს ცივა, გულის სიღრმეში ჩაგვეჭრა ჩვენ ის სურათები; ჩვენ მაშინ დავგმეთ ძველი ცხოვრება და სიტყვა დავდევთ შეძლების დავარათ გავმკლავებოდით ბოროტებას, რომლითაც აღსავსე იყო ჩვენი ცხოვრება. ამრიგათ შენმა მგოსნურმა ნიჭის ნაწარმოებმა ხელი შეუწყო ჩვენი ცხოვრების ასპარეზზე გამოსულიყო ახალთაობა, რომელმაც კლასთა ბრძოლა საზოგადოებრივი ცხოვრების უმთავრეს მამოძრავებელ ძალათ, მთავარ ლერძათ აღიარა. ამ ახალგაზრდობისათვის სხვათა შორის, შენი იმდროინდელი შემოქმედების ნაყოფი გახდა მისი გონებრივი და ზნეობრივი ზრდის პირველ საფეხურათ, რომელზედაც ეს ახალთაობა უნდა შემდგა-

რიყო, რომ გულმოდგინეთ შესდგომოდა იმ დიადი მოძღვრების შესისხლხორცებას და ჩვენ ცხოვრებაში გადმონერგვას, რომელიც გვასწავლის, რომ კაცობრიობის წინსვლის აუცილებელ და უდიდეს მიზანს შეადგენს სოციალიზმის დამყარება. ხოლო გზა, რომლითაც ამ მიზანს მიაღწევს კაცობრიობა, არის შეურიგებელი სასტიკი ბრძოლა კლასთა შორის. შენ თითონ მოწმე გახდი იმის, თუ რა ძლევა მოსილება შეისხა ამ სწავლა-მოძღვრებამ ჩვენში და რა ღრმა კვალი გაავლო მან ჩვენ ცხოვრებაში. რამდენათაც შენ შენი იმდროინდელი შემოქმედებითი მუშაობით ხელი შეუწყვე ჩვენი საზოგადოების თვითცნობიერებას, რომ ჩვენ შეგვეყვარებია აღნიშნული მოძღვრება, რამდენათაც შენ გააღვიძე ჩვენ ახალგაზრდა ბუნებაში გრძნობები, რომელნიც აუცილებლათ საჭირონი არიან, რომ ჩვენ გულწრფელად ვემსახუროთ სოციალიზმის დიად მომავალს, და აი, სწორეთ ამდენათ გვსურს ჩვენ უკვდავი იყოს შენი სახელი.

ჩვენი პროლეტარიატი საბედნიეროთ უკვე შესდგა განთვითარების ისეთ საფეხურზე, რომ ის გაცილებით უფრო ღრმათ და სავსებით აფასებს ხელოვნებების და შემოქმედებითი ნიჭის მარგალიტებს როგორც შინაარსით, ისე გარეგანი სახით, ვინემ დაწარჩენი ელემენტები ჩვენი საზოგადოებისა და ვაი მას, ვინც განიზრახავს, რომ ეს მარგალიტები გასთელოს. ვაი თქვენ, ეტყვის იგი შენი ცხედრის წინაშე აგრეთვე იმათაც, ვინც შენი მოკვლის გაგონების შემდეგ ბუკსა და ნალარას სცემენ ქვენა მიწრაფებით და მურტალი მიზნით, თითქო შენთან ერთათ მოიკლა მთელი ხალხი. ასეთები ვერა ხედავენ, რომ ამით ისინი ვერ აქარწყლებენ შენი ნიჭის საუკეთესო ნაყოფს, ვერა ხედავენ, რომ ის ხალხი, რომელმაც შეისისხორცა ის, რაც შენ მოღვანეობაში საუკეთესო იყო უარჰყო ის, რაც მის საერთო ინტერესებს ეწინააღმდეგება შენ წარსულ მოღვანეობაში, ასეთი ხალხი, ვამბობთ, უკვდავია და არც პასუხს აგებს, თუ მის შორის ვინმემ მტარვალობა ჩაიდინა.

ვაი მათ, იტყვის იგივე პროლეტარიატი და მთელი მშრომელი ხალხი, ვინც ლამის მართლა ავაზაკურათ ისარგებლოს შენი მკვლელობის შემთხვევით და ჩირქი მოსცხოს მშრომელ ხალხს და იმას, ვინც ხელმძღვანელობს მას. დღეს ჩვენში შურის ძიებისათვის მოწოდებას ჩვენ არ ვიკადრებთ ცხედრის წინაშე, მაგრამ სასტიკ ანგარიშს მოვთხოვთ მათ, ვინც ჩვენ სასიარულო გზაზე ეკალსა სთესს და შხამს ანთხევს."

მაშინ ტექნიკის თანამედროვე საშუალებები არ იყო. ცხადია, ჩხეიძის გამოსვლას პროცესიის მონაწილე 100 000 კაცი ვერ გაიგებდა, მაგრამ ეს იყო ერთგვარი რევერანსი მენშევიკებისა ბოლშევიკებისადმი. მაგალითად, მენშევიკთა გაზეთი „ჩვენი გზა“ რომლის პირველი ნომერი ილიას მკვლელობიდან მე-3 დღეს, 2 სექტემბერს გამოიცა. დაგმობს ილიას მკვლელობას, მაგრამ ნახეთ, რა ოსტატურად გადაეფარებიან შემდეგ ისინი ბოლშევიკებს, რომელთაც სხვა საკითხებში ტყავს აძრობდნენ: „ჩვენ ხელში ჩავვივარდა ანარქისტ-კომუნისტთა ადგილობრივი ჯგუფის ფურცელი, ილია ჭავჭავაძის მკვლელობის შესახებ გამოშვებული“-ო, ვკითხულობთ სარედაქციო წერილში.

რა ენერა ამ პროკლამაციაში? აი, რა:

„ჩვენ არ შეგვიძლია სოც.დემოკრატებისავით, ან პეტრე მოციქულსავით უარი ვთქვათ თავის თავზე და ვთქვათ, რომ მესაკუთრეთა და უმწეოთა შორის გაჩაღებულ ბრძოლაში ჩვენ ვგმობთ უმწეოთა ბრძოლასო. არა და არა“ („ჩვენი გზა“, №8)

როგორც ვხედავთ, ღიად, პროკლამაციის გავრცელებით, რომელიღაც პარტიას გაუმართლებია „უმწეოთა“ მიერ „მესაკუთრე“ ილიას მკვლელობა.

ვინ არის ეს პარტია? ძნელი მისახვედრი არ არის, რომ ანარქისტ მიხაკო წერეთლის პროკლამაციის სახით გავრცელებული მოწოდების დასაცინად ბოლშევიკები თავის პროკლამაციას ავრცელებენ სწორედ ანარქისტების სახელით. მენშევიკური გაზეთი კი ამ პროკლამაციას ისე ბეჭდავს, თითქოს მართლა სჯერათ, რომ მისი ავტორები თვით მათი განაყარი სოციალ-დემოკრატები არ არიან და სოციალ-დემოკრატებზე კბილის გაკვრით ალიბს არ იკეთებენ. ეს პროკლამაცია ფაქტიურად იმეორებს ფილიპე მახარაძის სიტყვებს, რომელიც ჯერ კიდევ ილიას დაკრძალვამდე ამბობდა – ჩვენ ვერ ვიგლოვებთ რევოლუციისგან განწირულთო. რევერანსები ბოლშევიკებისადმი დიდხანს გააგრძელეს, 1918-1921 წლებში, როცა თავად იყვნენ მთავრობაში. სასამართლოს მიერ დადგენილი მკვლეელი, გიგლა ბერბიჭაშვილიც კი, არათუ დაიჭირა მათმა მეთაურმა ჟორდანიამ, არამედ დაჭერილი ციხიდან გააპარა. თუმცა ამაზე ქვემოთ, ახლა კი დავუბრუნდეთ დაკრძალვის პროცესიას.

პოლიტიკა პოლიტიკად, მაგრამ კახეთისა და ილიას მშობლიური ყვარელის მგლოვიარე ხმა ილია ზურაბიშვილმა მეტად ემოციური სიტყვით გადმოსცა.

ილ. ზურაბიშვილის სიტყვა

საქართველოს ჭირისუფალო ილიავ! შენმა ტურფა კახეთმა, რომელსაც ბედნიერ წილად ჰხედა – თავის მხნე მკერდზედ, ნიადაგზე დაერწია შენი აკვანი, მოგვანდო ჩვენი თაყვანი ვცეთ შენს ძვირფას ნეშტსა და ვაუნყოთ ჩვენს ქვეყანას რა განუსაზღვრელი საეროვნო კაეშანი ჩაანვეთა ყოველის კახელის გულს შენმა მონამებრივმა სიკვდილმა!

სულმნათო მგოსანო! კახეთი სტირს და ჰგლოვობს. მაგრამ მაინც არა სჯერა, რომ ეგ, საქართველოსათვის სამსხვერპლოდ ქცეული, გული საუკუნოდ მიყურდა და აღარ აძგერდება სამშობლოსათვის მტლედ დასადებად!

ჩვენის აზროვნების დიდო მესვეურო! ნუ თუ ეგ საამურად მეტყველნი ბაგენი სამუდამოდ დადუმდნენ და აღარ განიხვნებიან ზეალმტაც სიტყვის სათქმელად?!

ცხოველმყოფელო ძეგლო ჩვენის დიდებისა! ნუ თუ ეგ, ღვთაებრივის იერით აღბეჭდილი შუბლი, აღარ გაისხნება, რომ ძველებურად ცხოველ აზრთა გუნდი გადმოაფინოს შენ თანამოძმეთ – ცხოვრებაში სახელმძღვანელოდ და ანდერძად საშვილიშილოდ გადასაცემად?!

საქართველოს სულიერო მეორე კახო! რას გვიბარებ? რა ვუთხრათ შენს მოდუდუნე ბედის მოჩივარ ალაზანს? რა ხმა მივანვდინოთ შენს მშობელს ყვარელის მთებს? რით ვანუგეშოთ ბალში ცრემლით ანატირი ობოლი ვაზი? რა ვუპასუხოთ მოჭირნახულე ლაბას, შენს ლაბას, როცა უენო, ვითა მეტყველი, თვალებით დაგვეკითხება?!

სდუმხარ? ! მაშ მართალია? !

თუ აგრეა – იგლოვეთ, იგლოვეთ მდულარედ! შენ, ალაზანო, ზვირთი ზვირთზედ ააგორე, აბობოქრდი, მოჰყევი მწარე ზარს! თქვენ ყვარლის მთებო, ნისლით შეიბურედ მწვერვალები – ეგ იქნება თქვენი ძაძა! შენ, ობოლო ვაზო, აფრქვიე მწუხარე ცრემლი და ლაბავ, მორთე გულსაკლავი ბლავილი! აღარა გყავთ ზრახვათა მესაიდუმლე, აღარა გყავს გრძნობათა მოენე !!. შენ-კი, საქართველოვ, ახლა მაინც მიჰხედი რა ბედ-შავია შენი ხვედრი. დეე ამ დიადმა წმინდა მსხვერპლმა მაინც შეაგნებინოს შენს შვილთ სამშობლოს განწირული მდგომარეობა და აღძრას მათში გმირის დამბადი დიდი საგანი.“

დაკრძალვის დღის პროცესი დეტალურად აღწერეს კორესპონდენტებმა:

... 9 სექტემბერს დიდ ხანს არ დავიწყებენ დამსწრენი, ამ დღეს თითქმის პირველად შემოკრება ქართველობა, იყვნენ ყველა მხრიდან: კახეთიდან, საინგილოდან, ფშავ-ხევსურეთიდან, ქართლიდან, იმერეთიდან, გურიიდან, სამეგრელოდან, სვანეთ-ლეჩხუმიდან, აფხაზეთიდან. აჭარა-ქობულეთიდან, ჯავახეთი-ახალციხიდან.

ამ დღეს დეპუტაციები და ხალხი დილის 7 საათიდანვე გაეშურა სიონის ტაძრისაკენ. წეს-რიგს იცავდნენ სტუდენტები, უფროს კლასების მოსწავლენი და სხვანი. მონესრიგებმა დილა-ადრინვე გაინაწილეს საქმე და მაშინვე შეუდგნენ გვირგვინების და დეპუტაციების დამსწრეობას. წირვა სიონის ტაძარში დაიწყო 8 საათზედ. წირვა გადაიხადეს ეპისკოპოსებმა დიდ-ძალ სამღვდელოებითურთ. ჰგალობდა სამი გუნდი. წირვის შემდეგ სიტყვა წარმოსთქვა დეკ. ტყემალაძემ, ხოლო პანაშვიდის შემდეგ – ეპისკოპოსებმა ალექსანდრემ და პეტრემ. გრძნობიერი სიტყვები წარმოსთქვეს. ვიდრე ცხედარს ტაძრიდან გამოასვენებდნენ, ნ. – კ. გამავრცელებელ საზოგადოებას" გამგეობის წარმომადგენელმა ივ. რატიშვილმა გამოსათხოვარი სიტყვა წარმოსთქვა.

პროცესია დაიძრა დილის 11 1/2 საათზე. მგოსნის გვამი ტაძრიდან ხელით გამოასვენეს ნ. ცხვედაძემ, ან. ფურცელაძემ, არტურ ლეისტმა, ქალაქის თავმა, ნამესტნიკმა ვორონცოვ-დაშკოვმა, გ. ა. ბაგრატიონ-დავითაშვილმა, დ. ნიჟარაძემ, ვ. ჭავჭავაძემ და სხვებმა. კუბო დაასვენეს სამგლოვიარო ეტლზე. წინ პროცესიას მიუძღოდა შავი დროშები ჯვრებითა და ხატებით. ამათ მიდევდნენ ამქრები თავიანთ დროშებით. შემდეგ რამდენსამე კაცს მიჰქონდა კუბოს თავი. ამათ მისდევდნენ საგურამოელი გლეხები ოცდაათამდე კაცი. მერე მიდიოდა ას-ოთხმოცდა ხუთი დეპუტაცია საზოგადო დაწესებულებათა, რედაქციებისა და სხვათა. ორ-ორს გვირგვინები ჰქონდა, დანარჩენი დეპუტატები მათ მისდევდნენ. მგალობელთა რამდენიმე გუნდი რიგ-რიგით გალობდა. რიგ-რიგით უკრავდნენ სამგლოვიარო მარშს სხვა და სხვა სასწავლებლის მოსწავლენი თავიანთ ღირექტორ-მასწავლებლებით იყვნენ. დეპუტაციებს მისდევდა სამღვდელოება, ამის შემდეგ მიდიოდა სამგლოვიარო ეტლი ცხედრით. ცხედრის გარშემო იდგნენ ივერიის" ყოფილი თანამშრომელი. ცხედარს მისდევდნენ ნათესავ-ჭირისულფალნი და დეპუტატები ნ.-კ. გ. საზოგადოებისა", დრამატიულ საზოგადოებისა, მოსწავლეთა დამხმარებელ საზოგადოებისა, ტფილისისა; ქუთაისისა, ბათუმისა, ფოთისა, ოზურგეთისა, თელავის, გორის, სენაკისა, ზუგდიდისა და სხვა ქალაქის

თვის-მართველობათა, წარმომადგენელი ფილარმონიულ, ქარველ საქველ-მოქმედო, სასოფლო სამეურნეო საზოგადოებისა, როგორც ტფილისისა ისე ქუთაისის, ნაფიც ვეჟილთა, ქართულ ვაჟთა გიმნაზიისა და ქალთა გიმნაზიებისა, ყაზბეგის სკოლისა, წინამძღვარიანთ კარის სკოლისა, ჭრა-კერვის სკოლისა, ქართველ აფიცერთა, კახეთის" საზოგადოებისა, ძმობისა", გეორგიისა", წერილ ვაჭართა კავშირებისა, ნოქართა საზოგადოებისა, ამქართა კორპორაციათა და სხ. იყვნენ აგრეთვე წარმომადგენელი მაჰმადიანთა ახალგაზრდობისა. სიონიდამ ერევნის მოედნამდე ცხედარი გააცილა მაჰმადიანთა უმალლესმა სამღვდელოებამ. იყვნენ დეპუტატები ოსებისა, სომხის სამღვდელოებისა, ქუთაისის დრამატიულ დასის არტისტებისა, ფოთის მუშებისა, ფოთის პროფესიონალურ ბიუროსა, რკინის გზის სახელოსნოების ს.-ფედერალისტთა მუშებისა, შორაპნის სადგურის მუშებისა და მოხელეებისა, ბაქოს ს.-ფ. მუშებისა, ბაქოს ქართველ საზოგადოებისა, ტფ. სავაჟო და საქალეზო გიმნაზიებისა, სემინარიისა, სახაზინო და საკონტროლო პალატებისა, ქუთაისის სახელმწიფო მამულეების სამართველოს მოხელეთა, ზოგიერთ სტამბების მუშათა, ფოსტა-ტელეგრაფის მოხელეთა, სოფლები: ყვარელისა, ხორხელისა, ოჟიოსა, ენისელისა, ახალ გავაზისა, ძველი გავაზისა, კოლორტიისა, კოჭატანისა, კონდოლისა, ნორიოსა, საგარეჯოსა, საბუესა, ქვემო ხოდაშენისა, იყალთოსი, მცხეთისა, დიღმისა, ქ.თიანეთისა, მითხოსა, ქისტაურისა, ხოვლესი, წინანდლისა ივან-წმინდისა, ფოთისა, დაბა ხონისა, საჩხერისა, დ.ჭიათურისა და ზესტაფონისა. ერთის სიტყვით, არ დარჩენილა არც ერთი კუთხე და დაწესებულება, რომ არ გამოეგზავნოს დეპუტატები.

მონესრიგე კომისიის თხოვნისამებრ, პოლიცია მაგრე რიგად არ ჩარეულა საქმეში. აურიცხველ ხალხის მიუხედავად, წესრიგი მშვენივრად იქნა დაცული.

სამგლოვიარო პროცესიამ გაიარა სიონის ქუჩა, რომელიც ძაძებით იყო შემოსილი. ერევნის მოედანზე ზღვა ხალხი გაიშალა. ქუჩებზე რომ ტევა აღარ იყო, ვინც მოახერხა, იდგა სახლებსა და აივნებზე, საიდანაც შავი ბაირაღები გადმოეკიდნათ. ერევნის მოედანზე ფოტოგრაფებმა რამდენიმეჯერმე სურათიც გადაიღეს, მალე მთელი სასახლის ქუჩა ხალხით გაიტენა. ასე რომ მოძრაობა არ იყო. აქ ძაძებში შემოსილი წ.-კ. საზოგადოების სადგომიდან გადმოდგა რამდენიმე კაცის დახმარებით ამჟამად შეუძლოდ მყოფი მცხოვანი აკაკი წერეთელი და განსვენებულს ილიას გამო-

სათხოვარის სიტყვით მიმართა. ავთომყოფობისაგან დასუსტებული მგოსანი ძლივს ლაპარაკობდა, მაგრამ როგორც მისი სიტყვები გაიგონეს, ქვითინი და ტირილი გაისმა. სიტყვა აკაკიმ ქვითინით დაათავა. ბედნიერი ხარ ძმაო ილია, რომ შენმა სახელმა შენდა სათაყვანებლად ამოდენა ხალხი შეჰკრიბა და თუ ქართველს ერს გადაშენება მოეღის, მაშინაც ბედნიერი იქნები, რადგანაც ჩვენს უბედურებას შენის თვალთ აღარ იხილავო", დაათავა პოეტმა. მცირე პანაშვიდის შემდეგ პროცესია ხელახლა დაიძრა.

დიდებული სანახავი იყო პროცესია გოლოვინის პრასპექტზე, როდესაც პროცესიის თავმა სახაზინო თეატრის პირდაპირ ჭავჭავაძის ქუჩაში შეუხვია, ბოლო ჯერ ისევ ერევნის მოედანზე იყო. თვალს იტაცებდა განიერ ქუჩაში გამწკრივებული სხვა და სხვა დეპუტაცია თავიანთ გვირგვინებით. ზოგს ვერცხლის გვირგვინები ეჭირა, ზოგს ცოცხალ ყვავილებისა. ბევრი მეტად ხელოვნური და შესანიშნავი გვირგვინი იყო. აღწერა ამ გვირგვინებისა ყოვლად შეუძლებელია.

გოლოვინის პროსპექტზედაც ისე, როგორც სიონისა, ერევნისა და სხვა ქუჩებზე, პროცესიას ათი ათასობით ემატებოდა ხალხი და მოწესრიგეებს, ცოტა არ იყოს, შიშს უბადებდა ამ მოზღვავებულ ხალხის ერთად გავლა, რადგან პროცესიაში აუარებელი ქალი და ბავშვი ერია. აივნები და ფანჯრები ყველგან ხალხით იყო გაჭედილი. ყოველ ეჭვს გარეშეა, რომ კვირის პროცესიაში ასი ათას ქალსა და კაცზე მეტი იღებდა მონაწილეობას. პროცესიამ გაიარა გოლოვინის პროსპექტი, აუხვია ჭავჭავაძის ქუჩაზე და ლაბორატორნი და მამადავითის ქუჩით გაემართა მთაწმინდისაკენ. ამ ვიწრო ქუჩებში ძალზე შექუჩდა ხალხი, მაგრამ წესიერება მაინც არ დარღვეულა პროცესია მამადავითის მოედანს ცოტათი ასცდა და იმ ადგილას, საიდანაც ცხედრის ეტლით წასვენება აღარ შეიძლებოდა, შედგა. აქ ათასობით თავმოყრილ ხალხის წინაშე დღის და მომენტის შესაფერი სიტყვები წარმოითქვა. პირველათ ხალხს სიტყვებით მიმართა ქალაქის მოურავმა ვ.ნ. ჩერექეზიშვილმა. სხვათა შორის, ორატორმა წარმოსთქვა: მწარეა ჩემთვის დღევანდელი სამწუხარო დღე. ქართველ ხალხს ილიას მოკვლით უბედურება დაატყდა მაშინ, როცა მე ვდგავარ ტფილისის თვითმმართველობის სათავეში. ტფილისის მცხოვრებნი აღშფოთებულნი ვართ ამ მხეცური მკვლელობით. ნუგეში ტფილისისათვის ისეა, რომ ქალაქის საზღვრებში არ მომხდარა ეს უბედურება. აქ დამსწრენი, მიუხედავად ეროვნებისა, კლასისა და ნოდებისა, აღმ-

ფოთებულნი არიან და საზოგადო შეჩვენებას უთვლიან საზიზღარ გამხეცებულ მკვლევებს. ბევრი არც-კი იცნობდა განსვენებულს, მაგრამ გაიგეს, იცნეს და მოვიდნენ მის სათაყვანებლად. ეხლა საკითხავია, ვისმა მურტალმა ხელმა ჩაიდინა ეს კაენის საქციელი, ვინ შეარცხვინა მთელს განათლებულს ქვეყნიერებასთან ქართველი ერი? ეს ჩაიდინა მან, ვინც არ იცოდა რას ჩადიოდა. განა ამ გვართ არ გამოასალმეს ნუთისოფელს მწერალი გრიბოედოვი და ბევრნი სხვანი? მიზეზი ამ საშინელებისა ხალხის შეუგნებლობა და სიბნელეა. არავინ ჩვენს გამოურკვეველს დროში არ არის უზრუნველყოფილი ამ გვარისავე უბედურებისაგან. რომ აღარ იყოს, უნდა მოწინავე ელემენტებმა თავს ვიდვათ ხალხის გამოფხიზლება, კულტურულად ამაღლება თავ. ჩერქეზიშვილმა ასე დაამთავრა სიტყვა: მივმართავ განსაკუთრებით მოსწავლე ახალგაზრდობას, გულის ფიცარზე დაინეროს ილია ჭავჭავაძის ანდერძი და მთელი თავისი მომავალი მოქმედება ხალხის გამოფხიზლებას მოანდომოს" დასასრულ ჩერქეზიშვილმა მიმართა თვით განსვენებულს და ცრემლ-მორეულმა უკანასკნელი სალამი უძღვნა.

შემდეგ მშვენიერი სიტყვები წარმოსთქვა სოსიკო მდივანმა და ვ.მგელაძემ. ქალთა თანასწორობის მოსკოვის საზოგადოების წარმომადგენელმა, ქ-მა მიროვიჩისამ პროტესტი განაცხადა ქალთა სახელით ასეთ საზიზღარ ბოროტების წინააღმდეგ. შემდეგ სიტყვები წარმოსთქვეს ქართველ ქალთა მინდობილებით ნინო ნაკაშიძემ, ყვირილის საზოგადოების წარმომადგენელმა ტ.ხუსკივაძემ, ქართველ არტისტების მინდობილებით ი. ივანიძემ, ქუთაისის ქალაქის თვითმმართველობის წარმომადგენელმა იაკობ ფანცხვამ, მშაკის" რედაქტორმა ქალანთარმა, ლექსი სთქვა მელიტონ გობეჩიამ, სიტყვა წარმოსთქვა ვაჟა-ფშაველამ. დიდათ იმოქმედა მსმენელებზე, როდესაც მოსწავლემ აღნიშნა თავისი უდიდესი სურვილი - რომ პოეტი ცოცხალი ენახა.

ამ სიტყვების შემდეგ განსვენებულის გვამი ეტლიდან გადმოსვენეს და მუშებმა, გლეხებმა და ინტელიგენციამ ხელით აასვენეს აღმართზე.

თუმცა უადგილობისა გამო მოსალოდნელ რაიმე უბედურობის ასაცილებლად, მამადავითის ეკლესიის გალავანში ბილეთებით იყო შესვლა, მაგრამ ბევრმა მოახერხა ასვლა, ასე რომ გალავანშიც ბევრმა ხალხმა მოიყარა თავი.

მცირე ლოცვის შემდეგ, სიტყვები წარმონთქვეს: მღვდელმა მ.მაჭარაშვილმა, მ.კელენჯერიძემ, შემდეგ ნ.ზ.ცხვედაძემ, ი.მეუ-

ნარგამ, კ.ერისთავმა, დ.ნახუცრიშვილმა, ოსების წარმომადგენელმა კოჩიევმა, ს.ქვარიანმა; რუსულად – ვ.ი.რცხილაძემ, ლექსები წაიკითხეს ფარეშიშვილმა, ს.ტარუაშვილმა, ნ.მერკვილაძემ, კ.დონდუამ, ი.იადუაძემ, ა.თანდოშვილმა, ი.ნოზაძემ, ი.გოგინაშვილმა, კ.ჩხეიძემ, მრ. დ.წულაძემ, ს.ჯორბენაძემ, გიორგი მეზერიშვილმა და სხვათა.

სალამოს 6 1/2 საათი შესრულდა. მაგრამ ხალხი მაინც არ იშლებოდა, ა. მდივნის მოწოდებით ხალხმა მუხლი მოიყარა უკანასკნელად თაყვანის ცემისა და გამოთხოვების ნიშნად.

სალამოს 7 საათი იყო, რომ ნელ-ნელა მთანმინდა დაცარიელდა...”



იმ ზღვა ხალხში, რომელთაც ფეხაკრეფით მიატოვეს მთანმინდაზე ახლად ამობურცული საფლავი, არ იყო ის ერთადერთი ადამიანი, რომელმაც წუთისოფლის ჭაპანი ილიასთან ერთად ზიდა.

რომელსაც ამ ცისქვეშეთში ყველაზე მეტად უყვარდა ილია. ის თავგაჩეხილი ანდრიას ქუჩაზე ილიას სანოლში იწვა და სამყაროს მონყვეტილი, ვინ იცის, მერამდენედ კითხულობდა მასზე შეყვარებული ჭაბუკი ილიკოს პირველივე სატრფიალო ბარათის პირველ ფრაზას –

„მითხარით – სად შევხვდეთ, დროის გამო ნუ სწუხდებით, დროს ყოველთვის მოვნახავ“.

ოღლა ახლა დროის გამო აღარ სწუხდა. დრო ილიასთვის და მისთვისაც გაჩერებულიყო.

სანოლში მისი დასახიჩრებული სხეული ჩანდა, თორემ არსი მისი თან გაჰყოლოდა ილიას წუთისოფლიდან უკვდავებაში.

თავი III

ვინ იყო ილიას გვლელობის შემკვეთი, ორგანიზატორი და რისთვის?

*„არა არს დაფარული, რომელი არა გამოცხადნეს
და დამალული, რომელი არა საცნაურ იყოს“*

(ლუკა 12,2)



გიგლა ბერბიჭაშვილი



გიგოლა მოძღვრიშვილი



პაველე ფშაველიშვილი (აფციასური)



გიორგი ხიზანიშვილი

ილიას მკვლელობასთან დაკავშირებით, ოფიციალური სასამართლო პროცესი 3-ჯერ ჩატარდა.

პირველი და მეორე მეფის რუსეთის დროს 1908 და 1909 წლებში.

მესამე საბჭოთა კავშირის არსებობის დროს – 1941-42 წლებში.

სასამართლო პროცესის ჩატარებას აპირებდა მენშევიკების მთავრობაც მაშინდელი შინაგან საქმეთა მინისტრის ნოე რამიშვილის მონდომებით. რამიშვილმა დააპატიმრა ილიას მკვლელები – ფილიპე მახარაძე და გიგლა ბერბიჭაშვილი, მაგრამ ნოე ჟორდანიამ ისინი ციხიდან გააპარა. საკუთარი სახელმწიფო მანქანით წააყვანინა ვლადიკავკაზამდე. ამ გამაოგნებელ ინფორმაციას მაშინდელი შინაგან საქმეთა მინისტრის, ნოე რამიშვილის შვილი გვანდის.

„როდესაც ნოე რამიშვილმა დააჭერინა ილიას მკვლელობის შეთქმულების მონაწილეები, ფილიპე მახარაძე და ბერბიჭაშვილი და მკვლელობის გამოსაძიებლად საკითხი წარუდგინა დამფუძნებელ კრებას, გამოიყო საგანგებო კომისია. ამ დროს კი ნოე ჟორდანიამ ფარულად გამოაშვებინა ციხის უფროსს დამნაშავეები და თავის მძლოლს თავისივე სახელმწიფო მანქანით ჩააყვანინა ვლადიკავკაზში.“ (აკაკი რამიშვილი, ჩვენი შეცდომები, 1918-1921. თბ.2000 წ.გვ.91)

ილიას მკვლელთა შემკვეთებისა და ორგანიზატორების მხილებით მე-20 საუკუნის 90-იან წლებამდე ხელისუფლება დაინტერესებული არ ყოფილა. მკვლელობის შემსრულებელთა დადგენის მიზნით ოპერატიული და შედარებით პატიოსანი გამოძიება ჩატარდა 1907-1908-1909 წლებში.

დადგენილ იქნა მკვლელობის ყველა მონაწილე.

- 1) ვინმე იმერელი
- 2) ივანე ინაშვილი
- 3) გიორგი (ლომა) ხიზანიშვილი
- 4) გიგოლა მოძღვრიშვილი
- 5) გიგლა ბერბიჭაშვილი
- 6) თედო ლაბაური
- 7) პავლე ფშავლიშვილი (აფციაური)
- 8) ლადო ფეიქრიშვილი

ამათგან ვერ დაიჭირეს ორი – გიგლა ბერბიჭაშვილი და ვინმე იმერელი. ასევე ციხიდან გაექცათ პავლე ფშავლიშვილი და ლადო ფეიქრიშვილი. ვინმე იმერელი იყო კომიტეტიდან მოვლენილი მკვლელი, მისი დაჭერა პარტიისათვის კატასტროფა იქნებოდა, ყოველ შემთხვევაში, ვერავენ იტყოდა, – გლახებმა მოკლეს მებატონეო.

დანარჩენი ოთხიდან ერთი, – მოძღვრიშვილი განაჩენის აღსრულებამდე მოკვდა ციხეში.

სამნი – ლაბაური, ინაშვილი და ხიზანიშვილი ჩამოახრჩვეს 1909 წელს.

მაშინდელმა პოლიციამ ვერ დაიჭირა მთავარი ბოროტმოქმედი – ვინმე იმერელი, ამიტომ პროკურორმა კი თქვა სასამართლო პროცესზე, რომ ამ მკვლელობის უკან უნდა იდგეს პარტია, რომელსაც პოლიტიკური მიზანი ჰქონდაო, პატიმრებმა აღიარეს კომიტეტის დავალებით ვმოქმედებდითო, პრესაშიც ქვეყნდებოდა პუბლიკაციები, სადაც პირდაპირ ადებდნენ ხელს სოციალ-დემოკრატებს (ბოლშევიკების ფრაქციას), მაგრამ განცხადებაზე შორს პროკურორი და მით უფრო მოსამართლე ვერ წავიდნენ.

შესაძლოა იყო საიდუმლო მასალებიც, რომელიც მაშინდელ პრესაში არ გამოქვეყნებულა, პრესისთვის უცნობი მასალები რომ იქნებოდა სასამართლოში, ჩანს იქიდანაც, რომ ვალერიან გუნია დააჯარიმეს და რამდენიმე დღით დააპატიმრეს გ. ხიზანიშვილის ჩვენების სასამართლომდე გამოქვეყნების გამო. ასე, რომ, რომც ყოფილიყო ძიებისათვის ცნობილი, ვინ იყო იმერელი ბიჭი, ეჭვიმტანილის დაპატიმრებამდე პრესას არავინ აცნობებდა. იმ სასამართლოს მასალები კი მთლიანად ფალსიფიცირებულ იქნა საბჭოთა ეპოქაში. არ არის გამორიცხული მასალების ფალსიფიცირება მენშევიკების დროშიც. ყოვრდანიამ თუ დაპატიმრებული ხალხის გაპარებაზე იზრუნა, ვითომ დოკუმენტების გაყალბებას, არასასურველი ჩვენებების მოსპობას რატომ არ იკადრებდა?

ფაქტი ერთია, მეფის სასამართლომ ცხელ კვალზე მკვლელე-ბი დაიჭირა. მრავალრიცხოვანი თხოვნების მიუხედავად, ილიას ხსოვნის პატივსაცემად სიკვდილით არ დაესაჯათ ისინი, მაინც დასაჯეს.

რა სამდურავი შეიძლება მეფის სასამართლოს მიმართ ითქვას?

უნდა ვივარაუდოთ, რომ არსებითად, მათ ვერ მოახერხეს მკვლევლობის შემკვეთისა და ორგანიზატორებზე გასვლა. ამის მიზეზი შეიძლება იყოს:

1) ვინმე იმერელისა და ბერბიჭაშვილის გაქცევის გამო, შესაძლოა ბუნებრივად განყდა ის რგოლი, რომლითაც ძიება შემდეგ ეტაპზე გავიდოდა.

2) პოლიციელები და სასამართლოს მოხელენიც ადამიანები იყვნენ. ისინი შეაშინეს არ გაექვექათ იმაზე მეტი, რაც დაჭერილ-მა გლეხებმა იცოდნენ. სოციალისტებს იმ დროს ნებისმიერი პირისთვის შეეძლოთ დაენიშნათ ტერორი და აღესრულებინათ კიდეც.

3) ნაკლებსავარაუდო მიზეზი მკვლევლობის ორგანიზატორებზე არგასვლისა შესაძლოა ყოფილიყო პოლიტიკურ პარტიათაგან მთავრობის ყველაზე მეტი სიმპათია სოციალ-დემოკრატების მიმართ. ვინაიდან სოციალ-დემოკრატები რუსეთის იმპერიის ერთიანობას იცავდნენ, ვინაიდან მთავრობა ამ საკითხში მათ მიმართ სიმპათიას არც მაღავედა, (ბოლოს ამიერკავკასიაში ძალაუფლება ცი გადასცეს, როგორც იმპერიის ერთიანობის დამცველებს) ამ მიზეზის გამო შეიძლება მთავრობა მოერიდა პარტიულ ბოსებზე გასვლას და მათ დაპატიმრებას, მაგრამ ეს ვერსია, ვიმეორებ, ნაკლებსავარაუდოა.

ჩემი აზრით, დაშინებას უფრო ექნებოდა ადგილი, (უამრავი ფაქტის მოყვანა შეიძლება იმისა, თუ როგორ თანამშრომლობდნენ ბოლშევიკებთან მაშინდელი მაღალი თანამდებობის პირები სიკვდილის შიშით) იმ პერიოდისთვის ისეთი ქაოსი სუფევდა, ისე პანტაპუნტით ხოცავდნენ ადამიანებს, რომ იმაზე მეტს სასამართლო ძიებას ვერც მოვთხოვთ, რაც მათ შეეძლეს. ჩამოგითვლით რევოლუციონერთა ხელით მოკლულ მხოლოდ თანამდებობის პირებს (რიგითი ადამიანების მსხვერპლი იყო ასეულობით).

მოკლულ იქნენ:

საქართველოს ეგზარხოსი ნიკონი;

კავკასიის სამხედრო ოლქის შტაბის უფროსი გენერალი გრი-
აზნოვი;

რკინიგზის ჟანდარმთა სამმართველოს უფროსი სტანო;

ჟანდარმთა როტმისტრი რუნიჩი;

გორის მაზრის უფროსი გუგუშვილი;

ტფილისის ფოსტა ტელეგრაფის კანტორის უფროსი ჩიჟიკი;

15 „გოროდოვოი“

ათეულობით ბოქაული და უბნის ზედამხედველი.

თავდასხმის შედეგად სიკვდილს გადაურჩნენ:

გენერალი ალიხანოვ-აეარსკი, რომელიც ქუთაისში დაჭრეს;

თბილისის გენერალ გუბერნატორი ტიმოფეევი;

სამხედრო საოლქო სასამართლოს თავმჯდომარე ვოლკოვი;

თბილისის „ოხრანკის“ განყოფილების უფროსი კარლოვი.

თავდასხმა მზადდებოდა ასევე მეფისნაცვალ ვორონცოვ-დაშკოვზე და გენერალ შირიკინზე, რომელნიც სიკვდილს გადაარჩინა იმან. რომ ბოლშევიკების იმ ჯგუფში, რომელიც თავდასხმას ამზადებდა, აღმოჩნდა აგენტი ვინმე პეტროვი, რომელიც მალე ბოლშევიკებმა ხანჯლით მოკლეს ბაქოში. რევოლუციონერებს თავი არც დაუმაღავთ. პეტროვის სიკვდილის შემდეგ გაავრცელეს პროკლამაცია, რომ იგი მოიკლა პარტიის განაჩენით-ლალატიისათვის.

ყველა ეს საქმე ძიებაში იყო. რიგ შემთხვევებში შემსრულებლები დაიჭირეს, ორგანიზატორები ვერა.

ბოდიშს ვუხდი მკითხველს ილიას სახელის გვერდით ამათი ხსენებისათვის, მაგრამ ფაქტია, თავის გენერლებზე თავდასხმის ორგანიზატორები ვერ აღმოაჩინეს, ასეთ დროს ცენტრში, ანუ პეტერბურგში, ილიას გამო თავს არავინ მოიკლავდა, ბოლოს და ბოლოს, მათთვის პოლიტიკურად არასანდო მოღვაწე იქნა მოკლული და მკვლელებმა მათ ნისქვილზეც დაასხეს წყალი. ერთი სიტყვით, მეფის სასამართლომ ვერ შეძლო შემკვეთისა და ორგანიზატორების დაპატიმრება, მაგრამ დააპატიმრა მკვლელები და ძიება წაიყვანა სწორი მიმართულებით, ანუ პროკურორის განცხადების სახით მაინც მიანიშნა იმ პარტიაზე, რომელიც ერთმნიშვნელოვნად მკვლელად წარმოისახა საზოგადოებრივმა აზრმა. ამ მხრივ ყველაფერი კონცენტრირებულია ორ წერილში. პირველის ავტორი ყოფილი სოციალ-დემოკრატი იროდიონ ვედოშვილი გახლავთ, რომელმაც ილიას მკვლელობით შეძრწუნებულმა გამოუჯახუნა თავის პარტიას კარი.

მეორე წერილს კი აქვს ხელმოწერა ქართველი და მისი ავტორია ვალერიან გუნია. მოხდენილად თქვა გრიგოლ რობაქიძემ, თუ საქართველოს მოურავი ილია ჭავჭავაძე იყო, ილიას სახელის მოურავი ვალერიან გუნია გახლდათო.

გთავაზობთ ილიას თანამებრძოლის და ილიას ყოფილი ოპონენტის წერილებს ხსენებულ საკითხზე:

პოეტის მკვლელები

შვიდ თვეზე მეტია მას შემდეგ, რაც ქართველ ერს ზარდამცემი ამბავი ეუნყა: „მოკლეს ილიაო!“ გავიდა თითქმის შვიდნახევარი თვე იმ დღიდან, როცა დაობლებულმა საქართველომ მიაბარა მთანმინდას დიდის ზეიმ-ზარით გლოვით თავის პირველი შვილი, შესანიშნავი მოამაგე და მოჭირნახულე ჩვენის ქვეყნის და ერისა.

ვინ იყვნენ ილიას მკვლელები? ვინ მოკლა დიდებული პოეტი? ვინ, რომელმა მხეცმა, რომელმა შმაგმა გარეწარმა აღმართა მახვილი ქართველი ერის ქება-დიდების წინააღმდეგ და მოაშორა ნუთი სოფელს 70 წლის მოხუცი კაცი-ადამიანი? ვინ იყო ეს მეოცე საუკუნის ქართველი ჰეროსტრატე?

აი ის მწვავე კითხვა, რომელიც მაშინვე ჩაესახა გულსა და სულში ქართველ ერსა და საზოგადოებას და რომელიც დღემდე არ ასვენებს მის სინდისს. ზღვასავით აღელდა და აბოხოქრდა ეროვნული გრძნობა: ეს მკვლელობა იმდენადვე ზარდამცემი იყო, რამდენადაც უკურნავი...

მკვლელები კი არსად სჩანდნენ. ჯოჯოხეთის მოციქულნი-კაენები მიიმალნენ, უჩინმაჩინის ქუდი ჩამოიფრატუნეს. შეიქნა ორ გვარი სასტიკი გამოძიება. მთელს ქვეყანას სწყუროდა შეეტყო, თუ ვინ მოსცხო მას მარადის წარუშლელი სამარცხვინო ჩირქი, მაგრამ... გაგვაჩუმეს! – „დანყნარდით, დამშვიდდით, მოითმინეთ, თავის დროზე ყველაფერი გაიგება და გამოირკვევაო“, გვამშვიდებდნენ გაზეთები. – „ნუ გვიშლით ხელს, მოგვიცადეთ, ყველაფერს ავხსნით და გამოვაამკარავებთ!“ – გაიძახოდნენ მთავრობის გამომძიებელნი, და სდუმდა დღემდე მრავალ მომთმენი ქართველი ერი, სდუმდა და გულში იკლავდა საშინელს შურს და ბოლმას. სდუმდა, მაგრამ იმავე დროს მისი ფიქრი და გონება გარს უვლიდა საზიზღარ მკვლელებს.

ქართველი ერი დღედაღამე ცხადლივ თუ სიზმრად ეკითხებოდა თავის თავს: ნეტა ვინ უნდა იყვნენ ეს ნაძირალანიო – ფსკერის ჯოჯონი და მახინჯებიო?!

მართლაც, ვის უნდა მოეკლა ერის დიდება, სახელოვანი ადამიანი? უბრალო ქურდებს, ყაჩაღ-ავაზაკებს? არა! ჩვენებური ავაზაკები არ ჰკლავენ კაცებს, მეტადრე მოხუცებულთ და დედაკაცებს; იმათ გულში კიდევ საკმაოდ ჰფეთქს კაცობრიული ნაპერწკალი. ყაჩაღ-ავაზაკებს ჰშიანთ და ამიტომ თუ ძარცვავენ მგზავრთ, კაცს კი იშვიათად ჰკლავენ!

ავაზაკები ჰკლავენ მარტო პირად მტრებს და იარაღით მოსეულთ... ქართველი ავაზაკები არ ასახიჩრებენ თოფის კონდახებით მოხუცებულ ქალებს, როგორც ეს დამართეს ილიას მკვლელებმა მის მოხუცებულ მეუღლეს.

არა, ილიას მკვლელები არ არიან უბრალო ავაზაკები!

მაშ ვინ არიან ილიას მკვლელები? ეგრედ ნოდებულები „ხულიგანები“? შეუძლებელია. ილია არ იყო რომელიმე მებრძოლ პარტიის წევრი და ბელადი; ის არ იღებდა მონაწილეობას პროპაგანდა-აგიტაციაში, იგი არ იდგა რევოლუციის ქარტეხილში წითელის დროშით ხელში; მან სანაქებოთ აასრულა თავისი დიადი როლი: 50 წლის განმავლობაში იგი დაუღალავად და თავდადებით ემსახურებოდა თავის ბედკრულ სამშობლოს და ქართველების გათვითცნობიერებას. ახლა კი, 70 წლის მხცოვანი და ღვანლ-მოსილი, იგი სამართლიანად ეძებდა მყუდრო ცხოვრებას თავის მყუდროვე სავანეში, მაგრამ ველურების ტყვიამ ბოლო მოუღო ქვეყნისათვის გატანჯულს და მისუსტებულ გულის ძგერას.

არა, ილიას არ მოკლავდნენ „ხულიგანები“! (ხულიგანებით იმჟამად დაკომპლექტებული იყო მეფის მხარდამჭერი, ე.წ. პატრიოტ რუსთა კავშირი. ვალერიან გუნია ან მათ გულისხმობს, ან ილიას მკვლელობის დროს ჩვენს მიერ მოტანილ ლექსში ნახმარ სიტყვა „ხულიგანებს“, რომლის ავტორია ია ეკალაძე. ნ.გ.)

იქნებ პირადი მტრები ყავდა ილიას? არც ესაა მართალი. ილიას არასოდეს არ ყოლია პირადი მტრები გარდა იდეური მტრების – მოწინააღმდეგეთა. ხოლო ილიას მტრები და მკვლელები უსიკვდილოდ უნდა ყოფილიყვნენ და არიან კიდევ საქართველოს ორგულები და მტრები!.. იქნებ რომელიმე პოლიტიკური პარტია მტრობდა ილიას? შესაძლებელია, მაგრამ რამდენადაც ვიცით პარტიები, როგორც მაგალითად ქართველი ესერები, ანარქისტები და ესფერები, ნაციონალისტები და ავტონომისტები განუსაზღვრელ პატივსა სცემდნენ მხცოვან მგოსანს და ქვეყნის პროგრესიულ მუშაკს, მოჭირნახულეს, რაიც აშკარად დამტკიცდა საერთო გლოვა-ზარის დროსა და იმ დრომდე საქართველოში არ ნახული, დიდებული პოეტის დაკრძალვის დროს...

მაშ ვინ არიან ილიას მკვლელები? სად, რომელ პიროვნებაში, ან რომელ პარტიაში იმალება კაენის სახე?!

მრავალ ტანჯულ საქართველოს კიდევ ამ 15 წლის წინათ მოეველინა ერთი საშინელი სენი: აღვირ ახსნილ და ზნე გახრწნილ არსებათა ბრბო, რომელიც სოციალიზმის ნილაბს ატარებს, მაგრამ

ფიქრობს მხოლოდ თავის კუჭსა და „არსების პურზე“. ამ უგუნურ-თა და ფანატიკოსთა ბრბომ, თავიანთ დემაგოგ-ბელადების შთა-გონებით იმ თავითვე უარყო ქართველი ეროვნება, დაგმო ქართუ-ლი ენა და წარსული, დაგმო ქართველი ერი და მისი თავისუფალი მართვა-გამგეობა და გადიქცა სხვა ერის სოციალ-შოვინისტთა ლაქიებათ და ცენტრალიზმის სახელით ახალ მონობის მლალადებ-ლათ.

ამ ბრბომ თავი აღიარა „მუშათა პარტიათ“, გაალო ფართოთ თავისი სამიკიტნოს კარები, დაატრიალა არღანი და შერეკა თავის დუქანში პარტიის წევრებათ კაცის მკვლელები, ჯიბგირები, მძარცველები, ქუჩის ბიჭები და სხვა ყოველ გვარი ნაძირალე-ბი. ამ უბადრუკმა ბრბომ თავის უნამუსო დამქაშებით დაიპყრო, დაბეგრა და დააფრთხო ისედაც დამფრთხალი ქართველი ხალ-ხი, დააარსა სოფლათ და ქალაქათ კომიტეტები, გაავსო ქვეყანა თავხედ და უმეცარ აგენტებით და პარტიის სახელით ჩაიდინა სა-ქართველოში აურაცხველი საზიზღარი ბოროტებანი, რომელთა აღწერას არ ეყოფა მთელი მრავალ ფურცლიანი ნიგნები და რომ-ლებიც აშკარავდება თან და თან და დღითი დღე.

აი ამ ქართველი ეროვნების უარ მყოფელმა ბრბომ იმ თავითვე შეიძულა საქართველოს მოამაგენი, წრფელი მოღვაწენი, უანგარო მუშაკნი და მათ შორის ყველაზე მეტად და უდიერად – ილია ჭავ-ჭავაძე, რომელსაც გაუმართა გაზეთ „კვალსა“ და „მოგზაურში“ მწვავე ყალთაბანდური პოლემიკა და რომლის შესახებ მოჰფინა ხალხში საზიზღარი ჭორები და ცილის წამებანი.

ამ დაბრმავებულმა ბრბომ დასწვა მახათას ველზე ილიას უკვ-დავი ნაწერები; ამ ბრბომ დახია და დაგლიჯა ხალხის წინაშე ილიას სურათი; ამ ბრბომ შეაძულა ქართველ გლეხობას მისთვის თავ და-დებული ადამიანი, მის ჭირ-ვარამის აღმწესხველი მგოსანი, მისი მოამაგე და გულ-შემატკივარი... და სწორედ აი აქ იბადება უნებ-ლიე კითხვა: ეს წარმოუდგენელი საზიზღრობა ხომ არ ჩაიდინეს ამ ბრბოს უფიც აგენტებმა?! იმათ ხომ არ მოკლეს ილია ჭავჭავაძე? ეს საშინელი ეჭვი, ეს ზარ დამცემი აზრი ცხოვლად წარმოუდგა ყველა ქართველს განსაკუთრებით „ისრის“ № 44 ნაკითხვის შემ-დეგ.

– „ჩვენ მოვკალით ილია ჭავჭავაძე კომიტეტის განკარგულე-ბითო“, ეუბნება ბოქაულს გიორგი ხიზანაშვილი; – ილია მოკლეს ინაშვილმა, ბერბიჭაშვილმა, ფშავლიშვილმა და ერთმა იმერელ-მაო“, ამბობს იგივე.

ნეტავ ვინაა ეს „კომიტეტი“, რომლის განკარგულებით მოქმედებდნენ ეს ცოფიანი ნადირები? ნეტა რომელი პარტიის კომიტეტი მოქმედობდა დუშეთ-საგურამოს რაიონში?!

მკვლევებს ისიც კი უკვირდათ, თურმე, რომ მათ წყევლა-კრულვით იხსენიებდა ქართველი ერი და ჟურნალ-გაზეთობა; მათ ეგონათ, რომ ილიას სიკვდილით სასახელო საქმე ჩაიდინეს, იხსნეს ქვეყანა მტარვალისაგან, ნამდვილად კი მკვლევები საუკუნოთ დაგმო ქართველმა ხალხმა.

ადვილი მისახვედრია, თუ ვინ ყოფილან ილიას მკვლევები. ესენი იყვნენ ბრმა იარაღნი იმ ნამდვილ მკვლელთა, რომელნიც თვალთმაქცურად პარტიის და კომიტეტის ფარდას ეფარებიან.

ახლა ვიკითხოთ, ნეტა ვინაა ეს სამშობლოს უარმყოფელნი, ქვეყნის ორგულნი და ქართველ მოღვაწეთა ჩამქოლავი, მკვლელნი, ხალხის იარა და მძარცველი ბრბო? პასუხი არაა საჭირო, ყველამ ვიცით ვინც ბრძანდებიან ეს რაინდები...

ვიკითხოთ ახლა, ვინ არ მიიღო მონაწილეობა ილიას დასაფლავებაზე? ვისი კომიტეტი გადაგა განზე? ვინ აუკრძალა გლეხებს და მუშებს ილიას დაკრძალვაზე დასწრება? ვინ არა სცა პატივი ფეხზე წამოდგომით ილიას ხსოვნას და არ მოისურვა სამძიმრის დეპეშის გამოგზავნა პეტერბურგიდან? ვინ აღიარა გაზეთში უბრალო „ნაფოტათ“ ილია ჭავჭავაძე? (ვალერიან გუნიას მხედველობაში აქვს ნოე ყორდანას ნერილი „ბნელი ძალები“ რომელიც 1907 წლის ნოემბერში დაიბეჭდა გაზ. „ჩვენ გზაში“. - ნ.გ.) ვინ გამოექომაგა ილიას მკვლევებს? რატომ? რისთვის?!..

კმარა!.. აქ ყველაფერი აშკარაა! აქ ყველაფერი ნათლად სჩანს, ყველაფერი ადვილად გასაგებია! (ჩვენ აქ ახალს არაფერს ვამბობთ, ყოველივე ეს უკვე გამოირკვა გაზეთებიდან).

მომწინფდა ჟამი, რომ ნილაბი ავეგლიჯოთ ხალხის ცრუ ბელადებს. დროა გაახილოს თვალი ჩვენმა ხალხმა და ახალგაზრდობამ! დროა გადაიძროს ლაჩრობის ჩადრი ჩვენმა ინტელიგენციამ და ზოგიერთმა გაზეთებმაც! დროა აღვიჭურვოთ მოქალაქებრივის გამბედაობით! დროა ვიცნოთ მგლები ბატკნის უმანკო ქურქში გახვეულნი და შევაჩეროთ მათი წრეს გადასული თარეში და ვერაგობა-ბოროტებანი!

არ გვინდა სისხლი, არ გვსურს შურის ძიება! საჭიროა გავიგოთ მხოლოდ სინამდვილე. საჭიროა მხოლოდ გაიკრას სამარცხვინო ბოძზე ილიას მკვლელნი და საქართველოს მოღალატენი. საჭიროა ისტორიამ და შთამომავლობამ ამიერიდგან სამუდამოდ გაიცნოს

ქართველი ერის და ქვეყნის მტერ-მოყვარეთა სულის სწრაფვა და განზრახვანი. აი ეს არის საჭირო, სხვა – არაფერი!

ქართველი.

იროდონ ევლოშვილის წერილი სანდრო შანშიაშვილისადმი

ძმავ სანდრო,

მივიღე შენი წერილი, მივიღე და ძრეილაც გამიხარდა. საზოგადოდ ქართველი მწერლის მდგომარეობაში და კერძოდ ჩემს ახლანდელ ყოფაში ზნეობრივი თანაგრძნობა გაზაფხულის სხივია ზამთრის ყინვაზე დაშვებული. შენი წერილიც სწორედ ეს სხივი იყო ჩემთვის. მადლობელი ვარ მეგობარო, იმ ტკბილი წუთებისათვის, რომელიც მე ვიგრძენ შენი წერილის ნაკითხვით. მადლობელი ვარ და გიგზავნი ჩემს გულმხურვალე სალამს. ამ მოკლე წერილით ვერ გამოვთქვამ ყველა იმას, რაც მე მინდოდა დიდი ხანია მეთქვა, რაც შხამის ტბად გრიალებს ჩემს გულში და ეს ტბა კი ჩემმა ნამეგობრალეებმა დაატრიალეს. მართალს გწერ სანდრო, ვიცი, რომ იმგვარი გადამთხვეულები, რომლისთვისაც შენ კბილები მიგიმტვრევია ბევრნი არიან, მლანძღავენ, მჭორავენ. აქა ვარ, გამოვეცალე იქაურობას, მაგრამ ჩემს ლანდს მაინც უყეფენ და მოპარვით ზურგიდამ მჩხვლეტავენ. კარგა ხანია რაც ამ გველებმა სისინი დაიწყეს. ეს მოხდა იმ დროს, როდესაც ამგვარმავე „გადამთხვეულებმა“ ილიას მოხუც, ნაჭირნახულეგ გულს ტყვია დაახალეს. ეს ტყვია მეც მომხვდა, როგორც სამგლოვიარო სევდა. მე ხმა ამოვიღე, ლექსით, წერილებით და აქ განყდა ჩემსა და მათ შორის შემაერთებელი ძაფი, მაგრამ მე მართალს არ ვამბობ, ძაფი კი არა, ნამდვილი ჯაჭვი. ჯაჭვი, იმიტომ, რომ მათთან ვიყავ მე მიჯაჭვული მთელი ათი-თორმეტი წლის განმავლობაში იდეურად. მხოლოდ საქმე იმაშია, რომ არავინ იცის, როდის დაიწყო ჩემს გულში ბრძოლა. ბრძოლა ორ აზრს შორის: რას ვემსახურო, საქართველოს ერს, როგორც პოლიტიკურად დაჩაგრულ ხალხს, თუ პროლეტარიატს, როგორც ეკონომიურად დაჩაგრულ კლასს, ორივე ჩემთვის ძვირფასი იყო და დღესაც ძვირფასია, მაგრამ როდესაც ქართველმა ესდეკებმა საქართველოს ხსენებაც კი სათაკილოდ გაიხადეს, როდესაც მისი აწინდელი კენესა მომავალ სოციალიზმის შევებასთან დააკავშირეს და ცხონებას სიკვდილის შემდეგ დაჰპირდნენ, მაშინ

კი ჩემი აზრები ჩემმა გულმა გადაატრიალა მათ წინააღმდეგ. ეს მოხდა ჯერ ისევ 1903 წელს. მაშინ მივანებე კიდეც „ეკალში“ თავი მუშაობას. ნელ-ნელა მიდიოდა ეს ნაკადული ჩემს გულში, ჩუმად, მარტოდ-მარტო ჩემს ფიქრში, ძნელი იყო თორმეტი წლის ნაჭედი ჯაჭვის განყვეტა და აი, ილია დამეხმარა მე თავის სიკვდილით. იმ დღიდან კი სამუდამოდ ვიბრუნე პირი ქართველ ესდეკებიდამ და თუ მოვბრუნდები დღეს მათკენ, მივბრუნდები მხოლოდ იმისათვის, რომ მივაფურთხო მათ. ვიმეორებ და შენს ყურადღებას მივაქცევ ორ სიტყვას: ქართველ ესდეკებისკენ-მეთქი. იმიტომ, რომ ასეთი უკულმართი შეხედულება, როგორც მათ აქვთ ეროვნულ საკითხზე, არც ერთი ქვეყნის სოც. დემოკრატს არა აქვს. დააკვირდი და ყურადღება მიაქციე ავსტრიის ესდეკებს, გერმანელებს და სხვა. მაგრამ თუ დღეს ქართველ მუშას ასეთი უკულმართი შეხედულება აქვს ეროვნულ კითხვაზე, ამაში რასაკვირველია ქართველი ესდეკი ინტელიგენციაა დამნაშავე. მეც ერთი მათგანი ვარ და მინდა ჩემი შეცდომა გავასწორო. მე ისიც კარგად ვიცი სანდრო, რომ ბევრს ამავე მიზეზის გამო შეგნებულ მუშას და ინტელიგენტს ესდეკს გადმოუბრუნდება ჩემსავით გული, მაგრამ ძრიელ ცოტანი ჰბედავენ მათში კერძო ლაპარაკის დროს თვის გულწრფელი აზრების გამოთქმას, ნერვით რომ ეშინიანთ და ემალებიან იმ ზიზლს, რომელიც მე მდევს თან მათი ამხანაგებისაგან, მაგრამ შენ ხომ იცი პოეტის გული კალამს ვერ გაამრუდებს და მეც ვერ გავუძელ ჩემს გულისთქმას. ვამბობ და ვსწერ იმას, რასაც ჩემი გული მელაპარაკება. მათი ნესტრის ტრიალი შეეჯახა ქიზიყის ჯიუტ გულს და დღეს უნდა გითხრა, მე გამარჯვებული ვარ ამ გველებზე. მათი შხამიანი ისარი ვერ აღწევს მიზანს, თუმცა ძვირად კი დამიჯდა ეს სულიერი ბრძოლა. ბევრი ნალველი გამოვიარე და ამ ნალველმა სევდის ჩრდილი დაჰკრა ჩემს სულს, ეხლა კმარა ამაზე, რასაც ვწერ, შემდეგ წერილებში უფრო უკეთესათ მოვილაპარაკებთ, მოგწერ ჩემი ახლანდელი მდგომარეობის შესახებ მოკლედ: სულის ობლობა, მატერიალური გაჭირვება... მენატრება ადამიანი, რომ ხანდისხან გულს შვება მივსცე მასთან გამოლაპარაკებით. ქონებრივი მდგომარეობა კი ისეთია, რო ხშირათ მენატრება „რუანონის“ პური და თუ საკმაოდ ვიშოვე ხოლმე, ქადასავით შევექცევი. ქალაქი ქალაქუშკაა. ინერები ქუჩის სახელი არ ვიციო და იმიტომ ადრესს კარგად ვერ ვანერ წერილსო, აქედამ წარმოიდგინე რა ქალაქი იქნება, როდესაც აქ ქუჩით და სახლის ნომრით კი არ ეძებენ კაცს, არამედ ვის სახლში ცხოვრობს პეტროვთან თუ პახომოვ-

თან... როგორც მაგალითად ვსთქვათ ტლუშკაანში იცინან ხოლმე ტყაჭაანთ სახლი, მუხრუჭაანთ ნაგომარიო და სხვა. ზაფხულს აქ არა უჭირს რა, უკეთესად ვატარებდი დროს, თითქმის ყოველდღე მივდიოდი მარტოთ-მარტო მდინარე ვოლგაზე ჩემი პატარა ქვაბით და ნემს-კავებით ვთევზაობდი, დროს ვატარებდი და ვიკვებებოდი, ზამთარი დაიწყო და ტანჯვაც გამიორკეცდა. გადმოსახლებულნი პოლიტიკურნი 25 კაცამდეა, მაგრამ მათთან ოფიციალური კავშირი მაქვს მხოლოდ. მათ შორის ოთხი ქართველი მუშა იყო, ეხლა ორილაა, ორი წავიდა. უნდა გითხრა, რომ ოთხივე მუშა დიდად სიმპატიური ყმანვილები იყვნენ. მათაც მოჰხვედრიათ საქართველოს სიყვარულის ფრთა და ხომ იცი, მე უფრო ხელს უწყობდი. ასე რო ორივე უკვე მონათლული გავისტუმრე აქედამ. აქ ორნილა არიან და იმედი მაქვს, ესენიც ისე წავლენ აქედამ, როგორც მათი ამხანაგები. ეხლახან გადმოიყვანეს მეზობელ ქალაქიდან ერთი ქართველი სტუდენტი - სარაჯევი. ქალაქში დაბადებული და გაზრდილი. ქართულს არ ლაპარაკობს, არ ვიცით. ჰმაღავს, მიჰქარავს ეს ღორი. ქალაქში ე.ი. თბილისში გაზრდილმა ქართველმა ქართული არ იცის. შეიძლება, კაი ბიჭიც იყოს, ჯერ არ ვიცნობ კარგად, მაგრამ სამწუხაროთ ამ ერთადერთმა მიზეზმა უკვე შემაძაგა ეს გადაგვარებული თხა. შენი მოძღვნილი ლექსი ჩრდილოეთში წავიკითხე, მიჩვენა ერთმა ქართველმა მუშამ ობმოკიდებულმა მარქსისტმა, რომელსაც ცოტა ობი გადავაცალე, მაგრამ სამწუხაროდ მალე გაანთავისუფლეს და ჟანგი მაინც თან გაჰყვა. ასე, ჩემო სანდრო, უნდა ვისარგებლოთ ყოველი წუთით და ყოველი შემთხვევით. ამიტომ აი რას გწერ: არ დაჰკარგო ძვირფასი დრო ახალგაზრდობისა, ისწავლე, კარგად მოემზადე, ჩამოდი შეიარაღებული და შევეუდგეთ ერთად რედაქციაში მუშაობას. მე თუმცა უკვე ცხოვრებამ მიმამტვრივ-მომამტვრივა, მაგრამ იმედი მაქვს კიდევ ერთი ათიოდე წელიწადი შემოგყვით როგორმე. ამ წუთას და კიდევ წელიწადნახევარი, ვიდრე გამანთავისუფლებენ, მე თავს მკვდარივით ვგრძნობ, გავცოცხლდები მაშინ, როდესაც კვლავ დავბრუნდები თბილისში. აბა შენ იცი როგორი შეიარაღებული ჩამოხვალ და გავწევთ ერთათ ჭაპანს. მწყურია ბრძოლა, როგორც მკათათვეში ეხის წყალი! კარგა ხანია შენი აღარა წამიკითხავს რა. რას შვრები, რატომ აღარას ჰბეჭდავ. „სახ. გაზეთში“ აღარ ვგზავნი ლექსებს. მანყენინეს ძრიელ. რამდენიმე ლექსი ექვსი-შვიდი თვე ედვით იქ და არ დაბეჭდეს. მართალია ცოტა სახიფათონი იყვნენ, მაგრამ საქმე ის არი რო მიზეზსაც კი არ მატყობინებენ რატომ არ ჰბეჭდავენ. მეც

ალარ ვუგზავნი და მივსწერე, რომ ალარც ის ლექსები დაბეჭდონ. ჯერჯერობით ასეა. ბეგლარა ხომ იცი, როცა ჰსვამს არა სცალიან და როცა არ ჰსვამს ეძებს, რომ ისევე დალიოს, ამიტომ არც მაშინ სცალია წერილებისთვის.“

23 ნოემბერი, 1911 წ.

მეორე წერილი ი. ევდოშვილისა იმავე ადრესატისადმი:

მივიღე შენი მეორე წერილიც, ვწუხვარ, რომ ჩემი პირველი წერილი არ მიგიღია, იმ წერილში ბევრ რამეს გწერდი, სახელდობრ ჩვენს ეგრეთ წოდებულ იმ „ესდეკებზე“ რომელთაც „ესდეკობა“ იმაში მიაჩნიათ, რო აგინონ ყოველივე ქართული და, მისი წარსული, მისი აწმყო და და მისი მომავალი იდეალი. ერთის სიტყვით, ყველაფერი, რასაც კი ქართული ელფერი აძევს. ეს ის ტიპნი არიან, რომელთაც თავისი ინტერნაციონალობა ჰსურთ თავის თავის დაკნინებით და უარყოფითად გამოხატონ და დაამტკიცონ. მათში ბევრი გულწრფელად აღიარებს ამ მცნებას, სჯერა თავისი კოსმოპოლიტობა, ამაში ჰხედავს თავის სიდიადეს და როგორც ჩინეთის მწირი ფრჩხილებზე შემდგარი დაჰმტერებია თავის კუჭს, სადაც მისის აზრით ჰმარხია ქვეყნის მხსნელი იდეა. ბევრია მათ შორის ფლიდიც, რომელსაც ერთი მუჭა ღომი მთელს ევროპას ურჩევნია, მაგრამ მიუხედავად თავისი უტვინობისა, ეშმაკობა მაინც შესწევს, ეგლისება მუშებს და ატყუებს მათ. ხომ იცით ზერა-ქვერობა, ეს მუშებიც ჰბაძავენ მას სიტყვების რახა-რუხში, ყოყლოჩინობაში და კმაყოფილნი, რომ გამეცნიერდნენ, ასე უცებ დადიან გაბლენძილნი. ძნელია მათთან კამათი, -ძმურს სიტყვას გესლიანი ეჭვი უხვდება, მამულიშვილურ წმინდა გრძნობას ბრამინის კუჭი. ეს მზადაა გაგფატროს, შეგჭამოს, ოღონდ ნუ ჩამოაგდეფ იმ „ინტერნაციონალურ“ ოჩოლფეხიდამ, რომელზედაც ის ასე ადვილად ავიდა. „თქვენ ნამდვილი ფილოსოფოსები ხართ“-ასე უთხრა ერთმა ჩვენმა ნიჭიერმა მარქსისტმა პუბლიცისტმა ერთხელ ქართველ მუშებს. ეს პირი კი მუშებს ისე სწამთ, როგორც მართლმადიდებელს ღმერთი, მოდი და ამის შემდეგ უთხარ ამ „ფილოსოფოსს“, რომ „ისწავლე სწავლის მძებნელო, მიჰყე დავითის მცნებასათქო...“ ამგვარ ნიმუშებს ბევრს შეჰხვდები ჩვენში. როდის დახალისდება ეს პარტია, როდის ეღირსება ქართველ პროლეტარს ჭეშმარიტი სიტყვა თავისი ბელადებიდან ნაციონალურ კითხვაზე,

ან თვით ამ ბელადებისთვის როდის გამოირკვევა იგი იმ პირობებში, რა პირობებშია ც უნდა პრაქტიკულად იმოქმედოს კაცმა წინამძღვარებულს იდეით სამწუხაროთ ვერ გამოვიცნობთ, უკეთ ვსთქვა, ეს მალე მაინც არ მოჰხდება. ამის შესახებ კიდევ მოგელაპარაკები შემდეგ წერილებში. ჩემს ახალ პოემაზე მწერ სინანულს და „სახალხო გაზეთისადმი“ საყვედურს, რომ არ დაუბეჭდიათო. მართალი არა ხარ, მე მათთვის არ გამიგზავნია ეს პოემა, და არც მიფიქრია გამეგზავნა. მხოლოდ ნიკო კურდღელაშვილს მივსწერე შინაურულათ, რო მაქვს ერთი პოემა დათავებული მეთქი და იმან „ჩააგდო“ გაზეთში ის, რასაც შენ წაიკითხავდი. ამ პოემის პირველი ნაწილი პროზითაა დაწერილი, მეორე ნაწილი ლექსად, მეორე ნაწილი ცალკე მთლიანს წარმოადგენს და ლ. ბოცვაძე დაჰბეჭდავს „განათლებაში“, როგორც მწერს, იქნება ცალკე წიგნათაც გამოსცეს.“

აქ შეგნებულად მოვიყვანე რადიკალურად განსხვავებული მსოფლხედვისა და ურთიერთდაპირისპირებული პარტიების 2 წარმონადგენლის წერილები.

ვალერიან გუნია ილიას მიმდევარი და მეაბჯრე იყო. იროდიონი კი აქტიური რევოლუციონერი. რევოლუციონერი არა მხოლოდ კალმით, არამედ პრაქტიკული საქმიანობითაც. ერთხანს მეფის ჯარში მსახურობდა, იქ ჯარისკაცთა შორის ენეოდა რევოლუციურ აგიტაციას. შოულობდა იარაღს და მიჰქონდა თავისი პარტიულ ამხანაგებისთვის. სწორედ ეს საქმიანობა გაუხსენეს და 1909 წელს დააპატიმრეს. ეს წერილები სწორედ გადასახლებიდან არის გამოგზავნილი.

გუნიას თუ დააბრალებდნენ, რომ პარტიული ანგარიშით ამხელდა სოც-დემოკრატებს, იროდიონს რალა რჯიდა, კაცი ხომ რევოლუციონერობის გამო იყო დააპატიმრებული? ესეც არ იყოს, მთლად მეგობარი გახლდათ სტალინისა და გადასახლებაში 1 წელი ერთად ცხოვრობდნენ. ასე რომ, ევდოშვილის მიერ საკუთარი ამხანაგების მხილება ყველაზე ძვირფასი დოკუმენტია მეისტორიესათვის.

ზემოთ ვთქვი, ილიას მკვლელობის შემდეგ სოციალ-დემოკრატებზე პირდაპირ ხელის დადება დიდ გაბედულებად ითვლებოდა-მეთქი. ვალერიან გუნია გაბედული აღმოჩნდა. როგორც კი ხიზანიშვილის ჩვენება შეიტყო, პირდაპირ დაადო ხელი პარტიას, 1908 წელს. ზემოთ იმასაც ვამბობდით, თანდათანობით პოლიტიკურ ბაზარზე სოციალ-დემოკრატების ფასმა იკლო. განსაკუთრებით 1909-1910 წლიდან მა-

თი დაპატიმრებები ისეთი მასშტაბით წავიდა, მათი მხილება უკვე, ასე თუ ისე, შეიძლებოდა. ეს დროც დადგა.



ზემოთ ვისაუბრეთ ჟურნალ „მოგზაურში“ გამოქვეყნებულ ვ-ნ-ს პუბლიკაციაზე. ილიას პასუხის „ნუთუ“-ს დაბეჭდვის დეტალებზე და გამოვაქვეყნეთ ფილიპე გოგიჩაიშვილის წერილი. ის რაც ფილიპემ ვერ სთქვა ვერც 1905 წელს და ვერც მომდევნო წლებში, დაბეჭდა 1913 წელს. „ივერიის“ ყოფილი რედაქტორი განმარტებას აძლევს ია ეკალაძეს, მაგრამ არსებითად გადაუარა ფილიპე მახარაძეს. ამავე 1913 წელს ქვეყნდება კიტა აბაშიძის წიგნი „ერთი პილატეთაგანი“, გიორგი ლასხიშვილის წერილი და სხვა ავტორებისა, რომელნიც ხელს ადებენ ფილიპე მახარაძეს და სოც-დემოკრატებს. ფ.მახარაძე ამ დროს ბაქოშია და იქ წერს ფ.გოგიჩაიშვილის პასუხს. ეს წერილი ფართო მკითხველისთვის უცნობია, იმავდროულად სათაურში დასმული საკითხის კვლევისთვის დიდი მნიშვნელობა აქვს, ისე როგორც ნოე ჟორდანიას ასევე 1913 წელს დაბეჭდილ პასუხს ფედერალისტებისადმი, ანუ ილიას ჭირისუფლებისადმი.

ილიას მკვლელობასთან დაკავშირებით ფ. მახარაძემ მკვლელობიდან 6 წლის შემდეგ ხმა ამოიღო. აი, მისი წერილი.

ფილიპე მახარაძე:

მეორე მხარესაც მოვუსმინოთ!

|

ჩვენ, ფედერალისტ-ავტონომისტებს თითქო სანატრელი დრო დასდგომიათ: თუ 1905-6 წლები მათთვის თავზარდამცემი იყო, სამაგიეროთ შემდეგ ხანაში ბურთი და მოედანი იმათ დარჩენიათ სანაფარდოთ. ამ ხნის განმავლობაში იმათ არაფერი არ დაუზოგიათ, ოღონდ კი აბრუ გაეტეხათ ხალხის თვალში განმათავისუფლებელი მოძრაობისათვის. სიმართლე და ჭეშმარიტება გაქელეს და სავსებით ანაცვალეს თავიანთი ჯგუფის ვინრო ეგოისტურ ინტერესებს. ამის შემდეგ რალა გასაკვირალი უნდა იყოს, თუ რომ ისეთ თავაშუვებულ განგაშის დროს იმათ არ დაინდეს თავიანთ მონინააღმდეგეთა პიროვნება, და აი, სწორეთ აქ, თავიანთ მონინა-

აღმდეგეთა გაქეღვა-გაბიაბურებაში გამოჩნდა იმათი ნამდვილი სულისკვეთება და შესაძლებელი შეიქმნა იმათი ნამდვილი სახის დანახვაც.

ერთ ასეთ პიროვნებათ გახდა თქვენი უმორჩილესი მოსამსახურე, ამ სტრიქონების დამწერი. ამ უკანასკნელ 6-7 წლის განმავლობაში ჩვენი ფედერალისტების პრესსა ყოველ ღონისძიებას ხმარობდა ჩემი პიროვნების დასამცირებლათ და ლაფში ამოსასვრელათ. რა ცილი გინდათ, რომ ჩვენთვის იმათ არ დაენამებინოთ. მაგრამ ამ მხრით ილია ქავჭავაძის მკვლელობის გამო ჩვენსკენ წამოსროლილმა საზიზღარმა ჭორმა და ცილისწამებამ ყოველივეს გადააჭარბა. ჩვენ ყოველთვის ზედმეტათ მიგვაჩნდა ასეთ ყოვლად უაზრო ცილისწამებაზე პასუხი გაგვეცა. არის ბრალდება, რომელიც თავის თავად იმდენათ უგზურია, რომ იმის დარღვევა ყველა ჭკუაში მყოფ ადამიანისათვის სრულებით ზედმეტია. ერთ ამ გვარ „ბრალდებათ“ უნდა ჩაითვალოს, რა თქმა უნდა, ის სამარცხვინო ჭორი, რომელიც ჩვენმა ავტონომისტებმა ილიას მოკვლის გამო შეთხზეს. ჩვენი შეხედულება ამ მხრით ოდნავადაც არ შეცვლილა, და თუ, მიუხედავათ ამისა, ჩვენ ახლა ხმას ვიღებთ ამ საგანზე, ეს სულ სხვა გარემოებით აიხსნება.

ამას წინათ ბ-ნმა ია ეკალაძე-ცინცაძემ ერთი მხრით, და ბ.ბ. ლასხიშვილმა და გოგიჩაიშვილმა მეორე მხრით, ისეთი რამეები გამოაქვეყნეს გაზეთებში, რის გამოქვეყნებას წინეთ ასეთი სითამამით და ასეთუ გულახდილობით ვერ ბედავდენ. აი, სწორეთ ამ გარემოებამ მაიძულა მე ხმა ამომელო და ერთხელ და სამუდამოთ პასუხი გამეცა ფედერალისტთა კომპანიისთვის. მაგრამ თავდაპირველათ საჭიროა, ორიოდე სიტყვით მაინც, მოვიხსენიოთ საქმის ვითარება.

როგორც მოგეხსენებათ 1905 წ. დასაწყისში ქართლ-კახეთის სოფლებსაც მოედვა ის აგრარული მოძრაობა, რომელიც არსებითად ბატონყმობის ნაშთის წინააღმდეგ იყო მიმართული და რომელიც დასავლეთ საქართველოდან გავრცელდა. დღეს ბ-ნი გოგიჩაიშვილი მთელ ამ მოძრაობას „საერთო გაგიჟების ხანათ“ (ხაზს ჩვენ ვუსვამთ) ნათლავს, მაგრამ ამით მხოლოთ თავის საკუთარ სულისკვეთებას გამოხატავს და არა მაშინდელ თუ დღევანდელ ობიექტურ პირობებს ახასიათებს. ვინ იტყვის, რომ ქართველი გლეხ-კაცობა, ერთხელაც იყო, თავისი აუტანელი მდგომარეობის გაუმჯობესებას შეეცადა, ამისთვის იგი დაგმობის და გაკიცხვის ღირსი უნდა ყოფილიყო? – ასე იყო თუ ისე, იმ ხანებში ყველა ადგი-

ლობრივ რედაქციებს, და მათ შორის ჟურნ. „მოგზაურის“ რედაქციასაც, აუარებელი წერილები და კორესპონდენციები მოსდიოდა საქართველოს ყველა კუთხიდან ამოძრავებული გლახ-კაცობის შესახებ, და რამდენათაც ჩვენ ვიცით, თითქმის ყველა ეს რედაქციები და იმათ შორის ისეთებიც, რომლებიც დღეს ამ მოძრაობას ლანძღავენ და უშვერი სიტყვებით იხსენიებენ, ასეთ კორესპონდენციებს ბეჭდავდნენ. მთელი ეს ისტორია დღეს აღარავის ახსოვს, ვინაიდან მისი მოხსენება ბევრთათვის არც ისე სასიამოვნოა. მაგრამ მოვა დრო, როცა ყველაფერი ეს დღის სინათლეზე იქნება გამოტანილი, და ვნახოთ, მაშინ რაღას იტყვიან ჩვენი დღევანდელი მგომობელნი!

ამ რეაქციონურ, ანუ როგორც ჩვენი ფედერალისტები იტყვიან – გამოფხიზლების ხანაში, მთელი იმათი ყურადღება მიქცეულია მხოლოდ ვ.ნ-ის წერილზე „საგურამოს და ჭოპორტის საზოგადოება“, რომელიც 1905 წლის „მოგზაურში“ იყო დაბეჭდილი: ეს იყო და ეს: გარდა საგურამოს და ჭოპორტის საზოგადოებისა ჩვენ თითქო არსაიდან კორესპონდენცია არ დაგვიბეჭდია, და საგურამოში და ჭოპორტის საზოგადოებაში მომხდარი და დაწერილი ამბები რაღაც გამონაკლისს შეადგენდნენ იმ ხანებში. ნამდვილათ კი ყოველივე ის, რაც ხსენებულ წერილში იყო ნათქვამი, ჩვენში საყოველთაო და სრულებით ჩვეულებრივ მოვლენას შეადგენდა და დღესაც შეადგენს, არაჩვეულებრივი ამ შემთხვევაში იყო მხოლოდ ის, რომ იქ, სხვათა შორის, როგორც შემამულეზე, თ.დ. ილია ჭავჭავაძეზედაც იყო ლაპარაკი. როგორ უნდა მოქცეულიყო რედაქცია? ნუ თუ მართო ის გარემოება, რომ წერილში მოხსენებული იყო სხვათა შორის ილია ჭავჭავაძე, საკმარის საფუძველს იძლეოდა იმისას, რომ მთელი წერილი არ დაბეჭდილიყო? ჩვენ კი ვფიქრობდით, რომ ასე კითხვის დაყენება უსამართლობას ნიშნავდა. რედაქციამ სულ სხვანაირათ დააყენა საკითხი: ჩვენ გვაინტერესებდა მხოლოდ მოთხრობილი ამბების სინამდვილე, და როცა ამ უკანასკნელში რედაქცია დარწმუნდა, ვ.ნ-ის წერილის დაბეჭდვაც თავად გადაწყდა.

ჩვენ არ უარვყოფთ, რომ ვ. ნ-ის კორესპონდენციაში მეტათ აღმაშფოთებელი ამბები იყო მოთავსებული, მაგრამ განა ეს იმის საბუთს იძლეოდა, რომ წერილი არ დაგვებეჭდა? პირიქით, რედაქცია მხოლოდ მაშინ იქნებოდა დამნაშავე, რომ ხსენებული წერილის გამოქვეყნებაზე უარი ეთქვა, სულ ერთია, მოკლებული იყო სინამდვილეს იმაში მოთხრობილი აღმაშფოთებელი ამბები თუ არა. და განა სცადა კი ვინმემ ან მაშინ, ან მას შემდეგ იმის დამ-

ტკიცება, რომ იქ მოთხრობილი ამბები განზრახ გამოგონილი იყვენ? „ცნობის ფურცელმა“ და მაშინდელმა მისმა ხელმძღვანელმა, ბ.გ.ლასხიშვილმა, რომელიც ახლა დედაბრულ კილოზე გოდებს, სრულებით ხმა გაკმინდეს და კრინტიც არ დაძრეს არც ილიას სასარგებლოთ, არც „მოგზაურის“ წინააღმდეგ. სიმართლე მოითხოვს ვალიაროთ, რომ ეს სიჩუმე, თავისებური ფარისევლობით და ლაქუც-მლიქვნელობით, რამდენიმეთ ბ. ფ. გოგიჩაიშვილმა დაარღვია. მან გაზ. „ივერიაში“ ამოიწერა „მოგზაურიდან“ ზოგიერთი აღმამოფოთებელი ამბები, როგორც ამას თვითონ ამბობდა, და ილია ჭავჭავაძე საპასუხოთ გამოიწვია, რომ მას დაემტკიცებინა იმათი უსაფუძვლობა. ეს უკანასკნელი, როგორც ჩანს, ამას თურმე სრულებით არ მოელოდა. პირიქით, ილია ჭავჭავაძე თურმე ფიქრობდა, რომ მის დაცვას იკისრებდნენ მისი მეგობრები და თანამოაზრენი, ვინაიდან პრინციპიალურობით როგორც ის, ისე „ივერია“ – „ცნობის ფურცელი“ ერთ და იმავე ნიადაგზე იდგენ. ილია ჭავჭავაძის ასეთი ფიქრი უსაფუძვლო არ იყო. მას მეტათ სალი მსჯელობა და ლოლიკა ქონდა. ბატონყმობის ნაშთების არსებობა, ერთი მხრით, და მხსვილი მიწათმფლობელობა, მეორე მხრით, თხოულობდა ცხოვრებაში მისგან, როგორც კერძო მემამულისაგან, იმგვარ ტაქტიკას, რომელსაც იგი ადგა. რა ვუყოთ, რომ იგი იმავე დროს „გლახის ნამბობის“, „კაკო ყაჩაღის“ და სხვათა ავტორი იყო? განა მისი მეგობრები და თანამოაზრენი, რომელთაც არხეინათ მოეკალათებიათ „ივერიისა“ და „ცნობის ფურცლის“ რედაქციებში, იმავე ტაქტიკას არ ახორციელებდნენ ცხოვრებაში? ეს ხომ კარგად იცოდა ილიამ?

ამიტომაც ვამბობთ ჩვენ, რომ ილიას სრული საფუძველი ქონდა ეფიქრა, რომ მას გამოესარჩლებოდნენ „ივერიის“ და „ცნობის ფურცლის“ მესვეურნი, მაგრამ ამაოთ. ამ უკანასკნელებმა ვერ გამოიჩინეს იმდენი გამბედაობა, რომ საქვეყნოთ განეცხადებინათ იმ დროს თავიანთი ნამდვილი გულის ზრახვანი. ილია ჭავჭავაძე დამნაშავე არ არის იმაში, რომ მისმა თანამოაზრეებმა ვერ გამოიჩინეს ხასიათის ისეთი სიმტკიცე და, შეგვიძლია ვთქვათ, პირდაპირ ისეთი რაინდული გამბედაობა, რომლებითაც იგი უკანასკნელ წუთამდე აღჭურვილი იყო. მართლაც, სად ეს კაცუნები და სად ილია ჭავჭავაძე? ჭეშმარიტათ შესაბრალისია ეს მღევი-მწერალი ასეთ კაცუნების კომპანიაში. მაგრამ დაეუბრუნდეთ საგანს.

ამნაირათ, ილია ჭავჭავაძე იძულებული შეიქნა თვითონ გაეცა პასუხი „მოგზაურში“ მოთავსებულ წერილზე. ვინც კი ეს პასუხი

ნაიკითხა, ყველა კარგათ ხედავდა, რომ ეს პასუხი ოდნავათაც არ უარყოფდა ხსენებულ ნერილში მოთხრობილ ამბებს. იგი მხოლოდ გვიხსნიდა, განგვიმარტავდა ზოგ რამეებს. კარგათ ხედავდა ამას თვით ბ. ფ. გოგიჩაიშვილიც, რომელმაც რამდენიმეთ თვით ამ პასუხის დაწერა გამოიწვია, ეს მან რამდენიმეთ, თუმც ძლიერ ბუნდოვანათ, აღნიშნა სარედაქციო შენიშვნაში, სადაც იგი, სხვათა შორის, ამბობდა: „ვბეჭდავთ დაპირებისამებრ თ—დ ილია ჭავჭავაძის ნერილს, რომელშიაც ავტორი არჩევს (ხაზს ჩვენ ვუსვამთ) მის შესახებ „მოგზაურში“ დაბეჭდილ კორესპონდენციასო. როგორც ხედავთ, აქ შენიშვნის ავტორი აშკარათ ამბობს, რომ ჭავჭავაძე „არჩევს“ „მოგზაურში“ მოთავსებულ ნერილს და არა არღვევსო. და საქმე კი სწორეთ ამ დარღვევაში იყო და არა გარჩევაში. მე შემიძლია რომელიმე წიგნი ან ნაწარმოები გავარჩიო, მაგრამ ეს კიდევ იმას არ ნიშნავს, რომ იმაში გატარებული აზრები და შეხედულებანი უარყოფს ანუ დავარღვიო. ასე იყო ამ შემთხვევაშიაც და „ივერიის“ ხსენებული შენიშვნაც სწორეთ ამას ამბობდა. მაგრამ ამას როდი ამბობდა „ივერია“ ნათლად და გარკვევით. იგი თითქო ეჭვობდა, ვაი თუ ერთ დროს უკან დახევა დარჩეს საჭირო და ამიტომ ზურგს იმაგრებდა. გარდა ამისა, ბ—ნ გოგიჩაიშვილის ორგანო იმასაც უმატებდა, რომ „ზოგირეთ საზოგადო მოსაზრებაში პატივცემულ ავტორს ვერ დავეთანხმებითო“. აშკარაა, მთელი ეს შენიშვნა სრულებით არ უკრავდა კვერს ილიას პასუხს. დღეს კი ბ—ნი გოგიჩაიშვილი ყოველივე ამას იფიქრებს და ურცხვათ გაიძახის, რომ „შენიშვნაც სწორეთ ამ ორიოდ საზოგადო ადგილს (რომელი ადგილებია ეს, ავტორი ამას ახლაც უმაღლავს მკითხველს. ფ. მ.) შეეხებოდა და არა ილიას მიერ ბრალდების „ფაქტების დარღვევასო“ („სახ. გაზ.“ № 871). როგორც ხედავთ, ბ—ნი გოგიჩაიშვილი ახლა გასაველ ანუ გასაძრომ ხერელს ეძებს და ამიტომაც ლობე—ყორეს ედება. მაგრამ ასეთი ფანდებით იგი ახლა შორს ველარ წავკვივა.

II

ილია ჭავჭავაძის „ნუ-თუ“-ს გამოქვეყნების შემდეგ მდგომარეობა ასეთი იყო: „მოგზაურში“ გამოყენებული ფაქტები დაურღვეველი დარჩენ: „ნუ-თუ“-მ ისინი ოდნავაც ვერ შეარყია. მეორე მხრით, თვით ილია სრულიათ გარიყული შეიქნა. პირველხარისხოვან მწერალს და საზოგადო მოღვაწეს, რომელიც რამდენიმე ათეული წლების განმავლობაში სათავეში ედგა ქართულ პრეს-

სას და ქართულ საზოგადოებრივ აზრს ხელმძღვანელობდა, თავის გარშემო აღარავინ გამოაჩნდა ისეთი ვინმე, რომელსაც მისი გამოსარჩლება საჭიროთ ეკისრა. იმავე დროს ჩვენ არ უნდა დავივიწყოთ ის გარემოება, რომ ილიას „ნუ-თუ“-ში იყო ისეთი ადგილები, როგორც „მოგზაურის“, ისე თვით ვ. ნ-ის შესახებ, რომლების უყურადღებოთ დატოვება არ შეეძლო არც „მოგზაურის“ რედაქციას და არც ვ. ნ-ს. გარდა ამისა, „ნუ-თუ“ შეიცავდა ისეთ განმარტებათ, რომლებიც ნათელს ფენდნენ ვ. ნ-ის წერილში გაკვირვით აღნუსხულ ფაქტებს და რომლებიც უფრო „ნუ-თუ“-ს ავტორის წინააღმდეგ ლაპარაკობდნენ, ვინემ მის სასარგებლოთ. კამათი პრესაში – ეს ხომ იგივე ჭიდილია, მხოლოთ იდეური, საზოგადოებრივი ცხოვრების ასპარეზზე, და, რა თქმა უნდა, ილიას მოხერხებულ კისრულებს ჩვენ გულზე ხელდაკრეფილი ვერ შევხვდებოდით. ერთი სიტყვით, პასუხი ჩვენგან აუცილებელი იყო.

ძველი ამბების განმეორების სურვილი არა გვაქვს, მაგრამ ყველა იმათ, ვისაც ჭეშმარიტების გაგება აინტერესებს, ჩვენ ვთხოვთ ერთხელ მაინც გადაიკითხონ ის, რაც თავდაპირველათ „მოგზაურში“ (№ 13, 1905 წ.) იყო ნათქვამი ილია ჭავჭავაძის შესახებ და შემდეგ ის, თუ რა პასუხი გასცა ამაზე ილიამ („ივერია“ N 68, 1905 წ.). ამნაირათ, პასუხის გაუცემლობა ჩვენგან შეუძლებელი იყო, და ეს პასუხი დაინერა როგორც „მოგზაურის“ რედაქციის, ისე ვ. ნ-ის მხრით (იხ. „მოგზაური“, 1905 წ. №№ 18 და 19). ჩვენდა უნებლიეთ, ბრალდება ილიას წინააღმდეგ ახლა გაორკეცდა, ვინაიდან ამის საბუთი მოგვცა, ერთი მხრით, თვით „ნუ-თუ“-მ და, მეორე მხრით, ვ. ნ-ის დამატებითმა ცნობებმა. მაგრამ ახლა ხმა აღარავის ამოულია. ვთქვათ, ილიამ თავის სათქმელი უკვე სთქვა თავის „ნუ-თუ“-ში, მეტის თქმა მას აღარ შეეძლო. მაგრამ რით აიხსნება დღევანდელ მის ქომაგთა და მოსარჩლეთა სამარისებური დუმილი, თითქო აქ არაფერი მომხდარიყოს? რით აიხსნება, გეკითხებით თქვენ, ის სამარცხვინო გარემოება, რომ ეს დუმილი ორი წლის შემდეგ პირდაპირ ველურ ვაკხანალიათ და განგაშათ შეიცვალა? შესაძლებელია, მკითხველმა იფიქროს, რომ „მამულიშვილთა“ ბანაკმა ხმა გაკმინდა მაშინ ამ ინციდენტის შესახებ იმიტომ, რომ ისინი დარწმუნდნენ ილიას უმართლობაში, და იმიტომ იმათი დუმილი გულწრფელი იყო.

რა თქმა უნდა, არაფერ მსგავსს ადგილი არა ქონებია. ილიას დამარცხება „მოგზაურთან“ კამათში მათთვის გულში ლახვრის ჩაცემა რომ იყო, ეს მათ კარგათ ესმოდათ, მაგრამ არა თუ თვითონ ვერ ბედავდნენ საჯაროთ მის გამოსარჩლებას, არამედ თვით

ილიას მიერ დანერვილი პასუხის დაბეჭდვაც კი თავის ორგანოებში ეძნელებოდათ. ამის თავი და თავი მიზეზი იყო შიში ამოძრავებულ ხალხის წინაშე, და ამიტომ მათ არჩიეს ისევ გაჩუმება, ე.ი. მიმართეს მათ მიერ არა ერთხელ ნაცად იარაღს – გაიძვერობას და ფარისევლურ ტაქტიკას. თავის თავად იგულისხმება, რომ ფართო საზოგადოებას ამ უკანასკნელ დრომდე ყველა ამაში შეეძლო ეჭვი შეეტანა, ვინაიდან ყველა ამას ჩვენი ავტონომისტ-ფედერალისტები ბურუსში ხვევდნენ. ჩვენ კი სრული იმედი გვქონდა, რომ სიყალბისაგან აშენებული ხუხულა ერთხელაც არის ჩამოინგრეოდა და ჩვენი მოლოდინიც ჩქარა გამართლდა.

ჩვენი სასიქადულო „მამულიშვილების“ ფარისევლობას და გაიძვირაობას, იმ საკითხში მაინც, რომელიც ჩვენ ახლა გვაინტერესებს, სავსებით ფარდა ახადა ბ-მა ია ეკალაძე-ცინცაძემ, ე.ი. თვით „მამულიშვილთა“ შინაურმა კაცმა. ჩვენ კარგათ ვიცით, რომ ბ. ეკალაძეც, ერთხელაც იყო, საკმარისათ ჩაიფლა იმ აშშორებულ წუმპეში, რომელსაც „მამულიშვილთა“ ბანაკი ეწოდება, მაგრამ არ შეგვიძლია არა ვთქვათ, რომ იგი პატივისცემის ღირსი არ იყოს, თუნდაც მარტო იმიტომ, რომ ერთხელ მაინც სიმართლე აღიარა გულახდილად. ჩვენ არ ვიცით, გრძნობდა თუ არა ბ. ეკალაძე, რომ ამ გულახდილი აღსარებით იგი სპობდა, აქარწყლებდა ფედერალისტებს. ვიცით მხოლოდ, რომ მის მიერ გამომჟღავნებული სიმართლე არაფრად ეჭაშნიკათ ბ.გ. ლასხიშვილს და ფ. გოგიჩაიშვილს. ამიტომ სრულებით გასაკვირალი არ არის, თუ ამ უკანასკნელებმა მოინდომეს ბ-ნ ეკალაძის სიტყვების მიფუჩეჩება და საქმე გადაიტანეს იმაზე, რომ ილიას პასუხის დაბეჭდვაზე თითქოს არც „ივერიას“ უთქვავს უარი და არც „ცნობის ფურცელს“. არა. ბატონებო. საქმე ამაში როდია. საყურადღებო ბ-ნ ეკალაძის მხილებაში სულ სხვა რამეა. აი სიტყვა-სიტყვით რას ვკითხულობთ მის ახალ გამოქვეყნებულ წერილში. „მაშინ“ (ე.ი. „ნ-თუ“-ს გამოქვეყნების დროს, 1905 წელს., ხაზს აქ ჩვენ ვუსვამთ ფ. მ.) – გვეუბნება ბ-ნი ეკალაძე – ყველა სოციალისტობდა (ხაზს თვით ავტორი უსვამს); დიდი განხეთქილებაც იყო ორ მოპირდაპირე დასს შორის და „ივერიელებიც“ საგონებელს მიეცნენ, ზედ-მეტ აყალმაყალს ერიდებოდნენ, რადგანაც ილიას წერილი აშენებულია წმინდა ეროვნულ და კერძო საკუთრების დროებით დაცვის საფუძველზე (ხაზი ეკალაძისაა, ფ.მ.). დიახ, საგონებელში იყო „ივერიის“ მაშინდელი რედაქცია, მაგრამ მოჭირნახულე კაცისათვის რომ არ ეწყენინებიათ, გადასწყვიტეს „ნუ-თუ“ დაებეჭდათ „ივერიის“ ცალკე

დამატებით, რაც ასრულებული იქნა. იმ დროს მე, — უმატებს ავტორი — მდინათ გახლდით განახლებულ „ივერიის“ რედაქციისა, და ეს ამბავი ძალიან კარგად მახსოვსო“ (იხ.გაზ. „თემი“) 1913 წ. № 118). ხოლო რაც შეეხება გაზ. „ცნობის ფურცელში“ „ნუ-თუ“-ს არ გაშვებას, ამაზე იგივე ავტორი აი რას ამბობს: „მე არ ვიცი, ვინ იყო იმ დროს „ცნ. ფურცლის“ ნამდვილ გამგეთ, მაგრამ ის კარგათ ვიცი, რომ ილია ჭავჭავაძე ძალზე გულნაკლული იყო იმის გამო, რომ „ცნ. ფურცელში“ ეს წერილი არ მიეღოთ. ამის შესახებ ბევრს ლაპარაკობდნ განახლებულ „ივერიის“ რედაქციაში... ასეთია მხილება და მოწმობა იმ კაცისა, რომელიც საქმესთან მჭიდროდ დახლოვებული იყო.

ჩვენ კარგათ გვესმის, რომ ბ-ნ ეკალაძის მხილება არ ესიამოვ-ნებოდა არც გ. ლასხიშვილს და არც ფ. გოგიჩაიშვილს: ავტორს ზევით ამოწერილი, უბრალო და გულახდილი სიტყვები ამ უდრო-ობის ორ გმირს პირდაპირ ასამარებს. რა თქმა უნდა, როგორც ერ-თი, ისე მეორე შეეცადა ბ-ნ ეკალაძის ჩვენების გაბიაბრუნებას, მაგრამ ამაოდ. ბ-ნი ლასხიშვილი აცხადებს რომ „ეკალაძის დაბე-ჯითებითი მხილება მარტოოდენ მით-მოთქმასა და ხმებზე უნდა იყოს დაფუძნებულიო (იხ. „სახ. გაზ.“ № 868) ხოლო რაც შეეხება ბ-ნ გოგიჩაიშვილს, იგი შეუდარებელი ურცხოებით მოგვითხრობს: „ბ. ია ეკალაძის ნათქვამი: „ივერიელნი საგონებელს მიეცნენო“, მართალი და სწორეა, აი, რა მხრით იმ დროში ფ. მახარაძის ლაშ-ქარმა მემამულის ილია ჭავჭავაძის წინააღმდეგ საშინელი ატმოს-ფერო შექმნა. იმდენ საშინელებას აბრალებდნ ილიას, რომ ზოგი-ეთ მის მეგობარსაც ცოტათი გულში ეჭვი ებადებოდა და ამბობდნ — ვაი, თუ მესამედიც მართალიაო“ („სახ. გაზ.“ № 871). ყოველივე ეს მარტოოდენ უხერხული ფანდები და ლათაიებია.

ია ეკალაძე გულახდილათ ამბობს, რომ მაშინ ყველა სოცია-ლისტობდაო და იმათ შორის „სოციალისტობდნ“ „ცნობის ფურ-ცელი“ და „ივერიაცო“. მაგრამ იმათი სოციალიზმი როდი ყოფილა ნამდვილი, არამედ იგი ყალბი იყოო. ბ. ეკალაძე არ უმატებს იმას, რომ ამ ყალბ „სოციალიზმს“ ყალბი დემოკრატიობაც თან ახლ-და, მაგრამ ეს ხომ თავის თავად იგულისხმება. და თუ „ივერია“ — „ცნობის ფურცელი“ და მათი პატრონ-ბატონნი ილია ჭავჭავაძეს ვერ გამოექომაგენ თავის დროზე, ამის თავი და თავი მიზეზი ამ ვაჟბატონების ცრუ სოციალიზმი და ცრუ დემოკრატიზმი იყო და არა ის უაზრო ოინები და ხრიკები, რომლებსაც ახლა ისინი ასახე-ლებენ. იმ გარემოებამ, რომ ილიას წერილი, რომელიც, ბ-ნ ეკა-

ლადის თქმისა არ იყოს, „კერძო საკუთრების დროებით (ეს დროებით აქ სრულებით უადგილოა. ფ. მ.) დაცვაზე“ იყო დამყარებული, ხსენებულ ვაუბატონებს დავთარი აურიან. და ისინი საგონებელში ჩავარდნენ, არ იცოდნენ როგორ მოქცეულიყვნენ. იმათი ნამდვილი გულის ზრახვანი თხოულობდნენ, ერთი მხრით, „მოგზაურის“ წინააღმდეგ გალაშქრებას და, მეორე მხრით, ილიას გამოქომაგებას, მაგრამ, იმათ სავალალოთ, ის ყალბი სოციალისტური და ცრუ დემოკრატიული კილო, რომელიც მათ მაშინ ალებული ქონდათ, ამის ნებას როდი აძლევდა. ყოველივე ეს კი საჭირო იყო იმისთვის, რომ ხალხისთვის თვალები დაებრძავებინათ და იმას ელოდნენ, თუ როდის შესძლებდნენ დაუსჯელათ თავიანთ ნამდვილ მისწრაფებათა გამომჟღავნებას. ეს სანატრელი დროც ჩქარა დაუდგათ.

როცა რუსეთში გაბატონდა რეაქცია და ხალხის მოძრაობა დაეცა, ბ. ბ. გოგიჩაიშვილების ნავარდობა უზრუნველი შეიქნა, მაგრამ ეს კიდეც არ კმაროდა. საჭირო იყო ისეთი რამ, რასაც ძველი პოლემიკა გაეხსენებია. ჩქარა ამის საბაბიც იშოვნეს. თავზეხელაღებულმა ავაზაკებმა, ვინ იცის რა მოსაზრებით და რა ნიადაგზე, ილიას სიცოცხლე მოუსპეს. და აი, ქვემძრომებმა ისარგებლეს ამ შემთხვევით ჩვენს გასაბიებრუებლათ, ნამდვილათ კი, მხოლოდ თვიანთი სიბინძურე სინამხდრე დაანახვეს ქვეყანას. რალა ბევრი გავაგრძელოთ, ის უსასტიკესი დანაშაული, როგორც ილიას მოკვლა არის, ფედერალისტ-ავტონომისტებმა, არც იქით და არც აქეთ, პირდაპირ ჩვენ იდეურ ბრძოლას დაუკავშირეს ილიას წინააღმდეგ. „აბა ჩვენ რა ვიცოდით მაშინ – ასე ურცხვათ გაიძახის დღეს ბ. ლასხიშვილი – თუ, „მოგზაურის“ საზიზღარ კამპანიას ილიას წინააღმდეგ ასეთი საშინელი შედეგი მოყვებოდა... მაშინ არც ჩვენ, არც ბ. დიასამიძეს და არც არავის ფიქრათაც არ მოგვსვლია, რომ გაჩნდებოდა ისეთი დეგენერატი, რომელიც საზიზღარ ცილისწამებას (ხაზს ჩვენ ვუსვამთ) დაუჯერებდა და რომლის ბნელ გულში ილიასადმი ისეთი ფანატიკური მძულვარება აღიზრდებოდა. ეს რომ გვგონებოდა, დარწმუნებული ვართ, სხვა რიგათ მოვიქცეოდით ისინიც, ვისაც გაზეთი გვექონდა და ისინიც, ვისაც გაზეთი არ ქონდაო („სახ. გაზ.“ №868)

აი, ნამდვილი საზიზღარი კამპანია და საზიზღარი ცილისწამებაც, თუ გნებავთ, სწორედ ამას ქვია! ძველი რომაელები ამბობდნენ, რომ როცა ღმერთები ადამიანის გაუბედურებას მოინდომებდნენ, ჯერ მას ჭკუას დაუკარგავდნენო. ვინ დაიჯერებს, რომ ზევით მოყვანილ სტრიქონებს სწერს ჟურნალისტი და ისიც გაზე-

თის ხელმძღვანელი. იცის კი მან, რასა სწერს? ზევით მოყვანილი ამონაწერის მნიშვნელობა და აზრი რომ ეცნათ, მაშინ შეუძლებელი იქნებოდა ლიტერატურის ორი დარგი მაინც, სახელდობრ, პუბლიცისტიკა და პოლემიკა: ესენი ორივე უნდა გაუქმდენ, თუ ბ-ნ ლასხიშვილის, უკაცრავად პასუხია, ლოლიკას მივყევით. ეს ორი დარგია, რომლებშიაც იდეური ბრძოლა სწარმოებს ყოველგან, სადაც კი საზოგადოებრივი ცხოვრება, ცოტათი მაინც არის წარმატებული და განვითარებული: ჯერ არავის მოსვლია თავში იდეური ბრძოლის ფიზიკურ ბრძოლასთან დაკავშირება, და მართლაც რალა ძალა და გამავლობა უნდა ქონდეს პირველს, თუ საქმე უკანასკნელით უნდა გათავდეს. ჩვენ გვაბრუნებენ ისევ ველურობის და ბარბაროსობის ხანაში.

ეს მართლაც საზიზლარი კამპანია, რომელსაც ეს ერთი ხანა ჩვენი მამულიშვილები ეწევიან ჩვენს წინააღმდეგ, შეჰფერით მხოლოდ სრულებით გამოთავყვანებულ და უგუნურ არსებათ. განა ჩვენმა მოწინააღმდეგეებმა არ იციან, რომ ჩვენ ვებრძოდით იდეურ ნიადაგზე არა მარტო ჭავჭავაძეს, რომ ჩვენ შედარებით ბევრი უფრო გამწვავებული ბრძოლა ამავე ნიადაგზე გვქონდა და გვაქვს სხვებთან? და განა რომელიმე მათგანი ამ ნიადაგზე ვინმემ როდესმე სიცოცხლეს გამოასალმა? ფიქრობთ ბატონებო იმაზე, თუ რას ლაპარაკობთ? ან შეიძლება, თქვენ ისე გაგიტაცათ თქვენი იდეურ მოწინააღმდეგეთა მოსპობის სურვილმა, რომ ჭკუა-გონება, სალი მსჯელობა დაკარგეთ? აგრემც ყოფილა!

სხვისა რა ბრალია, თუ თქვენ არ შეგწევთ არც მოქალაქეობრივი გრძნობა და არც გამბედაობა, თუ თქვენ, თქვენდა საუბედუროთ, იკისრეთ თქვენთვის სრულიად შეუფერებელი სოციალისტობა და დემოკრატობა. ჰე, მახლას! არა შეჯდა მწყერი ხესა, არა იყო გვარი მისიო! თქვენ, სულით და ხორციით უბადრუკნო, ხომ თავისივე ხელით იმათრახებთ დღეს თავის თავს? და ამის შემდეგ განა ღირს კიდევ თქვენთან ლაპარაკი?"

●
ფილიპე მახარაძემ თავის წერილში დაადასტურა ჩვენთვის საყურადღებო ორი მნიშვნელოვანი საკითხი. 1) 1905 წელს მათ უბატონოდ ხმას ვერაფერ ვერ სცემს. დრო შეიცვალა და რისი დაწერაც 1913 წელს შეიძლება, ამას ვერაფრით გაბედავდნენ ანტიბოლშევიკები 1905-ში ან მომდევნო 2-3 წლის მანძილზე. 2) ამ მიზეზის

გამო ილია მარტო აღმოჩნდა მგლების ხროვაში, თუმცა მას უკან არც ერთი ნაბიჯით არ დაუხევია.

ფილიპეს წერილს მოჰყვა მეორე ფილიპეს, გოგიჩაიშვილის პასუხი. გოგიჩაიშვილმა 6 წლის შემდეგ ნამდვილად ღირსეულად გაუსწორა ანგარიში საუკუნის ამ ჰეროსტრატეს. გოგიჩაიშვილი რომ დიდებული პუბლიცისტი და პოლემისტი იყო, სხვაგვარად ილიას გუნდში მოხვედრა თავის დროზე გაუჭირდებოდა, ქვემოთ წარმოდგენილი საპასუხო წერილითაც დაამტკიცა. ამასთან ისიც აღიარა, რაც მანამდე არ უთქვამს. რაზეც ადრე ვწერდით, რომ ვერც მან და ვერც სხვებმა მე-3 დასელთა ზეობის ხანაში ვერ გაბედეს ილიას დაცვა.

გთავაზობთ ფილიპე გოგიჩაიშვილის საპასუხო წერილს ფილიპე მახარაძისადმი:

უკვდავი ბოროტება

იმ ხანებში, როცა ფ. მახარაძე „მოლვანეობდა“ გაზ „მოგზაურში“, მას კეთილი რჩევა მივეცი გაზეთის საშუალებით. ალბად, „მოლვანეობამ“ მოგქანცა, – მიჰმართე ერთ-ერთ შესაფერ დაწესებულებას, საცა წერვებს სწამლობენ, იაქიმე, იქნება შვება მოგცეს-მეთქი.

არ ვიცი, ყურად ილო თუ არა მან ეს ჩემი რჩევა და სცადა თუ არა ნაჩვენები საშუალება. თუ მართლა სცადა, – უნდა ვაღიარო, უსარგებლო რჩევა მიმიცია და უკუბრუნებელისთვის ფუჭი იმედი გამიღვიძებია. ბაქოელ „ჩვენი წყაროს“ უკანასკნელ ნომრებიდან ვტყობილობ, რომ ამ ჟამად იგი ამ ორგანოში ყოფილა მოკალათებული და მისი ნაწერიტ ვრწმუნდები, რომ მას „სტილიც“ და შინაარსიც სავსებით ძველი შერჩენია.

ხსენებული გაზეთის № 5, 6 და 7-ში მოთავსებულია ფ. მახარაძის წერილი: „მეორე მხარესაც მოვუსმინოთ“, სადაც ავტორი იმ საშინელსა და განუზომელ დანაშაულს ეხება, რომელიც მას მიუძღვის ილია ჭავჭავაძისა და მთელი ქართველი ერის წინაშე. ნაცვლად სინანულისა და პატიების თხოვნისა, იგი ხელახლა ადასტურებს ძველ ჭორებს ილიას შესახებ და ასე თავისებურად ულოცავს ქართველ საზოგადოებას ილიას ძეგლის კურთხევას, ხოლო „მამულიშვილებს“ საერთოდ და მე და ბ. გ. ლასხიშვილს კერძოდ გვამკობს და გვამშვენებს მახარაძისებური მარგალიტებით. ჩვენ თურმე ვართ „უდროობის ორი დასამარებული გმირი“, „ცილისმ-

ნამებელი", „კაცუნები“, „გამოთაყვანებული და უგუნური არსებანი“, „ურცხვნი“, „სულით და ხორციით უბადრუკნი“, „ფარისევლები“, და „გაიძვერები“, „ლაქუცა – მლიქვნელები“, „უტიფრები“, „ქვემძრომები“, „ბინძურები“, „ნამხდრები“, და ვინ მოსთვლის კიდევ – რა.

უნდა გამოგიტყდეთ, ძალიან მენელება ისეთი სურნელოვნებას მივეკარო და შევეხო, როგორც ფ. მახარაძე ბრძანდება. მეძნელება არა იმიტომ, რომ ვითომ მისგან მოძღვნილს ან მოსაძღვენელ ლანძღვაგინებას ვერიდებოდე. არა, პირიქით: მე მაშინ ჩავთვლი ჩემ თავს დაკარგულად, თუ ოდესმე ღმერთი გამინყრა და რისამე გამო მისგან ქება დავიმსახურე, – მისი მომასწავლებელი იქნება, რომ გონება ჩემი უკურნებელმა სენმა მოიცვა და სული ჩემი ბნელმა ბოროტებამ დაისაკუთრა. არა, მეძნელება მეთქი, რომ ვამბობ, ამას იმიტომ მოგახსენებთ, რომ თვით მკითხველისა მერიდება. აბა როგორ გავმართო საუბარი ისეთ არსებაზე, რომელიც უძირო ჭაობია და, როგორც კი შეეხები და ცოტათი ჩიჩქვნას დაუნყებ, მაშინვე აუტანელ სიმყრალეს ამოუშვებს და ადამიანს სუნთქვას შეუგუბებს. და დაგარნმუნებთ, – ფ. მახარაძის წერილებში მარტო ჩემი „ხოტბა“ რომ იყოს და სხვა არაფერი, მე ხმას არ ამოვიღებდი და მკითხველს არ შევანუხებდი. მაგრამ ამ წერილებში დამწერი ეხება ილია ჭავჭავაძესაც, იმ ილიას, რომლის ხსოვნა სათაყვანებლად არის გამხდარი ყველა ქართველისათვის, – გარდა მახარაძისებურ არსებათა, რასაკვირველია: იგი გამეორებით ადასტურებს იმ საზიზღრობას, რომელიც მან ჩაიდინა ამ დიდებული ადამიანისა და მთელი ერის წინაშე. ეს უკვდავი ჰეროსტრატე საქართველოსი კიდევ „სწერს“ და „კამათობს“ ალბად, ეშინიან, შთამომავლობამ არ დამივიწყოსო. და ჩვენ არა თუ იძულებულნი, ვალდებულნი ვართ, ამ ბედკრულ ჰეროსტრატეს შიში გაუქარვოთ და განმეორებით განვუმარტოთ, რომ იგი უკვდავია, რომ მისი სახელი არ მოკვდება და არ გაჰქრება საქართველოს ისტორიაში, – არ წარიხოცება, ვიდრე ცოცხალ იქნება ქართველი ერი და, მაშასადამე, ვიდრე დავიწყებას არ მიეცემა თვით დიდი ილიას სახელი.

მე მაინც ფ. მახარაძის ლათაიებს მოკლედ მოვჭრი, რათა ანგარიში გავუწიო მკითხველის ფაქიზ გრძნობას და მოთმინებას, მხოლოდ ისე კი, რომ არც ერთი მისი „აზრი“ განუმარტებლად არ დავუტოვო შთამომავლობას.

აზროვნების იმ უდაბნოში, რომელსაც ფ. მახარაძის ახალი მწერლობითი ნაყოფი წარმოადგენს, თუ გარდა ლანძღვა-გინე-

ბისა. – გარკვეულის აზრისა და შინაარსის მსგავსი რამ შეიძლება ჰპოვოს ადამიანმა, იგი „რამ“ სამ თუ ოთხ სხვა და სხვა „აზრად“ გამოიხატება, რომელსაც ქვევით მოგახსენებთ.

ამათში პირველი „აზრი“ სრულად მოულოდნელი ძღვენია პირადა ჩემთვის. თურმე ნუ იტყვით, ჯერ კიდევ 1905 წელში რომაელ ღმერთებს ჩემთვის ჭკუა ნაურთმევიათ და ფ. მახარაძის თანამოაზრედ გავუხდივარ. აი, რას უნერს იგი პასუხად „სახალხო გაზეთს“: „თქვენივე ბანაკის წევრის, თქვენივე მეგობრის, პოლიტ. ეკონომიის დოქტორის, ფ. გოგიჩაიშვილის უტყუარი მონაბა გვაქვს („ნუ თუს?“ შენიშვნა), სადაც იგი აშკარად და ცხადზე უცხადესად ამბობს, რომ ილია ჭავჭავაძე თავის „ნუ თუ?“-ში არჩევს „მოგზაურის“ კორესპონდენციას და არა არღვევს მასო“.

უნდა მოგახსენოთ, რომ არასდროს, არც ძველად და არც ახლა, ფ. მახარაძეს ისე არ უხსენებია, რომ პოლიტ. ეკონომიის დოქტორობა არ წამოეძახნოს ჩემთვის. ეს, ალბად, ჩემს შემარცხვენელ მხილებას მოასწავებს. მართალია, ეს დოქტორობა მე (–ღმერთი! რჯული!–) არც მომიპარავს, არც ვისმესგან საჩუქრად მიმიღია, არც ექსპროპრიაციით მიმითვისებია, მაგრამ რას იზამთ, –ფ. მახარაძისებური მორალი ამას მაინც სამარცხვინოდ სთვლის და, მეტი რა გზაა, უნდა დავიჯერო. მე მზად ვარ, ეს დოქტორობა ფ. მახარაძეს მივართვა ძღვნად, – მეს ხელში, იქნებ, სასირცხვო და დასაცინი აღარ იქნეს, – ოღონდ ვიცოდე, რომ ამით მას მოემატება იმგვარი რამ, რასაც თურმე რომელიღმერთები წაართმევენ დასასჯელ ადამიანს.

როგორც „სახალხო გაზეთის“ №871-ში აღვნიშნე დანვრილებით, – მინამ „მოგზაურის“ საპასუხოდ ილია ჭავჭავაძის წერილი დაიბეჭდებოდა „ივერიაში“, გაზეთმა აცნობა მკითხველებს, რომ ილიას პასუხი მოკლე ხანში დაიბეჭდებაო. თავის დროზე ეს დაპირებული წერილი „ივერიაში“ დაბეჭდა, სხვათა შორის, შემდეგის სიტყვების დართვით: „ვბეჭდავთ დაპირებისამებრ თ–დ ილია ჭავჭავაძის წერილს, რომელშიაც ავტორი არჩევს მის შესახებ „მოგზაურში“ დაბეჭდილ კორესპონდენციასო“. ბრძენ ფ. მახარაძეს ეს სიტყვები ამოუნერია, გვითითებს სიტყვაზე: „არჩევს“ და რიხით გვეუბნება: „აქ ხაზს ჩვენ ვუსვავთო“. ჩემის აზრით, ფ. მახარაძის უბედურებაც სწორედ ის არის, რომ იგი ასე უალაგო ალაგას „უსვებს“ ხაზს და ამიტომაც მის ნაცოდვილევი ყველაფერი უთავბოლოდ არის არეული. რახან შენ ამბობდი, რომ „ავტორი არჩევს „მოგზაურში“ მოთავსებულ წერილსო“ და არ დასძენდი, „არღვევსო“, ამიტომ ცხა-

დია, „მოგზაურის“ ბრალდება ილიას წერილით შენ დარღვეულად არ მიგიჩნევია და ჩემი მედასტურე ყოფილხარო.

უნდა გამოტყუილად გითხრათ, ამაზე უარეს უბედურებას ჩემთვის ფ. მახარაძე ველარ მოიგონებდა, რომ მე ოდესმე ამ არსების მედასტურე ვყოფილიყო რამეში, მას შემდეგ, რაც თავი შემისწავლია. ეს ისეთი მოულოდნელი მეხია ჩემთვის, რომ სწორედ სასონარკვეთილებას მივეცემოდი, რომ ეს მხილება მართალი იყოს და სინამდვილეს გამოხატავდეს. ფ. მახარაძის რაიმე „მოსაზრების“ მედასტურეობა, – არა თუ მარტო ამ შემთხვევაში, არამედ საზოგადოდ, რაშიაც უნდა იყოს, – ისეთი „დიპლომა“ ადამიანისთვის, რომ მას არა თუ დიქტორობა, პროფესორობაც ველარ უშველის და ყველა ღვთისაგან დასჯილ არსებად ჩაითვლება უკუნითი უკუნი-სამდე.

აბა ყური დაუგდეთ, როგორ შეუბრალებლად დამცინოდა და მაქარწყლებდა მე ბედკრულს 1905 წელში იგივე, დღეს საისტორიო პირად გამხდარი, ფ. მახარაძე სწორედ ილია ჭავჭავაძის იმ წერილის გამო, რომელიც მაშინ „ივერიაში“ დავბეჭდე. „დემოკრატი-ბით განთქმულმა „ივერიამ“, – ამბობდა მაშინ განთქმული ფ. მა-ხარაძე, – ძლიერ ეჭვის თვალთ შეხედა „მოგზაურში“ დაბეჭდილ კორესპონდენციას ილია ჭავჭავაძის შესახებ და თითქმის წინდა-წინვე უარჰყო მისი საფუძველიანობა, და თვით ილიას მიჰმართა ნება. არაო, მოგიგებთ, ფ. მახარაძის უუსაღესი გონება, – რახან არ სთქვი, ილიამ „მოგზაურის“ კორესპონდენცია „დაარღვიაო“, მამ ბრალდება დაურღვევლად გიცნიაო. მოდით და ასეთი ჯურის არსებას ელაპარაკეთ! მე ისიც არ მითქვამს, რომ ილიას პასუხი შედეგია პუბლიცისტიკისა. ეს უთქმელობა თურმე იმას მოას-წავლებს რომ „ნუ თუ?“ მე ნაჯღაბნად მიმიჩნევია და ფ. მახარაძის ნაცოდვილევი – გენიოსურ ნაწარმოებად. მე არც ის დამინერია, რომ ილია ჭავჭავაძე დიდი ჭკუის პატრონი იყო, ხოლო ფ. მახარა-ძეს იმდენი ჭკუაც კი არა აქვს, რომ გაჩუმდეს, როცა დუმილი მის-თვის საუკეთესო საშუალებაა. მერე რა? მერე ის, რომ, მახარაძის ლოლიკას თუ დაუფერეთ, ეს თურმე იმას მოწმობს, რომ მე ილია სულელად მიცვნი, ხოლო ფ. მახარაძე – სალაროდ ჭკუისა და გო-ნიერებისა. სწორედ სავალალოა, როცა ესოდენ ბრძენ არსებასთან უხდება კაცს ლაპარაკი. ფ. მახარაძემ გვამცნო თავის წერილში, რომ „როცა ღმერთები ადამიანის გაუბედურებას მოინდომებენ, ჯერ მას ჭკუას დაუკარგავენო“. ნეტა ეს „ამბავი“ მან წიგნით შე-იტყო, თუ გამოცდილებით?

მე კი მგონია, რომ ეს ცოდნა მას „გამოცდილებით“ უნდა ჰქონდეს შეძენილი. აი, თქვენ თითონ გასაჯეთ. ეს თავზე ხელალებული ვაჟბატონი ჰბედავს აუარებელი სიბინძურე გადმოგვანთხიოს – და იცით, რატომ? იმიტომ, რომ ჩვენ, – „მამულიშვილებმა“, – ილია ვერ დავიცვით მახარაძის ბოროტებისაგან. წარმოიდგინეთ სასამართლოში კაცის მკვლეელი ყაჩაღი, რომელიც მოსამართლეს ეუბნება: „თქვენ, სულით და ხორციით უბადრუკო, თქვენა! ფარისევლებო და გაიძვერებო. ცრუ დემოკრატებო, ლარებო, ბინძურნო და წამადრებო! მე კაცი მოვკალი და თქვენ მასამართლებთ? რა უფლებით? თუ მკვლელობის წინააღმდეგნი იყავით, რატომ თავის დროზე არ დაიცავით ის კაცი ჩემის ტყვეისაგან, რატომ არ გადარჩინეთ სიკვდილს? პირველ ხარისხოვან მწერალს და საზოგადო მოღვაწეს, რომელიც რამდენიმე ათეული წლების განმავლობაში სათავეში ედგა პრესასა და საზოგადოებრივ აზრს ხელმძღვანელობდა, თავის გარშემო აღარავინ გამოაჩნდა თხოვნით: დაამტკიცე იმის უსაფუძვლობაო. გავიდა ხანი, და ილიამაც შეუსრულა თხოვნა „ივერიას“, მაგრამ მოლოდინი არ გაუმართლა, თითქო ძმარი ჩაუსხა ცეცხლში: ბრალდება არა თუ ვერ დაარღვია, არამედ კიდევ უფრო გაადიდა და ზედმეტი ფაქტები გადმოგვიყაჭა „ივერიისავე“ ფურცლებზე ახლა, – დასძინდა ავტორი ირონიით, – რაღას ფიქრობს ნეტა დინჯი და წინდახედული „ივერია“. ეტყობა, ძველი კერპების თაყვანისცემას იქ მაგრად აქვს ფესვები გამდგარი“. ამ გვარად, აქიდან ნათლად სჩანს, რომ მაშინ ფ. მახარაძე არ მოვლიდა იმ ბეზლობის მედასტურედ, რომელიც მან თავის სასახელოდ და უკვდავსაყოფელად, ილიას წინააღმდეგ შეხანხლა და რომელმაც შემდეგში ისეთი დიდებული ნაყოფი მოიტანა.

რა თქმა უნდა, ეს გარემოება არ კმარა ჩემ „გასამართლებლად“ და ფ. მახარაძეს მიერ ბოძებულ „დიპლომის“ გასაბათილებლად, და თუ მაინც მოვიხსენიე, – მარტოოდენ ცნობად მკითხველისათვის. რა ვუყოთ, რომ მაშინ არ მცნობდა მედასტურედ, – სამაგიეროდ ახლა მცნობს; იქნება მაშინ ვერ შენიშნა და სამაგიეროდ ახლა, 7 წლის შემდეგ, მიაგნო ჭეშმარიტებას. ამიტომ, მეტი გზა არაა, უნდა მივყვე მას კვალ და კვალ.

ჩვენი უებარი ავტორი თუმცა ხშირად „უშვებს“ და ხშირადვე გვეუბნება, „იქ ჩვენ ვუშვებთო“ ხაზს, მაგრამ შემდეგ მალე ავინყდება და რამდენსამე სტრიქონს შემდეგ სულ სხვა რასმე გვეუბნება. იქნება მკითხველმა იფიქროსო, – სწერს იგი, – რომ „მამულიშვილთა“ ბანაკში დარწმუნდნენ ილიას უსამართლობაშიო, და

თვითონვე იძლევა პასუხს: „რა თქმა უნდა, არაფერს ამის მსგავსს ადგილი არ ჰქონებიაო“.

მადლობა ღმერთს! ცოტა გულზე მომეშვა. აქედან სჩანს, რომ იმავე ფ. მახარაძის მოწმობით, „არაფერს იმის მსგავსს, რომ ვითომ ილიას უსამართლობაში დავრწმუნებულიყავი, ადგილი არ ჰქონებია“, ე.ი., სხვა სიტყვებით რომ ვთქვათ: ილია მე მართლად მიმიჩნევია „მოგზაურის“ ბრალდებაში. მაშ ცხადია, ბრალდების მედასტურე ვერ იქნებოდით, – იტყვის, ალბად, ყველასი სალი გონება. ისეთი ვინმე, რომელმაც მისი გამოსარჩლება საჭიროდ ეცნა და ეკისრნა ახლა მოსთქვამთ და სამართალს მიიჩნევთ? ვინ? თქვენ, უგუნური ლაჩრები? განა ჩემი ბრალის, თუ თქვენ არ შეგნევთ მოქალაქეობრივი გრძნობა და გამბედაობა? თქვენ რომ ის კაცი დაგეცვათ, ხომ ახლაც ცოცხალი იქნებოდა? მაშ ვინ არის დამნაშავე, ვინ არის კაცის მკვლელი, მე თუ თქვენ? აი, სწორედ ასეთი ჯურის ავაზაკი მოგვივლინა განგებამ ფ. მახარაძის სახით. და თქვენ გკითხავთ, მკითხველო: კაცი, რომელიც ისე „სალად“ მსჯელობს და ამ თავის მსჯელობას ბეჭდავს კიდეც და ავრცელებს, არის თუ არა დასაბმელი?

ამის შემდეგ, რა თქმა უნდა, აღარაფერმა არ უნდა გაგაკვირვოს ფ. მახარაძის წერილში. რა ვუყოთ მერეო, – მოგვითხრობს ეს სალი მსჯელობის სალი ავტორი, – „მოგზაურში“. ილია ჭავჭავაძის წინააღმდეგ წერილი დავბეჭდე, მაგრამ განა სხვა მემამულეებზე კი არ დამიბეჭდიაო. „არა ჩვეულებრივი ამ შემთხვევაში იყო მხოლოდ, ის, რომ იქ სხვათა შორის, როგორც მემამულეზე, თავად ილია ჭავჭავაძეზეც იყო ლაპარაკიო“.

ასეთი „დარბილებით“ იწყებს თავისი დანაშაულის ისტორიას ჩვენი ბრალდებული. თურმე მას ისეთი წერილი დაუბეჭდია, სადაც „სხვათა შორის“ ყოფილა ლაპარაკი ილია ჭავჭავაძეზე, „როგორც მემამულეზე“. ნამდვილად კი, თუ 1905 წლის „მოგზაურის“¹³-ს გადაშლით, იქ იპოვით ვ. ნ-ის წერილს: „საგურამოს და ჭოპორტის საზოგადოება“, რომლის შინაარსის ცხრა მეათედი ილია ჭავჭავაძეს შეეხება და მხოლოდ ერთი მეათედი სხვა მემამულეებს, ასე რომ „სხვათა შორის“ აქ ეს სხვა მემამულეები არიან მოხსენებულნი და უმთავრესად კი ილია ჭავჭავაძის გულქვაობაზე გახლავთ ლაპარაკი გამართული. ეს ერთი. მეორეც, იმავე „მოგზაურის“¹⁸-ში დაბეჭდილია თვით ფ. მახარაძის წერილი, სადაც ავტორი სიტყვა-სიტყვით შემდეგს აღიარებს: „მოგზაურის“ კორესპონდენტმა გამოაქვეყნა მხოლოდ რამდენიმე გულის ამმღვრევი და აღმაშფო-

თებელი ამბები, რომლებიც ახასიათებენ თავად ილიას არა როგორც კერძო მესაკუთრეს, არამედ როგორც ადამიანსო“.

თუმცა ეს ასეა, მაგრამ მაინც მიყვებით ჯერ თვით მახარაძეს. ილია ჭავჭავაძეს, – განაგრძობს იგი, – მეტად სალი მსჯელობა და ლოგიკა ჰქონდა (მართლა?! ფ.გ.) ბატონყმობის ნაშთების არსებობა ერთი მხრით და მსხვილი მიწათ-მფლობელობა მეორე მხრით თხოულობდა ცხოვრებაში მისგან, როგორც კერძო მემამულისგან, იმგვარ ტაქტიკას, რომელსაც იგი ადგა... ილია ჭავჭავაძე იძულებული შეიქნა თვითონ გაეცა პასუხი „მოგზაურში“ მოთავსებულ ნერილზე, (მაგრამ) ეს პასუხი ოდნავადაც არ უარჰყოფდა ნერილში მოთხოვნილ ამბებს... სცადეთ კი თქვენ, როდისმე ამ ფაქტების შემონმება, რომ ისინი ოდნავადაც შეგერყიათ, თუ სავსებით ვერ დაარღვევდით მაინც?.. ყოველივე ის, რაც („მოგზაურის“) ნერილში იყო ნათქვამი, ჩვენში საყოველთაო და სრულებით ჩვეულებრივ მოვლენას შეადგენდა... იმ ხანებში ყველა ადგილობრივ რედაქციებს აუარებელი კორესპოდენციები მოსდიოდა საქართველოს ყველა კუთხიდან ამოძრავებულ გლეხკაცობის შესახებ... (მაგრამ მერე) როცა რუსეთში გაბატონდა რეაქცია და ხალხის მოძრაობა დაეცა, ბ.ბ. გოგოჩაიშვილების ნავარდობა უზრუნველი შეიქნა. მაგრამ ეს კიდევ არ კმაროდა. საჭირო იყო ისეთი რამ, რასაც ძველი პოლემიკა გაეხსენებია. ჩქარა ამის საბაბიც იშოვნეს. თავზე ხელაღებულმა ავაზაკებმა, ვინ იცის (ოჰო! ფ.გ.) რა მოსაზრებით და რა ნიადაგზე (HY! HY! ფ.გ.) ილიას სიცოცხლე მოუსპეს. და, აი, ქვემძრომებმა ისარგებლეს ამ შემთხვევით ჩვენ გასაბიარებულად, ნამდვილად კი მხოლოდ თავიანთი სიბინძურე და სინამხთრე დაანახვეს ქვეყანას. რალა ბევრი გავაგრძელო, ის უსასტიკესი დანაშაული, როგორც ილიას მოკვლა არის, პირდაპირ ჩვენს იდეურ ბრძოლას დაუკავშირეს ილიას წინააღმდეგ.“

ამგვარად, თქვენ ხედავთ, რომ ფ. მახარაძეს ილიასთან ჰქონია მარტოოდენ „იდეური“ ბრძოლა, რომ ამ ბრძოლაში მახარაძე ჭეშმარიტებითა და სიმართლით აღჭურვილი ყოფილა და რომ ჩემისთანა „ქვემძრომ“ და „წამხთარ“ ადამიანებს მახარაძის მიერ ილიას წინააღმდეგ გამართულ „იდეურ“ ბრძოლასთან დაუკავშირებით ილიას სიკვდილი.

თუ რა იდეურ ბრძოლას ენეოდა მახარაძე და რა ჭეშმარიტებით იყო აღჭურვილი, ამას ახლავე დაგანახვებთ. ამისთვის საჭიროა სიტყვა სიტყვით ამოვწერო ადგილები მაშინდელ „მოგზაურიდან“ და ბოდიშს ვიხდი მკითხველის წინაშე, რომ იძულებული

ვხდები მისს ფაქიზს გრძნობასა და ბრწყინვალე ილიას სახელ შუა ფ. მახარაძის შავი აჩრდილი გავატარო ერთის წუთით.

ვინ იყო ილია ჭავჭავაძე?

ისმინეთ. პასუხი ფ. მახარაძეს ეკუთვნის:

1) **ვაგლახი იდეოლოგი და გათახსირებული მწერალი:** ილია „კერძო საკუთრების ვაგლახი იდეოლოგია“. – იგი თავის პასუხში „თავის თავს მინასთან ასწორებს და სამარეს უთხრის“, – „მისი უშველებელი წერილი, „ივერიის“ გულუხვი, გადაჭარბებული სტუმართ-მოყვარეობის წყალობით აღბეჭდილი, გამართლება კი არაა, არამედ უსასტიკესი საბრალმდებლო ოქმია თავისივე ხელით შედგენილი და ხელმოწერილი. ეს არის თავისივე ხელით თავის მოკვლა“. – „ილია მთელ 25 წელის განმავლობაში პრესის დანიშნულებას იმაში ხედავდა, რომ სიმართლისათვის გზა აექცია; ჭეშმარიტება დაეფარა“. – „ჩემ გამოზრდაში ბევრი რამ წამიკითხავს, ბევრი სისაძაგლე მინახავს (ოლონდაც! ფ.გ.) ჩემი თვალით, ბევრი კიდეც სხვებისგან გამიგონია, მაგრამ ჩემ დღეში ამისთანა არც ჩემი თვალით მინახავს, არც სხვებისგან გამიგონია, (როგორც) თ-დ ილია ჭავჭავაძის საპასუხო წერილია, რომელიც გზ. „ივერიას“ ცალკე გამოცემად დაუსტამბავს თავის სასახელოდ.“

2) **ბურჟუა:** „ილიასთანა მსხვილი მემამულეების და ბურჟუაკაპიტალისტების ხელში თანდათან გროვდება წარმოების საშუალებანი და იარაღნი“.

3) **პასუხისმგებელი სოციალურ უთანასწორობისათვის:** ფ. მახარაძე გლეხების პირით მიჰმართავს მას ასეთი კითხვით, – „რა საბუთი გაქვთ, რომ თქვენ ჩაგიგდიათ ხელში ამოდენა სიმდიდრე, ამოდენა მინა-ადგილი, საცა ჩვენ ფეხის დასაადგამი არ მოგვეპოვება?“

4) **ადამიანი, რომელსაც კაცური კაცის სახელი ვერ ეწოდებოდა:** „თ-დ ილია ჭავჭავაძეს ჩვენ აქამდისაც ვიცნობდით, თუ რა „კაცურიკაცი“ ბრძანდება ის, რას ემსახურება, რა შეადგენს მის სულისკვეთების საგანს.“

5) **კაცი, რომელიც საკუთარის ნათლობის სახელით მოხსენების ღირსიც არ იყო:** „რახან ილიკოს არა აქვს იმდენი გამბედაობა“, სწერია შავზნელ „მოგზაურში“. – „აი, კიდეც იმ მრავალ ოინთაგანი, რომლითაც ცნობილია ილიკო ჭავჭავაძე“.

6) **უზრდელი:** „ჩვენ დიდი ხანია ვიცოდით, რომ საქართველოს სასიქადულო მწერალს, ან საგურამოს ცნობილ გმირს, ლანძღვა გინებაში, სხვისი პიროვნების გაბიაბურებაში ბადალი არ ჰყავდა.“

7) **ოინბაზი:** „ილიამ ერთხელ კიდევ მისცა საზოგადოებას საშუალება თავის სულიერი ავლადიდების გათვალისწინებისა. პასუხი მისი ბრაზმორეული, მტყუანი კაცის ოინებს უფრო ნააგავს... მაგრამ ეს ხომ „არ ახალია, ძველია“ ილიას ოინბაზობაში... რა ქნას ქანც გამოლეულმა, მტყუანმა ადამიანმა, თუ ოინბაზობას არ მიჰმართა, მით უმეტეს, როცა კაცი შეჩვეულია ასეთ ადვილ ფანდებს... ამით უნდა შეავსოს ყოველივე ნაკლი... და მერე ინდოურივით გაიფუყოს“ – „ილია თავისებურ ოინბაზურად ხსნის საქმეს, რადგან იგი „ზაკონ-კანონის“ კაცია“.

8) **მაბეზლარი და ჯაშუში:** „თ-დმა ჭავჭავაძემ გლეხები დააბეზლა, ჯაშუობა გასნია თავისი ნივთიერი ინტერესების გულისათვის“ – იგი „მართლაც რომ მაბეზლარა თავადი არის“. – „ჩვენ არ გვგონია, (რომ ილიაზე) მეტი ბეზლობა ოდესმე ჩადინოს ბეზლობაში სახელგანთქმულ გრინგმუტს, მეშჩერსკის, კომაროვს და თუგინდ პალმს“. – „ჯაშუშობის როლი მას ზედმინევენიტ აქვს შესწავლილი და შესისხლხორცებული.“ – ილია ჭავჭავაძე „ურცხვად და თავზე ხელაღებულად გვაბეზლებს და ბრალს გვდებს“.

9) **ურცხვი და საზიზლარი:** „თ-დი ილია ჭავჭავაძე გამოდის და დაურცხვენლად ადამიანის ხელშეუხებლობაზე, პიროვნების პატივისცემაზე და სამართლიანობაზე ლაპარაკობს. ის, ვინც ყოველი ფეხის ნაბიჯზე ადამიანის პიროვნებას ფეხქვეშ თელავს და ჯიჯგნის, იმის პირიდან ასეთი სიტყვების წარმოთქმა ყველა პატიოსან ადამიანში მხოლოდ ზიზლს იწვევს.“ – „ნუ თუ ამის შემდეგ ოდნავ მაინც არ უნდა განითლდე?“ – ეკითხებოდა „მოგზაური“ ილიას.

10) **ზნეობრივად მახინჯი:** „ილია ჭავჭავაძის ზნეობრივი სიმახინჯე და აზრით ჩამორჩენა „მოგზაურის“ და მისი კორესპონდენტების ბრალია?“

11) **უსინდისო მესაკუთრე:** ილია „მზადაა კერძო საკუთრების პრინციპს ანაცვალოს ყოველივე, დაჰკარგოს სინდისი, პატიოსნება... თუ გნებავთ ეს ერთნაირი რაინდობაა, მაგრამ რაინდობა დაბალ ხარისხის, რომელსაც მიზნად აქვს თავის პირადი სარგებლობა და სხვისი დაჩაგვრა“.

12) **თვითნება:** „თუ ვინმეა ჩვენში ისეთი, რომელსაც საცხებით განეხორციელებიოს ცხოვრებაში ეს თვითნებობა, ერთი ამათგანი უეჭველად ილია ჭავჭავაძე უნდა იყოს.“

13) **ხალხის გამყვლეფ-გამტყავებელი:** ილია „მთელ თავის სიცოცხლეში იმას ცდილობდა, რომ თავისი ბატონობა განემტკიცე-

ბია, რომ რაც შეიძლება მეტი წილი გლეხის ნაოფლარისა ჩაეგდო ხელში, რისთვისაც იგი გლეხკაცობას ყოველგვარ შევიწროებას აყენებდა, რისთვისაც იგი არაფერს ზოგავდა, ოღონდ კი თავისი მიზანი განეხორციელებია". – „გლეხობა მისთვის კარგი სათალი დუმაა". ილიას „ვერ გაუგია, რომ საღმა კაცმა (ესე იგი ილიამ) თუ სნეულის სახელით ავკაცობა ჩაიდინოს, ესე იგი სნეულს ამოეფაროს და ისე ატყაოს ხალხი, ეს იმ სნეულებაზედაც უარესი სნეულება იქნება. ვინ ატყავებს სნეულის წილ საგურამოელ გლეხებს, თუ არ ილია ჭავჭავაძე?" – „ამიერიდან მკითხველს საქმე ექნება არა ზევით დასახელებულ ნაწარმოებთა ავტორთან, არამედ ქართველ მემამულესთან, რომელსაც მთელი თავისი სიცოცხლე იმისათვის მოუწოდებია, რომ გლეხები ეყვლიფა და ეტყავებია. ჩვენ არ გვგონია, საქართველოს მიწაზე მოიპოვებოდეს მეორე ისეთი სასტიკი მემამულე, რომელსაც ასე უღმობელად მიჰყავდეს ცხოვრებაში გლეხების გაყვლეფის სისტემა".

14) გულქვა და შეუბრალებელი: ნაავადმყოფარმა გლეხმა წყაროდან ორი კოკა წყალი წაიღო. დაედევნა ილიას მოურავი, „ორივე კოკა ზედ გადაამტვრია ნახევრად შიშველ გლეხს. ამ ამბავს ილია ჭავჭავაძე ბალკონიდან უყურებდა 400 მანეთიან ქურქში გახვეული, გულიანად იცინოდა თანაც აქებდა ერთგულ მოურავს, ყოჩაღ მემარნიშვილო, ყოჩაღ, ეგრე სუსხი უნდა მისცე, რომ თავზე არ წაგვასხდნენო. უბედური გლეხი ხელახლა გახდა ავად და ერთ კვირაზე გაათავა მრავალტანჯული და განამებული სიცოცხლე.“

15) ბოროტი: გლეხებმა ილიას შეშა სთხოვეს ტყეში. „ილია შევიდა ხალხის მდგომარეობაში და დათანხმდა მხოლოდ ერთის ახირებულის პირობით. ნებას მოგცემთ გამოიტანოთ საწვავი შეშა, თონის ფიჩხი და იარაღი ურმის მასალად ზურგით და არა ურმით, ხოლო ისიც შორიდან და არა ახლოდანაო“. – ილიას ყოველთვის „ბოლმა აწვება, როცა გლეხებს ესარჩლებიან გაუმაძღარ მემამულეების წინააღმდეგ“.

16) ავაზაკი: „აშკარა საგულისხმოა, რაც გულში უდევს ილიას. სახელდობრ ის, რომ კაცმა შემთხვევით უნდა ისრგებლოსო, ე. ი. ილიას შემთხვევა ეძლევა თავისი ნებართვით და ბილეთით მენახ-შირეებზე გაყიდული ტყე, რომელიც მართლმორწმუნე მაჰმადიანის თავივით გაუშარსნიათ, გლეხებს გადააბრალოს და მკვდარი ცოცხალზე გაჰყიდოს“. – „ილიას გულგასახეთქად და საგურამოს გლეხების სასახელოდ“, ეს უკანასკნელნი თურმე ისე ძლიერ თავდაჭერილად მოქმედობდნენ. „ყარაულობდნენ მემამულეების ქო-

ნებას, რათა პატრონებმა" (და მაშასადამე, მათ შორის ილიამაც) „არ გადაწვან და ჩვენ არ გადმოგვაბრალონო, მაგრამ აქაც გლუხებთან პირადი ანგარიში არ აძლევს ილიას მოსვენებას, მაშ რისი ბანკირია, თუ რწყილს არ გაატყავებს და შემთხვევით არ ისარგებლებს“.

17) უუსასტიკესი ადამიანი, რომელიც მოთხრობების მასალის მოსაპოვებლად სტანჯავდა გლეხებს: „ამრიგად ყველფავენ სათითაოდ ისედაც ტყავგამძვრალ გლეხებს. ასე იქცევა ცხოვრებაში ის ილია ჭავჭავაძე, რომელიც მწერლობაში თავს იწონებს, როგორც გლეხთა გაჭირვებაზე მოსაუბრე და მათი მეგობარი. ან კი რა ექნა და როგორ მოქცეულიყო: „ტემისტვის“ მასალა უნდოდა და ცხოველმყოფელი მწერალი თუ პოეტი ცხოვრებაში ეძებს მასალას. ილიამაც ჯერ ცხოვრებაში განახორციელა და მერე დასწერა ქალღმრთელ გლეხთა გასაჭირი.“

18) შეუწოდებელი დამნაშავე: ილიას „კიდევ შეუძლია თავის ნაწერებში გლეხებს გამოესარჩლოს, დაბეჩავებულ ცხოვრებაზე ცრემლები ღვაროს, თავისუფლებაზე იმღეროს? განა ეს არა არის დაცინვა?“ – „ნუ თუ სანტიმენტალური მოთხრობების დაწერა საკმარისია, რომ მის დამწერს ყოველივე სისაძაგლე ეპატიოს?“

და აკი „არ ეპატია“! აღსრულდა... პეროსტრატემ მიზანს მიაღწია და უკვდავ ჰყო სახელი თვისი!

აი, ამგვარ საზიზღრობას ადასტურებს მახარაძე დღესაც, როცა ამბობს: რაც დავებეჭდე ილია ჭავჭავაძის შესახებ, ყველაფერი ჭეშმარიტება და სიმართლე იყო. და ასევე სიმართლედ დარჩაო. ამგვარ სიფინთეს უწოდებს იგი „იდეურ ბრძოლას“. მთელი ერის წინაშე ღვწლმოსილსა და წარჩინებულ ადამიანს ყოველგვარი სისაძაგლე თავს მოახვია, სახელი გაუტეხა, ღირსება აპყარა, ხალხის მჭამელად და მტრად გამოაცხადა, ჯაშუშობა და ყოველგვარი სიმდაბლე დასწამა, მთელი ქვეყნის უდიდეს ბოროტებად დაჰსახა, და მერე-როდის? იმ დროს, სწორედ იმ ხანაში, როცა ამ მანიაკს ბრბოზე განუზომელი ძალა და გავლენა ჰქონდა, როცა ეს ბრბო მას საერთო ბედნიერების მოციქულად რაცხდა, როცა მის სიტყვას, – საუბედუროდ, ოო, ჩვენდა საუბედუროდ! – ბევრ საბრალო კაცის თვალში ფასი ედვა და გასავალი ჰქონდა. და ბოლოს, მართლაც აღმოჩნდა ისეთი ბედკრული არსება, რომელმაც ფრიად მარტივის ლოლიკით სიტყვას საქმე შეუფარდა: რომელმაც ბოროტი სულის სიტყვა დაიჯერა, „მოძღვრება“ შეითვისა, ხალხის მხსნელობა იკისრა და გადასწყვიტა ეხსნა ქვეყანა ილია ჭავჭავაძისა-

გან, რომელსაც „მოციქული“ ისეთ აუტანელ ბოროტებად სთვლიდა ხალხისათვის, რომ დანაშაული არ უნდა ჰპატიებოდა. და აი, გავარდა კიდევ თოფი და გადმოინთხა ტვინი, ის ტვინი, რომლის ნააზრმა და ნამუშევარმა მთელს წერა-კითხვის მცოდნე საქართველოში მარტოდ-მარტო ფ. მახარაძეს, ამ ბუნებით ბოროტებად გაჩენილ არსებას, ვერა შესძინა რა გონებისა და სულის ასამაღლებლად.

და ამის შემდეგ ეს მინის დამამძიმებელი ჰერასტრატე კიდევ ჰბედავს ჩვენსკენ სიბინძურე გადმოისროლოს! რად არ დაიცავითო. ვერ დავიცავით! ვერ შევეცადეთ იმდენად, რამდენადაც, თურმე საჭირო იყო. ეს ჩვენი სიგლახე და დანაშაული არის. მაგრამ ამით შენ რა, უკვდავო ბოროტებავ! განა ამით შენი დანაშაული მცირდება და შენს სულს შვება მიეცემა?

არა, ეს ფუჭი იმედია. შვებას ვერ იგრძნობ, ვიდრე ცოცხალ ხარ! ხოლო ცოცხალი იქნები მუდამ, ვინაიდან შენისთანა ბოროტება უკვდავ არს!”

ილიას მკვლელობიდან 6 წლის შემდეგ ფილიპე მახარაძის ძველ ჰანგზე ამღერებამ ბევრი ალაშფოთა, მათ შორის ეკატერინე გაბაშვილის შვილი, ცნობილი ეროვნულ-დემოკრატი რევაზ გაბაშვილი.

გარდა მახარაძისა, ამ პერიოდისათვის ილიას პიროვნებასა და შემოქმედებაზე წერს პეტრე გელეიშვილი. ეს გელეიშვილი მენშევიკი იყო, მერმე ბოლშევიკი გახდება. ის თითქოს აფასებს ილიას, როგორც შემოქმედს, მაგრამ პიროვნებას მიიჩნევს როგორც რეაქციონერს. გელეიშვილი ქუთაისში ერთი-ორჯერ მიტყუპეს კიდევ, ილიაზე პირმორღვეული ლექციებისათვის.

იაკობ ფანცხავას დაუწერია, „აჩრდილში „შრომის სუფევას უმღერს ილია, ანუ ილიას შემოქმედებაში სოციალიზმის ნიშნები არისო. ამას გელეიშვილი აღუშფოთებია. მათ შორის კამათი თითქოს ამ უწყინარ თეორიულ საკითხზე ატყდა, მაგრამ გელეიშვილს კამათში უნებლიედ წასცდა ის, რომ თუ ახალი თაობის იდეებს, ანუ სოციალიზმის იდეებს არ იზიარებდა კაცი, დატირების ღირსიც არ ყოფილა. თუმცა, სასურველია მკითხველი თვით ამ წერილებს იცნობდეს. ბოლშევიკ ფილიპესა და იმდროისათვის მენშევიკ გელეიშვილის საპასუხოდ დაწერილ წერილებს (იაკობ ფანცხავას წერი-

ლიდან მხოლოდ პირველ ნაწილს ვებეჭდავთ, რადგან მე-2 ნაწილი ჩვენი თემისთვის საინტერესო არ არის).

რევაზ გაბაშვილი:

ილია ჭავჭავაძე და ფ. მახარაძე

*„სახელოვანი არ გვყავს პატროკლე,
საზიზღარი კი თერსიტი მინაზედ დაიარება“.*

„ილიადა“

ფილიპე მახარაძეს და მის ზნე-დაცემულ კომპანიას კიდევ ერთხელ მოუსურვებიათ გამომზეურება თავისი პილნი გულისა და ახლა მიუმართავთ ორიგინალურ საშუალებისათვის – შეცდომაში შეჰყავთ გულუბრყვილო, შეუგნებელი ხალხი, რომელიც ბრმად აპყვება ხოლმე თავის გალალეზულ ბელადებს და ანერინებენ პროტესტებს. რასაკვირველია, სოცდემოკრატიული ბელადები დაჩვეულნი არიან დემაგოგიურ სიყალბეს, რადგან ხელობათა აქვთ გადაქცული ხალხის გაბრიყვება იქ, სადაც სიმართლით ვერას ხდებიან, მაგრამ ძნელი წარმოსადგენია, რომ მოკლული მგოსანი, რომელიც მსხვერპლად შეენირა ფ. მახარაძისთანა ხალხის უვიცობას – დღესაც არ პოულობდეს მოსვენებას საფლავში.

ჯერ იმ შავბნელ დროს, როდესაც მთელი ერი აღშფოთებული იყო უმაგალითო, უმზგავს მკვლევლობით, როდესაც მთელ საქართველოს ბინდი გადევრა და გული დათუთქული ჰქონდა – გონება ვერ ურიგდებოდა იმ შემზარავ გარემოებას, რომ მოიპოვებოდნენ ისეთი პირები, ჯგუფები, რომელნიც ამართლებდნენ, ან უსიტყვოდ ურიგდებოდნენ ამ მკვლევლობას. ჯერ მაშინვე გაისმოდა ხმები, რომ ეს პარტიული მკვლევლობა იყო, მაგრამ არც ერთი შეგნებულ ადამიანს არა სჯეროდა ასეთი უხამსი ბრალდება მთელი პარტიისა და მაშინვე ცხადი იყო მხოლოდ, რომ შეუგნებელი ნაწილი ამ პარტიისა, ერთი ჯგუფი მისი, იზიარებდა ამ მკვლევლობის ბრალსა. ეს ისეთი მეხის დატეხა იყო მაშინ, რომ შესაძლებელია, ბევრმა გადააჭარბა კიდევ თავის სიფიცხეში; მაგრამ როდესაც დღეს, შვიდი წლის შემდეგ, ფ. მახარაძე და მისი ამქარი იმეორებს იმავე ცილისწამებას ილია ჭავჭავაძის წინააღმდეგ, როდესაც დღესაც თითქმის ამართლებენ ამ საზიზღარ მკვლევლობას – ჩვენ იძულებულნი ვართ ვიფიქროთ, რომ შექმ-

ნელნი ილიას მკვლელობი იდეისა და დამბადებელნი – სწორედ ს. – დ. იყვნენ.

რალა თქმა უნდა, ილია ჭავჭავაძე, როგორც კერძო საკუთრების პრინციპის მომხრე და მემამულე, დაიცავდა თავის მამულს, გაუმკლავდებდა იმ აზრის გამარჯვებას, რომელიც წინააღმდეგი იყო მისი შემეცნებისა, მაგრამ ჯერ არავის არსად დაუმტკიცებია, რომ ამ თავდაცვაში მას რაიმე სისასტიკე ჩაედინოს ან გლეხების დარბევა მოენადინებინოს. ცილისწამება სწორედ ამაში არის და ფ. მახარაძის დაბეჭდილი კორესპონდენცია, საცა მას ავაზაკად გამოჰყავდა იდეური დამცველი კერძო საკუთრებისა – სწორედ ის სტიმული იყო, რომელმაც მოაკვლევინა დიდი ილია.

არც ერთი ადამიანი არ არის უნაკლო. დიდბუნებროვან ადამიანთ ხშირად დიდი ნაკლებიცა აქვთ, მაგრამ მათი დასჯასიკვდილით არამცთუ ისეთივე უაზრო, მხეცური საქციელია, როგორც ყოველ უბრალო ადამიანისა, არამედ ერთი-ათად მეტი. ადამიანს უფლება არა აქვს შეგნებული, პრინციპიალური მოწინააღმდეგე დასაჯოს სიკვდილით რწმუნებისათვის და ამისათვის იბრძვის მთელი კაცობრიობა, მთელი ქვეყნის დემოკრატია, როცა მოითხოვს სიკვდილით დასჯის მოსპობას, – და რა იყო, თუ არ სიკვდილით დასჯა, ილიას მკვლელობა? არა, ეს დასჯა იყო, სიკვდილით დასჯა და აი რაში აქვს ბრალი ფ. მახარაძეს. იმ დროს, როცა ადამიანის სიცოცხლე გრომად ფასობდა, როდესაც კერძო საკუთრების ყველა მომხრე, იდეური თუ ანგარებითი, დამნაშავედ ითვლებოდა სოციალისტურ წრეებში გამოდგა მახარაძე და ამტკიცებდა, რომ ილია ჭავჭავაძე არა მარტო პრინციპიალური მომხრეა კერძო საკუთრებისა, არამედ სასტიკი, ბოროტი მისი დამცველი, ჯაშუში და ავაზაკი. რალა თქმა უნდა, რომ შეუგნებელ ადამიანისათვის ეს საკმარისი წასაქეზებელი მიზეზია მკვლელობისათვის და ნამეტნავად იმ დროს, როცა მემამულის მოკვლა სიყოჩაღეთ ითვლებოდა. და იმის დასამტკიცებლად, რომ ეს მკვლელობა უბრალო კი არ იყო, არამედ შეგნებულად მომზადებული და „პოლიტიკური“ ხასიათისა, რომ იგი დასჯა იყო იდეური მოწინააღმდეგისა – ისიც კმარა, რომ მკვლელები „შენუხებული“ გლეხები კი არ იყვნენ, არამედ ვილაც სხვა, გარეშე წრეებიდან გამოსულნი. და მათი იდეური სულის ჩამდგმელი იყო ფ. მახარაძე.

ჩვენ იმასაც კი ვერ ვიტყვით, რომ ფ. მახარაძე შეუგნებელი დამნაშავეა, რადგან იმდენი ჭკუა თუ ჰქონდა მაშინ, რომ შეუგნებელ ბრბოს ხელმძღვანელობდა, ისიც კარგა უნდა ჰქონოდა გათ-

ვალისწინებული, თუ ისეთს მზაკერულს ბრალდებას რა შედეგი შეიძლებოდა მოჰყოლოდა. გარდა ამისა, განა ეხლანდელი განმეორება ცილისწამებისა, არ ამტკიცებს იმას, რომ ისინი დღესაც იმ აზრისანი არიან, რომ ილია სამართლიანად მოჰკლეს, მის მიერ ჩანადენ (?) დანაშაულისათვის? განა ის, ჭკუას და აზრს მოკლებული პროტესტები, რომლებსაც აწერიებენ ვილაც გაქსუებულ მუშებს, არ ამტკიცებენ, რომ დღესაც მოიკვლებოდა ილია, რომ ამ მკვლელობის განმეორება შეიძლებოდა? განა ისინი, ვინც მკვდარს არ ასვენებენ საფლავში, შესდგებოდნენ: შენ, მართალია, ადამიანური ნაკლები გაქვს, მაგრამ მაინც პატივსა გცემთ, როგორც ღირსეულს?

არა, ისინი დღესაც გაუგმირავდნენ მას გულსა, რადგან ფანატიკოსური შემეცნება, რომელიც მით უმეტესად იპყრობს ადამიანს, რაც უფრო დაბალ საფეხურებზედა სდგას იგი განვითარებისა და შეგნებისა, – დღესაც უკარნახებს: არავითარ საშუალებას არ მოერიდო შენი მიზნის მისაღწევად. და როდესაც ნამდვილი, ევროპული დემოკრატია მუხლს მოიდრეკდა დიდი მგოსნის წინაშე და ეტყოდა: მირონცხებულო, ნაკლნი შენნი ჰქრებიან შენის შარავანდედის ბრწყინვალეებაში, ჩვენებური შეუგნებელი, გაბოროტებული და მარტო შურით აღჭურვილი „მუშათა პარტია“ (აფსუსს სახელო) ეუბნება მუშას: წერიმალნი მიზნისათვისაც კი არ დაინდო დიდებული ადამიანი. ეგრეც უნდა იყვეს: იდეა, სამუშაო იარაღსა ჰგავს – ჭკვიანის ხელში ხმარდება სასარგებლო საქმეს და ბრიყვნი ხელ-ფეხს წარიკვეთენ, ან სხვას დაასახიჩრებენ.

სხვასთან ერთად ჩვენც ვაცხადებთ ჩვენს გმობას და ზიზლსა იმ პირებისადმი, რომელნიც ილია ჭავჭავაძის წმინდა სისხლსაც არ ინდობენ და თავიანთ პოლიტიკური მლიქვნელობის იარაღადა ჰქმნიან.

ჟურნალი „კლდე“
№629, 1913წ.

იაკობ ფანცხავა:

იქულაბითი განმარტება

ამ დღეებში გამოვიდა ბ-ნი პ. გელეიშვილის წიგნაკი: „ილია ჭავჭავაძე, როგორც პოეტი და პუბლიცისტი“. ეს წიგნაკი, თურმე, ის ლექცია არის, რომლის წაკითხვება ბ-მა პ. გელეიშვილმა

ვერ მოახერხა. ამ გარემოებამ წამახალისა და ეს წიგნაკი გამოსვლისთანავე პირწმინდათ თავიდან ბოლომდე წაეკითხე. როდის შევეხები ამ წიგნაკში გატარებულ იმ აზრებს, რომელნიც ბ. პ. გელეიშვილს სადღაც საეჭვო ადგილზე აუკრეფია. დარწმუნებული ვარ, ჩვენი ჟურნალ-გაზეთობა ამ უხემ აზრებს შესაფერ ფასს დასდებს. აღვნიშნავ მხოლოდ ამ წიგნაკის იმ ადგილს, რომელიც პირდაპირ მე შემეხება, თუმცა ბ. პ. გელეიშვილს როდის უნებებია, ან ჩემი სახელი და გვარი დაესახელებიოს, ან ის ჩემი წერილი მოეხსენებიოს, რომელშიც ილ.ჭავჭავაძე დავახასიათე ისეთ პოეტად, რომელმაც ჩვენს ლიტერატურაში პირველმა იქდაგა სოციალისტური აზრი. უეჭველია, ეს ბ. პ. გელეიშვილს შემთხვევით, ან უცაბედად როდის მოუვიდოდა: იგი განგებ უმაღლავს მკითხველს ჩემ წერილს, რომ მკითხველმა იმ ჩემ წერილს ვერ მიაგნოს და ჯაჭვის რგოლებივით გადაბმული მთელი ჩემი არგუმენტაცია ვერ გაითვალისწინოს.

ეს კი ბ. პ. გელეიშვილისათვის ორგზით არის სასარგებლო: ერთი ის, რომ მკითხველს არ ეცოდინება, თუ რა ვთქვი მე. ამიტომ მას არც შეეძლება ჩემი აზრის მიღება: მეორეც ისა, რომ ბ. პ. გელეიშვილს ასეთ პირობაში ძალიან უადვილდება დამწამოს ის, რაც არც მითქვამს, არც ფიქრად გამივლია, გადაამახინჯოს ჩემი აზრი და, ამნაირად, მკითხველს თვისი აზრი მართალ აზრად მოაჩვენოს, მე-კი რაღაც თვალთმაქც ჯამბაზათ დამასახოს. ეს ორივეგვარი ხერხი დამახასიათებელია თვით ბ. პ. გელეიშვილის. მაგრამ ასეთი მისი და მისებრი მწერლების ოინი მე კალამს ვერ ამაღლებებდა.

ამ იძულებითი განმარტების დაწერა მაიძულა იმ გარემოებამ, რომ ბ-ნი პ. გელეიშვილი წარბის შეუხრელად მწამებს, ვითომც პოეტის მკვლელობაზე უმეტესი ბოროტება ჩამედინოს... ეს კი, დამეთანხმებით, დიდი და ძნელი ბრალდებაა. ამიტომ მეც, რა ჯანი მაქვს, შესაფერი განმარტება უნდა მივცე მკითხველ საზოგადოებას, და არა ბ. პ. გელეიშვილს.

ჯერ, ნება მიბოძეთ, თვით ბ. პ. გელეიშვილის პირით და ენით გამოვთქვა ეს დიდი ბრალდება. ბ-ნი პ. გელეიშვილი წერს:

„მაგრამ არა გვგონია, რომ ისტორიამ აპატიოს ბრძოლის ველიდან გაქცეულ ილიას მოწაფეებს ის, რომ მათ თვით ილიას ცხედარს გაუბედეს სოციალიზმის წითელი დროშის გადაფარება... ჩვენ მოგახსენებთ იმაზე, რომ ილია მისი სიკვდილის დღეებშივე მისმა ვითომდა მოწაფეებმა სოციალისტად გამოაცხადეს. მათ დაუწყეს ილიას კუბოსთან თავმოყრილ ხალხს მტკიცება: – ილი-

ამ ჩვენში პირველმა იქადაგა „შრომის სუფევა“, ის სოციალისტი იყო.

მაშ ვის დაჭირდა ეს ილიას დამამცირებელი მასკარადი?

ეტყობა, ეს საჭირო ყოფილა თვითონ ილიას მონაფეთათვის, რომელთაც იმ გამოცვლილ დროში ეშინოდათ – ილიაზე ტირილი ახალ მოძრაობას ლალატით არავინ ჩამოგვართვასო და თვითონ ილია მორთეს სოციალისტის სამოსელში.

სწორეთ ეს იყო მიზეზი, რომ ტრალიკულათ დაღუპულ ილიას დროშა-ალამი სადღაც მიმალეს და მისი ჯერ კიდევ გაუცვივებელ გვამს წითელი დროშა გადააფარეს.

ჩვენის გულითადის რწმენით ეს ისეთივე ბოროტება იყო, როგორც პოეტის მკვლელობა.

არა, ეს კიდევ მეტიც იყო... გამხეცებელმა ადამიანმა მოკლა პოეტი; მაგრამ ილიას სახელს ამით არაფერი (არ) დაკლებია. სრულიათ პირიქით. ილია უფრო გადიდა ამ ტრალიკულმა სიკვდილმა, უფრო გააღრმავა იგი ჩამომავლობის ხსოვნისაში.

შვილებმა კი დაამდაბლეს და დაამცირეს დიდებული მამა, მათ თითქოს იუკადრისეს ილიას ძველებური ქართული ქულაჯა, სოციალიზმის სასიძო სამოსელით მორთეს იგი და მით ისტორიის წინაშე მიუტყვევებელი ცოდვა ჩაიდინეს”...

მე განგებ ამოვწერე ასე ვრცლათ ბ-ნი პ. გელეიშვილის ჩემზე გამოლაშქრება, რომ მკითხველმა თავიდან გაითვალისწინოს, თუ რა ბოროტი ბრალდებაა ეს ბრალდება, პ. გელეიშვილის მიერ ჩემდამი წამოყენებული. გარდა ამისა, თვით პ. გელეიშვილი და მისიანები ველარ გაბედავენ თქვან, რომ მე, ან რამე დამეფაროს, დამემალოს, ან გადამესხვაფერებიოს პ. გელეიშვილის აზრებსა და სიტყვებში. ახლა კი მკითხველს ვთხოვ, ყურადღებით მომისმინოს, რადგან დამეთანხმებით, ბ-ნი პ. გელეიშვილი დიდ დანაშაულობასა მნამებს და დიდათ ბოროტ ადამიანათ მსახავს. ამასთანავე ვთხოვ მკითხველს, კვლავ განსაკუთრებული ყურადღება მიაქციოს ჩემ მიერ ხაზ-გასმულ გელეიშვილის ფრაზებს და სიტყვებს.

ბ-ნი პ. გელეიშვილს ბრაზი მოდის და ვერ გაუგია, როგორც გაბედეს ილიას ცხედარს „ვითომდა მონაფეებმა“ სოციალიზმის წითელი დროშის გადაფარებაო. ამის პირველი ჩემი გადაჭრილი პასუხი ის არის, რომ მტკიცეთ აღვიარებ, არას დროს ილია ჭავჭავაძის მონაფეთ არ ვყოფილვარ. ამას იმიტომ კი არ ვამბობ, მეთაკილებოდეს, ან მცხვენოდეს ილია ჭავჭავაძის მონაფეობა. სრულიათაც არა, ამას იმიტომ ვამბობ, რომ ეს უტყუარი ფაქტია

და, ჩემდა სამწუხაროთ, ჩემ სოფლმხედველობასა და აზოვნებაში სრულებით. არავითარი სხივფინარე აზრი. მოსაზრება და არგუმენტი არ შეუტანია არც ერთს ქართველ მწერალს. ეს სამწუხარო იმიტომ უფრო არის, რომ დარწმუნებული ვარ, სხვებსაც ასე ემართებათ. სწორეთ ეს იმ გარემოების უტყუარი აღმნიშვნელია, რომ ჩვენი მწერლობა ძალიან სუსტი იყო და არის, რომ ადამიანის, ფიქრისა და აზროვნების მიმდევარს, ეს წყურვილი ცოდნისა, ეს მხურვალე სურვილი მთელი სოფლმხედველობის შექმნისა დაუკმაყოფილოს. ამიტომ ქართველი ახალგაზდა იძულებულია, აღეძვრება მას სურვილი ცოდნისა და აზროვნებისა თუ არა, ღრმად დაენაფოს რუსულსა და უცხოურ მწერლობას და მხოლოდ იქ პოვოს თვისი გონებისა და ნიჭის შესაფერი საზრდო. აი, ამ მიზეზისა გამო, მეც ასე მოვიქეცი და, როცა ნადილი და წყურვილი დამებადა, გამეგო დიადო ბუნების საიდუმლოებანი, გამერკვია ადამიანის ყოფა-ვითარება და გამეთვალინინებია საზოგადოებათა რთული დამოკიდებულება ისტორიის ცვალებადი მსვლელობა, – მეც ქართულ მწერლობაში ვერაფერი ვიპოვე და რუსულ მწერლობას და უცხოელ მწერლებს მივმართე, მათ დავენაფე. მხოლოდ ამის შემდეგ დავუბრუნდი ქართულ მწერლობას და მას აქით ეს მწერლობა ჩემთვის მასალას წარმოადგენს, რომელსაც ჩემი შეხედულებისა და ნიჭის მიხედვით ამათუ იმ ადგილს მივაკუთნებ ხოლმე. აქ, მაშასადამე, მონაფეობაზე ის დაინყებს ლაპარაკს, ვინც არც კი იცის, თუ რა არის მონაფეობა, ვინს არც იძიებს, ვინა ხარ შენ, რა აზრისა და შეხედულებისა ხარ, არამედ ზერელე მაცქერალივით, ვით ეს შეფერის ზანტი გონებისა და ჩლუნგი აზროვნების პირს, ერთ ტომარში უკრავს ხოლმე თავს ყველას, ბრალიანსა და უბრალს.

გარდა ამისა, რათ დასჭირდა ბ. პ. გელეიშვილს, რომ ჩემი აზრი ილ.ჭავჭავაძის პოეზიის ხასიათის შესახებ ასე გააფართოვა, ასე გაასაზოგადოვა? ილიაზე ჩემი აზრი მხოლოდ. ჩემი საკუთარი აზრია, და არც არავინ ჯერ-ჯერობით იზიარებს ამ ჩემ აზრს, რამდენათაც ეს ჩვენი ჟურნალ-გაზეთებიდან ჩანს. არც ერთი მომართულების ჩვენი გაზეთი ამ ჩემ აზრს მხარს არ უჭერს. გაზ. „ჩვენმა ერმა“ ამ წლის მაისი ნუმრებში რამდენჯერმე საქვეყნოთ აღიარა, რომ ეს ჩემი აზრი სიმართლეს არ შეეფერებაო. გაზ. „იმერეთმა“ ბ. ამირაჯიბის პირით ხომ აბსურდათ გამოცხადა ეს ჩემი აზრი. დასელების გაზეთებზე ხომ მეტია ლაპარაკი. ამას თვით პ. გელეიშვილის ზემო აღნიშნული სიტყვებიც ადასტურებს. მაშ რომელმა ლა მონაფეებმა ჩაიღინეს ეს დიდი დანაშაული, პოეტის

მკვლევლობაზე უაღრესი? ასეთი მონაფენი არც ყოფილან, არც არსად არიან. ეს მხოლოდ პ. გელეიშვილის მოსაზრების გამოწვევითი საპნის ბუშტებია. ეს აზრი ილიაზე მხოლოდ ჩემი საკუთარი აზრია, ამიტომ მე ვარ სრული პასუხის მგებელიც. არც მეტი, არც ნაკლები. მაშასადამე, ფაქტიურად დამტკიცებულათ უნდა ჩაითვალოს, რომ პ. გელეიშვილის დებულება – ილიას გაუბედეს მისმა ყოფილმა მონაფეებმა სოციალიზმის წითელი დროშის გადაფარება – თალლითი აზრია. არავის ჩემს მეტს ილიასთვის ეს არ გაუბედნია. ჩემი აზრის განსაზოგადოება კი პ. გელეიშვილს არ შეეძლო და მას ამის უფლებას ჩვენი მწერლობა არ აძლევდა. მაშასადანე, აქ პ. გელეიშვილი დიდ უკულტურობასა და თალლითობას ჩადის.

მკითხველმა, უჭყველია, უჩემოთაც ყურადღება მიაქცია პ. გელეიშვილის შემდეგ ამაშფოთებელ სიტყვებს, ვითომც ვისმესთვის საჭირო იყო ილიას სოციალიზმის სამოსელში გამოხვევა იმიტომ, რომ „იმ გამოცვლილ დროში ეშინოდათ – ილიაზე ტირილი ახალი მოძრაობის ღალატათ არავინ ჩაგვითვალოსო“. ამის არა თუ საქვეყნოთ გამოთქმა, გულში გატარებაც კი სასირცხო უნდა იყოს ყოველი პატიოსანი და გულწრფელი ადამიანისათვის. მართლაც. თალლითი სულის პატრონის მეტს სხვა ვისმე განა შეუძლია ესა თქვას? არა თუ ილიასთანა ადამიანის, არამედ ბევრის. ათას საფეხურათ იმაზე ქვევით მდგარის ადამიანის დატირება განა არ შეიძლება სრულიათ გულწრფელათ და გულ-ახდილათ? აქ რა საჭირო იყო რაიმე სხვა გარეშე გარემოების მომიზეზება?!

ილია, თვისი ნიჭისა და შეხედულების მიხედვით, სრულებით გულწრფელათ და ალალ-მართლათ ემსახურა ორმოცდა ათი წელიწადი თვის საზოგადოებასა და მთელ ქართველობასაც. ესევე ილია ტრალიკულათ იქნა მოკლული. განა ეს ორი გარემოება საკმარისი არ იყო, რომ მთელ ქართველ საზოგადოებას სრულებით გულწრფელათ დაეტირება ეს დიდი ადამიანი? ქართველობა მართლაც ასე მოიქცა. არც შეეძლო სხვაგვარათ მოქცეულიყო იგი, რადგან, წინააღმდეგ შემთხვევაში, ქართველობა ქვეყანაზე აღარ იქნებოდა, რასაც ასე დაჟინებით გაიძახის ეს ამდენი ხანია, პ. გელეიშვილი. მაგრამ სწორეთ ილიას ამ გულწრფელი დატირებით ქართველობამ ამკარათ ღალადჰყო, რომ დღემდე იგი, ქართველობა, არ მომკვდარა. სწორეთ ეს გარემოებაა თავი მიზეზი, რომელიც ბრაზსა გვრის პ. გელეიშვილს. სწორეთ ამიტომაც ეს მწერალი აშფოთებას გამოთქვამს იმაზე, ვინც კი ილია მართლა გულწრ-

ფელათ დაიტირა... ამიტომ მეც სრულებით გულწრფელათვე შემეძლო ცრემლი დამელვარა დიადი ადამიანის საფლავზე და არც მჭირდებოდა სხვა რაიმე, ჩემთვისა და სხვისთვის მოსატყუებელი მიზეზი გამომეგონებია, სიცრუე და სიყალბე ჩამედინა. არც შეეხამება, არც შეეფერება ასეთი სიყალბე და სიცრუე ჩემ ხასიათს, ჩემ ბუნებას. ასეთი სიყალბის, ასეთი სიცრუის ჩადენას სხვს ის დასწამებს, ვისი გული და სული მხოლოდ თვალთმაქცობასა და თაღლითობაში არის გავარჯიშებული. ზემომოყვანილ სიტყვებით პ. გელეიშვილი ამკარათ ამბობს, მაგრამ თვისი შეუგნებლობისა გამო – ამას ვერ ამჩნევს, – რომ ილიას დატირება ახალი მოძრაობის დაღატათ ყოფილა მიჩნეული ვილაცის მიერ... ამას ახლა განმარტება როდი უნდა. მაგრამ აქ უნებლიეთ ქართული ანდაზა მაგონდება: ჩემმა ენამ ტიკტიკამო, ყბაში ძლიერ მიტიკაო. და აქ პ. გელეიშვილმა არა თუ თვის თავს ძალიან-ძალიანი სტიკა, არამედ ამავე დროს მან თვისიანებს გვარიანი მათრახი გააწნა... (ყურნ. „განთიადი“ №1, გვ.20-26)

●
მიუხედავად იმისა, რომ ამ დროისათვის მენშევიკებისა და ბოლშევიკების პარტია მთელს იმპერიაში დანასისხლად იყვნენ წაკიდებულნი, ნოე ყორდანიამ ფილიპე მახარაძე მარტო არ დატოვა ეროვნულ ძალებთან ბრძოლაში. მომავალი დამოუკიდებელი საქართველოს პრეზიდენტი 1913 წელსაც აი, რა წერილს წერს ილიას შესახებ.

ნოე ყორდანია:

შურნალისტის შინიშვნები

„ინტელიგენცია პრაქტიკული ხალხი არ არისო – იტყვიან ხოლმე. ეს სწორეთ არ ითქმის ფედერალისტებზე. პირიქით, ისინი ყოველივე საქმეს ბაჯალლო ოქროს გამოადენენ. ამ მიზნით ცოცხალთ რომ ამუშავებენ და აამუშავებენ, ეს დიდი არაფერია, აი საქმე კადრების ამუშავებაშია და ეს თილისმა დიდათ ეხერხებათ ფედერალისტებს. განსაკუთრებით სარფიანი შეიქნა მათთვის განსვენებული ილია ჭავჭავაძე. საკმარისია რომელიმე „ჯიბე ცარიელ–გოგრა ცარიელი“ ამ მის ცხედარს ამოეფაროს, რომ

ბაჯალლო ოქროები მისკენ სეტყვასავით წამოვიდეს. ამის ალლო ფედერალისტებმა კარგა ხანია აიღეს და მით ფართეთ სარგებლობენ. მათი წლებიანდელი ჭავჭავაძის კამპანია დასრულდა ქუთაისის ბანკის ალებით. ჯერ კიდევ ბევრი ასეთი გამოსარჩენი სიმაგრეები აქვთ ასალები და მაშასადამე კიდევ დიდხანს დასჭირდებათ ილიას დახმარება.

აი, ასეთი პრაქტიკული ხალხია ფედერალისტები! მართალია აქ მათ დიდი ორიგინალობა არ გამოუჩენიათ, აქ მათ ნაბაძეს ერთი ჯურის ხალხს, რომელიც ვინმე თავისიანს ჯერ წმინდანათ გამოაცხადებს და მერე მისი სახელით სკივრებს ივსებს, მარა კაი ნაბაძვა ნიჭის უტყუარი საბუთია. ხანდახან წამბაძველი ნაბაძულზე უფრო შორსაც მიდის და ამ ხელობაში რაიმე თავისი ნვლილიც შეაქვს. ჩვენი ფედერალისტები აქაც გამოირჩევიან ყველა ქვეყნის მოღვაწეებისაგან. ეს პირველი საერო პარტიაა, რომელმაც ნაბაძა სასულიეროს (!) და თავისი საკუთარი წმინდანი წამოაყენა. თქვენ შეგიძლიათ თავისუფლათ შეეხოთ ვისაც გსურთ, კრიტიკის ქარცეცხლში გაატაროთ მაგ. რუსთაველი, ბარათაშვილი, აკაკი, პუშკინი, ლერმონტოვი, ტოლსტოი, შექსპირი, გიოტე – ყველა შინაური და გარეშე დიდებული მოღვაწენი. ამის უფლება არ გაქვთ მხოლოდ ერთი მოღვაწის შესახებ – ეს არის ილია ჭავჭავაძე. ის ხელშეუხებელი, ის მხოლოდ სათაყვანებლათ და პირჯურის საწერათ არის კაი ხანია გამოცხადებული ფედერალისტების მიერ. ილიას ნაკლულევანება არა ქონდა რა, ის უპირველესი პოეტია, უპირველესი პუბლიცისტია, უმნიველო მემამულეა, ერთი სიტყვით მზესავით ნათელი და სპეტაკია. მისი კანონიზაცია უკვე მოხდა, ილიას ხატი უკვე დაინერა, მისი ხატობა ხშირათ იმართება და კიდევ დიდხანს გაიმართება, ვინაიდან ეს ერთობ დიდი შემოსავლიანი საქმე შეიქნა.

რელიგია ჩვენ კაი ხანია კერძო საქმეთ გვაქვს გამოცხადებული და ამიტომ არც ფედერალისტების ხატობას შევეხებოდით, რომ ილიას ხატის ძვრა ყოველ წელიწადს საზიზლარი მანჭვა-გრეხით და აღვირნახსნილი ყბედობით არ იწყებოდეს და თავდებოდეს. ოქტომბრის დღეებში შავრაზმელები წინ ხატებს წაიმძღვარებდენ და მათი დროშების სახელით გამვლელ-გამომვლელთ ლანძღავდენ და ტყებდენ. მარა ეს ერთხელ მოხდა განსაკუთრებულ ისტორიულ პირობებში. ხოლო ფედერალისტები კი ამასვე ჩადიან ყოველ წელიწადს. გამართავენ თავის ხატობას და მოგვდგებიან ჩვენ, ე.ი. ყველა იმათ, რომელნიც ამ ხატობაში მონაწილეობას არ ვიღებთ

და მაყურებელთა რაზმს შევადგენთ და როგორც მაშინ ყველაზე უფრო მყვირალა შავრაზმელთ აჯილდოვებდენ, ისე დღეს ყველაზე უფრო მაგინებელ ფედერალისტს აჯილდოებენ. საპაგრომო ძალა ამით არ შესწევთ, თუმცა ასეთი სურვილი მათგან არა ერთხელ გვსმენია, სამაგიეროთ ენაზე რაც მოადგებათ – გვიმასპინძლებიან.

და აი, როცა დღეს ამ საზიზლარ იერიშს ყურადღება მიაქცია მუშახალხმა, როცა მისი პროტესტი გაისმა გაზეთების ფურცლებზე, როცა ხმა ერისა მოისმა, ფედერალისტებიც დაფრთხენ და გადაწყვიტეს ორლობეში გაძრომა. ახლა „სახალხო გაზეთი“ წერს, რომ ისინი ბრალათ გვდებენ მხოლოდ ილიასთან პოლემიკაში მის უდიერათ მოხსენებას და არა სხვა რამეს (№945). ასე სურთ ახლა გადააფუჩეჩონ თავისი ექვსი წლის დემაგოგია, ილიას მკვლელობის გარშემო ატეხილი. ვინ სურთ ამით მოატყუონ? ვის არ ახსოვს მათი განგაში, ილია ს.დ-ბმა მოკლეს, ილიას მოკვლის ნიადაგი „ერთმა მიმართულეზამ“ მოამზადაო, „მოგზაურის“ კორესპონდენციამ, გამოიწვიაო – ერთი სიტყვით ლიტერატურაში ატეხილმა კამათმა დაბადა ეს საზიზლარი დანაშაულობაო! ახლა? ახლა კი ფიქრობენ ეს ნაფურთხი ალოკონ და წყლიდან მშრალი ამოვიდენ. ეს მათი ქცევა მათვე ჰგავს, მარა ერთობ გვიანდაა, ძნელია მათი გასვლა იმ ღრმა ფონიდან, სადაც კაი ხანია მოემწყვდენ და საიდანაც ჯერ არავინ გასულა.

რაც შეეხება პოლემიკის ტონს, რისგანაც ახლა „სახალხოელნი“ საბრალმდებლო ოქმს ადგენენ, უნდა ვთქვათ – ასეთი ოქმი რამდენიც გასურთ იმდენი დაინერება თვით ილიას წინააღმდეგ. არავინ ისე უდიერათ არ ეპყრობოდა მოპირდაპირეს, როგორც ის და რომ ყველა მისი „ლამაზი“ სიტყვები ამოვწეროთ მთელი ტომიც კი გამოვა. მარტო ივანე მაჩაბლის შესახებ ატეხილი კამათი საკმარისია ილიას „ტონისძ დასახასიათებლათ.

ჩვენ ამდენ ხანს ილიას შესახებ გაჩუმებული ვიყავით, მის წმინდანათ გამოცხადებას შორიდან ვუცქეროდით; ახლა ცხადია, რომ ეს ვერ შეიღირსიეს (!) ილიას ჭირისუფლებმა, მათ მადა თანდათან გაუდიდდათ და მივიდენ გოგიჩაიშვილ–ლასხიშვილის წერილებამდის. ამას იქით წასავალი აღარ არის. ახლა კი დროა ილიაზე ითქვას მართალი სიტყვა, ითქვას ის, რაც მის სიცოცხლეში თქმულა და მას ვერ დაურღვევია; გამოირკვას მისი შეხედულებები ბატონ–ყმობაზე, წოდებებზე, გლეხებზე და საზოგადოთ, ხალხზე, სხვადასხვა მოღვაწეებზე – ერთი სიტყვით ნათელი მოეფინოს მის პოეტურ სიტყვას და პროზაიკულ საქმეს, მის პუბლიცისტურ და

საზოგადო მოღვაწეობას. ხატობის ხანა ჩვენ გავიარეთ. ამას ახლა მკითხავეები და სოფლის დედაბრები მეთაურობენ. მარტო ტრალიკულათ გარდაცვალება არ კმარა წმინდანის გვირგვინის თავზე დასადგმელათ, საჭიროა ამ „წმინდანის“ საქმეც გავიგოთ და მერე ავწონ-დავწონოთ მისი ღირსება და ნაკლულევანება. დროა ფედერალისტთა ხატობას ძირი გაესინჯოს და არმაზის ალაგას აღმართულ კერპს თავის ალაგი ეჩვენოს. ამ ვაჟბატონებმა იმდენი იყვირეს, იმდენი ილანძღეს, იმდენი ილოცეს თავის კერპის საღმერთებლათ, რომ საზოგადოება გააყრუეს, ბევრი დააჯერეს, ბევრს გზა კვალი აურიეს, ბევრი ჯვარადინა გზაზე გაათრიეს და იქ გააყეყეჩეს. ვისაც ილიობა შეეყრება, ის ძნელი მოსარჩენი ხდება.

მე ჩემდა თავათ დიდ პატივს ვსცემდი სიცოცხლეშივე ილიას გასწავლულებით იმიტომ, რომ ის ნამდვილი მებრძოლი იყო, შეუდრეკელი, პირდაპირი და ნიჭიერი. ის ამ მხრით ოდნავათაც არ გავდა დღევანდელ მის დაჩაჩანაკებულ ჭირისუფალთ, რომელთაც იმდენი გამბედაობაც კი არ აქვთ, რომ გუშინ ნათქვამი დღეს განიმეორონ. ილიაში იხატებოდა ერთ დროს ჩვენი საზოგადოების მთელი მდგომარეობა და მისი გავლენის დაცემა ერთნაირი საზოგადოებრივი რევოლუცია იყო. ილიას დამარცხებამ მთელი ქართველობა შეანძრია, ისე როგორც დიდი ხის მოტკვლევა მთელ ტყეს გააქანებს ხოლმე. საკვირველია, მუშა ხალხის პროტესტი ლიტერატურულ ეთიკის შესახებ ჩვენს მწერლობაში ორჯერ გაისმა. პირველათ, 1900 წელს ილიას პოლემიკურ წერილების გამო და მეორეთ ისმის ახლა, ფედერალისტების დემაგოგიის გამო იმავე ილიას შესახებ. ილია იქ, ილია აქ; ის კვდარიც კი ორათ ყოფს ჩვენს საზოგადოებას, ერთს მეთაურობს და მეორეს ებრძვის. ის იყო დროშა ძველი საქართველოსი სიცოცხლეშივე, ამავე დროშით რჩება ახლაც, ფედერალისტების მეფობაში... ამიტომ ვინც ილიას მოღვაწეობის შესახებ მართალი არ იცის, ის არ არის ცნობიერათ ჩახედული ჩვენს შინაურ ბრძოლაში.

ამბობენ: ილია პირველ ყოვლისა პოეტიყო, ეს მართალი არ არის. ილია პირველ ყოვლისა პუბლიცისტიყო, ის პოეზიაშიც პუბლიცისტათ რჩება. მან დიდი კვალი გააელო ჩვენს საზოგადო ცხოვრებას არა პოეზიით, არამედ პუბლიცისტიკით, საზოგადო მოღვაწეობით. ილია ილიობდა როგორც სხვადასხვა ორგანოების რედაქტორი, როგორც ბანკის და სხვა დაწესებულებათა მეთაური, როგორც ინტელიგენციის და თავადაზნაურობის წინამძღოლი, როგორც მებრძოლი. მისი პოეტური ნაწარმოები იშვიათათ

თუ დაიბეჭდებოდა და ისიც ისეთ დრო გამოშვებით გამოცემებში, რომელთაც მეტათ მცირე მკითხველები ყავდათ. ზოგი მისი ნაწარმოები იბეჭდებოდა ნაწყვეტებათ რამოდენიმე წლის განმავლობაში (მაგ. „სურათი ყაჩაღის ცხოვრებიდან“ (!) და სხვ.). არა, ის გავლენას ახდენდა არა ამ დარგით, არამედ თავისი საზოგადოებრივი მოქმედებით. და აი სწორედ ეს აქვთ სახეში ფედერალისტებს, როცა ილია განანმინდანეს. სწორედ ისინი შეიქნენ ილიას მიმართულების მემკვიდრე, ისინი მეთაურობენ ილიასავით ინტელიგენციას და თავადაზნაურობას, ისინი იბრძვიან, ილიასავით, საბანკო და სამარშლო ასპარეზზე, მათ სურთ ილიასავით ქართველების ერთი რაზმის, ერთი ჯარის შედგენა გაბატონებულთა წინამძღოლობით – ერთი სიტყვით მათი მიმართულება და ტაქტიკა ილიასია და ამიტომ როცა ილიას ასე აქებენ, აქებენ ამით თავისთავს, თავის მოღვაწეობას. მათი საკუთარი ავლა-დიდება კატას აეკიდება და ამიტომ იძულებულნი არიან ხოლმე „დიდ კაცსმ აეკიდონ და მის მაღლა აწევას თითონაც აყვენ. ასეთი დიდი კაცია ილია და რაღა გასაკვირალია მის სახელს სექტანტური ფანატიზმით ებლაუჭებოდენ და მის წინაშე საერთო მუხლის მოყრას თხოულობდენ. მათ ეს ვერ შესძლეს ილიას სიცოცხლეში; გამოლვიძებულმა ხალხმა ისინი აიძულა დაშორებოდენ ილიას და ის განემარტოვებიათ. ეს იყო დაშორება არა მიმართულებით, არა სულითა და გულით, არამედ სილაჩრით გამოწვეული. ილია ამ მხრით დიდი მოქალაქე იყო, ის იდგა მაშინაც იქ, სადაც იდგა მთელ თავის სიცოცხლეში. მისი „ნუთუ“ სწორედ ამ მხრით არის საყურადღებო; ის არ უშინდება აზღვავებულ ხალხს, არ უფრთხის თავის განმარტოებას, თავის თანამოკალმეების მიერ მის მიტოვებას; ის საჯაროთ სწერს იმას, რაც მუდამ სწამდა. მისი მიმდევრები, სწორედ ისინი, რომელნიც დღეს ილიას ხატზე ფიცულობენ, უცებ შორდებიან მას და, ასე განსაჯეთ, მისი ნერილის დაბეჭდვასაც კი თაკილობენ! აი, ასეთი კაცუნები არგუნა ბედმა ილიას ჭირისუფლათ. ამათი დღევანდელი ისტერიული წრიპინი ცოდვილთა შენანებაა; მათ დიდი დანაშაული მიუძღვით ილიას წინაშე და ახლა ცდილობენ ეს მოინანიონ. მარა როგორ? ჩვენი ლანძღვა თრევით! სიტყვის ბანზე აგდება – უძღურთა საქმეა. მათ სურთ თავისი სილაჩრე ჩვენი ლანძღვით დაფარონ. ჩვენ ასეთი გამცემლობა არასოდეს არ მოგვიმოქმედია, ვისაც ვიცავთ – ვიცავთ ბოლომდის. მათ კი, როგორც დაატყვეს ზღვის ტალღათა აგორება, დატოვეს თავისი ხომალდი, ჩატოვეს შიგ ილია და თვითონ მოკურცხლეს ნაპირისაკენ. და ახლა სურთ

ეს დანაშაული შეიმსუბუქონ ილიას გახატებით! გვიანლაა! ჩვენ ილიაში ვაფასებთ მის კარგ მხარეებს; ფედერალისტები კი აფასებენ და ადიდებენ მის ცუდ მხარეებს. ჩვენ მისი პოეტური ნაღვანი მიგვაჩნია დადებით მხარეთ, დანარჩენი ნაღვანი კი საზარალოთ. დრო არის მისი კარგის კარგათ მიჩნევა და ავის ავათ.

პირუთვნელმა ისტორიამ უნდა გამოიტანოს თავისი განაჩენი...

ნარიძე

ნ. ჟორდანიას ფსევდონიმა

ჟორდანიას წერილის ამ პუბლიკაციით ვასრულებთ მეორე მხარის არგუმენტების წარმოდგენას. მიაქციეთ ყურადღება როგორც მახარაძის, ისე ჟორდანიას შემდეგ სიტყვებს. პირველი ამბობს, აქამდე ვსდუმდი, ილიას მკვლევლობას რომ მაბრალებდნენ, ამ საზიზღარ ცილისწამებაზე პასუხის გაცემა არ ღირდაო. მეორე – „ჩვენ ამდენ ხანს ილიას შესახებ გაჩუმებული ვიყავით, მის წმინდანათ გამოცხადებას შორიდან ვუცქეროდით; ახლა ცხადია, რომ ეს ვერ შეიღირსიეს ილიას ჭირისუფლებმა“.

ცხადია, როგორც ერთი, ისე მეორე ბელადის ექვსწლიანი დუმილის მათი არარსებული კეთილშობილებით ახსნა ძალიან გაგვიჭირდება. ან რა კეთილშობილებაა, მართალ კაცს მკვლელის იარაღი მიანებონ და ის სდუმდეს, ემანდ ჭირისუფლებს არაფერი ეწყინოთო.

სინამდვილე სხვა გახლდათ. სდუმდნენ კი არა, ცხედარი სამარეში არ იყო ჩასვენებული, როცა კარლო ჩხეიძემ სწორედ მთანმინდაზე განაცხადა, ჩვენს ცილისმწამებლებს სასტიკად მოვთხოვთ პასუხსო. ბობოქრობდნენ კიდეც, ვიდრე 1908 წლის თებერვლამდე. მაგ, 1907 წლის შემოდგომაზე ნოე ჟორდანიას გაზ. „ჩვენი გზიდან“ გაცხარებული პოლემიკა ჰქონდა ილიას მკვლევობასთან დაკავშირებით ფედერალისტებთან. მერე დადუმდნენ და როგორც თავად აღნიშნავენ, ბელადებს ხმა აღარ ამოუღიათ. რატომ? გასაგები მიზეზის გამო – პატიმრებმა აღიარეს, რომ მკვლელობის ბრძანება კომიტეტმა გასცაო. ამ აღიარებების გამოქვეყნება დაინყო 1908 წლის თებერვლიდან.

გავიდა 6 წელი. ბერბიჭაშვილიც გადახვენილია და იმერელიც გაუჩინარებული, კომიტეტსაც გული მიეცა, კვლავ აყაყანდნენ.

ზემოთ წარმოდგენილი პუბლიკაციებიდან, სასამართლოს განაჩენიდან ორი უეჭველი დასკვნის გაკეთება შეიძლება.

ერთი, რომ ილია ჭავჭავაძე მოკლეს რსდმპ(ბ) რუსეთის სოციალ-დემოკრატიული მუშათა პარტიის ბოლშევიკების კომიტეტის განკარგულებით.

ამ დასკვნაში ახალი არაფერია, მაგრამ ვეცდებით თავი მოვუყაროთ არგუმენტებს დასკვნის უქვეყელობის დასადასტურებლად.

1) მკვლელები ფშავლიშვილი, ინაშვილი, ბერბიჭაშვილი მათივე აღიარებით და მათი საქმიანობის გათვალისწინებით, უტყუარია, რომ იყვნენ ესდეკები. ფშავლიშვილი წითელრაზმელია, ანუ პარტიის შეიარაღებული ფორმირების წევრი. ინაშვილი ჯერ კიდევ მამასახლისად სოციალისტებმა დაანიშნინეს. ბერბიჭაშვილი თავად ამტკიცებდა სასამართლოზე (1941წ) რომ იმთავითვე პარტიის წევრი იყო.

2) პატიმართა ჩვენებით ვინმე იმერელი არის კომიტეტიდან მოვლინებული პირი.

3) ვინმე იმერელი ოფიციალურ დოკუმენტებში იხსენიება როგორც „ხროვის მეთაური და მთავარი ორგანიზატორი“.

4) იროდიონ ევდოშვილმა ილიას მკვლელობის გამო, ბრალი დასდო არა სხვა რომელიმე პარტიას, არამედ საკუთარ ბოლშევიკების პარტიას. ეს თითქმის სიკვდილზე ხელისმონერას ნიშნავდა. რატომ უნდა ჩაეგდო თავი ასეთ ხიფათში ტყუილის მოგონებით, საკუთარი თავის მტერი იყო?

5) ბოლშევიკების პარტია იყო ერთადერთი, რომელმაც საყოველთაო გლოვაშიც კი მონაწილეობა დემონსტრაციულად არ მიიღო.

6) ილიას მკვლელობის ბრალდებით დაპატიმრებული ფილიპე მახარაძე და გიგლა ბერბიჭაშვილი, ჟორდანიამ ციხიდან გააპარა. ციხიდან გაპარება თუ შეეძლო, განა მართალ ხალხს სასამართლო წესით უფრო უპრობლემოდ არ გაამართლებინებდა თავს ქვეყნის პირველი პირი?

7) 1908–1909 წლებში სასამართლოს მიერ დამნაშავედ ცნობილ და მართლმსაჯულებისაგან გაქცეულ გიგლა ბერბიჭაშვილს საბჭოთა ხელისუფლებამ მისცა თანამდებობები და პერსონალური პენსია, როგორც ძველ ბოლშევიკს.

8) ილიას მკვლელობისთვის სასამართლო განაჩენით დასჯილი ხიზანიშვილი, ინაშვილი და ლაბაური საბჭოთა ეპოქაში შეიტანეს რევოლუციისათვის წამებული რაინდების წიგნში.

9) გიგლა ბერბიჭაშვილმა 1942 წლის 5 იანვარს, სასამართლო პროცესზე ასეთი რამ განაცხადა: „დაიკვებეთო, ილიას მკვლე-

ლობა, იმ დიდი ილიასი, რომლის სიდიადეც მე დღეს შევიგენი თქვენის დახმარებით. მე დღეს გავიგე, თუ ვინ იყო ილია ქართველი ხალხისათვის. თუ რა ღვანლი მიუძღვის მას ქართველი ხალხის ნინაშე. ეს რომ დასაკვები ყოფილიყო, მე ვიცოდი, სადაც უნდა დამეკვებნა და სადაც დამანიანაურებდნენ. მე თვით ჩვენ „სოვნარკომთან“ – ვ.ბაქრაძესთან მიმუშავია და მასთან ან პურის წამაში, ან ღვინის სმაში როგორ არ წამომცდებოდა.”

ამ სიტყვებით, ვფიქრობ, ყველაფერია ნათქვამი.

10) ფილიპეს ბერბიჭაშვილის სასამართლოს წინ გულმა დაარტყა და მოკვდა.

ვილაცამ ჭკუა იხმარა, ფილიპეს განტყევების ვაცად გამოყვანა ნიშნავდა იმას, რომ სულ მალე ფილიპეს პარტიული მეგობრების წრეში დაინყებოდა ილიას მკვლელთა ძებნა და ბოლოს ვის შეაჩვენებდა ისტორია, ძნელი მისახვედრი არ იყო. თან კაცი მოკვდა და მკვდარს რალა მოეკითხებოდა. ნაილეს და, ჰოი, ირონია ბედისა, თუ ქუჩას სადაც ილია ცხოვრობდა, სერგო ორჯონიკიძის სახელი უწოდეს, ფილიპე მახარაძის გვამი მთანმინდაზე ილიას გვერდით დამარხეს.

ეს მხოლოდ სატანას შეეძლო მოეფიქრებინა.

11) დაბოლოს, ბოლშევიკებისგან გამართულ ბახვის საიდუმლო კრებაზე, სადაც ილიას მოკვლის შესახებ ინფორმაცია მიიღეს და მკვლელები აირჩიეს, ერთმა გულუბრყვილოდ იკითხა, რისთვის უნდა მოეკლათ ილია?

პასუხი ასეთი იყო: მან ჩვენ გვიღალატა. ეს დეტალი კარგად დავიმახსოვროთ.

ეს არის არასრული სია იმ არგუმენტებისა, რომელთა გათვალისწინებით ვამბობთ, ილია ჭავჭავაძე მოკლულ იქნა ბოლშევიკების მთავარი წარმომადგენლების დასტურით.

თუმცა დასტური გადაწყვეტილებას არ ნიშნავს. ამჟამად მხოლოდ იმას ვიტყვი, რომ არც ფილიპეს და არც მის სხვა პარტიულ ამხანაგებს, ილია ჭავჭავაძის მკვლელობის შესახებ გადაწყვეტილების მიღება არ შეეძლოთ. (ამ საკითხზე წიგნის უკანასკნელ თავში გვექნება მსჯელობა).

მეორე დასკვნა, რომელიც ზემოთწარმოდგენილი მასალებიდან იკვეთება გახლავთ ასეთი -

ილია ჭავჭავაძე არ მოუკლავთ „მოგ ზაურის“ პუბლიკაციების საფუძველზე. ილია არ მოუკლავთ როგორც მჩაგვრელი მებატონე. როგორ საკვირველიც არ უნდა იყოს, ამ შემთხვევაში მახარა-

ძეც და ჟორდანიაც მართალს ამბობენ. (სხვა საკითხია, რომ მათ ყველაფერი გააკეთეს ასე მომხდარიყო, სხვა საკითხია, თუ მორალურად როგორ სჯიჯგნეს პოეტი).

არგუმენტები:

1. 1905 წელში ილიას იდეოლოგიურად თავს ესხმის არა მხოლოდ ფ. მახარაძე, ვასილ ნაცვლიშვილი და ძმანი მათნი, არამედ ნოე ჟორდანიაც.

ყოველივე ამის შემდეგ ილია პეტერბურგში (ზემოთ უკვე იყო აღწერილი), მენშევიკებს სუფრასთან ხვდება და პოლიტიკურ გარიგებასაც კი მიაღწევნ, რომ საქართველოს ავტონომიის საკითხზე სოც-დემოკრატებმა თუ დადებითი არა, უარყოფითი პოზიცია არ დაიჭირონ.

2. არაბუნებრივია ორი წლის წინ დაწერილი წერილები, რომელიც ღმერთმა იცის, რამდენ გლახს ჰქონდა ნაკითხული, 2 წლის შემდეგ გამხდარიყო მკვლელობის მიზეზი.

3. 1904 წლის შემდეგ მართალია გლახთა მღელვარება დაიწყო, მაგრამ ეს იმაში გამოიხატა, რომ 2 წელი არ იხდიდნენ გადასახადებს. ასე ხდებოდა ყველა მამულში. რაც შეეხება მემამულეთა მკვლელობებს, ამას ყველგან ნითელი ტერორისტები სჩადიოდნენ და არა გლახები.

4. 1907 წლის აგვისტოში ილიას მამულის მოსამსახურებმა მოაწყვეს გაფიცვა, რომელიც უცებვე ჩაცხრა, და პატიება აქეთ ითხოვეს.

5. 1907 წლის აგვისტოში ვინ ხოცავს ილიას საქონელს, ვერავინ გებულობს, რადგან ამას აკეთებენ არა ზოგადად გლახები, არამედ ვილაცა დაქირავებული პირი სჩადის. გასაგებია, მიიღეს რა აგვისტოში მკვლელობის გადაწყვეტილება, უნდა შექმნან ისეთი სურათი, თითქოს ილიას გლახები ერჩიან და თითქოს მკვლელობაც აგრარულ ნიადაგზე მოხდება.

6. თუ გამწარებაა, საგურამოში გლახები გამწარებული ჰყავს სტაროსელსკის, დიმიტრის შვილის ოჯახს, სასიკვდილოდ კი სტაროსელსკი ან მისი უცხოელი მეუღლე არავის გაუმეტებია.

7. ილიას მოკვლაში ნებაყოფლობით ვერ დაიყოლიეს არათუ გლახები, არამედ ყაჩაღი და კაცისმკვლელი ფშავლიშვილიც კი.

ბანდა, ფაქტიურად, ამოხოცვის მუქარით შეიქმნა.

7 კაციდან 4 კაცს – თედო ლაბაურს, ხიზანიშვილს, მოძღვრიშვილს და თვით ყაჩაღ ფშავლიშვილს კომიტეტის სახელით, ოჯახის ამონყვეტის მუქარით, აიძულებენ იმერელი და ინაშვილი, რომ

მკვლევლობაში მონაწილეობა მიიღონ. სასამართლო მასალებიდან ეს კარგად ჩანს.

არც „იმერელი“, არც ინაშვილი და არც ბერბიჭაშვილი არ იყვნენ მიწის მუშები. ერთიც ტერორისტი იყო, მეორეც და მესამეც, რომელთაც სხვა უამრავი ავკაცობა ჰქონდათ ჩადენილი.

ასე რომ, „მოგზაურის“ კორესპონდენციების გამო, არავინ მისდგომია ილიას. მახარაძემ და „მოგზაურმა“ სურვილის მიუხედავად ეს ვერ მოახერხეს. ამიტომ, სიკვდილის მუქარით აიძულეს სხვადასხვა სოფლებიდან ხსენებული პირები მძევლებად ქცეულიყვნენ.

8. მკვლევლობის შემდეგ, როგორც გლეხთა მოგონებებიდან ჩანს, საგურამოსა და ახლომახლო სოფლების გლეხობა ყველაზე მეტად იყო შეძრწუნებული და დარცხვენილი.

ბერბიჭაშვილმაც კი არ იცოდა, ვის კლავდნენ და ვინ იყო ილია ჭავჭავაძე, (მხოლოდ ის ეგონა, რომ მებატონეს კლავდა), რაც თავის პირით აღიარა სასამართლოზე.

9. პირველივე ოფიციალური და საიდუმლო დეპეშა რაც საქართველოდან იმპერატორის კანცელარიაში გაიგზავნა, ცენტრს ატყობინებდა – ილია ჭავჭავაძე მოკლეს ადგილობრივმა ყაჩაღებმა სავარაუდოდ სოციალ-დემოკრატების ნაქეზებით, ძარცვის სიმულაციით.

10. ილიას მკვლევლობაზე ლაპარაკია სოციალისტ მუშებში და გლეხებში მხოლოდ აგვისტოდან (ანუ ჯერ ზევით იქნა მიღებული გადაწყვეტილება). ასე რომ, ილია არ მოუკლავთ მისგან შენუხებულ გლეხებს, აქედან გამომდინარე, მისი მოკვლის მიზანი ვერც მჩაგვრელის მოშორება იქნებოდა, მით უფრო, მჩაგვრელი, მისი სახით, არასოდეს არსებულა. ამდენად, ამ მკვლევლობაში გადაჭარბებით იქნა შეფასებული მახარაძისა და „მოგზაურის“ როლი. მორალური თვალსაზრისით კი „მესამე დასელთა“ უგვანობის გადაჭარბებით შეფასება შეუძლებელია.

ერთი სიტყვით, ილია ჭავჭავაძე ის კაცი არ იყო, მისი მოკვლის გადაწყვეტილება მახარაძის დონეზე რომ მიღებულიყო.



ილიას აჩრდილი ბოლშევიკებს მისი სიკვდილის შემდეგაც აშფოთებდათ. შიშობდნენ, რომ ადრე თუ გვიან ეს დანაშაული დაუსჯელად არ შერჩებოდათ. გრძნობდნენ, რომ ჰეროსტრატეს ბედი ელოდათ.

ჰეროსტრატე – ეს სახელი ფილიპე მახარაძის მისამართით ვა-
ჟამ, აკაკიმ, ვალერიან გუნიაშვილს იხმარეს. შემდეგ ბევრმა გაიმეორა
– უკვდავი ბოროტება, უკვდავი ჰეროსტრატე.

ჰეროსტრატემ, განდიდების მიზნით შეპყრობილმა ჩვენს წელთა-
ლიცხვამდე, 356 წელს ეფესოში არტიმეიდას ტაძარი გადაწვა. ერთ-
ერთი საოცრება მსოფლიოს შვიდ საოცრებას შორის.

ჰეროსტრატე სიკვდილით დასაჯეს ბერძნებმა და მისი სახე-
ლის სამუდამოდ დავიწყებას განაჩენით ეცადნენ, მაგრამ არ გა-
მოვიდა, სადაც ბოროტებას ახსენებ, ჰეროსტრატეც თავს ყოფს
უფსკრულიდან...


ქართველების ოცნება თავისი მიზლოდა ქართველ ჰეროსტრა-
ტეს გამოიხატა ერთ სიმბოლურ მოთხრობაში, რომელიც დაიბეჭ-
და 1924 წლის ჟურნალ „დროშის“ მე-6 ნომერში. ნუ გაგიკვირდე-
ბათ, ამ დროს მახარაძეზე ასეთი მოთხრობა როგორ დაისტამბაო
(მოთხრობის ავტორია იროდიონ სონღულაშვილი).

დაისტამბა იმის გამო, რომ მოთხრობა მთლიანად მითოლო-
გიზებულია და ძალიან დაკვირვებული თვალი სჭირდება, რომ იქ
მახარაძის და ძმათა მისთა ნაავეკაცარი ამოიცნოს. ამის გარდა
ჰეროსტრატეს როლი, როგორც ძველთან მებრძოლის და ახალი
სამყაროს შექმნის მეოცნებისა, იქნებ კიდევ მოსწონებოდა ადრე-
სატს. ერთი სიტყვით, მოთხრობა მარტივი არ არის. ესეც არ იყოს,
ვინ გაბედავდა ეთქვა, ჰეროსტრატე იგივე ფილიპე არისო. ამასთან
იმ დროისათვის პრესაში ჯერ კიდევ იბეჭდება ისეთი მასალები,
რომელთა დასტამბვა, ვთქვათ, 10 წლის შემდეგ წარმოუდგენელი
იყო. ეს მოთხრობა არის ოცნება იმაზე, რა ბედი უნდა სწეოდა ქარ-
თველ ჰეროსტრატეს, მაგრამ ისე არ მოხდა, როგორც მოთხრობა-
შია. პირიქით ქართველ ჰეროსტრატეთა ხსენება კი არ აიკრძალა,
ისინი მოვიდნენ ხელისუფლებაში და ილიას ხელმეორე მოკვლა
სცადეს, ილიას სახელის აკრძალვაც მოინდომეს.

თავი IV

ვინ იყო ილიას მკვლევლობის შემკვეთი,
ორგანიზატორი და რისთვის?

ილიას მეორედ მოკვლის
მცდელობა



ფილიპე მახარაძე

ვაჟა ფშაველას სიტყვები - ილიას მკვლევებს რომ შესძლებოდათ, საქართველოსაც მოჰკლავდნენო, - საუბედუროდ ახდა. 2 წლის, 9 თვისა და 9 დღის საქართველოს თავისუფლება ბოლშევიკებმა დახვრიტეს.

ბედის ბორბალი უნუგეზოდ უკულმა ტრიალდება.

ყაჩაღები ერის მამებად მოვლენილიყვნენ, ერის მამებს კი ეშეფოთისკენ მიერეკებოდნენ.

საბჭოთა საქართველოში უკვდავი ბოროტების, ჰეროსტრატის სახელი აიკრძალა კი არა, ის უკვე ქვეყნის მესაჭედ და მზედ ქცეულიყო. 14 წლის წინ ფიზიკურად ხომ მოჰკლეს ილია, ახლა უკვე მისი სახელის აკრძალვაც უნდათ. ილიას სახელის დადებით კონტექსტში ხსენება არც მეტი, არც ნაკლები, საბჭოთა ხელისუფლების გინებასა და უარყოფას ნიშნავს.

როგორც ქართულ მინა-წყალს ერთი სერგო ორჯონიკიძე ვერ გააჩუქებდა, ისე ილიას სახელს მხოლოდ ფილიპე მახარაძე ვერ აკრძალავდა, ეს მთელი საბჭოთა ხელისუფლების დამოკიდებულება იყო ილიასადმი.

იყო ერთი სწავლული კაცი-სეით დევდარიანი, რომელიც სულით და გულით მარქსისტი გახლდათ, თანამებრძოლი და ამხანაგი ძველი ბოლშევიკებისა, რომელსაც გულწრფელად სწამდა ოქტომბრის რევოლუციის იდეალებისა და სურდა, რომ ინტელიგენცია რევოლუციის სამსახურში ჩამდგარიყო. 1922 წელს ჯერ კიდევ გულუბრყვილოდ ეგონა, რომ გამარჯვებული ბოლშევიზმი ილიას სახელთან ანგარიშსწორებას აღარ დაინწყებდა, მოულოდნელად კი აი, რა მიიღო.

„ამ ორი წლის წინეთ (1922 წელს გულისხმობს) იატაკ ქვეშეთიდან ლეგალურ პრესაში ("კავშირი") მე მოვათავსე ვრცელი წერილი ილია ჭავჭავაძის შესახებ მისი სიკვდილის შემდეგ 15 წლის შესრულების გამო. ერთ თავის მოხსენებაში მუშების კრებაზე მამია ორახელაშვილმა დაასახელა ეს წერილი, როგორც ერთ-ერთი მაგალითი იმის საჩვენებლათ, რომ ქართველი ინტელიგენცია ვერ ურიგდება საბჭოთა ძალაუფლებას. წერილში იყო ქება ი.ჭავჭავაძის, როგორც უდიდესი მხატვრული მწერლის. მამია ორახელაშვი-

ლის დაფასებით ილია ჭავჭავაძე იყო მწერალი ნაციონალისტი და მისი ქება მიაჩნდა საბჭოთა ხელისუფლების გაკიცხვით".

ს.დევდარიანი „ოქტომბერი და ინტელიგენცია“

ჟურნ. „მნათობი“ 6, გვ. 15

აი, ასე დაიწყო ილიას სახელთან ბრძოლა, საბჭოთა ხელისუფლების პირველივე წლებიდან.

განსაკუთრებით ფხიზლობდა ფილიპე მახარაძე.

როცა ზოგიერთმა კრიტიკოსმა ილიას სახელის პატივისცემა იმით მოინდომა, რომ ილიას შემოქმედებაში სოციალისტური პათოსის ძებნა დაიწყო, აქაოდა, საბჭოთა ხელისუფლებას რატომ ეწყინება, თუ ამ ბუმბერაზ მწერალს მათიანად გამოვაცხადებთო, ფილიპემ მრისხანედ დაუღრინა ამ ეშმაკ ლიტერატორებს.

მათ ჯერ კომკავშირელი კრიტიკოსები მიუქსია, რომელთაც ქვა-ქვაზე არ დაუტოვეს ქართველ კლასიკოსებსა და მათ დამცველებს. გამოსცეს პატარა ბროშურა „ბრძოლა კლასიკოსებისათვის“, შემდეგ თვით მახარაძე ჩაერთო ამ საქმეში და მე-4-დი საუკუნის შემდეგ კიდევ ერთხელ გაუსწორა ილიას ანგარიში.

ეს წერილი დაბეჭდილია გაზეთ „კომუნისტში“ 1931 წლის 15 სექტემბერს.

ეს წერილიც უნდა დარჩეს ისტორიის ფურცლებზე დასაგვირისტებლად.

ფილიპე მახარაძე: მდგომარეობა თანამედროვე ქართულ ლიტერატურაში:

უნდა ითქვას, რომ ეს მდგომარეობა ვერაა მაინც და მაინც დამაკმაყოფილებელი. მე ეს-ეს არის გავეცანი, სხვათაშორის, ახალგაზრდა პროლეტარულ ავტორების წერილებს, რომლებიც მოთავსებულია კრებულში სახელწოდებით: „ბრძოლა კლასიკოსებისათვის“. ფაქტები, რომლებიც გამომჟღავნებულია დასახელებულ წერილებში ერთ და იმავე დროს აღმაშფოთებელიცაა და სამარცხვინოც. სხვანაირად შეფასება ამ ფაქტებისა შეუძლებელია. როგორც გნებავთ შეურიგდეთ იმ გარემოებას, რომ ქართული ლიტერატურის ისტორია და კრიტიკა თითქმის სავსებით ჩაბარებული აქვთ მუშათა კლასისათვის სრულიად უცხო ელემენტებს, რომლებიც რა თქმა უნდა, მტრულად არიან განწყობილნი, როგორც საბჭოთა ხელისუფლების მიმართ, ისე მით უფრო სოციალიზმის მიმართაც. საკმარისია გადაიკითხოთ ზევით დასახელებული წიგნის 9-10 გვ., რომ რამდენიმედ მაინც წარმოიდგინოთ ეს

სავალალო მდგომარეობა, რომელშიც იმყოფება დღეს ქართული ლიტერატურის ისტორიის შესწავლა და კრიტიკა. აშკარაა, რომ მათ, ვინც სათავეში უდგანან დღეს ამ საქმეს, არ შეუძლიათ არა, თუ მარქსისტულად მიუდგნენ და გააშუქონ ქართული ლიტერატურის კლასიკოსები, არამედ იმათ არ ძალუძთ, დაიცვან მცირეოდენი ობიექტურობაც კი ისტორიულ სინამდვილის მიმართ, ე.ი. რამდენიმედ მაინც მოუდგომლად განმარტონ და გააშუქონ ისტორიული ფაქტები. ეს ის ხალხია, რომელიც ჩვენ ბოლშევიკ-ლენინელებს იდეოლოგიურ ფრონტზე წარსულშიც გვებრძოდნენ, და როგორც სჩანს, ახლაც გვებრძვიან იმ განსხვავებით, რომ წინად ისინი გვებრძოდნენ ნაციონალ-დემოკრატიების, სოციალ-ფედერალისტების და მენშევიკების პარტიების სახელით, ახლა კი იმავე როლს წარმატებით ასრულებენ გარეგნულად, თითქოს, როგორც ყოველივე პარტიის გარეშე მდგომნი. ამის დასამტკიცებლად მოვიყვანოთ აქ რამდენიმე ფაქტი.

ცნობილია, რომ ჯერ კიდევ მეფის რეჟიმის დროს ზოგიერთმა ქართველმა პუბლიცისტებმა თავადაზნაურული წრიდან და შემდეგ სოციალ-ფედერალისტების პარტიამ /გ. მაიაშვილი, არ. ჯორჯაძე და სხვები/ შეთხზეს ზღაპარი, თითქოს ისინი ვინც ჩვენში, საქართველოში, პირველად განაცხადეს ენერგიული პროტესტი და აღიმალღეს ხმა ბატონყმური მონობის წინააღმდეგ. იყვნენ მესამოცე წლების მოღვაწენი, ე.წ. - თერგდალეულები. საერთოდ და განსაკუთრებით ილია ჭავჭავაძე, რა თქმა უნდა, აქ ჭეშმარიტების ნამცეცციც არ იყო. მართალია იყო მხოლოდ ის, რომ ეს ვაჟბატონები, ყველანი წარჩინებული წოდების წარმომადგენლები გაცნობილი იყვნენ იმ კამათთან, რომელსაც ადგილი ჰქონდა იმ დროს რუსეთში ბატონყმობის გაუქმების ირგლივ. შეიძლება მესამოცე წლების მოღვაწეები რამოდენიმედ იზიარებდნენ რუსეთის განმანათლებლების /ჩერნიშევსკი, დობროლიუბოვი, ნეკრასოვი და სხვ./ ზოგიერთ შეხედულებებს, მაგრამ, რომ იმათ საჯაროდ არასოდეს არ გამოუცხადებიათ რაიმე პროტესტი ბატონყმობის წინააღმდეგ, სანამ ეს უკანასკნელი ჯერ კიდევ არსებობდა, ეს ურყევი ფაქტია. ყოველ შემთხვევაში არ არსებობს ისეთი დოკუმენტები, რომელიც ამის წინააღმდეგ ამტკიცებდეს. და სხვაფერ შეუძლებელიც იყო. თავადები და მემამულეები, რომელთა არსებობის ერთად-ერთ და უმთავრეს წყაროს დამონებული გლეხების ექსპლუატაცია შეადგენდა. შეიძლება ბატონყმურ ურთიერთობათა ზოგიერთ უხეშ ფაქტების წინააღმდეგი ყოფი-

ლიყვნენ, მაგრამ ისინი თავისი ნებით მაინც არ მოსჭრიდნენ იმ ტოტს, რომ რომელზედაც თვითონ ისხდნენ და ვაჟბატონები ხანდახან არ ერიდებოდნენ ლიბერალურ ფრაზების ხმარებას, მაგრამ ეს იყო მხოლოდ ყოვლად უაზრო ლაყბობა. ასეთ ლიბერალ თავადებს დ.ჭონქაძემ ძალიან მოსწრებულად კნიაზ კნიაზ ლიბერალები უწოდა.

რაც შეეხება ილიას, ყველა მისი ნაწერების და ყველა იმ დოკუმენტების და მასალების მიხედვით, რაც მისი ცხოვრების შესახებ მოიპოვება, მუდამაჟამ ტიპიური თავადი და მემამულე იყო. თავიდანვე და ბოლომდე ასეთივე დარჩა.

შეიძლება ჩვენ შეგვეკითხოთ: რას იტყვით ჭავჭავაძის პოემაზე: „რამდენიმე სურათი ანუ ეპიზოდი ყაჩაღის ცხოვრებიდან“. – დიახ, აქ არის პროტესტი ბატონყმობის წინააღმდეგ, მაგრამ მერე რა? ჯერ ერთი: როგორც ყველამ იცის, ეს პოემა გამოქვეყნებული იქნა იმ დროს, როცა ბატონყმობა უკვე დიდი ხნიდან გაუქმებული იყო და, მაშასადამე, მისი ავტორი უკანა რიცხვით უცხადებდა პროტესტს ბატონყმობას, რომელიც უკვე აღარ არსებობდა. მეორე: ხსენებული პოემის ავტორი დიდი ხნის განმავლობაში თავის მაგიდის უჯრაში ინახავდა მას, რაც იმას ამტკიცებს, რომ ავტორს ეშინოდა მისი გამოქვეყნების რაიმე უსიამოვნების მოლოდინში და გამოაქვეყნა იმ დროს, როცა ასეთ შიშს უკვე არავითარი საფუძველი აღარ ქონდა. ეს იყო და ეს. ილია ჭავჭავაძეს თავისი საკმარისად ხანგრძლივი საზოგადოებრივი და ლიტერატურული მოღვაწეობის მანძილზე ერთხელაც არ მოუცია ჩვენთვის საბუთი იმისათვის, რომ იგი იბრძოდა ბატონყმობის წინააღმდეგ ან სიტყვით, ან კალმით. პირიქით ამის საწინააღმდეგო მასალა მოიპოვება, რამდენიც გნებავთ, ისევე, როგორც აკაკი წერეთლის, ორბელიანის და იმ დროის სხვა მრავალ თავადაზნაურულ მწერლობის შესახებ.

თქვენ იკითხავთ: მაშ, თუ ასეა, რისთვის შეიქმნა საჭირო ამ ზღაპრების შექმნა. ამ სიცრუის გამოგონება? ეს ადვილი გასაგებია. დადგა ისეთი დრო /მე-19 საუკუნის ბოლო და მე-20 საუკუნის დასაწყისი/, როცა ეს საჭირო შეიქმნა. საქმე იმაშია, რომ ამ დროს მესამოცე წლების მოღვაწეების ავტორიტეტი ქართველ ხალხის მშრომელ მასებში მნიშვნელოვნად შეირყა. ახლა უკვე აღარ იყო საკმარისი ლაპარაკი ისეთ განყენებულ რამეებზე, როგორც მაგალითად „კაცურ კაცობაზე“ და „ადამიანობაზე“. ავტორიტეტის მოსაპოვებლად საჭირო იყო რაიმე ნამდვილი დამსახურება წარ-

სულ მოღვაწეობაში და აი ამ ნიადაგზე რეაქციონულ მწერლობის მომხმარებმა შეთხზეს თერგდალეულებზე საერთოდ და ი.ჭავჭავაძე განსაკუთრებით ის ზღაპარი, რომელზედაც მე ზევით ვლაპარაკობდი, მაგრამ ეს არ კმაროდა: რომ უფრო დამაჯერებელი ყოფილიყო ეს ფაქტი, ამ ვაჟბატონებს ამ მიზნით უნდოდათ დაემალა მკითხველებისათვის ის პირი, ვინც ჩვენში მართლაც პირველად აღიმალა ხმა ბატონყმობის წინააღმდეგ, ვინც პირველად საჯაროდ, მწერლობაში უშიშრად და გაბედულად დაგმო ბატონყმობა და გაილაშქრა ამ სამარცხეინო წესწყობილების წინააღმდეგ. დღეს ყველამ იცის, რომ ეს დანიელ ჭონქაძე იყო. ეს შეურყევი ჭეშმარიტებაა, ვინაიდან ეს ფაქტია. საკვირველია ის გარემოება, რომ ის ავტორები, რომლებიც სრულიად უსამართლოდ და უსაბუთოდ ჭავჭავაძეს აწერენ ამ დიდ დამსახურებას, ერთი სიტყვითაც არ იხსენიებენ დ.ჭონქაძეს.

ერთ დროს თითქმის ყველა ქართველი მწერლებს პირი ქონდათ შეკრული ჭონქაძის მიმართ, რომ იგი სრულებით არ ეხსენებინათ...

როგორც იცით, ეს სიჩუმე უკვე დიდი ხანია დაირღვა. ჯერ კიდევ მეოცე საუკუნის პირველ წლებშივე დ.ჭონქაძის ღვაწლი და დამსახურება ქართულ ლიტერატურაში ცნობილი და სათანადოთ დაფასებული იქნა. ისიც ცნობილია, რომ დ.ჭონქაძის სახელის აღდგენა ქართულ მწერლობაში და მისი ღვაწლის დაფასება სავესებით მხოლოდ მარქსისტების საქმე იყო. ასე, რომ ეს საკითხი ჩვენთვის მარქსისტებისათვის, უკვე თითქოს სამი ათეული წლების უკან გადაჭრილი იყო. მიუხედავად ამისა, დაძველებულ და ყალბ შეხედულებას თერგდალეულების და იმათ რიცხვში ი.ჭავჭავაძის შესახებ ახლაც ყოლია მომხრეები თანამედროვე ქართულ ლიტერატურაში. მაგრამ ზოგიერთები მიდიან უფრო შორს. აი, მაგალითად კ.კაპანელის აზრით, ილია თურმე ყოფილა „ქართულ ლიტერატურაში ჭეშმარიტ მღალადებლად თავისუფლებისა, თანასწორობისა, ადამიანობისა, შრომის, პატივისცემისა, რევოლუციისა და სოციალიზმისა“. /"ბრძოლა კლასიკოსებისათვის" გვ.31/ მე ვერ გამიგია ეს. უნდა მიენეროს ასეთ ყოვლად უსაფუძვლო მტკიცება არცოდნას, უვიცობას თუ შეგნებულ სიცრუეს?

აბა ერთი ნუთით შეეცადეთ წარმოიდგინეთ ილია ჭავჭავაძე „რევოლუციონერი და სოციალისტი“. ჭეშმარიტად, როგორც ამბობენ: ქალღმერთი ყველაფერს აიტანსო. აი თურმე რა სიყალბეს უწერგავენ თავში ეს ვაჟბატონები ჩვენს მუშურ-გლეხურ ახალ-

გაზრდობას. მაგრამ ეს კიდევ არაფერი, ვახტანგ კოტეტიშვილი, ალბათ გათამამებული კაპანელის მაგალითით მიდის იქამდის, რომ აცხადებს „ჩვენი თერგდალეულები სოციალისტებიც იყვნენ“. ამითაც არ კმაყოფილდება ეს მოქალაქე: იგი თურმე სწერს თავის „ისტორიაში“ შემდეგს: „ბატონყმობის წინააღმდეგ თქმა პირველად ალ.ჭავჭავაძეს ეკუთვნისო“. ასე გაბაიბურება ისტორიის მეჯერ არ მინახავს. ესაა დაცინვა და არა ისტორია და ათასჯერ მართალნი არიან ამხანაგები, როცა ისინი აყენებენ საკითხს ასე: „ვის ხელშია კლასიკოსებიო“? მე ამას ვუმატებ კიდევ ასეთ საკითხს: ვის ხელშია მუშურ-გლეხურ ახალგაზრდობის ალზრდა? ვის ხელშია ნამდვილი სოციალისტური კადრების მომზადების საქმე? მე ვფიქრობ, რომ ამ შემთხვევაში ჩვენ უბრალო შეცდომასთან არ გვაქვს საქმე. ეს ვაჟბატონები ამახინჯებენ სინამდვილეს. ისინი რყვნიან ისტორიას. ეს აშკარაა, რადგანაც გიჟის ან სულელის მეტი არავინ დაიჯერებს თერგდალეულების სოციალისტობას, რა თქმა უნდა, ასეთი სისულელე არ სწამთ იმათაც, ვინც ამაზედ ლაპარაკობს. ესენი არც ისე სულელები არიან. მაშ რაშია საქმე? შეიძლება ვისმეს ჰგონია ეს ამ ვაჟბატონებს რევოლუცია და სოციალიზმი უყვართ და ამიტომ გამოყავთ რევოლუციონერებად თერგდალეულები და ჭავჭავაძე? არა, იმათ მთელი არსებით სძულთ სოციალიზმი და რევოლუცია და თუ იმათ ილია ჭავჭავაძე და ძმანი მისნი გამოყავთ რევოლუციონერებად და სოციალისტებად, ამას ისინი სჩადიან მხოლოდ იმ მიზნით, რომ რევოლუციის სახელი დასცენ მკითხველის თვალში. მართლაც რა ფასი რა მნიშვნელობა უნდა ექნეს რევოლუციას და სოციალიზმს, როდესაც როგორც ერთის, ისე მეორეს მებაირახტებად გამოდიან ისეთი რეაქციონური და მონარქისტური მწერლები, როგორც იყვნენ ჭავჭავაძეები და ძმანი მისნი?

აი თურმე ვის ჩაუყრია საძირკველი საქართველოში სოციალიზმისათვის /აი როგორ იწერება ისტორია/ ვინ მოიგონა მარქსი ენგელსი, ლენინი/ ვინ მოიგონა მთელი თაობის განწირული ბრძოლა. საპყრობილეები, კატორღა, რევოლუციას თურმე ამზადებდნენ რეაქციონერები და მარქსისტული მწერლები. თურმე ისინი სწირავდნენ თავს/.

არა, ეს არ გაგივთ, პატივცემულო მოქალაქენო, კოტეტიშვილებო, კაპანალებო და სხვანო, ამას ბოლო უნდა მოელოს და ამის ნიშნები უკვე არის. ერთი ამის ნიშთაგანი არის თუნდაც ახალგაზრდა პროლეტარულ მწერლობის პირველი გაბედული ნაბიჯი,

რომელიც იმათ დადგეს ზევით დასახელებული კრებულის გამოცემით. მართალია, ამ ამხანაგების ჯგუფი ჯერ მცირეა /დ.ბენაშვილი, შ.შავგულიძე, ფრ.ნაროუშვილი, ალ.ქიქოძე/ ეს ჯგუფი ჩქარა გაიზრდება.

დიდი სიძნელე დგას იმათ წინაშე, ამაზე გვითითებენ კრებულის ახალგაზრდა ავტორები. საქმე იმაშია, რომ ძველი რეაქციონური და კონტრრევოლუციური მწერლობის გამოძახილს ჩვენ ვამჩნევთ ზოგიერთ შემთხვევაში თვით კომპარტიის შიგნითაც. აი, რას ამბობენ ამის შესახებ ჩვენი ავტორები: „ასეთი გამოძახილის კლასიკურ ნიმუშს წარმოადგენს სიმონ ხუნდაძე, რომლის მთელი რიგი ისტორიულ-ლიტერატურული შრომები წარმოადგენენ თანამედროვე პირობებში იმ პროგრამის გამოძახილს ისტორიისა და ლიტერატურის საკითხებში, რომელიც წამოაყენეს ნაციონალისტ „ხალხოსნებმა“ და ბოლოს სოციალ-ფედერალისტებმა. ამგვარი მოვლენა თავის თავად სამწუხაროა, რადგანაც ეს ხდება კომუნისტური პარტიის შიგნიდან და მკითხველ-საზოგადოებაში ანტიმარქსისტული და ანტიბოლშევიკური აზრით მარქსიზმ ლენინიზმით სალდება“.

„სიმონ ხუნდაძე-განაგრძობენ ჩვენი ავტორები, - მკაცრ პროტესტს აცხადებს იმ „უსამართლობის“ წინააღმდეგ, რომლის მიხედვით ჩვენში ჭავჭავაძე და საერთოდ თერგდალეულები არ იყვნენ ცნობილნი, როგორც ბატონყმობის წინააღმდეგ მებრძოლი ჯგუფი: ჩვენში, ამბობს იგი, გავრცელებული არის ყალბი შეხედულება, თითქოს ჩვენი სამოციანი წლების ინტელიგენცია არავითარ ბრძოლას არ აწარმოებდა ბატონყმური წყობილების წინააღმდეგ, რომ ისინი ბატონყმობის მოსპობას არ მოითხოვდენ, არამედ შეკეთებას და სხვა. უნდა ვთქვა, რომ ასეთი შეხედულება გაუგებრობაზე არის აღმოშენებული, იგი საკითხების უცოდინარობის ნაყოფი უფრო არის, ვიდრე ობიექტური მსჯელობა“ და შემდეგ ისინი ეკითხებიან ს.ხუნდაძეს: „რომელ ყალბ“ შეხედულებაზე ლაპარაკობს ხუნდაძე? ვის აზრს უწოდებს ავტორი სიყალბეს, გაუგებრობისა და უცოდინარობის ნაყოფს? ვისზე მოაქვს იერიშები: ჩვენთვის ნათელია, რომ ეს რისხვა მიმართვლა მარქსიზმის და ბოლშევიკების წინააღმდეგ, ასეთი იერიში მარქსისტების მისამართით გამოხმაურებაა ჯორჯაძის შეტყეებისა“ /იხილეთ დასახელებული კრებული გვ. 81-82/.

ეს გარემოება თავისთავად იგულისხმება, მეტად სამწუხაროა როგორც დავინახეთ ზევით მარქსისტებმა უკვე სამი ათეული

ნლების წინათ გამოამყლავნეს ის სიყალბე, რომელსაც მაშინ ავრცელებდა ქართულ მწერლობაში ფეოდალური სულით გაჟღენთილი რეაქციონური ინტელიგენცია, რაც თავადაზნაურობის და ბურჟუაზიის ინტერესების აშკარად დაცვის მიზნით იყო გამონვეული და რაც იმათთვის საჭირო იყო. ნამდვილ რევოლუციონერების და სოციალისტების წინააღმდეგ, მხოლოდ ერთის განსხვავებით წინათ თუ თერგდალეულები და ჭავჭავაძე გამოყავდათ ლიბერალებად და დემოკრატებად, ახლა ეს უკანასკნელები გამოყავთ უკვე „სოციალისტებადაც“. აი როგორ ახასიათებს ხუნდაძე ჭავჭავაძეს.

„ძველი სოციალური წყობილების წინააღმდეგ ბრძოლაში მეთაურობა უცილოდ ილია ჭავჭავაძეს ეკუთვნის, რომელმაც გამანადგურებელი მახვილი ჩასცა ძველ საზოგადოებასო“, მაგრამ ამას არ ჯერდება ხუნდაძე. გამარჯვების წყურვილით გატაცებული საჯაროდ ამტკიცებს:

„ილიას ნაწერებში ჩვენ ვხვდებით სოციალისტური აზროვნების ელემენტებსო“, /იხ. დასახელებული კრებული გვ. 83/.

რა არის ეს? დაცინვა და გამასხარავება ყველაფრის. ვის „ყალბ შეხედულებაზე ლაპარაკობს“ როცა იცავს მესამოცე ნლების მოლიბერალ-ნაციონალისტურ ინტელიგენციას და ასე ხელაპყრობით იჩოქებს მის წინაშე? აშკარაა მას მხედველობაში აქვს ჩემი შრომა „დ.ჭონქაძე და მისი დრო“, რომელიც 1903 წელს დაიწერა. მაგრამ მას არ ყოფნის გამბედაობა დაასახელოს ეს შრომა. ყველამ იცის, რომ ის შეხედულებები, რომლებიც მე იქ მაქვს გამოთქმული, დასაბუთებული იყო დოკუმენტებით. ხუნდაძეს ჯერ უნდა დაერღვია ის საბუთები, რომლებიც დასახელებულია აქ და მხოლოდ შემდეგ ამისა გამოეყვანა თავისი დასკვნა, მაგრამ ეს მას არ შეეძლო, რადგანაც ამისათვის საჭირო იყო ჩემ შრომაში დასახელებული საბუთების უარყოფა. ეს არც ისე ადვილი საქმეა. განა სასიამოვნო იყო რეაქციონურ თავადაზნარულ და ფედერალისტურ ინტელიგენციისათვის ყოველგვარი ის, რასაც მე იქ ვამბობდი? ვფიქრობ, რომ არა, მაგრამ რალას იზამდნენ.

ჩვენმა მოწინააღმდეგებმა მაშინ ხმა გაკმიდეს. მოხდა საკვირველი ამბავი: თითქოს ახლა ახლდება მარქსისტების კრიტიკა. ამ საკითხში, თითქოს ახლა იწყება მაშინდელი მარქსისტული კრიტიკის რევიზია და ეს ხდება მარქსისზმისა და ლენინისზმის დროშის ქვეშ. ეს უნდა აღმოვფხვრათ. მოიგონეთ რუბინი და ძმანი მათნი, რომლებიც ანტიმარქსისტული და ანტილენინურ შეხედულებებს

მარქსიზმის სახელით ასალებდნენ. ხუნდაძე ჩვენში ცდილობს გა-
აცოცხლოს რეაქციონელური შეხედულებები გადაგვარებულ „ნა-
როდნიკების“ ა.ხუნდაძე მოექცა ერთი მხრივ არ.ჯორჯაძის და
მაიაშვილის, კოტეტაშვილის და კაპანელის გავლენის ქვეშ. ხუნ-
დაძემ, როგორც მარქსისტმა აქ გამოიჩინა არა მარტო უტაქტობა,
არამედ სრული უპრინციპობაც. შეუთვისებლობა მარქსიზმსა და
ლენინიზმსა. ეს პატარა შეცდომა არაა, მაგრამ მისი გამოსწორება
შეიძლება. ხუნდაძეს შეუძლია და ვალდებულიცაა თავისი შეცდო-
მის გამოსწორებისა. ჩემი წერილის მიზანიც სწორედ ესაა.

ეს ამხ. ხუნდაძის შესახებ, სამწუხაროდ ხუნდაძე ამ მხრით
მარტო არ არის, გვერდით ჰყავს-ბენიჭო ბუაჩიძე – იგი კომუნის-
ტია და პროლეტარული მწერლების ერთ-ერთი ხელმძღვანელი.
მას მეტი მოეთხოვება. ზოგიერთ მის მიერ წარმოთქმულ სიტყ-
ვებს და მის მიერვე დამუშავებულ რეზოლუციების მიხედვით ბუ-
აჩაძის მემარჯვენეობაში ეჭვს ვერავინ შეიტანს. პირიქით, ამხ.
ბუაჩიძე ქართული მწერლობის საკითხებში მეტ წილად უფრო მე-
მარცხენე ხასიათის გადახრებს იჩენდა, ვინემ მემარჯვენე ხასია-
თისას. ამიტომ მით უფრო გასაკვირალია მისი მიდგომა მესამოცე
წლების მწერლობისადმი ი.ჭავჭავაძის მეთაურობით. ეს მიდგომა
მართლაც რომ მემარჯვენე ოპორტინისტულია და გამოთქვამს
ფედერალისტების შეხედულებებს და არა მარქსისტულ შეხედუ-
ლებებს.

ამას წინადად სრულიად შემთხვევით მე ნაევანყდი ბუაჩიძის ნა-
წერების ზოგიერთ ადგილებს, სადაც იგი იძლევა ილიას და მისი
ჯგუფის მწერლების დახასიათებებს. მის ნაწერებში ვკითხულობთ
„მესამოცე წლების ქართული ლიტერატურის ძლიერი ნაკადი ხელს
უნყობდა იბრძოდა /??/ ბატონყმობის წინააღმდეგ“ ლიტ. და თანა-
მედროვეობა 1927წ. გამოცემა, გვ. 14/.

მკითხველი მიხვდება, რომ ზევით მოყვანილ სიტყვებში, თუმცა
ბუნდოვნად გამოთქმულია სრულიად არა მარქსისტული შეფასე-
ბა მესამოცე წლებისა. ჯერ ერთი ის, რომ აქ აღებულია მესამოცე
წლების მთელი ქართული ლიტერატურა. გამოდის, რომ მაშინდელ
ქართულ ლიტერატურაში სრულიად არავითარი განსხვავება არ
იყო, არ იყო დაყოფა, თითქოს იყო ერთი მთლიანი ლიტერატურა,
რომელიც იბრძოდა ბატონყმობის წინააღმდეგ. რა თქმა უნდა, ასე
არ იყო სინამდვილეში, ამხ. ბუაჩიძის მტკიცება სრულიად განყე-
ნებული მსჯელობაა და სინამდვილის დამახინჯება. შემდეგ იმა-
ვე წერილში ავტორი ამბობს: „ე.ნინოშვილმა ღირსეულად შესძლო

ილიას მემკვიდრეობა და ცხოვრების მსვლელობასთან ერთად შე-
საბამისი ახალი კუთხით." /აქვე გვ. 63/.

ზევით მოყვანილი სიტყვები ამტკიცებენ, ჩვენი აზრით, ერთ
რამეს, ამხ. ბუაჩიძე არ იცნობს იმ საგანს, რაზედაც სწერს, თო-
რემ ასეთ ველურ რამეს არ დასწერდა. ეგნატეს, რომ შეეძლოს
ამ სიტყვების მოსმენა, ხომ საფლავშიც გადაბრუნდებოდა. (ხაზი
ყველგან ჩემია, - ნ, გ,) ჯერ ერთი, რა მემკვიდრეობაზე შეიძლება
ლაპარაკი ნინოშვილის მხრით ჭავჭავაძის მიმართ, არც წარმოშო-
ბით და მდგომარეობით, არც იდეურად ნინოშვილს და ჭავჭავაძის
შორის მემკვიდრეობაზე ლაპარაკი არ შეიძლება. ასეთი მტკიცე-
ბა არსებითად წარმოადგენს აშკარა რეაქციურ შეხედულებას; ეს
მტკიცება მთლიანად ეწინააღმდეგება მარქსიზმის და ლენინიზ-
მის პრინციპებს.

ნინოშვილი იყო ღარიბი გლეხის შვილი, სოფლის მასწავლე-
ბელი, ქარხნის მუშა, ნამდვილი პროლეტარი და რევოლუციონე-
რი. და იგი შეიქმნა მარქსისტი. ილია კი იყო წარჩინებული თავა-
დის შვილი მემამულე და გლეხების მებატონე. იგი იყო მუშების და
გლეხების ექსპლოატატორი. როგორც მწერალი-რეაქციონერი
მემამულეების ინტერესის უერთგულესი დამცველი, ფეოდალური
საქართველოს მათაყვანებელი და მონარქისტი, რომელიც მსხვერ-
პლი გახდა მის მიერ ექსპლოატირებულ გლეხების.

რა არის საერთო ამ ორ პიროვნებას შორის? ან რა მემკვიდრე-
ობის მიღება შეეძლო ნინოშვილს ილია ჭავჭავაძისაგან? არავითა-
რი: არ ვიცი გრძნობს თუ არა ბუაჩიძე იმ უხერხულობას, რომელ-
შიც იგი ჩავარდა, და თუ როგორც ამცირებს იგი ეგ. ნინოშვილს,
ხომ ხორცი და სისხლია მუშათა კლასის, იგი ხომ წინამორბედი
იყო ჩვენში მარქსიზმის, პროლეტარული რევოლუციის, კომუნის-
მის? ვინლა იყო ილია ჭავჭავაძე? ეს ხომ მთელმა ქვეყანამ იცის:
რეაქციონერი. მას ვერ იხსნის ასეთი სიტყვების წამოსროლა, რო-
გორც მაგალითად: თავისუფლება, სამშობლო და სხვა.

ამაზე შეიძლება ბუაჩიძემ გვიპასუხოს, რომ იგი ადარებს მხატ-
ვარ ჭავჭავაძეს მხატვარ ნინოშვილთან. მაგრამ მწერალის გაო-
რება არ ხდება. ეს შეუძლებელია. დაუშვათ, რომ დავეთანხმოთ
ბუაჩიძეს, თითქოს მას ზევით მოყვანილ სიტყვებში მხოლოდ ამ
ორი მწერლის მხატვრული მხარე ქონდა მხედველობაში, განა ეს
დამაჯერებელ საბუთად ეწოდება? რა, საერთოა ამ ორ მწერალს
შორის, რომ ე.ნინოშვილი ჭავჭავაძის მემკვიდრედ და ისიც ღირ-
სეულ მემკვიდრედ გამოვაცხადოთ? პირველი საფეხურის სკოლის

მონაფეც კი მიხვდება, რომ ამ ორი მწერალის ერთმანეთთან შედარება შეუძლებელია, რადგანაც ისინი, როგორც მხატვრები, სრულებით სხვადასხვა მისწრაფებებს, სრულებით სხვადასხვა იდეალებს გვიხატავენ.

საინტერესოა, ვიცოდეთ, რა მიზანი ქონდა ბუაჩიძეს ამ შემთხვევაში? ერთი კი ითქმის: ნებით თუ უნებლივით ობიექტურად ამხ. ბუაჩიძე ზევით მოყვანილ ამონაწერებში არსებითად აკეთებს ძველი ხალხოსნების და სოციალ-ფედერალისტების საქმეს, ე.ი. იგი სახელს უკეთებს და ავტორიტეტს უქმნის ქართულ ლიტერატურაში რეაქციონალურ მწერლებს, და იმათ ბურჟს ჭავჭავაძეს. ეს უნდა ითქვას კატეგორიულად მთელი სიმკვეთრით და ეს მით უმეტეს, რომ ამხ. ბუაჩიძე კომუნისტური პარტიის წევრია. პარტია ვერ მისცემს მას უფლებას პარტიის შიგნით ხელი შეუწყოს ჩვენი პარტიის ძველი და ახალი მონინალმდეგენის შეხედულებათა გავრცელებას...

ამხ. ბუაჩიძე სხვა წერილშიც იმეორებს თავის შემცდარ შეხედულებას. ასე მაგალითად, წერილში „ქართული მწერლობა 1929 წელს“ ჰმნათობი 1930წ. გვ. 13 იგი სწერს: „ილია ჭავჭავაძე ისეთი სიძლიერით ებრძოდა ბატონყმობას, თანამედროვე მწერალს ჯავახიშვილს რათ უნდა გაუჭირდეს ბატონყმობის ნამდვილ ურთიერთობის ასახვაო“.

აქ პირდაპირ შეუსაბამისობაა, წინააღმდეგობაა პირველ ნახევრსა და მეორეს შორის: ჭავჭავაძე ებრძოდა ბატონყმობას, ჯავახიშვილს რაღა დაემართაო. აქ არავითარი ლოგიკა არაა.

ვთქვათ ივანეს შექმლო ბრძოლის წარმოება, მაგრამ აქედან ჩვენ ვერასოდეს ვერ დავასკვნით, რომ პავლესაც უნდა შეძლებოდა ასეთი. მაგრამ მთელი უბედურება იმაშია, რომ ამხ. ბუაჩიძე მაშინ საშინლად ცდება, როცა ამტკიცებს, რომ ილია ჭავჭავაძე ბრძოლას აწარმოებდა ბატონყმობის წინააღმდეგ.

ეს მართალი არაა. ეს სიცრუეა. ამ ზღაპარს ბოლო უნდა მოელოს. ეს ძირითადად უნდა აღმოიფხვრას, საბჭოთა საქართველოს მწერლობიდან, ეს უნდა მოახდინონ კომუნისტ მწერლებმა. ამ ყალბი შეხედულების გაზიარება აუცილებელი შედეგი იყო მარქსიზმისა და ლენინიზმიდან გადასვლისა ერთი მხრით და ბოლშევიზმის ტრადიციების დავინწყების მეორე მხრით. ამიტომ აუცილებლად საჭიროა დიდი მუშაობის ჩატარება, რათა ზოგიერთი კომუნისტი – მწერლები უფრო ბეჯითად დაუკვირდნენ იმას, რასაც ამბობენ

და პირველყოვლისა, რასაც სწერენ. ჩვენს პროლეტარულ მწერლობას მეტად დიდი ამოცანები აქვთ გადასაჭრელად, რა თქმა უნდა, არა მარტო რეზოლუციების გამოტანით ან არა მარტო რადიკალური და რევოლუციონური ფრაზეოლოგიის საშუალებით. არამედ თვით ლიტერატურის დაუფლებით. ბრძოლას კლასიკოსებისათვის აქვს უფრო ღრმა და უფრო ფართო მნიშვნელობა, ვინემ ეს პირველი წარმოდგენით ეგონა ზოგიერთებს.

დასასრულს არ შემიძლია კიდევ და კიდევ აღტაცებით არ მივვებო ამ ახალგაზრდა პროლეტარულ მწერლების ნაბიჯს, რომლებმაც იკისრეს ზევით დასახელებული კრებულის გამოცემა. ვფიქრობ, რომ ეს პირველი ნაბიჯია, რომელსაც შემდეგი, უფრო ნაყოფიერი ნაბიჯები მოყვება. მეტია ლაპარაკი, რომ ეს ახალგაზრდები სწორ მარქსისტულ – ლენინურ პოზიციაზე დგანან და ბოლშევიზმის ერთგული დამცველები არიან. შეიძლება იმათაც მოუვიდეთ შეცდომები, მაგრამ ეს სრულიად სხვა ხასიათის შეცდომები იქნება, რასაც ისინი სულ ადვილად გამოასწორებენ.

ვუსურვოთ მათ წარმატებით განაგრძონ თავისი ნაყოფიერი და საჭირო მუშაობა."

ამ ახალგაზრდა, დამწყებ ჰეროსტრატეებს, რევოლუციის ხათრით დედ-მამის მიხრჩობაც რომ არაფრად მიაჩნდათ, ბელადის ეს წერილი ისე მიიღეს, როგორც ბრძოლის წინ მთავარსარდლისაგან სასიგნალო მაშხალის გასროლა. მთელი შეგნებით გადაეშვნენ ბრძოლაში ილიას სახელის საბოლოოდ ამოსაძირკვად.



ბელადის მიერ პროლეტკულტელების შექებას და მათგან ზოგიერთის კრიტიკას, როგორც ვთქვი, უკვალოდ არ ჩაუვლია.

ფილიპე მახარაძის წერილის დასტამბვის შემდეგ პროლეტარული მწერლობის კალმოსნები პაჭანიკებივით შეესივნენ კლასიკოსებს და უპირველეს ყოვლისა, ილია ჭავჭავაძეს.

მაგალითად, პლატონ ქიქოძემ ჩათვალა, რომ კლასიკოსი მწერლებიდან, რომელნიც უარყოფითად მოქმედებენ პროლეტარებზე, განსაკუთრებით საშიშროებას წარმოადგენს ილია ჭავჭავაძე, ამიტომ მავნე ზემოქმედების შესუსტების მიზნით საჭიროა მისი მტკიცედ მხილება.

რამდენიმე თვეში მახარაძის წერილის დაბეჭვიდან ილიას წინააღმდეგ ლაშქრობას კამპანიური ხასიათი ეძლევა.

1932 წელს ილიას ცალ-ცალკე და ჯგუფ-ჯგუფად ამხელენ. „სალიტერატურო გაზეთის“ 11 თებერვლის ნომერში იბეჭდება დ. ბენაშვილის, გ. ნატროშვილის, ბ. ჟღენტის ერთობლივი წერილი.

იგივე ავტორები 21 თებერვალს იმავე „სალიტერატურო გაზეთიდან“ მოითხოვენ ს. გაჩეჩილაძის (მამა პროფ. გიორგი გაჩეჩილაძისა) სახელმძღვანელოს – „სამუშაო წიგნი ლიტერატურაში“-ს აკრძალვას, ვინაიდან ამ „მაგნე“ წიგნით ხელი ეშლება ჩვენი ახალგაზრდობის კლასიკურ აღზრდას. ხოლო ხელი იმიტომ ეშლება, რომ წიგნში შექებულია ილია ჭავჭავაძე.

ცნობილი და ძველი ბოლშევიკი, ძველი ტერორისტი, ბარონ ბიბინეიშვილი მეოთხედ გამოსცემს წიგნს – „კვალი“ და „კამათი ი. ჭავჭავაძესთან“. თავის დროზე „კვალის“ პასუხისმგებელი მდივანი ფილიპე მახარაძე იყო. გასაგებია რაზეც იქნება ამ წიგნში ლაპარაკი. ცხადია, იმაზე, რომ ილია ჭავჭავაძე ხელს უშლიდა ახალი ცხოვრების დაწყებას.

ძალიან საინტერესოა, რას იტყოდა პროლეტკულტელთა ხელმძღვანელი. ნაფიცო კომუნისტი ბენიტო ბუაჩიძე, რომელსაც ილიაზე ორიოდ დადებითი რამ წამოსცდა, რას იტყოდა მახარაძის კრიტიკის შემდეგ? ბენიტომ ძალიან „ივარგა“... ის ჯერ სიტყვით გამოვიდა 1932 წლის იანვარში საქართველოს პროლეტმწერალთა VI პლენუმზე და ქვა-ქვაზე არ დაუტოვა, მაგალითად სიმონ ხუნდაძეს – ილიას მსოფლმხედველობა სწორად არ გესმისო. ეგ არაფერი, მის სიტყვაში „ლირიკული“ შეძახილიც გაისმა: – „რეაქციონერ მწერლებთან ბრძოლა იყო და არის ჩემი მუშაობის უდიდესი საგანი“-ო.

კი მაგრამ, ფილიპეს რომ არ მოეწონა მისი ადრინდელი წერილი?

განა ბენიტომ არ დანერა ილია ბატონყმობას ებრძოდაო?

ეს საკითხიც მოაგვარა, პლენუმიდან 10 დღის შემდეგ მახარაძის კრიტიკას გამოეხმაურა და დანერა: „ილია ჭავჭავაძე არ იყო მებრძოლი ბატონყმობის წინააღმდეგ, არამედ ის იყო თავად-აზნაურობის მოწინავე, ჭკვიანი წარმომადგენელი, ე.ი. ყველაზე ძლიერი და მძაფრი რეაქციონერი“.

1932 წელს ილიას გარდაცვალებიდან 25 წელი შესრულდა. „სალიტერატურო გაზეთს“ ერთი სიტყვითაც კი ილია ჭავჭავაძე არ უხსენებია. კი, მსჯელობდნენ ილიაზე როგორც რეაქციონერ მწერალზე. აქა-იქ ვილაცხა, ისევ ძველი თაობიდან, კარგსაც დანერდა, მაგრამ ილიას მკვლელობის თემას, როგორც გითხარით, ტაბუ

ედო. მიხეილ ჯავახიშვილი მოქალაქეობრივ გაბედულებას გამოიჩინა და ქართველი საბჭოთა მწერლების პირველ პლენუმზე სიტყვით გამოსვლისას იტყვის – „25 წელი შესრულდა ილია ჭავჭავაძის გარდაცვალებიდან. გაზეთს ეს არ აღუნიშნავს, ორი სიტყვითაც არ უხსენებია. შეიძლება ეს მომხდარიყო რომელიმე რესპუბლიკაში?“

... მე რომ თქვენს ადგილზე ვიყო – კავშირის ხელმძღვანელებს მიმართავს, – დავწერდი წერილს... ილიაზედაც დავწერდი. თუმცა მასაც რეაქციონერს ეძახით, მაგრამ მის ლექსებზე ახალგაზრდობა იზრდება“.

დანერა კიდეც, წერილი არა, პოემა დანერა ილიაზე კომკავშირელმა და პროლეტკულტელმა პოეტმა ფრიდონ ნაროუშვილმა.

ცხადია, ის ჯავახიშვილს არ აპყოლია, შეკვეთა ამ ახალგაზრდა კაცს ფილიპე მახარაძემ მისცა. ჩვენ ახლა ილიას წინააღმდეგ ბრძოლების, ვგონებ, ყველაზე კურიოზულ ფაქტს გავეცნობით.

ბელადის დავალების შესრულება ისე აღტკინებულმა მოინდომა ნაროუშვილმა, კინალამ თავიც დაიღუპა და ფილიპესაც ჩრდილი მიაყენა.

ილიას მკვლელობის საქმეს ტაბუ ედო. პრესაში ილიას მკვლელებს აღარ ახსენებდნენ. პირდაპირ ანეკდოტური ამბავია ის, რაც ამ კომკავშირელს დაემართა. კაცმა ფილიპეს სიამოვნებისათვის, ისეთი ზიზლი აფრქვია ილიას, თვით მახარაძე და ძმანი მისნიც გაჰკვირდნენ. ამნაირი თავადაც არაფერი დაენერათ და არც წაეკითხათ, მაგრამ რად გინდა, ტემლაკების ნაცვლად, პოეტმა კინალამ ციმბირს გამოჰკრა ხელი.

მართალია ბრწყალებში ჩასმით, მართალია ზოგადად, მაგრამ ნაროუშვილმა, მისდა უნებურად, ტაბუ დაარღვია. ის ილიას მკვლელობას შეეხო. თან მასების ბელადები ახსენა. პატივცემულმა ფრიდონმა, როგორც ადრეც ვთქვი, დანერა პოემა – „პოეტი სამხეცეში“, მერე ეტყობა, გადაათქმევინეს და სხვა სათაურით დაბეჭდა – „თავადი ილია ჭავჭავაძე“.

პოემის ერთი ნაწილი ჟურნალ „პროლეტარულ მწერლობაშია“ დასტამბული (1932წ. 1-2 გვ. 148-149), ნაწილი კი გაზეთ „ახალგაზრდა კომუნისტში“ იმავე 1932 წლის 3 თებერვალს. „ახალგაზრდა კომუნისტში“ დაბეჭდილ ნაწყვეტს, როგორც უფრო სენსაციურს, ცოტა ქვემოთ გაგაცნობთ. ჯერ ის თავი ვნახოთ, სადაც ნოე ჟორდანიას და ილია ერთად ჰყავს გალანძული. (მით უფრო, - პოემის ეს ნაწილი ფართო მკითხველისათვისაც დღემდე უცნობია)

თავადი ი. ჭავჭავაძე

გული როგორ არ დაგიღონდება,
როცა მძინვარებს შავი სახადი;
სომხებთან ომი მოგაგონდება,
როგორც აშკარა „ქვათა ლალადი“.
იგი არ არის ისე წყვდიადი,
როგორც წარწერა ქვაზე ლურსმული,
იგი ლალადებს ისე „ღიადი“ –
როგორც ქართული, როგორც რუსული.
იგი აროდეს არ იუფლება
გიპოტეზების გაუვალ ნისლით,
ვით ჟორდანიას ხელისუფლება
შელებილია სომხების სისხლით.
ხოცვა-ჟლეტაში შენ თუ ერიე,
რაა, უარს თუ მაინც ვერ იშლი,
ფაქტების ხმაღს ვერ მოიგერიებ –
ხმაღზე მჭრელია მის იერიში.
მთავრობა ომში წაგებულა,
მაინც მძინვარებს შავი სახადი;
მორჩა, ნაკითხულ-გაგებულა
ცხრაას თვრამეტ წლის „ქვათა ლალადი“.
წამოდგა ნოე, როგორც ილია,
ფოილოს გაღმა მინა-წყლის მდომი,
„დემოკრატიულ“ კავკასიაში
ჭავჭავაძური ატიხა ომი.
ხოცვის და სისხლის წყურვილი მყისვე
გამეფდა, როგორც შავი სახადი;
ომობდა ნოე სომხებთან ისე,
როგორც ილიას ქვათა ლალადი.
დგამდა საზიზლარ ომს რეჟისორი,
ყავდა გვარდია და „მძიმე ჯვარიც“,
და შოვინიზმის ბებერი მძორით
სომხეთისაკენ დაიძრა ჯარი.
კაუცკის მიერ ნებადართული,
ვით ტრაგედია სისხლიან მკაში,
ქვათა ლალადი იქნა დადგმული
„დემოკრატიულ“ რესპუბლიკაში:

ყუმბარა გლეჯდა ხეს, თხრიდა მიწას,
ტყე მღელვარებდა ხოცვა ჟღეტაში,
დახოცილ ტყეში ცხედრები ინვა
და პარლამენტში ისმოდა ტაში...
მღერის გვარდია... პრეზიდენტს ესმის
„დემოკრატიულ“ მთავრობის ლექსი.
ქადაგებს ნოე: „საომრად,
გმირო. ლაშქარი დასძარი,
„ქართველო ხელი ხმაღს იკარ“ –
სომხებს დაეცი თავზარი!
სავსეა იმავე შხამით და გესლით
დაშნაკელების მთავრობის ლექსი.
და პრეზიდენტი იმავე ფერის
იმავე სიმღერას სომხურათ მღერის:
ქალაქ ტფილისში თავს იკრავს
ჩვენი სამშობლოს საზღვარი;
სომეხო, ხელი ხმაღს იკარ
„ვრაცებს“ დაეცი თავზარი...
ზღვარი წალეკილ და ნაშლილია,
როგორც ძმებს შორის სხვადასხვა ძეთა, –
ასე გადიქვა ნოეთ ილია
და ჟორდანიას ჭავჭავაძეთა.

რა არის ცხოვრება, ემიგრაციაში მყოფ ჟორდანიასთვის კი სა-
სიამოვნო იყო, თუკი ილიას გვერდით, თან მის თანამოაზრედ მო-
იხსენიებდნენ, მაგრამ მახარაძე, რომლის შეკვეთითაც ეს პოემა
ინერებოდა ხომ ჟორდანიას სიამოვნებაზე არ ფიქრობდა. პირი-
ქით, 35 წლის შემდეგ გაიხსენეს „ქვათა ლაღადი“ და ქართველ-
სომეხთა ომის ინსპირატორადაც დიდი ხნის გარდაცვლილი ილია
მოსძებნეს.

ზედ ჟორდანიაც მიაყოლეს. ახლა გაიხსენეთ 1907 წელი, ჟორ-
დანიას წერილი, დაბეჭდილი გაზეთ „ჩვენის გზის“ 28-ე ნომერში.
„ვთქვათ, ყველა ეს მართალია, ვთქვათ, სოციალ-დემოკრატების
მიერ მომზადებულმა ნიადაგმა დაბადა ეს მკვლელობა. მერე ამის-
თვის დასაგმობია თვით ნიადაგი? ამ ნიადაგმა დაბადა ის დიდებუ-
ლი მოძრაობა, ის გონებრივი და პოლიტიკური გადასხვაფერება,
რომელიც ქართველმა ხალხმა განიცადა და დღე მუდამ განიცდის.
ამ ნიადაგზე აღმოცენდა კავკასიის რევოლუცია, მთელი ახალი ის-

ტორია, და თქვენ გასურთ ყველა ეს უკუაგდოთ და გმობთ იმიტომ, რომ სადაც ხე იჭრება, იქ ნაფოტებიც ცვივა. დიდმა რევოლუციამ სიკვდილით დასაჯა დიდებული ქიმიკოსი ლაუაზიე, მარა ამიტომ თვით რევოლუცია არავის დაუგმია, გარდა რეაქციონერებისა". ხედავთ, როგორც დაუდგა გვერდზე მკვლევლობის პირველსავე დღეებში ჟორდანიას მახარაძეს და ბოლშევიკებს?!

გაიხსენეთ, ზემოთ წარმოდგენილი, 1913 წელს დანერგილი ჟორდანიას ნერილი, სადაც ასევე კბილებით იცავდა ილიას მკვლევებს. დაბოლოს, გაიხსენეთ ჟორდანიას მიერ მახარაძისა და ბერბიჭაშვილის ციხიდან გაპარება.

ახლა თავისი ყოფილი პარტიული ამხანაგებისაგან მადლობის ნაცვლად მისი ძიძგნის დრო დამდგარა. ესენი საკუთარი ჯიშის ჟორდანიას არ ინდობენ, ტახტიდან გაქცეულსაც ებრძვიან და ილიას მოასვენებენ საფლავში?

აი, პოემის მეორე ნაწყვეტი, რაც ნაროუშვილმა „ახალგაზრდა კომუნისტებიდან“ ილიას უძღვნა.

თავადი ილია ჭავჭავაძე

„ამიერ-იმერეთის ქართველთ გარდა ბევრ სხვადასხვა მილეთის ხალხთან მქონია საქმე, ბევრი სომეხი, რუსი, თათარი მებაღეებად, მწყემსებად, მოსამსახურეებათ მყოლია... ბევრჯერ გავჯავრებულვარ და დამიტუქსავს კიდევ“. (ნერილიდან „ნუთუ?“)

ი. ჭავჭავაძე

„სახელ განთქმული თავადი ილია,
მამულითა და ყმებით მდიდარი
მთანმინდის ლოდ ქვეშ მარად მძინარი
გლახების სისხლით შეღებილია.
ზეცით დანიშნულ ხმებმა თავადის
ცა ფეოდალის გადმოქუხარეს, –
მზე ჩაესვენა მისი მარადის
მაგრამ ვინ დაღვრის ცრემლებს მდულარეს?
ბევრი აგინა მან მშობელ მამას,
მაგრამ არ იყო მამის „ყასაბი“...
და ველარ მიხვდა ველური მამა,
როგორ უყვარდა შვილს ლუარსაბი.
ფეოდალ კლასიკს ქონდა მამული,

მეტყველ პირუტყვეებს აძრობდა ტყავსაც,
ქონდა გლეხების მას სიყვარული,
ვით ხარი უყვარს ჯანიერ ყასაბს.
იყო მგოსანი ცრემლ დანამული
სამეფო გვარის ბედის ტრიალით.
როგორც მემკვიდრეს მშობელ მამულის
განუზომელი ქონდა ტრფიალი.
მზა-მზარეული მამულის ხილი
ტკბილი იყო და მწიფე მზიანი. –
გლეხების სისხლით გულგაპოხილი
ლექსებში იყო „ადამიანი“.
ატრიალებდა მათრახს მგოსანი,
ვით მემამულე მუხის ფესვებით,
„ჯანდაბას მისი კალმის მოსმანი“, –
ყმებს რათ უნდოდათ მისი ლექსები.
საგურამოში რა სხივოსანი
ქონდა დარბაზი სისხლით ნაკირი,
რა დიდებული იყო მგოსანი,
რა დიდებული იყო ბანკირი!!
მთანმინდის ლოდს ქვეშ იხრწნება ლომი,
პოლემიკოსი და ენამჭევრი, –
მთავარსარდალი შავრაზმულ ომის,
„მესამე დასის“ მოსისხლე მტერი.
მას რა ლომურად უღრიალია,
გადაულახავს წლების მანძილი,
მისი პოემა მწუხრიანია,
ვერ გაუფანტა „მამულს“ მან ძილი.
ვერ გახდა გლეხი თავადის სიძე,
ვერ ეძმობილა მშიერს გამძლარი,
ველარ ჩააქრო ნამუსის სიბრძნემ
ჩატეხილ ხიდის მზე და ხანძარი.
თვითონ ილია მხნე და გულადი,
ნინოშვილების გულსისხლის მდომი,
ყვარელის მთიდან წინამურამდე
ღრიალებს როგორც ფეოდალთ ლომი.
მგოსანის ყმები, როგორც ნახირი
დაყურებს მინას ცრემლიან თვალით,
მზე და მათრახ ქვეშ გმინავს ნახირი

„რადგანაც ზეცა წაართვეს ძალით“.

შენ პირუტყვი ხარ, შენ გულკეთილი
შენ გზები ყველგან გაქვს ჩაკეტილი;
შენი ბატონი განათლებული
თავად მგოსანი და მჭერმეტყველი.

„შენ ვერ მიხვდები მეტყველის ტანჯვას“
მგოსნის მამულებს უვლი გაშლილებს, –
მგოსანის დროშკა მოქრის და ალბათ...
ბატონის რისხვა ვერ შეგაშინებს.

„ოხრად დაგრჩება შენი მამული
უკანასკნელად რომ გაგივლია“, –
თოფივით სჭექდა ხმა ვერაგული
და „ბრბომ“ ვერაგულ მოკლა ილია.
ვინ იყო ის „ბრბო“ დაუნდობელი,
ვინც ჩაულენა ფეოდალს ზურგი,
მოკლა, „ვერაგულ“ ქართლის მფლობელი
თვითონ ჩაიცვა წყვედიადის ქურქი?
ვინ იყო ის „ბრბო“, რომელმაც ჩასცა
მამულის გულს მახვილი ბასრი.

და მკვლელი დღემდე ვერავინ გასცა:
– იმ დროინდელი მშვიერი კლასი.

იმდროინდელი ატირდა პრესა:
„მარქსიზმმა ჩასცა მახვილი მგოსანს“,
და ეს ლეგენდა გრძელდება დღესაც,
და სინამდვილეს წყვიდადში მოსავს.
დღესაც სიმწუხრის ეხვევა ნისლი
თავადის „ქვრივებს“ დალალ გაშლილებს,
უთუოდ მართებთ ილიას სისხლი
ტყეში გახიზნულ ბლახიაშვილებს“.

ამაზე დიდი სიბინძურე რაღა უნდა დაენერა ამ ნაროუშვილს,
ძნელი წარმოსადგენია, არადა, რომ ეგონა ჯილდოზე წარმადგე-
ნენო, კინაღამ გააფუჭეს კაკალი კაცი. ერთდროულად მას მთელი
შემოქმედებითი ჯგუფი, მისივე ტოლ-ამხანაგები, კომკავშირელი
მწერლები დაესხენ თავს.

სალი გონება იფიქრებს, ახალგაზრდა შემოქმედნი ალბათ გა-
დაჭარბებულმა წყევლა-კრულვამ ალაშფოთა და კოლეგას ზომიე-
რებისაკენ მიუთითესო.

არა, ნაროუშვილს, ამ პოემის ავტორს, ბრალად მერყეობა და ფედერალისტების იდეური თანამზრახველობა დასდევს, რაკი პოემაში ილიას მკვლელობის თემას, მისდა უნებურად, ტაბუ ახსნა.

ესეც არ იყოს, პოემას უნუნებენ იმ გარემოების გამოც, რომ კიდევ უფრო დიდი მასშტაბის მძარცველად არ გყავს გამოყვანილი ილიაო.

მოკლედ გამყიდველი ფარსადანის არ იყოს, ამ კაცმა, მოლოდინის სანინაალმდეგოდ, ტემლაკების ნაცვლად პანჩური მიიღო.

რაც მართალი, მართალია, არ შეპუებია, დაუმსახურებელიაო, იფიქრა და კამათი ანუ იმის მტკიცება გააგრძელა, თუ როგორ სძულს ილია.

ჯერ ვნახოთ მისი მოწინააღმდეგე, კიდევ უფრო მტკიცე მარქსისტების პოზიცია.

ვისია ეს აზრები?

„ახალგაზრდა კომუნისტი“-ს 3 თებერვლის ნომერში დაბეჭდილი ამხ. ფრ. ნაროუშვილის ლექსი „თავადი ილია ჭავჭავაძე“. მისასაღმებელია, რომ პოეტი შეეცადა მოეცა გლეხების მყვლეფელ მემამულისა და ბანკირის ნამდვილი სახე, გადმოეშალა მისი თავადური დაუნდობლობა და მრისხანება, ყმა გლეხებთან ურთიერთობაში, მაგრამ იწყება სერიოზული...

ფრ. ნაროუშვილი იოლად და სათანადო სიღრმის გარეშე „უსწორდება“ ილია ჭავჭავაძეს. მყვირალა და „ბჭყვიალა“. „მემარცხენეობა“ აქ გადაჯჭვულია ნაციონალისტურ ცილის-წამებასთან, ი.ჭავჭავაძე თავად-აზნაურობის ინტერესებისათვის მებრძოლი რეაქციონერი იყო. სასტიკად სცდება ის, ვინც ფიქრობს, რომ ილია ჭავჭავაძე მხოლოდ და უმთავრესად პრაქტიკულ საქმიანობაში იყო ასეთი. ილია ჭავჭავაძე მემამულე იყო არა მარტო საკუთარ ყმებთან ურთიერთობაში, არამედ მწერლობაშიდაც. ის თავის კლასის მოწინავე წარმომადგენელი იყო, უპირველეს ყოვლისა ლიტერატურულ-პოლიტიკურ მოღვაწეობით იბრძოდა იმისათვის, რომ თავადობას შეენარჩუნებინა გაბატონებული მდგომარეობა. ამ მიზნით ის კლასიურ თვითკრიტიკაზე დაყრდნობილი, ამულავნებდა, ამხელდა მებატონეების ზოგიერთ ნაკლოვანებებს, მებატონეთა მდგომარეობის გაუმჯობესების, განმტკიცების და არა ბატონყმობის მოსპობის მიზნით. ილია ჭავჭავაძე მემამულე და ილია ჭავჭავაძე მწერალი ერთი და იგივე იყვნენ.

როგორც ბევრი სხვებიც, ისე ფრ. ნაროუშვილიც ფიქრობს, რომ ილია ჭავჭავაძე: **„გლეხების სისხლით გულგაპოხილი, ლექსებში იყო „აღამიანი“.**

„ატრიალებდა მათრახს მგოსანი“.

„ყმებს რათ უნდოდათ მისი ლექსები“.

აქედან აშკარად სჩანს, რომ ნაროუშვილის ნარმოდგენაში (აღამიანის წინწკლებში ჩასმა საქმეს ვერ შველის) ერთია ჭავჭავაძე მათრახით ხელში, და მეორეა ჭავჭავაძე კალმით ხელში. ნაროუშვილს არ ესმის, რომ ჭავჭავაძე, როგორც მწერალიც, უპირველეს ყოვლისა, ემსახურება თავის კლასს. ამიტომ არის, რომ ნაროუშვილი უმთავრესად მათრახს აწვება და დამფრთხალი თვალებით ხატავს ილია ჭავჭავაძეს სურათს.

მათრახის ტრიალი გულსისხლის თქვეფა, გახრწნილი ლომი, აი პრიმიტიული, ველური, პატარა და განსაზღვრული ილია ჭავჭავაძე, ნაროუშვილის გადმოცემაში.

ილია ჭავჭავაძე არ იყო ისეთი პატარა მემამულე, მხოლოდ და მხოლოდ მათრახის უსტაბაში და სისხლით უღვაშებ გაღებილი, როგორც ეს ნაროუშვილის „მემარცხენე“ და გულუბრყვილო სურათშია დახატული. თავისთავად ცხადია ის, რომ:

„ფეოდალ კლასიკს ჰქონდა მამული,

მეტყველ პირუტყვებსაც აძრობდა ტყავსაო“.

დიახ, ტყავსაც აძრობდა ჯიუტი, დაუნდობელი, მოქნილი, ყოველმხრივი ექსპლოატაციით, მაგრამ ეს არ ამოსწურავს ჭავჭავაძის კლასიკურ ბუნებას. კიდევ, რომ მოენდომებია ერთი მათრახით ის მრავალი ყმის ზურგს ვერ გასწვდებოდა. ეს მხოლოდ ნაროუშვილს ჰგონია. მემამულე ჭავჭავაძის ხელი იყო ყვლეფის მთელი სისტემა – აპარატი, მეფის ჩინოვნიკები, სასამართლო, საკუთარი მოურავები, ჩაფრები და სხვა. როგორც მემამულე სანტიმეტალურ გულჩვილობით არ ხასიათდებოდა, მაგრამ შეცდომაა ილია ჭავჭავაძის მემამულეობა განვსაზღვროთ საგურამოს მასშტაბით. არ კმარა მას ხელში მათრახი მივცეთ, სასადილო ჯამში გულსისხლი ჩაუდოთ, კისერზე გააფრებულ ლომის ფაფარი მოვფინოთ და ქურჩა-ქურჩა ვატაროთ. ილია ჭავჭავაძის ამგვარი შეფასება წერილი ბურჟუას-რადიკალიზმია. სავიტრინო პოზაა და სხვა არაფერი. ეს არის ილია ჭავჭავაძის კლასიკური მოღვაწეობის, ბრძოლის, შემოქმედების ვერ გაგება, მისი კლა-

სიური მნიშვნელობის დამცირება, მთავარის მიჩქმალვა და რაც არსებითია, ი.ჭავჭავაძე მოხსნა, როგორც თავად-აზნაურობის იდეოლოგისა. ამას ამტკიცებს ი.ჭავჭავაძის მხოლოდ საგურამოს მათრახებამდე დაყვანა. სინამდვილეში კი ი.ჭავჭავაძის მასშტაბი გაცილებით დიდი იყო.

ილია ჭავჭავაძე, როგორც მწერალი, პუბლიცისტი, სახელმწიფო კაცი, მემამულე, საზოგადო მოღვაწე (აქ არის მთლიანობა ავტ.) თავად-აზნაურობის იდეოლოგი იყო, მისი მოწინავე, საუკეთესო, ჭკვიანი და მოხერხებული მებრძოლი. ეს კი ნიშნავს, რომ ის მძაფრი რეაქციონერი იყო. ცხადია, როგორც ფ.მახარაძე ამბობს, სწორედ ამ თვისებით (რომელითაც აზრი საკუთარი კლასის, თავად-აზნაურობის ინტერესებისათვის ბრძოლაში გამოიხატება – ავტ.) იყო ის რეაქციონერი.

ამიტომ არაა საჭირო საქმის გაუბრალოება, გაიოლება და სანიმუშო ზერელება.

დავკმაყოფილდეთ ამ გაკვრითი შენიშვნებით, რადგან ამჟამად ჩვენთვის ფრ.ნაროუშვილის ლექსში ილია ჭავჭავაძის სიცოცხლის საკითხი არ არის იმდენად საინტერესო, რამდენადაც მისი სიკვდილის. აი როგორ სჭრის ნაროუშვილი ილია ჭავჭავაძის სიკვდილის საკითხს:

„ვინ იყო ის „ბრბო“ დაუნდობელი,
ვინც ჩაულენა ფეოდალს ზურგი,
მოკლა „ვერაგულ“ ქართველის მფლობელი,
თვითონ ჩაიცვა ნყვდიადის ქურქი,
ვინ იყო ის „ბრბო“ რომელმაც ჩასცა
მემამულის გულს მახვილი ბასრი.
და მკვლელი დღემდე ვერავინ გასცა:
„იმ დროინდელი მშიერი კლასი“.

ჩვენ არამც თუ ვეთანხმებით ამხ. ნაროუშვილს ილია ჭავჭავაძის მკვლელობის ასეთ ახსნაში, არამედ სულ რბილად ვამბობთ, რომ ეს არის დიდი, მიუტყევებელი და დაუშვებელი მიქარვა. რომ საფუძვლიანად გავსინჯოთ ფრ.ნაროუშვილის ბრბოს რევოლუციონური წინწკლები, აღმოჩნდა სწორედ ყველა ჯურის ნაციონალისტების ძველი და ნაცნობი ჩხავილი, მათი ისტორიული, თავხედური და ბოროტი ცილისწამება მუშათა კლასის მშიერთა კლასის მებრძოლ პარტიაზე და მის ბელადებზე. ფრ.ნაროუშვილი შეუგნებლად იმეორებს მებრძოლი შოვინისტური პარტიების

გესლიან პროვოკაციას. სწორედ ფედერალისტები, ნაციონალ-დემოკრატიები, პროლეტარიატისადმი კლასიკური ზიზლით აღ-სავსენი ამტკიცებენ, რომ „ერის ბელადი“ ილია ჭავჭავაძე მოკ-ლეს მარქსისტებმა, მშვიერ კლასის ბელადებმა. ნაროუშვილმა ამ ცილისწამებას „რევოლუციონური“ ნილაბი ჩამოაფარა, ბევრი არ იფიქრა, გულზე ხელების ბრაგუნი დაიწყო და მშვიერი კლასის „სახელით“ ამაყად განაცხადა: დიახ, ეს ჩვენ გახლავართ, ნახეთ რა ბიჭები ვართო!

„ვინ იყო ის „ბრბო“, რომელმაც ჩასცა მემამულის გულს მახვილი ბასრი. და მკვლელი დღემდე ვერავინ გასცა, იმ დროინდელი მშვიერი კლასი“.

იმ დროინდელი მშვიერი კლასი იყო მუშები და ლარიბ-ლატაკი გლახობა. ეს კლასი კი მოქმედებდა და მას ხელმძღვანელობდა მებრძოლი პარტია. ეს მშვიერი კლასი და მისი პარტია არ იყვნენ თავად ი.ჭავჭავაძის მოყვარენი. პირიქით, მათ გამწვავებული იდეური ბრძოლა ქონდათ. ისინი სხვადასხვა კლასის წარმომადგენელნი კლასიური მტრები იყვნენ. მაგრამ იმ დროინდელ მშვიერ კლასს და მის პარტიას თავად მწერლისათვის ბასრი მახვილი ფიზიკურად არ ჩაუცია. იგი ზურგს უკან არ მოუკლავს. აღმაშფოთებელი ის არის, რომ დღეს 1932 წელს, ამ ამბის მტკიცება გვჭირდება პროლეტარულ პოეტისათვის.

ქვემოთ ნაროუშვილი ცდილობს მიაჩუმათოს ამ უხამსო რეცი-დივის წარმოების კვალი და ამ ნიშნით მორცხვად და გაურკვეველად გვიამბობს:

„იმ დროინდელი ატირდა პრესა, მარქსიზმმა ჩასცა ლახვარი მგოსანს“.

და ეს ლეგენდა გრძელდება დღესაც, ეს გაურკვეველი, გან-ყენებული და უსისხლო მიდებ-მოდება საქმეს სრულიად ვერ შველის. მარქსიზმი განყენებული დანით ხელში არასოდეს არ დასეირნობდა და იმ დროინდელ პრესასაც ასეთივე განყენებუ-ლი ცილისწამება არ წამოუყენებია, არამედ უფრო კონკრეტული ენით ლაპარაკობდა. მშვიერი კლასის იდეოლოგია იყო მარქსიზმი. ნაციონალის-რეაქციონერის შხამიანი ლაყბობა „ამტკიცებდა“, რომ ილია ჭავჭავაძე მოჰკლეს მარქსიზმის კონკრეტულმა მატა-რებელმა, მშვიერმა კლასმა, მისმა პარტიამ და ბელადებმა. სწორედ

ამ საზიზღარ ლეგენდას იმეორებს ნაროუშვილი, როდესაც ამაყად სწერს, მემამულის გულში მახვილის ჩამცემი იყო:

„იმ დროინდელი მშვიერი კლასი“-ო.

ლექსის ბოლოს ნაროუშვილი კიდევ ცდილობს კვალის აბნევას და ამ საკითხებში თვით იკარგება, საბოლოოდ ის სწერს:

**„დღესაც სიმწუხრის იხვევა ნისლი
თავადის „ქვრივებს, დალალ გაშლილებს
უთუოდ მართებთ ილიას სისხლი
ტყეში გახიზნულ ბლაჭიაშვილებს“.**

დღეს, ტყეში რამ გახიზნა, ბლაჭიაშვილი? დღეს ისინი ტყეში არიან, თუ კოლმეურნეობათა თავმჯდომარეებია? თუ ეს ბლაჭიაშვილები ჩოლოყაშვილების ბანდიტებია?

ყველაფერი ეს ამტკიცებს მას, თუ რამდენად საჭიროა ჯერ გაერკვე საკითხში და შემდეგ პოემა დასწერო.

„ახალგაზრდა კომუნისტი“-ს ამავე ნომერში დაკანონებულია ერთი თეთრი „მარგალიტი“ ნაროუშვილისავე სხვა პოემიდან. მოთავსებულია „ლიტერატურული შენიშვნა“, სადაც ლაპარაკია პროლეტარულ პოეტის პოლიტიკურ სიმახვილეზე. დიალექტურ მატერიალიზმზე და ამის სანიმუშოდ ფრ.ნაროუშვილის პოემიდან მოყვანილია სტრიქონები შემდეგი კომენტარებით:

„პროლეტარული პოეტი ისაა, რომელიც შეუდრეკლად იცავს მუშათა კლასის ინტერესებს სოციალიზმისათვის ბრძოლაში და ამ ბრძოლაში პარტიის ხაზს ლენინურად ატარებს. ფრ.ნაროუშვილმა „პოლიტიკური პოეტის დეკლარაციაში“ კარგად მოხაზა ეს მომენტი:

**შენ პოეტი ხარ – პოლიტიკური
შენი ველების – შენი მთებისა,
შენ რესპუბლიკის მკვლელის მკვლელი ხარ
როგორც ჯალათი – ჯალათებისა“**

ამ სტრიქონებში ნაროუშვილს ლაპარაკი კი აქვს სახელმწიფო პოლიტიკურ სამმართველოზე: პროლეტარული პოეტი პროლეტარული რევოლუციის გუშავს ახასიათებს ამ აღმასფოთებელი სტრიქონებით.

**„შენ რესპუბლიკის მკვლელის მკვლელი ხარ
როგორც ჯალათი-ჯალათებისა“**

პირველი სტრიქონი ბუნებრივია და სწორია, მაგრამ უდიდესი დანაშაული საზ. პოლიტ. სამმართველოს ჯალათის წოდებაშია, ჩვენ არ დავინყებთ იმის მტკიცებას, რომ ეს სიტყვა ეკუთვნის ჩვენ კლასიკურ მტრებს, გაცოფებულ ბურჟუაზიას. ეს უდაოა. ჯალათი საზიზღარია, ჯალათი ფულით ნაყიდია, ჯალათი მხოლოდ ბურჟუაზიას ყავს.

პროლეტარული მწერალი ნაროუშვილი დაუშვებლად მოსტყუვდა, არ იცოდა სიტყვა ჯალათის საზიზღარი შინაარსი. მას უნდა გამოესწორებია ეს შეცდომა, მაგრამ აღმამფოთებელი ის არის, რომ ამ გამოთქმის მკაცრი კრიტიკის შემდეგაც ხელმეორედ კანონდება კლასიური მტრის ეპიტეტი და თვით ფრ.ნაროუშვილიც ჯიუტობს.

რა გასაკვირია, თუ ეს გავრცელებას პოულობს? რა გასაკვირია ის, თუ ფოთის ბექვდითი ორგანოში (გაზ. „ფოთის მუშა“ 4, 28 იანვარი) ვინმე ლომიძე ლულულუღებს:

„ფრ.ნაროუშვილი როგორც პროლეტარული პოეტი კლასიური მორალის საფუძველზე სდგას.

იგი მიმართავს გ.პ.უ.ს.

„შენ რესპუბლიკის მკვლელის მკვლელი ხარ
როგორც ჯალათი ჯალათებისა“.

დიდებული თქმაა. დასძენს ეს ყოვლად საეჭვო კომენტატორი. ასე ნაწარდობს კლასიური მტრის „მარგალიტი“ ზოგიერთი ამხანაგების პოლიტიკური სიბეცის გამო. ჩვენ ვფიქრობთ, რომ უპირველეს ყოვლისა, ეს სისაძაგლე უნდა აღიკვეთოს და თვით ავტორმა ყოველგვარი ჯიუტობის გარეშე თვითვე დაგმოს თვისი უხეში შეცდომები.

*ბენიტო ბუაჩიძე, ალიო მაშაშვილი,
კონსტანტინე ლორთქიფანიძე, პ.მ. საყვარელიძე.*

●

მამ ასე, ეს პატივცემული ხელმომწერნი ეჯიბრებიან ნაროუშვილს ილიას სიძულვილში, თან დემაგოგიას მიმართავენ, გინდა თუ არა, ილიას მკვლელობაში მარქსისტებს ადებ ხელსო. დემაგოგია ეგრე არ უნდაო, ნაროუშვილმა თავის ამხანაგ კომკავშირლებს მოუყარა თავი. თან ფილიპეს შეკვეთილი პოემა გაუკრიტიკეს, ხომ? ამიტომ მახარაძის წყალობით გულმიცემულმა, ისეთი

პასუხი გაუმანძალა ილიას სიძულვილში გაჯიბრებისა, რომ ყველამ ერთად, იმათაც და ამათაც კაციჭამია ვირთხების ორკესტრი შექმნეს. დემაგოგიით ამ კომკავშირლების წერილი ზემოთ ხელმომწერების წერილს აღემატება კიდევ. ახლა ამათ დასდეს ბრალი იმათ, ჩვენ კი არა, - ილიას მკვლელებად მარქსისტები თქვენ გამოგყავთო. ქურდს რომ უსმინო, დღეში ცხრაჯერ გამოტყდებო, ისეა ამათი საქმე. სიძულვილის ხარისხზე რა გითხრათ, კომკავშირელთა ორივე ბანაკი ილიას სიძულვილში ერთმანეთს ტოლს არ უდებენ. აი, ეს პასუხიც:

ქველი ბრძოლა ახალ ფორმებში

დოკუმენტი პირველი: „უკანასკნელ დღეს ისევ ამხედრდენ ბარბაროსები; მოდიან იერიშით, რათა ცეცხლით გაანადგურონ ჩვენი ეროვნული სახე, აღმოფხვრან ჩვენი გულიდან ილიას მცნება – „ჩვენი თავი ჩვენვე გვეყუდვოდეს“-ო. კმარა, ამხანაგებო, რაც ჩვენი სულთასწრაფვა გაათახსირეს! კმარა, რაც სჯიჯგნეს ჩვენი ეროვნული გრძნობა! მაშ შევებრძოლოთ შინაურ დაუძინებელ მტერს, გავცეთ შესაფერი პასუხი მათ ასეთ საქციელზე – მათ საზიზღარ თავხედობას“.

დოკუმენტი მეორე. ამხედრებულა „ყოვლად საეჭვო კომენტატორი“ „ფოთის მუშიდან“, „სწორედ ამ საზიზღარ ლეგენდას იმეორებს ნაროუშვილი“, „ეს არის მიუტოვებელი და დაუშვებელი მიქარვა“. „ჩვენ ვფიქრობთ, რომ უპირველეს ყოვლისა ეს სისაძაგლე უნდა აღიკვეთოს“...

დოკუმენტი მესამე: „ქართულ ცხოვრებას აძრობენ ხალათს და ტანთ აცვავენ სხვა ხალხის აზრებს“ „არ გვინდა-ვინმეს ჯერ თავზე უნინ სხვისი ხსენება-რომ ვაპატიოთ“, „მაგრამ იცოდეთ ამ ქართულ მიწას სხვის ნაფიქრალში ნულარ დამალავთ! საკუთარ სახეს, ვინც კი დაიცავს ის მსოფლიოში შევა თამამად“.

ვისია ეს სამი დოკუმენტი?

პირველი დოკუმენტი სოციალ-ფედერალისტების მოწოდებაა, რომელიც დაწერილი იყო მარქსიზმის წინააღმდეგ, ილია ჭავჭავაძის მიმართ წარმოებული ბრძოლის საპასუხოდ და მოყვანილია პეტრე გელეიშვილის წიგნში ილიაზე.

მეორე დოკუმენტი იმავე საკითხზეა დაწერილი, მაგრამ არა სოციალისტურ რევოლუციამდე, არამედ დღეს, ჩვენს სინამდვი-

ლემი, და ხელმონერილია სამი ჩვენი პარტიის წევრის (ბ.ბუაჩიძის, ა.მაშაშვილის და პ.მ. საყვარელიძის და ერთი უპარტიოს კ.ლორთქიფანიძის) მიერ (იხ. „მუშა“, 6 მარტი).

მესამე დოკუმენტი იმავე მაშაშვილის ლექსია.

ილია მოითხოვდა „ჩვენი თავი ჩვენვე „გვეყუდვინოდეს“-ო, პროლეტარული პოეტი მაშაშვილი კი მოითხოვს არ ჩაეცვათ „სხვა ხალხის“ აზრები და აუცილებლად დავიცვათ საკუთარი ეროვნული სახე“.

ფედერალისტები ყვიროდნენ მარქსისტული „ბარბაროსების“ „საზიზღარ თავხედობაზე“ ილიას მიმართ და უშვებდნენ პროკლამაციებს მათ წინააღმდეგ, ვინც „ჩვენი ეროვნული სახის განადგურებას“ მოითხოვს. ყოფილი სოციალ-ფედერალისტი, მისი (ფედერალიზმის) რეციდივების მატარებელი ბენიტო ბუაჩიძე, მეტად უხეში ნაციონალისტურ გადახრების მატარებელი პროლეტარული პოეტები კი – ლორთქიფანიძე-მაშაშვილი, დღეს აყვირებულან იმავე ფედერალისტურ თემაზე და კილოზე, თითქოს ნაროუშვილის მიერ დაშვებულ „სისაძაგლეებზე“ ილიასადმი, ისევ იმ ილია ჭავჭავაძის და მის დამცველ ფედერალისტების მიხედვით მაშაშვილი მოითხოვდა ეროვნული „საკუთარი სახის“ დაცვას.

შემთხვევითია განა ყოველივე ეს?

არა და არა!! (აქ არ არის საგაზეთო ტექნიკური შეცდომები. ასე სწერენ, ნ.გ.)

შემთხვევითი არ არის ეს გამოსვლაც და ჩვენ ტყუილად არ მოვიგონეთ ფედერალისტების პროკლამაცია მარქსისტების წინააღმდეგ.

მკითხველმა კარგად იცის ბუაჩიძის ფედერალისტური, უკრიტიკო და ბრმა მიდგომა ილიასადმი და საერთოდ კლასიკოსებისადმი. ერთ ადგილას ის აყენებს გაზეთ „პრავდას“ ერთ-ერთი კინოსადმი მიძღვნილ მონინავის მიერ რეაქციონურ ლოზუნგად აღიარებულ ერმოლოვისებურ მონოდებას ექსპლოატატორული კლასების ლიტერატურისადმი „დანებისა და გასწრების“ შესახებ.

„ჩვენ გვჭირია, - ამბობს ბუაჩიძე – არა მარტო დავენიოთ, არამედ გადავასწროთ კიდეც ბურჟუაზიულ ლიტერატურასო“

და მართლაც, განა არ „დაენიენ და გადაასწრეს“ კიდეც ზოგიერთ საკითხებში ჩვენმა ამხანაგებმა არამც თუ ბურჟუაზიულ, არამედ ფეოდალურ კლასიკოსებსაც კი?! განა მაშაშვილს არ ეკუთვნის დამპალი შოვინისტური სტრიქონები:

„შეენირავთ იმედს და თავდადებას, ოქტომბრის დროშას ცეცხლად ახრილსა, კვლავ რაინდულად ამოვარდება ტანმოგრეხილი ხმალი კახისა“.

განა ლორთქიფანიძე არ იყო, რომ მოითხოვა ბოლშევიკების მიერ ხმოვანი ასოების თანხმოვანებით შეცვლა, (ე.ი. კლასობრივი ზავის დამყარება), რომელმაც უარი სთქვა „ცეკას დადგენილებათა ან კომპარტიის დირექტივების“ „უშნოდ გადამღერებაზე“ (ლექსი „შესავალი“ წიგნი „ახალი“), რაც სამართლიანად და მკვეთრად გააკრიტიკა თავის დროზე ამხ. კახიანმა.

განა იმავე ილია ჭავჭავაძისა, აკაკი წერეთლისა და ვაჟა ფშაველასადმი ფედერალისტურ მიდგომაში ბუაჩიძესთან ერთად სათანადო წილი მაშაშვილს ლორთქიფანიძესაც არ მიუძღვით (კალაძეც და ვაკელიც ამ შემთხვევაშიც ე.ი. ნაციონალისტური გადახრების საქმეში წინ მიუძღოდათ მათ). აი მაგალითი ბუაჩიძის ფედერალისტურ რეციდივების პოეტური გადამღერებისა მაშაშვილის მიერ, რომელიც მოცემულია პოემა „მე და ბარათაშვილში“.

„საუკუნეებზე დიდხანს, ივლიან, ვინც ხალხის გულში დადგა კარავი, სცოცხლობს აკაკი, ვაჟა, ილია წარსულის ფერფლით დაუფარავი“.

„ხალხის“ (საერთოდ „ხალხის“ !) გულში საუკუნოებით წარსულის ფერფლით დაუფარავი კარავი დაუდგამს თურმე ილიას და დღესაც ილია, ვაჟა და აკაკი ყოველმხრივ და ყოველნაირად „სცოცხლობენ“ და მისაღები ყოფილან!

აკაკისადმი მიმართვის ფორმებში კი ლორთქიფანიძე ლაპარაკობს:

„ცა-ფირუზ, ხმელეთ-ზურმუხტის სევდათა მონამე აჩრდილო, რა გითხრა რა! გინდა საქართველოს გულზე მოგათავსებ, ტკბილია; ვერ იგრძნობ „ეკალს და წარს“.

დღეს საქართველოში ყვავილიც აღზრდის ჰოეტსო – ამბობს ის მეორე ადგილას. ამ ფედერალისტური სქემის თანახმად საქარ=თველოში აბსოლუტური სიტკბილე და მშვიდობიანობა დამყარებულა, აღარც კლასობრივი ბრძოლაა და ყვავილებიც კი აღარ ითელება – ერთი სიტყვით, საბჭოთა ქვეყანას აკაკის „ცა-ფირუზ, ხმელეთ-ზურმუხტის სევდათა“ ნაციონალისტური ზრახვები განუხორციელებია და ა.შ.

და განა ყოველივე ამის შემდეგ აუცილებელიც არ იყო ამ ამხანაგობის მიერ ილია ჭავჭავაძისადმი დღეს გამოსარჩლება და მისადმი ჭირისუფლობა?!

სულ რამოდენიმე დღეა, რაც ამ ილიასადმი გამოსარჩლებითი წერილის ერთ-ერთ ავტორმა (ბუაჩიძემ) თვითონვე დეკლარატიულად სცნო თვისი ფედერალისტური რეციდივები. მაშაშვილი და ლორთქიფანიძე ასეც არ მოქცეულა.

სამწუხაროდ, პოეტები ჯერ-ჯერობით რალაც განსაკუთრებულ „მირონცხენებულ“ ადამიანებად მიაჩნია ზოგიერთებს, თითქოს მათაც ბოლშევიკური პასუხი არ უნდა მოეთხოვოს.

რა უნდა ექნა ამ ამხანაგებს პირველ რიგში? პირველ რიგში ისინი თავიანთივე ნაციონალისტურ შეცდომების გაშლილი კრიტიკით უნდა გამოსულიყვნენ და მაშინ როდესაც მათ ჯერ კიდევ არ უთქვამთ სიტყვა თავის ნაციონალისტურ გადახრებზე – ისინი უკვე გამოდიან წერილით ნაციონალიზმისა და ილია ჭავჭავაძის წინააღმდეგ საფუძველში სწორად დანერილ ლექსის დემაგოგიურ კრიტიკით. მართალია, ამ ლექსში ადგილი აქვს ცალკე გადაღწევებს, მაგრამ ამით, ამხანაგო ჭირისუფლებო, თქვენ, როგორც რუსები იტყვიან, ფედერალისტურ ქურქს ვერ შეკერავთ.

ჭირისუფლები აცხადებენ: „ჩვენ ვფიქრობთ, რომ, უპირველეს ყოვლისა, ეს სისაძაგლე (ე.ი. ნაროუშვილი-ავტორები) უნდა აღიკვეთოს“. აი თურმე ნაციონალისტურ შეცდომებით დამძიმებულ ხალხს რა მიაჩნია მთავარ საშიშროებათ? არა ნაციონალიზმი, არამედ ნაროუშვილი ყოფილა მთავარი საშიშროება! გამოდის, რომ ბუაჩიძემ თვალთმაქცურად სცნო შეცდომები მხოლოდ იმისათვის, რომ მეორე დღესვე „აელო სისხლი“ და „გადაეხადა ვალი“ ერთ-ერთ იმ ამხანაგისათვის, რომელიც საკმაოდ აქტიურ მონაწილეობას იღებს საერთოდ ფედერალიზმთან და, კერძოდ კი, ფედერალისტურ-ნაციონალისტურ რეციდივებთან წარმოებულ ბრძოლაში.

ამ ლექსის წინააღმდეგ ამხედრდა, როგორც ოდესღაც მარქსისტული კრიტიკის წინააღმდეგ, ნაციონალიზმის მთლიანი ფრონტი გამსახურდია-ჯავახიშვილიდან დანწყებული მენშევიკებით და ფედერალისტებით გათავებული. და მართლაც, ილიას ჭირისუფლებო, „ვისია ეს აზრი?“ ვის ემსახურებით და ვისი ბრძოლაში?

თქვენ ებრძვით ცალკე გადაღწევებს, რომელთაც ფედერალისტურ კონტრახანდასთან ბრძოლის პროცესში, სამწუხაროდ, ჰქონდა ადგილი? მაშინ მონახეთ ეს გადაღწევები თქვენივე წერილის ავტორებშიც (ბუაჩიძე კი თავის წერილში „კომუნისტი“-ს რედაქციისადმი 60-იანი წლების ყველა მოღვაწეებს იხილავს

როგორც ერთ მთლიან ორგანიზმს და, მაშასადამე, დანიელ ჭონქაძესაც რუსეთის მონინავე ინტელიგენციის „მხოლოდ მახინჯ“ სახეთ სთვლის, რაც, რა თქმა უნდა მესამოციანეთა მიმართ „მემარცხენურ“ ნიგილისტურ მიდგომას წარმოადგენს).

მეორე მხრივ, თქვენ არ გაქვთ უფლება ამ გადაღუნვებზე ისევ და ისევ ძველი ფედერალისტური პოზიციებიდან იბრძოლოთ. თქვენი მთავარი ბრალდება იმაშია, თითქოს ილიას მკვლელობა ლექსის ავტორმა მარქსისტებს დანამა. ეს მტკნარი სიცრუეა!!

რაშია საქმე?

ლექსში (რომელიც, სხვათა შორის, დაუმთავრებელი პოემის ნაწყვეტის სახითაა დაბეჭდილი), მოცემულია ილიას სახე, როგორც ტიპიური ფეოდალის, რომელსაც, როგორც სასტიკ ფეოდალს ჰკლავენ. რა თქმა უნდა, არა მარქსისტები, არამედ მის მიერ დაჩაგრული გლეხების (ბლაჭიაშვილების) „ბრბო“. „ეხლა პიონერებშიც კი იციან, ამბობდა ამხ. კ.გორდელაძე თბილისის პარტაქტივის კრებაზე, რომ ი.ჭავჭავაძე მოჰკლეს 1905 წლის რევოლუციის პერიოდში მისივე მამულის გლეხებმა“-ო. აქვს თუ არა პროლეტარულ პოეტს უფლება მხატვრულად მოგვცეს გლეხების მიერ თავისი მყვლეფელი რომელიმე (ამ შემთხვევაში ილიას) ფეოდალის მოკვლის სურათი?! და მიუხედავად იმისა, რომ ინდივიდუალური ტერორი რევოლუციის გზა არ არის, (თუმცა ლენინი აბსოლუტურად არ უარყოფდა ტერორს, თუ კი იგი მასიურ მოძრაობის დამხმარე და მასზე დამორჩილებული ფაქტორია). მიუხედავად ილიას, როგორც მწერლის გრანდიოზულობისა – აქვს თუ არა პროლეტარულ პოეტს, უფლება უთანაუგრძნოს არა ფეოდალს, არამედ გლეხებს?!

ლექსში გარკვევით არის თქმული, რომ „გლეხებმა და ისიც გლეხების „ბრბომ“ მოჰკლა ფეოდალი ილია ჭავჭავაძე“. პროლეტარულ მწერალს აქვს სრული უფლება და ვალდებულია (რადგან არ შეიძლება ილიას გაორება „პოლიტიკურად“ და „პოეტად“) ჭავჭავაძის ფეოდალური იდეოლოგიის კრიტიკისას მოიგონოს და დაუკავშიროს ეს კრიტიკა მის გლეხებისადმი მოპყრობას და იმას, თუ როგორ უპასუხეს ამას რევოლუციონურ სიმაღლემდე ჯერ კიდევ ვერ ასულმა, სტიქიურად ამბოხებულმა გლეხმა.

ამასთანავე ერთად ლექსში ხაზგასმითაა თქმული, რომ ბლაჭიაშვილების ეს მკვლელობა მაშინდელმა პრესამ მარქსიზმს შეანამაო. ლექსში ხაზგასმულია ის გარემოებაც, რომ ეს ამბავი ლეგენდაა – მოჭორილი და საზიზღარი! ვიმეორებთ, ლექსში

ზუსტადაა დასახელებული მკვლელის ვინაობა: მკვლელი ბლაჭიაშვილებია.

რით უპასუხებენ ყოველივე ამაზე ილიას დღევანდელი ჭირისუფლები? ისინი გაიძახიან, რომ ბლაჭიაშვილებს ე.ი. სტიქიურად აღელვებულ გლეხებს არ მოუკლავთ ილიაო... მაშ ვინ მოკლა? მაშ ვინ თუ არა თქვენ, პატივცემულო ჭირისუფლებო, უნყობთ ხელს იმავე ფედერალისტური ჭორის გავრცელებას, თითქოს არა ბლაჭიაშვილებმა, არამედ მარქსისტებმა მოჰკლეს ილია.

ვიმეორებთ: ლექსში მითითებულია მისამართი მკვლელისა: ბლაჭიაშვილი თქვენ ამ ნამდვილ მისამართს იწუნებთ და ხსნით. მაშასადამე, ადასტურებთ მეორე „ვარიანტს“ ილიას მკვლელობას მარქსისტების მიერ.

თქვენი ლოგიკა ასეთია: თუ მაშინდელმა „მშიერმა კლასმა“ მოჰკლა ილიაო, როგორც ეს ლექსშია ნათქვამი, მაშასადამე, მუშათა კლასს მოუკლავსო, მაგრამ განა ლექსში აბსოლუტურად გარკვევით არ არის თქმული, თუ რომელმა „მშიერმა კლასმა“ მოჰკლა ილია?! ამ „მშიერი კლასის“ გვარიცაა იქ დასახელებული: ბლაჭიაშვილები!. მაშასადამე, თქვენ პროვოკაციულ ცილს სწამებთ ავტორს, და აშკარაა ისიც თუ რა მიზნებისათვის გჭირიათ ეს პროვოკაცია!

ამ პროვოკაციის დასამტკიცებლად თქვენ არჩილ ჯორჯაძის ფედერალისტური თეორიაც აღადგინეთ კლასების შესახებ. „იმდროინდელი მშიერი კლასი, – სწერთ თქვენ, იყო მუშები და ლარიბლატაკი გლეხობა. ეს კლასი კი მოქმედებდა და მას ხელმძღვანელობდა მებრძოლი პარტია (რომელი პარტია?). ეს მშიერი კლასი და მისი პარტია არ იყვნენ თავად ი.ჭავჭავაძის მოყვარულნი“ და სხვა.

ამრიგად: მუშები და გლეხობა თურმე ერთ კლასს წარმოადგენენ და მათ თურმე თავისი მუშურ-გლეხური მებრძოლი პარტია ყოლიათ. რომლებიც (კლასი და პარტია) „არ იყვნენ თავად ი.ჭავჭავაძის მოყვარულნი“. რომელ მუშურ-გლეხურ მთლიან კლასზე და მის ერთადერთ მებრძოლ მუშურ-გლეხურ პარტიაზეა ლაპარაკი? თუ ფედერალისტურ პარტიაზეა ლაპარაკი, მაშინ სთქვით საჯაროთ და აშკარად, რომ ის თქვენ ასე ვთქვათ „მუშურ-გლეხურ“ კლასის მებრძოლ პარტიად მიგაჩნიათ! თუ ბოლშევიკურ პარტიაზეა ლაპარაკი, მაშინ საქვეყნოდ მოგინერიათ ხელი იმ აშკარა ანტიპარტიულ, რეაქციონურ დებულებაზე, თითქოს ჩვენი პარტია მუშურ-გლეხური პარტიაა.

რატომ ამოტივტივდა ერთხელ კიდევ ეს ფედერალისტური თეორია?

აქ საქმე მეტად უბრალოა!

ლექსი ამტკიცებს: სტიქიურად აღელვებულმა გლეხების (ბლაჭიაშვილების) მშვიერმა კლასმა მოჰკლა ილიაო. მაგრამ თუ ეს ასეა, განაგრძობენ ილიას ჭირისუფლები, მაშასადამე, გამოდის, რომ მართლაც მუშათა კლასს და მის იდეოლოგიებს – მარქსისტებს მოუკლავთ ილია, რადგან, ჩვენი ძველი ფედერალისტური თეორიის თანახმად გლეხოზა და მუშათა კლასი და მათი პარტია ერთი მუშურ-გლეხური კლასი და პარტიაა.

ამრიგად, გამოდის ისევ და ისევ ძველი ფედერალისტური სიმღერა: თითქოს მაშინდელი ბლაჭიაშვილების საქციელზე სავსებით და აბსოლუტურად ბოლშევიკები აგებენ პასუხს.

მართლაც, ბოლოს და ბოლოს, ამხანაგო ჭირისუფლებო, სთქვით საქვეყნოდ: „ვისია ეს აზრები?”

და თუ თქვენ გაგიჭირდებათ თვითონვე უპასუხოდ ამ კითხვას, მაშინ ნაიკითხეთ ამ წერილის დასაწყისში მოყვანილი ადგილი ფედერალისტების ძველი მოწოდებიდან და გაიგებთ:

რომ თქვენ აგრძელებთ ძველ ბრძოლას ახალ ფორმებში.

რომ ამ ბრძოლაში თქვენი აზრები კონტრ-რევოლუციონური ფედერალიზმის რესტავრაციის კიდევ ერთ ამკარა ცდას წარმოადგენს.

ნოე ზომლეთელი, პანტელეიმონ ჩხიკვაძე, პლატონ ქიქოძე, გრიგოლ ბუხნიკაშვილი, ფრიდონ ნაროუშვილი, გიორგი ნატროშვილი, ივანე ჯაფარიძე, გოგი ლომიძე, დიმიტრი ბენაშვილი, შალვა შავგულიძე, გიორგი მდივანი.

შესაძლოა მკითხველმა დასვას შეკითხვა, ნუთუ ილიას თანამოაზრენი აღარ ჰყავს, ნუთუ 1921 წლიდან. სულ რაღაც 10-11 წელიწადში ისე გადაუტრიალეს ყველას გონება, რომ ილიას ხელმეორედ მოკვლის მცდელობასაც ეგუება ხალხი. ნუთუ ილია მკვდარი ლომივით ისე გამხდარა ამ პროლეტკულტელი ტურების საძიძენი, რომ ერთი კაციც არ აღმოჩნდა საქართველოში ამათ დასაფრთხოებად ხმა აღემალლებინა?

ნუთუ მიხეილ ჯავახიშვილისა და კონსტანტინე გამსახურდიას გალაშქრება ნაროუშვილის პოემის წინააღმდეგ (პრესას არ მიაკარეს, ცხადია) იყო საკმარისი?

ვინც წაიკითხავს 1932 წელს გამართულ ქართველ მწერალთა თითქმის 10 დღიანი თათბირების სტენოგრამებს, მსგავსი კითხ-

ვა აღარ დაებადება. 1932 წლის აპრილში ჩატარდა მწერალთა სხდომები, რომლისთვისაც პროზის საწარმოო თათბირი დაურქმევიათ.

ამ თათბირების გენერალური ხაზი სწორედ იმ მწერალთა მხილებაში მდგომარეობდა, რომელთა შემოქმედებაშიც ნაციონალისტურ მოტივებს ხედავდნენ. განსაკუთრებით აიჩემეს სამი-ნიკოლოო მინიშვილი, მიხეილ ჯავახიშვილი და კონსტანტინე გამსახურდია.

ამათ სწორედ ილიას იდეებიდან ვერ გამოსვლას დაჰკიჟინებენ. ამათ კი ისიც გმირობად უნდა ჩათვალოთ, რასაც პასუხობენ. უტრირებულად თუ ვიტყვი, მათი პასუხები დაახლოებით ასეთია – რა ვქნათ, ისეთ გარემოში გავიზარდეთ, წარსულის ცოდვები ჯერ კიდევ მოგვყვება, ჩვენი უეცრად გარდაქმნა ძნელია, დაგვეხმარეთ, მტრები არა ვართ, ნუ აგვიკრძალავთ წერას, ნუ დაგვხოცავთ. ერთი ნაბიჯი თქვენც გადმოდგით ჩვენსკენო. მოკლედ, საკუთარი თავი აქეთ დასაცავი და არა მხოლოდ იდეოლოგიური თავლსაზრისით.

სატირალი რომ არ იყოს ეს ვითარება, ღიმილის გარეშე ვერ წარმოიდგენ სურათს, როგორც იმართლებენ თავს კონსტანტინე გამსახურდია, მიხეილ ჯავახიშვილი და ნიკოლოო მინიშვილი ამ გამგელებული, წერა-კითხვის მცირემცოდნე წაროუშვილებისა და ძმათა მისთა წინაშე.

ძალიან ბევრი იყო, მაგრამ რამდენიმე ბრალდება ამოვწერეთ ამ ცოცხალი კლასიკოსების მისამართით გამოთქმული, შემდეგ გაგაცნობთ მათ პასუხებს:

ალი არსენიშვილი: „გაზვიადებულად მიმაჩნია ის ყურადღება, რომელიც თათბირმა გამოიჩინა მის. ჯავახიშვილისადმი. ჯავახიშვილი არ არის, ისეთი დიდი მწერალი, რომ საჭირო იყოს ამდენი ლაპარაკი მის შემოქმედებაზე. ჯავახიშვილის შემოქმედებაში არის ორი პერიოდი. ერთი რევოლუციამდე, მეორე რევოლუციის შემდეგ. ჯავახიშვილი სავსებით დარჩა იმ დონეზე, რომელიც მას ახასიათებდა თავის შემოქმედების პირველ პერიოდში. ჯავახიშვილი ეხლაც იმ მემჩანურ წუმპეში ცურავს, რომელიც გაბატონებული იყო მის პირველ მოთხრობებში“. სამწუხაროა ალი არსენიშვილის ასეთი ცვლილება, ის ყოფილი ცისფერყანწელია

ფრ.წაროუშვილი არ ზოგავს ბესო ჟღენტსაც კი, რომელსაც უფიქრია, რომ ჯავახიშვილის გამოსწორება ჯერ კიდევ შეიძლება... „რაც შეეხება ბ.ჟღენტს, მისი მოხსენება აშკარა მემარჯვენე მოხსენება იყო. ჟღენტმა წამოაყენა მის. ჯავახიშვილის გარდაქმ-

ნის, მისი საბჭოთა მწერლობაში შეზრდის თეორია. ჯავახიშვილი რეაქციონერი მწერალია, ამიტომ არ შეიძლება დაისვას საკითხი მისი გარდაქმნის შესახებ.

რასაკვირველია ჯავახიშვილს არა აქვს ალკვეთილი შესაძლებლობა დასწეროს რევოლუციონური ნაწარმოები. მაგრამ მისი შემოქმედების დღევანდელ გზას გაგრძელება აღარ შეუძლია."

კ. მელაძე: „ჯავახიშვილი არ სდგას ჩვენს მსოფლმხედველობაზე, ამიტომ ის არ არის ჩვენი მწერალი."

პ. ჩხიკვაძე: „არსენა" არის აშკარა ნაციონალისტური ნაწარმოები, ნაციონალისტურ ნაწარმოებს კი თანამგზავრულად ვერ ჩაეთვლით".

ციტირება რომ არ გამიგრძელდეს, ვიტყვი მოკლედ, თითქმის ყველა პროლეტკულტელი ნაციონალიზმის ბრალდებით ურტყამს ზემოდასახელებულ სამ მწერალს, სხვებსაც, მაგრამ ამ სამს განსაკუთრებით. დაჭრილ-დანაკუნებულ სტენოგრამაში მოჰყავთ მათივე პასუხები. პასუხები, ცხადია, მხოლოდ ნაწყვეტს წარმოადგენს გამოსვლისა, კომენტარები კი არ დანანებიათ.

ნ. მინიშვილი: ჩვენი საწარმოო თათბირების მიზანი უნდა იყოს გაუადვილოს მწერალს დიალექტური მატერიალიზმის მეთოდის შეთვისება. ამ მეთოდის დასაუფლებლად კი საჭიროა გწამდეს თვითონ ეს მეთოდი. მწერალს თუ არ სწამს ეს მსოფლმხედველობა, ის ვერ შესძლებს მის გამოყენებას.

ჩემზე აქ ბევრს ლაპარაკობენ, მე მიწოდებდნენ მემარჯვენე, რეაქციონურ მწერალს. აქ ისიც იყო ნათქვამი, რომ მე დავცინი რევოლუციას. მაგრამ ეს არ არის სწორი. მე მთელი ჩემი პრაქტიკული და მხატვრული მუშაობით რევოლუციასთან ვარ. მაგრამ არის მთელი რიგი საკითხები, რომლებზედაც მე ჩემი შეხედულება მაქვს. ეს საკითხები ჩემს გარდა სხვა ქართველ მწერალსაც აწვავს.

ამ „მთელ რიგ" საკითხებზე ნ. მინიშვილი არსებითად რეაქციონურ, აშკარა ნაციონალისტურ შეხედულებათ აწვითარებს, - წერს კომენტატორი, - მისი გამოსვლა სამართლიანი გულისწყარომით იყო შეფასებული და კრიტიკის ქარ-ცეცხლში გატარებული თათბირის მიერ.

ეხება რა მწერლობის იმ ნაწილს, რომელიც არ არის დარაზმული პროლეტარულ მწერალთა ასოციაციის ირგვლივ, მინიშვილი ამბობს, რომ ამ მწერლობამ დღემდე ვერ მოძებნა ეპოქისათვის შესაფერი ენა. ამავე დროს ვერც პროლეტარულმა მწერლობამ შექ-

მნა ღირსეული ტილოები, პროლეტარულ მწერლობაში, რომელიც წამყვან როლს უნდა თამაშობდეს, ხელმძღვანელობის საკითხში ადგილი ჰქონდა შეცდომებს. ამ შეცდომების გამო მისი წამყვანი როლი ვერ განმტკიცდა. პროლეტარულ მწერლობაში იყო ორი ფრთა: ერთის მხრივ პ.ქიქოძის და მეორეს მხრივ ბ.ბუაჩიძის ჯგუფი. გამოირკვა, რომ პ.ქიქოძეც და ბ.ბუაჩიძეც ორივე ცდებოდნენ. ესლა საბჭოთა მწერალმა აღარ იცის, ვის დაუჯეროს, ვის წაყვეს (ამხ. დ.ბენაშვილი ადგილიდან პარტიას უნდა დაუჯეროს). ამ მიზეზით პროლეტმწერლობის იდეოლოგიური ზეგავლენა ჩვენზე სუსტია.

აქ გამოსული პროლეტარული მწერლები სხვადასხვა იარლიკებს აკერებდნენ მწერლებს, იძლეოდნენ რეცეპტებს, თუ როგორ უნდა სწეროს მწერალმა. ისინი გვიკვირებდნენ, რომ ჩვენ ვერ მოვიმარჯვეთ დიალექტური მატერიალიზმის მეთოდი, მაგრამ მათ ავიწყდებათ, რომ ეს მეთოდი გამზადებული არ დევს სადმე კუთხეში.

კ. გამსახურდია: აქ ზოგიერთ არასაკადრის გამოთქმებს ჰქონია ადგილი ჩემს მიმართ. მე მგონია მწერლის შეფასების დროს საჭიროა ერთგვარი ობიექტურობა. მე ათი წელიწადია საბჭოთა ხელისუფლებასთან ვმუშაობ. ერთგვარი წვლილი მეც შემიტანია ქართულ კულტურის საქმეში. ამიტომ არ შეიძლება ჩემი დახასიათება ისე, თითქოს მე შინაგანი ემიგრანტი ვიყო. მე შეიძლება აუარებელი შეცდომები დაუშვი. მე არ ვფიქრობ მე წმინდათა წმინდა ვიყო. მე რომ გამოვასწორო ჩემი შეცდომები, ამისათვის საჭიროა მომეცეს ამის საშუალება. მე არ ვმალავ, რომ მე მაქვს გურამიშვილიდან, ჭავჭავაძიდან, ორბელიანიდან და აზნაურობიდან გადმოყოლილი ცოდვები, ჩემთვის ძნელია ამ ცოდვებიდან თავის დაღწევა. მე აღვიზარდე ისეთ წრეში, რომ ჩემი ერთბაშად გარდაქმნა ძნელია. მე ძალიან მიჭირდა ამ სასახლეში შემოსვლა მას შემდეგ, რაც ფედერაციიდან გამომრიცხეს. მაგრამ მე ესლა მინდა მივიდე საბჭოთა ხელისუფლებასთან. თქვენ ამაში ხელი უნდა შემინყოთ. მე ვხედავ, რომ მსოფლიოში ორი ბანაკი იბრძვის მე მძულს ბურჟუაზია. მე თქვენთან ვარ. მინდა თქვენთან ვიმუშაო.

შალვა რადიანის კომენტარი: ჩვენ აქ მოვისმინეთ ზოგიერთების სიტყვები, რომელნიც გამოხატავდნენ რეაქციონურ-მემარჯვენე აზრებს. ავიღოთ ნ.მინიშვილი, რა ნაირადაც არ უნდა ვუცქიროთ ჩვენ მას არ შეიძლება არ ავლნიშნოთ, რომ მისი გამოსვლა იყო ანტისაბჭოთა. მან გარკვეულად გაილაშქრა პარტიის ხაზის

წინააღმდეგ არა მარტო ლიტერატურაში, არამედ პოლიტიკაშიც. მის სიტყვას უშუალო კავშირი არ ჰქონდა ჩვენ საწარმოო თათბირთან, ის უფრო ზოგადი დეკლარაცია, ზოგადი სამოქმედო პროგრამა იყო, რომელიც შეიცავდა მძიმე ბრალდებებს უპირველეს ყოვლისა პარტიის მიმართ. ასეთი სიტყვა არ შეიძლება წარმოეთქვა იმ მწერალს, რომელიც პროლეტარულ რევოლუციასთან არის. ეს სიტყვა უფრო მოწინააღმდეგე კლასის ჩამოყალიბებული, გარკვეული და მტკიცე იერიშებია. მან დაიწყო იქიდან, რომ დღეს ყველა ლაპარაკობს მწერლობაზე. ის აღელვებულია, რომ მწერლობა აღარ არის მარტო „რჩეულების“ საქმე, რომ ის გადაიქცა მასიურ მოძრაობად, რომ მის განვითარებაში მონაწილეობას იღებენ მუშები და კოლმეურნეები. მან ცილი დასწამა უკრაინის კომპარტიას, თითქოს ის ნაციონალისტური უკრაინისათვის იბრძოდეს და შემდეგ განაცხადა, რომ ჩვენში კი გამეფებულია „ფულის ენაო“, ე.ი. რუსული, თითქოს ტფილისში მიდიოდეს რუსიფიკაცია. ასეთი მოსაზრებების წარმოთქმა შეუძლია მხოლოდ კლასიურ მტერს. მინიშვილი აღნიშნავდა, რომ ბ.ბუაჩიძე და პ.ქიქოძე სცდებოდნენ და ეხლა ჩვენ არ ვიცით ვის მივყავთ, ვის დაუჯეროთ. უნდა მოვახსენოთ მინიშვილს, რომ მართალია ბუაჩიძეს და ქიქოძეს ქონდა ცალკეული შეცდომები, მაგრამ ძირითადად ისინი პარტიის ლიტერატურულ პოლიტიკის გამტარებელი იყვნენ. მაგრამ მინიშვილისათვის ბუაჩიძე და ქიქოძე საფარია, მათი კრიტიკით მან გაილაშქრა პარტიის ლიტერატურულ-პოლიტიკური ხაზის წინააღმდეგ.

მინიშვილმა განაცხადა, რომ საქართველოში პროლეტარული მწერლობა ძლიერ სუსტია და ის ვერ იქნება წამყვანი. ჩვენ არ ვამბობთ, რომ მივალნიეთ ჰეგემონიას, მაგრამ აღვნიშნავთ ჩვენს დიდ მიღწევებს და ზრდას, რაც სრულ უღფებას გვაძლევს იმისას, რომ სულ მოკლე ხანში მოვიპოვებთ შემოქმედებით ჰეგემონიას.

მინიშვილმა გაილაშქრა თანამგზავრ და მოკავშირე მწერლების წინააღმდეგ. ეს მისი შეხედულება უთუოდ შემცდარია, მას მხედველობაში ჰყავს, ალბათ გ.ტაბიძე, სიმ.ჩიქოვანი, რ.გვეტაძე და სხვ. მაგრამ ვინ იტყვის, რომ სიმ. ჩიქოვანი, რომელიც იბრძება და გვაძლევს მნიშვნელოვან პროდუქციას, იყოს სუსტი პოეტი, ისევეა რ.გვეტაძე, რაც შეეხება გ.ტაბიძეს, უდაოა, რომ მან უკანასკნელ ხანებში მოგვცა მთელი რიგი მნიშვნელოვანი ნაწარმოები (თუმცა მხატვრული ჩავარდნებიც აქვს მას).

საერთოდ მინიშვილმა განავითარა ისეთი აზრები, რომელიც შეეძლო ეთქვა მხოლოდ ჩვენს მოწინააღმდეგეებს.

შემდეგ ამხ. რადიანი შეეხო მიხ. ჯავახიშვილის გამოსვლას და აღნიშნა, რომ ამ გამოსვლაშიც ის ატარებდა გარკვეულ რეაქციონურ აზრებს. მისი სიტყვა ჩემი მოხსენების ირგვლივ ("თანამგზავრობის და მოკავშირეობის" შესახებ) გაშლილი რეაქციონური პროგრამა იყო. ამ სიტყვაში ჯავახიშვილი ლაპარაკობდა: „მე დატვირთული ვარ ძველი კულტურით, რომელიც ხუნდებივით მადევს და მისი დამსხვრევა არც იმდენად ადვილი საქმეა და, შესაძლებელია არც იმდენათ სასარგებლო საქმე იყოს ჩემთვის იმიტომ, რომ შესაძლებელია ერთი ახირებული კაცის ამბავი დამემართოს, რომელმაც თავისი ძველი ტანისამოსი ბუხარში შეაგდო და ახალიც ვერ იშოვა.“

ამგვარად ნათელია, რომ ჯავახიშვილი ძველ ქვეყანასთან რჩება. ამასთანავე ჯავახიშვილმა გაილაშქრა მწერლობაში შემოქმედებითი მეთოდის ძიების წინააღმდეგ. ამით კი იგი ცდილობდა მოვლით გაემართლებია თავისი რეაქციონური ნაწერები.

კ.გამსახურდიას გამოსვლის შესახებ ამხ. შ.რადიანი ამბობს, რომ ამ სიტყვებშიც მან ბევრი რეაქციონური დებულებები წამოაყენა. ის ამ მოსაზრებით ვერ მოვა ჩვენთან. ის გვეუბნება ერთ ბიჯს მე გადმოვდგამ, მეორე თქვენ გადმოვდგითო. ეს ჩვენთვის მისაღები არაა. პროლეტარიატი არავითარ იდეურ კომპრომისებზე არ დათანხმდება, არ წავა.

ამხ. სანდრო ეული ეხება კ.გამსახურდიას, მ.ჯავახიშვილის და ნიკოლოზ მინიშვილის გამოსვლებს. აღნიშნავს, რომ კ.გამსახურდიას არაფერი ახალი არ უთქვამს, გარდა იმისა, რომ მან წამოაყენა ახალი თავისებური საკითხი „ხელისუფლების მიერ მასთან ზავის ჩამოგდების შესახებ“. ჩვენ კი ვეტყოდით კ.გამსახურდიას, ამის შესახებ ცდება, თუ მას ჰგონია, რომ ჩვენი ხელისუფლება რაიმე დათმობაზე წავა მასთან. რაც შეეხება იმას, რომ მას მიეცეს საშუალება ლიტერატურული მუშაობისა, ასეთი საშუალება მას ჰქონდა და აქვს.

მიხ. ჯავახიშვილის შესახებ უნდა შევნიშნო ზოგიერთ ამხანაგებს შემდეგი: მ.ჯავახიშვილის მემარჯვენე მწერლად გამოცხადება შეცდომაა, მ.ჯავახიშვილი უსათუოდ მემარჯვენეზე მემარჯვენე მწერალია, რომელიც არ ემსახურება სოციალისტურ მშენებლობას თავისი შემოქმედებით, ის არ არის თანამედროვე მწერალი.

ნიკო მინიშვილი მუდამ ორჭოფობს ლიტერატურულ-პოლიტიკურ საკითხებში, რის დასამტკიცებლად მას მოჰყავს მთელი რიგი

ადგილები მისი წერილიდან „ფიქრები საქართველოზე“. მას მიაჩნია მიწიშვილის გამოსვლა და მისი შეხედულება ქართული ენისა და პროლეტარულ მწერლობის როლის შესახებ რეაქციონურ გამოსვლათ.

●

1932 წლის 24 აპრილის „სალიტერატურო გაზეთიდან“ მოტანილი ეს ამონაწერები, ვფიქრობ, ნათელ წარმოდგენას ქმნის ილიას თავგამოდებული დაცვა კი არა, საკუთარი სიცოცხლე აქვს დასაცავი ნამდვილ მწერალს. რა ხერხს არ მიმართავენ, (თუმც მათი სიტყვების შინაარს კომენტარების წყალობით ვგებულობთ) რომ ამ მგლებს თავის არ შეაჭმევინონ, მაგრამ რა... ნ წელიწადში ამ სამიდან ორი- ჯავახიშვილი და მიწიშვილი დახვრიტეს. ბევრი პროლეტულტელიც ზედ მიაყოლეს... იმ 1937-ში ხდება ერთი გასაოცარი რამ:

ბოლშევიკების ხელისუფლებაში მოსვლის დღიდან, 17 წლის მანძილზე, ილიას სახელის აკრძალვის მცდელობები, მახარაძისა და მისი პროლეტულტელების სრული ფიასკოთი დამთავრდა. თუ ადრე ილიას დადებით კონტექსტში ხსენება საბჭოთა ხელისუფლების მტრობას ნიშნავდა, სადღაც, ვიღაცის მიერ ისეთი გადაწყვეტილება იქნა მიღებული, რომ ახლა უკვე ილიას აუგად მოსხენიება ნიშნავდა საბჭოთა ხელისუფლების მტრობას. სად და ვინ მიიღებდა ამ გადაწყვეტილებას ნანილობრივ 1934 წელს და საბოლოოდ 1937 წელს, დიდი კვლევა არ სჭირდება. ეს გენერალურმა მდივანმა სტალინმა გააკეთა. პროლეტულტელები, ვინც 1937 წელს რეპრესიებს გადარჩენოდნენ და თბილისში მჯდომი ჰეროსტრატე, ალბათ პირდაპირი ილნი კითხულობდნენ ამ განცხადებას:

ილია ჭავჭავაძე

გარდაცვალების დღიდან 30 წლისათვის გამო

ოცდაათი წლის წინათ 1907 წლის 12 სექტემბერს ტრალიკულად დასრულდა საქართველოს ერთ-ერთი უდიდესი მწერლის, ახალი ქართული ლიტერატურის ფუძემდებლის ილია ჭავჭავაძის ცხოვრება. საქართველოს ნაციონალურ – გამანათავისუფლებელი მოძრაობის უთვალსაჩინოესი მოღვაწე, ბატონყმობის და თვითმ-

პერობელობის წინააღმდეგ მგზნებარე მეზრძოლი მზაკვრულად მოჰკლა დაქირავებულ ბანდიტთა ხროვამ.

ილია ჭავჭავაძე ეკუთვნოდა საუკეთესო წარმომადგენლებს მონინავე ქართული ინტელიგენციისას, რომელიც გასული საუკუნის სამოციან წლებში გაერთიანდა ბრძოლისათვის რუსეთის თვითმპყრობელობის წინააღმდეგ, რომელიც ცდილობდა ქართველი ხალხის დამონებას.

მაშინდელ საქართველოში მძვინვარებდა ბატონყმობა, ერთი მხრით მეფის კოლონიზატორების სატრაპთაგან. მეორე მხრივ „მშობლიურ“ არისტოკრატიისაგან ილაჯგანყვეტილი ხალხი გმინავდა. ემყარებოდა რა რეაქციულ ქართველ თავად-აზნაურობას, ცარიზმი ანმტიციებდა თავის ბატონობას კავკასიაში, დაუნდობელად ახშობდა რა გლეხობის სტიქიურ აჯანყებებს.

ამ ატმოსფეროში წარმოიშვა ჭავჭავაძის ოცნება თავისი მრავალტანჯული სამშობლოს ნაციონალურ აღორძინებაზე. ჯერ კიდევ ყმანვილი იყო, როცა მან ზურგი შეაქცია თავისი წრის შეხედულებებს და ტრადიციებს, გადასწყვიტა რა მიეძღვნა თავისი სიცოცხლე ბრძოლისათვის სოციალური უსამართლობის წინააღმდეგ ხალხის ბედნიერების მოსაპოვებლად, რუსეთის რევოლუციურ-დემოკრატიული მოძრაობის ბელადების – ბელინსკის, დობროლიუბოვის, ჩერნიშევსკის, გერცენის ზეგავლენით, რომელთა იდეებს ჭავჭავაძე გაეცნო პეტერბურგის უნივერსიტეტში ყოფნის დროს, განმტკიცდა მისი სიძულვილი ექსპლოატატორული წყობილებისადმი, ჩამოყალიბდა მისი შეხედულებები მწერლობასა და ხელოვნებაზე.

1861 წელს სამშობლოში დაბრუნების შემდეგ ჭავჭავაძე სათავეში ჩაუდგა ახალ საზოგადოებრივ-ლიტერატურულ მიმართულებას, რომელმაც თავის დროშას დაანერა ნაციონალური განთავისუფლების იდეები.

ჭავჭავაძე იყო არა მარტო პოეტი. შემოიკრიბა რა თავის გარშემო მაშინდელი საქართველოს ყველა ახალგაზრდა, ყველა პატიოსანი და მოწინავე ძალები, იგი იყო შესანიშნავი პუბლიცისტი, კრიტიკოსი, ისტორიკოსი, მეცნიერი, რომელსაც მცირე როლი არ უთამაშია ქართული კულტურის გავითარებაში.

როგორც ბელეტრისტი და პოეტი, ილია ჭავჭავაძე ეკუთვნის იმ კლასიკოს მწერალთა რიცხვს, რომლებითაც ამყობს ქართველი ხალხი. ჭავჭავაძის ლირიკასა, პოემებსა და მოთხრობებში უმკვეთრესი მხატვრული განსახიერება ჰპოვეს ბატონყმობის

ბორკილებისაგან სამშობლოს განთავისუფლებისათვის ბრძოლის იდეებმა.

ჯერ კიდევ თავის ადრინდელ პოემაში „აჩრდილი“ ჭავჭავაძემ ხმა აღიმალა ჩაგრული გლეხობის დასაცავად. აღსანიშნავია ის, რომ საბჭოთა საქართველოს თხუთმეტი წლის თავზე სტალინი-სადმი გაგზავნილ მიმართვაში ქართველი მშრომელი ახასიათებდნენ თავისი ქვეყნის შავბნელ წარსულს ამ პოემის სტრიქონებით. პოემა „კაკო ყაჩაღში“, რომელიც უმღერს ნაციონალურ გმირს არსენას. მოთხრობებში „გლახის ნაამბობსა“ და „კაცია ადამიანში“ ჭავჭავაძე თავის ნიჭის მთელი სიძლიერით სამარცხვინო ბოძზე აკრავს ბატონყმურ ჩაგვრის და მემამულეთა წოდების პარაზიტიზმს. 1871 წელს, როცა პოეტის ყურამდე მიაღწია ცნობამ პარიზის კომუნის განადგურების შესახებ, იგი დაუყოვნებლივ გამოეხმაურა მას ლექსით, რომელშიც პოეტმა უმღერა ფრანგი კომუნარების გმირულ ბრძოლას.

მწერლობაში ახალი თემების და სახეების შეტანით, პოლიტიკური ლირიკის საუცხოოვო ნიმუშების შექმნით ჭავჭავაძემ საფუძველი დაუდვა რეალისტურ მიმართულებას ახალ ქართულ ლიტერატურაში. დახვეწილ ლირიკოსს ჭავჭავაძეს ქონდა უნარი შეეთავსებინა თავისი ნაწარმოებთა უაღრესად ინტიმური მოტივები პოეტ – მოქალაქის პათოსთან. პატარა ლირიკული ლექსი „გაზაფხული“ წარმოადგენს ამგვარი ლექსის ნიმუშს:

**„ტყემ მოისხა ფოთოლი,
აგერ მერცხალიც ჭყვივის,
ბაღში ვაზი ობოლი
მეტის ღხენითა სტირის.
აყვავებულია მდელო
აყვავებულან მთები,
მამულო საყვარელო
შენ როს-ლა აყვავდები?“.**

მხურვალე სიყვარული მშობლიური ხალხისადმი ყოველთვის წარმოადგენდა ჭავჭავაძის პოეტურ შთაგონებათა წყაროს. მას მტკიცედ სწამდა, რომ დადგება დღე, როცა მისი სამშობლო გადააგდებს მჩაგვრელთა უღელს, გაშლის თავის დიდ ძალას და აყვავდება. ცნობილ ლექსში „ბაზალეთის ტბა“ პოეტმა გამოსთქვა თავისი ხალხის მისწრაფება მომავალ თავისუფლებისადმი. საქართველოსადმი მიმართულ ლექსში „ჩემო კარგო ქვეყანავ, რაზედ

მოგინყენია" და „ქართველ სტუდენტთა სიმღერაში" მოისმის იგივე შეუდრეკელი იმედი ნათელი მომავლისა, რომელსაც ბრძოლით მოიპოვებენ ქართველი ხალხის ფოლადი შვილები.

ჭავჭავაძის ოცნება ახდა. მისი საყვარელი სამშობლო, რომელსაც მან მიუძღვნა თავისი სიცოცხლე, თავისი სიმღერები, აყვავდა, თავისუფალი ქვეყანა გახდა.

ახალ საბჭოთა საქართველოს უყვარს თავისი დიდი მგოსანი. იგი იცნობს მას. ჭავჭავაძე უყვართ და მას იცნობს საბჭოთა კავშირის ყველა ხალხი.

„პრავდა" 12/IX-375.

ვფიქრობ, კომენტარი ზედმეტია, მაგრამ მაინც ორიოდ სიტყვით – ილიას მთავარი მკვლელი, ახლა ყველაზე დიდ ბელადად ქცეული, დარწმუნდა, რომ ისტორია მას ილიას მხრებზე მდგომს უფრო დიდ ადამიანად მიიჩნევდა, ვიდრე მის მკვლელად თუ არა, მონინაალმდეგედ მონათლულს. ამიტომ „პრავდის" ამ განცხადებით ძველი ბოლშევიკებიცა და ახალნიც, ყველანი სახტად და პირშიჩაღამოვლებულნი დატოვა. პირიქით, აქეთ დაამუნათა, თქვე უტვინოებო, ილიას „ნამდვილი" მკვლელი როგორ ვერ მოგიძებნიათო. თქვენ უმნიკველო სახელი და დიდება შეირგეთ, თუ მოკვდებით, მთანმინდაზე ილიას გვერდით საფლავსაც გაგიჭრით, მკვლელები კი ნიკოლოზის მთავრობაში ვეძებოთო.

ასე დაიწყო ილიას ცხოვრების, შემოქმედებისა და მსოფლმხედველობის სრული ფალსიფიკაცია.

თავი V

ვინ იყო ილიას
მკვლელობის შემკვეთი,
ორგანიზატორი და რისთვის?

მოჰკლა თუ არა
ჟანდარმერიამ ილია?



საბჭოური სასამართლო



ილიას მოურავი მოსე მეულღესთან



დimitრი ჯაში

მკვლევლობიდან 30 წლის შემდეგ, ხოლო ილიას დაბადებიდან საიუბილეო, მე-100 წლისთავზე, მისი სახელი იმავე პარტიამ აღადგინა და მთელს საბჭოეთში გადაუხადა იუბილე, რომელმაც პარტიამაც იგი ჯერ ფიზიკურად მოჰკლა და შემდეგ 30 წლის მანძილზე მიცვალებულსაც დაუნდობლად ებრძოდა. რა მოხდა?

გვთავაზობენ სხვადასხვა ვერსიებს:

1) ყველაზე გულუბრყვილო ვერსია გახლავთ ის, რომ კარგმა, სამართლიანმა სტალინმა, ცუდი ფილიპესა და სერგოს საწინააღმდეგოდ, როცა ამისთვის მოიცალა, ილიას სათანადო პატივიც მი-აგო.

ამ ვერსიით გამოდის, რომ სტალინი 16 ან მინიმუმ 13 წელიწადი, მწერალთა საკავშირო პირველ ყრილობამდე, ქურში მჯდარა და წარმოდგენა არ ჰქონია რა ხდებოდა საქართველოში ილიას სახელის გარშემო. ამ ვერსიაზე სერიოზული სჯა არ ღირს.

2) ითქვა ასეთი აზრიც, რომ გებელსი საბჭოთა კავშირის ალების შემდეგ იმუქრებოდა ილიას მკვლელთა გასამართლებით.

ეს მართალიც რომ იყოს(გერმანელებს ქართული იმიგრაციისაგან შესაძლოა სცოდნოდათ 1907 წლის 30 აგვისტოს მომხდარი სინამდვილე), არანაირი კავშირი ილიას სახელის აღდგენასთან და ბერბიჭაშვილის პროცესთან არ აქვს, რადგან ილიას იუბილეს აღნიშვნა მთელი საბჭოეთის დონეზე 1937 წელს მოხდა. ამ დროისათვის გებელსის რაიმე მუქარაზე საუბარი ასევე გულუბრყვილობაა.

3) შესაძლოა ილიას ფენომენზე და საკუთარი როლის უცოდველად დატოვების განზრახვაზე სტალინმა იფიქრა უცხოეთში 1931 წელს იოსებ ბერბიჭაშვილის წიგნის გამოსვლის შემდეგ, რომელშიც ბავშვობის მეგობარი ბერბიჭაშვილი სტალინს ირიბად ილიას მკვლევლობაში ადანაშაულებდა.

4) უფრო სარწმუნო კი არის ის ცნობები, რაც ამ წიგნის ავტორს სტუდენტობის დროს მოუსმენია ხანდაზმული ლექტორებისაგან, მაგ. ს. ხუციშვილისაგან. კერძოდ, ის და, შემდგომი თაობის ლექტორებიც (ლადო მინაშვილი, იუზა ევგენიძე); ხაზს უსვამდნენ, ხოლო იმ ამბების უშუალო მონაწილე ირაკლი აბაშიძემ დაწერა კიდევ, რომ 30-იან წლებში საზღვარგარეთ იწერებოდა სტალინის

მიმართ დამამცირებელი წერილები. დედამიწის ერთ მეექვსედს მართავსო მენალის შვილი, უკულტურო და უწარსული ერის წარმომადგენელი და ა.შ. მწერალთა ყრილობისათვის წინასწარ გაეცნო რა სტალინი მალაქია ტოროშელიძის მოხსენებას, რომლითაც ბოლშევიკების წესისამებრ ქართული მწერლობის ისტორია ნინოშვილით იწყებოდა, ეს მოხსენება დაიწუნა.

ამის შემდეგ სტალინი იბარებს ქართველ სწავლულებს და ავალებს საკავშირო მწერალთა პირველი ყრილობისთვის დაწერონ მოხსენება, რომელშიც ქართული მწერლობის ათვლა ეგნატე ნინოშვილიდან კი აღარ დაიწყება, არამედ სათანადო პატივი მიეგება ქართველ კლასიკოსებს (ახალი მოხსენების დაწერაში მონაწილეობა მიაღებინეს უკვე თვით პავლე ინგოროყვასაც).

ალბათ იყო ფსიქოლოგიური მომენტიც. თუ ვინმეს აშინებდა ილიას აჩრდილი და ჰეროსტრატეს როლი ისტორიაში, ფილიპეზე მეტად ეს სტალინი იქნებოდა. თუ რატომ, ამაზე ქვემოთ გიამბობთ.

ილიას სახელის აღდგენა კი გადაწყდა, მაგრამ პარალელურად უნდა ეზრუნათ მკვლელობის ახალი ვერსიის შეთხზვაზე.

რა გამოდის? ბოლშევიკები მთელი საბჭოეთის მასშტაბით იუბილეს უხდიან ილიას, იმავდროულად, ამ იუბილემდე, საქართველოში ილიას მკვლელებად მიჩნეულნი არიან მხოლოდ ბოლშევიკები.

ვიმეორებ, 1907 წლიდან 1937 წლამდე, არც ოფიციალურ მიმონერაში, არც 1908-1909 წელს გამართულ სასამართლო მასალებში, არც პრესაში, საუკუნის ამ მკვლელობაში, ბოლშევიკების გარდა არასოდეს, არავინ, არც ერთი პარტია, არც მეფის მთავრობა ეჭვიმითანილი არ ყოფილა. მხედველობაში არ მაქვს თვით სოციალდემოკრატთა მიერ ჩატარებული „საშინაო“ ძიებები და 1921 წლის შემდეგ დაფიქსირებული მათი მოსაზრებები.

კი, თავიდან იყო 2 დღიანი ჭორები. მაგალითად, ლაბაურის ნათქვამის გამო, მკვლელები სომხებს ჰგავდნენო. თუმცა, ამ ჭორმა მხოლოდ რამდენიმე დღე იარსება. ნოე ჟორდანიამ ფედერალისტებს დააბრალა, დასელთა სახელის გასატეხად მკვლელობა სწორედ ნაციონალისტებმა ჩაიდინესო, მაგრამ ეს ჭორიც უდღეური აღმოჩნდა.

ქართველ ხალხს მთელი 30 წლის განმავლობაში სჯეროდა, რომ ეს ბოროტება ბოლშევიკების ჩადენილი იყო. არგუმენტებზე ზემოთ უკვე მოგახსენებდით. შეგახსენებთ, რომ პატიმრებმა ხელი კომიტეტს დაადეს, როგორც ილიას მკვლელობის ბრძანების გამცემს.

ამიტომ, ვინც ილიას 100 წლისთავის იუბილე მოიფიქრა, პირველ რიგში იზრუნა იმაზეც, რომ მკვლელობა ვიღაც სხვას უნდა დაბრალებოდა და თან ოფიციალურ დონეზე. სხვაგვარად იუბილეს აღნიშვნა აზრს კარგავდა. აქედან გამომდინარე, მოხდა ის, რომ 1937 წელს აღინიშნება ილიას იუბილე და იმავდროულად იწერება პრესაში მასალები ილიას მკვლელობის შესახებ. ეს ვიღაც სხვა, ვინც ილია მოჰკლა „აღმოჩნდა“ მეფის მთავრობა. ადრესატი საუკეთესო იყო მოძებნილი. აღარც მეფე გახლდათ ცოცხალი, აღარც მისი მთავრობა არსებობდა, არც გულშემატიკვარი და დამცველი იმ მთავრობას აღარ აღმოაჩნდებოდა. ბოლოს და ბოლოს მეფის მთავრობა ხომ ილიას არ წყალობდა. სახელმწიფო საბჭოს წევრიც კი ჟანდარმერიის მეთვალყურეობის ქვეშ იყო.

ეს იყო პოლიტიკური გადაწყვეტილება, ყველაფერი დანარჩენი კი ტექნიკის საქმე გახლდათ.

1937 წელს „ლიტერატურული საქართველოს“ მე-20 ნომერში ილიას საიუბილეო მასალებთან ერთად დაბეჭდილია პაატა გუგუშვილის წერილი „ილია ჭავჭავაძის მკვლელობა“. პირველად 50 წლის მანძილზე, სახელმწიფო შეკვეთით, წყაროებზე დაყრდნობით ამ წერილში ითქვა, რომ ილია მეფის „ოხრანკამ“ მოკლა. ეს აზრი, მართალია, უფრო ადრე შეიმუშავეს, მაგ. დაბეჭდეს 1925 წელსაც, მაგრამ მაშინ თავადვე უარყვეს ბოლშევიკებმა, რის მიზეზზეც ქვემოთ მოგახსენებთ.

გასაგებია, რომ გუგუშვილმა მიიღო დავალება, მაგრამ ეტყობა იმდენად ჩქარობდნენ, რომ 1937 წ. დაბეჭდილ გუგუშვილის წერილში, იმის გარდა, რაც სასამართლოს პუბლიკაციებიდან ჩვენთვის უკვე ისედაც ცნობილია, გუგუშვილს ახალი ცნობების მხრივ მხოლოდ სრული უაზრობები დაუმატებია. სამწუხარო ის არის, რომ ეს უაზრო ნაშრომი ნახევარი საუკუნე სამაგიდო წიგნად აქციეს და დღესაც რამდენიმე მეცნიერი, ვინც ილიას მკვლელობაზე იმუშავა, გუგუშვილის მთავარ სიყალბეს, ვითომდა ჟანდარმერიისაგან ილიას მოკვლას, კვლავაც ბაჯალლო ჭეშმარიტებად ღებულობს.

მეცნიერთა მეორე ნაწილი კი ფიქრობს, ილია სოციალისტებმაც მოკლეს და ჟანდარმერიამაც, შეთანხმებით (ამ მხრივ ყველაზე ურომატივეადი კვლევა ჩაატარა გურამ ყორანაშვილმა).

ილიას მკვლელობა, რა თქმა უნდა, შეეძლო ჩაედინა მეფის მთავრობას იმავე ჟანდარმერიის ხელით, მაგრამ, ჩემი აზრით, ასე

არ მოთხოვა საქმე. ეს წყიული ჟანდარმერია, საბჭოური დავალებით გუგუშვილმა გაიტყვების ვაცად აქცია.

დიახ, გუგუშვილის ნაშრომი პარტიული ბოსების ან მათი აგენტურის დაკვეთით იწერებოდა. მეცნიერი შეიძლება ცდებოდეს, მაგრამ რა რჯის, როცა შეგნებულად ჩქმალავს ფაქტებს და როცა შეგნებულად თხზავს ტყუილებს, თუ მას ასეთი დაკვეთა არ აქვს? თან გაითვალისწინეთ, რომ ლაპარაკია 1937 წელზე, როცა იძულებით თითქმის ყველა ყველაფერზე ხელს აწერდა.

გუგუშვილს იმდენად სწრაფად აქვს დავალება შესასრულებელი, რომ ელემენტარული შეცდომებით ყიდის თავს და მისი დამკვეთიც იოლად იკვეთება.

1) ასე, მაგალითად, 1937 წელს დაბეჭდილ წერილში იმ იმედით, რომ შეპასუხებას ვერაფერს გაუბედავს, სასამართლო ჩვენებებიდან მთლიანად ამოულია ყველა დეტალი, სადაც სოციალ-დემოკრატიების კომიტეტის დავალებაზე ლაპარაკობდნენ პატიმრები. როგორი საქმეა, სასამართლოზე მიცემულ ჩვენებებს აქვეყნებდე და პატიმრის ჩვენებიდან არ ბეჭდავდე მთავარს, ვის დავალებას ასრულებდა მკვლელი? შეიძლება ასეთი ისტორიკოსის ნდობა?

2) სამაგიეროდ მკვლელთა შორის მთლად ორგანიზატორად ილიას მოურავი ჯაში გამოუყვანია (ეს ჩანაფიქრი პარტკომისიას ადრეც ჰქონდა, მაგრამ, როგორც ვთქვით, თავადვე აიღეს ხელი). რატომ? მკვლელთაგან ყველა ან სოციალისტი იყო ან უბრალო გლეხი.

საჭირო იყო ჟანდარმერიის აგენტის მონაწილეობა მკვლელთაში. სხვა მკვლელთა პარტიულობის მიჩქმალვა. ეს კი იმას ნიშნავდა, რომ ილია ჟანდარმერიამ მოკლა. ასეთ აგენტად იმ დროს, როცა გუგუშვილი თავის ნაშრომს წერდა, ცნობილი იყო ჯაში, ახლა მისი მკვლელად გამოყვანა გახდა საჭირო და სოციალისტები სუფთაზე რჩებოდნენ. აგერ კაცი, ილიას მოურავად ნამსახური. ჟანდარმერიის აგენტად ნამყოფი. მრავალჯერ დაპატიმრებული, მათ შორის პირველად დაპატიმრებული 1907 წელს, სწორედ ილიას მკვლელობასთან დაკავშირებით. მშვენიერი მასალაა მკვლელობის დამაჯერებლად აღსაწერად.

გუგუშვილმა, როგორც ჩანს, ჯერ დავალება მიიღო, საგაზეთო წერილი გამოაქვეყნა, ჯაშის მკვლელად წარმოჩენის არგუმენტების ძებნა კი შემდეგ დაიწყო და ამ „არგუმენტებს“ თავი მოუყარა 1938 წელს გამოცემულ წიგნში – „ილია ჭავჭავაძის მკვლელობა“. თავიდან მას რომ წარმოდგენა არ ჰქონდა თემაზე, რაზეც წერდა, ჩანს მარტივად.

1937 წელს დაბეჭდილი წერილის მიხედვით გუგუშვილს ჰგონია, რომ დ. ჯაში, როცა ილიამ მოურავად აიყვანა, იყო „წერილცოლმ-ვილიანი ადამიანი“. ტყუილია, ჯაში ამ დროს იყო 23 წლის, ჰყავდა მეუღლე და ერთი თოთო ბავშვი(რომელიც მალევე გარდაიცვალა). თითქოს უმნიშვნელო დეტალია, მაგრამ ერთზე მეტყველებს, გუგუშვილი ჯერ გაცნობილი არ არის ჯაშის ბიოგრაფიასაც კი.

„მკვლელობის ხელმძღვანელები არიან ჯაში და ლავრენტი ასათიანი – წერს გუგუშვილი – ამათ ფშავლიშვილი და შერმადინი წინასწარ გაგზავნეს თბილისს, რათა გაეგოთ, თუ როდის დაბრუნდებოდა ილია, რომ გზაზე ჩასაფრებოდნენ“. გუგუშვილი ჩქარობს დავალების შესრულებას. ამ ციტატიდანაც ჩანს, რომ სრულიად არ იცნობს ვითარებას, ამიტომ მისი შეთხზული და რეალობა ერთმანეთს არ ემთხვევა. მკითხველმა უკვე იცის, რომ ილია 27 ივლისს წავიდა საგურამოდან თბილისს და ჯაშს დაუბარა სალამოსვე დავბრუნდებო. ვერ დაბრუნდა. 29-ში კი მსახური თარაშვილი ჩავიდა საგურამოს და მან უთხრა ჯაშს, ხვალ ნაშუადღევს ილია მობრძანდებო. ასე რომ, ჯაშს არავის გაგზავნა არ სჭირდებოდა ქალაქში ილიას ჩამოსვლის დროის შესატყობად.

ჯაშს თანაც ფშავლიშვილი გაუგზავნია თბილისში. ქვემოთ დავრწმუნდებით, რომ ეს ფშავლიშვილი ჯაშს თვალით არ ჰყავდა ნანახი არასოდეს.

გუგუშვილი წერს: „მკვლელობის დღეს დილით ჯაში საგურამოს გზაზე შეხვდა თბილისიდან წამოსულ 4 კაცს.“ გუგუშვილს წარმოდგენა არ აქვს, რომ მკვლელობის დღეს დილით ჯაში იმყოფება საგურამოში და წინამურისკენ გაემართა ურიადნიკთან და 2 სტრაჟნიკთან ერთად. არც ერთი მათგანი 4 კაცთან შეხვედრაზე არაფერს ამბობს.

გუგუშვილი – „იმავე დილით თბილისიდან გამოვიდნენ პ. აფციური (ფშავლიშვილი) და ს. შერმადინი“. გუგუშვილს ბოლომდე არ აქვს ნაკითხული სასამართლო ჩვენებებიც კი. ფშავლიშვილი იმ ღამეს წინამურში იყო ხიზანიშვილთან.

„გაჩხრეკილ იქნა ჯაშისა და მისი ნათესავების ბინა, სადაც აღმოაჩინეს ილიას ტანისამოსი და სხვადასხვა საოჯახო ნივთები, რომელიც ილიას მოკვლის შემდეგ გაუტანია ჯაშის ცოლს დარიას“.

ეს რომ ასეც იყოს, განა ჯაშის მკვლელობას ამტკიცებს?

ოჯახიდან გატანილი ნივთები, თუნდაც ილიას ტანისამოსი და მკვლელობის ადგილიდან წაღებული ნივთმტკიცებები განა ერთ-

ნაირი სამხილია? ორიდან ერთია, ან დარიამ მკვლევლობის შემდეგ ოჯახიდან ხელს გააყოლა ნივთები ან მანამდე ოლღამ და ილიამ თავად აჩუქეს ესა თუ ის ნივთი თუ ტანსაცმელი ახალგაზრდა ცოლქმარს. დარია ჯაში კი წერს, რომ ოღლა დიდად გულუხვი იყო მის მიმართ. რა გასაკვირია, ილიას მოურავისთვის რაიმე ერუქებიანა, თუნდაც ტანსაცმელი. ჩვენ ზუსტად ვიცით მკვლევლობის ადგილიდან რა იქნა წაღებული. ჯაშის ოჯახში, ცხადია, მკვლევლობის ადგილიდან წაღებული არაფერი უნახავთ.

„სულ მალე ჯაშის გათავისუფლების შემდეგ საქვეყნოდ ცნობილი შეიქმნა, რომ იგი, დ. ჯაში ოხრანკის აგენტი ყოფილა“.

ესეც ტყუილია: „ოხრანკაში“ თანამშრომლობდა 1909-1911 წლებში და ეს ცნობილი გახდა არა სულ მალე, არამედ მხოლოდ მენშევიკების ხელისუფლებაში მოსვლის შემდეგ, როცა მათ აგენტების სია გამოაქვეყნეს.

„ლოგიკური“ მსჯელობის იშვიათი ნიმუშია გუგუშვილის ასეთი ბრალდებაც:

„ბრალდებულებს ხომ ერთი სიტყვაც არ ათქვამევენეს დ. ჯაშის შესახებ. ამიტომ ციხიდან განთავისუფლების მერე მათ ენას კლიტეს ვილა დაადებდა? ხოლო ჯაშისთვის ნილაბის ახდა კი იგივე იქნებოდა რაც „ოხრანკის“, ჟანდარმერიას და მამასადამე მთელი თვითმპყრობლობისათვის ნილაბის ახდა“. ამიტომო, ასკვნის გუგუშვილი, შეწყნარება მკვლევლებს (არ შეუწყნარებიათ, განაჩენის აღსრულება შეაჩერეს) ჩამოხრჩობით შეუცვალესო. ხედავთ, რა მომხდარა? ილიას მკვლევლები დაუსჯიათ ჯაშის გამო, რათა გარეთ გამოსულებს მათ არაფერი დასცდენოდათ. ციხეში კი მკვლევლებს ჯაშზე არაფერი ათქმევენეს. კი მაგრამ, როცა სასამართლო დაიწყო, მკვლევლთაგან 5 გარეთ იყო, მათ ვინ აუკრავდა პირს?

ესეც არ იყოს, თუ თვითმპყრობელობის ბედი ამ ერთ ჯაშზე ეკიდა, არ ერჩიათ სხვა მკვლევლებთან ერთად ესეც ჩამოეხრჩოთ და მშვიდად ყოფილიყვნენ?

23 წლის უპოვარ ახალგაზრდას ასე რატომ უფრთხილდებოდნენ, ერთი აგენტის შემცვლელს ველარ იპოვიდნენ?

პატიმრები – ერთმანეთის ნათესავეები, ერთმანეთის მეზობლები ერთურთს ამხელდნენ, ხოლო ამ უცხო კაცზე, ჯაშზე ხმას არ იღებდნენ? ჩამოხრჩობა რომ მიუსაჯეს, მერე რალამ გააჩუმათ? მთელი 6 თვე განაჩენის აღსრულებამდე ამ ჯაშს რომ ხელი დააფარეს, არც ერთს არ გააახსენდა მათი დამლუპველი, მკვლევლობის ორგანიზატორი?

აი, ის არგუმენტები, რომელიც გუგუშვილის წერილშია წარმოდგენილი და რომელთაგან თითოეული უბრალოდ სიცრუეს ეფუძნება. ჯაში უკვე 15 წლის გარდაცვლილი იყო, ხმას ის ველარ ამოიღებდა, იმ ამბების მომსწრენი კი იმას დაწერენ, რასაც გუგუშვილის „ასისტენტები“, ანუ ბერიას დავალების შემსრულებელნი უკარნახებენ. ასე შეიქმნა მითი ილიას მეფის მთავრობისაგან მოკვლის შესახებ და აუცილებელი რგოლი რომ გამოენახათ, ასე დაბრალდა მკვლელობა, მერე და ვისი, დ. ჯაშს, რომელიც დღემდე მთელ საქართველოს სძულს, თუმცა, ჩემი აზრით, უსაფუძვლო ბრალდების გამო. ის უფრო საბჭოთა სუკის და მისგან დაქირავებული კალმოსნის მსხვერპლია, ვიდრე თავისი ავკაცობისა. ამ საქმეში მართალი ჩანს, თუმც მამაძაღლობა არ აკლდა. არც მთლად სანდო კაცი უნდა ყოფილიყო, თუ ვინმეს მისი მკვლელად მიგზავნა შეეძლო, ესენი სწორედ სოციალ-დემოკრატები უნდა ყოფილიყვნენ, რადგან მათთან ჰქონდა ახლო კავშირი (მისი ძმა როგორც მესტამბე, ბოლშევიკებს ემსახურებოდა)... რაც ქვემოთ წარმოდგენილ შესავალ ნაწილში დაუფარავად არის გამჟღავნებული, მაგრამ მოვლენებს ნუ გავუსწრებთ, სჯობს მკითხველი თავად დარწმუნდეს, რისი ჩადენა შეეძლო მოურავს და რისი არა, მაგრამ ჯაშის მკვლელად გამოყვანით სასიცოცხლოდ იყო დაინტერესებული საბჭოთა იდეოლოგია.

იყო თუ არა ჯაში ილიას მკვლელობის ორგანიზატორი, ამაზე არის დამოკიდებული, ლებულობდა თუ არა „ოხრანკა“ ილიას მკვლელობაში მონაწილეობას.

ღმერთმა მაპატიოს, თუ დამნაშავეის ადვოკატობა გამომდის. ახლა, 100 წლის შემდეგ, დარწმუნებით ლაპარაკი, ასე იყო თუ ისე, ძნელია, მაგრამ მე წარმოვადგენ არგუმენტებს, დანარჩენი კი მკითხველმა განსაჯოს.

პირველ რიგში მინდა ვთქვა, რომ ილიას მკვლევართაგან არც აკაკი ბაქრაძეს, არც გურამ შარაძეს, არც ალექსანდრე შუშანაშვილს, ხოლო 1937 წლამდე ილიაზე დაწერილი წიგნის არც ერთ ავტორს ჯაში მკვლელად არ გამოუცხადებია. ეს არ არის უმნიშვნელო ფაქტი. (სხვა საკითხია, რომ მითქმა-მოთქმა ადრეც იყო)

თუმცა ახლა უკვე არის საკმაო სამხილებიც. მართალია, გუგუშვილმა თავიდან იჩქარა და უაზრობები ჩაწერა თავის წერილში, მაგრამ ერთ წელიწადში თავი მოუყარა მასალებს, მოგონებებს. ამ მოგონებების მიხედვით, ჯაში ეჭვმიუტანლად მკვლელი გამოდის. მაგრამ ქვემოთ ვეცდები მკითხველს დაეუხატო სრული სურათი,

როგორ შეიძლება შეთხზული ჭორებით სამუდამოდ მკვლელის სახელი აპკიდო ადამიანს. შევეცდები ვაჩვენო, თუ რა ფასი აქვს იმ მოგონებებს, რასაც ჯაშის შესახებ გუგუშვილის შეკვეთით წერდნენ. სიმართლის გარკვევას ვინყებ, თვით ჯაშის დაუსრულებელი მემუარების გამოქვეყნებით. ეს ჩანაწერები დაიბეჭდა 1908 წლის 25 სექტემბერს გაზეთ „სავაჭრო გზაში“. ხაზს ვუსვამ 1908 წლი 25 სექტემბერს.

მოურავი ჯაში

ილია ჭავჭავაძის უკანასკნელი დღეები ჩემი შთაბეჭდილებანი

შესავალი

რალაც სასწაულთ-მოქმედებას უნდა მიენეროს, რომ ამ ჩემს სტრიქონებს ბეჭდურ ფურცლებზე გამოსვლა ელირსა!

მთელი წელიწადია თითქმის, სულ ჩემის თვალთ მინახავს, რაც გარდამხდია, რის მონამეცა ვარ და ვიყავი – აღმენერა, დამებეჭდა და მით საშუალება მიმეცა ფართო საზოგადოებისათვის, რომ ახლო გასცნობოდა ჩვენის დიდებულის მგოსნის უკანასკნელ დღეების შინაურ ცხოვრებას, მისს ავსა და კარგსა, მისს დადებითს და უარყოფითს მხარეებსა, მაგრამ როგორ უნდა მოვქცეულიყავი? მე იმდენი შეძლება მომეპოვება, რომ ჩემს ხარჯზე მხოლოდ ამ ჩემის საკუთარის შთაბეჭდილების დასაწერად ქალაქი მეყიდნა, ხოლო საზოგადოებისთვის, მის ფართო ნაწილისათვის რომ გადამეცა ბეჭდვითი სიტყვის შემწეობით, – ეს კი ჩემთვის შეუძლებელი გახდა, ვინაიდან საკუთარი გაზეთი ან ჟურნალი მე არა მქონდა, ხოლო სხვა გაზეთებში მოთავსება კი ყველა ამაებისა შეუძლებელი გახდა შემდეგის მიზეზების გამო: ჯერ ერთი, რომელ გაზეთისთვის უნდა მიმემართნა, რომ ერთ-ერთის რომელისამე მონინაალმდეგე ბანაკის ხალხისთვის საწყენად არ დარჩენილიყო: თუ „ისარ“-„ამირანში“ მოვათავსებდი, სოციალ-დემოკრატიული ორგანოები, იქნება, მისაყვედურებდნენ:

– „ისარ“-„ამირანთან“ კავშირი როგორ დაიჭირო!

და თუ სოციალ-დემოკრატიულ ორგანოებს მივმართავდი, მაშინ ეჭვს გარეშე, „ამირან“ – ისრელები“ მისაყვედურებდნენ:

– ვერ უყურებთ, დიმიტრი ჯაშმა სოციალურ-დემოკრატიების კალთის ქვეშ იპოვნა მფარველობის კედელი და იქიდან გვიზიარებს თავის „ტენდენციურ“ შთაბეჭდილებასაო.

ყველაზე უფრო დასაჯერებელი კი ის არის, რომ არც ერთი ხსენებული ორგანოები არ დაგვითმობდნენ თავიანთ ფურცლებს ამ წერილებისათვის: იქნება მათი შინაარსი არც ერთ ხსენებულ ორგანოს გუნებისად არ ყოფილიყო დაწერილი და ზოგ-ზოგი ადგილები ამოეშალათ. მე კი ამას თავის დღეში ვერ დავთანხმდები: მე მინდა მკითხველს სავსებით უკლებლივ გადავსცე ის, რაც მე მინახავს ჩემის თვალითა, რაც მე გამომიცდია, გამომიკითხავს, გამომიძიებია, და შემდეგ ყველა ამაების შესაფერისად, საკუთარი დასკვნა გამომიყვანია.

წინდანივც უნდა აღვნიშნოთ, რომ ჩემს წერილებში იოტის ოდნავადაც არ იქნება გატარებული რაიმე ლარი და ხაზი, რომელიც ამა თუ იმ პარტიულ თვალსაზრისიდან მომდინარეობდეს; პირიქით, ჩვენ ვეცდებით მიუდგომლად, დამოუკიდებლად აღვნიშნოთ ყოველი წვრილმანი, რაც კი ჩვენს განკარგულებაშია. ავს დავარქვათ ავი, სიცრუესა და სიყალბეს – სიყალბე, ხოლო სიმართლეს, ჭეშმარიტებას კი – მისი ნამდვილი სახელი.

ამისთვის ნურავინ დაგვემდურება, და თუნდა დაგვემდუროს კიდევაც ვინმე, – ჩვენ რა გვენაღვლება: ჩვენ ოღონდ კი სინდისი წმინდა გვექონდეს, და დეე, პირი იმას დაენვას, ვისაც ნიორი უჭამია!

ისეთს დიდსა და ჯერ კიდევ საკმაოდ ბნელით მოცულს საგანში, როგორც არის დიდებულ მგოსნის ილიას საზარელი მოკვლა, ჩვენთვის არ არსებობს არც სოციალ-დემოკრატიული და არც სოციალ-ფედერალისტური, არც სოციალ-რევოლუციონური და არც ანარქისტული ბანაკი, – და ამ ბანაკების შესაფერად ვინრო ჩარჩოებში ჩამოყალიბებული მსჯელობა.

პირიქით, ჩვენი ვალია გზადაგზა გაკვრით აღვნიშნოთ ნებსითი თუ უნებლიეთი შეცდომა, როგორც ერთისა, ისე მეორეშიც, – თუნდაც ეს შეცდომა თვით საკუთარი ჩვენი ჩანადენიც იყოს!

ჩვენ არა გვნამს ისეთი კერპები, ავტორიტეტები, ვინც უნდა იყვნენ ისინი, რომ მათი ნათქვამი რაგინდ კოჭლობდეს, „უცოდველ“ და „შეუმცდარ“ რომის პაპის ლიტონ ჭეშმარიტებად ვალიართ! არა, ჩვენ მუდამ იმას ვიტყვით, თუნდა ამისთვის ჯვარზედაც გვაცვან, რომ საცა სიმართლეს შევნიშნავთ, რომელ ბანაკსაც უნდა ეკუთვნოდეს იგი, თამამად ვთქვათ: „აი, ეს სრული სიმართ-

ლე და ჭეშმარიტებაა-თქო", და თუ სადმე სიცრუის ნაგლეჯს ნა-
ვანყდებით, მაშინაც კიდევ იერიქონის საყვირით აღვიჭურვებით
და საქვეყნოდ, ხმა-მალლა, ყველას გასაგონად ვიტყვით: „ეს კი
ყველაფერი მტკნარი სიცრუეა-თქო!“

აგერ წელიწადზე მეტია მას შემდეგ, რაც მგოსნის უმანკო სის-
ხლი მანკიერებმა თავიანთ ჭუჭყიან ხელით დაჰღვარეს, და დღემ-
დე, რამდენადაც თვალ-ყურს ვადევნებთ ჩვენსს პრესასს, ისეთი
არა დაბეჭდილა-რა ამ საგანზე, რომ შიგ ესა თუ ის პარტიული
გესლი და შხამი არ იყოს ჩანთხეული.

და ეს კი ფრიად სამწუხაროა, სავალალო, სატირელი! როცა
მხოლოდ სამწუხარო ფაქტი უნდა აღინიშნოს ამ თუ იმ გამოჩენილ
ადამიანთა ავადმყოფობაზე, გარდაცვალებაზე ან ნაძალადევი სიკ-
ვდილზე, ჩემის მტკიცე რწმენით, ამ შემთხვევაში სრულიად ადგი-
ლი არ უნდა ჰქონდეს ამა თუ იმ პოლიტიკურ სარჩულის ხსენებას,
ყოველ შემთხვევაში – მანამდე მაინც, ვიდრე საქმე გამოირკვევო-
დეს; ჩვენში კი საქმე იქამდისაა მისული, რომ ჩქარა იმასაც ნახავთ,
რომ ავადმყოფთან ექიმის მოწვევის დროსაც კი პოლიტიკურ ად-
ლით ზომვას მოჰყვებიან! და ნუთუ ეს სავალალო და სავაგლახო
არ არის? ნუთუ ამას ის არა სჯობიან, რომ სწეულს საჩქაროდ ექი-
მი მივგვაროთ და მოვარჩინოთ, იმისდა გამოუძიებლად, თუ ექიმი
ან მისი პაციენტი რანაირის მიმართულეებისანი არიან!?

დიდი მგოსანი ილია მოჰკლეს! ამ მკვლელობის პოლიტიკურ
ნიადაგზე გადატანით ვერც ერთი ჩვენი ხსენებული რაინდები ვერ
ამჩნევენ, რომ ამის გამო ატეხილ მეტად ჭუჭყიან კამათით დიდს
შეურაცხყოფას აყენებენ დიდებულ მგოსანს, და ილიას კი იმდენი
ღვანლი მიუძღვის თავის სამშობლოს ხალხის წინაშე, რომ ჭუჭყი-
ან და მგოსნის შეურაცხმყოფელ კამათით გაკაპასებულ რაინდებს
საფლავიდან ამოსძახოს:

– „ბატონებო, მაკმარეთ! ნუ შეურაცხმყოფთ თქვენის დათვუ-
რის მეგობრობით!“

დიდი ხანია დრო იყო, რომ საზოგადოება გასცნობოდა საზა-
რელ მკვლელობის სისწორ-სინამდვილით, მიუდგომლად აღწერას,
მაგრამ ჯერ-ჯერობით ამისი მსგავსი რამ ჩვენ არ გვინახავს. ამ
ხნის განმავლობაში ბევრი რამ დაინერა როგორც გაზეთებში, ისე
კანტი-კუნტად ბროშურებშიაც, მაგრამ ყოველგან და ყოველთვის
როგორცა ვთქვით პირველობა დათმობილი ჰქონდა მხოლოდ პარ-
ტიულ სიმძულვარეს, პირადის ანგარიშების გასწორებას, ერთიმე-
ორის ლანძღვა-გინებასა და მცირებას, – და ყველა ეს ხდებოდა

ნეტარსენებულ მგოსნის გაციებულ ცხედრის გარშემო. ზოგმა ილიას სახელით საკუთარ თავის ამალგებასა და ერთიორად დაფასებასაც კი მიჰყო ხელი ისე, რომ ნარბიცი არ შეუხრია.

გადაიკითხეთ, მაგალითად, ბ-ნის სილოვან ხუნდაძის ნიგნაკი „მკვლევები და მცველები“, რომელშიაც ის, ვითომც იცავს ილია ჭავჭავაძეს, და თქვენ დარწმუნდებით ჩემი სიტყვების სიმართლეში.

გადაათვალთ ირეთ აგრეთვე ცნობილი „პატარა ყარამანიანები“ ბ-ნ იროდიონ ევდოშვილისა ჯერ „კვალში“, მერე „მოგზაურში“ და სხვაგანაც. ჩვენ კარგად გვახსოვს, როგორ სარკასტიულად დასცინოდა და მიწასთან ასწორებდა სხვათა შორის, ილია ჭავჭავაძეს ბ-ნ იროდიონ ევდოშვილი! მაგრამ ეს ხომ, შედარებით შორი ამბავია, და, სჯობს, ისევე უფრო ახალი ამბავი გავიხსენოთ:

შარშან, 1907 წელს, მეორე სახელმწიფო სათათბირო მოინვივის 20 თებერვალს. სწორედ ამ დღიდან ტფილისში გამოვიდა ახალი გაზეთი „ჩვენი ცხოვრება“, რომელშიც თანამშრომლობდა ბ-ნი ევდოშვილი. ჩქარა ეს გაზეთი ადმინისტრაციის განკარგულებით დაიხურა, და მის მაგივრად მალე გამოვიდა გაზეთი „დრო“. (როგორც პირველ, ისე მეორე გაზეთის გამომცემელი და რედაქტორი იყო სტალინი, ამ გაზეთებში წერდა „კო“-ს ფსევდონიმით, იგივე კობა. ნ.გ.) აი სწორედ ამ გაზეთ „დროს“ ერთ-ერთ ნომერში დაიბეჭდა ბ-ნ ევდოშვილის ფელეტონი-პამფლეტი, სადაც გამოყვანილი იყვნენ: პრემიერ-მინისტრი პ.ა. სტოლიპინი, ფინანსთა მინისტრი ვ.ნ. კოკოვცევი, ილია ჭავჭავაძე და, თუ მეხსიერება არ მღალატობს, უკვე კარგა ხნით ადრე მკვდარი კ.პ. პობედონოსცევი. (პობედონოსცევი შოკვდა 1907 წლის მარტში, ნ.გ.) ავტორი თავშეუკავებლად დასცინის ყველა მათ და სტოლიპინ-კოკოვცევი-პობედონოსცევის თანამოძმედ და თანამოაზრედ გამოჰყავს..., ილია ჭავჭავაძე! ავტორი ამ პამფლეტისა, ბ-ნი ირ. ევდოშვილი, სხვათა შორის, სწერს (მომყავს ზეპირად, როგორც მახსოვს):

„ილია ჭავჭავაძე. აქ, ჩემო ძმებო და მეგობრებო, არ იშოვება სადმე არტალა?“ და სხვა.

და როდესაც თავზარდამცემი მკვლელობა მოხდა, მაშინ ყველაზე უფრო მგლოვიარობა და ჭირისუფლობა გამოიჩინა სწორედ იმ იროდიონ ევდოშვილმა, რომელმაც მგოსანი სიცოცხლეში ათასჯერ ცილისწამებისა და შეურაცხყოფის ჯვარზე გააკრა!

აღბათ, ბ-ნი ი. ევდოშვილს დავინყებია, რომ „კალმით დაწერილს ცუდით ვერ ამოსჭრი!“

ეხლა ორიოდ სიტყვა „მოგზაურის“ ეხტიბარ გატეხილ კორესპონდენციებზე, რომელიც საგურამოდან იყო გამოგზავნილი (1905წ.) და რომელზედაც ხელს აწერდა ვილაც ვაჟბატონი ვ.ნ. ამ კორესპონდენციებზე დაემყარა ბ-ნი ფილიპე მახარაძე და იმავე „მოგზაურში“ ჯვაროსნული ომი გამოუცხადა ილია ჭავჭავაძეს, რომელზედაც რაინდმა პუბლიცისტმა გაჰბედა და საქვეყნოდ დასწერა: ილია ჭავჭავაძე მთავრობის ოფიციალური ჯაშუშიაო!

მართალი იყო ყველა ეს? სინამდვილეს იწერებოდა ვითომდა საგურამოელი კორესპონდენტი? მართალს ამბობდა ბ-ნი ფილიპე მახარაძე? სანახევროდ და სამეათედოდ მაინც მართალი იყო კორესპონდენციებში მოთხრობილი „ფაქტები“? – ყველა ამას ჩვენ ქვევით გავარჩევთ სათითაოდ და მუხლ-მუხლად აღვნიშნავთ ყოველივეს, მხოლოდ აქ კი არავის არ მოვერიდებით და საქვეყნოდ ვიტყვით, რომ „მოგზაურის“ კორესპონდენტისაგან აღნიშნული 'ფაქტები' – უსირცხვილო ცილისწამება იყო და სხვა არაფერი. და რომ ეს ასეა, ამას ქვევით დანვრილებით დაინახავს პატივცემული მკითხველი.

საგურამოში წასვლამდე

შარშან ზაფხულში, იენისის პირველ რიცხვებში, როდესაც მეორე სახელმწიფო სათათბირო ახლად გარეკილი იყო და სახელმწიფო საბჭოს მოქმედებაც უმაღლესის ბრძანებით, პირველ ნოემბრამდე, მესამე სათათბიროს მონვევამდე, უნდა შეჩერებულიყო, ჩვეულებრივ შევიარე განსვენებულ მგოსნის დასთან პატივცემულ ქ-ნ ელისაბედ გრიგოლის ასულ საგინაშვილთან, რომელთანაც ბავშვობიდანვე ნაცნობობა მქონდა და რომლის თვალწინაც თითქმის ბალლი გამოვიზარდე. შესვლისთანავე ქ-ნ ელისაბედ გრიგოლის ასულმა, ჩვეულებრივ მისალმების შემდეგ, მკითხა:

† ეჰ, ეს რა ამბავი მოხდა? დუმაა, რალაც ჯანაბა, კიდევ გაურეკიათო, ჰო? მართალია?

მართალი გახლავთ, ოფიციალური დეპეშა მეთქი, – ვუპასუხე, და მერე ვკითხე, – ალბად ილიაც უთუოდ ჩქარა დაბრუნდება-მეთქი.

– ილიასაგან გუშინ-წინ დეპეშა მომივიდა, მატყობინებს: შეიძლება მე და კნეინა აქედან პირდაპირ საზღვარგარედ წავიდეთ საექიმოდაო.

ამის შემდეგ არ გაუვლია სამ-ოთხ დღეს, რომ გაზეთებში ნაფიქრით ახალი ამბავი: საგურამოში ავაზაკებს მოეკლათ ილიას მამულების მოურავი მოსე მემარნიშვილი თავის ცოლიანად შიგ სასახლეში და თვითონ სასახლეც გაეძარცვათ. მაშინვე დაუყოვნებლივ წაველ ელისაბედ გრიგოლის ასულთან დაწვრილებით ამბების გასაგებად, მაგრამ არც მგოსნის დასა სცოდნოდა იმაზე მეტი, რაც გაზეთებში ეწერა. ახალი ის გავიგე მხოლოდ, რომ ქ-ნ ელისაბედს პეტერბურგში ილიასთვის დეპეშა გაეგზავნა და მკვლელობის ამბავი ეცნობებინა, და ილიასაც დეპეშითვე ეპასუხნა – მოვდივართო.

მართლაც, რამდენიმე დღის შემდეგ პეტერბურგიდან დაბრუნდნენ ილია, კნინა ოლლა და ილიას სიყრმის ამხანაგი, წელს მოსკოვში გარდაცვალებული განსვენებული მიხეილ ფილიპეს ძე ჩიკვაიძე, რომელსაც იმ წინაზე ენის ძირში კიბო გაუჩნდა და პეტერბურგს გაემგზავრა საექიმოდ. ჩამოსვლის მეორე დღესვე ვინახულე განსვენებული მიხ. ჩიკვაიძე, რომელმაც მითხრა ქ-ნ ელისაბედთან ერთად:

– მე ილიას მოვაგონე შენს შესახებ, ველაპარაკე მამულების მართვა-გამგეობაზე და მე და ელისაბედ გრიგორიენამ ვურჩიეთ, რომ უთუოდ შენ ნაგიყვანოს მოურავად.

ვუთხარი, – თუ გახსოვს, შენთან რომ პატარა გურული ბიჭი ამოცუნცულდებოდა, „ივერიაზე“ რომ მუშაობდა, დიმიტრი ჯაში, ახლა დავაჟკაცებულია, დაცოლშვილებული, და საგურამოში უეჭველად ის ნაიყვანე-თქო მამულების მოურავად. ამაზე ილიამ ჯერ სიცილით გვითხრა: კაცო და, ანარქისტი კი არ გამომიგზავნოთო, და მერე სთქვა, ძალიან კარგი, მოვიფიქრებო. ილია წინამძღვრიშვილს უთქვამს ილიასთვის – ჩემს დაუკითხავად მოურავად არავინ ნაიყვანოო, და ხვალ დილით წინამძღვაროვსაც მოელაპარაკება ამაზე. ილიას გაუკვირდა შენზე რომ გავახსენეთ, და სთქვა, – ნუთუ ის პატარა ბიჭი ასე იმოდენა ვაჟკაცი გახდა, რომ დაცოლშვილებულა კიდევცაო?

მართალი გითხრათ, იმჟამად ქონებრივად ძლიერ ცუდს მდგომარეობაში ვიყავი, რადგან უსაქმოდ დავებეტებოდი და ოჯახი კი სარჩენი მყავდა. ქ-მა ელისაბედ გრიგოლის ასულმა და ბ-მა მიხ. ჩიკვაიძემ კარგად იცოდნენ ჩემი ასეთი ქონებრივი გაჭირვება და შეძლებისდაგვარად ყოველნაირად მეხმარებოდნენ, მანუგეშებდნენ, მამხნეებდნენ..

როდესაც საგურამოს მამულების მოურაობა მითხრეს ქ-მა ელისაბედმა და ჩიკვაიძემ ცოტათი დავფიქრიანდი, რადგან ეს

ფრიად რთული საქმე იყო და მე კი – სრულიად გამოუცდელი ამ საქმეში თუმცა გამოტეხილი უნდა გითხრათ, საკუთარის შრომის მოყვარეობისა და გარჯილობის იმედი კი დიდი მქონდა. ყოველ შემთხვევაში, რასაკვირველია, უარს როგორ ვეტყოდი, პირიქით გამიხარდა კიდეც, რომ ილიასთან, ილიას გვერდით, მისს მახლობლად მომელოდა ყოფნა და განა მარტო ეს ჩემთვის ცოტა იყო!

გუშინდელ დღესავეთ მახსოვს, ჯერ 9-10 წლის ბიჭი ვიყავ და ჩოხატაურის პირველ დანყებით სამონასტრო სკოლის სკამზე ვიჯექი, რომ პირველად აღმეძრა გულში ნატვრა: „ღმერთო, ისე ნუ მომკლავ, რომ ჩვენი პოეტები ჩემის თვალით არა ვნახო-მეთქი!“

ჩემი ნატვრა არამც თუ აღმისრულდა, პირიქით მოლოდინსაც გადააჭარბა: მე ვნატრობდი, რომ ჩემის თვალით მენახა ჩემი პოეტები, და ბედმა კი პირადად მათთან ზოგიერთთან გაცნობაც მარგუნა. ახლა ამას ზედ დაურთეთ ისიც, რომ ხვალ-ზეგ მომელის ილიასთან, ილიას გვერდით ყოფნა, მისი საუბრის და დარიგების მოსმენა!..

ჯერ კიდევ კარგად არა მქონდა ანონილ-დანონილი და მოფიქრებული საგურამოში წასვლა, რომ მეორე დღესვე შემდგომ ბ-ნ ჩიკვაძისა და ქ-ნ ელისაბედ საგინაშვილთან ლაპარაკისა, შუადღისას, ილიას ჩემთან სახლში გამოვეგზავნა თავისი სუფრაჯი, ან მასთანავე ვერაგულად მოკლული, იაკობა ბიტარაშვილი, რომელმაც მოკლე ბარათი გადმომცა შემდეგის შინაარსისა:

„ბ-ნო დიმიტრი, ლიზამ და ბ-ნ მიხეილმა მირჩიეს უთუოდ შენ წაგიყვანო საგურამოში მოურავად. ამ სალამოსვე გამოდით ჩემთან, მიხეილთან შეიარეთ და ის წამოგყვებათ, უნდა მოვილაპარაკოთ პირობებზე. მამული უპატრონოდ არის მიგდებული, ძალე უნდა წავიდე და თან წაგიყვანო. ილია.“

თუმცა გულში კი მქონდა, მაგრამ თუ ასე ჩქარა გადაწყდებოდა, არ მეგონა. იმ სალამოსვე შევიარე მიხეილ ჩიკვაძისთან და ელისაბედ გრიგოლის ასულთან; ქ-ნმა ელისაბედმა, გახარებულმა, მომილოცა და მითხრა: აბა, შენ იცი, თუ არ შემარცხვენ ჩემს ილიასთანო. მაშინვე განსვენებულ მიხეილს ილიას ბარათი ვაჩვენე, ისიც წამოდგა და გავსწიეთ ილიას სახლისკენ, ანდრეევის ქუჩაზე.

მგოსანი ძალიან კარგს გუნებაზე დაგვიხვდა და, მისალმების შემდეგ მითხრა:

– ბიჭოს, ეს თქვენა ხართ ი პატარა ბიჭი, ჩემს „ივერიაზე“ რომ მუშაობდით. მაშინ მიწაზე არც კი სჩანდი და ეხლა რამოდენა გამხდარხართ! აგრე მგონია, თითქო გუშინ იყოო.

– ესლა დაცოლშვილებული კაცია, ორი თვის ქალიცა ჰყავს! ჩაერია მიხეილი.

– ოჰოო, მერე ჯერ რა დროს თქვენი ცოლი იყო? განა ვერ მოესწრობოდი! – მითხრა ილიამ და შევუდექით „საქმეს“.

– ჩემი არჩევანი თქვენზე დადგა. მართალია, ჯერ გამოუცდელი იქნებით მეურნეობის საქმეში, მაგრამ ამ ზაფხულს მეც თქვენთან ვიქნები, გამოგაჩვევთ, შეგასწავლით ყოველივეს, და მერე კი, თუ უნარს გამოიჩენთ, იქნებ, კაი აგრონომსაც აჯობოთ! იმედი მაქვს, რომ მოსესავით გლესებთან საქმეს არ გაამწვავებთ. უნდა იცოდეთ, რომ მამულში მოურავი ყველაფერია. მე მთელის ნლობით, თითქმის, იქ არა ვარ, და ყველაფერი თქვენ გებარებათ: ავად მოიქცევით, ცუდს სახელს დასტოვებთ იქაურობაში, – და უნდა იცოდეთ, კაცურ კაცისათვის სახელი ყველაფერია? კარგად მოიქცევით – გლესებიც მადლიერნი გეყოლებათ, თქვენი თავიცა და მეც! გარდა ამისა, უნდა იცოდეთ, რომ პატარ-პატარა ქურდობა და ტაციაობა საშინლად გავრცელებულია, მაგრამ ამას ისე უნდა უყუროთ, თითქო ვერ ამჩნევთ, თორემ თუ გამოეკიდეთ კვალში, მხოლოდ ამას მოუნდებით და სხვას კი ვერაფერს გააკეთებთ! მაგრამ ამით იმას კი არ გეუბნებით, რომ ცხენებისა და კამეჩ-ძროხების ქურდობა თუ მოხდა, იმასაც ყურადღება არ მიაქციოთ!

მოვისმინე მგოსნის ტკბილი, მამაშვილური საუბარი და ბოლოს ვუთხარი:

– თქვენც იცით, გამოუცდელი ვარ ამ ახალ საქმისთვის, ასე ხელად გადანყვეტა არ შემიძლიან, მე ოჯახში ამხანაგიცა მყავს, იმასაც უნდა მოველაპარაკო-მეთქი. მაგრამ ილიამ გადანყვეტით მითხრა:

– არა, ახლავე უნდა გადავწყვიტოთ: ჰო თუ არა!

და ეს ისეთის გამომეტყველებითა სთქვა, რომ, ვინც უნდა ყოფილიყო, ისე მოაჯადოვებდა, რომ თუნდა სასიკვდილო განაჩენსაც კი დასთანხმდებოდა!

გადაწყდა! და მეორე დილით ილიასთან მეც საგურამოსკენ უნდა გავემგზავრებულიყავი.

როცა გამოვეთხოვე და შინ მივდიოდი, ილიამ მითხრა:

– კარგად ჩაიბეჭდეთ გუნებაში, რაც გითხარით. სხვაფრივ კი იმედი მაქვს, რომ კეთილსინდისიერად მოიქცევით, რაკი ჩემი დაილიზა და მიხეილ ფილიპიჩი გინევენ რეკომენდაციასო.

მეორე დღეს დილით საგურამოსკენ წასასვლელად მოვემზადე და ადრიანად ილიას სახლში გავჩნდი.

საგურამოში პირველად

ხუთშაბათი დღე იყო. ივნისის 18 თუ 19 რიცხვი, რომ დილითვე, მცხეთამდე მატარებლით გავსწიეთ საგურამოსკენ: ილიამ, მისმა სუფრაჯმა იაკობამ, ილიას დიდი ხნის შინაკაცმა მოხუცმა სტეფანემ (ტომით სომეხია, დღესაც ცოცხალია) და მე. მცხეთაში ილიას შეიგებნენ ადგილობრივი მცხოვრებლები და ახალი ამბავიც უამბეს: წინა ღამით წინამურსა და საგურამოს შუა სტრაჟნიკებს გზად შეჰხვედრიათ ორი ავაზაკთაგანი. მცხეთელებისაგან გავიგეთ, რომ სოფლებ წინამურსა და გურამიანთ კარს შუა, ტყეში, ავაზაკებს დაუბუნიათ და სძარცვავენ ყველას, ვინც კი გზად შეერჩებათ, ასე გასინჯეთ, ქალაქისკენ მომავალ და იქიდან მიმავალ მენახშირე მეურმეებს ფარაჯებსაც კი ართმევენო.

ამ ამბებმა ცუდად იმოქმედა მგოსანზე და საგურამოს მიახლოვებამდე არც ერთხელ პირზე ღიმილი არ მოსვლია. როცა წინამურის ბალთან ეტლი გავაჩერეთ, მგოსანი გადმობტა ჭიშკარში ჩავედით და მითხრა: აი, ეს ბალი ჩემია, აქ ხშირად მოგინევთ გადმოსვლა და გზაში ფრთხილად იყავით, მოკლე საცხენოსნო გზით ნუ ივლით (ეს გზა ტყეში გადასჭრის), დიდის შარით იარეთ მუდამ და არ დაივინოთ ხალხური ბრძნული ანდაზა: „შორს მოუარე, შინ მშვიდობით მიდიო“.

ვერ გამეგო, რა აზრით მეუბნებოდა მგოსანი ამ სიტყვებს, რადგან იგი შიშს არასოდეს არ შეიმჩნევდა. უნდა ითქვას, რომ განსვენებული სწორედ იმ ადამიანთაგანი იყო, რომელმაც არ იცოდა, შიში რა იყო! მატარებელში სულ ამას მეუბნებოდა: პირველი საქმე ის არის, რომ მუქარამა და ქადილმა ვერ შეგაშინოთო.

თვითონ მგოსანი კი უცბად გზაში ისე გამოიცვალა, რომ ერთხელ პირზე ღიმილი არ მოსვლია და ბოლოს გაფრთხილება და დარიგებაც კი დამინყო.

შუადღის ასე 12 საათი იქნებოდა, რომ მივედით საგურამოში, აქ დაგვიხვდა მაშინდელი დუშეთის მაზრის უფროსი ბ-ნი ე.ი. შმერლინგი და მცხეთის ბოქაული ს.ი. გრიცუნასი. ილიამ მაზრის უფროსს გამოჰკითხა დაწვრილებითი ამბავი წინა წლამინდელ ავაზაკთა და სტრაჟნიკთა შორის მომხდარ შეტაკებისა და მცხეთელების ნაამბობი მართალი გამოდგა. ამასთან ერთის მოკლულთაგანისთვის სტრაჟნიკებს ჯიბიდან ამოეცალათ სხვადასხვა წერილები, ქართულს ენაზე დაწერილი. მაზრის უფროსმა შმერლინგმა ერთი ასეთი წერილი მე გადმომცა და მითხრა: აქ ვერავინ

გაარჩია ეს წერილი და იქნებ თქვენ ნაიკითხოთო. როგორც ამ წერილიდან სჩანდა, მოკლული იყო ქუთაისის გუბერნიის მუხაყრუის საზოგადოების მცხოვრები ვილაც ჩაჩუა (სახელი აღარ მაგონდება); ამ წერილში, სხვათა შორის, ეწერა: „...დანარჩენი ყველაფერი პავლემ იცის და ის გეტყვის, როგორც იყო ჩვენი საქმეო“. ამაზე მაზრის უფროსმა ბ-ნმა შმერლინგმა ილიას უთხრა: აქ უთუოდ თქვენს ნამოჯამაგირევ ბიჭზე, პავლე ფშავლიშვილზეა ლაპარაკიო.

ამ ფშავლიშვილზე მაშინ სოფელში ხმები დადიოდა, რომ ავაზაკთა ბრბო ჰყავს შედგენილი და საგურამოს მიდამოებში დათარეშებსო, მაგრამ სინამდვილეში არავინ იცოდა. თვითონ შმერლინგმაც, მაზრის უფროსმაც, ასე გვითხრა. ხოლო ამის შემდეგ კი ილიამ სახლში შესვლის უმალ გამოჰკითხა სასახლეში მომხდარ უბედურ შემთხვევის დანვრილებითი ამბავი მეფუთკრეს ბ-ნ დანიელ გაბრიელის ძე მასლოვს (დღესაც საგურამოში მსახურობს), რომელიც ეზოში შემოგვეგება, და უკანასკნელმა გვიამბო შემდეგი: განსვენებულ მოურავს მოსეს სასახლის ეზოს ყარაულად დაექირავებინა ახალსოფლელი ახალგაზრდა გლეხი პავლე ფშავლიშვილი, იგივე აფციაური. ერთ საღამოს შარშან მაისის შუა რიცხვებში, მოურავს მოსეს ღვინოები გაეყიდნა, მენახშირეებისაგან ფული აეღო და მეხილესაგანაც ბლებისა, ალუბლებისა და სხვა ხილების ფულიც მიეღო. ასე რომ, მეფუტკრის მასლოვის სიტყვით, ორას თუმნამდე მოჰგროვებოდა. მოსეს ფშავლიშვილი ყველგან თან დაჰყავდა, როგორც ყარაული, რომელმაც კარგად იცოდა თურმე, რომ მოურავს მაშინ ბლომად ფული ჰქონდა შეგროვილი. ერთ საღამოს, როცა სასახლეში ყველას დაუძინია, ერთბაშად ატეხილა ძაღლების (ეკონომიაში სულ 14 დიდი ძაღლი იყო) გახშირებული ყეფა. ყველანი ფეხზე წამოცვივნულან, გარედ გამოსულან და ყური დაუგდიათ. მოურავს მოსეს შეუმჩნევია, რომ ყარაული ფშავლიშვილი ვილაცას ჩუმად ელაპარაკებოდა და ეუბნებოდა: „ეხლა დრო აღარ არის, ძაღლებმა მთელი სასახლე ფეხზე დააყენეს; ეხლა წადით, თორემ ყველაფერს გაგვიგებენო.“ ამ ჩუმის ლაპარაკისათვის ყური მოუკრავს მოსეს და, როცა უცნობნი წასულ-წამოსულან და იქაურობაც მიყურებულა, მოურავს დაუძახნია პავლე ფშავლიშვილისათვის და უკითხავს – ვის ელაპარაკებოდი, ვინ იყვნენ ისინი, ან ამ დროს რა უნდოდათო? ფშავლიშვილს უთქვამს: „სტაროსელსკის სტრაჟნიკები იყვნენ და იმათ ველაპარაკებოდიო“.

მოურავი მაშინვე წასულა სტაროსელსკის სტრაჟნიკებთან და გამოუკითხავს მათთვის: მართლა თქვენ იყავით, ჩვენს ყარაულს რომ ელაპარაკებოდით წელან, თუ არა, და თუ თქვენ იყავით, ამ დროს რა საქმე გქონდათო.

სტაროსელსკის სტრაჟნიკებს ეთქვათ, – ჩვენ არცა ვყოფილვართ და არც არა გვესაქმებოდა-რაო. მაშინ მოსეს ისევ დაუბარებია ფშავლიშვილი და დაბეჯითებით მოუთხოვნია, – ვინ იყვნენ ისინი, ვის ელაპარაკებოდით ამ შუალამისას და ან რა საქმე გქონდა მათთანაო, მაგრამ ფშავლიშვილს მკვახედ ეპასუხნა: ვისაც ველაპარაკებოდით და რა საქმეცა მქონდა, მე ვიცი, შენი საქმე არ არისო!

მაშინ მოურავს მოსეს დაუჭერინებია პავლე ფშავლიშვილი და მამასახლისის ოქმთან ერთად მცხეთაში გაუგზავნია, საიდანაც, რამოდენისამე დღის შემდეგ, მცხეთის ბოქაულს დუშეთისაკენ გაუგზავნია მაზრის უფროსთან, მაგრამ გზაში ფშავლიშვილი გაჰქცევია დარაჯებს და იმ დღიდან ტყეებში იმალებოდა. გზიდან გაქცევის დროს ფშავლიშვილი დაჰმუქრებია მოსესა და მის ცოლს ევას – იმათ ცოცხალს არ გაეუშვებ, რადგან მე დამაჭერინესო. მალე სოფლებში ხმები გავრცელდა, რომ პავლე ფშავლიშვილმა ყაჩაღთა ბრბო შეადგინა და წინამურ-საგურამოს შუა დათარეშობს, ხოლო თავს კი ზედაზნის ტყეში იმალავსო.

ამის შემდეგ არ გასულა ორი კვირა, რომ შარშან 1907 წლის 7 ივნისს, დილით, სასახლეს თავს დაესხა რამდენიმე შეიარაღებული თავ-პირ-ახვეული კაცი და მოურავი მოსე მემარნიშვილი და მისი ცოლი ევა საცოდავად ხანჯლით აჰკაფეს; შემდეგ შეცვივდნენ სასახლეში და, რაც კი რამ ფასიანი იხელთეს, ყველაფერი დაიტაცეს.

აი, ეს გვიამბო მეფუტკრემ ბ-ნმა დ.გ. მასლოვმა.

ამ ამბავმა, შთაბეჭდილება მოახდინა ილიაზე, დაძმარებული წამოდგა, შევიდა სახლში და თან შეეყევი მე, მაზრის უფროსი და ბოქაული.

ცოტაოდენის საუზმის შემდეგ მაზრის უფროსი და ბოქაული გამოგვეთხოვენ და თავიანთს გზას გაუდგნენ, ხოლო ჩვენ კი, მეფუტკრის დ.გ. მასლოვის წინამძღვრობით, შევუდექით სახლის დათვალიერებას, მაგრამ რას ვხედავთ:

ჭურჭლები დამსხვრეულ-დამტვრეული, ნიგნები ფურცლობით დაფხრენილი და აქეთ-იქით მიყრილ-მოყრილი, ხალიჩები გატაცებული, კარები ჩამტვრეული და სხვა ამისთანა სურათი წარმო-

უდგა ჩვენს თვალებს. მგოსანი ერთიორად კიდევ უფრო იმ გარემოებამ დაალონა, რომ ყველა უბედურებასა და კაც-კვლას გარდა, მისი საყვარელი და განუშორებელი წიგნები, მთელი მისი საკმაოდ მდიდარი ბიბლიოთეკა – სულ განადგურებული, დაფლეთილი და მიყრილ-მოყრილი ნახა!..

არსად არ აღმოჩნდა აგრეთვე არც ერთი გროში იმ ორასი თუმნიდან, რომელიც იმ წინაზე მოურავს მიელო. ხარჯები კი ყველა ხელუხლებლად დაგვიხვდა. ეჭვი არ იყო, რომ ფულიც ავაზაკების მიერ თავდასხმის დროს იყო გატაცებული. მაგრამ მგოსანი ფულზე სრულიადაც არა სწუხდა, მას ის გარემოება უფრო სტანჯავდა, რომ ორი სული ადამიანი დაიღუპა და სასახლესაც ასე უღმერთოდ დაერბიათ. თანაც ავაზაკებს სწორედ იმისთანა დრო ამოერჩიათ, როცა მოჯამაგირეები მინდორში სამუშაოდ იყვნენ წასულნი, სოფლელები კი არა ჰმალავდნენ და პირდაპირ აცხადებდნენ ეჭვს, რომ მოურავი მოსე და მისი ცოლი ევა-ფშავლიშვილის ბრბოს მოკლულიაო. (კვლავ შევახსენებ მკითხველს, როცა ეს წერილი იბეჭდება, ფშავლიშვილი ციხიდან გაქცეულია და დაყაჩაღობს. გუგუშვილის აზრით კი ილიას მკვლელობა მას ჯაშმა დაავალა. თურმე ფშავლიშვილის ნაავკაცარზე წერს მისთვისვე მკვლელობის შემკვეთი, თან საქვეყნოდ გამოაქვს ფშავლიშვილის მიერ ცოტა უფრო ადრე ჩადენილი ბოროტმოქმედების ამბავი. ფშავლიშვილი რომ დაღუპული ან ციხეში ყოფილიყო, კიდევ შეიძლებოდა ამის დაწერა, მაგრამ მკვლელი გარეთ არის, ორგანიზატორი მას ამხელს, ლოგიკა აღარ არსებობს ამ მეცნიერის არსენალში? ნ.გ.)

მკვლელობის შემდეგ, მაზრის უფროსის განკარგულებით სასახლისთვის მცველად მიეჩინათ ხუთი სტრაჟნიკი ურიადნიკის ვას. ემეცის მეთაურობით.

რამდენისამე დღის შემდეგ მგოსანმა დაიბარა ურიადნიკი და გამოუცხადა:

– მე არა მსურს, რომ ჩემს სახლს სტრაჟნიკები იცავდნენ. ხვალვე ისევ თქვენ-თქვენს ბინებს დაუბრუნდითო.

მაღე გურამიანთ-კარელებმაც გაიგეს, რომ ილია სტრაჟნიკებს ითხოვს სასახლიდანო, და მაშინვე აირჩიეს რამოდენიმე კაცი და ილიასთან მოჰგზავნეს სათხოვნელად, რომ სტრაჟნიკები ისევ დაეტოვებინა თავის სახლში.

როცა მგოსანმა ამისი მიზეზი გამოჰკითხა, სოფლის რწმუნებულებმა უთხრეს:

– ბატონო, ეგენი რომ თქვენ აქედან დაითხოვოთ, გალავანში კი არ დაბრუნდებიან (სოფ. გალავანი წინად სტრაჟნიკების ძველი საბინადრო ალაგი იყო), არამედ ჩვენ, სოფლის გლეხკაცებს, ჩამოგვეთესლებიან და რასაც თქვენთან ვერა ჰბედავენ, ჩვენ ადვილად გაგვიბედავენ: დაგვარბევენ, აღარაფერს შეგვარჩენენო. აქ რომ დარჩეს კი, თქვენ ვერაფერს გაგვიბედავენ და ჩვენთვისაც კარგია, რადგან ახლო იქნებიანო.

მაშ კარგი, ისევ აქ დავსტოვებ და, სანამ მე აქა ვარ, თქვენ ნუ გეშინიანთ, ვერაფერს გაჰბედავენო.

ამის შემდეგ მგოსანმა სტრაჟნიკებს გამოუცხადა ისევ დარჩენილიყვნენ სასახლეში, და ბინაც მიუჩინა.

ახალ ბინაზე

თუმცა, როგორც ზევით მოვიხსენიეთ, თვითონ მგოსანი ძლიერ ცუდს გუნებაზე იყო. ყველა უკვე ნაამბობ და გაგონილ ამბების შემდეგ, მაგრამ წამდა-უნუნე ჩვენ, მე და მეფუტკრეს ბ-ნ დ-გ. მასლოვს, გვამხსნეებდა, ნუგეშსა გვცემდა და დარიგებას გვაძლევდა...

ცოტა ხნის შემდეგ ილიას მოაგონა მეფუტკრემ მასლოვმა, რომ ის ოთახი, სადაც მოურავი მოსე და მისი ცოლი ევა მოჰკლეს, ლუქით დაბეჭდილიაო და საჭიროა მამასახლისის მონვევა, რომ გაღებაზე დავისწროთო. დაუუძახეთ მამასახლისის იობა ლაბაურს, გავტეხეთ ბეჭედი და შევალეთ კარები. შედგა თუ არა კარებში ფენი პირველმა, მგოსანს უცბად.სახე მოეჭმუნა და კინალამ უკანვე გაბრუნდა მიზეზი ის იყო, რომ ორი კვირის წინად მომხდარ სისხლის ღვრის სურათი ნათლად წარმოგვიდგა: თითქმის მთელი იატაკი სისხლით იყო შეღებილი, და გამხმარი სისხლი შავად გამოიყურებოდა!.. სკივრები, ყუთები, მაგიდის უჯრები, კალათები, ჩემოდნები, შუაფი – ყველაფერი აფუნგული იყო, აწენილ-დანენილი, გულ-ასამღვრეველად მიყრილ-მოყრილი და ერთმანეთში არეული. ეტყობოდა, ავაზაკებს კარგა ხანს გულ-დასმით უძებნიათ თავიანთი დავლა. გავსინჯეთ სხვადასხვა წერილები, რომელიც მომეტეტებულად ილიასაგან იყო მოწერილი მოურავ მოსესთან ზოგი ტფილისიდან, და უფრო კი პეტერბურგიდან. ეს წერილები მგოსანთან ერთად თითქმის სათითაოდ გადავიკითხეთ და ზოგი მათგანი ილიამ ცალკე გადამაწყობინა, დამალაგებინა და შემანახვინა. მგოსანი სწერს საზოგადოდ მამულების მართვა-გამგეობაზე და

გლახებთან გამწვავებულ მდგომარეობაზე. მომეტებულ ნაწილად წერილები შეეხება 1905-1906წწ. შინაარსი თითქოს ყველასი კარგად მახსოვს. მხოლოდ სიტყვა-სიტყვით მოყვანა კი შეუძლებელია ამჟამად, ნამდვილის ხელთ უქონლობის გამო. ხოლო თუ ის წერილები, - რისიც დიდი იმედი აქვს, - დაცულია დღესაც, აუცილებლად საჭიროა მისი ყველასი დასტამბვა და გამოქვეყნება, რადგან მხოლოდ და მხოლოდ იმ წერილებიდან შეიძლება გაიგოს კაცმა ნამდვილი აზრი და შეხედულება მგოსნის მაშინდელის გლახთა მოძრაობაზე! ადვილი საქმე არ არის ადამიანს პირდაპირ გაუკითხვად უკიდურესი რეტროგრადი და რეაქციონერი დაუძახო, რუსის „მთავრობის ოფიციალური ჯაშუში“ და „უსასტიკესი მემამულე თავადიშვილი მთელს საქართველოში“ მხოლოდ იმიტომ, რომ პეტრესი თუ პავლესი ზოგი რამ უკეთური ნამოქმედარი ერთი ასად გააზვიადო, შემდეგ თავს მოახვიო იმავე პეტრესა თუ პავლეს პატრონს, - ვთქვათ, თუნდა, ვინმე ივანეს, - და ამ უკანასკნელის ნამოქმედარის სახით გამოაქვეყნო, - ვერა ხედავთ ამ თქვენს ივანეს რა ვაჟბატონი ბრძანებულაო?! ახლა ამას ზედ დაურთეთ ისიცა, თუ ეს ივანე თავადიშვილიც არის, და მორჩა, გათავდა: რაკი აზნაური ან თავადიც ყოფილა და ცოტა მემამულეც - ადვილი წარმოსადგენია, რაცა და ვინც იქნებაო, - ასე სჯის ზოგი გულუბრყვილო მკითხველი, რომელსაც ფაქტების შემოწმებისათვის არა სცხელა!

მაგრამ დავუბრუნდეთ ისევ წერილებს. გაგაცნობთ შეძლები-სამებრ დაახლოვებით მათს შინაარსს ზეპირად, საკუთარის მეხსიერების საშუალებით, ვინაიდან, ვიმეორებ, ნამდვილი ახლა ჩვენ ხელთ არა გვაქვს. როგორც ერთის ამ წერილიდანა სჩანს, იგი პასუხია მოურავის მოსეს წერილისა. უკანასკნელი ატყობინებს მგოსანს, რომ სოფელი აირია, გლახობამ ძბუნტი" დაიწყო, მამულებს დაუკითხვად ხნავენ, ლალას არ იძლევიან, აღარაფრის მორიდება არა აქვთო, და სხვ., და ბოლოს სთხოვს აცნობოს რზგორ და რა რიგად მოიქცეს. თავის მხრივ კი მოურავს საჭიროდ მიაჩნია ისეთ ღონისძიებას მიმართოს, რომ შემდეგაც გლახებმა მსგავსი ვერა გაბედონ-რა. ამაზე მგოსანი, დაახლოებით, შემდეგსა სწერს: „მოსე, მივიღე შენი ბარათი, რომლითაც მატყობინებ მანდაურ გარემოებას (ილიას საპასუხო ბარათში ჩამოთვლილია მუხლ-მუხლად ყველა ზემოყვანილი ცნობები), და ძლიერ გამიკვირდა, რომ მოკლე ხანში მამულების მოვლისათვის, ეტყობა თავი მიგინებებია და აგრე ერთბაშად პოლიტიკას გამოსდგომიხარ, რასაც შენ იწერები, ეგ

მარტო საგურამოში როდია, აგრეა ყველგან მთელს საქართველოში და რუსეთშიაც, გლეხების მოძრაობა... შენ კი ტყუილადა გგონია, რომ გლეხების მოძრაობა მარტო საგურამოში იყოს, აგრეთვე მთელს ქართლში, კახეთში, გურია-სამეგრელოსა და იმერეთში. და თუ შენ ეს არ იცი, ეგ იმისი ბრალია, რომ შენს თვალს იქით ვერაფერს ხედავ, ქვეყანაზე რა ხდება არა იცი-რა, და ესეც კიდევ იმისი ბრალია, რომ გაზეთების კითხვა გეჯავრება... შენ თვითონ იმერელი ხარ და ნუთუ შენის სამშობლო სოფლიდან მოკითხვის წერილები მაინც არ მოგდის და არა გნერენ, რაები ხდება იქა? ჩვენ ათასი თოფ-ზარბაზნებითაც რომ ვიბრძოლოთ, ვერას გავხდებით და მხოლოდ წყლის ნაყვა იქნება, რადგან გლეხების, როგორც შენ იწერები, „ბუნტი“ – საზოგადო ქარტყილია, და ამ ქარტყილს ისეთი ჯიუტი ხასიათი აქვს, რომ ვერც ტყვიებითა და ვერც ზარბაზნებით ვერას დააკლებ, სანამ თვითონვე არ მოისურვებს და თავისთავად არ დაცხრება. ჩვენ ისეთი არა მოგვივა-რა, რაც სხვასაც არ მოუვიდეს. და საცა სხვები, ჩვენც იქა. თუ ვინმემ თავის ნებით რამე მოგიტანოს, გამოართვი, ძალადობას კი არამც და არამც მიმართო... სადმე მთელს უბანს რომ ცეცხლი მოედოს და ამ უბედურების დროს შენი სახლიც შიგ გამოიწოს, დასანანი არაა, რადგან ის უფრო დასანანი იქნებოდა, რომ ყველას სახლკარი ცეცხლმა გაანადგუროს და შენი კი გადარჩეს. სხვა არა იყოს-რა, დაზარალებული მეზობელი შურით მაინც არ შემოგხედავს, რა კი ეცოდინება, რომ შენც იმის ტაფაში იწვი. ეცადე გლეხებთან საქმე არ გაამწვავო, ზრდილობიანად, თავდაჭერილად მოექეცი, ყველაფერში დაუყვავე. სთხოვე ყველას ჩემს მაგივრად, რომ ბალებში საქონელი ან ღორები არ ჩარეკონ. კიდევ გიმეორებ ყოველ შემთხვევისათვის – არამც და არამც პოლიციას არ მიმართო დახმარებისათვის, რაც გინდა „ბუნტმა“ იმატოს. თუ მიწები უკითხვად მოხნან, შენ ხელს ნუ შეუშლი. მანდაური ამბები მალი-მალ მომწერე.

ილია ჭავჭავაძე

მეორე წერილი რამდენისამე ხნის შემდეგ გამოგზავნილია ტფილისიდან შემდეგის შინაარსისა: „მოსე, ჩვეულებრივ „გამარჯობას“ არა გნერ, რადგან შენზე ძლიერ გაჯავრებული ვარ. ამ წინაზე ორი უსახელო საჩივრის ქალაღი მომივიდა შენზე – თურმე გლეხებს დამუქრებისხარ. ჩვენზე თუ კნიაზთან გიჩივლიათ, ვაი თქვენი ბრალიო. ახლა კიდევ სოფლის დავალებით ხუთიოდე საგურამოელი ბიჭი მოვიდა ჩემთან და შემატყობინეს, რომ სოფელ-

ში ეგზეკუცია ჩაუყენებიათ, რამაც ძლიერ ამაშფოთა... ეს არის გუბერნატორთან ვიყავი და ვთხოვე ბრძანება გაეცა, რომ ეგზეკუცია გაიყვანონ; მცხეთის პრისტავთან საგურამოელ ბიჭს ჩემს ბარათს ვატან და გუბერნატორის ბრძანებას ვატყობინებ, რომ ეგზეკუცია გაიყვანონ. თუ პრისტავმა დღესვე თავისით არ გაიყვანოს ეგზეკუცია, შენ თვითონ მოკურცხლე დუშეთში უეზდის ნაჩაღნიკთან და სთხოვე, რომ საჩქაროდ მოაშოროს კაზაკები და სტრაჟნიკები. გაიგე, – საჩქაროდ წადი. დუშეთში, თორემ გუბერნატორის განკარგულებამ იქნება ძლიერ დაიგვიანოს, რადგან არც რკინის გზა და არც დეპეშები ახლა არ მოქმედობს, ყველაფერი შეჩერებულია.

ილია”.

კიდევ ბევრი სხვა საგულისხმიერო წერილები ვნახეთ მგოსნის მიწერილი, მაგრამ მათი შინაარსი აგრე რიგად აღარ მახსოვს. ხოლო ეს წერილები კი შემდეგ იმდენჯერ გადავიკითხე, რომ თითქმის ზეპირადაც კი დავისწავლე, ამსთანავე, ეს წერილები ისეთ საგანს ეხებოდა, რომლის გამოც იმდენი მითქმა-მოთქმა და აურზაური ასტყდა იმ დროს. იქნება დღესაც ბევრმა არ იცის, – ტფილისში მგოსანმა როცა გაიგო სოფლად ეგზეკუციის ჩაყენების ამბავი, მანამ არ დაწყნარებულა, ვიდრე იგი თვითონ არ აახსენევინა; მაგრამ მგოსანს ჩვეულებად არა ჰქონდა საქვეყნოდ ეყვირა: შემომხედეთ, რა საქმეებს ვაკეთებო! ხოლო სხვაგან კი არავის არსად ერთის სიტყვითაც არ აღუნიშნავს ეს ფაქტი; სამაგიეროდ, ის კი ხელად ქვეყანას ემცნო, – საგურამოში ეგზეკუცია ჩააყენეს და, რა თქმა უნდა, უთუოდ ილია ჭავჭავაძე ჩააყენებდაო, თუმცა, მგოსანმა ტფილისში არც კი იცოდა, თუ საგურამოში რაიმე ეგზეკუცია იყო. მაგრამ ასეა ყოველთვის: ჩვენში კარგი არავისი არა სჩანს, და მით უფრო თუ ეს კარგი საქმე რომელსამე

თავადს ეკუთვნის, ხოლო საზოგადოებაში ცნობილ ამა თუ იმ კაცზე ავის სათქმელად კი სიცრუის შეთხზვასაც არ უკადრისობენ, და ეს სიცრუე დღევანდელს ბაზარზე კი ლიტონ ჭეშმარიტებად გადის...

დომიტრი ჯაშვი.

მოგონებები აქ წყდება. სავარაუდოა ჯაშის სოც-დემოკრატებმა „ურჩიეს“ თავი დაენებებინა ამგვარ მოგონებათა წერისთვის...

საგულისხმოა, რომ დ.ჯაშის ზემოთნარმოდგენილი წერილი ერთი სიტყვითაც არ აქვთ მოხსენებული, გუგუშვილიდან მოყოლებული, იმ ავტორებს, რომელთაც შექმნეს მითი ილია ჭავჭავაძის მოკვლაზე მეფის ოხრანკისა და მისი აგენტის ჯაშის მიერ. თითქოს ეს წერილი ბუნებაში საერთოდ არ არსებულებო.

რამდენად სანდოა მეცნიერი, რომელიც მკვლევლობიდან 30 წლის შემდეგ ჯაშზე ნათქვამსა თუ დანერგულ ყოველ სიტყვას დანვრილებით აანალიზებს, ხოლო თვით ჯაშის დანერგულ სტატიას, დაბეჭდილს მკვლევლობიდან ერთი წლის შემდეგ, საერთოდ არ ახსენებს? ის მაინც ეთქვათ, ტყუილები დანერა და ამ სტატიის ნდობა არ შეიძლება. ვერ იტყოდნენ, რადგან იმ დროს, როცა ეს წერილი დაიბეჭდა, ილიას, მსახურ იაკობისა და მიხეილ ჩიკვაძის გარდა, ცოცხალი იყო ყველა, ვინც ჯაშის წერილშია მოხსენიებული, ან ვინც ამ წერილით იგულისხმება. ილიას მეუღლე, ილიას და, მამულის მსახურები, ნოე რამიშვილი, რომელთანაც ერთ სახლში ცხოვრობდა ჯაში საგურამოში გამგზავრებამდე და რომელიც იგულისხმა იმ ამხანაგში, რომელსაც უნდა დაჰკითხოდა, ნაპყოლოდა თუ არა ილიას მოურავად (ისინი ერთმანეთის ნათესავეები იყვნენ და გურიაში დანყებით სკოლაში ერთად სწავლობდნენ). სხვათა შორის, რამიშვილს არ ურჩევია ილიას მოურავად წასვლა. წახვალ და შენც წინა მოურავივით მოგკლავენო – უთქვამს.

რაც მთავარია, ცოცხლები იყვნენ ის მკვლელები, რომელთა ორგანიზატორი თურმე ჯაში იყო და რომელთაც ასე ლანძღავს ზემოთნარმოდგენილ წერილში.

. კი მაგრამ, მკვლევლობის ორგანიზატორი კაცი გარეთ არის, მკვლელებს ლანძღავს, მკვლელებს ჩამოხრჩობა აქვთ მისჯილი და ხმას არ იღებენ, არ ასახელებენ, ერთგულად უნახავენ ნამუსს, რითი შეიძლება ეს აიხსნას? კარგი, ვთქვათ, მკვლელებს ციხეში ეს გაზეთი არ წაუკითხავთ, ან ამხილეს კიდეც, მაგრამ ჟანდარმერიის დავალებით ისინი გააჩუმეს. გარეთ დარჩენილი მკვლელებისაგან მხილებისა ან სამაგიეროს გადახდის არ ეშინია ჯაშს? ვთქვათ იცის, რომ სუფრაჯ იაკობის ტყვეობით ფეხში (ერთი ვერსიით მხარში) დაჭრილი ბერბიჭაშვილი 2 კვირის მკურნალობის შემდეგ (წინამურში რაჭველ მენახშირე გლეხებთან იმალებოდა) ბაქოში და იქიდან სპარსეთში წავიდა, მაგრამ ფშაველიშვილი ხომ ციხიდან არის გაქცეული და ტყე-ტყე დახეტილობს, ინაშვილი ხომ ჯერ საერთოდ არ დაუჭერიათ? ასევე არ დაუჭერიათ „იმერელი“. რომ

მიადგეს ან ერთი, ან მეორე, ანე მესამე, ან მეოთხე და შუბლი გაუხვრიტოს, შენ არ იყავი ორგანიზატორი, ახლა რომ მამა-აბრამის ბატკანივით უცოდველად მოგაქვს თავიო, — ამაზე არ ფიქრობს?

მით უფრო, ამ უბირმა ფშავლიშვილმა რომ ნახა, რა ამბავი ატყდა ილიას მოკვლის გამო, რომ გაიცნობიერა, თურმე ვინ მოუკლავს. რა ეროვნული დანაშაული ჩაუდენია, გამწარებული იმუქრებოდა, ინაშვილმა შემაცდინა და სადაც გადავეყრები ჩავაძალღებო.

აქაც ის მეორდება, რაც რუსეთში დეპუტატ გერცენშტიინის მკვლელობისას. ვილაც მუშამ (სხვათა შორის, სოციალ-დემოკრატიმა) რომ გაიგო გაზეთებიდან, რა დიდებული კაცი მოუკლავს, გამწარებულმა შემკვეთი ტყეში წაიყვანა და ახლა ის გააგორა.

მოკვლით ემუქრებოდა ფშავლიშვილი ინაშვილსაც. ამ ხმებმა ეტყობა ინაშვილამდე მიაღწია. ალბათ, ესეც იყო მიზეზი, რომ 1908 წლის დეკემბერში, როცა ინაშვილი დაიჭირეს, მან მოაძებნინა პოლიციას ის საფარი, სადაც ფშავლიშვილი იმალებოდა.

ფშავლიშვილი არ ჩაბარდა. ორმხრივ სროლაში ის მოკლეს. წარმოიდგინეთ, ესენი ერთმანეთს რომ არ ინდობენ, სასიკვდილოდ იმეტებენ და ამ დროს მათთვის სრულიად უცხო ჯაშს, რომელიც მათ აკვაცობას, ფშავლიშვილის მიერ ადრე ჩადენილ ბოროტმოქმედებასაც კი, დეტალებში ამხელს, რატომღაც იფარავენ. თვითონ მკვლელობის ორგანიზატორია და ვითომც არაფერი. მკვლელები არათუ კლავენ, საიდუმლოსაც კი ბოლომდე უნახავენ.

ახლა კი დანვრილებით ჩამოვწეროთ იმ ბრალდებათა ნუსხა, რომელიც ჯაშის მიმართ წამოაყენეს და რის გამოც ის და მისი სახით „ოხრანკა“ იმხილება ილიას მკვლელობაში.

ეს ნუსხა ორ ნაწილად უნდა გაიყოს:

I. ის ბრალდებები, რომელნიც ჯაშის მიმართ გაჩნდა ილიას მკვლელობიდან 30 წლის შემდეგ, ანუ 1937 წლიდან.

II. ის ბრალდებები და ეჭვები, რაც ჯაშის მიმართ იყო ილიას მკვლელობის პირველივე დღიდან.

დავიწყოთ 30 წლის შემდეგ გაჩენილი ბრალდებებით:

ყველა ეს ბრალდება, რომელიც აქ გვექნება ჩამოწერილი, ვიმეორებ, ჩნდება XX საუკუნის 30-იან წლებში. ბერიამ ჯერ კიდევ 1931 წელს შექმნა ილიას მკვლელობის საგამოძიებო კომისია. კომუნისტებისათვის ინფორმაციას ორგვარი დანიშნულება ჰქონდა. ერთი შიდა მოხმარებისათვის და მეორე საზოგადოებისათვის. შიდა მოხმარებისათვის ბერიას ნამდვილად აინტერესებდა, ვინ იყო

ილიას რეალური მკვლელი, მაგრამ ეს ინფორმაცია აინტერესებდა იმდენად, რამდენადაც ხელისუფლების შიდასამზარეულოში მუდმივი ურთიერთბრძოლების დროს ყოველთვის უნდა ჰქონოდა ხელთ კომპრომატები საკუთარ თანაპარტიელებზე. თვით ილიას მკვლელობის ფაქტი და სიმართლე ამის შესახებ, სამართლიანობის აღდგენის მიზნით, მას არ სჭირდებოდა და არც კრემლის ჰეროსტრატე მისცემდა ამის გამოქვეყნების უფლებას.

ბერიას, უბრალოდ, სძულდა როგორც ფილიპე მახარაძე, ისე თავისი ოდინდელი პატრონი სერგო ორჯონიკიძე. ამიტომ, ვინ იცის, როდის და რაში წაადგებოდა მათ წინააღმდეგ ილიას მკვლელობის ფაქტი.

1931 წელს კომისია ილიასადმი გულდამწვარი გრძნობით რომ არ შექმნილა, ჩანს იქიდანაც, რომ ამ წლებში ილიას სახელს პარტია გააფრთხილებით ებრძვის, რაზეც ზემოთ უკვე გვქონდა ლაპარაკი.

კომისია შეიქმნა საზოგადოებისათვის იმის სათქმელად, რომ ილია ბოლშევიკებს არ მოუკლავთ, რომ ილია მეფის „ოხრანამ“ მოკლა. ეს საკითხი აქტუალური გახდა 1937 წელს, როცა კრემლმა მთელს საბჭოეთში ილიას დაბადებიდან 100 წლისთავის გრანდიოზულად აღნიშვნა გადაწყვიტა. მიზეზებზე უკვე მოგახსენებდით.

და აი, დაიწყო მასალების შეგროვება ჯაშის წინააღმდეგ. დაიწყო მემუარების წერა იმ პირთა მიერ, რომელთა მოგონებები სანდო იქნებოდა, რაკი მომსწრენი და მონაწილენი იყვნენ 900-იანი წლების ბატალიებისა. ამ მოგონებების საფუძველზე აიკინძა ბრალდებები ჯაშის მისამართით. თვით ჯაში უკვე გარდაცვლილი იყო. როგორც უკვე იცით, 1922 წელს მაისში, იმსხვერპლა ჩხუბის დროს ცოლის ძმის მიერ ნასროლმა ტყვიამ. ტყვია მუხლში მოხვდა. ბევრი სისხლი დაკარგა და საავადმყოფოში ოპერაციამ ველარ უშველა. დაახლოებით 1 თვეში გარდაიცვალა. დააპატიმრეს მისი ცოლის ძმა, პოლიციელი კოპლატაძე, რომელიც ასევე ციხეში გარდაიცვალა სახადით.

მოგონებები, რომელიც იმ დროისათვის ჯაშზე იწერება, იწერება მთავრობის შეკვეთით და იწერება სიყალბე.

ის, რომ შეკვეთა მთავრობისგან მოდიოდა, ჩანს ჯაშის მეუღლის მოგონებებში. მასთან მიდის გუგუშვილის ორი ასისტენტი და ეუბნებიან. ჩვენ ვიცით, რომ ჯაშს ილია არ მოუკლავს, მაგრამ ბერიას დავალებათ. პოლიტიკა ასეთია, უნდა ვამხილოთ თქვენი მეუღლე. ის გარდაცვლილია. თქვენ გაქვთ შესაძლებლობა მოგ-

ვცეთ სათანადო ჩვენება, რისთვისაც მიიღებთ ოროთახიან ბინას და კარგ პენსიას. თქვენს შვილებს ეს უფრო ნაადრეობა, ვიდრე ჯი-უტობაო.

ქალის უარის შემდეგ მას ართმევდნენ იმ ერთოთახიან ბინასაც, სადაც ცხოვრობდა. ბინის გადაცემა უნდოდათ ერთი კომუნისტი მწერლისთვის.

დარიამ ფილიპე მახარაძესთან იჩივლა და ბინა შეუნარჩუნეს. ეს მოგონება რომ ნამდვილია, ყოველ შემთხვევაში, იმ ნაწილში მაინც, სადაც დარია ამბობს, რომ ორი ასისტენტი მიადგა მთავრობის დავალებით, ადასტურებს თვით პაატა გუგუშვილი, რომლის საუბარიც ხსენებულ საკითხზე მოგვიანებით ჩაუწერია საგურამოს სახლ-მუზეუმის მეცნიერ თანამშრომელს შალვა მარკოზაშვილს.

(იხ. მისი წიგნი „ილია ჭავჭავაძის უკანასკნელი მოურავი“ თბ. 2004წ.).

მოგონებები რომ მიზანმიმართულად ჯაშის წინააღმდეგ იწერებოდა და ყალბი იყო, ჩანს ორი გარემოებით: 1) მოგონების ყველა ავტორი იხსენებს ილიას მკვლელობას და არაფერს ამბობენ სასამართლოს მიერ დადგენილ მკვლელებზე, მაინცდამაინც, ყველას ჯაშის ესა თუ ის ქმედება ახსენებდა.

და მეორე, 1941 წელს გამართულ ბერბიჭაშვილის პროცესზე ეკითხებიან დიმიტრი ჯაშის ძმას, უშანგი ჯაშს – როგორ მოეწყო თქვენი ძმა ილიასთან მოურავადო. ის კი პასუხობს, როგორ მოეწყო, არ ვიცი, მაგრამ ცხადია, შანტაჟის გზით მოეწყობოდაო.

არა მგონია, ძმას საკუთარი სურვილით ეთქვა ასე – შანტაჟის გზით მოეწყობოდაო. ძმა თუ დავალების გამო ძმას იხსენებს აუგად, სხვები რატომ გასწირავდნენ თავს ვილაც ჯაშისათვის, რომელთაგან ზოგს პირადი მტრობაც ჰქონდა ამ უკანასკნელთან?

და მაინც, ეს ყველაფერი ზოგად განცხადებებად რომ არ ჩავვითვალოს, ამდენი ხნის შემდეგაც კი არის შანსი იმისა, რომ ყალბი და ნამდვილი ერთმანეთისგან გავარჩიოთ.

ავილოთ, მაგალითად, რას წერს 1937 წელს, ვთქვათ, პოეტი სანდრო შანშიაშვილი ილიას მოურავზე:

„იმ დროს მე დარჩიაშვილების ოჯახში ვცხოვრობდი (გულისხმობს ილიას მკვლელობას.- ნ.გ.). დარჩიაშვილები ჩემი პაპიდაშვილები იყვნენ. ეს ისეთი ოჯახი იყო, სადაც ბინას პოულობდნენ არალეგალურად მომუშავენი. იქ ხშირად კრებას მართავდნენ და მე, მონაფეს, მზვერავად მაყენებდნენ. ჰექტოგრაფზე დასაბეჭდი

პროკლამაცია ჩემთვის გადაუნერინებიათ, რადგან კარგი და სუფთა ხელი მქონდა.

იქვე გავიცანი იროდიონ ევდოშვილი.

ამ საღამოს ისიც გულმოკლული მოვიდა. შემთხვევით იმ დღეს დარჩიაშვილების ოჯახში რამდენიმე მენშევიკი იყო. ევდოშვილმა მე ყურადღება არც კი მომაქცია, მათთან შევიდა. რამდენიმე წუთის შემდეგ მესმის ხმამალალი ლაპარაკი. ევდოშვილი ყვირის, ჩხუბობს. შემდეგ მიაჯახუნა კარი და გაბრაზებული წავიდა. თურმე, შენუხებული ევდოშვილი მასხარად აიგდეს, ეთქვათ: რა გაგიხდა თავადი ილია, როცა ხეს ჭრიან, ნაფოტი ცვივაო! ასეთი სიტყვების შემდეგ ნოე ჟორდანიამ ვრცელი ფელეტონი დაბეჭდა, და ვხედავ, რომ ნოეს წერილზე ზოგიერთები აღშფოთებულნი არიან. აგინებდნენ ნოე ჟორდანიას და ბარბაროსობად თვლიდნენ იმ წერილის დაბეჭდვას. ეს ამხანაგები, თურმე, ბოლშევიკები ყოფილიყვნენ.

სკოლაში გაკვეთილებზე აღარ წავედი, რედაქციაში ვიყავი. მოდიოდა ხალხი ამბის გასაგებად, კამათობდნენ, ჩხუბობდნენ: ვინ მოჰკლა ილიაო, მხოლოდ ამის გარშემო იყო დავა.

იმ დღესვე გავრცელდა ხმა, რომ ილიას მოკვლის მომწყობი არის მისივე მოურავი დიმიტრი ჯაშიო, რომელმაც, თურმე, ილიას თავი მოაბეზრა, სანამ მოურავად მიიღებდა.

ვინ იყო ეს ჯაში?

ზოგი ამბობდა: „ოხრანკის“ აგენტი, ზოგიც – მენშევიკიაო.

დიდ პროვოკაციაში გაება მაშინდელი ინტელიგენცია.

ჯაშს აგვინერდნენ რალაც საზიზლარ პიროვნებად. გარეგნულად დაბალი, მნითური, პირნაყვავილარი და მსხვილკბილება იყო. და, მართლაც, როცა პირველად ვნახე, უფრო საზიზლარი შთაბეჭდილება დატოვა.

რედაქციაში შეიკრიბნენ: გიორგი ლასხიშვილი, გიგო რცხილაძე, ლადო ლორთქიფანიძე, ილია ნაკაშიძე და სხვანი მრავალნი.

გიგო რცხილაძე ამტკიცებდა, რომ ილია მოჰკლა მეფის უნდარმერია მო:

– ამ ზაფხულს ილიამ სახელმწიფო საბჭოში სიკვდილით დასჯის წინააღმდეგ გაილაშქრა, მინის საკითხში მხარი დაუჭირა რევოლუციონერებს, აღძრა ავტონომიის საკითხი და პატარა ერების უფლებაზე ხმა აღიმალლა. ცარიზმმა ეს არ აპატია და პეტერბურგიდან დაადევნეს მკვლელებიო.

ამ აზრს იზიარებდნენ ლასხიშვილი და ილია ნაკაშიძე.

დიმიტრი ჯაში ვითომც დაიჭირეს კიდეც, მაგრამ გაანთავისუფლეს მიუხედავად იმისა, რომ საქმის ვითარება უჩვენებდა მკვლელობაში მის აშკარა მონაწილეობას.

რამდენიმე წლის შემდეგ (1913წ.) საზღვარგარეთიდან ორი თვით საქართველოში დავბრუნდი. მე და შალვა დადიანი მუშტაიდის მახლობლად ბაღში ვვახშობდით. აუარებელი ხალხი იყო, ხოლო მოშორებით მარტო იჯდა ჯაში. და ან ვინ მიეკარებოდა! მას ზურგს აქცევდნენ, ჯაშუშს და მკვლელს ეძახდნენ.

ტკბილი ლაპარაკი გვქონდა მე და შალვას, ვუამბობდი საზღვარგარეთის ამბებს.

უცბად ჩვენთან თავხედურად მოვიდა დიმიტრი ჯაში და აღელვებულმა შალვას დაუწყო ლაპარაკი.

აი, აქ ვნახე პირველად ჯაში. გარდა გარეგნული სიმახინჯისა, ლაპარაკის დროს პირი უქაფდებოდა, წინა კბილებს ღორის ლოჯებივით გადმოჰყრიდა ხოლმე.

რასი იყო საქმე. რას ედავებოდა?

თურმე შალვა დადიანს ქუთაისში მოხსენება გაუკეთებია და აზრი გამოუთქვამს, რომ უშუალო მკვლელიც და ორგანიზატორიც დ.ჯაშიაო.

შალვა დადიანს უსაყვედურებდა: მკვლელობას მე რას მაბრალე, და ბოლოს დაუმატა:

– მე მაქვს მემუარები, იმას გამოვაქვეყნებ და მაშინ გაიგებთ, მკვლელი ვინ არის.

მე მოურიდებლად პირში მივახალე:

– მკვლელად დღეს შენ გთვლიან და თუ სხვა რამ იცი, რატომ ამ ბრალდებას თავიდან არ მოიცილებ-მეთქი.

დაიღმიჭა, ნიკაპი გვერდზე მოექცა. მაგიდაზე დაყრდნობილს ხელი დაუცდა, ერთხელ კიდეც შემომხედა და წავიდა.

მე და შალვამ ლაპარაკი განვაგრძეთ. მე ხელში ჭიქა მეჭირა და უცბად რალაცამ იქუხა.

თურმე, ზურგიდან მომპარავია ჯაში და ყურის ძირში ისე მძლავრად გამარტყა, რომ რამდენსამე წამს გონს ვერ მოვედი.

როდესაც გონს მოვედი და უკან მოვიხედე, ვხედავ: ხალხს ჯაში ნაუგდია ფეხქვეშ, უწყალოდ სცემენ და უნდათ შუა გაგლიჯონ, შემოუძარცვენიათ ტანსაცმელი.

ცოცხალს არ გაუშვებდნენ, მაგრამ უცბად, თითქოს იქ ჩასაფრებული ყოფილიყვნენ, გაჩნდნენ „გოროდოვოები“, იშიშვლეს რევოლვერები და ხალხს ხელიდან გამოჰგლიჯეს.

შევადგინეთ ოქმი, მაგრამ ის ოქმი დაიკარგა და ჯაში თავისუფლად დადიოდა.

ამის შემდეგ გაიარა 7-8 წელიწადმა. მე უკვე სოფლის მეურნეობას ვენეოდი.

ერთ დღეს, წისქვილიდან წნორის-წყალზე ამოვიარე. სასტუმროში ვნახე ჯაში.

გაყვიტლდა, გაფითრდა.

შემთხვევით ჯიბეში ჩავიყავი ხელი... წამოხტა, დაიჩოქა და იყვირა:

– ნუ მომკლავ, მაპატიე დანაშაული...

მას ჰგონებია, თითქოს, მე ჯიბიდან რევოლვერს ვიღებდი. მივაფურთხე და გამოვბრუნდი.“



„შემთხვევამ ისე მოიტანა, რომ ილიას სამუშაო კაბინეტში მე ვცხოვრობდი 1920 წლამდე, – განაგრძობს თხრობას ს.შანშიაშვილი, – მაშინ ილიას და, ელისაბედი, ჯერ კიდევ ჯანმრთელად იყო. ბევრი რამ მიაძმო ელისაბედმა ილიას ოჯახური ცხოვრების ირგვლივ და ის ამბავიც, თუ როგორ მოაბეზრა თავი ჯაშმა, სანამ ილია მოურავად მიიღებდა. იგიც სრულიად დარწმუნებული იყო, რომ ჯაში ილიას მიუჩინეს, რათა ბოლოს შავი ზრახვები სისრულეში მოეყვანა მეფის მთავრობას. ელისაბედმა მისახსოვრა ილიას ნაქონი მოზრდილი ხელთნაწერი კრებული, სადაც შეკრებული იყო ძველი მგოსნებისა და აშულების ლექსები. ჩემი მხრით ეს კრებული გიორგი ლეონიძეს ვუსახსოვრე, ხოლო მას მწერალთა მუზეუმისთვის გადაუცია.“



ილიას მოკვლის წელს თუ ცოტა შემდეგ (მეექვსე კლასის გიმნაზიელი ვიყავი) ჟანდარმებმა გამჩხრიკეს. მიპოვეს მონაფის არალეგალური ჟურნალი, ჰექტოგრაფზე დაბეჭდილი, რომელსაც მე ვრედაქტორობდი, მიპოვეს აგრეთვე პროკლამაციები, არალეგალური ლიტერატურა და ჩემი ლექსი „მტარვალს“. წამბრძანეს მეტეხის ციხეში. მაშინ უკვე 18 წლის ვიყავი. პოლიტიკურმა ტუსალებმა გაიგეს თუ არა, დამინყეს გამხნეება. ამ დროს მოიყვანეს ერთი ტუსალი, რომელიც ისევ მალე წაიყვანეს ჩვენგან და მისი

გვარი აღარ დამამახსოვრდა. მან გვიამბო, რომ ილია ჭავჭავაძის ერთი მკვლელი გაიქცა და უნდოდა ერთ-ერთ „ტყის ძმას“ შეფარებოდაო. დიდი ძებნის შემდეგ, თურმე, შეხვდა ერთ პოლიტიკურად დევნილს და ტყეს შეფარებულს. გვარი აღარ მახსოვს. თურმე, „ტყის ძმამ“ ჰკითხა: ვინ ხარ, რისთვის მოსულხარო, როდესაც გაიგო, რომ მასთან მოსული იყო ილია ჭავჭავაძის მკვლელი, იშიშვლა რევოლვერი და უთხრა: „შენ კაკოს ავტორი მომიკალ, განა კაკო მაგას გაპატიებსო“, და იქვე დასცა“.

ახლა ვნახოთ რამდენი გამიზნული სიცრუეა ამ პატარა მოგონებაში (რომელიც სწორედ 1937 წელს, ჩემის ფიქრით, წინასწარი განზრახულობით და შეკვეთით დაინერა):

1) „აგინებდნენ ნოე ჟორდანიას და ბარბაროსობად თვლიდნენ იმ წერილის დაბეჭდვას. ეს ამხანაგები თურმე ბოლშევიკები ყოფილიყვნენ“.

ვინც ეს წიგნი წაიკითხა, მიხვდება თუ რა ურცხვ ტყუილს წერს ავტორი. იროდიონ ევდოშვილი ილიას მკვლელობის გამო სალაპარაკოდ და საჩხუბრად ვილაც მეთათხარისხოვან პარტიულ ამხანაგებს არ შეუვლიდა ხომ?

თურმე ბოლშევიკ ამხანაგებს ჟორდანია ულანძღავთ, სულ ბარბაროსი უძახიათ მისთვის. ავტორი ამას იმ ბოლშევიკებზე წერს, რომელთაც ილიას გლოვაში მონაწილეობაზეც კი დემონსტრაციული უარი სთქვეს. მაგრამ ახლა 1937 წელია. ავტორი თუ ბოლშევიკებისათვის სასარგებლო რამეს დანერს, შედავებს ვინ გაუბედავს. ამიტომ წერს ურცხვად მამალ ტყუილს.

2) ეს მოგონება იწერება არა მხოლოდ ბოლშევიკების კაი კაცობის დასადასტურებლად, არამედ უმთავრესი მიზანი სხვაა – უნდა გამოჩნდეს, რომ ილია ჟანდარმერიამ მოკლა და უნდა წარმოჩინდეს ჯაშის როლი.

მეორე მამალი ტყუილი: გიგო რცხილაძე ამტკიცებდა, რომ „ილია მოჰკლა მეფის ჟანდარმერიამო... ამ აზრს იზიარებენ ლასხიშვილი, ილია ნაკაშიძე“.

არადა ლასხიშვილისა და ილია ნაკაშიძის სიტყვები, წერტილები იმდროინდელ პრესაში დაბეჭდილია. მეფის ჟანდარმერიას კი არა, სწორედ ბოლშევიკებს ადებდნენ ხელს. ყველა ესენი ფეხურალისტები იყვნენ. სწორედ ფეხურალისტების გაზეთებშია პირველივე დღიდან მესამედასელებს დასცხეს ილიას მკვლელობის გამო. რას ვერწმუნოთ, 1907 წელს და შემდგომ წლებში ამ პირთა წერილებს თუ 30 წლის შემდეგ პარტიული კარნახით დანერვილ

მოგონებას, რომელშიც პოეტი სულ სხვა რამეებს ალაპარაკებს ცნობილ ფედერალისტებს?

3) კიდევ ერთი მამალი ტყუილი: ციხიდან გაქცეულ ილიას მკვლელს ყაჩაღმა ტყვია დაახალა და იქვე დასცა, „კაკოს“ ავტორი როგორ მოჰკალაო. ციხიდან ფშავლიშვილი გაიქცა და ის პოლიციამ მოჰკლა. ამ უტყუარ ფაქტსაც კი იდეოლოგიური მოსაზრებით „ალამაზებს“ შანშიაშვილი. რომ ეთქვა, პოლიციამ მოჰკლაო, რალაც არ გამოდიოდა. პოლიციაც და ჟანდარმერიაც ხომ მეფის მთავრობისა იყო? ის, რომ მეფის მთავრობამ მოსპო თავის მიერ მოწყიდული მკვლელი, ლოგიკაში არ ჯდება, ადგა და ისე მოიგონა ეს ამბავი, როგორც უფრო ლოგიკური იქნებოდა ბოლშევიკებისათვის.

ამ ტყუილების შემდეგ ძნელია ენდო მოგონების ავტორს, რაც შეეხება ჩხუბის ეპიზოდს, თემისთვის ნაკლებად საინტერესოა, რას წერს ავტორი მართალს და რას არა, ფსიქოლოგიურად უფრო ის სურათი იხატება, როცა ცილისნამების გამო გამწარებული კაცი წონასწორობას კარგავს.

მაგრამ შთაბეჭდილებები სუბიექტურია და არანაირი დასკვნის საფუძველს არ იძლევა. რაც შეეხება ხალხისგან ჯაშის ცემას. ჩხუბამდე ის არავის უცემია და თუ ჩხუბის დროს წამოაძახეს ეს ილიას მკვლელიაო, -ბუნებრივია ხალხის რეაქცია.

ჯაშზე რომ ასეთი ჭორი აგორებული იყო, ფაქტია და ამაზე ქვემოთ მოგახსენებთ.

რაც შეეხება ილიას დის სიტყვებს, „თუ როგორ მოაბეზრა ჯაშმა თავი, სანამ ილია მოურავად მიიღებდა“ და რომ იგი „სრულიად დარწმუნებული იყო, რომ ჯაში ილიას მიუჩინეს, რათა ბოლოს შავი ზრახვები სისრულეში მოეყვანა მეფის მთავრობას“, ესეც სიცრუეა, თან შეურაცხმყოფელიც ილიას დისთვის. ჯაშის მოგონებებს 1908 წელს არ გამოეპასუხა – ტყუილებს წერო, მერეც არაფერი ამ საკითხზე არ დაუწერია და 1920 წელს შანშიაშვილს უთხრა სიმართლე? ან ეს „სიმართლე“ შანშიაშვილმა მხოლოდ 1937 წელს გაიხსენა?

ჯერ-ჯერობით ჩვენ მხოლოდ ერთ საკითხზე ვმსჯელობთ, ინერება თუ არა 1937 წელს აშკარა ტყუილები.

ამ ერთ პატარა მოგონებაში რამდენიმე ეპიზოდი რომ აშკარად გამიზნული სიცრუეა, ვფიქრობ, ფაქტია. მეცნიერი ამ მოგონებას რომ უტყუარი ისტორიული წყაროს კლასიფიკაციას მისცემს, მას ან ლოგიკა ლალატობს, ან შეგნებულად თავადაც სიყალბის გზაზე დგას.

მეორე მოგონება, რომელიც ჯაშს ამხელს, გახლავთ ფილიპე გოგიჩაიშვილის ზემოთ ჩვენს მიერ დაბეჭდილი წერილი „როგორ ინერებოდა ნუ თუ?“

უკვე ვთქვი, რომ არც ამ წერილში, როცა ის 1913 წელს გამოქვეყნდა და არც 1913 წელს დასტამბულ გოგიჩაიშვილის მეორე წერილში – „უკვდავი ბოროტება“. ჯაშის ხსენება არ არის. ავტორი ლანძღავს ფილიპე მახარაძეს. 1937 წელს კი ქვეყნდება გოგიჩაიშვილის იგივე წერილი – „როგორ ინერებოდა ნუ თუ?“ სადაც ხსენება აღარ არის ფილიპე მახარაძისა, სამაგიეროდ ლაპარაკია იმაზე, რომ ჯაში წინააღმდეგი იყო 1905 წელს „ივერიაში“ ილიას პასუხის დაბეჭდვისა, რომ ის სტამბის მუშების გაფიცვით იმუქრებოდა, რომ მან ადრე გაფიცა სტამბის მუშები და სხვა.

არ არის გასაკვირი, თუ ჯაშის ცოლს მიუგზავნეს გუგუშვილის ასისტენტები, ქმარზე ასე და ისე თქვიო, თუ იტყვი, აგაშენებთ, თუ არა და დაგაქცევთო. ეს „ასისტენტები“ რატომ ფილიპესაც არ მიადგებოდნენ? რატომ ფილიპე გოგიჩაიშვილს? იმის გამო, რომ მის სიტყვას განსაკუთრებული ფასი ჰქონდა, სწორედ გოგიჩაიშვილის სტუდენტი იყო პ. გუგუშვილი, აქედან გამომდინარე, სანდო ხდებოდა თვით გუგუშვილის ნაშრომიც. ალბათ ბევრი რამ თავისი მასწავლებლისაგან, „ივერიის“ ყოფილი რედაქტორისაგან იცის ილიას მკვლელობის შესახებო – იფიქრებდა ხალხი.

ის, რომ ცნობა, ჯაშის ვითომდა „ივერიაში“ ილიას სანინაალმდეგოდ მუშაობის შესახებ ყალბია, ჩანს იქიდან, რომ 1908 წელს როცა ჯაშმა აღწერა როგორ მოხვდა „ივერიაში“ და შემდეგ მოურავად, მას არავინ გამოპასუხებია. სტამბის მუშებიდან დაწყებული, რედაქტორით დამთავრებული. აბა წარმოიდგინეთ, ჯაში, ასეთი საქმეების მომქმედი, ილიაზე, 1 წლის შემდეგ გარდაცვალებიდან, თბილ წერილს აქვეყნებს და არავინ ხმას არ იღებს, მაშინ, როცა ჯაშს კი არა, უკვე თვით პარტიას უბედავენ მხილებას. მაგრამ კიდევ უფრო უტყუარი დოკუმენტი არსებობს.

1924 წელს, როცა ილიას ლანძღვა სანაქებო საქმედ ითვლება, დიმიტრი ჯაშის ძმა უშანგი ჯაში, უურნალ „ჩირალდანში“ (№12-13) გამოაქვეყნებს მოგონებას – „ცოტა რამ პირველი გაფიცვების შესახებ თბილისის სტამბებში“.

უშანგი ჯაში ამ მოგონებას აქვეყნებს ილიას ლანძღვის მიზნით და ბოლშევიკების დროში ხალხს შეახსენებს იმათ დამსახურებებს, ვინც სტამბებში გაფიცვებს აწყობდნენ, ანუ ვინც ახალ დროში გამირებად ინათლებოდნენ. ამ მოგონებაში ერთი სიტყვიც

კი არ არის ნათქვამი საკუთარი ძმის, დიმიტრის „გმირობის“ შესახებ. თუ დიმიტრი ჯაში „ივერიაში“ ობსტრუქციებს აწყობდა, ძმარატომ დაუკარგავდა ახალი დროისათვის ან უკვე სანაქებო საქციელს? დიმიტრი მაშინ გარდაცვლილი იყო და არც ილიას მკვლელობაში სდებდა ვინმე ბრალს.

აი, ეს მოგონება:

ცოტა რამ პირველი გაფიცვის შესახებ თბილისის სტამბაში

პირველად მუშათა გაფიცვა ტფილისში დაიწყო მაქსიმე შარადის სტამბაში; ეს სტამბა ეკუთვნოდა ბერებს, რომლებიც სცემდნენ სხვადასხვა „წმინდანების“ წიგნაკებს და ხალხში ავრცელებდნენ; აქ იბეჭდებოდა გაზეთი „ივერიაც“. აუტანელ პირობებში იყო გაზეთზე მუშაობა; ხშირად მუშები 18 საათსაც კი მუშაობდნენ. ამ აუტანელმა მუშაობის პირობებმა გამოიწვია გაზეთ „ივერია“-ზე გაფიცვა 1898-1899 წლებში, რამაც ორი კვირა გასტანა.

ამ გაფიცვას მაშინ ხელმძღვანელობდნენ გარედან ერასტო ჩანტლაძე, ვლასა მგელაძე და ვალერა ბილანიშვილი. იმ ხანებში მათი მეთაურობით ტფილისში აქა იქ იმართებოდა მუშათა წრე. ამ წრეში დადიოდნენ ისეთი ამხანაგები, როგორც სოსო ჯუღაშვილი, სევერიან ჯუღელი და სხვ.

ერთი ასეთი წრე შარადის სტამბაში მუშებისათვის მონყობილი იყო არსენალის ქუჩაზე ყაზარა მეარყიშვილის სახლებში, სადაც მას მაშინ პატარა სანკრიმალო დუქანი ჰქონდა. მის სახლებშიც იმ დროს ბლომათ ცხოვრობდნენ შარადის სტამბის მუშები; აქ ინახებოდა, სხვათა შორის, შარადის სტამბაში აწყობილი შრიფტი, რომ მისგან შინაური საშუალებით შესაძლებელი ყოფილიყო საჭიროების დროს მისი ბეჭდვა. მაგალითად, იყო შემთხვევა, როცა აწყობილი პროკლომაცია აქ იბეჭდებოდა, თუმცა ცუდათ, მაგრამ მაინც გამოდიოდა საღებავით გასვრილი. ეს ხდებოდა ბოლომდე ზეიადაძის ოთახში, მას ამაში ეხმარებოდა ერასტო ჩანტლაძე.

ამ სახლებში ხშირად დაიარებოდა სოსო ჯუღაშვილი, რომელიც პროპაგანდას უწევდა უმეტესად მარტო სტამბის მომუშავეებს. მას მოჰყავდა მდაბიო და ჩვენთვის გასაგებ ენაზე მაშინდელი გერმანიის მუშების ეკონომიური მდგომარეობა; ის ეხებოდა გერმანიის მუშათა კლასიურად დარაზმვას და სოციალ-დემოკრატების მაშინდელ ხელმძღვანელობას.

კარგად მახსოვს, როცა ს. ჯულაშვილი შეეხო გერმანიის რკინის გზის განვითარებას და მოიყვანა მაგალითი ბერლინის შესახებ, რომლის მიდამო რკინის გზის ქსელით არის დახლართულიო.

ასეთი წრეები ხშირად იმართებოდა ტფილისის სხვადასხვა რაიონებში, სადაც დაიარებოდნენ მოწინავე ინტელიგენტები და მუშებში შეგნება შეჰქონდათ. ეს იყო 1898-1899 წლები.

ამ წრეების საშუალებით მუშებიც ინაფებოდნენ და ემზადებოდნენ მომავალი ბრძოლისათვის. ამის ზეგავლენით მოხდა გაზეთ „ივერია“-ზე გაფიცვა, რომელიც მაშინ გაუგებარი იყო ქართველი მოღვაწეებისათვის. ამ გაფიცვამ ძლიერ გააბრაზა ილია ჭავჭავაძე, როგორც ქართველ თავად-აზნაურთა იდეოლოგი; მან ველარ მოითმინა მუშების ასეთი „თავხედობა“ და პოლიციას მიმართა, რომ მას ზომები მიეღო „ურჩების მოსაჭკვიანებლად“. „ივერიის“ რედაქციაში იმ დროს და შემდეგაც მდივნის თანამდებობას ასრულებდა არტემ ახნაზაროვი, რომელიც სრულის ნდობით იყო აღჭურვილი ი.ჭავჭავაძის მიერ. აი ამ არტემ ახნაზაროვმა შეადგინა განცხადება და მიმართა პოლიციას მუშების დასამორჩილებლად, რაც სისრულეში იქნა მოყვანილი, და „ივერიის“ ასოთ-ამწყობები პოლიციაში დაიჭირეს. როგორც ფაქტი, ეს უნდა აღინიშნოს ა.ახნაზაროვის წარსული „მოღვაწეობიდან“. აქ საკვირველია ერთი რამ, ი.ჭავჭავაძეს საზოგადო სომხის ერი ძულდა, მაგრამ, როგორ მოხდა, რომ განსაკუთრებული ყურადღებით და ნდობით უყურებდა ა.ახნაზაროვს, როგორც სომეხს, და მთელი რედაქციაც მის სრულ განკარგულებაში იყო იმ ხანებში, ეს რალაც გაუგებრობას იწვევს...

შემდეგ ტფილისის სტამბებში გაფიცვებმა ხშირი ხასიათი მიიღო. ერთი ასეთი გაფიცვა ქართველთა ამხანაგობის სტამბაში მოხდა დიდი ვანქის ქუჩაზე 1901 წელს, რომელსაც ხელმძღვანელობდა ვანო ბოლქვაძე, ვ.ბილანიშვილი, ერასტო ჩანტლაძე და სხვ.

ეს გაფიცვა ეკონომიური მოთხოვნებით დაიწყო და პოლიციამისტერთანაც კი წავიდნენ მუშები, რომ საქმე მშვიდობიანად დამთავრებულიყო. მუშები ითხოვდნენ 9 საათის სამუშაო დღეს, 11-ის მაგივრად, რაც მოიგეს კიდევც.

ამ სტამბას განაგებდა ალ. ჯაბადარი; ის „ქართველ მოღვაწედ“ ითვლებოდა და არ მოეწონა თავისი სტამბის მუშათა გაფიცვა. მას სირცხვილად მიაჩნდა განსაკუთრებით ქართველი მუშის გაფიცვა; ამას ის სთვლიდა „ლალატად“ ქართველი ხაზინების წინაშე.

მას კვერს უკრავდა მისი სტამბის უფროსი ასოთ-ამნყობი დიომიდე კილაძე და ყოველზე ზომას ხმარობდა ქართველი ასოთ-ამნყობების მიმართ, რომ ისინი არ აყოლოდენ „ბუნტოვშიკებს“. თითო-ოროლას მეტი მას ყურადღება არავინ აქცევდა.

დიომიდე კილაძე დაბეზლებასაც არ თაკილობდა და ხშირად ჯაბადარს უთითებდა ამა თუ იმ მუშაზე, რომელსაც ის ამოიჩემებდა.

ერთ ასოთ-ამნყობს ვანო ბოლქვაძემ დაავალა ასოების გამოტანა სტამბიდან საიდუმლო სტამბისათვის 1901 წელს. ეს მუშა ღამე გაზეთ „ცნობის ფურცელზე“ მუშაობდა და მოსახერხებელიც იყო ასოების გატანა, რაც იმ ხანებში ხშირად ხდებოდა ტფილისის სტამბებში და საიდუმლო სტამბებისათვის ასოები ამნაირად გამოჰქონდათ, მის კომპლექტს ავსებდენ ასეთი მოხერხებით.

როცა ამხანაგმა დრო შეურჩია და მიადგა ასოების უჯრედებს მისი ჯიბეში ჩასაყრელად, ამ დროს ის შემჩნეული იქნა დიომიდე კილაძის მიერ. თუმცა „ცნობის ფურცელს“ დ.კილაძე არ აწყობდა, ის მხოლოდ გაზეთის მეტრანაჟობას ეწეოდა. ის მაშინ მხოლოდ უურნალ „მოამბეს“ აწყობდა. გაზეთის აწყობამდე ის ღამის 1-ლ და ორ საათამდე „მოამბე“-ზე მუშაობდა, შემდეგ გაზეთის გვერდებს ჰკარავდა და ყველაზე ბოლოს თვითონ მიდიოდა სტამბიდან სახლში.

მის მიერ შემჩნეული ამხანაგი მეორე დღეს დაიბარა ალ.ჯაბადარმა და მას ანგარიში. მისცა და სტამბიდან დაითხოვა, თანაც დაუმატა, რომ მას ქართველთა ამხანაგობის სტამბაში მეტი ფეხი აღარ შეედგა. ამ ამხანაგის დათხოვის მიზეზი იყო დიომიდე კილაძე მის მიერ შემჩნეულ ასოების გატანაში, რაც მან ჯაბადარსაც შეატყობინა.

საზოგადო, ქართველ ნაციონალურ ბურჟუაზიას ძლიერ უყვარს თავისუფლებაზე ყვირილი და თავის თავს „რევოლუციის“ მოღვაწედაც კი ასალებდა ერთ დროს ხალხის თვალის ასახვევად მეფის თვითმპყრობელობასთან ბრძოლაში, მაგრამ საქმით ყოველთვის სდევნიდენ მუშებს, რომელნიც კი გაბედულად გამოდიოდნენ და მართლა სისხლს ღვრიდენ ქუჩებში ნიკოლოზის ჯალათებთან.

ამას იმიტომ ვამბობ, რომ ალ.ჯაბადარს ყოველი პროკლამაციის ქუჩებში გავრცელება აცახცახებდა: „ვაიმე, ჩემი სტამბა არ დამიკეტონ; ვაიმე ჩემს სტამბაში დაბეჭდილი არ ეგონოს ჟანდარმერებსო“ და სხვ. იქ მართლა შემდეგ წლებში ხშირად იბეჭდებოდა

ჩუმ-ჩუმად პროკლამაციები პოლიტიკური ხასიათის სხვადასხვა ენებზე.

აი ასეთ პატარა გაფიცვებით იზრდებოდა დიდი რუსეთის რევოლუცია, რომლის სათავე დღეს მხოლოდ მის ნამდვილ მესვეურს – კომუნისტურ პარტიას – უპყრია ხელში და მუშისა და გლეხის ნამდვილი ნებისყოფის გამომხატველი თვითონ არის.

ასოთ ამწყობი უშ. ჯაში

ამ მოგონების ავტორი ილიას მოყვარული რომ არ ჩანს, ფაქტია, სოციალისტების დაქირავებული რომ ჩანს, ესეც ფაქტია (ან მამალ ბოლშევიკს რა დაქირავება სჭირდებოდა?). სურათსაც შეგნებულად ამუქებს, ილიას სტამბის მუშები არავის დაუჭერია, ისინი მხოლოდ დაკითხვაზე ჰყავდათ (მათ „ივერიიდან“ შრიფტი მოიპარეს). არც ჯაბადარს ჩაუდენია დანაშაული, თუ საკუთარი სტამბიდან შრიფტი არ მოაპარინა მუშას, მით უფრო, იგი კი არ დააჭერინა, დაითხოვა. მაგრამ ჩემი მიზანი არ არის ძმებ ჯაშების კაი კაცობა ვამტკიცო. რაც ძნელი ამოცანა იქნება, როგორც ერთის, ისე მეორის მიმართ.

ვერსად ვერ გავექცევით იმ ფაქტს, რომ ოლღამ სასამართლო პროცესზე მისცა ჩვენება, სადაც ამბობს, ილია მწერდა, ჯაში თალღითი აღმოჩნდა და მალე შემცველელი უნდა ვიპოვოო.

ჩემი ამოცანაა, გაირკვეს სიმართლე. იყო თუ არა ჯაში გარეული ილიას მკვლელობაში, ანუ იყო თუ არა მეფის მთავრობა ილიას მკვლელობის შემკვეთი.

ფაქტია, ჯაშს როგორც ასოთამწყობს „ივერიაში“ მუშაობა მართლა ილიას სანინაალმდეგოდ რომ გამოეყენებინა, სპეციალურად ამ თემაზე დანერილ წერილში ძმა „დამსახურებას“ არ დაუკარგავდა.

ზემოთ აშკარა სიყალბის რამდენიმე მაგალითი მოვიტანე. კიდევ უფრო სასაცილოა სხვა არგუმენტები, რომელნიც საბჭოთა ისტორიკოსებმა მიაწოდეს ხალხს და რასაც აჰყვა ზოგიერთი თანამედროვე ისტორიკოსიც.



ბერიას შეკვეთის შემდეგ ილიას ყოფილი მოურავის წინააღმდეგ იმდენი „სამხილი“ იქნა მოგროვებული, ყველა მათგანი ერ-

თად რომ გამოაქვეყნოს კაცმა, მოზრდილი ტომი შეივსება. ყველაფერს მოცულობის გამო ვერც წარმოგიდგენთ და არც ამის საჭიროება არ არის, რადგან მთელი ეს ბრალდებები, დომინოს პრინციპით, ერთი მთავარი არგუმენტით ხუხულასავით ირღვევა.

ვიდრე ამ მთავარ არგუმენტზე მოგახსენებდეთ, ნიმუშისათვის წარმოგიდგენთ იმ „წყაროებს“, რომელთა მსგავსია ყველა დანარჩენი, რაც ითხზებოდა ბოლშევიკების დროში და რასაც დღესაც სანდო წყაროებად იშველიებენ.

ერთ-ერთ ნაშრომში ვკითხულობთ:

„ლევან ბოძაშვილი მოგვითხრობს, რომ დუშეთის რაიკომში პროპაგანდა-აგიტაციის განყოფილების გამგედ მისი მუშაობისას დუშეთში გაერთიანებული პროფკავშირების თავმჯდომარედ ზემდგომი ორგანოების რეკომენდაციით (ცხადია, უპირველესად ვისი!) ჩამოვიდა ვინმე ბერბიჭაშვილი. რაიკომში მთხრობელი-სა და აგრეთვე პირველი და მეორე მდივნისათვის უკანასკნელს ჩვენთვის საინტერესო ამბები მოუყოლია. უღიარებია, რომ მისთვის და მისი „ამხანაგისათვის“ დაუვალეზიან ილიას მოკვდინება, „მოვემზადეთ, ვნახეთ პირადად ილიას მოურავი. მასაც შევატყვევეთ, რომ კმაყოფილი არ იყო. იმ დროს ილია ქალაქში ყოფილიყო წასული და დაებარებინა მალე დაბრუნება. ჩვენ შევთანხმდით მოურავს გაეგო, ილია როდის დაბრუნდებოდა და სასწრაფოდ ჩვენთვის შეეტყობინებინა. მოურავი ადვილად დაგვეთანხმდა, მან სამყოფელი ადგილი იცოდა, ერთხელ ჩვენთან მოიჭრა და გვაცნობს ილია ზეგ აუცილებლად მოვალ“. ამის შემდეგ რაც მოხდა, ეს კარგად არის ცნობილი.

მაგრამ ჯაშის არამზადობას ილიას მკვლელობის საქმეში კიდევ უფრო აეხადა ფარდა ბერბიჭაშვილის სასამართლო პროცესზე (1941-1942 წლებში). მსჯავრდებულმა თავის ჩვენებაში განაცხადა, რომ „მკვლელობის წინა დღეს საგურამოს თავზე ამოვიდნენ ჯაში, ვანო ინაშვილი და თედო ლაბაური. იგივე აღიარა ხიზანიშვილმაც. სოფლიდან ამოიყვანეს „დროული“, ე.ი. ჭარმაგი, ხნიერი კაცები, დაახლოებით 12-13. ასე რომ, სულ შეკრებილან 19-20-მდე. „ინაშვილმა და ჯაშმა ამოიტანეს თან გაზეთი და დაიწყეს ლაპარაკი მემამულეებზე. განსაკუთრებით ლაპარაკი იყო მწერალ ილია ჭავჭავაძის შესახებ“ – აღიარებდა ბერბიჭაშვილი. ჯაშს, ჩანს, საგურამოელ გლეხკაცთა წასვლის შემდეგ, უთქვამს: „მე დღეს თუ არა, ხვალ უნდა წავიდე აქედან. მაგრამ თქვენ თუ არ მოიშორეთ,

გახარება არ გექნებათო". ბერბიჭაშვილს იგივენაირი აზრი ამ სახითაც განუცხადებია: „ჯაშმა და ინაშვილმა თქვეს, ჩვენ რა გვიჭირს, ჩვენ მოსამსახურე ხალხი ვართ და ვაი თქვენი ბრალიო, რომ თქვენ, გლეხები მაგათ ხელში იქნებით"-ო. აქედანაც ჩანს ჯაშის საძრახისი როლი ილიას მკვლელობის საქმეში.

მოგახსენებთ ერთ ფაქტსაც, – განაგრძობს მკვლევარი, – რომლის შესახებ წყარო დაცულია ალ.კოჭლავაშვილისიეულ ფონდში და რომელიც დღემდე უცნობია საზოგადოებისათვის. მთხრობელი ალ. კოჭლავაშვილი, რომელიც პირადად დაჰკითხავდა ბერბიჭაშვილს, გადმოსცემს ერთ-ერთი უკანასკნელი დაკითხვის ამბავს: „ილია ჭავჭავაძის მკვლელობამდე რამდენიმე დღით ადრე დიმიტრი ჯაშს თავისთან დაუბარებია გიორგი ბერბიჭაშვილი. უკანასკნელი მისულა ჯაშთან და საუბარში კარგად (!) შემოლამებიათ. ჯაშს ვახშამი მოუნყვია და შემდეგ უთქვამს: ახლა უკვე გვიან არის და სადღა მიდიხარ, აქვე დაიძინეო. მართლაც გიგლა ბერბიჭაშვილი იმ ღამეს (!) იქ დარჩენილა, ხოლო მეორე დღეს მეორე ნახევრამდე ხან ბაღში, ხან სად გაყოლია ჯაშში და შემდეგ ჯაშს, შებინდების წინ უთქვამს: მცხეთაში მივდივარ და გამომყევით. ისიც წაყოლია. მცხეთაში ბერბიჭაშვილი ერთ ადგილას გაუჩერებია და სადღაც წასულა: დაახლოებით ორი საათის შემდეგ დაბრუნებულა და გიორგისთვის უთქვამს: – წავიდეთ, შენც გეძახიანო. გიორგი უსიტყვოდ გაყოლია ჯაშს და მცხეთის პოლიციის უფროსის ოთახში ერთად შესულან. უფროსს ისინი კარგად მიუღია და შემდეგ გიორგისთვის უთქვამს: – რასაც ეს გეტყვის შეასრულე და შემდეგ კიდევ მოგელაპარაკებითო. „მე ხმა არ ამომიღია. თავი დაუქარი და ორივენი გამოვბრუნდით. გზაში ვკითხე ჯაშს : რა უნდა გავაკეთო მეთქი? ჯაშმა მიპასუხა გეტყვიო. მართლაც რამდენიმე დღის შემდეგ კვლავ დამიძახა, ილიას სახლის ზევით ავედით და აქ სხვებიც იყვნენ – ინაშვილი, ლაბაური, ფშავლიშვილი და ფეიქრიშვილი. აქ ჯაშმა სთქვა: ამ დღეებში თავადი თბილისში წავა და იქიდან რომ დაბრუნდება, თავიდან უნდა მოვიშოროთო. სირცხვილია, სხვაგან ბატონები მოჰკლეს და ჩვენ კი ხელს არ ვანძრევთ. იქიდან აღარ დავშლილვართ. ხან ჯაშს, ხან ინაშვილს ჩვენთვის საჭმელი მოქონდათ და რამდენიმე დღის შემდეგ, როდესაც ილიას დაბრუნება გავიგეთ, ტყე-ტყე წავედით წინამურისკენ და იქ ჩავუსაფრდით”.

ასევე ერთ-ერთი ბოლო დაკითხვისას ბერბიჭაშვილს ალექსანდრე კოჭლავაშვილისათვის უთქვამს: „აძაღლდეს ჯაშში და მცხე-

თის პოლიციის უფროსი"-ო (ეს ალექსანდრე კოჭლავაშვილს შემდეგომ არაერთგზის გაუმეორებია ვინრო წრეშიც)".

შევადართო მკვლევარისგან მოხმობილი ეს სამი წყარო ერთმანეთს და მივიღებთ, უკაცრავად პასუხია, სრულ აბდაუბდას (ავტორს აქ არა და სხვაგან ვასახელებ, რადგან მისი წიგნის სხვა თავები სერიოზული შრომის ნაყოფია).

პირველი მთხრობელი – ბოძაშვილი ჰყვება, რომ რაიკომში რაიონის პროფკავშირის ხელმძღვანელად ზემდგომი ორგანოებისგან მოვლინებულ ბერბიჭაშვილს „უღიარებია“, რომ ილიას მოკვდინება მისთვის დაუვალებიათ, მას კი დახმარებისათვის მიუმართავს ჯაშისათვის (ამ დროს ილია ქალაქში ყოფილა წასული). ჯაში დათანხმებულა, მათი სამალავი ადგილი სცოდნია. როცა ინფრომაცია მიიღო მისულა და უთქვამს, „ილია ზეგ აუცილებლად მოვაო“.

ამ მოგონებიდან იმის გარდა, რომ ბერბიჭაშვილი რაიკომის მუშაკებთან ტრაბახობს ილიას მკვლელი ვარო, ყველაფერი არის სიყალბე..

1) ილიამ ჯაში საგურამოში წაიყვანა 1907 წლის ივნისში, მას შემდეგ თბილისში წავიდა მხოლოდ ერთხელ, 27 აგვისტოს. დაიბარა, ამ სალამოსვე დაებრუნდებო. თუ მაინცდამაინც იმ დღეს ნახა ბერბიჭაშვილმა ჯაში, ილიას ჩამოსვლის დროს იქვე გაიგებდა.

2) თუ 28 აგვისტოს ნახა, მოურავი ვერ ეტყოდა, როდის ბრუნდებოდა ილია, რადგან წინა სალამოს არ დაბრუნდა და აღარც ჯაშმა იცოდა, კონკრეტულად რომელ დღეს ავიდოდა ილია საგურამოში.

3) თუ 29 აგვისტოს მივიდა ბერბიჭაშვილთან მოურავი, არ ეტყოდა ილია ზეგ ბრუნდებო. უნდა ეთქვა ხვალ დაბრუნდებო, რადგან მხოლოდ მკვლელობის წინა დღეს შეიტყო, რომ ილია 30 აგვისტოს მოდიოდა.

იქნებ ეს უმნიშვნელო დეტალია, ვთქვათ სიზუსტით ვერ გამოსცემს მთხრობელი, აერია „ხვალ“ და „ზეგ“ ერთმანეთში ან იქნებ სულაც ჯაშმა 28-ში სხვა წყაროდან შეიტყო, რომ ილია ზეგ დაბრუნდებო? ამ მოგონებიდან ერთი რამ მკაფიოდ ჩანს. ჯაშისათვის ილიას მოკვლის საიდუმლო მკვლელობამდე მხოლოდ 3-4 დღით ადრე გაუმხელიათ (ილიას ქალაქში წასვლის შემდეგ). ისიც ბერბიჭაშვილს და მხოლოდ ის დაუვალებია, ილიას მოკვლის დრო გაეგო. კი მაგრამ, ბერბიჭაშვილი სოციალ-დემოკრატი იყო და არა ჟანდარმერიის აგენტი. საიდან ჩანს აქ ან ჟანდარმერიის ან მოურავის ხელმძღვანელი როლი მკვლელობაში?

ამ მოგონებიდან ჩანს პირიქით, ჯაში სოციალ-დემოკრატებს ჩაურთავთ მკვლელობაში.

ან ეს ფრაზა როგორ ყიდის მოგონების ავტორს. „ერთხელ ჩვენთან მოიჭრა და გვაცნობა ილია ზეგ აუცილებლად მოვაო“. „ერთხელ“ კი არა, ან იმ ღამეს ან მეორე დღესვე უნდა მიჭრილიყო, მაგრამ მთხრობელმა უბრალოდ არ იცის, რაზე ილაპარაკოს, მის ნაცვლად სხვა მოგვითხრობს.

ახლა მეორე სიუჟეტი ვნახოთ, თან რომ მოსდევს პირველს.

საიდან ჩანს ჯაშის საძრახისი როლი მკვლელობის საქმეში? აი, საიდან: თურმე მკვლელობის წინა დღეს საგურამოს თავზე ასულან ინაშვილი, თედო ლაბაური და ჯაში, თან ილიას საწინააღმდეგო გაზეთები აუტანიათ. იქ ყოფილა 12-13 საგურამოელი ხანდაზმული გლეხი. ილიას მკვლელობაზე მსჯელობენ. ამას იგივე ბერბიჭაშვილი 1941 წელს სასამართლო პროცესზე ჰყვება. იგივე უღიარებია ხიზანიშვილსაც. ჯაში ამ შეკრებაზე განსაკუთრებით აქტიურობს: მე რა მიჭირს, აქედან წავალ, თქვენ თუ თავადი არ მოჰკალით, რა გეშველებათ მაგის ხელშიო.

ახლა ეს სიუჟეტი გავჩხრიკოთ ახლოით.

დავიწყოთ იმით, რომ ხიზანიშვილს იგივე არსად არ უღიარებია, ის მკვლელობის შემდეგ დააპატიმრეს და მის ჩვენებებში მსგავსი არაფერია.

ამ საიდუმლო სერობაზე სულ 19-20 კაცი ყოფილა შეკრებილი, აქედან 12-13 საგურამოელი მოხუცი. კარგი, ეს მოხუცები 1941-1942 წლის სასამართლო პროცესის დროს ცოცხლები აღარ იქნებოდნენ, მაგრამ ყველა ერთბაშად ხომ არ ამოწყდებოდა 1908-1909 წლის სასამართლო პროცესის დროს? ილიას მკვლელობის შემდეგ, სექტემბრის თვიდანვე დაპატიმრებულ იქნა მზარეულიდან დანყებული, ეჭვმიტანილი გლეხებით დამთავრებული მრავალი ადამიანი. ზოგი დაიკითხა მოწმის სახით, ზოგი ეჭვმიტანილის სახით. თვით მოურავი 3 თვე იყო სხვებთან ერთად დაპატიმრებული და დაჰკითხეს მოწმის სახით. ამ 12-13 გლეხიდან, რომელთაც 29 აგვისტოს ილიას მკვლელობა გადაუნწყვეტიათ, ნუთუ არავინ დაიჭირეს და ნუთუ ერთმაც არ გასცა ჯაში, - საიდუმლო შეკრებას ისიც ესწრებოდაო? ამათ თავი დავანებოთ. ჩამოხრჩობამისჯილმა პატიმრებმა, ვთქვათ, ჯაში არ გასცეს, როგორც ოხრანკის აგენტი (შიში ჰქონდათ ან მისგან შეელის მოლოდინი), ის 12-13 ხანდაზმული გლეხი შეეცოდათ და არცერთი არ გასცეს?

თურმე იმ შეკრებას თედო ლაბაურიც ესწრებოდა, – მეეტლე. ე.ი. თბილისიდან მკვლელობის წინა დღეს საგურამოში ასულა, შეკრებას დასწრებია და მერმე უკანვე გაბრუნებულა. დილით მან წამოიყვანა ილია, ხომ?

რაში სჭირდებოდათ მეეტლის თათბირზე დაბარება? ან იმ ჩვენებას რა ვუყოთ, მეეტლე წინა ღამეს სწორედ თბილისში რომ წახეს და დაემუქრნენ, ხვალ ამ და ამ ადგილზე ეტლი უნდა გააჩეროო? რა ჰქონდა დასამუქრებელი ლაბაურს თუ ასე საიდუმლო თათბირებზე დარბოდა დიდი აქტივისტივით? და თუ მეეტლე იმ შეკრებას ესწრებოდა, მან ხომ მკვლელები პირველმა გათქვა, სწორედ თედო ლაბაურისგან გაიგეს მკვლელთა ვინაობა, კაცისმკვლელი ყაჩაღების დასახელების არ შეეშინდა, უფრო სწორად, იძულებული გახდა დაესახელებინა და ამ 12-13 მოხუცებულადან როგორ არავინ ამხილა?

ახლა ბერბიჭაშვილის მესამე „ჩვენება“ ვნახოთ, რომელიც ისტორიკოს კოჭლავაშვილს „ჩაუნერია“: ილიას მკვლელობამდე რამდენიმე დღით ადრე დიმიტრი ჯაშს ბერბიჭაშვილი თავისთან დაუბარებია. საუბარში კარგად შემოღამებიათ. ჯაშს ვახშამი გაუმართავს მისთვის. იქვე დაუძინებია. მეორე დღეს ილიას ბაღში უსეირნიათ. შემდეგ ჯაშს ის მცხეთაში წაუყვანია. ორი საათი სადღაც უყურყუტებია, მერე მობრუნებულა და უთქვამს, – ნავიდეო შენც გეძახიანო. მიუყვანია პოლიციის უფროსთან. იმას კი ბერბიჭაშვილისთვის უთქვამს, რასაც ჯაში გეტყვის, – ის გააკეთეო.

ჯაშს იმჟამად არაფერი უთქვამს, რამდენიმე დღის შემდეგ კი დაუბარებია ინაშვილი, ლაბაური, ფშავლიშვილი და ფეიქრიშვილი, მათთან ერთად ბერბიჭაშვილიც. აი, აქ გაუმხელია ჯაშს – „ამ დღეებში თავადი თბილისში წავა და იქიდან რომ დაბრუნდება თავიდან უნდა მოვიმოროთო. სირცხვილია, სხვაგან ბატონები მოჰკლეს და ჩვენ კი ხელს არ ვანძრევთ“-ო.

ეს „ჩვენება“ არა მარტო სიყალბის, მისი შემქმნელის ჭკუასუსტობის გვიჩვენებს არის.

აბა გაიხსენეთ ზემოთ რას „ამბობს“ ბერბიჭაშვილი, ილია ქალაქში იყო წასული და მე მივედი ჯაშთან, გავენდე და დავავალე თავადის ჩამოსვლის დრო რომ შეეტყობინებინაო.

ახლა პირიქით არის საქმე, ჯაში იბარებს ჯერ კიდევ ილიას ქალაქში წასვლამდე ბერბიჭაშვილს, ილიას მამულში ტოვებს, ავახშმებს, დააძინებს, დილით ბაღში ერთად დასეირნობენ. სხვათა შორის, მთელმა საგურამომ იცის, ვინც არის ეს ახატნელი ბერბი-

ჭაშვილი, რომ არის ცნობილი ყაჩაღი, ტერორისტი, რომ სწორედ ახატნელების ნათქვამია მისული ილიას ყურამდე. – ამ დღეებში თავადი უნდა მოვკლათო.

ამის მიუხედავად, მოურავი ჯაში არხეინად დასეირნობს ბერბიჭაშვილთან ერთად ილიას მამულში.

სასამართლო პროცესზე კი ამ ფაქტს ძეხორციელი ვერ იხსენებს...

„ხან ჯაშს, ხან ინაშვილს ჩვენთვის საჭმელი მოჰქონდათ“. ინაშვილი ამ ყაჩაღებში მთავარი ყაჩაღი იყო, ჯაში კი ილიას მოურავი. თურმე საჭმელს მეეტლესთან და სხვებთან მოურავი და ყაჩაღ-თუფროსი ეზიდებოდნენ...

ერთი სიტყვით, ერთ წიგნში, ერთმანეთის გვერდიგვერდ მოტანილი სამივე სიუჟეტის „ერთი კაცის პირით“ მონათხრობი, არა მხოლოდ სასაცილოდ ყალბია, არამედ პირველი მეორეს გამოირიცხავს, მეორე პირველს და მესამე ორივეს.

ამ აბსურდს კი „მეცნიერული წყაროების“ ფუნქცია დაეკისრა სქემაში – თვითმპყრობელობა – ოხრანკა – ჯაში – მკვლელობა.

ყველაზე გასაოგნებელი ის არის, რომ სინამდვილეში (და ეს არის მთავარი არგუმენტი) ჯაში არ იცნობდა აქ დასახელებულ პირთაგან არავის, მეეტლე ლაბაურის გარდა. ჯაში არ იცნობდა არც პავლე ფშავლიშვილს, არც გიგოლა ბერბიჭაშვილს, არც ვანო ინაშვილს. ეს კარგად ჩანს როგორც სასამართლო მასალებიდან, ისე ჯაშის ზემოთწარმოდგენილი მოგონებებიდან. გიგლა ბერბიჭაშვილმა 1941-1942 წლების სასამართლო პროცესზე განაცხადა, რომ იგი დიმიტრი ჯაშს არ იცნობდა. ამ პროცესს ესწრებოდნენ მწერლები, მათ შორის გალაკტიონი და ლეო ქიაჩელი. პროცესს ესწრებოდა ჯაშის მეუღლე, დარია კოპლატაძე-ჯაში. იგი თავის მოგონებებში წერს: მიუხედავად იმისა, რომ ბერბიჭაშვილმა პროცესზე განაცხადა ჯაშს არ ვიცნობდიო, მოსამართლე ოდიშვილმა გამოაქვეყნა ილიას მკვლელობაზე წიგნი, სადაც ბერბიჭაშვილს ალაპარაკებს ჯაშზე იმას, რაც სურს. ამის გამო დარია ჯაშს უჩივლია ოდიშვილისთვის და წიგნის მეორე გამოცემა თვით პროკურატურის ბრძანებით ჩაშლილა. ბერბიჭაშვილი რომ ჯაშს საერთოდ არ იცნობდა, მის ამ განცხადებას პროცესზე ადასტურებს პროცესის სხვა დამსწრეც, მაგ. აკაკი ძიძიგური.

ერთი სიტყვით, ბოლშევიკების დროში გამოქვეყნებულ უკლებლივ ყველა მასალას, რომელიც ილიას მკვლელობაში ჟანდარმერიისა და მისი აგენტის ჯაშის როლს უსვამს ხაზს, ის ფასი აქვს,

რაც ზემოთწარმოდგენილ ვითომდა ბერბიჭაშვილის „მოგონებებსა“ და „ჩვენებებს“.

ბერბიჭაშვილი, რომელიც ჯაშს არ იცნობდა, როგორ მისცემდა ისეთ ჩვენებებს, რაც ზემოთ წარმოვადგინეთ? ეს ჩვენებები სხვადასხვა პირთა მიერ შეითხზა, ვითარცა ბერბიჭაშვილის ნაამბობი, ამიტომ არის ასეთი არადამაჯერებელი, ერთმანეთის საწინააღმდეგოც კი.

მაგალითად, თუ კაცს, სპეციალურად არ ჰქონდა ნაკვლევი ილიას მკვლელობის გარემოებები, მას საიდან უნდა სცოდნოდა მკვლელობის წინა დღეს სად იყო, ვთქვათ, მეეტლე ლაბაური? ამიტომ, ადგა და თბილისში მყოფი კაცი, ტყეში დაუსვა შეთქმულებს.

მაგალითად, თუ კაცმა არ იცოდა, რომ 27 აგვისტომდე ილიას საგურამოდან ფეხი არ გაუდგამს, არ იცოდა, რომ მის მამულს ორი სტრაჟნიკი და ერთი ურიადნიკი დარაჯობდა, იოლად დანერდა ჯაშმა და ბერბიჭაშვილმა ილიას ბაღში ისეირნესო. მან ისიც არ იცოდა, ბერბიჭაშვილი ტერორისტი რომ იყო, რაც მთელმა საგურამომ უწყოდა.

ამ მოგონებების ავტორებისთვის მთავარია მოურავი და ბერბიჭაშვილი ერთმანეთს დაუკავშირონ, მიდავებით იმ დროში არავინ მიედავება. პარტიულმა მუშაკებმა დეტალები არც იციან. მკვლელთა ბიოგრაფიული დეტალები კი არა, „ასისტენტებმა“, ანუ საშუალო რგოლის პარტიულმა მუშაკებმა და სუკის აგენტურამ თვით ილია ვინ იყო, ისიც კი არ უწყიან.

დეტალების არ ცოდნაზე მათ რა უნდა ედავო, როცა თვით მეცნიერთა ნაწილმა ზემოხსენებულ „ჩვენებებს“, როგორც უტყუარ წყაროებს, ისე შეხედეს, ყოველგვარი კრიტიკული თვალის გარეშე.

ობიექტურობა მოითხოვს ითქვას, მათ შორის, ვინც ილიას მკვლელობაში 1937 წელს ხაზი გაუსვა უანდარმერიისა და ჯაშის როლს, შეხვდებით ისეთ დიდ მწერალსაც, როგორიც მიხეილ ჯავახიშვილი იყო და შეხვდებით მკვლელობის საქმის პირველ გამომძიებელს, 1907 წლისათვის დუშეთის მაზრის უფროსს ყარამან ფალავას. ამ ორი კაცის სიტყვას სხვა ძალა ჰქონდა. ჯერ ერთი, მიხეილი დიდი ავტორიტეტია და მეორე, ჯავახიშვილი ჯაშს პირადად იცნობდა. ისინი ერთად მუშაობდნენ „ივერიაში“. ჯაში სტილისტად იყო დანიშნაურებული, მიხეილს კი ერთხანს რედაქტორის ფუნქციაც ჰქონდა.

როგორც დარია ჯაშის მოგონებებიდან ჩანს, მათ იმთავითვე არ უყვარდათ ერთმანეთი. რასაც ჯავახიშვილი 30 წლის შემდეგ წერს, წერს ან თავის შინაგან რწმენაზე დაფუძნებულ აზრს ჯაშის მიმართ, ან პრინციპით – „რაც არ უნდა იყო გმირი, სული მაინც არის ტკბილი“. ბუნებრივია, მიხეილს როგორც „ივერიის“ ძველ თანამშრომელს ბერიას კუდები მოსთხოვდნენ დაენერა ის, რისი მოთხოვნაც არ გაუჭირდათ თვით ჯაშის ცოლისადმი და რა მოთხოვნითაც საკუთარი ძმა გააღანძღინეს უშანგი ჯაშს.

ის რომ მიხეილი ჯაშს და ჟანდარმერიას სდებს ბრალს, 30-იანი წლების კონიუქტურის შედეგია. მასზე, როგორც „ივერიის“ ყოფილ თანამშრომელზე, უნდა ყოფილიყო განსაკუთრებული იძულება, მიხეილი ხომ ამ წლებში საშინელი წნეხის ქვეშ არის და არსებითად ფიზიკური გადარჩენისთვის იბრძვის. ჯავახიშვილს თვით ჯაში მართლა არ უყვარდა და არც ის არის გამორიცხული, რომ მას მართლა თვლიდა მკვლელობის მონაწილედ, მაგრამ ჟანდარმერია და მეფის მთაურობა რომ არაფერ კავშირში იყო, ეს მიხეილმა ყველაზე უკეთ უნყოდა. ილიას მკვლელობის შემდეგ მას ადამაშვილის ხელმონერით ერთ-ერთ პირველს აქვს გამოქვეყნებული წერილი სოციალ-დემოკრატების წინააღმდეგ.

მიხეილი ფედერალისტთა პარტიაში იყო, ბეჭდავდა ფედერალისტთა გაზეთებში. ყველაზე მძიმე ცეცხლი სწორედ მათ გაუხსნეს ილიას მკვლელობის გამო სოც-დემოკრატებს. 1907 წელს, როცა ყველაზე გაბედულად დაესხა თავს სოც-დემოკრატებს, მიხეილს ჯაში არ გახსენებია...

1937 წლამდე ჯავახიშვილს სხვა პოზიცია არც ჰქონია, მაგრამ მიხეილზე იყო ყველაზე დიდი წნეხი, რაც იმავე წელს მისი დახვრეტიტით დამთავრდა.

რაც შეეხება ყარამან ფალავას, ის უშუალოდ იძიებდა საქმეს და დიმიტრი ჯაშზე ეჭვი სწორედ მან მიიტანა, მისი მცდელობით იქნა ჯაში დაპატიმრებული, მაგრამ ფალავამ ყველაზე უკეთ იცოდა, სასამართლოს უკანონო მოტივით არავინ გარეთ არ გამოუშვია. ვინც გაათავისუფლეს, გაათავისუფლეს მხოლოდ იმიტომ, რომ ვერ ნახეს სამხილები მათ დასაკავებლად, ამათ შორის იყო დ. ჯაშიც.

ასე რომ, ჯაშს 3-ჯერ მოუწია ილიას მკვლელობაზე პასუხისგება. პირველად 1907 წელს, მეორედ მენშევიკების დროში (თუმცა მენშევიკებს ამის გამო არ დაუჭერიათ, მაგრამ ამ საქმეზეც დაითხეს).

მესამედ გარდაცვალების შემდეგ 1941-1942 წელს. ის სამი-ვეჯერ გამართლებულ იქნა. ყოველ შემთხვევაში, სსრკ-ს პროკურატურამ ორჯერ გასცა საბუთი, რომ ჯაში მკვლელობის თანამონაწილე არ არის. 1941 წლის სასამართლო მხოლოდ ფარსი იყო. მათ ძიების შედეგი კი არაა, საზოგადოებრივი აზრის შექმნა აინტერესებდათ, – რომ ილია ჟანდარმერიამ მოკლა ჯაშის მეშვეობით. სასამართლო სტენოგრამა, ჩვენებები, სრულყოფილად არ გამოაქვეყნეს. სასამართლო დახურული იყო. საზოგადოებრივი რეზონანსი კი შექმნეს და სხვადასხვა პუბლიკაციებით მათთვის საჭირო შედეგიც მიიღეს.

სასამართლოს რომ ილია კი არაა, ბოლშევიკებისათვის მკვლელთა ლაქის ჩამორეცხვა აინტერესებდა მხოლოდ, იქიდანაც კარგად ჩანს, რომ ორი სასამართლოს მიერ ორგზის დადგენილ მკვლელს, გიგლა ბერბიჭაშვილს საჯაროდ დახვრეტა გამოუტანეს, სინამდვილეში კი არაფერიც არ დაუხვრეტიათ.

დახვრეტა 10-წლიანი პატიმრობით შეუცვალეს. ერთი ვერსიით, მაშინდელი ცეკას მდივნის კანდიდ ჩარკვიანის თქმით, 5 წლის შემდეგ აქვე, საქართველოში მომკვდარა. მეორე ვერსიით, რასაც მასთან მჯდომი პატიმარი ყვება, 1942 წლის ზაფხულშივე ციხის საავადმყოფოში გადაუყვანიათ. იქ ამ პატიმრის დედის მიერ მიტანილ საჭმელს მიასკდა ნაშიმშილევი და ჭამით მოკვდა... კი, ჭამით მოკვდებოდა!

ჩვენ არ გაგვიცია პასუხი რამდენიმე კითხვაზე, კერძოდ, მთავარი სქემა ჟანდარმერიის მკვლელობის ორგანიზატორად გამოყვანის საქმეში არის ასეთი.

ჟანდარმერიამ მოაკვლევინა მოურავი მოსე მემარნიშვილი. თავისუფალ ადგილზე შეუგზავნა ილიას ახალ მოურავად თავისი ჯაშუში. დანარჩენი იყო ტექნიკის და დროის საქმე.

ვფიქრობ, ჯაშის ჩანაწერების ნაკითხვის შემდეგ ეს სქემა მთლიანად იშლება. 1) მოსე მემარნიშვილის მკვლელობა არანაირად არ ჩანს, რომ იყო შეკვეთილი. ეს მკვლელობა მოხდა ყოფით ნიადაგზე. მოსემ დააჭერინა დარაჯი პავლე ფშავლიშვილი. ეს პავლე გაექცა პოლიციას და შურისძიების ნიადაგზე მოკლა მოურავი. ეს რომ შურისძიება იყო და არა შეკვეთილი მკვლელობა ჩანს იმ ფაქტიდანაც, რომ მკვლელი ნამებით ხდის სულს მოურავსაც და მის ცოლსაც. ფშავლიშვილს რომ თვით ილიას სანინაალმდეგო არაფერი ჰქონდა და იმჟამად ილიას მოკვლა გუნებაშიც არ გაუფლია, ივარაუდება იქიდან, რომ ტყეში ყაჩაღად გაჭრის შემდეგ ეს

ფშავლიშვილი მამას მიუგზავნის ილიას თხოვნით, – უთავდებოს მის შვილს.

უთხარით მაგას, ილია ჭავჭავაძე კაცის მკვლელებს არ მფარველობს-ო. იყო ილიას მკაცრი პასუხი.

ბოლო მომენტშიც კი ფშავლიშვილი მხოლოდ ოჯახის ამოწყვეტის მუქარით დაითანხმეს ილიას მკვლელობაში მონაწილეობაზე.

მაშასადამე, წინა მოურავის შეკვეთით მკვლელობა წინასწარ განზრახულად, - ილიასთან ჯაშუშის შეგზავნის მიზნით, არის უსაფუძვლო.

სხვათა შორის, სასამართლო პროცესზე ეტყობა მსგავსი კითხვა დაისვა, რასაც ვგებულობთ ილიას ნათესავის, ზაალ ჭავჭავაძის პასუხიდან – მემარნიშვილის მკვლელობას არავითარი ლოგიკური კავშირი ამ მკვლელობასთან არ აქვსო.

შეგზავნა თუ არა ჯაში ჟანდარმერიამ?

არანაირი საბუთით, არანაირი ლოგიკით ეს არ ჩანს.

ჯერ ერთი, თუ ჯაში მენშევიკებმა ხელისუფლებაში მოსვლის შემდეგ ამხილეს, რომ ის 1909-1911 წლებში ჟანდარმერიის აგენტი იყო და ამის გამო დაიჭირეს კიდეც, რატომ არ ამხელდნენ მას, თუ ჟანდარმერიასთან ილიას მკვლელობის დროსაც თანამშრომლობდა?

მენშევიკების მეთაურმა ჟორდანიამ ნამდვილი მკვლელები მახარაძე და ბერბიჭაშვილი ციხიდან გააპარა. ე.ი. მისთვისაც უპრიანი იქნებოდა, თუ მკვლელობა მის ყოფილ მეგობრებს კი არა, სწორედ ჟანდარმერიას დაბრალდებოდა, მაგრამ ეს ვერსია არც განხილულა.

ასე რომ, რასაც ჯაში ყვება თავის ჩანაწერებში, რომ მას რეკომენდაცია გაუწია ილიას დამ, დის მოურავმა მიხეილ ჩიკვაიძემ, რომელიც ილიას სტუდენტობის მეგობარი იყო (თავის მხრივ, რეკომენდაცია გაუწია სტეფანე ჭრელაშვილმა, რომელიც ილიას თანამებრძოლი იყო) ჩანს, არის მართალი და შეგზავნას წინასწარი განზრახვით ადგილი არ ჰქონია.

ბოლოს და ბოლოს, როცა ჯაში აქვეყნებს თავის ჩანაწერებს, სადაც იმაზეა ლაპარაკი, რომ ყოყმანობდა წასულიყო თუ არა ილიასთან და თვით ილიამ დააჩქარა ეს საქმე, რეკომენდატორები, ერთის, ჩიკვაიძის გარდა, ცოცხალნი იყვნენ.

რაც შეეხება ფალავას სიტყვებს, რომ ჯაში ჯერ კიდევ ილიას სიცოცხლეში ჟანდარმერიიდან გამოსული უნახავს და კითხვაზე, ამას აქ რა უნდაო, ჟანდარმს უპასუხებია – ეს ჩვენთან მუშაობსო, ესეც თეთრი ძაფით ნაკერიია.

თუნდაც მაზრის უფროსს, არც ერთი ჟანდარმი საიდუმლო აგენტზე ასეთ ცნობას არ მისცემდა.

დარია ჯაში განმარტავს, ჩემი ქმარი შეეძლოთ ენახათ ჟანდარმერიიდან გამოსული, რადგან მუქარის წერილების მიღებასთან დაკავშირებით ილიამ გაგზავნაო.

საერთოდ, ფალავას ჩვენებები ბერბიჭაშვილის პროცესზე, მიუხედავად იმისა, რომ მან ბევრი გააკეთა თავის დროზე ძიების სწორ კვალზე დასაყენებლად, ანგარიშგასანევი აღარ არის. 83 წლის მოხუცს ასეთი მამალი ტყუილიც კი ათქმევინეს, – ილიას მკვლელობის გამო სოციალისტმა პატიმრებმა ციხეში გაფიცვა მოაწყესო...

მნიშვნელოვანია ერთი გარემოებაც.

ილიას თანამებრძოლებმა ურთიერთობა გააგრძელეს ჯაშთან. თვით აკაკიმ, ვაჟა-ფშაველამ, ია ეკალაძემ, სოფრომ მგალობლიშვილმა. რა გამოდის? ეჭვი ჰქონდათ და სდუმდნენ?

ერთი სიტყვით, სქემა, თითქოსდა ჟანდარმერიამ შეგზავნა ჯაში ილიასთან, არის შეთხზული.

მეორე კითხვა, რატომ არ გაემგზავრა ჯაში დროულად ილიას შესახვედრად. რას მიძვრებოდა კაკალზე? დროზე რომ გამოცხადებულყო წინამურში, იქნებ ეს ტრაგედიაც აღარ დატრიალებულიყო.

ამაზე ისე სერიოზულად მსჯელობენ ცალკეული მეცნიერები, გაოგნდები. განსაკუთრებით 23 წლის ახალგაზრდის კაკალზე ასვლის თემა, ლამის დიდი საბრძოლო სტრატეგიის მთავარ საკითხად გამოცხადდეს.

საქმე ის არის, რომ სინამდვილეში მოურავს არც არსად ეჩქარებოდა, არც არსად არავის არ უნდა შეხვედროდა.

ილიამ შემოუთვალა, ზეგ ნაშუადღევს ამოვალო, ეს იყო და ეს. დამხვდიო, არ შემოუთვლია. სტრაჟნიკები წინამურში დამახვედრეო, არ შემოუთვლია და საიდან უნდა სცოდნოდა მოურავს, ზუსტად რომელ საათზე უნდა ყოფილიყო ილია წინამურში? ან საიდან უნდა სცოდნოდა, რა ადგილზე დახვებოდნენ მკვლელები?

საკუთარი ინიციატივით, ილიას სტრაჟნიკებს წინამურში ვერ დაახვედრებდა, რადგან 27 აგვისტოს, როცა ილია თბილისისკენ გაემართა, მოურავმა სთხოვა, საშიში დრო არის და თან მკვლელები წაიყვანეთო. ილიამ მკაცრად უპასუხა: ჩემს სამშობლოში მე სტრაჟნიკებით არ ვივლიო. იგივე ილია 30-ში ამ სტრაჟნიკებს წინამურში დაიბარებდა?

საქმე ასე იყო. წინა ღამით მოურავი აპირებდა წინამურში წასვლას ლალის ასაკრეფად. გადაათქმევინეს, ხვალ დილით წადიო.

მეორე დღეს ურიადნიკს 2 სტრაჟნიკი სთხოვა, ლალის ასაკრეფად გაეყოლებია წინამურში. ურიადნიკმა, მეც საქმე მაქვს მცხეთაში და ერთად წავიდეთო. სტრაჟნიკები წავიდნენ. ჯაში მათ დაენია და ერთად განაგრძეს გზა.

მართალია ის ილიას არ დაუბარებია წინამურში, მაგრამ დრო ხომ საშიში იყო, ხომ შეეძლო თავად ეფიქრა სტრაჟნიკებით ადრე წასვლასა და დახვედრაზე, თუნდაც მგოსნისგან საყვედური მიეღო? ნეტამც, ეფიქრა ასე, მაგრამ ეს ხომ ბრალდების საფუძველი არ არის. ილიას საგურამოში გარე ბიძაშვილი ზაალ ჭავჭავაძე ელოდა, ყოფილი სამხედრო პირი, იგივე ბრალდება ამ ლოგიკით მასაც შეიძლება წამოვუყენოთ. მაგრამ ვინ იცოდა, ბედი რას უმზადებდა იმ დღეს წინამურთან საქართველოს?!

რაც შეეხება 1921 წლამდე არსებულ ბრალდებებს ჯაშის მიმართ. ეს იყო სამი სახის:

1) გლეხები, ილიას მეზობლები უთითებენ მაზრის უფროსს ყარამან ფალავას – ხმამალა ვერ ვიტყვით, დაწერიტ ვერ დაგინერთ, მაგრამ ჩვენი რწმენით მოურავი გარეულია მკვლელობის საქმეშიო.

2) ურიადნიკმა ემეცმა ჩვენებაში თქვა – უცნაურად მომეჩვენა, მოურავმა ოლლა რომ ნახა, მითხრა – მადლობა ღმერთს, კნეინაც მოუკლავთო.

3) ზაალ ჭავჭავაძეს სასამართლოში უთქვამს – ელისაბედს, ილიას დას, მუქარის წერილები მისდიოდა და ჯაშს მოურავად იმიტომ გაუწია რეკომენდაცია, რომ ეს წერილები შეწყვეტილიყო და მართლაც შეწყდაო. ეს ელისაბედმა სასამართლოზე უარყო და ზაალ ჭავჭავაძემაც განაცხადა, ასეთი რამ არ მითქვამსო.

4) ეჭვობდნენ, რომ ჯაში ილიასთან სოც-დემოკრატიებისგან იყო მიგზავნილი.

5) 1920 წელს ჯაში დახვრეტას ფილიპე მახარაძემ გადაარჩინა.

6) ოლლამ სასამართლოზე განაცხადა, ილიამ მომწერა, რომ ჯაში კეთილსინდისიერი არ გამოდგა და მალე ახალ მოურავს მოვძებნიო.

ჯაში ჟანდარმერიის აგენტი არ იყო 1907 წელს და ილია ჟანდარმერიას არ მოუკლავს, რაც, ვფიქრობ, ყოველივე ზემოთქმულის შემდეგ ეჭვს არ უნდა იწვევდეს, მაგრამ რა შელავათია, თუ

ის როგორც სოციალ-დემოკრატი ან მათი თანამგრძობი იღებდა მონაწილეობას ამ ტრაგედიაში?

დავინწყოთ პირველი და მთავარი საკითხით.

1) ყარამან ფალავა მართლაც სისხლხორცეულად იყო დაინტერესებული დიდი ილიას მკვლელები ეპოვა. მას მთელი ქართველობა შეჰყურებდა. ჯაში მართლაც არ უყვარდათ გლეხებს თავისი ფეთქებადი, ნერვიული ხასიათისა და, სხვათა შორის, მომთხოვნელობის გამო. მოურავად არც უცხო, მათი ფიქრით გადამთიელი კაცის მიყვანა ეამებოდათ გლეხებს, თან ასეთი ახალგაზრდის...

ფალავამ ის ჯერ შორიდან ზვერა, ცნობები აგროვა, შემდეგ დააპატიმრა და სამი თვე ჯაში მეტეხის ციხეში იჯდა, მაგრამ ძიების დასკვნა და, რაც მთავარია, თვით ფალავას დასკვნა, იყო ასეთი: გლეხების აზრი ჯაშზე ეფუძნებოდა მხოლოდ მათ რწმენას. ვერავითარი სამხილი ვერ ნახეს. გლეხები ასევე უთითებდნენ სხვა პირებზეც, გლეხებზე, რომელნიც ასევე უბრალონი აღმოჩნდნენ.

2) ურიადნიკი ემეცის ჩვენება შეუძლებელია იყოს მოგონილი, მაგრამ ისიც შეუძლებელია, ჯაშს, თუ ის მართლა იყო ამ საშინელებაში გარეული, საკუთარი თავი თავად გაეცა და მკვლელის პოზიციიდან ეთქვა ოლლაზე – მადლობა ღმერთს ესეც მოუკლავთო. ეს ფრაზა რუსისთვის იქნებ გაუგებარი, ქართველისთვის ასეთნაირად გასაგებიც არის – მადლობა ღმერთს, ამის ცოცხლად დარჩენას, ისევე სიკვდილი სჯობდაო.

სხვაგვარად გამოდის, რომ მოურავს ურიადნიკისათვის მკვლელობის ადგილზე აღიარებითი ჩვენება მიუცია.

3) ზაალ ჭავჭავაძემ, მიუხედავად იმისა, რომ უარყო ეს არ მითქვამსო და ელისაბედიც უარყოფდა, ჯაშისთვის რაიმე მიზნით არ გამინევია რეკომენდაციას, შესაძლოა ზ.ჭავჭავაძის პირველად ნათქვამი (თუ მართლა თქვა) სიმართლაც იყოს. რატომ? პასუხი ასეთია:

4) სოც-დემოკრატებს ჯაში მოურავად არ მიუგზავნიათ. ყოველ შემთხვევაში, მენშევიკებს ილიას მოკვლის გეგმა არ ჰქონიათ. ჯაშის ცოლი, პირიქით, ხაზს უსვამს, ნოე რამიშვილი, რომელიც, ვიმეორებ, ჯაშის ნათესავი, ბავშვობის ამხანაგი და თანასკოლეელი იყო (სოფ. სურებში) და რომელთანაც ერთ სახლში ცხოვრობდა თბილისში, ნოე რამიშვილის სიმამრის სახლში, დამუქრებია, თუ ილიასთან წახვალ, ჩემთან კავშირი განწყვიტო.

ეს დასაჯერებელია, რადგან ნოე, მას როგორც ახლობელს აძლევდა რჩევას. ეშინოდა და აფრთხილებდა, წინა მოურავივით შენც მოგკლავენო. გასათვალისწინებელია ის, რომ ნოე რამიშვილს, რომელიც მენშევიკებში სოლიდური სახე იყო (1918-1921 წლებში მთავრობის პირველი თავმჯდომარე და შინაგან საქმეთა მინისტრი), ილია არ სძულდა ბოლშევიკებივით ან ზოგიერთი მენშევიკივით. ნოესგან ჯაში მთელ სოც-დემოკრატთა ელიტას იცნობდა, აქედან გამორიცხული არც ის არის, რომ მან ტერორისტებს წერილების წერა შეაწყვეტინა ელისაბედთან. ეს მხოლოდ ჩემი აზრია.

მაგრამ სოც-დემოკრატებთან მისი სიახლოვე მისგან მკვლელობაში გარევის არგუმენტი რომ არ იყო, ჩანს იქიდან, რომ ის არ ინდობს ფილიპე მახარაძეს, ანუ სოც-დემოკრატების მეორე ფრთას, რომელთაც მოკლეს ილია.

არათუ 1908 წელს გამოქვეყნებულ წერილში, არამედ 1913 წელსაც აი, რას ამბობდა იგი ფილიპე მახარაძის შესახებ:

დიმიტრი ჯაშის მოხსენება

დ. სამტრედია

შაბათს, 10 აგვისტოს ადგილობრივ საკრებულო დარბაზში ილიას ნამოურავალმა ბ. დიმ. ჯაშმა მოხსენება წაიკითხა ილია ჭავჭავაძის შესახებ.

მოხსენების შესავალში ბ. ჯაშმა აღნიშნა, რომ ის მიუდგომლათ ასწერს ორივე მიმართულების საქციელს ილიას გარშემო ატეხილი განგაშის გამო და წინდანინ ბოდიში მოიხადა, თუ დამსწრეთაგანი ორივე მიმართულებისა მათთვის არასასიამოვნო რაიმეს გაიგონებდნენ.

მოხსენება იმით დაიწყო, თუ როგორ დაუახლოვდა დიდს ილიას, როგორ მოხვდა მასთან მოურავათ და უარყო ის ხმები, ვითომ ილიასთან რომელიმე მიმართულების საშუალებით დამდგარიყოს.

შემდეგ კვალდაკვალ ახსნა, თუ როგორ მომზადდა ნიადაგი ილიას მოკვლისა და აღნიშნა, რომ ილიას ორი წლით ადრე უნდა მოეკლათ, მაგრამ რალაც განგებით გადარჩაო; და მისი გადარჩენა უსათუოდ უნდა მიენეროს იმას, რომ იმ უკანასკნელ ორ წელს სახ. საბჭოს წევრათ იყო და მეტ წილათ პეტერბურგში ცხოვრობდა.

აღნიშნა – როგორ აანოიკეს მგოსნის ოჯახი, მოურავი მოსესა და მისი ცოლის სიკვდილით. მგოსნის წინააღმდეგ ფილიპე მახარაძის წერილები „მოგზაურში“ აღიარა სრულ ჭორათ და სთქვა, დროს ალლო ვერ აართვა, ან განგებ ჩაიდინა ასეთი საქციელი. ბ. ჯაშმა აღნიშნა როგორ ეპყრობოდა მგოსნის მოურავი მემარნიშვილი გლეხებს; სთქვა, რომ მგოსანს უნდოდა მოურავის დათხოვნა და მეგობრებმა არ დაითხოვეს მხოლოდ იმ მოსაზრებით, რომ ეცოდებოდათ და სხვა.

მომხსენებელმა აღნიშნა აგრეთვე იმ დროის გაზეთებში მოთავსებული წერილები; მაგ. შეეხო ი. ევდოშვილის წერილებს. მომხსენებელმა სთქვა, რომ ევდოშვილმა აღიარა თავისი წერილების სიყალბე მგოსნის ცხედრის წინაშე.

მომხსენება ორ ნახევარ საათს გაგრძელდა. ბოლოს ასეთი დასკვნა მისცა:

მგოსანი ილია ჭავჭავაძე ასე ვერაგულათ არ იქნებოდა მოკლული:

ა) რომ ფ. მახარაძის მოჭორილი წერილები არ დაბეჭდილიყო „მოგზაურში“; ბ) რომ მგოსნის მოურავი მოსე და მისი ცოლი ეკა არ მოეკლათ და; გ) რომ მგოსანს დაეჯერებია და მოურავი ადრე დაეთხოვა სამსახურიდან.

მომხსენება შინაარსიანი გამოდგა.

*დამხსნრე
გაზეთი „იმერეთი“, 1913წ. N124, 15 აგვისტო*

10 დღის შემდეგ დ. ჯაში უკვე გურიაში კითხულობს ლექციას ილიას შესახებ. აქ მან უარყო ის, რასაც სამტრედიაში ამბობდა და განაცხადა, რომ ფილიპე მახარაძის წერილებს არ გამოუწვევია ილიაზე თავდასხმა. ეს თავისთავად ვერ მოხდებოდა. ის რასაც ჯაში ლაპარაკობდა ნ წლის განმავლობაში, გადათქვა გურიაში ლექციის დროს.

როგორც ჩანს, ის ან შეაშინეს, ან დაიხლოვეს.

5) ამასთან უნდა იყოს დაკავშირებული ის ფაქტი, რომ მას შემდეგ ფილიპე მახარაძე ჯაშს სწყალობდა და როცა მენშევიკებისაგან სურსათის შემოსატანად გაგზავნილი 1920 წელს საინგილოში დაიჭირეს და როგორც „თეთრს“ „წითლებმა“ დახვრეტა გადაუწყვიტეს (საინგილოში ქართველებთან პატრიოტული გამოსვლები ჰქონდა), ბაქოში მყოფმა ფილიპემ ის დაიხსნა და სურსათ-სანოვავით საქართველოში გამოუშვა.

ბ) რაც შეეხება ოლღას სასამართლოზე ჩვენებას, ილიამ მომწერა, ჯაში არაკეთილსინდისიერი აღმოჩნდა და ახალ მოურავს ვეძებო, ეს ასეც მოხდებოდა, რადგან ეს კაცი იყო ნიჭიერი, მაგრამ ნერვიული, გაუნონანსორებელი და არ არის გამორიცხული, მეურნეობისა და ცხოვრების ისედაც გამოუცდელმა, გლახებთან ყველაფერი აურ-დაურია.

ანუ ის ბრალდებები, რაც ობიექტურად არსებობდა ჯაშის მიმართ, არ ნიშნავს იმას, რომ მას საუკუნის ცოდვა ჰქონდეს აკიდებული.

ჯაში ილიას მკვლელად თვით კომუნისტებსაც არ მიაჩნდათ, ვიდრე ეს დღის წესრიგში არ დადგა. ამის დასტურია ერთი ფაქტიც. დარია ჯაშის მოგონებიდან – „1928-33 წელს ჩემი უმცროსი ვაჟი სწავლობდა საქ. სას. სამ. ინსტიტუტის მექანიზაციის ფაკულტეტზე – მაშინ შეიქმნა ისეთი აზრი, რომ ჩემს შვილზე დააყენეს სტიპენდიის მოხსნის საკითხი, ვინაიდან მისი მამა ფეოდალს ემსახურებოდაო, გლახების ექსპლოატაციაშიო. ამის გამო გადავეცი განცხადება საქ. ცაკის თავმჯდომარესთან ფ. მახარაძესთან. ფილიპემ მოიგონა ძველი ამბები და მითხრა:

– ბავშვები რა შუაშია, ისე კი შენმა ქმარმა ავტორიტეტი გაიფუჭა. იგი არ უნდა წასულიყო ილიასთან მოურავად, – მაგრამ ასევე გაიხსენა, რომ დ. ჯაში შემდგომში კარგი კორესპონდენტი და ჟურნალისტი იყო და რომ მან ერთგვარი როლი ითამაშა მეფესთან ილიას მიერ ტელეგრამის გაგზავნაში, რომლის დროს ერთ-ერთი წავიდა ილიასთან სათხოვნელად ამ საქმეზეო“.

აქ იგულისხმება ილიასგან იმპერატორისათვის გაგზავნილი დეპეშა, რომლის წყალობით გურია გადაურჩა ალიხანოვ-ავარსკის მიერ სრულ გადაწვას.

ერთი სიტყვით, ეს ჯაში ნამდვილად რთული პიროვნება ჩანს, მაგრამ ყოველივე ზემოთქმული, განსაკუთრებით ის გარემოება, რომ ის მკვლელობის არც ერთ შემსრულებელს არ იცნობს, გარდა მეეტლისა, და მას ხელს არ ადებს არც ერთი ბრალდებული, მაძლევს უფლებას დასკვნისა, – არც ჯაში ყოფილა მკვლელი ილიასი და არც მეფის ჟანდარმერია. ილია მოკლეს ბოლშევიკებმა. მკვლელობის პირველ დღეებიდანვე ეს იცოდნენ არა მხოლოდ საქართველოში, იცოდნენ მთელს იმპერიაში. პეტერბურგში გამოქვეყნებულ უამრავ ნეკროლოგთაგან ერთ-ერთი გაზეთმა „როსიამ“ ასე დაასათურა – „რევოლუციონერთა მსხვერპლი“.

დაბოლოს, ზემოთ ავლნიშნეთ, რომ ბოლშევიკებს ილიას მკვლელობის დაბრალება მეფის მთავრობისათვის ადრიდანვე, ჯერ კიდევ 20-იან წლებში სურდათ, მაგრამ ეს ვერსია მაშინ თავადვე უარყვეს, ამას ძალიან საინტერესო მიზეზი ჰქონდა.

ბოლშევიკები ფიქრობდნენ, რა გამოდის? თუ ვიტყვით, რომ ილია მეფის მთავრობამ იმსხვერპლა, მგოსანს როგორც ნაციონალური მოძრაობის ლიდერს ვადგამთ სამშობლოსათვის წამებულის გვირგვინს. მაგრამ თუ ვიტყვით, რომ ილია მისივე გლეხებმა მოკლეს, მაშინ ვკლავთ მის სახელსაცო.

ბოლშევიკებს ხომ ილიას არა მხოლოდ ფიზიკური სიკვდილი სურდათ. ამიტომ, ვიდრე ილიას სახელის აღდგენა დიდ ბელადს არ დასჭირდა, მთელი 30 წლის მანძილზე ისინი ავრცელებდნენ მეორე ვერსიას – გლეხებისაგან მებატონის მოკვლა.

ბოლშევიკები ასე ფიქრობდნენ – მეთქი, როცა ვამბობ, ფასდაუდებელ დოკუმენტს ვეყრდნობი. საზოგადოდ, დამნაშავეის აღიარება ყველაზე დამაჯერებელ საბუთად ითვლება. წარმოგიდგინთ 1925 წელს გამოქვეყნებულ მასალებს. ეს მასალები მითითებული არ არის ილიაზე გამოცემულ არათუ ცალკეულ ავტორთა, არამედ ილიაზე გამოცემულ თითქმის ყოვლისმომცველ ბიბლიოგრაფიაშიც კი. ეს ბუნებრივია არის. ბოლშევიკების ჟურნალ „რევოლუციის მათიანეში“ (1925წ. №3) ორი ძველი ბოლშევიკი ერთმანეთს ეკამათებოდა პარტიის ისტორიის საკითხებზე, ვის მოუვიწოდა აზრად, რომ ამ ნაფიცი კომუნისტების პოლემიკაში (ორივე ომ დროის გამოჩენილი იდეოლოგი იყო), ჩვენთვის საინტერესო საკითხზე აღიარებით ჩვენებებს წაანყდებოდა? ყურადღებით წავიკითხოთ პარტიის არქივის ხელმძღვანელის ამხანაგ სევასტი თაკვაძის ეს ამონარიდი:

„ამხ. რაჟდენ კალაძეს უნდა დაარწმუნოს ვინმე, რომ ილია მოკლა თვით მონარქული მთავრობის „ოხრანულმა“ ორგანიზაციამ, გაუგონია „ყურნაკრული“ ამბავი ვილაციდან და ის უნდა ჭეშმარიტებად გაასაღოს“.

ტყუილია ეს!!!

აბა ვის მოუვა აზრად ის, რომ იმ დროს, როცა ღელავდა და ბობოქრობდა რევოლუციონური მშრომელი ხალხი, დღე-დღეზე ემუქრებოდა რუსეთის რევოლუციონურ ხალხთან ერთად მონარქიული მთავრობის ნაქცევას, როცა ილია ჭავჭავაძე, როგორც მემამულე თავადი, მქონებელ კლასის ბანაკში მყოფი – ობიექტურად

ხელს უწყობდა მთავრობას თავისი ანტი-რევოლუციონერობით და მშრომელ ხალხის მეზობარაბტრე-სოციალ-დემოკრატიული პარტიის მოძულეობით, როცა იგი, როგორც ნაციონალისტი, როგორც ქართველი სეპარატისტი, ქართველ ხალხში გაბატონებულ ინტერ-ნაციონალურ სოციალ-დემოკრატიასთან ბრძოლაში დასუსტებული იყო, ნაშლილი იყო მისი როლი უკვე და რუს შოვინისტებისათვის არავითარ საშიშარ ძალას არ წარმოადგენდა, იმას მოჰკლავდა მონარქული მთავრობის რუსი აგენტები, მათი ორგანიზაცია?!

ეს მხოლოდ ქართველური ნაციონალისტური ახსნაა

გარემოების,

ეს მხოლოდ ნაციონალისტური მიდგომაა საკითხზე.

სამწუხაროდ უნდა აღინიშნოს, რომ ამხ. რაჟდენ კალაძე ხშირად იფლობა ამ წუმუქში. ფაქტია ის, რომ ილია ჭავჭავაძე მსხვერპლი გახდა აგრარულ ნიადაგზე თავისი სოფლის გლეხობისა. ამ აგრარულ მოძრაობის მონაწილე და ამ მკვლელობის ამბვის კარგად მცოდნე დუშეთელ ამხანაგებს ვიცნობთ ჩვენ – ისინიც ადასტურებენ ამას.

ილია ჭავჭავაძე გახდა მსხვერპლი, როგორც მემამულე, გამწარებული, უმინაწყოლო ქართველ გლეხობისა – გაუსვათ უნდა ამას ხაზი და დავიმახსოვროთ.

ასე შევა ეს ისტორიაში, ვინც და რამდენიც არ უნდა ეცადნონ მის შეცვლას, შელამაზებას“.

რის სამტკიცებლადაც ჩვენ ამდენი შრომა გავწიეთ, რომ ილია მეფის მთავრობას არ მოუკლავს, ალაღად დაგვიდასტურა თვით ბოლშევიკთა იდეოლოგმა.

გარდა იმისა, რომ ეს კაცი, ფილიპე მახარაძის ამხანაგი და ძველი თანამებრძოლი, ილიას მკვლელობაში მეფის მთავრობის როლს უარყოფს, იმასაც არ მალავს, რატომ აკეთებს ამას (არ ემეტება ილიასთვის მტრისაგან წამებული შარავანდი), მაგრამ კიდევ უფრო საინტერესოა მისი ერთი ფრაზა – „ამ მკვლელობის ამბვის კარგად მცოდნე დუშეთელ ამხანაგებს ვიცნობთ ჩვენ.“ ეს ფრაზა დავიმახსოვროთ. ეს კაცი, მისდა უნებურად, ერთი საიდუმლოს გასაღებს გვანვდის.

სევასტის ოპონენტი, ასევე ძველი ბოლშევიკი ამხ. რაჟდენ კალაძე, სტალინის მეგობარი 1898 წლიდან, კიდევ უფრო დიდ საიდუმლოს ხდის ფარდას.

თავი VI

ილიას მკვლელის
პარტიული დადგენილება



აკაკი წერეთელი დაკრძალვაზე

შესაძლოა მკითხველს გაუკვირდეს, მაგრამ სოციალ-დემოკრატიები გადანყვეტდნენ რა ტერაქტის მონყობას, ამ გადანყვეტილებას პარტიული დადგენილებით აფორმებდნენ.

1907 წლის მაისამდე დადგენილების გამოტანა პარტიის რაიონულ კომიტეტს შეეძლო როგორც ზემოდან კარნახით, ისე დამოუკიდებლადაც. 1907 წლის მაისის შემდეგ კი რაიონული კომიტეტი დამოუკიდებლად ამას ვეღარ გააკეთებდა, თუ რატომ, ქვემოთ გიამბობთ.

სოციალ დემოკრატებს შედგენილი ჰქონდათ მკვლელობის ასეთი სტრუქტურა.

არსებობდა მთავარი საიდუმლო კომიტეტი.

არსებობდა რაიონული ორგანიზაციები, რაიონული კომიტეტები.

თითოეულ რაიონულ ორგანიზაციას ჰყავდა რამდენიმე ტერორისტული ჯგუფი, ე.წ. ნითელრაზმელები, ანუ დრუჟინები. „ფრაქციულ სამხედრო ორგანიზაციას „დრუჟინა“ ერქვა, რომელიც ტერორისტულ აქტებსაც ახდენდა“. (ამას წერს კოტე ცინცაძე, 900-იანი წლების მთავარი ტერორისტი, ხოლო 1921 წლის შემდეგ უშიშროების კომიტეტის თავმჯდომარე).

თითოეულ დრუჟინას ჰყავდა თავისი მეთაური.

დადგენილებას ტერორისტული აქტის შესახებ ლებულობდა ის რაიონული კომიტეტი, რომელსაც დაავალებდა ცენტრი ტერიტორიული პრინციპით ან თავის ინიციატივას შეუთანხმებდა ცენტრს. შემსრულებელნი იყვნენ რაიონული კომიტეტის „დრუჟინები“, პასუხისმგებელი კი რაიონული კომიტეტი.

აი, ასეთი იყო ის სქემა, რომლითაც ხდებოდა ტერორისტული აქტები. ეს სქემა არავისთვის საიდუმლო არ იყო. პირიქით, ტერორისტები მათ მიერ ჩადენილ „საგმირო“ საქმეებზე გულწრფელად ყვებიან 20-იან წლებში, ხელისუფლებაში მოსვლის შემდეგ, ჟურნალ-გაზეთების ფურცლებზე. მათ შორის დასავლეთ საქართველოს ტერორისტების (დრუჟინების) უფროსი ბარონ ბიბინეიშვილი და საქართველოს ტერორისტების უფროსი, სახელგანთქმული კამოს სიძე, კამოს დის არუსიაკა პეტროსოვას ქმარი კოტე ცინცაძე (სამივე-კამოც, ბიბინე-

იშვილიც და ცინცაძეც, იმთავითვე სტალინის ქვეშევდომნი და უახლოესი ადამიანები, ასრულებდნენ მის ბრძანებებს).

ასეთი ამბების მოყოლა 20-იან წლებში შეიძლებოდა. მერე აკრძალეს და, უფრო მეტიც, 1937 წელს ბიბინეიშვილიცა და ცინცაძეც დახვრიტეს. (კამო უფრო ადრე თბილისში მოძრავ ერთადერთ მანქანას დაეჯახა და მოკვდა)...

ეს მცირე გადახვევა იმისთვის დაგვჭირდა, რომ მკითხველმა იცოდეს, ზემოხსენებული სტრუქტურის შესახებ თვით ძველი ბოლშევიკები ჰყვებიან.

რაც შეეხება პარტიულ დადგენილებებს, შეგვიძლია ნიმუშად წარმოვადგინოთ რამდენიმე დადგენილება.

მაგ. თბილისში სასტუმრო გრანდ ოტელში დააპატიმრეს გენერალ შირიკინზე თავდასხმის განმზრახველთა ჯგუფი. გაჩხრიკეს ნომერი, სადაც დიდძალ იარაღთან ერთად აღმოჩნდა შირიკინის სიკვდილის განაჩენის ორი ცალი. განაჩენი იყო ასეთი: „სოც. რევოლუციონერების ტფილისის მებრძოლი ორგანიზაცია გენერალ-მაიორ შირიკინს უსჯის სიკვდილით დასჯას. სტამბა სოც-რევოლუციური პარტიისა“. ამ წარწერას აზის ბეჭედი ტვიფარით – სოც. რევოლუციონერების პარტიის მებრძოლი ორგანიზაცია.

ზემოთ ვთქვით, გენერალ შირიკინზე თავდასხმა გაამჟღავნა ვინმე პეტროვმა (გერმანელი სტუდენტის პარტიული მეტსახელია). როცა პეტროვი დასაჯეს რევოლუციონერებმა, მათ დაწერეს – პეტროვი მოკლულ იქნა პარტიის განაჩენით ლალატისთვისო.

ძველი ბოლშევიკი სერგო ქორიძე 1928 წელს წერს: „გადავწყვიტე 1906 წელს შემოდგომაზე ბოლშევიკურ პარტიაში ჩაწერა. გავხდი რა პარტიის წევრი, ვლებულობ მონაწილეობას პარტიის დავალებით ტერორისტული აქტების შესრულებაში“.

იგივე ქორიძე ერთ ძალიან საინტერესო და ტრაგიკომიკურ ამბავსაც ყვება. პარტიის დადგენილება სოც-დემოკრატებს ხატის სასწაულმოქმედი ძალის წინააღმდეგაც კი გამოუტანიათ.(?) „1903 წლის ივნისის შუა რიცხვებში გასცეს პროპაგანდისტი იასონ მეგრელიძე, ს. კალანდაძე, თ. ჟღენტი (ყველა რევოლუციონერები იყვნენ, – ნ.გ.) გაცემა მოხდა ლომისკარელის ხატზე ხალხის დაფიცებით. ლომისკარელი იყო ხატი, რომელსაც ორი შეიარაღებული კაცი დაყვებოდა. ეს ისეთი ძლიერი ხატი იყო, მაშინდელი წარმოდგენით, რომ ვინც მასთან ტყუილის თქმას გაბედავდა, ის იქნებოდა სასტიკად დასჯილი ხატის მიერ და სიმართლეს მაინც გამოათქმევინებდა ხატი. ეს ხატი ესვენა სურებში ერთ-ერთ ეკლესიაში და

ამით აბრმავებდნენ ისედაც დაბრმავებულ ხალხს. შემდეგში ეს ხატი იქნა მოტაცებული ბათუმ-გურიის კომიტეტის გადანწყვტილებით". (იხ. „რევ. მათიანე“, 1928წ. №2)

თუ ხატი არ დაინდეს, ვთქვათ გენერალ გრიაზნოვზე რა დადგენილებას გააშანშალებდნენ, ძნელი მისახვედრი არ არის.

გრიაზნოვის მკვლელის არსენა ჯორჯიაშვილის მოსაგონარში ვკითხულობთ: „მეორე რაიონის (ეს ავლაბრის რაიონია, - ნ.გ.) „მუშათა მებრძოლი დრუჟინის (სოც-დემ) დადგენილებით 16 იანვარს გენ. გრიაზნოვის სახით მან გაანადგურა... სულთამხუთავი“.

ერთი სიტყვით, პარტია ძირითადად ტერორს ნიშნავდა შესაბამისი რაიონული რგოლის საიდუმლო ბეჭედდარტყმული დადგენილებით. სხვათა შორის, მსხვერპლის შერჩევისას წინასწარ პარტიული დადგენილების გამოტანის შესახებ საქართველოს კათალიკოს-პატრიარქის კალისტრატე ცინცაძის მოგონებებშიც წაიკითხავთ, რომ 1905 წელს ასეთი დადგენილება დეკანოზ ვოსტორგოვისათვისაც გამოუტანიათ, რაც ვოსტორგოვმა შეიტყო და საქართველოდან გაიპარა.

ილიას მკვლევების ჩვენების გამო – ილია კომიტეტის დავალებით მოვკალითო, მკითხველი იფიქრებს, რომ ეს დავალება ზეპირი იყო და საუკუნის პეროსტრატენი ილიაზე მაინც ბეჭედდარტყმულ ქალაქს არ შექმნიდნენ.

შეუქმნიათ!

ამის დასტურს ზემოხსენებული ამხანაგი რაჟდენ კალაძე წარმოგვიდგენს, რომელსაც ბოლშევიკების პარტიის ისტორიის შემქმნელი ჯგუფის ხელმძღვანელობა ჰქონდა დავალებული და რომელიც ილიას მკვლევობის პარტიული, საშინაო „ძიების“ დოკუმენტებს იცნობდა. სხვათა შორის, განათლებული კაცი იყო, (მამა პოეტ კარლო კალაძისა) და ვინ იცის, მთლად გულუბრყვილოდაც არ გაამჟღავნა ის, რასაც ქვემოთ წაიკითხავთ.

ეკამათება რა ს. თალაკვაძეს, ილია გლეხებს არ მოუკლავთო, კალაძე შავით თეთრზე წერს:

„გლეხებს საქართველოს ეს დიდი მწერალი არ მოუკლავთ. ეს ბრალდება ჩვენს გლეხებს უნდა მოვხსნათ. გარდა ამისა, როგორც ვიცით, დიდი ჭორი და ცილისწამებაა გავრცელებული ჩვენს ნაციონალისტურ ინტელიგენციაში ილია ჭავჭავაძის მოკვლის გამო. იმდროინდელ თბილისის ს.დ. ორგანიზაციაზე და იმდროინდელ ბოლშევიკური ფრაქციის ერთ ლიდერთაგანზე. ჩვენი ვალია ეს ჭორი და ცილისწამება ეხლა მაინც გავაქროთ...“

... ილია ჭავჭავაძის მკვლელობის მომწყობი იყო თვით ილიას გაიძვერა – გაქნილი მოურავი დიმიტრი ჯაში, რომელსაც რალაც-ნაირი მიზნით ამოქმედებდა ჯერ ისევ გამოუცნობ-გამოურკვეველი ჯგუფი; ხოლო მკვლელობის ჩამდენი, იმდროინდელი „წითელი რაზმები“, რომლებიც რეაქციის დაწყების გამო ტყეში იყვნენ გახიზნულნი, ხსენებულმა ჯაშმა და მისმა მომავლინებელმა უცნობმა ჯგუფმა, ს.დ. ყალბი დოკუმენტის ყალბი მიწოდების საშუალებით შეცდომაში შეიყვანეს, მოჰკლეს ილია.

...ხოლო მკვლელობის მომწყობი მოურავი ჯაში დაუსჯელი დარჩა. ეს გარემოებაც აშკარად მონიშნავს იმას, რომ ილიას მკვლელობაში მთავრობის და „მაღალ სფეროს“ პირებიც მონაწილეობდნენ. იქვე უნდა ავლნიშნოთ, რომ ს-დემოკრატიული (მენშევიკური) ორგანიზაციის მიერ იმ ხანებში შედგა განსაკუთრებული კომისია, რომელსაც ამ საქმის გამორკვევა ჰქონდა მინდობილი და რომლის ორი წევრი ჩვენ შორის იმყოფებიან. მათ ამ საქმეს გამოსარკვევად საკმაო მასალა აქვთ შეკრებილი.

როგორც ირკვევა ს-დ. რაიკომის ბეჭედდარტყმული „ქალღი“ ყალბათ არის შედგენილი „ტყის ძმების“ ხელმძღვანელის შეცდომაში შეყვანის მიზნით. ვინ შეადგინა სახელდობრ ეს ყალბი „ქალღი“, ან ჰქონდა თუ არა ამ სიყალბესთან რაიმე კავშირი რომელიმე სოციალ-დემოკრატს, ეს დღესაც გამოურკვეველია. ყოველ შემთხვევაში ის კი აშკარაა, (ჩვენ აქ ავლნიშნავთ ფაქტს) რომ ამ მკვლელობაში არავითარი მონაწილეობა არ მიუღია მინის მუშას, გლეხს“. (იხ. „რევოლუციის მატრიანე“, 1925წ. №3)

ვიმეორებ, ამ სტრიქონებს წერს კაცი, რომელიც იმდენად დამსახურებული და ავტორიტეტული ბოლშევიკია, რომ თალაკვაძესთან ერთად აკრიტიკებს თვით ფილიპე მახარაძეს. რაც მთავარია, მთელი საარქივო მასალა მის ხელშია გავლილი. ჩამოაცილეთ ახლა ამ ამონარიდს მისი იდეოლოგიური მოსაზრებები და დატოვეთ მხოლოდ ფაქტები. რა ფაქტებზე მოგვითხრობს ამხ. რაჟდენი?

სტალინის ძველი თანამებრძოლი აღიარებს, რომ მკვლელები გლეხები კი არა, ტყეში გახიზნული „წითელრაზმელები“ არიან.

რომ არსებობდა სოციალ-დემოკრატების დოკუმენტი, (მისი აზრით ყალბი) რომ ის „ყალბი“ დოკუმენტი მიაწოდეს „წითელრაზმელებს“, მათ მეთაურს და მოაკვლევინეს ილია.

რომ სოციალ-დემოკრატთა რაიკომის ის დოკუმენტი იყო ბეჭედდასმული.

ვიმეორებ, ამას ყველა სოც-დემოკრატთა მიერ ჩატარებული საშინაო გამოძიების მასალების მცოდნე კაცი. სხვა საკითხია, რა სქემა მოიფიქრეს, თანაც უნიჭოდ, სოც-დემოკრატებმა საკუთარი თავის გასამართლებლად.

განა რა ლოგიკაა იმაში, რაიკომის ბეჭედდარტყმული ქალაქ-დი ყალბი იყო და „ნითელრაზმელები“ შეცდომაში შეიყვანესო. ამ „შეცდომას“ საუკუნის ტრაგედია მოჰყვა, და თუ მართლა შეცდომა იყო, ბოლშევიკები მცირე გადაცდომაზე სიკვდილით სჯიდნენ შემცდართ და სასამართლოსგან დადგენილ მკვლელს, ბერბიჭაშვილს თანამედებობებს რალად აძლევდნენ?

ერთი სიტყვით, ამ დოკუმენტის გამოქვეყნება, ქვეშეცნეულად, იგივე აქტი იყო, მკვლელი რომ თავის ფეხით დაბრუნებულიყო მკვლელობის ადგილზე. რას ნიშნავს „სოციალ-დემოკრატთა რაიკომის ბეჭედდარტყმული“ ქალაქი?

როგორც ვნერდით, პარტიული ტერორისტული აქტების შაბლონი ასეთი იყო. დადგენილება ტერიტორიული პრინციპით უნდა მიეღო შესაბამის რაიონულ კომიტეტს.

საგურამო, წინამური, სადაც ტერაქტი მოხდა, შედიოდა დუშეთის მაზრაში. ბოლშევიკებს დუშეთში ერთ-ერთი ყველაზე ძლიერი პარტიული და ტერორისტული ორგანიზაცია ჰქონდათ.

რაიკომის ბეჭედდარტყმული ქალაქი ამ შემთხვევაში მექანიკურად ნიშნავს დუშეთის ს.დ. რაიონული კომიტეტის ბეჭედ-დასმულ ქალაქს.

დაკითხვისას, როგორც კი ხიზანიშვილმა კომიტეტი ახსენა, მიუხედავად იმისა, რომ დუშეთის კომიტეტი, არ უთქვამს, მაშინდელ პრესაში მყისიერად დაისვა კითხვა – „ნეტა ვინაა ეს კომიტეტი, რომლის განკარგულებით მოქმედებდნენ ეს ცოფიანი ნადირები? ნეტა რომელი პარტიის კომიტეტი მოქმედებდა დუშეთ-საგურამოს რაიონში?“ ამის დამწერმა სტრუქტურა იცის. იცის პარტიას დადგენილება ტერიტორიული პრინციპით რომ გამოაქვს. არცაა გასაკვირი, ამ სიტყვების ავტორი თავადაც პარტიულია, სოც-ფედერალისტების წევრი.

ზემოთ ისიც მოგახსენეთ, დავალების შესრულებაზე პოლიტიკურად პასუხისმგებელი რაიონული კომიტეტი იყო, პრაქტიკულად კი ტერაქტს ახორციელებდა ამ რაიკომის დაქვემდებარებაში არსებული „ტყის ძმების“, ანუ „ნითელრაზმელების“, ანუ „დრუჟინის“ წევრები. ვფიქრობ, ნათელია რატომ წერდა ს. თალაკვაძე – „ამ მკვლელობის ამბვის კარგად მცოდნე დუშეთელ ამხანაგებს ვიცნობთ ჩვენ“-ო.

უშუალო მკვლევლები – ინაშვილი, ბერბიჭაშვილი და ფშავლიშვილი (აფციაური) სწორედ დუშეთის ს.დ. კომიტეტის „წითელრაზმელები“ იყვნენ. ამ კონტექსტში ძალიან საინტერესოა, ვინ იყო და საიდან მოვიდა მე-4 მკვლელი, დანარჩენთა უფროსი და ორგანიზატორი „ვილაც იმერელი“? ცალკეულ მეცნიერთა ნაშრომებზე დაყრდნობით მეც ვფიქრობდი, რომ ის სერგო ორჯონიკიძე იყო და ასეც ვწერდი გაზეთ „24 საათში“ გამოქვეყნებულ პუბლიკაციებში. ორჯონიკიძეს იმდენი და ისეთი დიდი ცოდვები აქვს საქართველოს წინაშე, რომ ვერც ვერაფერს დაუმძიმებს და ვერც შეუმსუბუქებს კაცი, მაგრამ კვლევამ დამარწმუნა, რომ დიდი ალბათობით ამ ოთხ მკვლელში ორჯონიკიძე ვერ იქნებოდა. უფრო მეტიც, პირველწყაროებზე მუშაობისას თანდათანობით გამოიკვეთა პარტიიდან გამოგზავნილი „ვილაც იმერელის“ პიროვნება, რომელიც დღემდე იდუმალებით არის მოცული. ვინ იყო „ვილაც იმერელი?“ ამაზე ქვემოთ მექნება მსჯელობა. წინასწარ ერთს დავსძენ, ის იმ დროისათვის სერგო ორჯონიკიძეზე უფრო დაუნდობელი და მეტი წონის ტერორისტი გახლდათ.

თავი VII

ვინ იყო იღუმელი „იპერელი“
ანუ
ილიას უზუალო გკვლელთა
მეთაური?



სერგო ორჯონიკიძე



*სერგო ორჯონიკიძე
ახალგაზრდობაში*

ის, რაზედაც ქვემოთ გვექნება საუბარი დეტექტიურ ჟანრს გაახსენებს მკითხველს, მაგრამ რასაც თქვენ წაიკითხავთ, დაემყარება მხოლოდ დოკუმენტებს.

მკითხველმა უკვე იცის, რომ ილიაზე უშუალო თავდამსხმელები ოთხნი იყვნენ: 1) ბერბიჭაშვილი 2) ფშავლიშვილი 3) ინაშვილი 4) ვილაც იმერელი

ამათ გარდა მკვლელობის ორგანიზებაში მონაწილეობდნენ მეეტლე ლაბაური, ხიზანიშვილი და მოძღვრიშვილი. მოგვიანებით მკვლელობის ორგანიზებაში მონაწილე კიდევ რამდენიმე გვარი იქნა დასახელებული, მაგრამ ამაზე ქვემოთ ვისაუბრებ.

ერთადერთი უშუალო მკვლელი, ვინც არათუ დაისაჯა, არამედ მისი ვინაობაც კი ვერ დადგინდა, იყო ვილაც იმერელი.

ვილაც იმერელი იდუმალებით არის მოცული მთელი ამ ასი წლის მანძილზე. რაც ვერ დაადგინა მაშინდელმა სასამართლომ, გაურკვეველი დარჩა შემდგომ დროშიც, ამ გაურკვეველობის გამო კი სხვადასხვა დროს ჩამოყალიბდა სხვადასხვა ვერსიები.

ვილაც იმერელზე მსჯელობას აქტუალობა არ დაუკარგავს ამ ასი წლის მანძილზე დროის არც ერთ მონაკვეთში, რადგან, მოგეხსენებათ, ის რაც მძაფრი ინტერესის საგანია, სიცარიელეს ვერ იტანს და ივსება ან ჭორით, ან ლოგიკური ვერსიებით.

ვილაც იმერელი უშუალო მკვლელთა შორის ყველაზე მძაფრი ინტერესის ობიექტი იყო, რადგან ძიებამ, პატიმართა ჩვენებებზე დაყრდნობით, სწორედ ის ჩათვალა ბანდის მეთაურად. სწორედ ის იყო კომიტეტიდან გამოგზავნილი ტერორისტი, რომელსაც უშუალო კავშირი ჰქონდა საშუალო რგოლის შემკვეთთან, ანუ რაიონულ კომიტეტთან, ან შესაძლებელია უფრო მაღლაც. ცხადია, მისი დაჭერით ძიება იმედოვნებდა შემკვეთებზე გასვლას.

„ვილაც იმერელი“ რომ ბანდის მეთაური იყო, ეს დაფიქსირებულია ძიების მასალებში. 1908 წლის 19 დეკემბერს დუშეთის მაზრის უფროსის მოვალეობის შემსრულებელი კალინინი საიდუმლოდ მიმართავს ძიებას: „ხელისუფლების მიერ იძებნება უცნობი იმერელი, რომელიც წარმოადგენს ილია ჭავჭავაძის მკვლელთა ბანდის მეთაურს“-ო.

როგორც ვხედავთ, უცნობი იმერელი ბანდის მეთაურად მოხსენიებულია მკვლევლობიდან წელიწადისა და თითქმის ოთხი თვის შემდეგ.

კი, მაგრამ მანამდე არ დაინტერესდა მისით ძიება?

პასუხი ასეთია. ყოველ შემთხვევაში, 1908 წლის თებერვლამდე ვერ დაინტერესდებოდა.

რატომ?

იმის გამო, რომ 1908 წლის თებერვლამდე ძიებას მკვლევლობის ზემოწამოთვლილ უშუალო მხილველთაგან დაპატიმრებული ჰყავს მხოლოდ მეეტლე თედო ლაბაური. მეეტლეს გულითაც რომ სდომოდა, ვილაც იმერელს ვერ დაასახელებდა. ტყიდან გამოცვენილი ოთხი კაციდან მეეტლე ცნობდა საგურამოს თემის მაცხოვრებლებს – ფშავლიშვილს, ინაშვილს, ბერბიჭაშვილს. ისინი დაასახელა კიდევ, მაგრამ მეოთხე მისთვის უცხო იყო. თქვა, რომ ოთხი კაცი დაესხათ თავს, მაგრამ მეოთხეს, გვარ-სახელით ვერ დაასახელებდა, ვერც იმას იტყოდა, ვილაც იმერელი იყო, რადგან ყველაფერი სწრაფად დამთავრდა. მეეტლე არხეინად კი იჯდა კოფოზე და რაც ხდებოდა, საკუთარი თვალთ ხედავდა, მაგრამ უცხო კაცი თოფების ბათქაბუთქში მასთან ხომ არ გამოცხადდებოდა და ვინაობას გაუმხელდა, ან მასთან დიალოგს შეჰყვებოდა?

მეეტლე რომ „ვილაც იმერელს“ არ იცნობდა და მასთან შეხება არ ჰქონია, ლოგიკის გარდა დოკუმენტიც დასტურდება.

მოგვიანებით, სხვა მკვლელთა დაჭერის შემდეგ, სოფელში ხმა გავარდა, ბერბიჭაშვილიც დაიჭირესო. ბერბიჭაშვილის ბიძას უთქვამს – გიგოლა რომ დაიჭირეს, რატომ სანდრო ოზიევის (ოძიშვილი) არ იჭერენ, იმერელი სწორედ ის არისო. (ეს დოკუმენტი გამოქვეყნებულია ა. შუშანაშვილის ნიგნში), ხოლო პ. გუგუშვილთან მეორე დოკუმენტსაც ნახავთ. „1908 წლის დეკემბერს დუშეთის მაზრის უფროსს, რომელიღაც მემამულემ, რომლის დასახელება მაზრის უფროსს არ შეუძლია, რადგან პატიოსანი სიტყვა ბორკავს, აჩვენა, რომ ის „იმერელი“, რომელიც მონაწილეობდა მკვლელობაში არის ს. ოზიევი“ (გვ. 23)

როგორც ვხედავთ, ძიების მასალებით ორი სხვადასხვა წყაროს მიერ დასახელებულია „ვილაც იმერლად“ ყაჩაღი სანდრო ოძიშვილი. ძიებამ ეს ვერსია არ გაიზიარა და ოძიშვილი გაუშვეს, მაგრამ მთავარი ამ კონკრეტულ შემთხვევაში სხვა გახლავთ. ოძიშვილი ამოსაცნობად წაუყენეს მეეტლეს. ლაბაურს უთქვამს – „ვერ ვიცნობ და რომც ყოფილიყო სახეზე არ მინახავს“-ო.

თუ ამ ჩვენებას დავიჯერებთ და ლოგიკურად ასეც უნდა ყოფილიყო, მეეტლე იმერელს ვერ დაასახელებდა, არა მხოლოდ იმის გამო, რომ ყველაზე დიდი შიში მისი ექნებოდა, არამედ იმიტომაც, რომ არ იცნობდა. მაშ როდის იხსენიება იმერელი ძიებაში პირველად?

მხოლოდ 1908 წლის თებერვლიდან.

თარიღებისა და რიცხვების გამოკიდებას ჩვენთვის დიდი მნიშვნელობა აქვს იმ ფაქტის დასადგენად, თუ რატომ ვერ მოახდინა ძიებამ იმერელის გაშიფვრა.

ვის შეიძლებოდა ან გვართ, ან მეტსახელით, ან სახით სცნობოდა „იმერელი“? ცხადია, იმათ, ვისთანაც წინა ღამე გაატარა იმერელმა ტერაქტის მოლოდინში. ესენი იყვნენ ბერბიჭაშვილი, ინაშვილი, ფშავლიშვილი და ხიზანიშვილი. ამ სამთაგან პირველად იჭერენ ფშავლიშვილს 1908 წლის 10 თებერვალს. გთავაზობთ დოკუმენტს, სადაც „იმერელი“ პირველად არის მოხსენიებული.

კიდევ ილია ჭავჭავაძის მკვლელობის შესახებ

პოლიციამ ნადიროვის მამულში, ალექსი მზელურის სახლში დააპატიმრა პავლე ფშავლიშვილი და ლადო ფეიქრიშვილი, რომელთაც ილია ჭავჭავაძის მკვლელობას აბრალებენ.

... როგორც დუშეთიდან გვატყობინებენ გზაზე ლადო ფეიქრიშვილი გამოსტეხია ბოქაულს და უთქვამს: პავლე ფშავლიშვილმა მიაბო, რომ ილია ჭავჭავაძის მკვლელობაში, მონაწილეობა მიიღეს საგურამოში ყველასაგან ცნობილ მამასახლისად ნამყოფ ვანო ინაშვილის მეთაურობით პავლე ფშავლიშვილმა (აფციაური), გიგლა ბერბიჭაშვილმა და ერთმა იმერელმა, რომლის გვარი არც პავლემ იცოდა.

დუშეთის მაზრის სამმართველოში რამდენისამე კაცის თანდასწრებით...

მაზრის უფროსის შეკითხვაზე პავლე ფშავლიშვილი გამოტეხილა და უთქვამს, ის რაც ფეიქრიშვილს გზაში ბოქაულისთვის უამბნია. ფშავლიშვილს ისიც გამოუცხადებია, რომ მე და ჩემი ამხნაგები ჩაუსაფრდით ი. ჭავჭავაძეს 30 აგვისტოს 1907 წელს სოფელ წინამურის მახლობლად. მეო, - უთქვამს ფშავლიშვილს, მალლობზე ვიდექ და ვდარაჯობდი როდის გამოივლიდა ილია ჭავჭავაძის ეტლი. მოგვიახლოვდა, მე დავუსტვინე, ინაშვილი და სხვები დაემზადნენ. ეტლი შეაჩერებინეს და პირველად ჭავჭა-

ვადეს ინაშვილმა დაახალა. მკვლელობაში მონაწილეობა მიიღო გიგლა ბერბიჭაშვილმა და ერთმა იმერელმა, რომლის გვარი არ ვიცი. ვიცი კი, რომ ის იმერელი ამ რამდენიმე ხნის წინათ ტფილისში რევოლუციის ტარებისათვის დააპატიმრეს და გადაასახლეს რუსეთში. მკვლელობის შემდეგ ავედით ტყეში, გადავიარეთ ტყეზე ზედაზნის მონასტრის გვერდით და შემდეგ სოფელ აჭალაში ჩავედით. აქედან კი ტფილისს მივაშურეთ და ნაძალადევში ცეცხოვრობდით.”

„ისარი“, 13 თებერვალი, 1908წ.

ეს არის პირველი ჩვენება, სადაც „ერთი იმერელი“ იხსენიება. ეს ჩვენება ძვირფას ცნობებს გვანვდის. პირველს იმას, რომ ფშავლიშვილი ამჟამად არ ინდობს ინაშვილს, ის გამოჰყავს ბანდის მეთაურად და აფიქსირებს, რომ ტყვია ილიას ინაშვილმა ესროლა, (ისინი უკვე წაყიდებულნი არიან ერთმანეთზე, რაზეც ზემოთ გვქონდა ნათქვამი და ამის შედეგსაც ვნახავთ) და მეორე, ფშავლიშვილთან ერთად დაჭერილი ფეიქრიშვილი ახსენებს იმერელს. ძიებისათვის ჯერ უცნობს. ფშავლიშვილი თავის მხრივ იმასაც დასძენს, ეს ის კაცია, რომლის გვარ-სახელი არ ვიცი, მაგრამ ვიცი, რომ ამას წინათ იარაღის ტარებაზე დაიჭირეს და რუსეთში გადაასახლესო.

ამ სიტყვებიდან გამომდინარე, დიდი შერლოკ ჰოლმსობა არ სჭირდებოდა იმის ამოცნობას, რომ ეს უბირი ფშავლიშვილი, მისდა უნებურად, თავს ყიდდა. მან მშვენივრად იცოდა, ვინ იყო „იმერელი“, გვარ-სახელით თუ არა, სხვა ნიშნით, ვთქვათ, მეტსახელით მაინც, რადგან, წინააღმდეგ შემთხვევაში, როგორ შეეძლო ეთქვა – ვიცი, რომ ეს ის კაცია, რომელიც ამას წინათ იარაღის ტარებაზე დაიჭირეს და რუსეთს გადაასახლესო.

მივაქციოთ ერთ გარემოებას ყურადღება, თუ ფშავლიშვილი მართალს ამბობს, იმერელის ვინაობის დადგენა ძიებისათვის სრულიად იოლი ხდება. მკვლელს იჭერენ, რომელიც აღიარებს, გვარ-სახელი არ ვიცი, მაგრამ ჩემთან ერთად ის კაცი იყო, ამას წინათ რომ იარაღის ტარებაზე დაიჭირეს და რუსეთს გადაასახლესო.

ეს ამბავი 1908 წლის 10 თებერვალს ხდება, ამას წინათ ნიშნავს კვირასაც, ერთ თვესაც, სამ თვესაც, მაგრამ 1907 წლის 30 აგვისტომდე უფრო ადრინდელ თარიღს ხომ არ ნიშნავს?

განა ძნელი დასადგენი იყო ის, თუ ამას წინათ ვინ იქნა დაპატიმრებული იარაღის ტარებაზე და რუსეთს გაგზავნილი? იმერელი

ფაქტი ერთია, ან ძიებას არ სურდა „იმერელის“ დაჭერა, რასაც წინარე თავების წამკითხველი, ვგონებ, გამორიცხავს, ან ფშავ-ლიშვილიცა და ფეიქრიშვილიც „იმერელთან“ დაკავშირებით შეგნებულად მამაძალლობენ.

რატომ აღიარებენ ბრალს და ასახელებენ ეს ცნობილი ყაჩაღები, „წითელრაზმელები“ დაჭერის პირველსავე დღეს მკვლელობის ორივე თანამონაწილეს? მათ შესახებ ძიებამ, ლაბაურის წყალობით, ყველაფერი უკვე იცის. ძიებამ არ იცის ვინ იყო მეოთხე, ფაქტია, რომ ოთხნი იყვნენ. ფეიქრიშვილიცა და ფშავლიშვილიც იძულებულნი არიან აღიარონ ის, რაც ისედაც ცნობილია, ამ ფონზე ადასტურებენ მეოთხის არსებობას, ისედაც ცნობილ ფაქტს, მაგრამ მალავენ მის ვინაობას, რადგან ის მეოთხე ბანდის მეთაურია. მეთაურის გაცემა კი მათი და მათი ოჯახის ამონყვეტის უდავო წინაპირობაა. ამიტომ, მათივე ინტერესებიდან გამომდინარე, ისინი კვალზე კი არ აყენებენ, არამედ თითქოსდა ისეთ გულწრფელ აღიარებაში ისეთ ტყუილს გამოურევენ, ძიება რუსეთში გაგზავნილი რომელიმე პატიმრის კვალზე რომ უნდა დააყენოს.

ვიმეორებ, თუ მართლა „იმერელი“ ტარებაზე დაიჭირეს და რუსეთში გაასახლეს, მისი ვინაობის დადგენა სულ რამდენიმე დღის საქმე იყო. იმუამად იარაღის ტარების გამო რუსეთში არავის ასახელებდნენ. იარაღის ტარების გამო იჭერდნენ, შემდეგ საქმეს უმძიმებდნენ და მერე კი შეეძლო სასამართლოს გადასახლება მიესაჯა. განა რამდენი კაცი ჰყავდათ დროის მოკლე პერიოდში შედარებით მსუბუქი ბრალდებით – იარაღის ტარების გამო; დაჭერილი, შემდეგ საქმედამძიმებული და სასამართლო წესით რუსეთს გადასახლებული, რომ ილიას მკვლელთა ბანდის მეთაური ვერ დაედგინათ?

ფშავლიშვილისა და ფეიქრიშვილის დაჭერიდან 7 დღის შემდეგ დააპატიმრეს ხიზანიშვილი. მას სროლაში მონაწილეობა არ მიუღია. გვიან გამოვიდა ტყიდან. ის ასევე ახსენებს იმერელს, რომელსაც ორლულიანი ხვოსტონიანი თოფი ჰქონდა ხელთ. ფშავლიშვილს რევოლვერი, ბერბიჭაშვილსა და ინაშვილს კი ბერდანკის თოფი. (იხ. „ისარი“ №44, 1908წ.) თუმცე ეს ჩვენება არ არის ზუსტი. ბერბიჭაშვილს საფანტიანი თოფი ეჭირა, „იმერელს“ კი ბერდენკა.

„იმერელზე“ ხიზანიშვილი სხვას ვერაფერს ამბობს, რადგან ხიზანიშვილს მეეტლე ლაბაურის არ იყოს, არც შეიძლებოდა იმერელზე რამე სცოდნოდა. მკვლელობაში მონაწილეთაგან წითელრაზმელები, ანუ ტერორისტები არ იყვნენ ლაბაური, ხიზანიშვილი

და მოძღვრიშვილი. ეს გლეხები ტერორში წითელრაზმელებმა ჩაითრიეს, ამიტომ, გასაკვირი არ არის, გლეხებს ბანდის მეთაური თუ მართლაც არ ეცოდინებოდათ ვინ იყო.

დანარჩენები – ინაშვილი, ბერბიჭაშვილი, ფეიქრიშვილი და ფშავლიშვილი იყვნენ ყაჩაღები, წითელრაზმელები, ტერორისტები, ამიტომ დიდი ალბათობით ბანდის მეთაურის ვინაობა ყველამ ან რომელიმე მათგანმა იცოდა, მაგრამ ფაქტია, იმერლის ვინაობა საიდუმლოდ დარჩა. თუ რატომ, ან ვინ შეიძლებოდა ის ყოფილიყო, ჩვენს მოსაზრებას ქვემოთ მოგახსენებთ. ახლა კი მათ შესახებ, ვინც დღემდე მოიაზრებოდა „ერთ იმერელში“.

ვერსია №1

მკვლელთა ჩვენებების დაკვირვებით ნაკითხვა ერთ უეჭველ დასკვნას გამოგვატანინებს. მკვლელები ხელს ერთმანეთს იმის მიხედვით ადებენ ან არ ადებენ, ვინ ვისი ახლობელი, ნათესავი ან ვისგან განსაკუთრებით დაშინებულია.

მაგალითისათვის: თავიდან მეეტლემ სხვებთან ერთად ხელი დაადო მოძღვრიშვილსაც და ინაშვილსაც.

პირველთან პირადი ურთიერთობა და მეგობრობა ჰქონდა. მოძღვრიშვილიცა და ლაბაურიც ილიასთან მუშაობდნენ, იყვნენ მეზობლები; მეორისა კი, როგორც ტერორისტისა, ჰქონდა შიში, ჩემი ოჯახი არ ამოაწყვეტინოსო. ალბათ ამ მიზეზების გამო, როცა განაჩენი უკვე დადგენილი ჰქონდათ, ლაბაური მოითხოვს ხელახლა დამკითხეთო და განაცხადებს: ძალიან კარგად ვიცი ნამდვილ მკვლელთა ვინაობა. ესენი არიან პ. ფშავლიშვილი, (იმ დროს 1909 წლის 27 იანვარს, როცა ეს დაკითხვა მოხდა უკვე მოკლულია) გ. ბერბიჭაშვილი, (ვერ უპოვნიათ) ლ. ფეიქრიშვილი (ვერ უპოვნიათ, დაიჭირეს მაგრამ გაიქცა) და იმერელი, (ამ დროს უკვე იცის რომ იქ ვილაც იმერელი იყო, ვინაობა დაუდგენელია) გ. მოძღვრიშვილი და ვ. ინაშვილი უბრალონი არიანო.

კიდევ ერთი ფაქტი. დაპატიმრებულ ინაშვილს ალიბს უქმნიან ვინმე ილ. გურამიშვილი და ა. წინამძღვრიშვილი. ისინი ამტკიცებენ, რომ მკვლელობის დროს ინაშვილი იყო მათთან ერთად თავად ციციშვილის ოჯახში.

წარმოიდგინეთ, თავადები, ილიას ნათესავები იცავენ იმ მკვლელს, რომელმაც დიდი ალბათობით პირადად ესროლა მგოსანს. ამ საშინელებას ისინი ტერორისტ ინაშვილის ხალხისაგან დაშინების გარეშე რატომ ჩაიდენდნენ?

ჩანს მაზრის უფროსი ყარამან ფალავა ხედავდა, რომ პატიმრებს ჩვენებების მიცემისას ეს მოტივები – შიში ან ახლობლობა ამოდრავებდათ, იფიქრა, ფშავლიშვილი მეგობრობს მოძღვრიშვილთან, მას არ უნდა გასცეს მოძღვრიშვილი და დაასახელოს როგორც მკვლელობის მონაწილე. ამიტომ იმ ოთხ კაცში ერთ ასახელებს ვილაც იმერელს, ამით კი მოძღვრიშვილს უქმნის ალიბსო.

ასე რომ, პირველი ვერსია „უცნობი იმერელის“ შესახებ ეკუთვნის მაზრის უფროს ფალავას. ის თავიდან ფიქრობდა, რომ იგი მოძღვრიშვილი იყო, მაგრამ ძიებამ ეს არ დაადასტურა. მოძღვრიშვილი კი ჩაითვალა მკვლელობის თანამონაწილედ. მაგრამ არა „ვილაც იმერლად“.

ვერსია №2

უკვე ითქვა, რომ „ვილაც იმერლად“ ბერბიჭაშვილის ბიძა და ერთი თავადი ყაჩაღ სანდრო ოზიევს (ოძიშვილს) ასახელებდნენ. ძიებამ ეს ვერსიაც შეამოწმა და უარყო, ოძიშვილი გაამართლეს და გაუშვეს.

ვერსია №3

„ვილაც იმერლად“ საბჭოთა სასამართლო პროცესზე გიგლა ბერბიჭაშვილმა დაასახელა ლადო ფეიქრიშვილი. ფეიქრიშვილს ილიას მკვლელობაში რაღაც ფორმით მონაწილეობა მიღებული ჰქონდა, რაც ჩანს იქიდან, რომ ის ფშავლიშვილთან ერთად სწორედ ილიას მკვლელობის გამო იქნა დაჭერილი. ფეიქრიშვილი რომ რაღაც ფორმით იმ საქმეში გარეული იყო ჩანს ერთი ყაჩაღის ვინმე ფილიპე მადმანაშვილის ჩვენებიდან, რომელიც ილიას მკვლელობის გამო იყო აყვანილი და რომელმაც გამოძიებასთან საიდუმლოდ ითანაშრომლა. ფეიქრიშვილმა სთხოვა ფშავლიშვილს ილიას ნაძარცვი ოქროს სათვალეები თავისი ცოლისთვის ბეჭდის გასაკეთებლად. განაჩენის გამოტანის შემდეგ, 1909 წელს ფეიქრიშვილს უკვე მეეტლეც დაასახელებს. რაკი იმ ოთხ კაცში ფეიქრიშვილი არ იყო, სავარაუდოა, რომ მეეტლეს ის წინა დღეს შეხვდა და მუქარით აიძულა გაეკეთებინა ის, რაც მეეტლე ლაბაურმა ჩაიდინა.

სავარაუდოა, რადგან ლაბაურთან ისეთი კაცი უნდა მისულიყო, რომელსაც ის შიშით ვერ გასცემდა. საგურამოს ტყეში დაბანაკებული ყაჩაღების უფროსი (ჰყავდა 12 კაციანი რაზმი) ფეიქრიშ-

ვილი იყო. იქაურობას სწორედ ის სცემდა შიშის ზარს. ამ ნიშნით ფეიქრიშვილს ჰქონდა მთავარი მონაცემი საიმისოდ, რომ ილიაზე თავდამსხმელთა ბანდის მეთაურად სწორედ იგი შეერჩიათ. მაგრამ მის „ვილაც იმერელთან“ იდენტიფიცირება მაინც არ დაუშვა მაშინდელმა სასამართლომ. ალბათ სამართლიანადაც, საქმე ის არის, რომ ლაბაური ბოლო ჩვენებაში ფეიქრიშვილს კი ასახელებს, მაგრამ მასთან ერთად ასახელებს იმერელსაც.

ცხადია, თეორიულად შეიძლება დავუშვათ ზემოთჩამოთვლილი ნებისმიერი ყაჩაღის იმერელთან იდენტიფიცირება, მაგრამ ყველა ისინი მაშინდელ ძიებას დაპატიმრებულნი ჰყავდა და ეს გამორიცხა თვით ძიებამ.

ყაჩაღი ფეიქრიშვილის გამოსარიცხად, როგორც „ვილაც იმერლისა“, მეტყველებს ის ფაქტიც, რომ საბჭოთა სასამართლომ ბერბიჭაშვილს სწორედ ის დაასახელებინა – იმერელი ფეიქრიშვილი იყო. საბჭოთა სასამართლოს მიზანი ის იყო, რომ დაემალა ნამდვილი „იმერლის“ ვინაობა, ვინაიდან „იმერელი“ იყო ბოლშევიკების კომიტეტიდან მივლენილი ბანდის ორგანიზატორი. საბჭოთა სასამართლოს განაზრახით „იმერელი“ ბოლშევიკი არ უნდა ყოფილიყო, ამიტომ „იმერლად“ დასახელდა ლადო ფეიქრიშვილი, რომელიც ბოლშევიკების პარიტასთან არ ასოცირდებოდა.

ვერსია №4

აღ. შუშანაშვილს ჰქონდა მოსაზრება, რომ იმერლის არსებობა მითია, თეორიულად ესეც დასაშვებია, მაგრამ რა ვუყოთ იმ ფაქტს, რომ უშუალო თავდამსხმელებად ყველა ოთხ კაცს ასახელებს, სამი ვიცით, მეოთხე არაა. რისთვის შეკრა ყველამ ერთად პირი და გამოიგონა არარსებული მეოთხე მკვლელი?

ცხადია, ის მეოთხე წარმოშობით იმერელი შესაძლოა სულაც არ ყოფილიყო და ეს იმერლობა ბანდის მეთაურის გასასაიდუმლოებლად მოიფიქრეს მკვლელებმა და იმერლად მონათლეს, ვთქვათ, ვინმე მცხეთელი ან საგურამოელი, ან სხვა ვინმე. მაგრამ ფაქტია, მეოთხეს ვინაობა, რომელიც რეალურად არსებობდა, გასაიდუმლოებული დარჩა.

ვერსია №5

ყველა ის პირი, ვინც ზემოთ იქნა შესაძლო იმერლად დასახელებული – მოძღვრიშვილი, ოზიევი (ოძიშვილი) თუ ფეიქრიშვილი ფიგურირებს ილიას მკვლელობასთან დაკავშირებულ იმჟამინდელ

მასალებში, მაგრამ დღეს არც სამეცნიერო წრეები და არც ფართო მკითხველი მათ იდენტიფიცირებას იმერულთან არ ახდენს, შესაძლოა ბევრს პირველადაც ესმის ეს გვარები.

სამაგიეროდ, დღეს თითქმის მთელი საქართველო დაჯერებულია, რომ ვილაც იმერელი იყო სერგო ორჯონიკიძე.

არადა, სერგო ორჯონიკიძის ვინაობა ილიას მკვლევლობასთან მიმართებაში, როგორც „ვილაც იმერლისა“ მე-20 საუკუნის 30-იან წლებამდე არსად, არც პრესაში, არც მემუარებში, ცხადია, არც სასამართლო მასალებში, არ გაჟღერებულა.

რა მოხდა? ნუთუ ილიას მკვლევლობიდან თითქმის 30 წლის შემდეგ მართლა დადგინდა „ერთი იმერლის“ ვინაობა, დადგინდა ის, რასაც თავი ვერ მოაბა მეფის სასამართლომ?

უცნაური კია, მეფის მთავრობამ ვერ ამხილა თავისი რეჟიმის მტერი, უპოვარი და არალეგალურად მცხოვრები 21 წლის ტერორისტი, ძებნაში მყოფი სერგო ორჯონიკიძე და იგივე ორჯონიკიძე მხილებულ იქნა სწორედ მაშინ, როცა დედამიწის ერთი მეექვსედის მცხოვრებთა მიერ ლამის ბელადად შერაცხულ იყო?

იმდენად არის ჩვენს საზოგადოებაში გამჯდარი აზრი ილიას მკვლელ „იმერელსა“ და ორჯონიკიძის იგივეობის შესახებ, რომ ეს მეც ასე მწამდა და უკრიტიკოდ ვიღებდი ცალკეულ მეცნიერთა ნაშრომებს, რომელშიც „იმერელი ბიჭისა“ და ორჯონიკიძის იგივეობაზეა საუბარი. მაგრამ კვლევამ დამარწმუნა, რომ ორჯონიკიძისა და „ერთი იმერელის“ იდენტიურობა ფრიად სათუო რამ გახლავთ.

სერგო ორჯონიკიძემ საქართველო დაიპყრო, მის პარტიულ ძმასთან სოსო ჯუღაშვილთან ერთად საქართველოს კარაქივით ჩამოსჭრა ძირძველი ტერიტორიები, იმდენი ცოდვა და სისხლი ადევს კისერზე, ან რალა გარეცხავს, ან რალა გააშავებს, მაგრამ ისტორია ჩვენი სიმპატიანტიპატიებით არ იწერება.

ორჯონიკიძე, როგორც ძველი ბოლშევიკ-ტერორისტი ერთ-ერთი შეუცვლელი კანდიდატია საიმისოდ, რომ ილიას პირისპირ ბერდანკით ხელში მდგარიყო, მაგრამ თუ არ ჩანს რომ ეს ასე იყო?

ამ მხრივ ყველაზე დამაჯერებელი არგუმენტები მოიყვანა განსვენებულმა ისტორიკოსმა შოთა ბადრიძემ.

ვიდრე შოთა ბადრიძის არგუმენტებს მოვიშველიებთ, იმ წანამძღვარზე ვისაუბროთ, თუ რამ გამოინვია ესაოდენ იდუმალეებით მოცული საკითხის ასე მარტივად გადაწყვეტა – ვილაც იმერელი იყო სერგო ორჯონიკიძე.

ახლა ეს იდუმალი საკითხი კი არა, თითქოს ისე დღესავით ნათელია, თითქოს ფაქტის ამსახველი კინოფირი შემოგვრჩენოდეს.

საქმე ის გახლავთ, რომ XX საუკუნის 80-იან წლებში საქართველოს ეროვნული ენერჯის განახლება, ისევე ილიას სახელის ხელახალი გაბრწყინებით დაიწყო.

ტყვიამ თავისი საქმე გააკეთა. ილია ფიზიკურად მოკლა, მაგრამ ტყვიას ყველაფერი როდი შესძლებია, ილიამ მკვდარმაც დაამარცხა ბოლშევიკები. ილიას სახელის ხელახალი აღზევება, როგორც დამოუკიდებელი საქართველოსთვის მებრძოლისა, საქართველოს პოლიტიკური ასპარეზიდან ბოლშევიკთა სამარცხვინო გაძევების ფონზე ხდებოდა.

სერგო ორჯონიკიძე, როგორც ჩექმიანი რუსეთის სიმბოლო, როცა 80-იან წლებში ილიას მკვლელად უკვე მითქმა-მოთქმით კი არა, გამოკვლევებში დასახელდა, ამით მეცნიერულ ცნობისმოყვარეობაზე მეტად პოლიტიკური უინი მოიკლა ქართველმა კაცმა. ეს უინი გამოიხატებოდა იმაში, რომ სიძულვილი გამოეხატა ყოველივე საბჭოურის მიმართ, რომლის სიმბოლოდ სერგო ორჯონიკიძე ქცეულიყო. (სტალინს ამაშიც ბედი წყალობს რატომღაც)...

ასე რომ, სერგოს სახელის „ერთ იმერელთან“ გაიგივებამ, რაც ბერიას ეპოქაში ზეპირი ჭორის სახით აგორდა, იმჟამად შიდა სახელისუფლებო ინტრიგები წარმოაჩინა, ხოლო 80-იანი წლების ბოლოს დიდი საქმე გააკეთა – ეროვნული ნერვის კიდევ შეტად აღგზნებას შეუწყო ხელი.

საინტერესოა, რომ სწორედ 80-იან წლებში გამოიცა აკაკი ბაქრაძის წიგნი ილიაზე, რომელშიც საბჭოთა ეპოქის მანძილზე ჩვენში პირველად იყო საუბარი სოც-დემოკრატთაგან ილიას მოკვლის შესახებ. მიუხედავად იმისა, რომ ეროვნული მოძრაობის ლიდერმა აკაკი ბაქრაძემ შესანიშნავად უწყობდა მთელი ის მითქმა-მოთქმა რაც ბერიას დროიდან მოყოლებული, ორჯონიკიძის წინააღმდეგ იყო აგორებული, ის ძალიან ფრთხილად მიუდგა ამ საკითხს და „იმერელის“ ვინაობა კვლავ გამოცანად დატოვა. განაცხადა „არავინ უწყის, მოხერხდება თუ არა მისი დადგენა ოდესმე“.

იმ ფონზე როცა თვით აკაკი ბაქრაძე ფრთხილობდა ორჯონიკიძისათვის დაედო ხელი, ზოგიერთი ყოფილი პარტიული ფუნქციონერი თავგამოდებით ამტკიცებდა ორჯონიკიძის დანაშაულს საუკუნის ტრაგედიაში, მათ შორის ერთი ისეთიც გახლდათ, რომელიც თავის დროზე ბერიას დავალებებს ასრულებდა და რომელიც 30-იან წლებში ასევე თავგამოდებით ამტკიცებდა, რომ ილია მეფის

„ოხრანკამ“ მოკლაო. ის წერილი აღარავის ახსოვდა, ეს კი მგზნებარე ანტიკომუნისტად მოვლენილიყო.

ისტორიას უყვარს პარადოქსები, გასული საუკუნის 80-იანი წლების ბოლოსა და 90-იანი წლების დასაწყისში, ბევრი ყოფილი ბოლშევიკი რომის პაპზე მეტ კათოლიკედ იქცა. მათი ნაწილი შესაძლოა გულწრფელი იყო, მაგრამ ვერც იმას გამოვრიცხავთ, რომ ბევრს ეროვნული ლოზუნგებით თავისი ძველი ანტიეროვნული საქმიანობის ჩაფარცხვა სურდა.

ბუნებრივია იყო ხალხი, რომელთაც სწორედ ბოლშევიკებისადმი ზიზლის გამო, ეჭვიც არ ეპარებოდათ ორჯონიკიძე რომ იქნებოდა ილიას მკვლელთა შორის და წერდნენ მის როლზე ამ საშინელ ტრაგედიაში, მაგრამ მკვლევარის ამოცანა არის არა მითის შექმნა ან გამყარება, არამედ ისტორიული სინამდვილის აღდგენა.

რა არგუმენტები არსებობს იმის დასადასტურებლად, რომ სწორედ სისხლიანი ორჯონიკიძე იყო „ერთი იმერელი“, ანუ ილიას მკვლელთა ბანდის მეთაური?

ამ ვერსიას მხარს უჭერენ ავტორები: ალ. სიგუა, ვ. გურგენიძე, გ. შარაძე, გ. ყორანაშვილი და სხვები.

ეს ვერსია არ გაიზიარეს აკ. ბაქრაძემ, შ. ბადრიძემ, ალ. შუშანაშვილმა, მ. კეკელიამ და სხვებმა.

იმედია არავინ იფიქრებს, რომ, ვთქვათ, ანტიკომუნისტ აკაკი ბაქრაძეს ნაკლებად სძულდა სერო ორჯონიკიძე, ვიდრე რომელიმე სანინალმდეგო პოზიციის მქონე ავტორს.

საქმე ეხება ფაქტებს და არა ფაქტებისადმი ჩვენს სუბიექტურ დამოკიდებულებას.

ვნახოთ რა არგუმენტები არსებობს ს. ორჯონიკიძისა და „ვილაც იმერელის“ იგივეობის დასადასტურებლად.

არგუმენტები უნდა გაიყოს ორ ნაწილად. რა არგუმენტები არსებობდა 1907 წლიდან – 30-იან წლებამდე და შემდეგ.

რატომ უნდა გამოვყოთ ეს ორი პერიოდი ქვემოთ მოგახსენებთ.

ილიას მკვლელობის შემდეგ „ვილაც იმერელის“ აღმოჩენას გულმოდგინედ ცდილობდა გამოძიება. ძიების სხვადასხვა ეტაპზე ეჭვი შეტანილ იქნა ყაჩაღ ოზიევზე (ოძიშვილზე) გლახ მოძღვრიშვილზე, საბჭოთა სასამართლოში კი „იმერლად“ ყაჩაღი ლადო ფეიქრიშვილი დაასახელა ბერბიჭაშვილმა. თავიდან უარყოფდა „იმერელს“ არ ვიცნობ და იქ სულ არ ყოფილაო, შემდეგ დაასახელებინეს...

ილიას მკვლევლობის შემდეგ ორჯონიკიძე ეჭვმიტანილი არ ყოფილა. თუმცა, ეს არაფერს ნიშნავს. ვნახოთ რა ფაქტებს ეყრდნობიან მკვლევარნი ადრეულ პერიოდთან დაკავშირებით.

1) მათი ამოცანა არის გარეგნული მსგავსება მოიძებნოს „იმერელსა“ და ორჯონიკიძეს შორის. ეს სინამდვილის აღდგენის ერთ-ერთი სწორი გზა გახლავთ, მაგრამ, საუბედუროდ, „იმერელის“ გარეგნული პორტრეტი სასამართლო მასალებში აღარ არსებობს.

დაჭერილი ჰყავდათ მკვლევლები, ეძებდნენ მათ მეთაურს. ხომ წარმოუდგენელია არ ეთქვათ. კარგით, მისი გვარ-სახელი არ იცით, მაგრამ გარეგნულად აღგვიწერეთო. ასეთ კითხვაზე ხიზანიშვილი, ფშავლიშვილი და ინაშვილი, რომლებთან მთელი წინა დღე და ღამე დაჰყო „იმერელმა“, ხომ ვერ იტყოდნენ, როგორ გამოიყურებოდა ესეც არ ვიცითო?

ცხადია, სასამართლო მასალებიდან, მეფის მთავრობის შემდეგ, შერჩევით ამოიღეს ის დოკუმენტები, რომელნიც სოც-დემოკრატებს არ აწყობდათ. მათ შორის გაქრა კომიტეტიდან მივლენილი კაცის გარეგნული აღწერაც. ამ დანაკლისის შევსებას ზოგიერთი მკვლევარი ასე შეეცადა.

ა) „იმერელი“ მკვლელთა შორის იყო ყველაზე ახალგაზრდა. მაგრამ თუ პორტრეტის აღწერა დაკარგულია, საიდან ვიცით ეს? ჯერ ერთმა მკვლევარმა დაწერა, შემდეგ კი გადაუმონმებლად მეორემ, მესამემ, მეოთხემ გაიმეორა – „იმერელი ბიჭი“. რატომ? იმიტომ რომ ორჯონიკიძე 1907 წელს 21 წლის იყო, სხვა მკვლევლები ცოტა უფროსები.

საქმე ის გახლავთ, რომ ბიჭად „იმერელი“ დაკითხვის არცერთ ოქმში და, საერთოდ, არცერთ დოკუმენტში არ იხსენიება. ყველგან მას ახსენებენ ასე – „იმერელი“, „ერთი იმერელი“, „ვილაც იმერელი“ ან „უცნობი იმერელი“.

შესაძლოა ეს „იმერელი“ მართალაც ყველაზე ახალგაზრდა „ბიჭი“ ყოფილიყო, მაგრამ დოკუმენტებში ბიჭი არ იხსენიება.

ბ) სასამართლო მასალებში არა, მაგრამ თითქმის 100 წლის შემდეგ ჩნდება „ბიჭის“ პორტრეტიც – „ახალგაზრდა, ხუჭუჭათმიანი, კეხიანი ცხვირით“. „თბილისის საპოლიციო უბნებში მკვლელ იმერელს თურმე ასეთი ნიშან-თვისებებით ახასიათებდნენ“, ამას წერს ერთი პუბლიცისტი, და იმეორებს მეორე მკვლევარი. ეს დახასიათება ზედგამოჭრილია სერგო ორჯონიკიძის მიმართ, მაგრამ პუბლიცისტი წყაროს არ მიუთითებს. ვერც მიუთითებდა, რადგან „იმერელთან“ მიმართებაში ასეთი დახასიათება არც ერთ

დოკუმენტში არ არის მოცემული. ზოგადად შეიძლება ეძებდნენ კიდევ დამნაშავეს, რომელიც იყო ახალგაზრდაც, ხუჭუჭთმიანიც და კეხიანი ცხვირით. მაგრამ „ვინმე იმერელს“ ამ დახასიათებით არავინ ეძებდა. ასეთი დოკუმენტი არ არსებობს, მაგრამ ხომ აქვს მკვლევარს უფლება თუ ილიას მკვლელობის შემდეგ პოლიცია ეძებს ახალგაზრდას, ხუჭუჭთმიანსა და კეხცხვირიანსა ის სერგო ორჯონიკიძესთან დააკავშიროს? იქნებ პოლიციამ არ ჩანერა „იმერელი“, რადგან არ იციან ეს სიტყვა მეტსახელია თუ წარმოშობას ალნიშნავს, ამიტომაც მხოლოდ გარეგნული აღნერობით ეძებენ მკვლელს?

ეს ვერსია დასაშვებია, მაგრამ თუ ასი წლის შემდეგ ამ აღნერილობამ მკვლევარს სერგო ორჯონიკიძე გაახსენა, უფრო დასაშვებია არ არის მაშინდელ ძიებასაც გახსენებოდა ამ დახასიათებით ორჯონიკიძე, და სწორედ მასზე მიეტანათ ეჭვი? რა იცოდნენ ვინ იყო ორჯონიკიძე და როგორ გამოიყურებოდაო? – გაჩნდება კითხვა. იცოდნენ, მისი პორტრეტიც ჰქონდათ, მისი გვარი-სახელიც უწყოდნენ და სწორედ იმ დროს, სხვა საქმის გამო, ძებნა იყო მასზე გამოცხადებული.

ს. ორჯონიკიძე დაპატიმრებულ იქნა 1904 წლის 24 დეკემბერს, გუდაუთაში, იარალის შემოტანის გამო. ასე წერენ მისი ბიოგრაფები. აქ ერთი „პატარა უზუსტობაა“ გაპარული... იარალი შემოიტანეს სოც-ფედერალისტებმა, ამაზე ზემოთ ჩვენ ვწერდით. კერძოდ, გუდაუთაში გადაზიდეს თედო სახოკიას მეთაურობით.

სერგოს როლი კი იმაში მდგომარეობდა, რომ ზღვის ნაპირზე ნვალებით გადმოტანილი იარალიანად, რომელიც არ ვიცით მოიპარა თუ შეისყიდა, როცა გზად მიმავალი დააპატიმრეს, მან მიუთითა ის ადგილი, საიდანაც იარალი წამოიღო, ანუ დააბეზლა ფედერალისტები. ეს ორჯონიკიძის არც ერთ ბიოგრაფიაში არ წერია, პირიქით, ყველა მკვლევარი მისი მოყვარული თუ მოძულე, ალნიშნავს, იარალის შემოტანაზე დააპატიმრესო.

აბა ვნახოთ, ჟანდარმერიის ეს ცნობა იარალის შემოტანას უსვამს ხაზს თუ „ჩაშვებას“?

ვრცელი ტექსტის მოკლე შინაარსს გადმოგცემთ: 1905 წლის დეკემბრის დამდეგს გაგრაში თავად ალექსანდრე ინალიფასთან მივიდა 12 შეიარაღებული კაცი. ვინაიდან ზღვაზე ცუდი ამინდია, იარალი შენს მამულში უნდა ჩამოვტვირთოთო. ინალიფა შეშინდა და თავიდან უარი თქვა, მაგრამ იძულებული გახდა დათანხმებულიყო. დაუყენეს მამულს დარაჯები. თბილისში დაამკვიდრეს.

სოფ. ბომბორის მამასახლისმა სტეფანოვმა 24 დეკემბერს ეჭვი აიღო 2 ცარიელ დროგზე, რომლებიც ზღვის ნაპირისკენ მიემართებოდნენ და ყაზახებს შეატყობინა. ყაზახები გაემართნენ ზღვის მიმართულებით. შეხვდათ ორი უცნობი პირი, რომლებიც ყაზახების დანახვაზე ტყეში შეცვივდნენ. შემდეგ ყაზახებს შემოხვდათ დროგი, რომელშიც ისხდნენ გუდაუთის საავადმყოფოს ფერშალი სერგო ორჯონიკიძე და რამდენიმე კაცი. ესენი ყაზახებმა გაჩხრიკეს. ნაბად ქვეშ ჰქონდათ ორი ხიშტი და სამი თოფი. მათ განაცხადეს, რომ თოფები და ხიშტები იპოვეს ზღვის ნაპირას. წავიდნენ ყაზახები და მითითებულ ადგილას მართლაც 10 კაცი და იარაღი დააკავეს. (უფრო დანვრილებით იხ. „რევოლუციი მატჩანე“, 1925. №3, გვ. 133-134). დაკავებულ ფედერალისტ თედო სახოკიას სხვებთან ერთად მიესაჯა გადასახლება. გურჯიევს და ორჯონიკიძეს კი, რომელთა მითითების საფუძველზეც მოძებნეს იარაღი, ციხე. პირველს 1 წელი, მეორეს 8 თვე. ორჯონიკიძე გათავისუფლებულ იქნა თავდებში 500 მანეთის გირაოს შეტანით.

ახლა მკითხველმა განსაჯოს, ის იარაღის შემოტანისათვის დაუპატიმრებიან თუ არა...

თავდებით გათავისუფლებული ორჯონიკიძე მიიმალა, რის გამოც დაეძებდა პოლიციის დეპარტამენტი, თანახმად ცირკულარისა №150032. ეს ცირკულარი გამოცემულია 1907 წლის 18 ივნისის თარიღით.

1907 წლის მეორე ნახევარში ბაქოს ოხრანის პუნქტმა აგენტებისაგან მიიღო ცნობა, რომ ბალახანაში (აზერბაიჯანშია) მცხოვრები ფერშალი ორჯონიკიძე არალეგალური პიროვნებაა, ეკუთვნის რსდმპ ბაქოს ოგანიზაციას და მისი კონსპირატიული მეტსახელი არის „სერგო“. (ოფიციალურად გრიგოლი ერქვა).

1907 წლის ნოემბრის 3-ს ის გაჩხრიკეს და 4-ს დააპატიმრეს.

1908 წლის 27 მარტს თბილისის სასამართლო პალატამ სახელმწიფო დანაშაულისათვის მიუსაჯა გადასახლება და გაგზავნილ იქნა ჯერ ქუთაისის, სოხუმის ციხეებში და შემდეგ ციმბირში, ენისეის გუბერნიაში, საიდანაც ის გამოიქცა 1909 წელს.

ეს არის ორჯონიკიძის ბიოგრაფიის იმჟამინდელი დეტალები. ახლა ვიკითხოთ, თუ პოლიცია ეძებს უცნობ იმერელს, რომლის აღწერილობა ჰგავს ორჯონიკიძისას, იმავე დროს 1907 წლის ივნისის თვიდან გამოდის ცირკულარი, რომლითაც თვით ორჯონიკიძეს ეძებენ და 4 ნოემბერს იჭერენ კიდევ, ასე გონებასუსტები როგორ იყვნენ მათ მიერ აღწერილი დევნილის მსგავსება მათ მიერვე

დაჭერილ კაცთან აზრად არ მოსვლოდათ? 100 წლის შემდეგ კი მკვლევარი ამტკიცებს, ეძებდნენ იმერელს ("იმერელი" თავად ჩაუმატა), რომელსაც ხუჭუჭი თმები და კეხიანი ცხვირი ჰქონდაო.

ვფიქრობ, ამკარაა, რომ როგორც პირველი, ისე მეორე „არგუმენტი“, რბილად რომ ვთქვათ, უსაფუძვლოა.

არის სხვა „არგუმენტებიც“, რომელთა სერიოზული განხილვა არ ღირს. მაგალითად, 4 კაცში ერთი საშუალო სიმაღლისა იყო და რომ სერგო ყოფილა საშუალო სიმაღლისა (თუმცა, ვგონებ, ესეც არ არის სწორი).

რომ 4 კაცში 2-ს ჰქონდა წვერ უღვაში და ორს მხოლოდ უღვაში და ა.შ.

ერთ-ერთ არგუმენტად განიხილება ორჯონიკიძის ჩანაწერი 1906 წელს პატიმრის ანკეტაში, რომელშიც ვკითხულობთ –

Народность — Имеретинец

რომ ამ ჩანაწერით უნდა ვიფიქროთ, შესაძლოა სერგოს მეტსახელი ჰქონდა იმერელიო.

საქმე ის გახლავთ, რომ მაშინ, როგორც ზემოთ აღვწერდით, გარდა ქართლელისა, ყველა ეროვნებით ან იმერლად, ან აჭარელად, ან ხევსურად და ა.შ. ჰყავდათ მონათლული რუსებს. ქართველს მხოლოდ ქართლელს ეძახდნენ. ჩვენი ეროვნული ცნობიერებაც ისეთი იყო, ფერშალი ორჯონიკიძე კი არა, ბანკის კრებაზე მაღალი საზოგადოების ორატორი გამოვიდა და თბილისში ჩამოსული ვილაც იმერელი ჩვენს საქმეებში რატომ ერევაო, განაცხადა.

ამაზე ჩვენ უკვე ვწერდით, ილია ჭავჭავაძემ რა დღე აყარა ამ „პატრიოტ“ „ქართველს“. მერედა ვინ იყო უცხო იმერლობისა გამო, ამ ჩიტირეკია ორატორის აზრით, აღარ იკითხავთ? – ნიკო ნიკოლაძე.

ამ ფონზე ფერშალმა ორჯონიკიძემ რატომ ჩანერა ეროვნება იმერელიო, ამის კითხვა, ვფიქრობ, არც ღირს, მით უფრო შორსმიმავალი დასკვნის გაკეთება.

აი, ეს არის სულ ის „არგუმენტები“, რომელიც ილიას მკვლევლობიდან მოკლე ხანებში ორჯონიკიძისა და „იმერელის“ იგივეობას „ადასტურებს“.

სამაგიეროდ, ამ იგივეობის საბუთები უხვად მოიპოვება 30-იანი წლების შემდეგ. მათი განხილვა არის შეუძლებელი. ეს არის მოგონებები სხვადასხვა პირებისა, რომ „იმერელი“ იყო ორჯო-

ნიკიძე. ამ მოგონებებს ან უნდა ვენდოთ, ან არა. არგუმენტებით მათზე ვერ იმსჯელებ. მაგრამ ტყუილის მოკლე ფეხები ხშირად თავად გამოჩნდება ხოლმე.

მაგალითად, როცა სასამართლო პროცესზე ბერბიჭაშვილი ვითომ ყვება ათას რამეს და მისი მონაყოლის გადასამონმებლად ფილიპე მახარაძესთან გარბიან, შემდეგ კი როგორც ბერბიჭაშვილის მონაყოლს, ისე მახარაძის პასუხს მკვლევარები მეცნიერული საბუთების ძალას აძლევენ, ამ საბუთების უარყოფა ადვილია.

ჩახედავ კაცი თარიღებს და მიხვდები, ბერბიჭაშვილის სასამართლო პროცესზე „ნათქვამს“ მახარაძე კომენტარს ვერ გაუკეთებდა იმ უბრალო მიზეზის გამო, რომ სასამართლო პროცესი 25 დეკემბერს დაიწყო, მახარაძე კი პროცესის დაწყებამდე 15 დღით ადრე, 10 დეკემბერს მოკვდა...

ადვილია, მაგალითად, უარყო თითქოსდა ყარამან ფალავას ნაამბობი, რომელსაც ბერიასთან დაახლოებული ალ. სიგუა გადმოგვცემდა.

ფალავამ 1933 წელს მითხრაო, მაშინ „ჩემთან ხშირად მოდიოდნენ და გადაჭრით და მტკიცედ მეუბნებოდნენ ილია ჭავჭავაძის ერთ-ერთი მკვლელი სერგო ორჯონიკიძეაო“. თან თურმე გვარებიც დაუსახელებია ვინც ამას ეუბნებოდა, მათგან ორი დეფერალისტი იყო. ვითომ ფალავას მოგონებაც მეცნიერულ არტუმენტად იქცა. კი, მაგრამ, მაზრის უფროსმა ფალავამ თუ იმთავითვე იცოდა ორჯონიკიძის შესახებ, მაშინ შეეშინდა 21 წლის ორჯონიკიძის, ძებნაში მყოფის, შემდეგ დაპატიმრებულის, არაფერი სთქვა და 1933 წელს, როცა რკინის სერგო ზენიტში იყო, სიგუას, ანუ ლავრენტი ბერიასთან დაახლოებულ პირს, გაუმხილა ეს საიდუმლო?

ამდგვარ მოგონებებზე არგუმენტირებული პასუხები აქვს გაცემული შოთა ბადრიძეს, ამიტომ მსჯელობას აღარ გავაგრძელებ, აღვნიშნავ მხოლოდ იმას, თუ მაინცდამაინც 30-იან წლებში, ანუ დროის ერთსა და იმავე მონაკვეთში რატომ აეშალა ყველას ერთად საღერღელი გაელაშქრათ რკინის სახკომის წინააღმდეგ.

ამის პასუხს იძლევა ისტორიკოსი შ. ბადრიძე.

1960 წელს შექმნილა კომისია, რომელიც იძიებდა თავის დროზე კიროვის საიდუმლოდ მკვლელობის მასალებს.

ამ კომისიამ დაადგინა. პარტიის XVII ყრილობის წინ ორჯონიკიძის ბინაზე ჩატარებულა საიდუმლო შეკრება სტალინის გადასაყენებლად. ამ საიდუმლო სერობას ესწრებოდნენ დელეგატები: კოსიორა, ბიხუი, შებოლდაევი, შარანგოვიჩი: სტალინის ნაცვლად

მათ სურდათ კიროვის არჩევა. კიროვმა, მართალია, უარი თქვა, მაგრამ მალე მას მაინც გააქრობენ.

ყრილობის 292 დეპუტატს სტალინის წინააღმდეგ მიუცია ხმა. როცა ხმათა დათვლის შემდეგ ეს ბელადს მოახსენეს, მან ბრძანა, დაენვათ 289 ბიულეტენი და გამოეცხადებინათ წინააღმდეგი მხოლოდ 3. ასეც მოხდა და სტალინი დარჩა პირველ პირად. მაგრამ ყრილობის დელეგატთა უმრავლესობა მოსპეს, ასევე ხმის დამთვლელი კომისიის 63 კაციანი შემადგენლობიდან 60 დახვრიტეს.

ძნელი წარმოსადგენი არ არის რა დღეში ჩავარდებოდა ორჯონიკიძე. ეტყობა მანამდეც გაციებული ჰქონდათ ორ ძველ მეგობარსა და ორ ძველ ტერორისტს ურთიერთობა. ამიტომ ორჯონიკიძე განწირული იყო, რაც მისი თვითმკვლელობით თუ მკვლელობით დამთავრდა. ბერიამ ძმაც დაუხვრიტა.

რომ არა შიდასახელისუფლებო ინტრიგა, ორჯონიკიძე ილიას მკვლელი რომც ყოფილიყო, ბერია და მისი ხალხი კრინტსაც ვერ დაძრავდნენ. მაშინ ჯერ კიდევ ბერბიჭაშვილს არ ერჩოდნენ და ილიას გამო სერგოს წაეკიდებოდნენ?

სერგოსგან ყველა უბედურება მოსალოდნელი იყო, მაგრამ ყოველივე ზემოთქმული მის „იმერელ ბიჭად“ წარმოჩენის ვერსიას ეჭვის ქვეშ აყენებს.

მთავარი ის არის, რომ ის მოგონებები, რომლებითაც ორჯონიკიძეა მხილებული, ცნობილი გახდა ალ. სიგუას ნიგნიდან. იგივე სიგუა კი ასევე მოგონებებზე დაყრდნობით 30-იან წლებში ამტკიცებდა, რომ ილია ჯაშმა და მეფის ოხრანკამ მოკლა...

ვფიქრობ, მწერალ რეზო ჭეიშვილს არ ლალატობს ინტუიცია, როცა წერს: „სერგო ორჯონიკიძეს შეეძლო ჩასვლა თბილისში, (გულისხმობს იმას, რომ სერგო ბაქოში იმყოფებოდა, - ნ.გ.) მცხეთაში, საგურამოშიც კი, თავისთავად ცხადია, მაგრამ ნიშნავს ეს რაიმეს? იყო კი მისი გამოძახება საჭირო? საქართველოში, სხვა ქალაქში, დაბაში, სოფელში, ტყეში ხომ ბლომად ჰყავდათ ნაცადი მსროლელები“.

მართლაც სერგოს ბაქოდან ჩამოსვლაც შეეძლო და არც ხელი აუკანკალდებოდა ილიას მოკვლაზე, აკი, აცხადებდა, ვაჟა-ფშაველას შვილი კი არა, ვაჟა რომ იყოს ცოცხალი, იმასაც დავხვრეტდიო, მაგრამ ილიას მოკვლა რაკი ბოლშევიკების რაიონულ ორგანიზაციას დაევალა, მისი განხორციელებაც დადგენილი წესით რაიონული ორგანიზაციის ტერორისტთა ჯგუფების მოვალეობაში შედიოდა, მოვალეობის მქონე ყაჩაღთაგან კი ერთი ყველაზე

გამოცდილი, დაუნდობელი და ბოლშევიკთაგან მრავალგზის ტერორში გამოცდილი ბოლშევიკ-ტერორისტი შეირჩა ილიას მკვლელების ბანდის მეთაურად.

ვფიქრობ, 100 წლის შემდეგ „უცნობი იმერელის“ გაშიფრვა არა მტკიცებით ფორმაში, მაგრამ ვერსიის დონეზე შესაძლებელია.

ვინ უნდა ყოფილიყო ის?

თავი VIII

დუშეთის მაზრის ყველაზე
საშინელი და მოუხელთებელი
გოლშევიკ-ტირორისტი
ანუ ბანდის მეთაური
„იმერელი“

(ახალი პერსია)



იმერლიშვილი

ბუნებრივია, როცა ურყევი მტკიცებულება ხელთ არ აქვს, მკვლევარი კატეგორიული არ უნდა იყოს.

ვერც ჩვენ ვიქნებით კატეგორიულნი იმაში, რა ვერსიასაც ქვემოთ შემოგთავაზებთ, მაგრამ თუ ჩვენთან ერთად მკითხველი ფაქტების ურთიერთკავშირის იმ ლოგიკას თვალს გაადევნებს, რომელსაც ქვემოთ წარმოგიდგენთ, იქნებ ჩვენი აზრი ილიას მკვლელთა ბანდის მეთაურის ვინაობის შესახებ გაიზიაროს კიდევ.

1) უნდა აიხსნას რატომ გახდა შეუძლებელი მეფის სასამართლოსა და ძიების მიერ „უცნობი იმერელი“ დადგენა, მიუხედავად იმისა, რომ ძიებას, როგორც ყველა მკვლევარი აღნიშნავს, ცდა არ დაუკლია.

2) შესაძლებელია თუ არა იმ არეალის, იმ წრის შემოსაზღვრა, რომელ წრეშიც „უცნობი იმერელი“ უნდა ვეძებოთ?

3) ცნობილია თუ არა ის პირი, ვინც დუშეთის მაზრაში სწორედ ბოლშევიკების დაკვეთით ახორციელებდა ტერაქტებს?

4) ჰქონდა თუ არა კავშირი დუშეთის მაზრის მთავარ ბოლშევიკ-ტერორისტს, თუ ასეთი არსებობდა, ილიას სხვა მკვლევებთან?

5) „იმერელი“ არის სადაურობის აღმნიშვნელი თუ მეტსახელი?

6) დაფასებულ იქნა თუ არა ასეთი ტერორისტი ბოლშევიკების ხელისუფლებაში მოსვლის შემდეგ?

ყველა ამ კითხვაზე ჩვენ გვაქვს დოკუმენტებით დადასტურებული დადებითი პასუხი.

დავიწყოთ პირველი კითხვის პასუხით.

1. რატომ ვერ შესძლო ძიებამ „იმერელის“ აღმოჩენა?

მაშ ასე, გამოძიებამ მეოთხე მკვლელის აღმნიშვნელი თიკუნი სიტყვა „იმერელი“ პირველად მოისმინა 1908 წლის 10 თებერვალს, როცა ფშავლიშვილი და ფეიქრიშვილი დააპატიმრეს. მათი ჩვენება გაამაგრა 17 თებერვალს დაჭერილმა ხიზანიშვილმა, მანაც ახსენა ერთი იმერელი.

ასე რომ, იმერელის ძებნა მხოლოდ 1908 წლის თებერვლიდან უნდა დაწყებულიყო. სავარაუდოა, რომ ყაჩაღებმა ფეიქრიშვილ-

მა და ფშავლიშვილმა იმერელის, ანუ ბანდის მეთაურის ვინაობა იცოდნენ, რადგან ერთი ც ყაჩალი იყო და მეორეც (ხიზანიშვილი გლეხი გახლდათ, ყაჩალის ცხოვრებით არ ცხოვრობდა და საქმეში მუქარით ჩართეს).

ყოველ შემთხვევაში, ყაჩალთუფროსი „იმერელი“ ყაჩალთუფროს ფეიქრიშვილს უეჭველად უნდა სცოდნოდა. ფეიქრიშვილის დაქვემდებარებაში მყოფი საგურამოს „ტყის ძმების“ ნევრი ფშავლიშვილი გამოძიებას კვალს ურევს, არ ასახელებს იმერელის ვინაობას და ამბობს, იმერელი ის კაცია, რომელიც ამას წინათ იარაღის ტარებაზე დაიჭირეს და რუსეთში გადაასახელსო. ამას წინათ, ანუ ნოემბერში, სერგო ორჯონიკიძე იყო დაჭერილი, თუმც რუსეთში ამ ჩვენების მიცემის დროს ჯერ კიდევ არ იყო გადასახლებული, არადა ეს ფაქტი ერთ-ერთი „არგუმენტი“ მკვლევართათვის სერგოსა და „იმერელის“ იდენტიფიცირებისათვის...

თუმცა, ჩვენი ვარაუდით, ფშავლიშვილმა და ფეიქრიშვილმა (მისი მეორე გვარია ჭრიკაშვილი, რუსული ჩანაწერების გავლენით იხსენიებენ ჩირიკაშვილად) იცოდნენ, რომ ამას წინათ, ანუ დეკემბერში „იმერელი“ სხვა საქმეზე მართლაც იყო დაჭერილი და მისი ნახვის ბედნიერება მალე მეტეხის ციხეში ელოდათ...

კიდევ ერთხელ გავითვალისწინოთ ის უცნაური რამ, რომ ეს ორი პატიმარი ჩვენებას იძლევა აყვანისთანავე, ყაჩალთუფროსი ფეიქრიშვილი გზაშივე გამოტყდება, პავლე ფშავლიშვილმა ესა და ეს მიაბზოო. საქმე ის არის, რომ ასახელებენ მხოლოდ იმ გვარებს, რომელნიც გამოძიებამ ისედაც იცის და ვისზეც ძებნა უკვე გამოცხადებულია. მალე ისინი წინა ჩვენებასაც კი უარყოფენ და თუ „იმერელი“ მეტეხის ციხეში დახვდათ, მას შიშით ვილა დაასახელებდა?

არადა, ეს „იმერელი“ (ჩვენთვის სავარაუდო) რომ უკიდურესად საშიში პირი იყო, ამაში ქვემოთ დარწმუნდება მკითხველი.

1908 წლის მაისში ფშავლიშვილი, ფეიქრიშვილი ანუ ჭრიკაშვილი და კიდევ ერთი ყაჩალი სხვა პატიმრებთან ერთად გარბიან მეტეხის ციხიდან.

1908 წლის დეკემბერში აპატიმრებენ ინაშვილს, რომელიც უკვე სამკვდრო-სასიცოცხლოდ არის გადაკიდებული ფშავლიშვილზე და ინაშვილის წყალობით ნორიოს მიდამოებაში (ნორიოში ფეიქრიშვილი, ანუ ჭრიკაშვილი ცხოვრობდა), მდევარი ორმხრივი სროლების დროს კლავს ფშავლიშვილს და ციხიდან გაქცეულ კიდევ ერთ ყაჩალს, რომელიც მეტეხის ციხიდან გაქცეულ მრა-

ვალ პატიმართაგან მაინცდამაინც ფშავლიშვილთან და ფეიქრიშვილთან ერთად აღმოჩნდა იმ ტყეში. იმდროინდელი პრესა ილიას მკვლელის განადგურების გამო არ აქტიურობს ისე, როგორც ამ მეორე ყაჩაღის გამო. ის იმდენად მიუხეღვრელი ყაჩაღია, მთავრობა გახარებულია მისი სიკვდილის გამო. ჩვენი ვარაუდით, „იმერელი“ სწორედ ის ყაჩაღი გახლდათ. თუ სავარაუდო „იმერელი“ 1908 წლის დეკემბერში მოკლეს, მაშინ მკვდარი მაინც რატომ არ გასცეს თანამზრახველებმა? როგორც გითხარით, მისი ვინაობა მხოლოდ 4 „ნითელრაზმელს“ შეეძლო სცოდნოდა, ფშავლიშვილს, ჭრიკაშვილს, ბერბიჭაშვილს და ინაშვილს. უფრო სავარაუდოა, რომ მისი ვინაობა მხოლოდ საგურამოს „ტყის ძმების“ უფროსს ფეიქრიშვილს სცოდნოდა და შემდეგ მისივე ბანდის წევრს პავლე ფშავლიშვილს.

ფშავლიშვილი დეკემბერში მოკლეს. ფეიქრიშვილი გაქცეულია, ბერბიჭაშვილი იმთავითვე დაიკარგა, ხოლო ინაშვილს თუ ეცოდინებოდა „იმერლის“ ვინაობა, მაინც ვერ იტყოდა მის შესახებ, რადგან მას ოჯახს გაუნადგურებდა იგივე „იმერელი“. როგორ? ის ხომ უკვე მკვდარი იყო? საქმე ის გახლავთ, რომ გაზეთებში გამოცხადებული ცნობა ფშავლიშვილთან ერთად ყველაზე საშიში ყაჩაღის მკვლელობის შესახებ, ცრუ აღმოჩნდა. (ამ ცნობამ შეცდომაში შეიყვანა ალ. შუშანაშვილი და თითქმის სწორ გზაზე დამდგარი მკვლევარი დააბნია).

დიდხანს მთავრობამ არ იცოდა, რომ მათ სულ სხვა ვიღაც მოჰკლეს. სამაგიეროდ, ყაჩაღელებმა, იცოდნენ, რომ მათი უფროსი ცოცხალი იყო.

„მეორედ“ ეს კაცი მდევარმა რამდენიმე წლის შემდეგ „მოკლა“. მაშინაც დიდის ამბით გამოცხადდა გაზეთებში, რომ ეს მოუხეღვრელი ყაჩაღი მოკლულია, მაგრამ მესამედ, 1914 წელს აღმოაჩინეს, რომ ის ვინც მოკლული ეგონათ, მხოლოდ ახალა მოუკლავთ.

ანუ ერთი ყაჩაღი „სამჯერ მოკლეს“. როგორ შეჰყავდა მას მთავრობა შეცდომაში?

მარტივად. ჩემის ფიქრით, თავდასხმისას მის გვერდით მოკლულ ყაჩაღს უკეთებდა საკუთარ ქამარს, ქამრის ბალთაზე კი ამოტივთრული იყო მისი ნამდვილი გვარი და სახელი.

„პირველი მკვლელობის“ დროსაც ეს გვარი და სახელი გამოცხადდა, მეორედ მოკლისასაც – ეს გვარი და სახელი. მან ქამრის წყალობით ორჯერ შეიყვანა პრესა შეცდომაში. ეს როგორც

ჩანს მისი მეთოდი იყო. ამას გვაფიქრინებს ის ფაქტი, რომ 1914 წელს, როცა ის ნამდვილად მოკლეს ისე, რომ თავდასხმას არ ელოდა და მოკლეს ლალატი მის მიერ გამწარებულმა მისივე ამფსონებმა, ის ამოიცნეს სწორედ ქამრით. (ყუმბარისაგან აფეთქებულს ხელ-ფეხი მოწყვეტილი ჰქონდა, სახე სრულად დასახიჩრებული) ქამრის გარდა, ცოლმა ამოიცნო ტანსაცმლით.

რომელი ყაჩაღი ატარებს გვარ-სახელის დამადასტურებელ მონმობას?

ქამარს, როგორც ჩანს, ყაჩაღთუფროსი ზემოთქმული მეთოდის განსახორციელებლად იყენებდა.

აი, ეს იდუმალი ყაჩაღი უნდა ყოფილიყო, ჩვენი ვარაუდით, ის იდუმალი „იმერელი“.

ახლა მკითხველს კიდევ უფრო მეტად რომ არ გავუბუნდოვანო საკითხი, მოვუხმოთ კონკრეტულ დოკუმენტებს, საიდანაც ჩანს ამ კაცის ვინაობა. თუმცა მანამდე პასუხი უნდა გაეცეს კითხვას.

შესაძლებელია თუ არა იმ არეალის, იმ წრის შემოსაზღვრა, რომელ წრეშიც „უცნობი იმერელი“ უნდა ვეძებოთ?

შესაძლებელია.

ზემოთ გვქონდა საუბარი, რომ პარტიული სიკვდილის მანქანას თავისი სტრუქტურა ჰქონდა.

კერძოდ, რაიონულ კომიტეტებს ჰყავდა თავისი რაიონული ტერორისტული ჯგუფი ან ჯგუფები. ამ მხრივ უნიკალურ ცნობას გვანვდის ძველი ტერორისტის არშაკ მემრაბიანცის წერილი – „როგორ მოკლეს გენერალი გრიაზნოვი 1906 წელს“. გთავაზობთ ამ პატარა წერილს სრული სახით.

„მე ბავშვობიდანვე გავხდი ენფიაჯიანცის თამბაქოს ქარხნის მუშა. 1900 წელს, დიდი გაფიცვის დროს, ტფილისში დამაპატიმრეს და გადამასახლეს ქალ. ბათუმში 5 წლის ვადით. დავბრუნდი იქიდან 1905 წელს და გამოვცხადდი სოციალ-დემოკრატიულ პარტიის მე 4-ე რაიონში (ავლაბარში) სადაც კომიტეტის წევრებათ ითვლებოდნენ შემდეგი ამხანაგები: 1. მოსე ჯანველოვი 2. გაბრო აგამიროვი და 3. იოსებ ბარამიაშვილი. კომიტეტი მოთავსებული იყო როზოვის მოედანზე, ფაბრიკის მუშა სიმონა სილიანოვის საჩაიეში. ამ კომიტეტს ჰქონდა ორი ქვე-რაიონი: ხარფუხში და შავსოფელში, რომელთა ხელმძღვანელობითაც ხდებოდა ტერორი ტფილისის ყველა უბნებში. მე 4-ე რაიონს ყავდა დაახლოვებით 25 კაცამდე პარტიულ ამხანაგებიდან შედგენილი ტერორისტები. 1905 წელს, როდესაც რეაქციამ გაიმარჯვა, ვიქენი არჩეული ტე-

როორისტიების ხელმძღვანელად. ამის გამო მე როგორც წარმომადგენელი გამოვცხადდი სოციალ-დემოკრატიულ პარტიის ერთ-ერთ ხელმძღვანელ სილიბისტრო ჯიბლაძესთან და მოვახსენე ეს. ამის შემდეგ მოვახდინეთ სხვა და სხვა ტერორი მე 4-ე რაიონის დავალეებით.

1906 წელს, ერთ საღამოს, კოჭლი ბაგრატიის პირით მე დამიბარეს სილიბისტრო ჯიბლაძესთან; გამოცხადებისთანავე ჯიბლაძემ მე მაცნობა, რომ გაზეთ „სხივის“ რედაქციაში (დიდი მთავრის ქუჩაზე) მეორე დღეს ღამით მე წამეყვანა მასთან 6 ტერორისტი. ამ დღისათვის მე დავიბარე წასაყვანათ ქვე-რაიონებიდან ორ-ორი კაცი; ხარფუხიდან მოვიდა რაიონში: არსენა ჯორჯიაშვილი და შაქროა პუშკინა, შავ-სოფლიდან მოვიდნენ: ბათუა და ხუნხუზა, ცენტრიდან კი ვიყავით მე და ლარიბოვი იაკოფა (შაბოა). საღამოთი გამოვცხადდით ყველა ჯიბლაძესთან; უკანასკნელმა გვითხრა: პეტერბურგიდან გამოგვიგზავნეს ერთი გენერალი, გვართ გრიზნოვი, რომელიც ანადგურებს რევოლუციონურ ორგანიზაციებს, ზარბაზნებით ანგრევს გლეხ-კაცის სახლ-კარს და ამის გამო პარტიამ გადასწყვიტა მისი მოკვლა; მკვლელობის სისრულეში მოყვანა გევალებათ თქვენ და ეს უნდა აღასრულოთ, თუ გინდს ცოცხლის ფასად დაგიჯდეთო. იქ იყო ამ დროს ამხ. მიხა ლომთათიძე და მიანდო მას გრიზნოვის ჩვენება, – შორიდან გაცნობა ჩვენთვის, რადგან არც ერთი ჩვენთაგანი მას არ იცნობდა.

მეორე დღეს ლომთათიძეს თანხლებით ჩვენ 6-ნი ერთად უიარალოთ წავედით გრიზნოვის გასაცნობათ. მიგვიყვანა მან ალექსანდროვის ბაღთან და გაგვაჩერა; ცოტა ხნის შემდეგ, იქვე მახლობელ და გვითხრა, რომ ის იყო გრიზნოვის სახლი, საიდანაც გრიზნოვი გამოვიდა იყო ინჟინერისა და ბარიატინის ქუჩის კუთხეში, ლომთათიძემ აქ გვიჩვენა თანაც ეტლი და მისი ცხენები. აგრეთვე გაგვაფრთხილა, რომ შეცდომაში არ შევიდეთ (რადგანაც სხვა გენერლებიც მოდიოდნენ მასთან) და ამის გამო გვიჩვენა ცხენების ნიშნები, რომლებიც იყვნენ შავები და წინა ფეხების ჩლიქებთან ჰქონდათ თეთრი. შემდეგ წაგვიყვანა სამხედრო შტაბის სასახლის ქუჩაზე, სადაც გრიზნოვი ყოველ დღე მოდიოდა. ამის შემდეგ დავბრუნდით სილიბისტროსთან და ვაცნობეთ, რომ ყველაფერი გვაქვს ნახული. მან აქ მოგვცა წინადადება ამოგვეჩრია ჩვენ შორის სამი კაცი როგორც კომისია და მას დაეთვალა იერებინა ადგილი თუ სად შეიძლებოდა დაკისრებული საქმის უმსხვერპლოდ გაკეთება. არჩეული ვიქენით: მე, შაბუა და მიხა ლომთათიძე,

დანარჩენი კი დროებით განთავისუფლდნენ. ჩვენ სამნი ნავედით მაშინვე, დავათვალიერეთ ადგილ-მდებარეობა და ვსცანიტ შესაფერ ადგილათ ალექსანდროვის ბალის კარები, რომელიც გამოდის ბარიატინის ქუჩის მხრივ. თუმცა ამ კარების პირდაპირ იქითა მხარეზე იდგა ჯარი, მაგრამ ყველაზე უფრო მოხერხებული ადგილი მაინც ეს იყო. ყოველივე ეს ვაცნობეთ ჯიბლაძეს, რომელმაც მოინონა ჩვენს მიერ არჩეული ადგილ-მდებარეობა და მოქმედების გეგმა. იმავე დღეს ჩვენ მოვგროვდით სიმონას საჩაიეში და დავინწყეთ მსჯელობა თუ ვინ რა როლი უნდა აიღოს და გააკეთოს. არსენა ჯორჯიაშვილმა და პუშკინამ იკისრეს ბომბის გადაგდება, დანარჩენებმა კი ვიკისრეთ რევოლვერებით მათი დაცვა; აგრეთვე მივიღეთ მხედველობაში ის გარემოებაც, რომ ბომბების ტარება ხელით შეუძლებელი იყო, რადგან ყოველ დღე პატრული დადიოდა მახლობლათ და ამიტომ მე დამავალეს გადამეცვა ძველი ტანსაცმელი და მეტარებია კალათით სემიჩქა, რომელ კალათაშიც იქნებოდა ბომბები.

მეორე დილით საჩაიეს პატრონმა სიმონამ ჩამაცვა ძველი პალტო, მომცა სემიჩქიანი კალათი და ერთი პატარა ჭიქა. ამხ. მიხალომთათიძემ მოგვიტანა 2 ცალი ბომბი. ჩავინწყვე იგი კალათაში და ნავედი დანიშნულ ადგილზე. იმავე დღეს ჩვენ ერთი ამხანაგი „ხუნხუზა“ გაგვეპარა, რომელიც დღემდის არ ვიცით სად არის. ჩვენ ბევრი ვიარეთ, მაგრამ ვერ მოგვიხდა ჯერ კიდევ საქმის გაკეთება და დავბრუნდით უკან ბინაზე. მეორე დღეს შაბუაც ავად გახდა, დავრჩით 4-ნი; ამის გამო ხელ-ახლად მოვილაპარაკეთ საჩაეში, რომ განგვეგრძო დაწყებული საქმე. ვიარეთ, ვიტრიალეთ დანიშნულ ადგილას კიდევ სამი დღე, მაგრამ მაინც ვერაფერს გავხდით. ერთ დღეს როგორც იქნა გამოიარა გრიაზნოვმა, მაგრამ როცა ბომბის გადასროლა დავაპირეთ უცბად პუშკინას ფერი ეცვალა, კანკალი დაანწყებია. ამის გამო ჩვენ შევჩერდით და საქმე ჩაიშალა. იმ წამსვე ოთხივემ ერთად შევიყარეთ თავი ერთ სასადილოში და მოვილაპარაკეთ, რომ, რადგანაც პუშკინა ასე მხდალია, საქმეს გვიფუჭებს, უმჯობესია ჩამოგვეშორდესო. ამაზე მან დაგვეთანხმა. მის მაგივრათ მეორე ბომბის გადაგდება იკისრა ბათუ-ამ. ხელახლად დავინწყეთ დილაობით გამოსვლა და სიარული დანიშნულ ადგილზე.

ერთხელ, ორშაბათ დღეს, დილით მე მოვედი სიმონას საჩაიეში, არსენა მოსული არ იყო. მე ავიღე კალათი და გავექანე დანიშნულ საქმეზე: სიმონას კი დავავალე, რომ არსენა მალე გამოეგზავნა.

10-15 წუთის შემდეგ არსენაც მოსულიყო საჩაიში და სიმონას გამოეგზავნა ჩემთან. ცოტა ხნის შემდეგ ბათუაც მოვიდა, გვეჩვენა და წავიდა თავისი ბომბით... დავრჩით მე და არსენა. დაახლოვებით დილის 9 საათზე დავინახეთ, რომ გრიანოვის მცველი ყაზახები ჩადგნენ რიგში, ჩვენ გავიგეთ, რომ გრიანოვი გამოდის ქუჩაში. მე ამოვიღე კალათიდან ბომბი თავისი ქალაღდის პარკით და გადავეცი არსენას, არსენას კაპსული უბეში ჰქონდა. სწორედ მაშინ, როცა საინჟინერო მმართველობის მწერლები გარეთ იდგნენ, ბასობდნენ, გრიანოვის ეტლმაც ამ დროს ამოიარა და ისინი სალამის მისაცემათ ჩაენყვენ. არსენა მძიმედ, ფრთხილად მიუახლოვდა ეტლს, გადაუგდო ბომბი და ჩანვა იქავე. ბომბი აფეთქდა. საინჟინერო მმართველობის მწერლებმა რომ დაინახეს ეს, მორთეს ყვირილი: „დერჟი დერჟიო“ და შემოარტყეს ალყა არსენას სანამ ის მოასწრებდა ადგომას. მე ბალის კარებით შევარდი ბაღში და გავიპარე.“

ყოველივე ამას ეს მემრავიანცი ამბობს არა დაკითხვაზე, არამედ სიამაყით წერს ხელისუფლების ყურნალში ბოლშევიკების ხელისუფლებაში მოსვლისთანავე.

რაკი ბოლშევიკების სიკვდილის მანქანა ტერიტორიული პრინციპით მუშაობს, რაკი თბილისში გასაკეთებელ საქმეს თბილისის რაიკომებს და ისინი თავის ტერორისტულ ჯგუფებს უკვეთავენ, ქუთაისში გასაკეთებელ საქმეს ქუთაისის ორგანიზაციას და ისინი ქუთაისის ტერორისტულ ჯგუფებს და ა.შ., და ა.შ. (ყველა ტერაქტი ამ პრინციპით აქვთ განხორციელებული).

რაკი ილიას მკვლელობა დუშეთის რაიონულ კომიტეტს დაევალა. ამ კომიტეტს საქმე, ასეთი იყო წესი, თავისი ტერორისტული ჯგუფებისთვის უნდა მიენდო.

1907 წელს დუშეთის მაზრაში მოქმედებდა 3 მთავარი ტერორისტული ჯგუფი.

დუშეთის რაიონულ კომიტეტს წესის მიხედვით ტერაქტის განხორციელება უნდა დაევალებინა ან ერთის, ან მეორეს, ან მესამის ან სამივესთვის.

იმჟამინდელი ძიება ჩვენზე უკეთ იცნობდა მკვლელობის მაშინდელ სტრუქტურას, ამიტომ ის სწორ კვალზე იდგა.

„იმერელს“ დასავლეთ საქართველოში კი არ ეძებდა, არამედ სწორედ დუშეთის მაზრის ტერორისტებს შორის.

ანუ პარტიული სტრუქტურის გათვალისწინებით, გათვალისწინებით იმ უამრავი ტერაქტისა, რაც ბოლშევიკებმა ჩაიდინეს

ტერიტორიული დანაყოფების გამოყენებით, ვერასოდეს რომ ვერ გაირკვეს „იმერელის“ ვინაობა, უდიდესი ალბათობით უნდა ჩაითვალოს, რომ იგი დუშეთის მაზრაში მოქმედი ტერორისტი უნდა ყოფილიყო.

პარტიული სტრუქტურიდან გამომდინარე, რამდენიმე ტერორისტული დაჯგუფება გვრჩება ხელთ. მოუხსმინოთ ძველ ბოლშევიკს მ. ტატიშვილს: „ილიას მკვლელობამდე დათარეშობდნენ „წითელი რაზმელები“ და „ტყის ძმების“ რაზმები საგურამოში ლადო ფეიქრიშვილი 12 კაცით, მცხეთაში ილიკო იმერლიშვილი 15 კაცით, ვასო კუდულაშვილი 11 კაცით და სხვა“. (იხ. „ი. ჭავჭავაძის მკვლელობა“, მოგონება, 1937წ.)

წრე, რომელშიც „იმერელი“ უნდა ვეძებოთ შემოსაზღვრულია ამ ბანდებით. არსებითად ძიებამ მაშინ სწორედ ამ წრეში დაიწყო „იმერელის“ ძებნა და დააპატიმრა კიდეც საგურამოს „ტყის ძმების“ მეთაური ფეიქრიშვილი, მაგრამ მისი „იმერელთან“ იდენტიფიცირება არ მომხდარა.

ჩვენ უკვე ვიცით ვინ იყვნენ ბანდების მეთაურები დუშეთის მაზრაში. ამ სამიდან ის ვინც ბოლშევიკებთან არათუ ასოცირდებოდა, არამედ თავად იყო ნამდვილი ბოლშევიკი, თან იყო იმ დროში ყველაზე მოუხელთებელი, ყველაზე საშიში, ყველაზე დაუნდობელი ყაჩაღი, იყო მცხეთის „წითელრაზმელთა“ ანუ „ტყის ძმების“ მეთაური და, რაც მთავარია, დუშეთის მაზრის კომიტეტის დავალებათა შემსრულებელი, გახლდათ ილიკო იმერლიშვილი.

ის რომ კომიტეტიდან გამოგზავნილი „იმერელი“ ილიას მკვლელთა ბანდის მეთაური იყო ეს დაადგინა გამოძიებამ.

ის რომ ილია მკვლელთა ხელმძღვანელი „ტყის ძმების“ მეთაური იყო, ეს დაგვინერა ზემოხსენებულმა ბოლშევიკმა, ძვირფასმა რაჟდენ კალაძემ. კიდეც ერთხელ ნავიკითხბოთ: – კომიტეტის ბეჭედდარტყმული ყალბი დოკუმენტით „ტყის ძმების“ მეთაური შეცდომაში იქნა შეყვანილი და მოაკვლევინეს ილია ჭავჭავაძეო.

ჩვენი ამოცანა მხოლოდ ტოლობის ნიშნის დასმაა –

„იმერელი“ არის „ტყის ძმების“ მეთაური.

დუშეთის მაზრაში მოქმედ „ტყის ძმების“ მეთაურთაგან ერთი – ფეიქრიშვილი როგორც „იმერელი“ თავად ძიებამ გამორიცხა.

მეორის, ვასო კუდულაშვილის არანაირი ურთიერთობა ამ საქმესთან არ დასტურდება.

ლოგიკა გვკარნახობს ვერსიას – „იმერელი“ იმერლიშვილი უნდა იყოს.

ეს ლოგიკა ჯერ-ჯერობით მხოლოდ 4 წანამძღვარს ეფუძნება.

1) დადგენილება მიღებულია დუშეთის მაზრის კომიტეტის მიერ.

2) დადგენილებას ახორციელებდა კომიტეტის ტერორისტული ჯგუფი ან ჯგუფები.

3) დუშეთის მაზრაში მოქმედებდა ბოლშევიკ იმერლიშვილის ტერორისტული ჯგუფი. (დანარჩენი ორი ბანდის მეთაურები მხოლოდ ყაჩაღები იყვნენ, ეს იმერლიშვილი კი იმავდროულად პარტიული მუშაკია)

4) "იმერელი" ილიას მკვლელთა ბანდის მეთაური იმავდროულად არის „ბეჭედდარტყმული ქალაქით“ „შეცდომაში შეყვანილი“ ტერორისტული ჯგუფის ანუ „ტყის ძმების“ მეთაური.

ამ დასკვნას ზემოთნარმოდგენილი მრავალი დოკუმენტი უდევს საფუძვლად, მაგრამ საბოლოო ვერდიქტისთვის ეს წანამძღვრები საკმარისი არ არის. ამიტომ ვნახოთ იმერლიშვილის ბიოგრაფია. იქნებ იქ ვნახოთ ისეთი დეტალები რაც მას ილიას მკვლელებთან კავშირში ამხელს.

ამთავითვე უნდა ითქვას, იმერლიშვილი იმდენად დაუნდობელი ტერორისტი ყოფილა, რომ მისი შიშით დუშეთის მაზრიდან ხალხი იყრებოდა და საცხოვრებლად სხვაგან მიდიოდა. თუმცა ამას ხელი არ შეუშლია ბოლშევიკებისათვის ხელისუფლებაში მოსვლის შემდეგ ის რევოლუციის რაინდად მოენათლათ.

მას გარდაცვალებიდან 12 წლის შემდეგ სიამაყით იხსენებენ.

აი, რა წერილს უძღვნის ჟურნალი „რევოლუციის მატრიანე“ 1926 წლის პირველ ნომერში.

ილიკო იმერლიშვილი (მცხეთელი).

ილიკო იმერლიშვილი დაიბადა 1886 წელს მცხეთაში. მამა მისი (იორდანე) იყო მეტად ღარიბი, მინის მუშა. ილიკო სწავლობდა სოფ. მცხეთის სკოლაში, თავიდანვე ეტყობოდა, რომ ნიჭიერი იყო, მაგრამ რადგანაც მშობლები ზედმეტად ღარიბი ჰყავდა, იძულებული შეიქნა, დაეტოვებინა სწავლა 1898წ.. ამის შემდეგ ილიკოს პირველად ვხედავთ სტამბაში 1902წ.. აქედან ვასო ხუციშვილის ჩაგონებით შემოდის სტამბების ერთ-ერთ ნრეში. აქ მას მიანდევს არალეგალური ლიტერატურის გავრცელება და ფულის შეგროვება ამხანაგებში. დადგა 1905წ., ამ დროს ილი-

კო მზადაა ეკვეთოს მტერს. დაიწყო სომეხ-თათართა შეტაკება ტფილისში, მთავრობის მიერ მოწყობილი და ილიკოც მესამე რაიონიდან (მთანმინდა) მიდის პირველ რაიონში – (ნაძალადევი) და ეწერება რაზმში. იქ ლებულობს იარაღს და მიდის თათრის მოედანზე, სადაც ღირსეულად ასრულებს თავის საქმეს. არ დაავიწყდებათ მაშინდელ მის ამხანაგებს ერთი შემთხვევა: იმ ღამეს, როცა თათრის მოედანზე ცეცხლი გაძლიერდა და თათრების ბრბო თანდათან დახურული ბაზრისკენ მოიწევდა, გავრცელდა ხმა, რომ ალი ბალა (ასე ეძახდნენ თათართა ბრბოების ერთ წინამძღოლს) შუა ბაზარში უნდა შეიჭრესო. მეორე მხრივ კიდეც სომეხებს უნდათ შეტევა მოედანზეო. სილიბისტრო ჯიბლაძემ უთხრა ვალერა ბილანოვს, რომ აერჩია ერთი ჯგუფი რაზმელების და დამდგარიყო დახურულ ბაზრის შესავალში, და თუ ეცდებოდა მართლა წრის გარღვევას რომელიმე მხარე, ეხმარათ იარაღი. და თუ გაჭირდეს საქმე, ყუმბარებიც იხმარეთო, დაუბარა. შუალამისას მართლაც თათრები გამოვიდნენ ცეცხლით და მაშხალეებით და დაიწყეს მოგროვება მოედანთან. როცა დაატყეს, რომ ძალიან ემატებოდნენ, იქ მდგომ აფიცერს მივმართეთ გაეგზავნა სალდათები და მიეცა გაფრთხილება, ნუ გროვდებიანო. მან გვიპასუხა: მე ნაბრძანები მაქვს უკან დავიხიო, სანამ განსაკუთრებული რამე ბრძანება არ მომივა ამის შესახებო. მაშინ ალექსანდრე ობოლაძემ, როგორც ათის თავმა, გასცა განკარგულება გვესროლა და გაგვეფანტა შეკრებილი ბრბო. მაგრამ რაზმელებმა გასროლა ასე ადვილად ვერ გაბედეს. გავარდა მხოლოდ ილიკოს თოფი... შემდეგ სხვა რაზმელებმაც გაისროლეს. ცოტა ხანს შემდეგ ბრბო გაბრუნდა. ალაგას დარჩა ორი დაჭრილი (ერთი მძიმეთ), რომელიც მალე მოკვდა. აღარ იყო მერე მოსვენება ილიკოსგან, რომ რად მოვკალით ეს კაცი, უნდა სიტყვით მოგვეხდინა გავლენაო... ასე სომეხ-თათართა ჟღერა ტფილისში შეჩერებულ იქნა. დაიწყო ქუჩებში „ჭემმარიტ რუსთა კავშირის“ წევრებსა და მუშებს შორის სისხლიანი შეტაკებები. ილიკო ყველგან მხნედ და გაბედულად მხარს უმშვენიებს თავის მეზობლ ამხანაგებს; ერთ-ერთი ასეთი შეტაკების დროს ერთ „მანიფესტანტს“ ილიკო ჰგლეჯს გულიდან სამფეროვან ნიშანს და, როგორც „ტრიუმფი“, მოაქვს მესამე რაიონში ვასო ურუშაძესთან, რომელიც იმ რაიონში მონინავე ხელმძღვანელ მუშად ითვლებოდა.

რავოლუციამ თითქმის მინელება იწყო. პარტიაში დიდი მერყეობა იწყება, უმრავლესობა აშკარა გამოსვლაზე ტაქტიკური მო-

საზრებით წინააღმდეგი ხდება – ბევრს ისე პრინციპი და პარტიის ტაქტიკა არ ანუხებდა, რამდენადაც თავის გადარჩენა, ამ შემთხვევაში ილიკო თავისი ამხანაგებით, რომელთა შორის იყვნენ: ა. ობოლაძე, გ. ავალიანი, ტ. ჯაში, არკადი ელბაქიძე, ს. ტომარაძე, არამ პოლოსოვი, გ. თოფურიძე, ა. ფიცხელაური, ა. ვარსიმაშვილი, ვ. ნასარიძე, დ. ბაცანკალაშვილი და ყანდარელი (პატარა მცხეთელი) ეყოფიან მთავარ ორგანიზაციას და აარსებენ მთანმინდაში რევოლუციონურ სოც-დემოკ. მუშათა ჯგუფს.

1905წ. რეაქციის შემდეგ მთანმინდაში იყო საიდუმლო სტამბა, რომელსაც ილიკო ხელმძღვანელობდა (იბეჭდებოდა პროკლამაციები). ერთ ღამეს უბანს ალყა შემოარტყეს (სტამბას ეძებდნენ). ილიკომ ისარგებლა რა ღამის სიბნელით, ზურგზე წამოიკიდა დაშლილი მანქანის ნაწილები და მიიმალა. ეს სტამბა მოთავსებული იყო „ხალიან მაშოს“ სახლში. ეს მაშო ცოცხალია, მას დიდი ღვაწლი მიუძღვის როგორც ილიკოს, ისე სხვა რევოლუციონერთა დახმარებაში.

იმ ხანად შანტაჟისტების ბრბომ ისარგებლა „მთანმინდის ჯგუფის“ სახელით. მათ მოახერხეს რამდენიმე საზიზღარი საქმის ჩადენა. მაგრამ ილიკოს წყალობით ბევრმა ინანა დაბადების დღე. საზოგადოდ ილიკო სასტიკი წინააღმდეგი იყო შანტაჟისტურ მოქმედებისა და ამხანაგებმაც მას მიანდევს ასეთი ბოროტი პირებისათვის გაეცა პასუხი და ისიც სასტიკად უმასპინძლებოდა მათ. როდესაც მთავარმა ორგანიზაციამ სცნო ჯგუფის ნამდვილი რევოლუციონური საქმიანი მოქმედებანი, მაგრამ გაუნია რა ანგარიში იმასაც, რომ ნაძირალებიც სარგებლობდნენ ამ ჯგუფის სახელით, გამოგზავნა მოსალაპარაკებლად წარმომადგენლები. მათ, როგორც ძველმა, უფრო გამოცდილმა ამხანაგებმა აუსხნეს ჯგუფის წევრებს, რომ მათი ამ გზით მოქმედება საზარალო იყო, როგორც პარტიისათვის, ისე პირადათ ჯგუფის წევრებისათვის. ჯგუფი ორ ფრთად გაიყო, ილიკო იმ ფრთას ეკუთვნოდა, რომელიც მომხრე იყო შეერთებისა, (რაც არ მოხდა), ვინაიდან მთავარი ორგანიზაცია არ დასთანხმდა ჯგუფის მიერ წამოყენებულ პირობებზე. რომ გაიგეს ნაძირალა ხალხმა, ჯგუფის დაშლა, ესლა უფრო მოუხშირეს საზიზღარ საქმეების ჩადენას. მაგრამ ჯგუფის ორივე ფრთა სრული ღირსებით იცავდა თავის სახელს. ილიკოს წინამძღოლობით მოხდა ტემნიკოვზე თავდასხმა, რომელსაც მოუკლეს ამხანაგი და გოროდოვოი, თვითონ ტემნიკოვი გადარჩა, ეს მოხდა გრიბოედოვის ქუჩაზე. აგრეთვე ილიკო იმერელიშვილმა და

ფიცხალაურმა მოჰკლეს ჟანდარმი გრუნინი ბროსეს ქუჩაზე. პოლიციაც მიხვდა ჯგუფის ძალის დაშლას და თამამად დაუწყო დევნა მის წევრებს. ერთ ასეთ შეტაკებაში, რომელიც მოხდა გოლოვინის პროსპექტზე აფიცრებთან და გოროდოვებთან, დაატყვევეს ავალიანი და ტომარაძე, ილიკო გადარჩა. ის წავიდა კახეთში: კარგა ხანს დაჰყო კახელ ამხანაგებთან. ერთ დილას მაზრის ბოქაულმა გედევანოვმა დაატყვევა (1907წ. დეკემბრის რიცხვებში) ილიკო თავის ორ ამხანაგით, გედევანოვმა ეს სამი ამხანაგი მიუმატა წინა დღით დაჭერილ ოთხ კაცს და დააბრალა რალაც მძიმე საქმე, რისთვისაც ყველა ესენი ციხეში მოათავსეს. ამხანაგებმა ილიკოს ციხეში იარაღი შეუგზავნეს, რადგანაც სამხედრო სასამართლოდან მოსალოდენლი იყო სასტიკი განაჩენი, ერთ დილას 1908წ. მაისის რიცხვებში, როცა ციხის კარებზე ბევრი მნახველები იყო, ზოგი ნახვას ელოდა და უგზავნიდა სანოვანებს, ამ დროს ერთმა ქალმა შეგზავნა ერთი ქილა მანონი, რომელშიც თურმე მოთავსებული იყო ყუმბარა. აი ამ მანონის ქილით ისარგებლეს, მოახდინეს არეულობა, ამ ყუმბარის ხმაზე გაიკაფეს გზა და გამოვიდა 17 კაცი, მათ შორის ილიკო, თავის ამხანაგებით.

1909 წელს ილიკო მძიმე ავად გახდა ანთებით და იძულებული იყო თავის დედმამის სახლში დანოლილიყო. ერთ დამეს ილიკოს სახლს ალყა შემოარტყეს, მაგრამ ილიკომ აქაც გაქცევა შესძლო. ამის შემდეგ ილიკო სულ დუშეთის მაზრაში მუშაობს. 1913 წელს იანვრის რიცხვებში შენიშნეს, რომ ილიკო თავის ამხანაგით ჩამოვიდა ტფილისში ცოლიშვილის სანახავად და რადგანაც შეუძლებელი იყო თავის ოჯახში მისვლა, ამისთვის იგი სხვის ოჯახში, ნაძალადევში, შეხვდა ცოლშვილს. ალყა შემოარტყეს იმ სახლს, სადაც ილიკო იმყოფებოდა. აქ მოკლულ იქნა ილიკოს ერთი ამხანაგი, თითონ ილიკომ კი გაქცევა მოასწრო.

ამის შემდეგ უფრო გააძლიერეს ილიკოს ძებნა, გაამრავლეს ჯაშუშები როგორც მაზრაში, ისე ქალაქში. ილიკოს სახელიც გაიზარდა ხალხში. ხალხი მას თვლიდა გმირად და აღფრთოვანებით იხსენიებდა. მაზრის ორგანიზაციაც იჭერს კავშირს ილიკოსთან და ანდობს დუშეთის მაზრის უფროსის მოკვლას.

როცა ის თავის ამხანაგებით ამ საქმისთვის ყუმბარებს ამზადებდა, ამ დროს გაუქსდათ ყუმბარა, რამაც იმსხვერპლა ილიკო და ერთი მისი ამხანაგი..."

თვით ამ შელამაზებულ წერილშიც კი ბევრი რამ საყურადღებო წერია ჩვენი კვლევისათვის.

1) დადასტურებულია, რომ იმდროისათვის ყველაზე საშიში ყაჩაღი, დუშეთის მაზრის ერთ-ერთი ბანდის მეთაური ილიკო იმერლიშვილი იყო ნაფიცი ბოლშევიკ-რევოლუციონერი.

2) დადასტურებულია მისგან ჩადენილი რამდენიმე ტერაქტი.

3) დადასტურებულია, რომ მაზრის ორგანიზაცია ანუ კომიტეტი სწორედ იმერლიშვილს ავალებს დუშეთის მაზრის უფროსის მოკვლას.

4) ჩამოთვლილია მისი მეგობრები რომელთაგან ყველა ბოლშევიკ-ტერორისტი იყო.

5) ნათქვამია, რომ იმერლიშვილი დააპატიმრეს 1907 წლის დეკემბერში (გაიხსენეთ ფშავლიშვილის ჩვენება მიცემული 1908 წლის თებერვალში „იმერელის“ „ამას წინათ“ დაჭერის შესახებ. იარაღის ტარების გამო, აქაც ნათქვამია, რომ ბრალი დაუმძიმეს).

6) ნათქვამია, რომ იმერლიშვილი იყო მეტეხის ციხიდან 17 პატიმრის გაქცევის ორგანიზატორი.

7) სხვათა შორის, აქ ისიც არის ნათქვამი, რომ სომეხ-თათართა შეტაკების დროს იმერლიშვილმა იარაღი მიიღო. სწორედ 500 ბერდანკა მაშინ ვარანცოვ-დაშკოვმა გადასცა ისიდორე რამიშვილს.

მაგრამ რა კავშირშია ეს ყველაფერი ილიას მკვლელობასთან ან ილიას მკვლელთან?

ახლა შეულამაზებელი ბიოგრაფია ვნახოთ იმერლიშვილისა და კავშირიც ბუნებრივად გამოიკვეთება.

ცხადია, ჩვენ სერიოზულ არგუმენტად არ განვიხილავთ იმას, რომ „იმერელს“ ბერდანკა ეჭირა ხელში და რომ იმერლიშვილს სწორედ ბერდანკა გადასცეს სოციალისტებმა 1905 წელს. სხვათა შორის, სხვებისგან განსხვავებით ეს ბერდანკა იმერლიშვილს უკან არ დაუბრუნებია (იარაღის დაბრუნება ვარანცოვ-დაშკოვის პირობა იყო).

არც იმას განვიხილავთ სერიოზულ არგუმენტად, რომ „იმერელი“ მკვლელთა შორის თუ ყველაზე ახალგაზრდა იყო, იმერლიშვილიც 1907 წელს მხოლოდ 21 წლისაა.

მით უფრო არც იმ ფაქტს განვიხილავთ, რასაც ლაბაური ამბობს ჩვენებისას – მკვლელთაგან ორს ჰქონდა წვერ-ულვაში, ორს კი მხოლოდ ულვაშებიო. როცა იმერლიშვილი მოკლეს მისი ფოტო გამოქვეყნდა, მას მხოლოდ გრძელი ულვაშები აქვს, წვერი არა.

მნიშვნელოვან არგუმენტებზე შევაჩერებ მკითხველის ყურადღებას:

1) ფშავლიშვილი 1808 წლის 10 თებერვალს ამბობს „იმერელი“ ამას წინათ დაიჭირესო, მერე კი გზა-კვალს უბნევეს გამოძიებას, რუსეთში გადაასახლესო, მაგრამ ფაქტია, იმერლიშვილი მართლაც „ამას წინათ“ ანუ 1907 წლის დეკემბერშია დაჭერილი.

2) ზემოთ ვთქვი, „იმერელი“ ილიას მკვლელთაგან ყაჩაღებს უნდა სცნობოდათ მეთქი. ამ იმერლიშვილს იცნობენ ფშავლიშვილიცა და ფეიქრიშვილიც. არა მარტო იცნობდნენ, ერთად ყაჩაღობდნენ. საიდან ჩანს ეს?

3) 1908 წლის 11 მაისს იმერლიშვილის ორგანიზებით, გარედან დახმარებით, (იარალი შუუგ ზავნეს ბოლშევიკებმა) მეტეხის ციხიდან გაიქცა 17 პატიმარი. „მათ შორის ილიკო თავის ამხანაგებით“. იმდროინდელ პრესაში გამოქვეყნებულია ყველა გაქცეულის გვარი. მათ შორის ჩვენთვის საინტერესო შემდეგი გვარებიც გვხვდება: პავლე ფშავლიშვილი, ილია იმერლიშვილი, ჩირიკაძე (ალბათ ფშავლიშვილთან ერთად დაჭერილი ჩირიკაშვილი ანუ ფეიქრიშვილი უნდა ვიგულისხმოთ, რადგან ის იმერლიშვილთან ერთად ყაჩაღობს ამის შემდეგ, ანუ ციხიდან გაქცეულია) და აკიმ დოროშენკო (იხ. გაზ. „ცხოვრების სარკე“ №17, 1908წ. 13 მაისი)

საყურადღებოა ერთი გარემოება. მეტეხის ციხიდან 17 პატიმარი გაიქცა, მაგრამ ვინ არიან ის ამხანაგები ვისთან ერთადაც იმერლიშვილი აფარებს თავს? ესენი არიან სწორედ ილიას მკვლელობის გამო დაპატიმრებული ფშავლიშვილი და ფეიქრიშვილი. ფეიქრიშვილი სოფელ ნორიოდან იყო. ისინი თავს აფარებენ ნორიოს შემოგარენში. საიდან ჩანს ეს?

როგორც ცნობილია 1908 წლის 14 დეკემბერს დაიჭირეს ილიას მკვლელი ინაშვილი. აი, ამ ინაშვილმა გასცა ადგილი სადაც ციხიდან გაქცეული ფშავლიშვილი იმალებოდა.

რატომ?

გაიხსენეთ ილიას მკვლელობის შემდეგ ხალხის რეაქციით შეძრწუნებული ფშავლიშვილი როგორ იმუქრებოდა, ინაშვილმა გამხვია ამ შარში და სადაც ვნახავ, მოვკლავო. არათუ იმუქრებოდა, ძიებას ისიც უთხრა, მეთაური ინაშვილი იყო და ილიას მან ესროლაო. ფშავლიშვილი დაიჭირეს, ინაშვილი კი გარეთ დარჩა. საიდან უნდა სცოდნოდა ინაშვილს, რას იმუქრებოდა ფშავლიშვილი?

ერთი საინტერესო დეტალი. როცა ინაშვილი დააპატიმრეს, მასთან ერთად დაიჭირეს მეტეხის ციხიდან ფშავლიშვილთან ერთად გაქცეული დოროშენკო. დოროშენკო ჯერ ფშავლიშვილთან

იჯდა ციხეში, გაქცევის შემდეგ კი ინაშვილთან იმყოფებოდა ტყეში. ისინი ერთად ყაჩაღობდნენ. აყვანისას მათგან გამოიხსნეს 29 ოქტომბერს გამოსასყიდის გამო გატაცებული ვინმე კონსტანტინე მირაქოვი. აი ამ დოროშენკომ თუ უამბო ინაშვილს ფშავლიშვილის მუქარის შესახებ. შედეგი ის იყო, რომ დოროშენკოსა და ინაშვილის დაპატიმრებიდან 5 დღის შემდეგ 1908 წლის 19 დეკემბერს გაზეთ „დროებაში“ №27, ვკითხულობთ წერილს სათაურით: ილია ჭავჭავაძის მკვლელის ფშავლიშვილის მოკვლა.

აქ საუბარია, რომ 17 დეკემბერს გამთენიისას მაზრის სამმართველოს მოხელეებს დარაჯები წაუყვანიათ და გასულან სოფ. ნორიოს მინდვრებში, სადაც დარაჯებს „შეუმჩნევიათ: რამდენიმე საეჭვო პირი. ერთი მათგანი ფშავლიშვილი იყო, რომელსაც ციხიდან გაქცევის შემდეგ ახალი მკვლელობები ჩაუდენია თავს დაესხნენ დუშეთის მაზრაში ნისო ხიმშიაშვილის ოჯახს. თიანეთის მაზრაში მოკლეს მღვდელი თურქაძე.

დარაჯების მოთხოვნაზე, დამორჩილებოდნენ, ყაჩაღებს სროლა დაუწყიათ. საპასუხო სროლის შედეგად მოუკლავთ ორი ყაჩაღი. „მოკლულები აღმოჩნდნენ პავლე ფშავლიშვილი და იმერლიშვილი. ეს უკანაკნელიც მეტეხის ციხიდან არის გაქცეული.

დახოცილთა გვამები ტფილისში ჩამოიტანეს ურმით და გაგზავნეს მიხეილის საავადმყოფოს სანოტარო განყოფილებაში.“

როგორც ვხედავთ, იმერლიშვილი და ფშავლიშვილი არათუ იცნობენ ერთმანეთს, ერთად ყაჩაღობდნენ. თითქოს ერთადაც დაიხოცნენ, მაგრამ ეს იმერლიშვილის პირველი, თუ შეიძლება ასე ითქვას, ცრუ სიკვდილი იყო.

ფშავლიშვილს რომ იცნობდა ვნახეთ, ილიას მკვლელობაში დადანაშაულებულ ფეიქრიშვილსაც რომ იცნობდა და მასთან ერთად ყაჩაღობდა, ამაზე ეს დოკუმენტი მეტყველებს:

„ყაჩაღი იმერლიშვილი და მისი ბრბო

...1909 წელს, ტფ. მაზრის უფროსმა ცნობები მიიღო, რომ მთელი ბრბო ყაჩაღებისა, რომელსაც იმერლიშვილი და ფეიქრიშვილი მეთაურობდნენ, შეფარებულნი იყვნენ მამკოდის ტყეში, სოფ. ავჭალიდან ხუთი ვერსის მანძილზე. იმავე წლის შემოდგომის დასაწყისში ამ ყაჩაღების შესაპყრობად გაგზავნილი იყო მაზრის უფროსის თანაშემწე ორმოცი საერობო დარაჯით.

პოლიციელთა რაზმი ყაჩაღების ბანაკთან მივიდა ღამით, გათენებამდე ადრე, ჩამოქვეითდა, ცხენები მთის ძირში დასტოვა და ფრთხილად იწყო ფოფხვა აღმართით მხათალოთი დაბურულ ბუჩქებში. კარგა მალლა რომ აფოფხდნენ, მიაღწიეს პატარა მინდორს. აქ იყო ყაჩაღების ბანაკი; ეს ადგილი სხვათა შორის საუცხოვო იყო საზვერავად. მინდორის ერთი ნაწილი შემოღობილი იყო ფიჩხით, რომლის იქით ფარდული იყო გაკეთებული. პოლიციელთა რაზმი ჩასაფრდა ჩირგვებში. ბანაკს არავითარი მოძრაობა არ ეტყობოდა. მხოლოდ შემოღობილის იქით ოდნავ სჩანდა დარაჯის ლანდი ნაბდითა და ფაფახით. რაზმი დარწმუნებული იყო, რომ ნაბადიანი კაცი დარაჯია და, როგორც კი ირაყრაყა, ბანაკს სროლა აუტეხეს. ტყვიებმა სრულებით დაცხრილეს ლობე. თოფის ხმა ტყეში კარგა ხანს გუგუნებდა. პასუხი კი არსაიდან ისმოდა. დარაჯები კი განსაკუთრებით იმით იყვნენ გაოცებულნი, რომ დარაჯი ისევ თავის ალაგას იდგა, არც კი განძრეულა. ერთი საერობო დარაჯთაგანი მიცოცდა ლობესთან და შეჭხედა ფიგურას, რომელიც კაცი კი არა, უბრალო ბოძი აღმოჩნდა, რომელსაც წამოსხმული ჰქონდა ნაბადი და ფაფახი ეხურა. ბანაკი გაჩხრიკეს და აღმოაჩინეს რამდენიმე თოფი, სახაზინო ყალიბის რევოლვერი, ხანჯლები, პატრონები, 2 ყუმბარა, ყუმბარების საკეთებელი ხელსაწყო, საუცხოვო საზვერავი მანქანა ინგლისური ხელობისა, დაცლილი ტიკები ღვინისა, ბოთლები, ჩაის ჭურჭელი, მაზარები, და სხვა ნივთები. ეს ნადავლი ტფილისში წამოიღეს.

ამ დროს კი იმერლიშვილი და ფეიქრიშვილი თავის ამხანაგებით იმ ღამეს შორს იყვნენ 20 ვერსის მანძილზე. სოფ. ნორიოში ეძებდნენ მამასახლისს, რათა შური ეძიათ მასზე, რომელმაც მონაწილეობა მიიღო მათს დევნაში. მამასახლისი ვერ ნახეს, ჯავრი იყარეს მის ნაცვლაზე და დარაჯზე, რომელნიც შუა სოფელში მოჰკლეს." (იხ. „სუსხი“ №9, 1914წ.)

კვლავ დოკუმენტი იმერლიშვილის „მეორე ცრუ სიკვდილის“ შესახებ.

შეიარაღებული შეტაკება ყაჩაღებსა და პოლიციელებს შორის

... „კარგა ხანია თბილისში იმის მსგავსი სისხლის ღვრა აღარ მომხდარა, როგორც მაშინ, 13 იანვარს მოხდა ნაძალადევი“.

პოლიციას გაუგია, რომ ნაძალადევი ჩამოსულან და დაბინა-
ვებულან იმერლიშვილი და ფარესიშვილი.

სახლს ალყა დაარტყა ასმა პოლიციელმა. ყაჩაღებმა სროლა
აუტყებეს და 20-მდე კაცი დაჭრეს, შემდეგ გამოცვივდნენ სახლი-
დან. პოლიციამ მოკლა ერთი ყაჩაღთაგანი. „იმერლიშვილი რამ-
დენიმე ტყვიით მოჰკლეს, ხოლო ფარესიშვილმა დამალვა მოას-
ნრო“.

იხ. სახალხო გაზეთი №1090, 19146.

20 დაჭრილიდან ორი, ბოქაული და მისი თანაშემწე დაიღუპნენ.
რაც შეეხება იმერლიშვილს, ცნობა მისი გარდაცვალების შესახებ
ამჯერადაც ნაადრევი აღმოჩნდა. თუმცა, „მესამედ სიკვდილი“
ნამდვილი გამოდგა.

ყაჩაღი ილიკო იმერლიშვილის სიკვდილი

2 აპრილს ბაგის ქალაში მომხდარი ამბავი დღესაც საიდუმლო-
ებით არის მოცული. ვისი იყო და რა მიზნით იყო იქ მიტანილი, შემ-
თხვევით აფეთქდა ეს ყუმბარა, თუ იქ რაიმე ლალატი იყო, ყველა
ეს კითხვა საშინლად აინტერესებს როგორც პოლიციას, ისე საზო-
გადოებას, მაგრამ მისი გამორკვევა, ალბათ შეუძლებელი იქნება
მომავალშიც, თუ ყაჩაღებმა „ჭოჭლის ბიჭმა“ და ფიდო ფერმისაშ-
ვილმა არ გამოაქვეყნეს.

ვინ იყო ნიკო ქობულაშვილი? იგი ყაჩაღების ამხანაგი იყო და
მათ ფარულად სანოვაგეს უზიდავდა, თუ იგი გზაზე მოიტაცეს ყა-
ჩაღებმა და თან წაიყვანეს, როგორც ზოგი ამბობს; და საერთოდ
რა როლს თამაშობდა, ეს გლეხი, – დღემდე ესეც გამოურკვევე-
ლია.

ამ ჟამად საბოლოოდ გამოირკვა, რომ ერთი მოკლულ ყაჩაღ-
თაგანი ნამდვილად ილიკო იმერლიშვილი იყო, თუმცა დაჟინებით
გაიძახოდნენ, იგი ნაძალადევის სროლის დროს მოკვდაო.

საქმის ვითარებამ სხვა გვაჩვენა: იმერლიშვილი სრულიად
უვნებელი გადარჩენილიყო ნაძალადევის სროლას, მხოლოდ ამ
დროს თოფი დაზიანებოდა, რომელიც თურმე მცხეთის გზაზე
ერთის ხელოსნისთვის შეეკეთებინა. ჩქარა მთელს ქალაქს მოე-
დო ამბავი, იმერლიშვილი ცოცხალია და დუშეთის მაზრაში იფა-
რავს თავსო.

ნაძალადევის სროლის შემდეგ არ გაიარა დიდმა დრომ, რომ იმერლიშვილმა თავი მოჰკვეთა თავის ამხანაგს არჩილ იოსებაძეს, ქვაშვეთის ეკლესიის მედავითნედ ნამყოფს, რადგანაც ეჭვი აიღო, რომ იოსებაძეს საიდუმლო კავშირი უნდა ჰქონოდა პოლიციასთანო. მოკვეთილი თავი კალათაში ჩადო, მიიტანა რკინის გზაზე და, ალბად მცხეთაში ტფილისისკენ მომავალ მატარებლის ერთს ვაგონში დასდო. კალათა იპოვეს ბაქოში ვაგონების დაგვის დროს. კალათაში ბარათი იყო, სადაც ქართულად ეწერა: „ამხანაგის მოლატეს ასეთი სიკვდილი ეკუთვნისო“.

ამის შემდეგ ილიკო იმერლიშვილის შესახებ აღარა ისმოდა რა და აი მოულოდნელად 2 აპრილს მოვიდა ნამდვილი ცნობა, იმერლიშვილი მოკვდაო. რამ გამოიწვია ყუმბარის აფეთქება, – ამის შესახებ ხალხში სხვადასხვა აზრი ტრიალებს. ერთნი ამბობენ, ყუმბარას ამზადებდნენ ყაჩაღები დილით რაღაც საქმეზე წასვლას აპირებდნენ, მაგრამ გაუფრთხილებლობით ყუმბარა აფეთქდა და ყაჩაღები იმსხვერპლაო. მეორეთა თქმით, ყაჩაღებს ღამით ტკბილად ეძინათ, შუაში კი დიდი ცეცხლი გუზგუზებდა; ყუმბარა ისე უცხოურ ალაგას იყო შენახული, რომ ცეცხლი მისწვდა და ააფეთქაო. ეს ორი ვერსია ბევრს არა სჯერა შემდეგი მოსაზრებით: მთელი ის ადგილი, სადაც ყაჩაღები იყვნენ დაბანაკებულნი, სულ მოგლეჯილია, გარშემო მთელი ტყე მოტრუსულია და ყუმბარისაგან მიწაც კი უსწორ-მასწოროდ ამოთხრილია; ასეთ გარემოებაში თითქმის შეუძლებელი იყო ორის ყაჩაღის გადარჩენა. ამის გამო მესამენი ჰფიქრობენ, რომ იმერლიშვილი მსხვერპლი გახდა ამხანაგთა ღალატისა; ამათის აზრით ამხანაგებს შორის რაიმე მტრობა იყო ჭოჭლის ბიჭმა და ფიდო ფერმისაშვილმა ისარგებლეს ამხანაგების ძილით და შორს მანძილიდან მძინარეებს ყუმბარა დაახალეს. მსროლელნი დაიჭრენ თუ არა, არ იციან. სისხლის წვეთები ახლო-მახლო ადგილას არსად ამჩნევია.

გაქცეულ ყაჩაღთა ძებნას დუშეთის სამაზრო პოლიცია კვლავ განაგრძნობსო. (იხ. ჟურნ. „ლახტი“, №6, 1914წ.)

იმერლიშვილს ასე ახასიათებდა „სახალხო გაზეთი“.

„მკითხველს ალბათ ემახსოვრება ილიკო იმერლიშვილი, რომელიც ამ 7-8 წლის წინათ გავარდა ყაჩაღად და დუშეთის მაზრაში იმალებოდა. ამ ცნობილი ყაჩაღის მოკვლა ან შეპყრობა ყოვლად შეუძლებელი გახდა, რადგან იმერლიშვილი უდიდეს საფრთხის წინაშეც არა ჰკარგავდა მოსაზრებას და გონიერებას და პოლიცი-

ისაგან ფრთხილად დაგებულ მახეს შესანიშნავად გაბედულობითა და წინდახედულობით უძვრებოდა ხელიდან.

მრავალჯერ ჩავარდნია ხელში პოლიციას იმერლიშვილი, მაგრამ გაქცევა ყოველთვის მოუხსნრია და თანაც მრავალი პოლიციელი ამოუხოცავს.

ნაძალადევის შეტაკებამ კი, როდესც იმერლიშვილმა ორი პოლიციელი მოჰკლა და მრავალი დასჭრა და შემდეგ გაიქცა, პირდაპირ გაოცებაში მოიყვანა ყველანი. დიდხანს ჰფიქრობდნენ, რომ იმერლიშვილი აუცილებლად მოკლულ იქნა ამ უმაგალითო სისხლის ღვრის დროს, მაგრამ ბოლოს გამოიჩინა რომ ყაჩაღი სრულად უვნებელი წავიდა იმ სახლიდან და დუშეთის მაზრაში კვლავინდებურად იმალებოდა".

იხ. „სახალხო გაზეთი“ №1156, 1914წ.

თუ იმერლიშვილი მართლაც არის „იმერელი“, მისი ამ დახასიათების შემდეგ აღარავის გაუკვირდება რატომ შეიძლებოდა ასეთი ფრთხილი ყაჩაღი მკვლელთა ერთ ნაწილს საერთოდ არ სცნობოდა, ხოლო მეორე ნაწილს, ვინც მას იცნობდა, რატომ არ შეეძლო გაეხედა მისი დასახელება.

ამრიგად, იმერლიშვილი არის არა უბრალოდ ყაჩაღი, არამედ მოღვაწეობას იწყებს რევოლუციური აგიტატორობით. პარტიამში განხეთქილების დროს ის ემხრობა ბოლშევიკებს. როგორც ძველი ასოთამწყობი ის იცნობდა დიმიტრი ჯაშს. ცხოვრობდა მის მეზობლად. ერთი საინტერესო დეტალი. დარია ჯაშში საბჭოთა სასამართლოზე ჩვენების მიცემისას ამბობს, რომ ილიკო იმერლიშვილი ეჩხუბებოდა ჯაშს, რატომ მეგობრობ რამიშვილთანო...

იმერლიშვილი ხდება დუშეთის მაზრის ერთ-ერთი შეიარაღებული ბანდის ყველაზე სასტიკი მეთაური. კაცს, რომელმაც სხვა უბედურებებთან ერთად თავი მოჭრა ყოფილ სასულიერო პირს და ბაქოში გაგზავნა, დიდი სიყვარულით და მოკრძალებით იხსენებს ბოლშევიკური პრესა 1926 წელს, როგორც დამსახურებულ ბოლშევიკს.

ბოლშევიკები სწორედ მას ანდობენ 1914 წელს დუშეთის მაზრის უფროსის მკვლელობას.

იმერლიშვილი და ილიას ორი მკვლელი, ფშავლიშვილი და ფეიქრიშვილი ერთმანეთის განდობილი ძმები არიან. ილიას მკვლელობის შემდეგ ისინი ერთად არიან ციხეშიც და ტყეშიც.

იმერლიშვილი ილიას მკვლევლობის დროს არც ბაქოშია და არც დაჭერილი, დათარეშობს დუშეთის მაზრაში.

სხვა დეტალებს რომ თავი დავანებოთ, ეს ფაქტებიც მნიშვნელოვანია „ერთი იმერელისა“ და იმერლიშვილის იდენტიფიკაციისათვის, რადგან კომიტეტს თუ ვინმე შეეძლო გაეგზავნა 'ბეჭედდარტყმული დოკუმენტით' დუშეთის მაზრის „ტყის ძმების“ უფროსთა შორის შეუცვლელი კანდიდატი სწორედ იმერლიშვილი იყო.

აკი, მის მოსაგონარში თვით ბოლშევიკები წერენ დუშეთის მაზრის უფროსის მკვლევლობა სწორედ მას მივანდეთო.

მაგრამ თუ ილიას მკვლელთა ბანდის მეთაური იმერელი იყო, მთელი ჩვენი კვლევა ხუხულასავით იშლება. იმერლიშვილი ხომ მცხეთელი გახლდათ.

საქმე ის არის, რომ არც ერთი დაკითხული პატიმარი არ განმარტავს, რომ მართალია იმ კაცის ვინაობა არ ვიცით. მაგრამ ვიცით, რომ ის იმერელი იყო, რადგან იმერულ ან დასავლეთის რომელიმე კუთხის კილოკავზე ლაპარაკობდაო.

მის იმერლობას სადაურობისა და კილოკავის ნიშნით არავინ უსვამს ხაზს. ან ამ დეტალის შესახებ კითხვა-პასუხი დაკარგულია დაკითხვის ოქმებიდან, ან „იმერელი“ მხოლოდ მეტსახელი ე.წ. „კლიჩკა“.

საყურადღებოა, რომ ბერბიჭაშვილის ბიძამ და ერთმა თავადმა „იმერლად“ ოზიევი (ოძიშვილი) დაასახელეს. ძიებას „იმერელი“ ფეიქრიშვილი ჰგონია, ხოლო ფალავას უფრო ადრე მოძღვრიშვილი ეგონა. არც ერთი მათგანი იმერელი არ გახლდათ. ბუნებრივია, პატიმრებს რომ მკვლელი იმერულ კილოკავზე მოსაუბრე კაცად დაეხატათ და მათი ჩვენება ძიებას გაეზიარებინა, იმერელის ძებნას ქართლელებსა და კახელებში არ დაინწყებდნენ.

მცხეთის მაცხოვრებლის იმერლიშვილის მეტსახელი რომ იმერელი ყოფილიყო ბუნებრივად ჩანს.

გვარის შემოკლებული ფორმით მეტსახელის შერქმევა ტრადიციულიც კი გახლავთ საქართველოში. შემდგომმა კვლევამ შეიძლება გამოაჩინოს, რომ იმ დროის ყველაზე დაუნდობელი ბოლშევიკ-ტერორისტის ილიკო იმერლიშვილის „კლიჩკა“ იყო იმერელი.

საინტერესოა, რომ 1926 წელს გამოქვეყნებულ იმერლიშვილის საქებარ წერილში სათაურშივე გამოტანილია – ილიკო იმერლიშვილი (მცხეთელი) ამ ჟურნალში სხვა დამსახურებული ბოლშევიკების შესახებაც ქვეყნდებოდა წერილები და ყველა მათგანს

თავისი „კლიჩკით“ იცნობდნენ, მაგრამ სათაურში არავის არც ე.წ. „კლიჩკა“ გამოტანილი და არც სადაურობა. ხომ არ გულისხმობს სათაურშივე მცხეთელის გამოტანა ავტორისგან, რომელიც იმერლიშვილის ძველი ამხანაგი და მისი ბიოგრაფიის დეტალებში მცოდნე კაცი იყო, მისი „კლიჩკის“, - იმერელის გადაფარვას?

ფაქტი ერთია, არ არსებობს არგუმენტი, რის გამოც ეჭვი უნდა შევიტანოთ ბოლშევიკთა იდეოლოგიის რაჟდენ კალაძის მიერ საბჭოთა დროში გამოქვეყნებულ სიტყვებში, იღია „ტყის ძმების“ მეთაურს მოაკვლევინესო. იმ დროს „ტყის ძმების“ ბოლშევიკი მეთაური დუშეთის მაზრაში მხოლოდ ილიკო იმერლიშვილი იყო.

ახლა კი პასუხი უნდა გაეცეს კითხვას. შეეძლო თუ არა დუშეთის რაიონულ კომიტეტს ბეჭედდარტყმული განაჩენის დამოუკიდებლად გამოტანა, ილიას სახელს რომ თავი დაეანებოთ, სახელმწიფო საბჭოს წევრის მიმართ?

თავი IX

ილიას გვლელაშვილის
პარტიული
ორგანიზატორები



ი. ჯულაშვილი პატიმრობაში

მნიშვნელოვან დავალებებს რაიონულ კომიტეტებს ძირითადად ყოველთვის მთავარი კომიტეტი კარნახობდა. სურათი რომ ნათლად წარმოვიდგინოთ, შევადაროთ ორი წყარო ერთმანეთს, ორივე გენერალ გრიაზნოვის მკვლელობას ეხება.

ერთ-ერთი ტერორისტის არშაკ მემრაბიანცის წერილი უკვე გააცანით – როგორ დაიბარეს ავლაბრის რაიონულ კომიტეტში, (ავლაბრის რაიონს 5 ტერორისტული ჯგუფი ჰყავდა) როგორ აარჩიეს ხუთივე „დრუჟინიდან“ ორ-ორი კაცი და მიანდვეს გრიაზნოვის მკვლელობა. მათ შორის იყო არსენა ჯორჯიაშვილიც.

იმავე ფაქტზე მაღალი რანგის ტერორისტი კოტე ცინცაძე წერს: „დამიძახა კობამ (სტალინმა, – ნ.გ.) და მითხრა, მოამზადე რამდენიმე ყოჩალი ბიჭი და ერთ კვირაში თუ ჯორჯიაშვილმა ვერ შეასრულა, შენ მოგანდობთ“. მე ძალიან გამეხარდა და დავამზადე კიდევ ორი ამხანაგი და ველოდებოდით ერთ კვირას.

ამხანაგმა ჯორჯიაშვილმა ჩინებულად შეასრულა თავისი მინდობილობა და მე დამტოვა პირლია“.

ცინცაძის მოგონება რომ არ დაბეჭდილიყო, პირველი ჩანანერის მიხედვით კაცი იფიქრებდა, მართლა რაიონული კომიტეტი წყვეტდა საკითხს, მაგრამ ასე არ იყო. დადგენილება კი ავლაბრის კომიტეტმა მიიღო, ტერორისტებიც შეყარა, მაგრამ მთავარი ბრძანების მიმცემი ვინც ყოფილა, ვგონებ გამოჩნდა ცინცაძის მოგონებიდან.

მთავარი ორგანიზატორი ილიას მკვლელობისა, ცხადია, ბოლშევიკების მთავარი კომიტეტი გახლდათ. ეს არ არის ჩვენი ვარაუდი, ეს გახლავთ ფაქტი. ტერორის მანქანის ის სტურქტურა, რაზედაც ზემოთ ვისაუბრეთ სხვა ვერსიას გამორიცხავს! კერძოდ, 1907 წლის მაისის შემდგომ ცენტრთან შეთანხმების გარეშე აკრძალულია ყოველგვარი თვითმოქმედება. თუ ადრე ექსპროპრიაცია, ანუ ძარცვა ბანკებისა თუ სხვა დაწესებულებათა იყო სასახელო საქმე, ახლა იგივე ქმედება ისჯება პარტიული სასჯელით, – მინიმუმ პარტიიდან გარიცხვით და მაქსიმუმ სიკვდილით.

თუ ადრე რაიონულ კომიტეტებს და „ტყის ძმებს“ დამოუკიდებლად შეეძლოთ ტერაქტის განხორციელება, ახლა ეს აკრძალულია და ცენტრი სიკვდილით დასჯის ყველა თვითნება ტერორისტს.

დიახ, 1907 წლის მაისის მე-2 ნახევრის შემდეგ ასეთია პარტიული ცხოვრების წესი.

რატომ? რა ციური მაღლი ესხვიმფინარა ამ ტერორისტულ პარტიას?

საქმე იმაში გახლავთ, რომ ლონდონში გამართულმა პარტიულმა ყრილობამ (30 აპრილი – 13 მაისი, 1907წ.) აკრძალა როგორც ცალკეულ პირთა მიმართ ტერორი, ისე ძარცვა – ექსპროპრიაცია.

ამ დროისათვის როგორც ბოლშევიკები ისე მენშევიკები ჯერ კიდევ ერთი პარტიის წევრები არიან. ყრილობის გადაწყვეტილებანი სავალდებულოა ორივე ფრაქციისათვის.

ვინაიდან ექსპროპრიაციებმა, ტერორმა მიიღო უმართავი სახე, ამდენი „დრუჟინებიდან“ არავინ იცოდა ვინ ვის კალვდა, რატომ, რისთვის; ვინ ვის ძარცვავდა, – პარტიას თავად შეექმნა პრობლემები.

ერთი ჯგუფი შეუთვლიდა რომელიმე მილიონერს ფული გადაეხადა, დახატავდა ფურცელზე რევოლვერს, გადაჯვარედინებულ ხანჯლებს. ქვეშ მიუხატავდა კუბოს და ამ „ძვირფასი“ შეტყობინებით აუწყებდა, რა რიცხვამდე უნდა გაეღო ფული, თუ არა, როდის ელოდა სიკვდილი. ის კაცი იხდიდა პატიოსნად. ახლა მეორე ჯგუფი მიადგებოდა მსხვერპლს. ეს ქაოსი თვით პარტიისთვის გახდა საზარალო.

ამის გარდა, მთავრობა ისე გაძლიერდა, დაჭერებისა და სიკვდილის შიშით პარტიის რიგები შაგრენის ტყავივით ილეოდა.

ამიტომ პარტიამ თავად დაადგინა, ხელი აეღო ინდივიდუალურ ტერორსა და ძარცვაზე. ამის თვალსაჩინო მაგალითი იყო სოც-დემოკრატების რეაქცია იმ ძარცვაზე, რომელიც ბოლშევიკებმა ჩაიდინეს 1907 წლის 13 ივნისს ერევნის მოედანზე.

სტალინის უშუალო ხელმძღვანელობით კამომ და მისმა ბანდამ ერევნის მოედანზე ხელყუმბარებით ამოხოცეს მცველები და გაიტაცეს ხაზინის ფული 250 000 მანეთი.

ამის გამო მაშინ თბილისის პოლიცმანისტერმა თავი მოიკლა.

ეს ფული სოსოს დავალებით კამომ ჩაუტანა პირადად ლენინს. ახლა ამას უარყოფენ ვიეთნიმენი, მაგრამ რა ვუყოთ იმ ფაქტს, რომ მამალი ბოლშევიკი მ. ჩოდრიშვილი სწორედ საბჭოთა დროში ბეჭდავს მოგონებას, როგორ გაუკეთა მან კამოს სამალავებიანი ტახტი, როგორ წამოიღეს ძარცვიდან 3 დღის შემდეგ ამ ტახტით ფული კამომ, ერთმა მუშამ, მიხა ბოჭორიძემ და ვილაც მარომ.

როგორ შეინახეს ფულით სავსე ტახტი ობსერვატორიის შენობაში, სადაც მათი ერთი ამხანაგი ცხოვრობდა და მსახურობდა კიდეც... (უფრო ადრე აქ სტალინი ცხოვრობდა და მუშაობდა). ამის შემდეგ ეს ჩოდრიშვილი გაფისულ ღვინის ტიკს და უცნაურ ჩემოდანს გადასცემს კამოს ფულის საზღვარგარეთ გასატანად, თან დასძენს, ის კი აღარ ვიცი, ოფიცრის ფორმაში გამონყობილმა კამომ ფული ცენტრალურ კომიტეტში ტიკით წაიღო თუ ჩემოდნითო.

ამ მოგონების ავტორი, მუშა კი იყო, მაგრამ უბრალო კაცი არ გეგონოთ. ის იყო პარტიის საიდუმლო საწყობისა და პარტიული სალაროს გამგე.

„ერთ შემოდგომის საღამოს მ. ცხაკაიამ და სოსო ჯულაშვილმა მომიტანეს ორასი თუმანი, შემდეგ თვითონვე გადაანაწილეს პროვინციებში“-ო. ასე რომ, რასაც ჩოდრიშვილი ყვება, დაეჯერება, მით უფრო მის წიგნს (იხ. „ჩემი თავგადასავალი“, თბ. 1927წ.) მიხა ცხაკაიასა და ფილიპე მახარაძის წინასიტყვა ახლავს.

რატომ გავიხსენე ბანკის ძარცვის ამბავი?

ვინაიდან ეს ძარცვა სტალინის ხელმძღვანელობით V ყრილობის შემდეგ მოხდა, სოსომ მადლობის ნაცვლად საშინელი ქარიშხალი მოიმკო. მენშევიკებმა დასვეს მისი პარტიიდან გარიცხვის საკითხი. ლენინმა, როგორც იტყვიან, ამ ამბავს წაუყრუა. აბა, მენშევიკებმა რა იცოდნენ, რომ ყველაფერი თვით ლენინთან იყო შეთანხმებული, რომ სტალინი ყრილობის წინ საიდუმლოდ შეხვდა ლენინს და ა.შ.

რომ რაც მთავარია, ფული თვით ილიჩმა მიიღო.

ახლა მეცნიერები დავობენ – გაირიცხა თუ არა მაშინ პარტიიდან სტალინი.

ჩვენი კვლევითვის ამას არანაირი მნიშვნელობა არ აქვს. მთავარი ის არის, რომ თვალსაჩინო გავხადოთ 1907 წლის V ყრილობის შემდეგ, ანუ მაისიდან, პარტიის ცენტრალურ კომიტეტთან შეუთანხმებლად დასჯადი ქმედება რომ არის თვით ისეთი „სასარგებლო“ საქმის ჩადენაც კი, როგორცაა ბანკის ექსპროპრიაცია და პარტიისათვის ამ გზით ფულის შოვნა. ანუ დასჯადია ისეთი ქმედება, რომელსაც სულ ცოტა ხნის წინ ბოლშევიკ-მენშევიკები სიამოვნებით აკეთებდნენ ერთად. აკი მოგვიანებით გაკვირვებული დანერს ბოლშევიკ-ტერორისტი ცინცაძე: „თუ ექსი“ ცუდი საქმე იყო, ჩვენ ორივენი ცუდ საქმეს ვაკეთებდით

და რა საბუთი იყო, რომ მენშევიკები ამ ნიადაგზე ჩვენ წინააღმდეგ ილაშქრებდნენ?!”

არის საკითხის მეორე მხარე. მიუხედავად იმისა, რომ ჟორდანია და მენშევიკებმა ყველაფერი ილონეს სტალინის დასასჯელად, (ნლების შემდეგ მენშევიკ მარტოვსა და სტალინს შორის ამ საქმეზე რეზონანსული დავა ატყდება) მაშინდელ პრესაში არ გამოჟონილა არაფერი.

ჟორდანია ან რომელიმე მენშევიკს რომ საჯაროდ ემხილებინა ბოლშევიკები, ჯერ მათივე პარტიას უტყდებოდა სახელი და მერმე თავს დაილუპავდნენ, რადგან მათ, როგორც მთავრობის ინფორმატორებს, სიკვდილით დასჯიდნენ.

ბანკის ძარცვა რა არის იმასთან შედარებით, რა რეზონანსიც ილიას მკვლელობას მოჰყვა?

მენშევიკები იმუამად იძულებულნი იყვნენ გადაფარებოდნენ ბოლშევიკებს, რადგან პირველ რიგში საკუთარ ტყავს და პარტიის ინტერესებს იცავდნენ. თუ, რა თქმა უნდა, უარესად არ იყო საქმე და არ დაუფუჯრებთ იმ ავტორებს, რომელნიც ჟორდანიასაც სდებენ ბრალს იმაში, რომ წინასწარ მანაც იცოდა მკვლელობის შესახებ და პილატესავით დაიბანა ხელი (თუმც ვლასა მგელაძე იგონებს, რომ ჟორდანია 1907 წლის 3 ივნისის, ანუ მეორე სათათბიროს გარეკვის შემდეგ ციხეშია).



თუ ბანკების ექსპროპრიაციასაც კი ვეტო დაადო პარტიამ... ბუნებრივია, ადგილობრივ უჯრედებს ტერორი უკვე სასტიკად ეკრძალებოდათ. თუ გადახედავთ 1907 წლის მე-2 ნახევრის მენშევიკთა გაზეთებს, ყოველ ნომერში ისე ებრძვიან და გმობენ ტერორისტებს, თითქოს ეს ტერორისტები საკუთარ უბეში არ ჰყავდათ.

პარტიული ტერორისტი. შეუთანხმებლად მოქმედებისათვის თავად ისჯებოდა სიკვდილით. ამ ვითარებაში ილიას მკვლელთა სითამამე გაპირობებულია იმით, რომ მათ დავალება პარტიის მთავარი კომიტეტიდან ჰქონდათ.

მაგრამ თუ იდეურ ნიადაგზე ტერორს ახლა უკვე თავად პარტია კრძალავს, რა მოტივით უნდა მოეკლათ ტერორისტებს სახელმწიფო საბჭოს წევრი? მინდა მკითხველს შევახსენო პატიმარ გრეკოვის დაკითხვის ოქმი, სადაც ის ამბობს, რომ ბახვის კრებაზე

როცა ერთმა ამხანაგმა იკითხა – რატომ უნდა მოვკლათ ილია ჭავჭავაძეო, მას ბათუმიდან ჩამოსულმა ამხანაგმა უპასუხა – ჭავჭავაძემ ჩვენ გვიღალატაო.

ერთი შეხედვით ამ სრული აბსურდის ახსნა ძალიან მარტივად შეიძლება.

ბახვის კრებას ესწრებიან პარტიის „ნითელრაზმელები“.

ბუნებრივია მათ იციან, რომ პარტიაში ცენტრალიზებული სისტემაა. ძველებურად აღარ შეუძლიათ დაუსჯელად გამოასალმონ სიცოცხლეს ის, ვისაც მოისურვებენ.

იდეურ ნიადაგზე ტერორი არ შეიძლება.

ერთადერთი, ვისი მოკვლაც ნებადართულია, არის პარტიის გამცემი და მოღალატე. ამ ბრალდებით უამრავი ადამიანი დახოცილი. ის, ვინც ორი ამხანაგი მიავლინა ბახვის კრებაზე, ჭკვიანი იყო. ჭავჭავაძემ ჩვენ გვიღალატაო. ამის თქმა ბნელ ხალხში შურისძიების ფირმანის გასაცემად დასჭირდათ.

ერთი სიტყვით, თუ ყოველივე ზემოთქმულს გავითვალისწინებთ, დასკვნა ერთია – რაიონული კომიტეტი მთავარი კომიტეტის მითითების გარეშე ბეჭედდასმულ ქაღალდს ილიას მკვლელობის შესახებ არ შექმნიდა. ხოლო ბოლშევიკების მთავარი კომიტეტი, იმის გათვალისწინებით რაც მათ ივნისში ერევნის მოედანზე 250 000 მანეთის გატაცების გამო თავს გადახდათ, ვერ იმოქმედებდნენ დამოუკიდებლად.

250 000 მანეთის გატაცების გამო მენშევიკებმა უჩივლეს არა უშუალოდ მძარცველს, კამოს, არამედ მოითხოვეს სტალინის პარტიიდან გარიცხვა.

სტალინი კი მაშინ დაიცვა ლენინმა. რადგან ეს ძარცვა მასთან იყო შეთანხმებული და ფულიც მას გადაეცა.

ბანკის ძარცვის გამო ატეხილი აურზაურის შემდეგ, ბოლშევიკები ცენტრთან შეთანხმების გარეშე მით უფრო ველარ ნავიდოდნენ დამოუკიდებლად ილიას მკვლელობაზე.

მაგრამ ნუთუ ამ ელემენტარულ ლოგიკას თავის დროზე ძიება არ გაჰყვა? როცა მკვლელებმა განუცხადეს, კომიტეტის დავალებას ვასრულებდითო, რატომ პარტიის ცენტრალურ ფიგურებს თუ არა, საქართველოს ამ მთავარი კომიტეტის წევრებს მაინც არ მოჰკიდეს ხელი?

მარტივად, ძეხორციელმა არ იცოდა არც კომიტეტების და არც მთავარი კომიტეტის პერსონალური შემადგენლობა. ამას წერს მაშინდელი ყანდარმერია. სხვადასხვა ტერაქტებთან დაკავშირებით

იუნყებთან – ვიჭერთ ცალკეულ რევოლუციონერებს, მაგრამ კომიტეტის შემადგენლობას ვერ მივაკვლიეთო.

დღეს შეგვიძლია ბოლშევიკთა მთავარი კომიტეტის წევრთა ვინაობაზე ვიმსჯელოთ. ვინ იყვნენ ისინი და რატომ იყო შეუძლებელი მათი კვალის მიგნება?

ის რომ მთავარი კომიტეტის კვალის მიგნება და შემადგენლობის გაგება შეუძლებელი იყო, ამას აღიარებს მაშინდელი მთავრობა.

„რევოლუციური მატინის“ 1925 წლის მე-3 ნომერში დაბეჭდილია ძალიან საინტერესო საარქივო მასალა, მისი სათაურია „საქართველოს რევოლუციური მოძრაობა მთავრობის დახასიათების თანახმად“.

(მოკლე მიმოხილვა რევოლუციონური მოძრაობის მიერ კავკასიაში 1904 წლიდან 1909 წლის მანძილზე მომხდარი თვალსაჩინო ტერორისტული აქტების ჩამოთვლით)“.

ამ სათაურის ქვეშ უზრნალი გვამცნობს: „ეს საქმე (№86, 1909წ.) ეკუთვნის კავკასიის მეფის მოადგილის კანცელარიის საგანგებო განყოფილებას. საქმე შედგენილია მეფის მოადგილის დავალებით და ტფილისის სასამართლო პალატის პროკურორის ხელმძღვანელობით პროკურორის ამხანაგის მოსკალიოვის მიერ.“

მთელი მასალა შეიცავს 416 გვერდს მანქანაზე დაბეჭდილს“.

ამ ვრცელ, მშრალ და დოკუმენტური თვალსაზრისით ყველაზე სანდო ნაშრომში ჩამოთვლილია თითქმის ყველა ტერაქტი, რაც 1904-1909 წლებში მოხდა, მათ შორის სოც-დემოკრატიების მიერ. ცხადია, ნახსენებია „დიდი ქართველი მწერალი და სახელმწიფო საბჭოს წევრი ილია ჭავჭავაძე“, რომელიც მოკლესო სოციალ-დემოკრატიული პარტიის ნაქეზებით. ვიმეორებ, ჩამოთვლილია თითქმის ყველა თვალსაჩინო ტერაქტი და ბოლოს ახლავს დასკვნა – „მთავრობამ ვერ აღმოაჩინა ტფილისში არსებული მთავრობის საწინააღმდეგო პარტიათა ცენტრალური კომიტეტი“ (დასახელებული უზრნ. გვ. 148)

ასე რომ, როცა დღეს საუბრობენ იმაზე, არ გვაქვს არავითარი პირდაპირი სამხილი რომელიმე მაღალი სტატუსის ბოლშევიკის ილიას მკვლელობაში მონაწილეობისა და პირდაპირ ხელს ვერ დავადებთ ვერავისო, ეს არის არა მეცნიერული სიფრთხილის გამოვლინება, არამედ არცოდნა იმ „ეპოქის ქერქისა“, რომლის გათვალისწინებით ყველაფერს ნათელი ეფინება. კერძოდ, თუ ვიცით 1907 წლის ზაფხულში ვინ წარმოადგენს ბოლშევიკთა მთავარ კომიტეტს, ვიცით მკვლელობის ორგანიზატორებიც.

ზემოთნარმოდგენილი დასკვნის გათვალისწინებით უარსაყოფია ის აზრიც, რომ ილიას საქმეზე ძიება შეგნებულად არ გავიდა შემკვეთებზე, აქაოდა, ჟანდარმერიას არ აწყობდა ესო.

კი მაგრამ, თავიანთი გენერლების მკვლელთა შემკვეთებზე გასვლაც არ უნდოდათ? დაბალი თანამდებობის პირებზე რომ არაფერი ვთქვათ (1905 წლის თებერვლიდან 1906 წლის მაისამდე მოკლულია 136 ოფიციალური პირი), მთავრობის ყველაზე ერთგული გენერლის ალიხანოვ-ავარსკის ვერც დამჭრელები აღმოაჩინეს, (როგორც გითხარით, დაჭრეს ქუთაისში ბოლშევიკებმა), მათი გვარები მხოლოდ საქართველოს გასაბჭოების შემდეგ გამოქვეყნდა, და ვერ იპოვეს ვერც მისი მკვლელობის შემკვეთები. ალიხანოვ-ავარსკი მოკლეს ლენინაკანში დაშნაკებმა.

ასე რომ, საიდუმლო ანგარიშიდან ამოღებული ეს ერთი ფრაზა – „მთავრობამ ვერ აღმოაჩინა თბილისში არსებული მთავრობის საწინააღმდეგო პარტიათა ცენტრალური კომიტეტი“, მრავლისმეტყველია. მშვენივრად იცოდნენ კომიტეტი რომ იქნებოდა ამა თუ იმ ტერაქტის შემკვეთი, მაგრამ თვით კომიტეტი იყო გასაიდუმლოებული.

როგორ ახერხებდა კომიტეტი ამას?

საიდუმლოდ დარჩენის რამდენიმე ხერხი არსებობდა.

1) არათუ კომიტეტის, არამედ პარტიისათვის სხვა მნიშვნელოვანი წევრებიც 1906 წლის, ანუ რევოლუციის დამარცხების შემდეგ, ვალდებულნი არიან იცხოვრონ პარტიული მეტსახელებით, მაგალითად, საიმონ სებაგ მონტეფიორე ჩამოთვლის ათეულობით ე.წ. „კლიჩკას“ და გვარს, რომელსაც ატარებდა ი.ბ. სტალინი. როცა მაგ. ის 1908 წლის 25 მარტს დააპატიმრა ბაქოს პოლიციამ. საბუთებით იყო გაიოზ ნიჟარაძე მალლაკიდან. თითქმის ყველა დაპატიმრების დროს მას სხვადასხვა გვარი აქვს.

უფრო მეტიც. ერევნის მოედნიდან 250 000 მანეთის ნაღების შემდეგ მთელი იმპერია ეძებდა ცნობილ ტერორისტს კამოს. კამო გერმანიაში დააპატიმრეს სხვა გვარით. (წასვლისას პასპორტი ათხოვა სამეგრელოს მთავართა შთამომავალმა კოკი დადიანმა)... პოლიცია კი კვლავ კამოს ეძებს, რომელიც სულ სხვა რევოლუციონერი ჰგონია. დიდი ხნის ძებნის შემდეგ, გამცემის წყალობით გაიგეს, რომ გერმანიაში პატიმრობაში მყოფი პირი იყო კამო, იგივე პეტროსიანი.

სტალინი 1907 წლის აპრილში ჯერ ლენინთან საიდუმლო შეხვედრაზე და იქიდან მე-5 ყრილობაზე წავიდა ივანოვიჩის მეტსა-

ხელით. ყრილობის შემდეგ 1 კვირით პარიზში მიდის და იქიდან თბილისში ბრუნდება ახლადგარდაცვლილი სიმონ ლეჟავას პასპორტით...

ე.წ. „კლიჩკებით“ და სხვა გვარ-სახელებით ცხოვრება იმდენად ჩვეულებრივი წესი იყო, რომ 1917 წელს თებერვლის რევოლუციის შემდეგ, როცა 10 წლიანი ემიგრაციიდან მიხა ცხაკაია დაბრუნდა, საზღვარზე გადმოსვლისას მექანიკურად ისევ მოგონილი გვარ-სახელი უთხრა მესაზღვრეებს...

2) პარტია ცხოვრობდა მასონური პრინციპით. დავალების მიმღები იცნობდა მხოლოდ დავალების მიმცემს, აქ წყდებოდა მისი ინფორმირებულობა.

3) გაცემის შემთხვევაში გამცემი ან მისი ოჯახი ისჯებოდა სიკვდილით.

4) პარტიის ხელმძღვანელობას აისბერგით შქონდა ორი მხარე – ხილული და უხილავი.

როგორც პირი, ისე პარტია იყო ლეგალური და არალეგალური. მაგ, ლეგალურად, ვთქვათ, ი. ჯულაშვილი იყო გაზეთ „დროს“ გამომცემელი და იმავე ლეგალურ გაზეთში კო-ს (კობა) ფსევდონიმით ბეჭდავდა სტატიებს. მაგრამ იმავე გაზეთში შეიძლებოდა წაგეკითხათ ამბავი მომხდარი დანაშაულის, ვთქვათ, ბანკის ძარცვის შესახებ, რომელსაც თვით გაზეთის გამომცემელი, ცხადია, სხვა სახელით თავად ხელმძღვანელობდა.

პარტიის უმაღლესი ხელმძღვანელობა იყო, ხილულიც და უხილავიც. მაგალითად, ყველამ იცოდა ვინ იყვნენ სათათბიროს სოციალ-დემოკრატიული ფრაქციის წევრები, მაგრამ არავინ იცოდა ვინ იყვნენ ცენტრალური კომიტეტის წევრები, მიუხედავად იმისა, რომ ფრაქციისა და ცენტრალური კომიტეტის წევრი, ორი სხვადასხვა სახელით, ერთი და იგივე პირიც ყოფილიყო.

ასეთია არასრული სურათი იმ კონსპირაციისა, რომლის გამოც მთავრობა ჩიოდა ცენტრი ვერ აღმოვაჩინეთო.

მაგრამ 1921 წლის შემდეგ ეს დამალული აღარ იყო. ჩვენ შევიძლია აღვადგინოთ იმ ბოლშევიკთა გვარები, რომელნიც ბოლშევიკურ ფრაქციას ხელმძღვანელობდნენ საქართველოში 1907 წლის ზაფხულში და რომელთაც ილიას მკვლელობას მისცეს დასტური.

თავი X

ლენინ-სტალინის როლი
ილიას მკვლელობაში



ლენინი

ამიერკავკასიის მთავარი კომიტეტი, როგორც საზოგადოდ პარტიის, ისე ბოლშევიკთა და მენშევიკთა ფრაქციებისა, ძირითადად დაკომპლექტებული იყო ქართველებისაგან.

მიუხედავად იმისა, რომ თბილისში მუშათა მცირერიცხოვანი რაოდენობა იყო, ვთქვათ, ბაქოსთან შედარებით, ამიერკავკასიაში პროლეტარიატის პარტიის მექად მაინც თბილისი იქცა. ლენინი იძულებული გახდა V ყრილობის შემდეგ ქართველი ბოლშევიკებისათვის დაევალებინა, ბაქოში გაეშალათ მუშაობა, სადაც ნამდვილად იყო პროლეტარიატი და ამიტომ მიაშურებს 1907 წლის ზაფხულ-შემოდგომიდან ყველამ ბაქოს.

იყო სხვა მიზეზიც. თბილისში, როგორც ამიერკავკასიის ცენტრში უფრო ძლიერი იყო ხელისუფლება და ბოლშევიკებს აქ აღარ დაედგომებოდათ. მთავარი კი ის იყო, რომ ნავთობის წყალობით ბაქო მილიონერების ქალაქად ქცეულიყო და საყაჩაღოდ დიდ ასპარეზს წარმოადგენდა. კიდევ ერთი, ბოლშევიკებმა თბილისში ისედაც ვერ გაშალეს ფრთები.

მენშევიკებისაგან განსხვავებით, მათ 1907 წლისათვის არც თანამგრძობი ჰყავდათ ბევრი, სულ 500-მდე მხარდამჭერს ითვლიდნენ მთელ საქათველოში. არც ავტორიტეტები ჰყავდათ.

თუ პირველ სათათბიროში სოციალ-დემოკრატთა ფრაქციის თავმჯდომარე ქართველი მენშევიკი ნოე ჟორდანიას იყო,

თუ მე-2 სათათბიროში ფრაქციის თავმჯდომარე ქართველი მენშევიკი კაკი წერეთელი იყო (გიორგი წერეთლის ვაჟი, სახელგანთქმული ორატორი),

თუ მე-3 და მე-4 სათათბიროში (და სხვა სათათბირო აღარც არჩეულა) ფრაქციის თავმჯდომარე ქართველი მენშევიკი კარლო ჩხეიძე იყო, ბოლშევიკები იქ რიგითი წევრების გაყვანასაც კი ვერ ახერხებდნენ.

მაშ რაში იყო ქართველი ბოლშევიკების ძალა? – შეიარაღებულ ფორმირებებში და ტერორში, ამით სცემდნენ ისინი შიშის ზარს ყველას. „სტალინის აზრით, მას ლენინის შემდეგ ყველა სხვა დელეგატთან შედარებით უპირატესობა ჰქონდა: ყველა ამ ყბედს შორის მხოლოდ მე მქონდა შეიარაღებული ჯგუფების ორგანიზები-

სა და მართვის გამოცდილება;” – იკეხნიდა ის. (იხ. საიმონ სებაგ მონტიფიორე, „ახალგაზრდა სტალინი“, თბ. 2009წ., გვ. 155)

ბოლშევიკებს არ ირჩევდნენ არათუ სათათბიროში, არამედ ისინი ვერ გავიდნენ 1907 წელს თავისივე პარტიის მე-5 ყრილობის დელეგატებადაც კი. ამიტომ მათი არჩევა ყრილობის დელეგატებად მოხდა მხოლოდ სათათბირო ხმის უფლებით. (ლონდონის ყრილობაზე გადამწყვეტი ხმის უფლებით მხოლოდ სტ. შაუმიანი ყოფილა არჩეული ბორჩალოდან)

აი, ამ არჩევნების შედეგად ვგებულობთ, ვინ იყვნენ მაშინ თბილისში მთავარი ბოლშევიკები.

ბერისაგან გაყალბებულ პარტიის ისტორიას ვერ დავეყრდნობით, ამიტომ წავიკითხოთ მიხა ჩოდრიშვილის მემუარები. აი, რას წერს ის: „1907 წელს ჩემს ბინაზე მიხეილის ქუჩაზე (შემდეგ პლესხანოვის, ამჟამად აღმაშენებლის ქ. – ნ.გ.) მოეწყო ამხ. ბოლშევიკების კრება, ამის შესახებ თუ ვინ ამოგვეჩია ლონდონის სიეზ-დზე გასაგზავნად. კრებას დაესწრნენ: ამხ. მიხა ცხაკაია, ფ. მახარაძე, ს. ჯუღაშვილი, ს. შაუმიანი, მ. ტოროშელიძე, ვ. ნანეიშვილი, ზ. ჩოდრიშვილი, მ. ბოჭორიძე, მ. ჩოდრიშვილი, ასატ კახოიანი და სხვა ბევრი ამხანაგები, რომელთა გვარები აღარ მახსოვს.

ამ კრების დამსწრე ამხანაგების აზრთა გაცვლა – გამოცვლის შემდეგ, არჩეულ იქნენ შემდეგი პირები: ქუთაისიდან ამხ. მიხა ცხაკაია, ტფილისიდან სოსო ჯუღაშვილი და ბორჩალოს მაზრიდან სტეფანე შაუმიანი და ასატ კახოიანი”. (იხ. მ. ჩოდრიშვილი, „ჩემი თავგადასავალი“, თბ. 1927წ.) სხვათა შორის, ყრილობის დელეგატად საქართველოდან აირჩიეს მაქსიმ გორკიც.

ამ ჩამონათვალიდან ჩანს ვინ იყო მაშინ ბოლშევიკთა ელიტა, ჩვენთვის საინტერესო საკითხისათვის გვაქვს მეორე უფრო მნიშვნელოვანი ჩანაწერი. კერძოდ, 1907 წელს ჟანდარმერიისათვის თვალის ასახვევად შექმნილა თბილისის ლიტერატურული ბიურო, რომელიც სინამდვილეში იყო ბოლშევიკების მთავარი კომიტეტი. ამ „ლიტერატურული ბიუროს“ წევრები არიან მიხა ცხაკაია, სოსო ჯუღაშვილი, ფილიპე მახარაძე, მიხეილ ბოჭორიძე, სტეფანე შაუმიანი, მიხეილ დავითაშვილი. ბიუროს შემადგენლობას დაახლოებით ადასტურებს ძველი ბოლშევიკი ვიქტორ ნანეიშვილი: „თბილისში მე ჩამოვედი 1907 წლის იანვარში.

რა მდგომარეობაში დამხვდა ბოლშევიკური ორგანიზაცია? ბოლშევიკურ ორგანიზაციებს ხელმძღვანელობდნენ თვალსაჩინო მუშაკები კობა ჯუღაშვილი, სტ. შაუმიანი, მიხა ცხაკაია, მ. დავი-

დოვი, მ. ოკუჯავა და სხვა. ბიუროში შედიოდა 6-7 კაცი". ("რევ. მატრიანე" 1928წ. №1)

ი. ჯულაშვილი, მ. ცხაკაია, ფ. მახარაძე, მ. ბოჭორიძე, სტ. შაუმიანი, მ. დავითაშვილი.

აი, ეს არის მთავარი კომიტეტის ის შემადგენლობა, რომელიც 1921 წლის შემდეგ გახდა ცნობილი და რომელიც თავის დროზე მეფის მთავრობამ ვერ აღმოაჩინა.

აი, ეს არის მთავარი კომიტეტის ის შემადგენლობა, რომლის მითითებითაც დუშეთის რაიონულ კომიტეტს ის ავადსახსენებელი ბეჭედდარტყმული დადგენილება უნდა მიეღო. (სავარაუდოდ, ამ სიიდან შეიძლება ამოირიცხოს მ. ცხაკაია, რომელიც აპრილის ბოლოდან 10 წელი საქართველოში აღარ ყოფილა).

ეს არის დასკვნა მიზეზ-შედეგობრივი ლოგიკიდან გამომდინარე.

კვლავ გავიმეორებ.

1) ის, რომ ტერაქტს აწყობს ტერიტორიული პრინციპით რაიონული ორგანიზაცია, ამას ადასტურებს მრავალი ბოლშევიკის მოგონება. კონკრეტული სტრუქტურის შესახებ თქვენ უკვე ნაიკითხეთ იმუამინდელი ტერორისტის არშაკ მემრაბიანცის წერილში – „როგორ მოკლეს გენერალი გრიაზნოვი 1906 წელს.“

2) ის, რომ 1907 წლის მაისის შემდეგ რაიონულ ორგანიზაციას აღარ ჰქონდა დამოუკიდებლად ამის გაკეთების უფლება შეგიძლიათ ნაიკითხოთ 1907 წლის 2 სექტემბრიდან წლის ბოლომდე მენშევიკების გაზეთ „ჩვენი გზის“ თითქმის ყოველ მეორე ნომერში.

3) ის, რომ მთავარი კომიტეტის წევრი ი. ჯულაშვილი არათუ განიცდიდა რაიონული კომიტეტის „გადაწყვეტილების“ „შეცდომას“, არამედ არაპირდაპირ თავად იყო ილიას მკვლელობასთან დაკავშირებული, შეგიძლიათ ნაიკითხოთ მისი ძველი მეგობრის იოსებ ირემაშვილის გერმანიაში გამოცემულ წიგნში – „სტალინი და საქართველოს ტრაგედია“ (ბერლინი, 1931წ. თავი XII).

4) ის, რომ მთავარი კომიტეტის წევრმა ფილიპე მახარაძემ არათუ დაგმო ქვემდგომთა „მცდარი გადაწყვეტილება“, არამედ 7 სექტემბრის სოციალ-დემოკრატების კრებას, (მენშევიკ-ბოლშევიკების კრებას) ერთი ხმის უპირატესობით დადგენილება გამოათანინა, არ მიეღოთ ილიას დაკრძალვაში მონაწილეობა, არ გაეგზავნათ არავითარი გვირგვინი, შეგიძლიათ ნაიკითხოთ იმდროინდელი აქტიური სოციალ-დემოკრატის ვლასა მგელაძის წიგნში „მოგონებები“ (პარიზი, 1972წ. გვ. 97)

5) ის, რომ ბახვის კრებაზე ითქვა ილიას მკვლელობაზე დავა-
ლება პარტიის ცენტრალური კომიტეტიდან მოდისო, ეს დოკუმენ-
ტი შეგიძლიათ იხილოთ თვით პ. გუგუშვილის წიგნში – „ილია ჭავ-
ჭავაძის მკვლელობა“ (თბ. 1938წ.)

ვინ იყო იმ დროს ქართველ ბოლშევიკთა შორის მთავარი ფი-
გურა? ყველაზე პოპულარულები იყვნენ მიხა ცხაკაია და ფილი-
პე მახარაძე, მაგრამ ყრილობის შემდეგ ცხაკაია დარჩა ლენინთან
საზღვარგარეთ, ჟენევაში. 10 წელი ის საქართველოში აღარ ჩამო-
სულა.

საქართველოში პირველ ბოლშევიკად იქცა 28 წლის სოსო ჯუ-
ლაშვილი. მართალია ფილიპე უფრო პოპულარული იყო, მაგრამ
პარტიაში პირველობა პოპულარობას არ მოაქვს.

6) მახარაძისაგან განსხვავებით, სტალინი 1905 წლიდან უკვე
პირადად იცნობს ლენინს. ყრილობის წინ შეხვდა საიდუმლოდ.
ყრილობის შემდეგ კამოს ხელით უგზავნის ერეენის მოედნი-
დან წამოღებულ უზარმაზარ თანხას. სტალინს უკვე უწოდებენ
კავკასიის ლენინს და (თვით ლენინმა შეარქვა მგზნებარე კოლ-
ხიდელი) რაც მთავარია, არის ლენინის დამფინანსებელი. (ობი-
ექტურობისათვის უნდა ითქვას, ნაძარცვ ფულს თავად არ იტო-
ვებდა).

ზოგჯერ დეტალი ძალიან ბევრს ამბობს. მაგ. ტერორისტი მო-
ნასელიძე იხსენებს, იმ პერიოდში ჯულაშვილმა, რომლის თანა-
რედაქტორი იყო ფილიპე, როგორ დაუთათხანა ფილიპეს და კბი-
ლების ხრჭილით უთხრა – გაზეთისთვის შეპირებული მასალა
რატომ არ დაწერეო... სიტყვასიტყვით ასე წერს: „კარგად მახსოვს,
როგორ დაავალა სოსომ მახარაძეს (თავის თანარედაქტორს) ორი
სტატიის დაწერა. (ლაპარაკია 1907 წელზე, ნ.გ.) მახარაძე დილის 9
საათზე უნდა მოსულიყო, მაგრამ მხოლოდ მეორე დღეს გამოჩნდა
და თქვა, რომ ჯერ არაფერი დაუწერია. ამ დროს სოსო შემოვიდა
და იკითხა, რატომ არ ვინწყებდით გაზეთის გამოცემას. მე მიზეზი
ჯუთხარი. კბილები გააღრჭიალა, სიგარეტს მოუკიდა და მახარა-
ძეს ეჩხუბა. მერე ჯიბიდან სტატიები ამოიღო და გაზეთში ისინი
ჩავსვით“.

ყოველივე ამას გიამბობთ იმის გამო, რომ ხშირად ისმის კითხ-
ვა, ვინ იყო მაშინ ახალგაზრდა სტალინი, რა შეეძლო მას? აი, ბა-
ტონო, ვინ იყო, უფრო მალლა მდგომი ვიდრე თვით ფილიპე. ის კი
არა, როგორც იმჟამად ემიგრაციაში მყოფი, ძველი ბოლშევიკი,
მწერალი დავით სულიაშვილი წიგნში „დღენი ჩემი ცხოვრებისა“

იგონებს, სოსოს საშინელი აღშფოთება გამოუთქვამს მიხა ცხაკაიას საზღვარგარეთ დარჩენის გამო, ანუ ის უკვე ცხაკაიაზე მეტადაც გრძნობს თავს.

მთავარი კი ჟანდარმერიის ჩანაწერებია, რომლის მიხედვით ჯერ კიდევ 1904 წელს გადასახლებიდან გამოქცეული ს. ჯულაშვილი ქართველ ბოლშევიკთა მეთაურად იხსენიება.

შორს წაგვიყვანს. ბევრი ჩანაწერის მოყვანა შეიძლება. ძირითადი ის არის, რომ შეიარაღებულ ფორმირებებს ხელმძღვანელობს კობა. ძალა არის მის ხელში. ახლა მკითხველმა განსაჯოს, ვინ არის იმ დროს ქართველ ბოლშევიკთა მთავარი ფიგურა? ტერორისტი ბაჭუა კუპრეიშვილი იხსენებს – „სტალინის ინიციატივითა და ბრძანებით ჩამოყალიბდა მუდმივი შეიარაღებული ბანდა. ჩვენ გვევალებოდა იარაღის შოვნა, ციხიდან გაქცევის ორგანიზება, ბანკებისა და არსენალების გაძარცვა და მოლაღატების დახოცვა“. ეს მოგონება ეხება ჯერ კიდევ 1907 წლამდე პერიოდს.

ერთი სიტყვით, იმ დროს სტალინი იყო ის ფიგურა, რომლის დავალებით ან რომელთან შეთანხმებით ხდება ყველა პარტიული ტერაქტი ან ექსპროპრიაცია.

და მაინც, ვიღაც ფიქრობს, რატომ განირავდა ის კაცი ილიას, რომლის პირველი ლექსები სწორედ ილიამ დასტამბა „ივერიის“ ფურცლებზე? ვისურვებდი, დაფიქრდეს შემდეგზე: საფრანგეთის დიდი რევოლუციის დროს, 4 წლისა და 1 თვის განმავლობაში სარევოლუციო ტრიბუნებმა სიკვდილით დასაჯეს 19 000 კაცი.

XVIII საუკუნის ინგლისში, ელისაბედის მეფობის 45 წლის მანძილზე, სიკვდილით დასაჯეს 18 000 კაცი.

მე-19 საუკუნეში იმავე ინგლისში 1810-1826წ.წ. სიკვდილით დასაჯა 15 652 კაცი.

მე-19 საუკუნის ბოლოს მონაცემები კლებულობს. მაგ. ინგლისში 1888 წელს 36 განაჩენიდან სისრულეში მოიყვანეს 22. საფრანგეთში 1881-1890 წლებში სულ 84 განაჩენიდან ალასრულეს მხოლოდ 4. თვით რუსეთში მხოლოდ პოლიტიკურ დანაშაულზე 1868-1891 წლებში 134 განაჩენი გამოიტანეს. 1891-1900 წლებში 126 განაჩენი (მონაცემები იხ. ჟურნ. „კატორღა და ციმბირი“, 1924წ. №1 გვ. 48)

XX საუკუნეში სტალინის ზეფობის პირველსავე წელს მცირერიცხოვან საქართველოში მხოლოდ 1924 წელს სიკვდილით დასაჯეს 15 000 კაცი.

ეპოქების და მშრალი ციფრის შედარებისას გამოკვეთილ ტრაგიკულ შინაარსს, გაგრძელება აღარც კი უნდა სჭირდებოდეს, მაგრამ სამწუხაროდ სჭირდება ამ ყიამეთგამოვლილ საქართველოში.

კი, ჯულაშვილმა იცოდა ილიას ფასი, მაგრამ სიყვარულით მას თავისი პირველი თანამეცხედრე უყვარდა. იმდენად უყვარდა, რომ სწორედ 1907 წლის ნოემბერში, როცა მის ახალგაზრდა ცოლს, სვანიძის ქალს მარხავდნენ, ჯულაშვილი კუბოს ჩაყვა და ზევით ძლივს ამოათრია. (სხვათა შორის, ამ ამბავს ზემოხსენებული იოსებ ირემაშვილი იხსენებს, რომელიც საფლავზე სტალინის გვერდით იდგა და ასევე გერონტი ქიქოძე). მერედა, განა ამ სიყვარულმა ხელი შეუშალა იმაში, რომ, როცა საჭიროდ ჩათვალა, მთელი ოჯახი დაეხვრიტა მეუღლისა? არც მეორე ცოლი ალილუევა სძულდა. იმის ოჯახის წევრებიც დახვრიტეს.

ამ ფაქტების შემდეგ (ათეულ მილიონობით საბჭოთა ადამიანის დახოცვას რომ თავი დავანებოთ, სოლჟენიცინი სულაც 110 000 000-ს ასახელებს ლენინ-სტალინის პერიოდში, ეს ხომ მისთვის სტატისტიკა იყო) რატომ არ დავიჯეროთ ეს სიტყვები, რომელიც მონტიფიორეს მოჰყავს თავის წიგნში? კამენევმა სტალინს მაკიაველის „მთავარი“ მისცა, რაც ნაკლებად კეთილგონივრული საჩუქარი იყო იმისთვის, ვისაც ისედაც მაკიაველისტური ბუნება ჰქონდა. ხმაურიან სადილზე კამენევმა ყველას სთხოვა, მათ ცხოვრებაში ყველაზე დიდი სიამოვნების შესახებ მოეყოლათ. ზოგიერთმა ქალები დაასახელა. შემდეგ სტალინის ჯერი დადგა და თქვა: „ჩემთვის უდიდესი სიამოვნება მსხვერპლის შერჩევა, უმოწყალო შურისძიების სწრაფი დაგეგმვა, განხორციელება და შემდეგ მშვიდად დაძინება“.

დაბოლოს, „გადახანით საქართველო“, – ეს ხომ სტალინის ფრაზაა შავით თეთრზე დანერილი?

არა, თუ დასჭირდებოდა ილიას რატომ ვერ განირავდა? ცალკეულ მკვლევართა აზრი შესახებ იმისა, რომ სტალინი ილიას მკვლევლობის დროს ბაქოში იყო, არაფერს ნიშნავს. ასეც რომ ყოფილიყო, არანაირ ალიბს ეს არ წარმოადგენს.

ალიბი მაშინ იქნებოდა, ვინმე რომ წერდეს, ბერდენკა პირადად მას ეკავა ხელში.

გადანყვეტილების მიღება ბაქოშიც შეიძლებოდა. ესეც არ იყოს, სტალინი ყრილობის შემდეგ საქართველოში სწორედ 4 ივნისს დაბრუნდა. ის პირადაპირ ბაქოში არ ჩასულა, მიუხედა-

ვად იმისა, რომ მისი ბიოგრაფები ამას მალავენ, ფაქტია, რომ მეუღლე სწორედ ზაფხულში წაიყვანა თბილისიდან ბაქოში. ის აქ იყო ივნისში კამოს მიერ 250 000 მანეთის გატაცების დროს. ტერორისტ კუპრეიშვილის ცნობით ამ ძარცვაშიც მონაწილეობდა.

ჩვენ არანაირი ინტერესი არ გვაქვს სტალინის დადანიშნულებისა ილიას მკვლელობაში, მაგრამ მისი გამორიცხვა მხოლოდ ერთ შემთხვევაში შეიძლება, თუ ის არ იყო ფილიპესთან, ცხაკაიასთან, ბოჭორიძესთან, შაუმიანთან, დავითაშვილთან ერთად მთავარი კომიტეტის წევრი, ხოლო ცხაკაიას შემდეგ, მთლად ამ კომიტეტის ლიდერი... ფაქტია, რომ იყო. ფაქტია ის, რომ პარტიული მკვლელობა მთავარი კომიტეტის ორგანიზებით ხდებოდა, განსაკუთრებით V ყრილობის შემდეგ. ამ მთავარ კომიტეტს კი ჯუღაშვილი ხელმძღვანელობდა.

მაგრამ არის ერთი მაგრამ, რასაც ახლა მოგახსენებთ, ეს ჩვენი აზრია და არა ფაქტი. არც სტალინს, არც მახარაძეს და მათი კომიტეტის არც-ერთ წევრს, ძალიანაც რომ სდომოდათ, ილიას მოკვლა იმუამად ხელს არ აძლევდათ. 13 ივნისის ექსპროპრიაციის შემდეგ, სტალინის პარტიიდან გარიცხვის საკითხის დასმის შემდეგ, და იმის გათვალისწინებით, რომ ოქტომბერში მე-3 სათათბიროს არჩევნები უნდა ჩატარებულიყო, ილიაზე ხელის აღმართვა პოლიტიკურ თვითმკვლელობას ნიშნავდა. ამას მიხვდნენ მენშევიკები. ამიტომ იყო მათი ყოველდღიური გაზეთის – „ჩვენი გზა“, თითქმის ყველა ნომერი პირველ გვერდზე რედაქციის სამგლოვიარო განცხადებას რომ ბეჭდავდა.

ამიტომ იყო, ბოლშევიკებისგან განსხვავებით, თბილისის მთავარი კომიტეტის დადგენილებას რომ არ დაემორჩილენ და დაკრძალვაზე სიტყვაც წარმოთქვეს კარლო ჩხეიძემ და ვლასა მგელაძემ.

ამიტომ იყო მენშევიკები გააფრთხილებულნი რომ იცავდნენ თავს და იცავდნენ ბოლშევიკებსაც – ილია ჩვენ არ მოგვიკლავსო... სულ მალე არჩევნებზე გასვლა ელოდათ.

მაშინდელი ქართული საზოგადოების სამარცხვინოდ უნდა ითქვას, რომ ილიას მკვლელობიდან თვე ნახევრის შემდეგ მე-3 სათათბიროს არჩევნები ისევ სოციალ-დემოკრატებმა მოიგეს!

და მიანც, თუ ბოლშევიკებმა 1905 წელს ვერ მოჰკლეს ილია, მხოლოდ იმის გამო, უცხოეთში სახელი გაგვიტყდება, რადგან უცხოეთში ილიას დემოკრატად და დიდ მწერლად იცნობენო, გა-

ნა სახელმწიფო საბჭოს წევრად არჩევის შემდეგ უცხოეთში უფრო ცნობილი არ გახდა ჭავჭავაძე?

ახლა რატომ გაეხვია პარტია ამ სკანდალში?

შეიძლება ვიფიქროთ, რომ ეს იყო შურისძიება მე-2 სახელმწიფო სათათბიროს გარეკვის გამო, როცა სოციალ-დემოკრატთაგან ბევრი დაპატიმრებულ იქნა კიდევ. აკი წინასწარ იმუქრობდნენ, - ამონარიდი ერთი წერილიდან - „შეთქმულება მზადდება“: „თავად-აზნაურობას უნდა დუმის გარეკვა. რუსეთის სახელოვან ნოდებას ამ მზადებაში ერთი რამ ავინყდება. სახელდობრ ის, რომ მათი გულმოდგინების წყალობით ხელახლა დაბერავს მათი გამანადგურებელი, დღეს მიწყნარებული რევოლუციის გრიგალი. მაშ, დაე, ეცადნონ თავად-აზნაურებმა“. (გაზ. „ლახვარი“, №2, 1907წ. 9 აპრილი).

ილია თავადი იყო და თან სახელმწიფო საბჭოს წევრი, საბჭოში ახლოს იყო კადეტებთან, რომლებსაც ამ მუქარის ავტორები მიიჩნევდნენ სათათბიროს გარეკვის ინიციატორებად. მაგრამ სათათბიროს გარეკვისა და მისი წევრების დაპატიმრების გამო, არა მგონია, ილიაზე ეძიათ შური. ჯერ ერთი, პირადად ილია სათათბიროს გარეკვასთან რა კავშირში იყო და მეორეც, მაშინ შური მენშევიკებს უნდა ეძიათ, რადგან ამ ორგანოში ისინი მოღვაწეობდნენ და სათათბიროს დათხოვნის შემდეგ ისინი დაიჭირეს.

ჩემის ფიქრით, ბოლშევიკები ამჯერადაც იმ კაცთან შეთანხმდნენ, ან იმ კაცის დავალება მიიღეს, ვის შესახებაც 1870 წლის მოვლენების აღწერისას ვწერდი, სწორედ ამ წელიწადს დაიბადა ილიას მთავარი მკვლელი - მეთქი. ეს იყო ვლადიმერ ილიას ძე ულიანოვი - ლენინი!

შემთხვევითი არ არის, რომ ილია საქართველოში დიდი თანამდებობის პირთაგან ბოლშევიკების უკანასკნელი მსხვერპლი იყო მანამ, ვიდრე ბოლშევიკები საბოლოოდ არ გაეთიშნენ მენშევიკებს. (თუ მხედველობაში არ მივიღებთ 1908 წელს ეგზარხოს ნიკონის დღემდე იდუმალებით მოცულ მკვლელობას. თუმცე ეს მკვლელობა, სავარაუდოდ, პირადი შურისძიების ან იდეოლოგიურად ნიკონის მიუღებლობის გამო უნდა განხორციელებულიყო სემინარიის მასწავლებლის ნიკოლოზ ნამორაძის მიერ. ამ ვარაუდის საფუძველს გვაძლევს ის გარემოება, რომ ნიკონის მკვლელობის გამო ეჭვი რამდენიმე სასულიერო პირზე იქნა მიტანილი ძიების მიერ, მათ შორის ამბროსი ხელაიაზე, როგორც ნიკონის მოწინააღმდეგეზე. მას მსჯავრიც კი დასდეს და რიაზანის სამების მონასტერში გაგზავნეს

„გამოსასწორებლად“. ამ დროს ერთადერთი იყო ყოფილი მღვდელ-მონაზონი ნამორაძე როგორც ეჭვმიტანილი, რომელიც საზღვარგარეთ გაიქცა და მხოლოდ 1917 წელს დაბრუნდა საქართველოში)...

მე-5 ყრილობამ ექსპროპრიაცია და თვითმოქმედება კი აკრძალა, მაგრამ დაუნდობელი ბრძოლა გამოუცხადა კლასთა ბრძოლის უარმყოფელებს და ნაციონალისტებს. ეს რეზოლუცია პირადად ლენინის ხელით დაინერა.

ვინ უარყოფდა კლასთა ბრძოლას საქართველოსა და რუსეთში?

საქართველოში ყველაზე დიდი ავტორიტეტი იყო ილია ჭავჭავაძე, რუსეთში ლევ ტოლსტოი. ერთისთვისაც კლასთა ბრძოლის თეორია კუდიანების თეორია იყო და მეორესთვისაც.

ორივე ერთნაირ დღეში ჰყავთ რევოლუციონერებს იმ აზრით, რომ ფულს ორივესგან მოითხოვენ. ილია არ აძლევს, არ აქვს ეს ფული. ტოლსტოი გაზეთით გამოუცხადებს, მე დიდი ხანია საკუთრებაზე ხელი ავიღე, თუ ეს ტყუილი გგონიათ, ასეთი მატყუარის ფული რად გინდათ. (ტოლსტოისებური გენიალური გულუბრყვილობა).

ქართველმა ბოლშევიკებმა ილია მოკლეს, ერთი თვის შემდეგ რუსებმა ტოლსტოი ვერ გაიმეტეს, მაგრამ მის სახლს თოფები დაუშინეს.

ვინ იყო ყველაზე დიდი ნაციონალისტი, ამ სიტყვის საუკეთესო გაგებით, საქართველოში? – ილია ჭავჭავაძე.

კადეტებსა და პოლონელ ნაციონალისტებს ლენინი დუჟმორეული ახსენებდა ყრილობაზე და მათთან დაუნდობელ ბრძოლას ითხოვდა. ილია სახელმწიფო საბჭოში სწორედ კადეტებთან, ნაციონალისტებთან ერთად მოღვაწეობდა. არცერთი ქვეყნის სოციალისტი, თავისი სამშობლოს ნაციონალურ ლიდერს სასიკვდილოდ არ იმეტებდა და არც თავისი ქვეყნის სეპარატისტულ მისწრაფებებს ებრძოდა ისე თავგამეტებით, როგორც ამას ქართველი ბოლშევიკები სჩადიოდნენ. ქართველმა ბოლშევიკებმა ვალი მოიხადეს ახალი დროის ჩინგიზ ხანის, სიბირსკელი ულიანოვის წინაშე და დიდი ალბათობით სწორედ მასთან შეთანხმებით თავიდან მოიცილეს ქართული ნაციონალიზმის მედროშე.

ჩვენ ამის დოკუმენტი არ გვაქვს, ეს დასკვნა მხოლოდ ლოგიკას ემყარება, მაგრამ თუ ქართველმა ბოლშევიკებმა ცენტრალურ კომიტეტში მათი მფარველისაგან ან შეკვეთა ან დასტური არ მიიღეს და თავად გამოუტანეს განაჩენი ილიას, კიდევ უარესი ფაქტებისათვის.

თუმცა, როცა ვამბობთ, ქართველმა ბოლშევიკებმა, მგონია, რომ ვცოდავთ სიტყვა „ქართველის“ წინაშე. ესენი ხომ თავად უარყოფდნენ ქართველობასაც და საქართველოსაც როგორც სამშობლოს. 10 წელიწადი ბოლშევიკების უხუცესმა ბელადმა მიხა ცხაკაიამ უცხოეთში გაატარა. მოხდა მისი საოცნებო რევოლუცია და უკან ბრუნდება.

კითხვაზე, სამშობლოში მიდიხართო? – ის პატიოსნად პასუხობს.

– მე მივდივარ კოსმოსის ერთი წერტილიდან მეორეში..

ამათვის საქართველო, სამშობლო, კოსმოსის ერთი წერტილი იყო.

ილიასთვის – სიცოცხლე და ბედისწერა.

ეს ბედისწერა ზოგჯერ გათქმევინებს, – „მაშა რაისათვის ცოცხალ ვართ?“ და თავს გაგანირვინებს.

კოსმოსის მხოლოდ ერთ წერტილად სამშობლოს შეგრძნება კი ცხოვრებას გიიოლებს, დედის ვალიდან გათავისუფლებს.

წამკითხველო, „შენა გნადს ან რომელითა?“

ბოლოთქმა

როცა დიდი ილიას სულიერ მემკვიდრეს ივანე ჯავახიშვილს კრძალავდნენ, შემთხვევით თბილისს ხევისურნიც ყოფილან. დამნუხრებულ ზღვა ხალხის დანახვაზე, გაოცებულებს უკითხავთ, ვის გლოვობს ქართველი ერიო?

აუხსნეს.

მაშ, ჩვენი მეფე მომკვდარაო, თქვეს ხევისურებმა. მივიდნენ და თავით დაუდგნენ ცხედარს. შინსახკომელებს უთქვამთ, აქ გაჩერება არ შეიძლებაო.

არც გაჩერებულან...

იქიდან რომ არ დაეთხოვათ, ხევისურები შეუჩერებლივ გარს უვლიდნენ ძვირფას ნეშტს.

ერთი ემიგრანტი პოეტის არ იყოს, იმ მთის ჯვაროსნებივით მუდმივ უნდა ვიაროთ ილიას გარშემო. ან უკვე დედა ეკლესიის მიერ წმინდანად შერაცხილ მგოსნის ირგვლივ.

ვილაც მადლიანს ერთ ფოტოსურათზე ილია ასე აღუბეჭდავს – მოძღვარი ერისა განმარტოებით დგას, ხელი შეუმართავს და საჩვენებელი თითით ვილაცას უხმობს.

ის გვიხმობს ჩვენ უკეთესი საქართველოსთვის!..



სარჩევი

თავი I	
ილიას ნუთისოფელი (1837-1907)	ტ. I. ტ. II - გვ. 4-270
1900	5
1901	27
1902	51
1903	69
1904	89
1905	111
1906	176
1907	214
თავი II	
„მთანმინდა გულში იხუტებს საშვილიშვილო სამარეს“	271
თავი III	
ვინ იყო ილიას მკვლელობის შემკვეთი, ორგანიზატორი და რისთვის?	316
თავი IV	
ილიას მეორედ მოკვლის მცდელობა	371
თავი V	
მოკლა თუ არა ჟანდარმერიამ ილია?	414
თავი VI	
ილიას მკვლელობის პარტიული დადგენილება	471
თავი VII	
ვინ იყო იდუმალი „იმერელი“ ანუ ილიას მკვლელთა ბანდის მეთაური?	479
თავი VIII	
დუშეთის მაზრის ყველაზე საშინელი და მოუხელთებელი ბოლშევიკ-ტერორისტი ანუ ბანდის მეთაური „იმერელი“	499
თავი IX	
ილიას მკვლელობის პარტიული ორგანიზატორები	522
თავი X	
ლენინ-სტალინის როლი ილიას მკვლელობაში	532

ISBN 978-9941-9183-0-8
ISBN 978-9941-9183-2-2 (ტომი-II)

ნოდარ გრიგალაშვილი

თანამდევნი სული

(ილია და მისი ეპოქა)

რედაქტორი:

ივანე ამირხანაშვილი

კომპიუტერული უზრუნველყოფა
ნინო მაისურაძე, ლალი გაბრატიონი,
ლალი ლორია, ზურა მაჩაბელი

დამკაბადონებელი

გიორგი მაისურაძე

გამომცემლობა
„ახალი საქართველო“
თბილისი
2011 წ

ნოდარ გრიგალაშვილის სხვა ნიშნები

1. „აღსავლის კართან“, 1987 წ. (ლექსები)
2. „იქმენინ ნათელი“, 1987 წ. (მონოგრაფია)
3. „ზრუნვის საგანი“, 1988 წ. (ლიტერატურულ-კრიტიკული წერილები)
4. „ქართული ლიტერატურის პერიოდიზაციის საკითხები“, 1989 წ.
5. „მიხეილ ჯავახიშვილი“, 1989 წ.
6. „სამწუხარო პარალელები“, 1990 წ. (I-II გამოცემა, პუბლიცისტური წერილები)
7. „სკოლაში შესასწავლი ქართველი მწერლები“, 1990, 1995, 1999, 2003, 2005, 2006 წწ. (XX საუკუნის ქართული ლიტერატურის სახელმძღვანელო)
8. „ნიკო ლორთქიფანიძე“, 1995 წ.
9. „კონკურენცია ქართულად ანუ რამდენიმე სურათი და ეპიზოდი ყაჩაღების ცხოვრებიდან“, 1998 წ. (დოკუმენტური პიესა)
10. „ჩემი დარდი და ირონია“, 2003 წ. (კრიტიკა, პოლემიკა, პუბლიცისტიკა)
11. „ლექსები“, 2008 წ.
12. „ფეთქულაჰ გიულენის ზნეობრივი გაკვეთილები“, 2010 წ. (სტამბოლი. თურქულ ენაზე), 2011 წ. (თბილისი. ქართულ ენაზე)